



8

3-E

14




Ex Bibliotheca
majori Coll. Rom.
Societ. Jesu


~~81276~~
81
81

~~82-E-42~~

~~8-3-E-14~~

~~8-6-E-14~~





DE
L'ESTAT ET
SVCCCEZ DES
AFFAIRES DE FRANCE.

Oeuure despuis les precedentes Editions, augmenté, enrichy, & illustré, contenant sommairement l'Histoire des Roys de France, & les choses plus remarquables par eux instituées pour l'ornement & grandeur de leur Royaume.

Ensemble vne sommaire Histoire des Seigneurs,
Contes, & Ducs d'Anjou.

Par Bernard de Girard, Seigneur du Haillan, Secretaire de
Monseigneur le Duc d'Anjou, de Bourbonnois, & d'Au-
uergne frere du Roy, ayant charge & commandement
de sa Maiesté, d'escrire l'Histoire de France.

Coll. Rom. Soc. Jesu Cat. mss.

B. 5.



BIBLIOTECA NAZ.
ROMA
VITTORIO EMANUELE



A P A R I S,

A l'Olinier de Pierre l'Huillier, rue S. Iaques.

1 5 7 2.

Avec priuilege du Roy.





AV

TRESCHESTIEN
Roy de France, Charles IX.

Bernard de Girard son treshumble &
tresobeissant seruiteur & subiect.



SIRE, il y a tantost deux ans
qu'ayant mis en lumiere un petit
Liure intitulé, DE L'ESTAT
ET SVCCEZ DES AF-
FAIRES DE FRANCE,
que ie desdiay à Monseigneur vo-
stre frere, il a esté si bien veu &
receu, tant en vostre Royaume,
qu'aux pays estrangers, qu'il à esté
par plusieurs fois reimprimé, & à
en plusieurs choses satisfait à ceux qui l'ont veu. Mais combié
qu'il ait donné contantement à beaucoup de personnes, si est-ce
qu'en le renoyant, il ne me l'a pas apporté tel que ie le desirois
pour eux & pour moy, quand il m'a semblé que son bastiment
estoit trop petit pour loger la grandeur des Roys, & des affaires

ã ij



de France, & que l'architecture & la proportion qui sont deues à l'edifice d'un tel ouurage, ny estoient pas en tout biē obseruées. Dont desirant luy donner, non pas sa perfectiō, (car il me seroit mal aisé, voire impossible,) mais au moins quelque chose qui en approchast, & ayāt depuis recouuert quelques belles antiquitez propres à son enrichissement, i'ay employé une bonne partie de l'Hyuer & du Printemps derniers à reuoir mon œuvre: & en le reuoiant, i'ay demolly son premier bastiment de fonds en comble, puis me seruāt de ses materiaux, ie l'ay rebasty tout de neuf, beaucoup plus grād, plus beau, plus somptueux, & mieux proportionné qu'il n'estoit parauant. De facon qu'il ne luy demeure presque rien de sa premiere cōstruētiō, que la Place, le Nom, & le Tiltre, que ie n'ay voulu luy oster, afin qu'il fust mieux reconnu par iceluy, pour lequel il a esté desia si biē venu. Or, SIRE, dès que ie cōmençay à le refaire, ie delibēray de vous le dōner & desdier, pour vous monstrer en luy, un patron de la grande piece de l'Histoire de France, qu'il vous a pleu me cōmander d'escrire. Ce que toutesfois ie n'ay voulu faire, sans en demander congé à mondiēt Seigneur vostre frere, auquel i'auois desdié le premier, lequel ayant trouuée bonne ma delibération, m'a commädé de le faire. Aussi me sembloit-il que cest œuvre qui traite des affaires de Frāce, & qui parle des deportemēs & actions des Roys vos ancestres, & des belles Constitutiōs par eux faictes, vous deuoit estre dedié, tāt pour ce qu'il parle des vostres, & que vous aimez la lecture de la vie de ceux ausquels vous auez succédé, que pour vous monstrer ce que ie scay faire en l'Histoire de France. Et puis que vous prenez plaisir, SIRE, à lire les choses appartenantes à ladiēte Histoire, vous trouuerez en cest œuvre de quoy

vous contanter, car de quatre Liures qu'il contient, vous lirez au Premier & au Second, bien bresuement la naissance & l'origine de vostre Royaume, les actions particulieres & les deportemens des Roys d'iceluy, les guerres qu'ils ont souffertes & entreprises, les Conquestes qu'ils ont faictes, les pratiques & menées dressées par eux: & contre eux, & en somme vous y verrez au vis pait comme en un Tableau, l'entier Estat des affaires de la France, depuis douze cens ans, iusques à la fin du regne du Roy Loys vnzieme. Je ne me suis amuse en ces deux premiers Liures, à descrire au long leur Histoire, comme à faire la description d'une bataille, ny d'un siege & prise d'une ville ou d'un pays, ny des conseils tenus pour les grands affaires, ny à reciter les opinions, Concions, ou Harangues des Roys ou des Capitaines, ny leurs beaux mots: ny tant d'autres choses particulieres qui en guerres & en paix, se sont passées en ce Royaume, car ie reserve à faire celà, au grand corps de l'Histoire de France, de laquelle ie suis desia bien auant, comme ie vous ay cy deuant faict entendre: mais seulement i'ay en iceux voulu desdire le plus bresuement qu'il m'a esté possible, ce qui s'est passé durant leur regne. Le Troisieme liure, SIRE, vous fera voir dequoy & comment, & de combien de facons de gouuernement, ce Royaume est composé encores que ce soit une Monarchie, comment la maiesté & la puissance des Roys est limitée par bonnes Loix qu'eux mesmes ont faictes, & auxquelles ils se sont voulu s'oumettre, sans les vouloir ouirepasser: comment les honneurs, estats, & dignitez sont proportionnement distribués en France, selon la qualité d'un chascun: puis vous y verrez quelle est l'autorité de l'Eglise, de la Iustice, & de la Noblesse: La

liberté & les vocations du Peuple, les diuerses natures & les changemens diuers des Parlemens & des Conseils, l'introductiō des Apannages, l'establissement des premieres Loix: l'institution des Pairs de France, des Bans & Arrierebans, des Compagnies des gens de guerre: des impositions mises sur le peuple, pour l'entretienement des Roys & de leurs charges: la prerogatiue des enfans des Roys & des Princes du sang, le respect porté aux filles des Roys, l'autorité des Regens & Regentes, le reglement & dispensation des Finances, les grādes prerogatiues que nos Roys ont par dessus tous autres Roys, & par quel droit & comment sont venuz à la couronne la plus part des Duchez, Contez, & autres Seigneuries qui y sont annexées. Finablement vous y verrez les choses plus signallées & plus remarquables instituées par noz Roys, tant pour la representation de leur grandeur. & Maiesié, que pour la conseruation & force de leurs loix & de leur Estat. Le quatriesme liure vous monstrera, SIRE, la creation & l'institution de tous les officiers de vostre Royaume, tāt de ceux qui sont pour la guerre, pour la iustice et pour l'ornement de la grādeur & maiesié des Roys, & pour le soustien des loix, des Roys & du Royaume, que de ceux qui sont pour les finances, pour le seruice particulier de la personne des Roys, & pour leurs plaisirs. l'ay quelque opinion & esperance, SIRE, que cest ouurage vous sera agreable, & s'il vous plaist, luy faire ceste faueur de le faire lire deuant vous, ie vous puis bien promettre que vous y verrez des choses qui vous porteront un singulier contentement, & apres cecy, ie vous feray voir dedās peu d'années l'Histoire entiere des Roys vos predecesseurs, car puis qu'il vous a pleu (en me la commandant) commencer à me

faire du bien, & m'en promettre encore d'auantage, ie me veux rendre digne de l'un & de l'autre, & m'acquitter si bien de mon deuoir, que ie ne puisse estre blasmé d'auoir mangé ingratement & inutilement vostre bien, & d'auoir trompé vostre esperance, & ma promesse faite deuant tout le monde. Je vous ay par cy deuant donné un modèle d'icelle, par un petit Traicté intitulé, Promesse & dessein de l'Histoire de France, que ie fis voir à vostre Maiesté au mois de Ianuier dernier à Amboise.

Voila pourquoy ie ne luy en diray autre chose pour ceste heure, seulement ie la supplieray treshumblement d'attendre en bonne esperance ceste Histoire, à laquelle ie travaille ordinairement avec beau. oup de peine, de diligence, de recherches, & de despence. Mais l'esperoir que i'ay que vostre Maiesté fauorable & liberalle enuers les bonnes lettres, & le travail de ceux qui suent apres la description de vos Histoires, le scaura bien recognoistre, est comme un doux unguent qui adoucit la rigueur de ma peine, & qui me fait travailler sans m'appercevoir que ie travaille.

SIRE, ie supplie le Createur vouloir longuemēt conseruer vostre Maiesté en toute prosperité & santé.

L'IMPRIMEUR AVX

LECTEURS.

LEcteurs pour vous faire voir plus promptemēt ce bel Oeu-
ure de l'État & succez des affaires de France , ie l'ay fait
imprimer à deux presses, c'est à sçauoir à l'vne, le premier & le
second liure , & à l'autre , le troiziesme & le quatriesme . Ce
qui a esté cause que ne s'entresuiuans les lettres de l'Alphabet,
& les chiffres desdicts liures, nous auons esté contraincts de
vous faire deux Tables, l'vne pour les deux premiers, & l'autre
pour les deux derniers. De quoy i'ay biē voulu vous aduertir,
afin que vous cognoissiez le desir que i'ay eu de vous faire
promptement iouir du fruiēt du trauail de cest autheur, & de
ma diligence.

PREFACE AVX LECTEURS.



E que j'auois preu, Lecteurs
(& si ainsi ie l'ose dire) pro-
phetisé au commencement de
la Preface de cest Oeuure, en
ses premieres editions; est ad-
uenu, quād ie disois que quel-
cun de vous, possible plus
prompt à iuger librement de
toutes choses, que biē aduisé,
comment il en fault iuger, ne
regardant que le dehors de cest œuure, sans prendre la
peine de voir ce qui est dedans, diroit soudainement
voyant ce Tiltre de l'Estat & successez des affaires de
France, qu'il est bien hautain & braue, que du premier
front il promet beaucoup de soy, & qu'il ressemble à
quelques bastimens commencez, qui n'ont qu'un super-
be frōtispace, ou vne belle porte, ou vne magnifique en-
trée, n'ayant au dedans aucune partie logeable, ny cor-
respondante à la magnificence du dehors. Cela, dis-je
Lecteurs, est aduenu, & ie sçauois bien qu'il aduiēdroit,
car quelques vns qui sont plus soudains iuges que bons,
ayans veu seulement le Tiltre, & le frontispice de mon
Liure, & n'ayans voulu suiure mon conseil, qui estoit de
ne s'amuser à regarder si curieusement l'entrée de ce ba-

stiment, ains d'entrer dedans pour le voir & considerer en toutes ses parties, ont incontinent iecté leurs folles sentences comme font les brefs ou prôpts iuges, & ont blasiné ce qu'ils entendoient le moins, & que le moins ils eussent sceu faire. Mais parmy les iugemens de tant de mauuais iuges, il y en a quelques vns qui faisans profession d'escrire, n'estimét rien que ce qui vient d'eux, & disent que ceux qui traittent quelque matiere semblable, ou approchante à la leur, derobent d'eux, & de leurs escrits, tout ce qu'ils disent, & sont si gloutons de gloire, qu'ils veullent que tous ceux qui escriuent, fassent mention d'eux avec vne honorable louange. Et oultre l'envie qu'ils portent aux liures d'autrui, ils en ont encore vne plus grande aux auteurs d'iceux, quand ils voyent que leurs noms & leurs ouurages sont en pris & reputation. Il y en a quelques vns de ceux là, Lecteurs, qui deuant que ie misse mes œuures en lumiere, m'estoient bons amis, mais quand ils ont veu que ie commençois de gagner quelque faueur parmy le monde, & que le Roy m'ayant cōmandé d'escrire l'Histoire de Frâce, me donnoit pour cest effect vn bon Estat, entretenemēt & pension, avec promesse de me faire encore plus de bien que celà, ont incontinēt descouuert leur mauuais naturel, & en iceluy engēdré vne telle ialousie cōtre moy, q̄ pēsans me mettre en la mauuaise opiniō d'vn chascū, ils disent & font dire par tout, par des ministres de leurs passiōs, q̄ ie suis vn Courtisan, tātost que ie suis vn endormeur de Mulots, tātost vn p̄metteur d'Histoires, & tātost me dō-

nēt d'autres qualitez de mots commūs en la bouche de tels bauards, & enuieux. Ausquels ils adioustēt que souz ce beau nom de promesse, ie veux piper le mōde, & tirer du bien de la liberalité des Roys, & qu'à la fin ie ne feray rien. Mais mes œuures, & mon trauail ordinaire les conuainct assez de mēsonge, car desia i'ay faiēt assez de preuue de ce que ie scay faire en l'histoire de Frāce, & i'ay par deuers moy vn si bō cōmancemēt d'icelle que i'ay faiēt, & qui n'est imprimé, & que plusieurs demes amis ont veu, que ces causeurs monstrent bien qu'ils veullent chiquaner ma promesse. Toutesfois, Lecteurs, si par leurs detractemens vous estiez desia esbrālez à perdre l'esperance que ie vous ay donnée de mon Histoire, ie vous prie vous asseurer qu'avec l'aide de Dieu, ie vous feray perdre ceste opiniō, & que par l'effect ie vous feray cognoistre, que scachant promettre, ie scay aussi tenir, & que leurs parolles ne me peuuent oster ny le moyen, ny la volonté d'executer ma promesse, & que leur malice ne doit vous priuer de la bonne esperance que ie vous en ay donnée. Leur enuie s'est iettée non pas sur mes escrits, pour le regard de mes escrits seulement, mais pour ce que le Roy m'a faiēt du bien qu'ils desireroient bien auoir. Ils se louēt à pris faiēt, & se grattent les vns les autres par leurs escrits, & avec des mots lourds: & puis taxēt ceux qui ont moyē de s'en ressentir par toutes sortes de ieuz de la main.

Voila, Lecteurs, comment ie vous remarque quelques vns de ceux que vous orez doreśnauant parler cō-

P R E F A C E

tre la promesse que j'ay faicte de l'Histoire de France, afin que vous les cognoissiez pour hommes enuieux du labeur, & du bon heur d'autrui.

Or pour vous rendre raison de la nouvelle façõ, & de la réédification de cest Oeuure : cõme depuis quelques mois ie l'ay voulu reuoir, il ne ma pas contanté, comme i'eusse bien voulu, bien qu'il eust contanté plusieurs personnes, & le voulant r'acoustre, il m'a semblé que ce seroit le meilleur de l'abbattre de fonds en comble, & puis le rebastir tout de neuf. Ce que j'ay faict, & en le rebastissant j'ay suiuy vn dessein tout autre que celuy que j'auois obserué au premier, car l'ayant faict plus grãd trois fois qu'il n'estoit, ie l'ay party en quatre liures, auxquels si en certains lieux vous trouuez quelque chose cõtraire à ce que j'ay escrit au premier Oeuure, vous ne deurez blasmer mes contrarietez d'opiniõs ny mes Retractions, desquelles plusieurs grands autheurs ont vsé, apres auoir mieux cognu la verité de la chose dont ils auoient escrit.

Et pour vous monstrier comme ie vous ay autresfois dict, quelle a esté mon intention & dessein au bastimẽt de c'est Oeuure, & pour vous instruire du profit q̃ vous en pourrez tirer, lequel vous pourrez mieux apprendre de moy que de nul autre, ie vous diray premierement que le Premier & le Second liure, sont vne sommaire Histoire de nos Roys, là où ie disbreuiemẽt ce qui s'est passé en leur regne, & quel durant iceluy à esté l'Estat des affaires de ce Royaume, mais au cours de leur Hi-

stoire ie diray plus particulieremēt leurs actions, meurs, & façons de viure, avec leurs faict̃s, batailles, conquestes, conseils, entreprises, & voyages, & toutes autres choses par eux faict̃es, & qui appartiēnent à vne Histoire. Le troisieme liure monstre les choses plus signalées & plus remarquables instituées par nos Roys, tant pour la representation de leur grandeur & Maist̃é, que pour la conseruation de leur Loix, & de leur Estat. Le Quatrieme declare l'institution des principaux officiers de France. Ce qui est plus au long exprimé en l'Epistre Dedicatoire au Roy. I'oseray bien dire hardiment, Lect̃eurs, que vous verrez, mesmement au Troisieme & Quatrieme liures, plusieurs choses faict̃es & instituées par nos Roys, qui n'ont encore esté escrites en nos Histories imprimées, ny cognues de tous noz Frāçois, & la cognoissance desquelles vous pourra apporter vne grāde cōmodité à l'intelligence des affaires de c'est Estat, & vn plaisir singulier, quād vous verrez q̃ ce Royaume à esté si biē estably, orné, & illustré de tāt belles Cōstitutiōs.

Ie confesse librement, Lect̃eurs, qu'au bastiment de mon Oeuure, ie me suis seruy & accommodé des pieces de plusieurs autheurs, tant Latins que François, tant anciens que modernes. Entre les François les vns sont morts, les autres vivent encore, & n'ay voulu changer leurs mots, en racomptant ce qu'ils ont dict̃, & que i'ay trouué propre à la matiere que ie traite. En la Preface de l'autre Oeuure ie ne les ay point nommez, ains. seulement i'ay dict̃, que bien que ie ne les nomma-

se quand ie me fers de leur labour , & que ie mets quelquefois vne, ou deux pages, ou trois, quatre, & cinq lignes de leur texte, si est-ce que ie ne voulois leur desrober ce que i'auois prins d'eux, & vous donnois liberté, lors que vous eussiez cognu en mes escrits quelque chose prinse en leur boutique, de dire que cela en venoit. Mais d'autant que cela n'a peu satisfaire quelques vns des viuans de ceux desquels ie me suis seruy, i'ay bié voulu à ceste heure vous nommer tant les morts que les viuans. Doncques ie me suis aidé des Histoires Dionisiennes, & Martiniennes, des Chroniques de Nicole Gilles, de Gregoire de Tours, du moine Aimoinus, de Sigisbert, de Hildebrand, de Paul Emile, de Robert Gaguin, de Froissard, de Monstrelet, de la Monarchie de France faicte par Seissel, des Recherches de France faictes par Estienne Pasquier Aduocat en la Court de Parlement de Paris, des doctes Commentaires, faicts par Loys le Roy dict Regius sur les Politiques d'Aristote, du liure des Magistrats de France faict par Vincent de la Louppe, du petit Chronicon de Messire Iean du Tillet, premierement Euesque de saint Brieu, puis de Meaux, & de deux articles que Clement Vaillant Aduocat en ladicte Court m'a donné, l'un sur les Apannages, l'autre sur les Pairies. Mais l'ouurage qui m'a le plus seruy & aidé, & duquel i'ay tiré les plus belles antiquitez que vous trouuerez au bastiment du Troisieme & Quatrieme liure, c'est de ce beau & laborieux Oeuure que fit Iean du Tillet, Greffier en la Court de Parle-

nient de Paris, lequel avec vne incroyable peine, vne admirable diligēce, & liaison de diuerſes pieces ramassées, & non moins grande despence, il à tiré de tous les plus précieux papiers, Monumēts, & Tiltres qui se retreuuent es Courts des Parlemens, Chambres des Comptes, & autres lieux publicqs, & des Chartres des Eglises de ce Royaume. Je dois veritablement, Lecteurs, le plus grād honneur du Troisiēme & Quatriēme liure au labeur dudiēt du Tillet, & veux bien vous dire qu'en plusieurs endroiēts, mō Oeuure pourra seruir d'un abregé du ſiē. Quant à la description des Estats des fināces, De Combes fils aîné du premier President des Generaux de Montferrant en Auuergne, m'a enuoyé vn liure qu'il à fait, contenant l'institution & origine de toutes les charges & impositions, tant ordinaires qu'extraordinaires qui se leuent en France, & des officiers ayans la charge d'icelles. De cest Oeuure là i'ay tiré la pluspart de ce que ie dis de l'institution des Officiers des Finances, & desdictes impositions. Mais aussi en tout mon Oeuure ie me suis grandement seruy des coppies des vieils Monumens qui se treuuent aux Registres des Courts des Parlemens, des Chambres des Comptes, & aux Chartres des Abbayes, qui m'ont esté prestées par quelques vns de mes amis qui n'ont voulu permettre que pour me reuācher de la liberalité dōt ils ont vsé enuers moy, & pour vous faire cognoître ceux de qui i'ay reçu ce bien, ie les nommasse en ce lieu. De tout cela, le labeur des extraicts des Recueils, & de la liaison & disposition

ē iiij.

P R E F A C E.

m'est entierement deu, lequel veritablement (si vous le considerez bien) n'est pas petit.

Après auoir vn peu respiré de la peine qu'il ma fallu prendre au bastiment de cest Oeuure, ie poursuiuray mon Histoire de France, laquelle comme autrefois i'ay dit ailleurs, à esté si mal escrite en Frâçois, (bien que plusieurs l'ayent faicte, & aucun ne l'ait faicte bien) & en Latin si negligemment, & froidement, que les Frânçois en doiuent auoir pitié, & desirer que quelcun y mette la main à bon esciét, & que de ces grosses masses d'Histoires Martiniennes, & Dionisiennes, & des Chroniques de Hildebrand, de Sigisbert, du moine Aimoinus, d'Eginhart, de Froissard, de Monstrelet, & d'autres ou puisse tirer la quinte essence, passée par l'alambic d'un bon iugement, & d'une bonne main pour la bien descrire selon son merite. Pour ce que la mauuaise façon de laquelle elle a esté traittée, a esté cause que les estrâgers, & les nostres mesmes desgoustez d'icelle, comme d'une bonne viande mal accoustrée, n'en aiment gueres la lecture, & pensent (tant ceste histoire mal escrite les desgoust) qu'auSSI peu sont estimables & louables les gestes de nos Roys, que leur histoire est peu agreable. Par ainsi ne la lisâns, & desdaignâns de la lire à cause de sa mauuaise façon, ils ignorent la grandeur & perfectiô de nostre Estat, & l'ignorâns ils ne la peuuent estimer, là où estant nostre histoire bien descrire, ils y prendront goust, comme à vne viande bonne de soy, & bien accoustrée, & par sa bonne sauce seront conuiez à gouter la grandeur

P R E F A C E.

la grandeur de noz Rois , tant à l'establissement de leur estat, qu'en leurs faits, conquestes, & batailles, & en leur iustice & religion, & seront tenuz de confesser que ceste Monarchie a esté si bien fondée, bastie, instituée, & ornée d'une tant admirable police, que iamais royaume, ou autre estat n'a esté mieux estably. Et conferans les affaires passez avec les presens, le meilleur tesmoignage & la plus seure preuue de ce qu'il a esté si bien estably, est sa ruine presente : car encores qu'il y ait long temps que noz malheurs prouenans de noz opinions & diuisions fassent tout ce qu'ils peuuent pour ruiner & demolir son edifice tant au pied qu'au feste , si est-ce que telle est sa structure, la matiere de ses loix est si forte, le cymment de sa police est si dur, & le fondement de ses belles ordonnances & constitutions est si bon, qu'on n'en peult venir à bout, ny en demolir en long temps qu'une petite piece. Et comme la bonne police, dont il est orné, luy a beaucoup seruy à sa grandeur, ainsi luy profite elle maintenant à sa ruine, empeschant quil ne puisse estre demoly comme seroit vn autre estat, dont le fondement ne seroit si bon. Mais n'estant icy le lieu, ny nostre suiet de parler de sa ruine, ains de sa grandeur, ie vous remettray à mon œuvre pour la voir bien au long, estant le discours de l'un beaucoup plus agreable que de l'autre. A Dieu.

LE CATALOGVE

DES ROYS DE FRANCE,

CONTENVZ AV PREMIER ET SECOND LIVRE.

L	<i>'Etablissement, fondation & estat du royaume de France, & venue des Francons en Gaule.</i>	page. 1.				
1	<i>Pharamond premier Roy des Francons, Franks, ou Fran- cois</i>	page 19.				
2	<i>Clodion le Cheuelu fils de Pharamond</i>	21				
3	<i>Merouee fils de Clodion</i>	22				
4	<i>Childeric fils de Merouee</i>	24				
5	<i>Clouis premier Roy Chrestien fils de Childeric</i>	30				
6	<table style="display: inline-table; vertical-align: middle;"><tr><td style="font-size: 3em; vertical-align: middle;">{</td><td style="padding: 0 10px;"><i>Childebert Roy de Paris</i> <i>Clotaire Roy de Soissons</i> <i>Clodamire Roy d'Orleans</i> <i>Thierry Roy de Mets</i></td><td style="font-size: 3em; vertical-align: middle;">}</td><td style="padding: 0 10px;"><i>fils de Clouis.</i></td></tr></table>	{	<i>Childebert Roy de Paris</i> <i>Clotaire Roy de Soissons</i> <i>Clodamire Roy d'Orleans</i> <i>Thierry Roy de Mets</i>	}	<i>fils de Clouis.</i>	40 46
{	<i>Childebert Roy de Paris</i> <i>Clotaire Roy de Soissons</i> <i>Clodamire Roy d'Orleans</i> <i>Thierry Roy de Mets</i>	}	<i>fils de Clouis.</i>			
7	<i>Clotaire se voit seul Roy de France</i>	45				
8	<table style="display: inline-table; vertical-align: middle;"><tr><td style="font-size: 3em; vertical-align: middle;">{</td><td style="padding: 0 10px;"><i>Cherebert Roy de Paris</i> <i>Sigisbert Roy de Mets</i> <i>Chilperic Roy de Soissons</i> <i>Guntran Roy d'Orleans</i></td><td style="font-size: 3em; vertical-align: middle;">}</td><td style="padding: 0 10px;"><i>fils de Clotaire</i></td></tr></table>	{	<i>Cherebert Roy de Paris</i> <i>Sigisbert Roy de Mets</i> <i>Chilperic Roy de Soissons</i> <i>Guntran Roy d'Orleans</i>	}	<i>fils de Clotaire</i>	46
{	<i>Cherebert Roy de Paris</i> <i>Sigisbert Roy de Mets</i> <i>Chilperic Roy de Soissons</i> <i>Guntran Roy d'Orleans</i>	}	<i>fils de Clotaire</i>			
9	<i>Chilperic seul Roy de France</i>	50				
10	<i>Clotaire deuxiesme, fils de Chilperic</i>	52				
11	<i>Dagobert premier, fils de Clotaire</i>	54				
12	<i>Clouis deuxiesme, fils de Dagobert</i>	55				
13	<i>Clotaire troisieme, fils de Clouis</i>	56				
14	<i>Childeric deuxiesme, frere de Clotaire</i>	57.				

LE CATALOGVE

15	Thierry frere de Clotaire & de Childeric	38
16	Clouis troisieme, fils de Thierry	60
17	Childebert deuxieme, frere de Clouis	60
18	Dagobert deuxieme, fils de Childebert	60
19	Chilperic deuxieme, fils de Dagobert	63
	Charles Martel Prince des Francois	63
20	Thierry deuxieme, fils de Dagobert	63
21	Childeric troisieme, fils de Thierry, surnommé Fay-neant, le dernier Roy de la premiere lignée.	65

LA RACE DE PEPIN.

22	Pepin le Bref, fils de Charles Martel	70
23	Charles le Grand, fils de Pepin	74
24	Loys premier du nom, dict le Debonnaire, fils de Charles le Grand.	81
25	Charles le Chauue, fils de Loys le Debonnaire	84
26	Loys deuxieme, dit le Begue, fils de Charles le Chauue	87
27	Loys troisieme, & Carloman, bastards du Begue	88
28	Charles le Gros fils du Begue	89
29	Eudes, fils de Robert Comte d'Angers	89
30	Charles le Simple, fils de Loys le Begue	90
31	Raoul Roy de Bourgongne	95
32	Loys d'outremer, fils de Charles le Simple	96
33	Lotaire, fils de Loys d'outremer	100
34	Loys cinquieme, fils de Lotaire	101

LA RACE DE CAPET.

35	Hues Capet Comte de Paris, par la faueur des Francois, esleu Roy de France	102
----	--	-----

36 Robert fils de Hues Capet	110
37 Henry premier du nom, fils de Robert	111
38 Philippes premier du nom, fils de Henry	113
39 Loys le Gros, sixiesme du nom, fils de Philippes	116
40 Loys le leune, ou le Piteux, septiesme du nom, fils de Loys le Gros	121
41 Philippes Auguste deuxiesme du nom, fils de Loys le Piteux	126
42 Loys huitiesme, fils de Philippes Auguste, pere de saint Loys	135
43 Saint Loys fils de Loys huitiesme	137
44 Philippes troisieme, fils de saint Loys	151
45 Philippes le Bel, quatrieme du nom, fils de Philippes troisieme. Roy de France & de Nauarre	154
46 Loys Hutin Roy de France & de Nauarre, fils de Philippes le Bel	168
47 Philippes le Long, fils de Philippes le Bel, Roy de France & de Nauarre	170
48 Charles le Bel, fils de Philippes le Bel, Roy de France & de Nauarre.	172
49 Philippes de Valois sixiesme du nom, fils de Charles Comte de Valois, fils de Philippes troisieme	178
50 Jean, fils de Philippes de Valois	189
51 Charles le Quint, fils de Jean	203
52 Charles sixiesme, fils de Charles le Quint	213
53 Charles septiesme, fils de Charles sixiesme	240
54 Loys unzieme, fils de Charles septiesme.	256

TABLE DES CHOSES

PLVS REMARQVABLES CON-

tenuës en ces deux premiers liures des *Estats*,
depuis la naissance du royaume de France
iusques à Charles huitiesme.

A

Ages quatre de la France. 3
les deus premiers Aages des
Rois. 105
Accroissement de la France. 5
Aduis pour ceux qui ont des femmes
impudiques. 234
Adolphe Empereur priué de l'Empire.
157
d'Alençon condamné à perdre la vie,
misericorde du Roy enuers luy de pri
son perpetuelle. 255
Alliance du Roy François avec l'An-
glois. 125.128.162
Almaric Arrian tué en bataille. 44
Ambassadeurs violez. 211
Ambition de l'Anglois. 183
Amiens & S. Quentin se rendent. 276
Alphonse espouse la Cõtesse de Thou-
louze. 138
la sainte Ampoule. 37
l'Anglois en Bretagne. 215. à Calais. 211.
l'Anglois aide sur la France. 246
en Bretagne. 186. 215. chassé de Fran-
ce. 153. couronné à Paris. 144. fauorise
les rebelles de France. 119. mal gou-
uerné. 175
l'Anglois en France. 185. 190. 199. 247.
victorieux. 241. deffait en Beaulle.

244. habille à succeder à la couronne,
& regent en Frâce. 239. meurt au boys
de Vincennes. 240. Vicaire de l'Em-
pereur. 184. demis de son vicariat. 185.
l'Anglois querelle pour le gouuernement
de la Frâce. 176. enten tã la pair.
200. pretend droit à la couronne de
France. 176
l'Aquitaine rendue à Charles-Maigne,
74
l'Argent ne se porte plus à Rome.
290
Armées & soupçon du pere contre le
fils. 255. en Arragon. 154. contre Paris.
266
Armées cinq pour le Roy. 209
l'Armignac Connestable. 237. tué. 138.
l'Armignac chassé de son Estat. 278. tué.
280
Armoiries anciennes de France. 38
Assemblée à Arras pour la paix. 245. à
Gand 210. à Paris. 196. & pour le gou-
uernement d'iceluy. 232. de Princes &
Seigneurs. 209
Atrilla Roy des Huns en Gaule. 22. ba-
taille contre luy. 25
Auatice de Prince. 163
Auguste tourmenta l'Eglise. 133. son af-
fection enuers icelle. 134
Auxerre erigée en Conté. 246

Baillifs & Senefchaux iadis iuges souuerains.	135
Bannis en defefpoir.	59
Barbares vaincus en Efpaigne.	148
le Bastard de Caftille en France.	204
le Bastard de Rubampré prins, & pour- quoy.	260
le Bastard de Bourbon noié	251
Basteleurs & farceurs chaffez.	146
Baftiments de S. Loys.	150
Bataille contre les Allemans 35. con- tre Atille & vaincus 23. d'Aurez en- tre Charles de Bloys & Jean de Mon- fort. 204. de Blangy pres Azincourt. 237. de Caftillon. 253. de Crecy. 187. de Formigny. 253. entre le François & l'Anglois. 141. pres Gisors contre les Anglois. 118. à Monr Caffier. 178. de mont le Hery. 267. de Mont Peuplet. 261. de Roſébec. 225. pres Soiffons entre le Simple & Robert 94. contre les Sarrazins vaincus. 64. de Vernueil lez le Perche. 245. de Poictiers. 192	
Batailles & meurtres dedans Paris	235
de Poitiers	192
Baudouyn Conte de Flandres enuié, fi- neſſe d'iceluy.	113
S. Bernard, Nobert de Lorraine, & Bruno citoyen de Cologne en France.	121.
Bertrand du Gueſclin, prins en Batail- le. 205. Conneſtable.	207
le Bien de l'hiſtoire.	62
Biens rédus aux Eccleſiaſtiques.	116. 134
Blanche de Caſtille mere du Roy ſainct Loys.	137
Blasphémateurs punis ſouz S. Loys.	150.
Bouchard de Montmorency & autres detiennent par force le bien de l'E-	

Bonheur & malheur de la France.	7. 11
Boniface Pape, arrogant, avec menace contre le Roy.	159. 160
Bonté de Charles V.	218
Bordeaux ſe rend à l'Anglois, reduicte.	253
Bourgongne reuoltée & reduitte.	288
le Bourguignon batru par les Suiſſes, perſide, meurt pres de Nancy.	287
le duc de Bourgogne tué à Montereau.	239
le duc Breton pour l'Anglois & enne- my du Roy.	211. ſe met du coſté du Roy.
le Breton prend des villes en Norman- die.	215
le Breton en crainte.	231
Bruz du Bel accuſées d'adulteres, & les adulteres punis.	164
Brunchault chaffée.	50

C

Calais prinſe.	187
Calamitez de la France.	71. 82. 192.
Calamité de temps.	201
Carloman & Loys Baſtards Roys.	88
morr d'iceux.	89
la Champagne promiſe au Roy.	274
Chapeaux Blancs de Flâdres. 225. ſe re- uoltent.	226
la S. Chapelle fondée à Paris par ſainct Loys.	147
Charles Martel, Prince des François.	63.
loix faiçtes par luy.	65
Charles-Magne ou le grâd.	74. en Italie.
75	
Charles-Maigne ſaiçt guerre contre les Saxons.	76
Charles-Maigne en Eſpagne contre les Sarraſius.	76. creé Empereur &

T A B L E.

Auguste.	77	rannie, & prend vengeance.	264
Charles le Chauue.	84	le petit Chastellet & petit pont par qui edifiez.	223
Charles le Chauue. 84. prcd l'Austrasie.		Chastimens des Seigneurs insolens.	112
85. superbe. 87		Cherebert Roy de Paris. 46. meurs.	48
Charles le Simple couronné Roy.	89	Cheualiers braues de France.	241
Charles le Gros Roy.	89	Childeric Roy chassé. 25. remis.	27
Charles le Simple mis en prison à Peronne.	95	Childeric Roy d'Austrasie. 56. tué.	57
Charles Duc d'Austrasie vray heritier de la couronne, en est debouré.	102.	Childeric Roy iij. 65. rondu & mis en monastere. 70. indigne du roiaume.	69
meurt sans hoirs.	103	le Duc de Clarence tué	240
Charles Conte de Flandres tué.	110	Clemence de vainqueur.	103
Charles le Bel Roy. 171. auare.	175.	Clemence de Roy.	111
meurt.	176	Clemence de Prince.	53
Charles Roy de Nauarte	189	Clement v. pape.	162
Charles d'Espaigne Connestable	189	Clifson prisonnier en Bretagne, en danger de sa vie. 229. ami au Duc de Bourgongne.	230
Charles le v. Roy dir le Sage	203	Clodion le Cheulu.	21
Charles vj. sans entendement	209	Cloifon & paué de la ville de Paris fait par Philippe Auguste, & l'Escheuina-ge de Paris institué par luy.	135
Charles 4. Empereur oncle du Roy viét en France avec son fils	210	Clotaire Roy de route la France.	45
Charles vj. Roy, & l'ordre de son gouueruement	213	Clouis Roy 1. apres Chilperic. 31. fait iustice. 33. se fait chrestien. 35. baptizé.	36
Charles vj. entre en arme dedans Paris, pourquoy. 225. secourre l'Escoffe.	226.	Clouis est fait Consul & Patrice Romain par Anastase Empereur.	39
frenetique	231	Clouis Roy ij. de ce nom.	55
Charles vj. meurt	240	Clouis iij. Roy.	60
Charles vij. Roy. 240. appelé Roy de Bourges, en delices	241	Colere du Roy contre le peuple.	224.
Charles vij. meurt, l'Estat de la France sous luy	265	229.	
Charles Duc de Bourgong. perfide.	277	Colere de Charles vj. contre les Parisiés.	225
Charles viij. marié à Marguerite de Flâdres	292	Concile à Baugenci. 123. à Lion. 149. à Orleâs. 190. à Paris. 171. à Rheims.	119
Charles frere du Roy Loys xj. Duc de Normandie. 270. prend la Guyenne.	278	Conciles deux tenuz en France.	124
275. meurt.		Conditio de l'Anglois sur la France.	195
Charolois Duc de Bourgongne. 271. ad- iourné	276	Confiscations des Iuifs vsuriers.	167
Charolois respond aux Ambassadeurs de France. 263. accuse le Roy de Ty-		le Connestable tué.	190
		Conquestes de Merouée. 24. des pre-	i iij

T A B L E.

miets Rois. 105. en Guyenne.	157	Paris.	198
Conquēst de Loys xj. apres la mort de Charles Duc de Bourgongne dernier.	187	le Daulphin suscéiré par les cōiurateurs.	248.
Conseil de Loys xj. à son fils, naturel de luy.	294	deffaiēt les Suisses contre Basle.	22
Considerations de S. Loys. 144. sur les seruis des morts.	145	le Daulphin exheredé.	239
Consolation donnée au peuple.	219	le Daulphin malicieux, la remonstrance faicte à luy des cōiurateurs.	249. de rechef le reuolte contre son pere.
Conspiration contre le Roy.	139. 248	David Roy d'Elcosse.	182
belles Constitutions en France.	17	Debat entre les Ducs d'Anjou & de Bourgongne pour la seance.	214. l'arrest d'icelle.
le Conté de Rossillon engagé au Roy Loys.	258	Devoir d'un Prince.	213
le Conte de Berry auare.	220	Decimes pourquoy appellées Saladinnes.	128
Conté de Thoulouse en partie mise entre les mains du Roy S. Loys.	138	Decimes sur les gens d'Eglise.	163. 176.
le Conte d'Angoulesme mené en Angleterre.	236	le Declin de la France souz le Simple.	104
Conseil de la Marche folle.	141	Deffaiēt pres Therouenne.	292
Corruption des siecles & des Roys.	172	Deffense des Ecclesiastiques.	73. 179
Corruption des Roys, du temps, & de iustice.	143	Deffy du combat à l'Anglois.	187
Coustumes de ceux qui appellent les estrangers.	283	Deffy enuoyé au Roy d'Angleterre.	206
Crainte, mere de haine.	294	Demande cauteleuse.	97
Crainte du Daulphin.	193	Demeure ancienne des Roys à Paris.	155
Craon, d'amy se faicēt ennemy du Duc d'Orleans, & pourquoy.	230	Deporremēs mauuais de gouuerneurs.	158
Creations d'offices.	105	Despēce de S. Loys differe de celle des Roys d'aujourd'huy.	146
la Croisade.	149	Desseings de police du Long.	172
Cueur genereux d'un Roy.	201. 202	Desseins de Loys xj sur l'abreuiation des proces, & sur les poix & melures.	295
Cupidité de l'Anglois sur la France.	196		

D

Daces abolies.	144	Devoir des Roys.	173
Dagobert ij.	60	Different entre les Roys de Nauarre & d'Aragon.	257
Dagobert Roy.	62	Dispence des gens d'Eglise.	171
les Danois.	82	Distribution mauuaise des charges.	257
le Daulphinē vendu au Roy Philippes.	188	Diligence du Roy.	266. 267
le Daulphin va en Allemaigne.	197. à	Diuisions entre les Seigneurs pour le gouuernement.	

T A B L E

gouvernement.	55
Diuision pour l'Empire Turc.	291
Dons aux pauvres orphelins. 145. aux flateurs.	143
des Dormans Châcelier en France.	206
excuse les charges du peuple.	218
le Droit du royaume de France n'est en la disposition de celuy qui l'a.	90
Droict des gens violé. 148. de la Pragmatique sanction remis au Pape. 258. des Princes contre les rebelles. 251. sur le Duché de Milan. 227. pretendu par l'Anglois sur la France. 184. de Philippes de Valois, & de l'Anglois, & des femmes.	177
Duc & Comte dignité à temps non hereditaire.	108
le Duc de Bourgongne ambitieux.	233
Duc de Bourgongne Doyen des Pairs. 214. pourquoy appellé Hardy.	215
Ducs de Bourgongne ennemis à Loys xj. 260. se plaignent du Roy.	262
les Ducs d'Orleans & de Bourgongne reconciliez.	252
le Duc Normand enleué de la court.	99

E

E Broin. 57. insolent.	58
Edict contre les Iuifs.	55
l'Empire partagé.	83
l'Enfance de la France.	3
Enfans de Clouis. ij.	56
Enfans de Loys le Gros.	122
Enguerrand de Marigny. 165. punis de mort.	168
Enguerrand de Marigny edifie le palais de Paris avec le gibet de Montfaucon auquel il fut pendu.	168
Ennemis des Eglises, & leur fin.	179
Entreprinse de la S. terre.	149
Enuie sur la France.	153

Escarmouche deuant Paris.	244
Escheuinage osté aux Parisiens, puis remis.	226
Eschiquier institué à Rouën par Philippes le Bel en espee de parlement.	156
les Escoliers de Paris se plaignent.	141.
reuez par le Roy Anglois.	142
l'Estat corrompu corrigé par S. Loys, & l'edict sur iceluy.	144
les trois Estats conuoquez. 191. 193. assemblez.	213
l'Estat de la France sous S. Loys. j. 151. 197	
l'Estat de la France durant la premiere lignée. 71. depuis Pepin.	72
Estienne Marcel. 197. tué.	198
Eude Comte de Paris esleu Roy, quitte la couronne de France. 89. meurt.	90
l'Euesque d'Aithun parle pour l'Eglise.	179
Exaction du Duc de Berry.	227

F

F Actions en France deux. 92. du Nauarrois.	191
Factions en court.	138. 233.
Fatalité des Rois enfans.	140
Federic Empereur ennemy des Papes.	148
Femmes ne succedent à la couronne.	176
Fidelité de ceux de Languedoc.	196
Fiefs, nös, maisons, droicts & chasteaux changent de nom.	115
le Fils contre le pere.	249
les 4. Fils de Clouis partagent le royaume.	40. 41
les Flamens contre leur Comte. 178. de faits contre S. Omer.	161
la Flandre se reuolte pour les exactions 21. erigée en Comté.	87
la Flandre conquise par guerre, & re-	

couuëre.	133	Gaulois nommez François.	24
Flateurs pernicieux aux Princes.	59	la Gendarmerie de gens de pieds infli- tuë.	254
les Fleurs de Lys enuoyées du ciel.	38	les Gens d'armes nommez d'Ordonnā- ces.	254
Florentins guerroyez par le Pape.	290	Gens d'Eglise inquietez.	124
de Foix gouuerneur en Languedoc.	220	Geoffroy de Buillō va en la terre Sain- ète.	115
Force donnée aux Roys.	173	Geoffroy de Harcourt rebelle.	186
Force de la Religion.	67.242	Geoffroy Martel Contre d'anjou.	114
Forces du Roy & de l'Anglois.	185	Gillon esleu Roy.25.chassé du Royau- me.	27
Fortune aide de la France.	15	du Guesclin meurt.	211
la France naist. 1. desmembree. 6. sef- largit.28. erigee en Royaume.31. par- tagée en quatre 41 46. pleine de Iuifs.		de Glocestre sage en conseil.	299
54. secours des Papes. 65. ne veult re- cevoir les loix Romaines. 78. l'assem- blée en vn corps, & en repos. 60. ap- partient aux hommes, non aux fem- mes. 170. 176. pleine de vagabonds.		Gouuerneurs se font Roys.	108
204. reduite sous le Roy Charles vij.		Gouuerneurs des Princes mauuais.	171
245.		Grandeur des Princes.	103
la France Royaume. 40. declina souz le Debonnaire. 81. tourmentée par guer- res ciuiles. 84. florissante souz Char- les v.	213	la Grandeur d'un Royaume en quoy consiste.	219
François & Anglois en Afrique.	228	Grandeur des Maires du Palais.	56.60
François massacrez.	158	Grandeur de la France souz Charles le Grand.	104
les François dispensez du Pape pour es- lire vn autre Roy.	70	la Grandeur de la France souz Charles- Magne, & de son Estat. 80. souz Phi- lippines Auguste.	135
François Sforce Duc de Milan.	252	Guerre contre l'Anglois. 156. 240. entre l'Anglois & le François. 118. 132. 154.	
François en Gaule.	2	206. contre l'Anglois & le Duc de Thoulouse. 124. contre l'Anglois & le Conte de Flandre. 130. en Angleterre.	
François chassez de Gaule.	21	122. 181. entre le Duc d'Anjou, & le Conte de Vaudemont. 289. en Bour- gongne. 38. entre Loys xj. & le Bour- guignon. 278. en Bourgongne. 41. & conquise. 42. en Bretagne. 185. 186.	
François en Allemagne. 19. en Gaule. 21		228. du bien public & partisans d'icel- le.	265
Fredegunde concubine.	51	Guerre entre Childebert & Clotaire Roys. 44. 45. clotaire Roy enfant. 53.	
les Freres contre le Roy.	266	en Castille & Nauarre. 152. au Conté	
Freres ennemis miraculeusement, en vn moment faicts amis.	43		
Fulmination du Pape cōtre le Roy.	61		
Fureur des Flamans.	158. 161		
G			
Gaule guerroyée de toutes parts. 20.			
nommée France.	24		

T A B L E.

de Thoulouſe. 152. en Caſtille. 205. en Eſpaigne ſouz la charge du Gueſclin. 204. contre Eudes Duc d'Aquitaine. 63. contre les detenteurs du bien de l'Egliſe. 116. contre les Friſons. 64. entre les fils de Loys le Debonnaire. 84. 85. & paix entre eux. 86. entre freres Turcs. 291. cõtre Gaiffre Duc d'Aquitaine. 73. contre Loup Duc d'Aquitaine. 74. contre le Nauarrois. 199	
Guerre en Flandre. 120. 157. 160. 178. 225. en Normandie. 89. 101. 113. 119. 187. 191. des Oſtrogots cõtre Clouis & bataille. 40. contre les Saxons, Bauares & autres. 77	
Guerre en Guyenne. 136. 175. 187. entre les Roys de France & d'Angleterre. 127. 129. 130. contre le Conte de Vermandois. 127. entre les Roys & Empe- reurs pour la Lorraine. 110. du Duc de Lorraine contre le Bourguignon. 282. contre les Viſigots, & victoire contre eux. 38. 43	
Guerre cõtre Henry Roy III. entre Milan & Florence. 228. entre deux Roys. 183	
Guillaume Baſtard inſtituë Duc de Nor mandie. 112. appellë le conquerant. 113. ſes entreprinſes cõtre Angleterre. 114	
Guntrand ſage Prince. 52	
Guy Conte de Flandre prins. 157	
la Guyenne conquiſe. 156	
la Guyenne querellëe. 174. conquëteë. 175	
la Guyenne conquiſe. 209	
la Guyenne conquiſe par les François. 253	

H

Abillemens reprimez. 196	
Haine du Conte de Valois contre	

Enguerrand de Marigny. 168	
Harangue du Nauarrois. 194	
Harangue aux ſeditieux Pariſiens. 225	
Harcourt decapitë. 191	
Hardieſſe d'un belifſtre. 218	
Heberr Conte de Vermandois pendu par ſa condamnation. 97	
Henry premier Roy de France, clemët. 111	
Henry Roy d'Angleterre meurt. 129	
l'Herëſie des Albigeois vaincue. 132	
Heur de S. Loys, & de la France. 149. 153	
Hommage du Contë de Guyenne. 128. 180	
Hommage du Contë de Ponthieu. 180	
Hommage du Duchë de Normandie. 101. 118. 126	
Hommage du Duc de Milan à Loys xj. 291	
Hommage du Duchë de Bretagne au Roy. 204	
les Hongres en Italie. 216	
combien l'Honneur des femmes touche à celuy des hommes. 234	
l'Honneur de S. Loys. 154. de ſa mere. 146	
Hues capet Roy, pourquoy eſt ainſi, nommë, ſa genealogie & deriuaiſon. 105 106	
Hues Capet cault, tuſtë & honneſte ënuers les Gouverneurs 107. ſageſſe d'iceluy 108. meurt. 109	
Hue Capet Roy, & doux en ſa victoie. 102 103. 105	
Hues Capet faiët coutonner ſon fils Robert. 109	
Hugues Aubriot Preuoſt de Paris, hors de priſon, de quoy accuſë, ſageſſe & baſtimens d'iceluy. 223	
Hutin ſignifie bruit. 168	

I Aloufie des feigneurs.	248
I aloufie contre la Roine.	138
Iaques de Bouibon Connestable.	190
Ieâne Roine de Naples fait mourir son mary 216. prinſe.	222
Ieanne la pucelle. 241. ſa promeſſe, deuant Orleans en armes, reputée girſe. 242. menée au Roy, ſes rrules, prinſe & bruſſée.	242
Iean Roy de France. 189. eſtime plus la dignité & grandeur de ſon royaume que ſa vie. 195. 196. reuient en France. 201. meurt.	202
Iean de Bourgongne ſuperbe, ſes faſſions en Paris, & couleurs d'iceluy.	238
Iean de Gerson harangue. 220. mis en priſon, & deliuré.	221
Iean de Montfort ſe dit Duc de Bretagne 185. adiourné.	186
Iean Ballue Eueſque d'Angiers.	275
la Ieuneſſe de la France.	3
Igunde repudiee. 51. caulte femme. 52. courage d'icelle.	53
Imbert ou Humbert Dauphin de Viennois.	188
Impoſition en France du regér. 132. 188. du temps du Bel. 166. ſedition pour icelle. 167. ſur le pain & le vin. 209. & opiniaſtréré d'iceluy.	22
Impoſition du Prince de Galles ſur la Guyenne.	205
Iniuſtice permieſe	235
Insolence d'un meurtrier. 235. d'un moi ne.	295
Inſtruction aux Princes. 62. 265. 274. des ieunes Princes. 214. pour les gouuerneurs 158. aux fauoris de la court. 153. donnée aux Princes pour vn meſcontentement. 257. donnée à Ieanne la	

Intelligences de Philippes le Bel.	243
Intelligences des Ducs, de Guyenne, de Bretagne, & de Bourgongne.	183
Iourdain de l'isle pendu.	277
Iugement ſur les affaires de France.	174
Iuiſ vſuriers chaffe.	296
les Iuiſ de rechef chaffe, pourquoy.	127
	171
les Iuiſ retournent en France.	130
Iuſtice de Clouis.	33
Iuſtice de Charles le Bel.	172

Andry de la Tour Maire du Palais adultere.	51. 52
Lettres floriffantes à Paris.	141
le nom de Liberré doux	95
Lignée premiere des Roys de Frâce.	24
Ligue de l'Anglois.	156
Liures traduits en françois par Nicolas Orefme.	212
Lombards en Prouence & chaffe.	47.
en France & chaffe	48
Loix Saliques ou Ripuaires. 20. 170. 177	
la Lorraine diuſée.	88
le Lorrain fuiſt en France.	287
Lothaire Roy d'Auſtraſie meurt.	85
Loraire Roy de France. 100. pacifie avec Hue le Grand.	101
Loys Debonnaire mol, nonchallant, renuerſe pluſieurs choſes. 81. priué de l'Empire. 82. remis à l'Empire.	83
Loys le Begue Roy. 87. couronné Empereur, ſage.	88
Loys d'Outremer Roy ingrat au Duc de Normandie, cautele d'iceluy, ſe laiſſe corrompre. 98. iniuſte contre le Duc de Normandie.	99
Loys d'Outremer Roy, pourquoy ainſi nommé, ſa ſuite en Angleterre.	96.

meurt.	100
Loys v. Roy dernier de la race de Charles Magne.	101
Loys le Gros Roy. 116. fait couronner son fils Loys le Piteux.	121
Loys le ieune va en la terre sainte. 122. repudie Leonor sa femme. 123. meurt.	126
Loys fils d'Auguste passe en Angleterre & en est Roy, & si tost chassé.	134
Loys viij Roy. 135. meurt.	136
s. Loys Roy. 137. amateurs des lettres, excède les predecesseurs en toutes vertus. 142. corrige l'Estat corrompu. 144 donne audience à vn chacun. 146. va en Asie. 147. 150. en Sytie. 149. meurt l'an 1271 151.	
Loys Hutin Roy. 167 168. meurt.	170
Loys de Bauieres Empereur amy de l'Anglois.	184
Loys Comte de Flandres veult rompre le mariage de sa fille.	207
Loix des Cheualiers par Clodion.	22
Le ix sur l'aage des Rois de France & la cause d'icelle.	209
Loys Duc d'Anjou regēt. 213. 214. ambitieux, impositions par luy faictes.	220
Loys ij Duc d'Anjou Roy de Sicile.	227
Loys xj cault, donne les Estars aux indigues. 256. mecanique. 257. trompcur.	268.
270. 273. 275. va contre son frere en Normandie. 271. en danger de sa personne 273. & subtil sachar gaigner les hommes. 274. cauteleux, inconstant 276. & le Duc de Bourgongne soubz vn accord se veulent tromper.	277.
faire menees contre le Bourguignō 282. malicieux. 287. 288. 270.	
Loys xj. parlemente avec le Connestable. 279. font accord entre eux.	270

Loys xi. & le Duc de Bourgongne font pactiō sur la mort de Loys de Luxembourg Connestable.	279 285
Loys de Luxembourg Connestable pratiqué par Loys xj. 276. conseil d'iceluy au Bourguignon, suspect au Roy. 277. finesse mauuaise d'iceluy. 278. le treuve en peine. 279. soupçon d'iceluy.	283
Loys de Luxembourg Connestable se rend au Bourguignon, passios & malheur de luy. 285. est decollé à Paris. 286 à Loys xj. font cedez les royaumes de Ierusalem & de Sicile 290. meurt. 292. vices d'iceluy.	293
Loys xj. vicieux, cruel, & se deffiant. 293. leger. 294. Rigoterie de luy.	295
Lymole emeute.	226

M

M Ahault Contesse de Flandre.	181
Maires du Palais grands. 56. 60. leur autorité. 61. leurs insolences. 62	
Mal de la vente des offices, des despences superflues. 143. des impositiōs. 144	
Malheurs soubz vn ieune Roy.	169
le Malheur de la France se change.	244
Malice des Iuifs & des ladres.	171
Malice & arrogance du Nauarrois.	190 208
Malice de Cōtesse empoisonneresse.	141
Malalent du Roy Anglois.	181
Mandement de Loys xj. au Duc de Bretagne.	259
Mante & Meulan donnees au Nauarrois.	189
Mariage de Iean Roy de France.	183
le Mariage de l'Anglois à la fille de France.	239
Maulx de la France. 8. de flaterie.	59
Maulx des diuisions des ministres des Rois.	56

T A B L E.

Memoire de Clouis.	67
Menées de Loys xj. pour pratiquer le Conte de S. Pol Conneftable.	276
Menées contre Loys de Luxembourg Conneftable.	283
Menées de l'Anglois contre Charles vj.	210
Menterie & moquerie dangereufe aux Princes.	293
Merouée ramene les Frâcs en Gaule.	22
Mefcontentement apporte rebellion.	
251. 257	
Mefcontentemens des grands.	264
Milan annexé à la couronne de France, & par qui.	226. 227
Miferes de la France.	50. 93. 199. 241
Mort du Nauarrois ennemy à la Frâce.	
227	
Mort du Bel.	166
Moruilliers Châcelier ambaffade en- uers le Duc de Bourgongne.	260. 261.
Mumolus capitaine deffait les Lôbards	
47-	

N

Naiſſance du Daulphin depuis Roy Charles viij. eſleue le cuer du pere.	275
Naturel du peuple.	224. des vieilles gés.
294. du Roy Loys vnzième.	248
le Nauarrois ſe juſtifie.	190. prifonnier.
191. hors de prifon.	194. ſes parties.
196. ſuſpect aux Pariſiens.	198. déclaré en- nemy.
208	
Neantiffe des Rois de France.	6
Neuſtrie, appellée Normandie, & don- née aux Normands.	89
Nobleſſe mal contente.	265
le Nom de Treſchreſtié.	78. de ſubuen- tion.
222. du Regent odieux.	217. de Roy en meſpris.
241. de liberté doux, & trompeur.	249

Normands peuples Septentrionaux.	77
deſcendent en France.	91
Normandie appellée Neuſtrie	91. con- quife par l'Anglois hors-mis le mont S. Michel.
241. conquēte par les Frâ- çois.	252

O

Octroy des trois Eſtats.	191
Offices diſtribuées.	145
Oliuier de Clifton Conneftable.	214
Ordonnances de Charles-Magne.	79
de Loys debonnaire.	82. de S. Loys.
150. du Bel.	159. de Philippes le BEL.
188. rigoureuſe ſur les gens de guerre.	254
l'Ordre de la lartiere inſtitué.	202
l'Ordre de l'Eſtolle donné pour mar- que de vertus.	202. corruption d'ice- luy & donné aux Sergens.
203	
l'Ordre de S. Michel inſtitué.	281
l'Oriflamme.	278

P

Pairs de France inſtituez.	108
Paix entre Loys xj. & l'Anglois ſur la ruine du Conneftable.	284
Paix entre Loys d'Outremer & l'Empe- reur.	100. donnée au Conte de Flâdres.
165	
le Palais de Paris ſe baſtir.	355
Papes en France implorants l'aide de Loys le Gros.	120. faits par les Roys de France.
75	
Parlement de Loys xj. avec le Duc de Bourgogne.	272. haines entre eux.
281	
Parlemens & leur inſtitution.	63. ordi- naires au Palais de Paris.
170	
Paris aſſiégée par le Côte de Charolois.	269. diuiſée en factions.
235. prinſe par les Flamans.	247
Pariſiens malicieux.	196. nommez Mail- lorins.
225	
Paschal Pape en France.	215. 119

Pepin filis de Martel vainquit les Sar- raſins.65.aspire à la Royauté, preuoy- ance & fineſſe d'iceluy. 66	Plainctes du peuple au Regent. 217.218
Pepin au ſecours du Pape. 70	Plainctes de n'auoir iuſtice. 276
Pepin Roy, iuſtice & ſageſſe d'iceluy. 72.bien aduiſé & preuoyant. 73	Plainctes,pratiques, & intelligences de l'Anglois. 184. amy de Philippes le Bel. 185
Perte de la nobleſſe de France en la ter- re ſaincte. 115	Plainctes des villes ſubiectes à l'An- glois. 205
le Peuple ſans Roy ſubiect à ſ'ſleuer.194	Plaincte du peuple contte les Nobles. 197
le Peuple à Paris en armes & en ſeditiõ 223	vn Poix, vne meſure, meſme eſpece & prix de monnoye deſſeings du Long. 172
Pharamond premier Roy desFrans.19 fiſt loix,non la loy Salique. 20	Polices des Roys de la race de Capet. 105
Pharamond n'a fait la loy Salique. 31	la Pouille rauagée par les Turcs. 291
Philippe pourquoy appellé Auguſte,& Conquerant,& Dieu. donné. 135	Pragmatique ſanctiõ publiée en Frâce. 247
Philippes Roy premier du nom, cou- ronné Roy.113.paillardife de luy.114. meurt. 116	la Praguerie. 251
Philippes filis de S. Loys eſt ſalüé Roy deuant Thunes. 151	Prelats aſſemblez à Patis. 161
Philippes le Bel Roy.154.faiet le Parle- ment. 155	Prelats contrainctz à contribuer. 132
Philippes de Valois pretend droit à la couronne.176.ſalüé Roy.178. delibe- re d'vne guerre ſaincte. 181	Priere au Roy pour les ſeditieux. 224
Philippe de Bourgongne vége la mort de ſon pere,& mer la Frâce & le Roy entre les mains de l'Anglois. 239	les Princes n'ont ſouuenance de leur ſeruite. 58
Pierre de Dreux Duc de Bretaigne, & Robert ſon frere coniurateurs. 139. a- bandonné, pourquoy appellé Mau- clerc. 140	Princes ne doiuent faire outrage. 57
Pierre de la Broſſe fauory pendu.152.153	Priuilege donné par le Pape à Charles- magne. 75
Pierre des Marais remonſtre au peuple. 219	Priuileges donnez à Charles-Magne remis par Loys ſon fils. 83
Pierre de Cugneres contre les Eccle- ſiaſtiques. 179	Proces pour le Conté de Flandres. 174
Plaincte contre les Eccleſiaſtiques,pour les droitz Royaux. 178	Proces fait au Duc d'Alençon. 254. & l'arreſt de ſa condemnation. 255
	Proces faitz aux rebelles. 186
	le Proces du Royaume de France. 178
	Promeſſes du Bourguignõ à l'Anglois, deſſiances d'entre eux d'eux. 284
	la Prouence donnée à Loys xj.& la cau- ſe d'icelle donation. 289
	Prudence de la Royne Blanche. 139
	Punirion aux blaſphemateurs,& cõtre- uenants aux Ediets ſouz S.Loys. 150

R

Rebellion des Seigneurs enuers le Roy. 121
 Recherches preiudiciales de Charles Conte de Valois contre Engueirand. 168.169
 Recompense des fauoris des Roys.153.
 vn Refus porte iniure. 236
 le Regent Roy de Sicile & de Hierusalem. 224
 Regne de Hutin. 170
 le Regne de Charles vj. florissant 209
 les Regnes des enfans miserables. 52
 Religion simulée. 243
 Remuemens en France. 91
 Remonstrances aux Princes, aux peuples. 167
 Remonstrances des trois Estats. 193
 René d'Anjou marie sa fille à l'Anglois. 252
 René Duc d'Anjou mary de la Duchesse de Lorraine. 289
 Requestes des Ambassadeurs du Roy Loys vnzième, au Bourguignon. 262
 Requestes des trois Estats. 193
 Reserues des benefices. 220
 Responce cauteleuse sur les trefues. 189
 Reuerence des François à leur Roy. 92
 Reuolte des Seigneurs cõtre le Simple. 94
 Reuolte des Seigneurs contre le Roy. 116.117.118
 Reuolte contre Loys Debonnaire par ses enfans. 82. recognoissances d'eux. 83
 Reuolte du peuple en Beauuoisin. 197

Rhodes assiegée par les Turcs. 297
 Richard Anglois priué du Royaume. 232
 Richard Duc de Normandie, sa prinse, les remonstrances à Hues. 106
 Robert d'Arthois.177.anime l'Anglois contre la France.181.adiourné,& faul faire. 182
 Robert d'Arthois declaré rebelle,suscite la guerre en Angleterre.182.meurt. 186
 Robert Roy Religieux,succede au Duché de Bourgongne. 110
 Robert querelle pour la couronne de France.90.ruses d'iceluy.91. couronné Roy,competiteur du Simple 94. tué pres Soissons, le Simple vainqueur. 75
 Robert Duc de Bourgongne. 111
 Robert Duc de Normâdie va en Ierusalem. 112
 Romains chassiez de Gaule. 40
 le Royaume n'est que charge. 121
 la Royne de Castille empoisonnée. 204
 la Royne d'Angleterre en France. 175
 le Roy d'Angleterre en France. 283
 les Roys quels ils doiuent estre. 173
 les Roys seulement Roys de nom. 60. faineants s'esloignent des affaires. 61
 les Roys faisoient les Papes & autres Prelats. 75
 le Roy va contre son fils, en Bourbonnois,appaisé. 250
 le Roy & la Royne prins par le Duc de Bourgongne. 236
 Roys amateurs de l'Eglise. 179.180
 le Roy de France nommé Catholique.180
 les

T A B L E.

les grands Roys de France. 14
 le Roy Anglois malicieux. 125
 les Roys de France & d'Angleterre
 vont en la terre Sainte, la cause de la
 ialousie d'entre eux. 129
 le Roy de Bretaine vaincu, perd le nô
 de Roy se contentât du nom de Duc. 86

Roys de France quels. 9
 Roys illegitimes en France. 96
 Ruse de l'Anglois. 195

S

Sacre des Roys. 37
 le Sacre des Roys n'est subiect à la
 ville de Rheims. 117
 Sageſſe du Dauphin. 193.194
 Saincteté du Pape. 67
 Saladines appellées decimes. 128.
 Sarasins en Aquitaine. 64. deffaiçts. 77

Sceptres des Roys. 173
 Schisme en l'Eglise. 121. 124. 169. 210. 215.
 216. 236

Secours des villes pour le Daulphin. 198

Seditieux insolents & furieux. 219. pen-
 duz. 198

Seditious pour les impositiōs. 167. 170.
 172

Sedition en Flandre. 158. pour les mon-
 noyes en France. 165. 220. à Lion. 166.
 à Paris. 165. 197. 217. à Montpellier. 212.
 à Rouen. 98

Seditious pour les impositiōs. 167. 170.
 172. 222

Sforſe sage en conseil pour le Roy. 268

Seneschaux instituez, leur deuoir & de
 plusieurs autres choses. 79

Serment des François à leur Roy. 68

le Siege Papal en Auignon. 162
 le Siege Romain Soleil de Saincteté. 67
 Sigisbert tué. 49
 Sigismond Empereur en Frâce, en An-
 gleterre. 237
 le Simple simple, se fioit aux Estrangers. 93

Souppçon du Duc de Bourgongne con-
 tre Loys xj. 272

Statue de Ieanne la pucelle sur le pont
 d'Orleans. 244

Statue du Roy en l'Eglise nostre Dame
 de Paris. 161

Suieçts en guetre contre leur Prince. 264

Suieçt capitule avec son Prince. 279

T

T Anneguy du Chastel. 239
 Templiers, leurs biens & liberté de
 langage 163

Theodebert fils de Thierry Roy de
 Metz en Italic. 44

Thierry salué Roy, priué du Royaume.
 57. remis au siege Royal. 58

Thomas Eueſque de Canturbie chassé
 d'Angleterre. 125

Thoulouse vnie à la couronne. 151

la Tour en laquelle Charles le Simple
 fut mis en prison. 273

Traitté de la paix de Conflans. 269. ar-
 ticles dudit Traitté. 270. rompu. 271

Taître avec les Flamans. 170

Taître d'Attras entre les François &
 Anglois. 246

Taître de Bretigny. 200

Trefues entre le François & l'Anglois
 19

Tristan l'Hermitte grand Preuoſt de


T A B L E.

France, oncle grand de l'auteur.	146. 149	
294	Victoires des Roys de France.	10
Troubles meuz en Italie par les deux	Vieillesse de la France.	5
Papes.	Vigilance du Daulphin.	196
Trouble en France pour la Religion.	Villes de la riuere de Some rachetées.	25 ¹
122		
V	Virilité de la France.	4
V Anterie folle du Duc d'Orleans.	Visions de Childeric.	29
233. tué par le Duc de Bourgon-	Voyage premier fait en la terre Sainte	
214	par Godefroy de Buillon.	123
Vertuz de Charles le V.	212	
Vertuz de Charles. Magne.	79	
Vertuz, vices, & victoires de Charles-		
Migne	78	
Vertuz d'un Prince en saint Loys.	145.	
	Z	
	Emma Turc vaincu enuoyé en	
	France.	298

Fin de la Table.

Extraict du priuilege du Roy.

PAr grace & priuilege du Roy il est permis à Pierre l'Huillier marchand Libraire iuré en l'Vniuersité de Paris (ayant droict par transport de Bernard de Girard, Seigneur du Haillan, Secretaire de Monseigneur le Duc d'Anjou, de Bourbonnois & d'Auuergne, frere de sa Maiesté) de faire imprimer & exposer en vente vn liure intitulé : *De l'estat & succez des affaires de France.* Comme aussi il est deffendu par la Maiesté dudit Seigneur, à tous autres quelconques d'imprimer ledict liure, iusques à six ans finis & accomplis, à commencer du iour que sera paracheuée ladicte impression, sur peine de confiscation de ce qui se trouuera imprimé, & d'amande arbitraire, le tout comme il est contenu plus au long és lettres de priuilege sur ce obtenues à Paris le huiëtiesme iour de Iuiller, l'an mil cinq cens soixante & douze, Signées par le Roy, à la relation du Conseil. M O R E', & scellées du grand scel dudit Seigneur en simple queue de cire iaune. Acheué d'imprimer le Viiij. d'Aoust. 1571.





DE L'ESTAT ET sucez des affaires de France.

LIVRE PREMIER.



L'ESTAT des affaires du Roy- *L'estat de*
aume de France, depuis lors *la France.*
que Merouée Roy des Fran-
côs, ou Francs passa le Rhin, &
les amena en Gaule, changeât
le nom de Gaule en France,
& faisant des deux peuples
Gaulois & Frâcôs, vn peuple,
a eu plusieurs progrez, acci-
dans, & fortunes, & par diuer-
ses voyes, traufferes, & dangers, & avec vne diuine vertu,
& vne admirable fortune, est paruenue à la grâdeur qu'il
à longuement conseruee iusques à ce temps. Ce Royau-
me nasquit des despouilles de Rome, en vne saison qu'il *Naissance*
nombre infiny d'autres Royaumes, en tira aussi son ori- *du Royau-*
gine, qui fut lors que la mauuaïse fortune de l'Empire *me de Frâ-*
Romain le tirassant & deschirât en pieces, plusieurs na- *ce.*

*Les Frācs
en Gaule.*

tions barbares se ruerent sur luy, & chascune d'elles en print la sienne comme les Ostrogotz, l'Italie, les Visigotz, l'Espaigne, & l'Aquitaine, les Bourguignons, vne partie des Gaules, & les Vandales, l'Afrique. Lors les Francs peuple de la Franconie prouince d'Allemagne, entrerent dedans la partie des Gaules qui estoit voisine du Rhin, souz la charge & conduicte de Clodion le Cheuelu, filz de Pharamond. Mais estant Clodion repoussé de delà, & mort sur le point qu'il vouloit repasser de deça, son filz Merouée repassa de deça à bõ esciét avec ses Francons. Lesquels il installa si bien en la Gaule, qu'ils y demurerent pour tousiours, & ne furēt plus rembarrez delà le Rhin. Le commencement de cest Estat fust petit, (& en cela d'autant plus digne d'admiracion & de louange, comme sont coustumierement les commencemens & origines des Estats,) encore que quelques flateurs de nostre France, ignorans de la nature des choses, soient marriz qu'on le die, voulans faire croire que dés le premier iour il fust aussi grand qu'il est auourd'huy, comme si les choses à leur naissance estoient par le commun cours de nature à leur perfection. Et ne cōsiderent ces censeurs, que ce ne luy seroit point d'honneur d'estre né grand, & d'estre tousiours demeuré tel, ains que ce luy est plus d'honneur d'estre de petit, deuenu grand, que si de grand il fust deuenu petit, ou s'il eust tousiours demeuré en vn estat. Il demeura longuement à croistre, & avec beaucoup de peine & de trauail, est paruenu à vne grādeur qui a esté redoutable à l'Europe

& à l'Asie, ayant longuement demeuré en enfance foible & debile, sans loix, sans raison, & sans aucune forme de bon & solide gouvernement & de iustice. Les diuerses conquestes que par le bon heur de diuerses guerres, il fit sur les Romains, Gotz, Visigotz, Ostrogotz, Sueues, Bourguignons, Saxons, Thuringiens, Vandales, & autres barbares nations, le firent croistre en son enfance, dont la plus grande partie fust depuis Clodion iusques à Clouis, durât les regnes de Clodion, de Merouée & de Childeric, qui ne firent pas de grâdes choses, cōme aussi ils ne pouuoient, veu qu'ils ne faisoient qu'entrer en la Gaule, ayans assez affaire à y trouuer quelque seurte, & y establir leur regne & leur peuple: tout ainsi que ceux qui nouuellemēt sont nez, n'ōt raison ny cognoissance, non plus que bestes, bien qu'ils ayent la nature & le nom d'hommes. Le second aage qui est de ieunesse & adolescence commence au Roy Clouis, qui fust le premier Roy Chrestien, qui decora le Royaume de la foy Chrestienne, de certaine police, de iustice, de loix, & d'ordonnances, & qui l'accrut de plusieurs pays, terres & seigneuries, & dura cest aage iusques à Pepin le Bref, pere de Charles-Maigne, ou Charles le Grand, car en iceluy, Pepin de Maire du Palais se fit Roy, pour ce que plusieurs Roys qui furēt entre Clouis & Pepin, ont faict plusieurs belles choses pour l'ampliation, illustration, & decorement de ce Royaume, tāt aux armes qu'aux loix, & en la police: & lors que les autres sont venuz à l'aneantir & à se laisser couler aux voluptez & à la nonchallāce

*Les quatre
aages de la
France.*

*L'enfance
de la Frāce*

*La ieunesse
& adole-
scentie de la
France.*

ils ont eu des Ministres qui suppléas à leur deffault , ont estandu & aggrandy ses confins, & iceluy viuemēt defendu, tant contre les guerres intestines que cōtre celles de dehors. L'aage de ces Roys Faineants se peult veritablement comparer à la ieunesse & adolescēce . Car tout ainsi qu'en cest aage les ieunes gens commencent de croistre de force & de cœur, & sans raison & discretion entreprennent audacieusement toutes choses, & se laissent conduire à la temerité, aux plaisirs, aux delices, & aux voluptez, tellement qu'à la fin ils deuiennent dissoluz, lasches & failliz de cœur: aīsi ces Roys deuenās effeminez, & regnans ocieusement & voluptueusemēt, laisserent aller leur Royaume à la mercy de la fortune. Mais aussi tout ainsi que quand ces ieunes gens viennent

La virilité au tiers aage qui est de virilité, & qu'avec la force du
de la Frā- corps, le sens deuient plus rassis & plus meur, ils com-
cē. mēcent de se cognoistre, à mettre du plomb en leur teste, & à meurir leur entendement, ainsi noz Roys venās à recognoistre les fautes de leur ieunesse, & deuenans hommes, deposerent leurs voluptez, & delices, & s'adōnerent aux affaires, aux exercices, & aux vertuz dignes des Princes. C'est aage commença à Pepin, & dura iusques à Hues Capet, qui fust vn siecle auquel les Roys ont faiēt de plus grandes conquestes que leurs predecesseurs, & mesmement Pepin & Charles son fils, par la vertu desquels l'Empire des Romains fust ioinēt au Royaume de France inseparablemēt, & n'en a esté desmembré & séparé, que par les mauuais deportemens de

leurs successeurs. Mais comme l'entédeiment de l'homme n'est pas tousiours en vne force, ny le corps en vne mesme vigueur, ains maintesfois les hommes en entreprenant de grandes choses, tombent en diuerses maladies, ainsi la race de Pepin faisant de belles entreprinſes, tomba en plusieurs & diuers deſastres. Car combié que depuis Charles le Grand, le Royaume de France n'ait perdu la vigueur de son aage, toutesfois par la superfluité & superabondance d'humeurs qui estoient en vn si grand corps, il cheut en vne si grieve maladie que du temps de Lotaire, & de ses enfans, il fust presque à la mort, & finalement fust par Hues Capet tranſlaté en autre lignee. Doncques il fault commencer le quatriesme aage de vieillesse en Hues Capet. Car la vertu & lignee de Pepin s'enuieillit tellemēt, qu'elle deuint seiche & fance, & la nouvelle ante qui fust transplantee dessus, eust diuerses fortunes, ainsi qu'il aduient à vieilles gens, ausquels lors que la force du corps se diminue, la vigueur du cœur, & la vertu, & l'experience des choses leur accroist. Et le regne de cest aage a aucunesfois esté par sens, par vertu & par conduicte de noz Roys grandement affoibly & trauaillé, mais finalement il est reuenu en santé. Durant ces quatre aages il à pris vn grand accroissement par diuerses guerres faiçtes cōtre ses voisins, & eniambant tantost sur l'vn, tantost sur l'autre, a ioinct & incorporé à ceste couronne, les pieces rapportees des Royaumes & autres seigneuries qui y sont annexées, & peu à peu s'est fortifié de ses belles premieres.

La vieillesse de la France.

L'accroissement de la France.

loix de iustice & de police, & de ses constitutions anciennes, que nous obseruons aujourd'huy tant religieusement, & par la force des armes, par la Religion, par la iustice, & par le lien d'autres loix, est paruenue à la grandeur, en laquelle il a esté, ayant tousiours eu des Roys qui mesmes selon le tesmoignage des Grecs & Latins ont esté excellens en iustice, en Religion, & aux armes. En son enfance il fust si malade qu'il cuida mourir, & lors que souz Clouis il ne faisoit qu'esclore de la ruine des Romains, & d'autres nations voisines, il se trouua en peu de temps & par deux fois, desmembré en quatre parties. L'une par les partaiges des quatre enfans de Clovis, & l'autre par les autres partaiges des quatre enfans de Clotaire qui estoit l'un des fils de Clouis: & durant ces partaiges, il fust tourmenté d'une infinité de guerres, de parricides execrables, & de cruels meurdres. Mais bié tost apres les mēbres coupez & separez, se rassemblèrent & lierent au corps, souz le regne de Clotaire deuxième du nom, fils de Chilperic. Et quelque temps apres lors que la neantise de noz Roys, laissa comme à l'abandon le timon & le gouuernail de cest Estat, il eust esté bien aisé à vn estranger, voire à vn François mesme de s'en emparer, & en son adolescence, & en l'aage viril par l'espace de plus de cinq cens ans, il a esté fārcy d'un nombre infiny de seigneurs, dont le moindre estoit bien si osé & si temeraire, de faire la guerre à son Roy, & bien souuent tous ensemble se sont bandez contre luy, tantost s'appellans & se tirans par la main les vns les autres,

*La France
desmēbrée.*

*La neantise
des Roys
de France.*

& tantost inuouâs le secours des Princes noz voyfins. Mais tel a esté son bon heur, que lors que le mespris du *Le bñ heur de la France.* nom des premiers Roys fauorisoit vne vsurpation, les Maires du Palais, en la teste desquels la vertu & la valeur s'estoient retirées, apres que les Roys les eurent chassées, la garantirent de cela. Et ayant la Frâce ce malheur assez cōstumier d'auoir des Roys imbecilles & *Le malheur de la France, & son bon heur.* estroppiez de l'entendement, elle auoit en recompense ce bon heur, d'auoir souz eux, des Princes, Seigneurs, & Ministres vertueux, braues, vaillans & bien disposez du sens, qui par leurs vertuz suppléans aux deffaults de leurs maistres, la releuerēt des malheurs qui procedoiēt de l'imbecilité des Roys, de sorte qu'estant en ceste façō son malheur balancé & contrepoisé par son bon heur, elle n'auoit iamais faulte de vertu, ny de bonne fortune. Mesmes quand la neantise de noz Roys, faisant marche-pied & seruant deschelle aux Maires du Palais pour mōter à la Royauté, feist perdre la couronne & le Royaume aux Roys, & que Pepin ostant le sceptre à Chilperic simple & imbecille Prince, se fist Roy, ce fust avec si bōne fortune de la France, que ce fust avec le commun cōsentement de l'Eglise, de la Noblesse, & du Peuple, & à la ioye & contentement d'un chascun, & en ce changement de regne ne sourdit aucun trouble ny remuemēt, qui fust vn grand miracle, d'autant qu'il est tousiours aduenü qu'au changement des grāds Empires, de grāds troubles s'esmeuent, & personne ne murmura ny ne s'offensa de ceste vsurpation. Ains ceste bonne fortune

fesiouiffant de la vertu de ce nouueau Roy, le feist paifi-
 blement monter au Throſne Royal . Et bien que durât
 l'aage de ces premiers Roys , ceſt Empire ayt eſté guer-
 royé par les Romains, Viſigotz , Thuringiens, Saxons,
 Gotz, Oſtrogotz, Vandales, Huns, Sueucs, & autres bar-
 bares natiōs: ſi eſt-ce que parmy leur fureur & l'imbeci-
 lité de noz Roys, il ſeſt par ſa vertu ſecreſte, & bōne for-
 tune née en luy, non ſeulement installé, mais conſerué &
 aggrādy. De Pepin en bas iuſques à Hues Capet, la Frā-
 ce qui ſ'eſtoit rendue la Prouince la plus guerriere de
 toutes les autres, ſe veit preſque maĩſtreſſe de toute l'Eu-
 rope, & l'Empire des Romains fuſt longuement entre
 les mains des Roys de France . Et venant Hues Capet
 à chaffer la poſterité de Pepin, il y euſt auſſi peu de trou-
 ble, qu'à l'vſurpation de Pepin, & ſe continuant en ceſte
 felicité de Hues Capet, elle a tiré des ſucceſſeurs d'ice-
 luy, la pluſpart de ces belles polices & conſtitutiōs, qui
 l'ornent & embelliffent, ayant durant ce dernier aage eu
 pluſieurs guerres tant contre ſes voyſins, que contre les
 ſiens meſmes, deſquelles par le moyen de ſa vertu & de
 ſa bonne fortune, elle eſt venue à bout. Toutes les cau-
 ſes qui ruinēt, ou pour le moins eſbrālent les Eſtats, ont
 tourmenté ceſte Monarchie , comme guerres pour ſon
 eſtabliſſement, & installation , pour ſon accroiffement,
 pour ſa deſſence, tant cōtre ſes voiſins que cōtre ſes ſub-
 iect̃s, pour la religion Chreſtienne, pour la diuerſité des
 Religions , diuiſions, diſſentions, guerres ciuilles, & au-
 tres: mais ſon bon heur & ſa vertu, l'a touſiours remis en
 la bonne

*Les maux
 de la Fran-
 ce.*

la bonne disposition, la quelle il a longuement conseruée iusques à ce tēps. Il fault donc dire que la vertu, sans laquelle aucune chose grande ne peult estre entreprise, a engendré la France: & la fortune, sans laquelle les choses les mieux establies sont mal asseurées, l'a conseruée, & que l'une & l'autre a grandement aydé, tant à sa naissance, qu'à sa conseruation. Les batailles que les François ont gagnées, les voyages qu'ils ont faicts, leurs conquestes, & l'estendue de cest Empire, sont deues à l'une & à l'autre: mais à la vertu, sont deuës ces belles constitutions & crections de tant d'offices, & ces vtils ordonnances que ces anciens Roys instituerēt. Et a la fortune, ce bon heur qu'elle a de s'estre sauuée parmy tant d'ennemis, & tant de corruptions & de reuolutions de siecles, & parmy tāt de causes vniuerselles qui ruinent les Empires. Les vns Roys ont esté vaillā, les autres iustes, les autres Religieux, les autres l'un & l'autre: les vns malheureux, & la pluspart heureux, & meslans ainsi en diuers tēps & en diuers effects, leur vertu & leur bon heur, ils ont réduit ce Royaume le plus florissant, & le plus grād, qu'autre qui fust au mōde. Il y a eu des Roys vaillans & vertueux, mais non trop heureux, & d'autres qui sembloiēt auoir la fortune pour compaignie de leurs actiōs, & de leur Empire. Et ainsi les vns par leur vertu ont vaincu leur malheur, & les autres par leur bō heur ont vaincu la vertu de leurs ennemis, & la ruine de leur Empire. Les vns venans à regner en vn temps, auquel les guerres exterieures & interieures, & les dissensions & querelles

*Les Roys de
France
quels.*

ciuiles agitoient leur estat, les ont appaisées plus par vne felicité admirable, que par vertu qui fust en eux, & les autres par leur vertu, qui quelquefois est la maistresse des malheurs, ont faict le contraire: & comme les vns. avec beaucoup de trauail de peine & de vertu, ont acquis & aggrandy cest Estat, ainsi les autres l'ont avec grande felicité maintenu. Qui considerera comme d'un petit commencement, il a esté si grand, qu'il s'est rendu redoutable à toute l'Europe, & à l'Asie: que toutes les nations estrangeres tant de l'une que de l'autre partie de la terre, ont senty ses armes: qu'estant à son origine enclos en vn petit pays, il s'est aggrandy peu à peu, & avec beaucoup de valeur: qu'il a par armes ioinct à sa couronne, tant d'anciens Royaumes, prins tant de Duchez, Cōtez & autres seigneuries sur ses voisins & subiects rebelles, & qu'il a exterminé tous ses ennemis intestins: il verra quelle a esté sa grandeur & sa force. Les Romains furent par les premiers Frāçois chassés, les Huns qui souz la conduicte d'Attila, estoient entrez en Gaule en nombre de cinq-cens mil combattans repoussez, les Bourguignons debellez, les anciens Allemās subiuguez, les Sarrazins desconficts, les Arrians descenduz d'Affrique exterminés, les Gotz, Ostrogotz, Visigotz, Alans, Huns, & Sueues deffaicts, les Roys de Bourgongne domptez, l'orgueil des Ducs de Bretagne rabbatu, les Normāds & Gascōs puniz de leurs rebellions, & cōtraincts de reuenir à leur deuoir, les Anglois renuoyez bien loing en leur coing de terre, & en somme vn nombre infiny de

*Les victoi-
res des. Frā
çois.*

nations debellées & vaincuës. Clouis en deux batailles extermina les Allemans, & les Arriani Visigotz, qui estoient en France, lesquels se releuans & reuenãs d'Afrique, au temps de Charles Martel, furēt par luy de rechef exterminiez, Charles le grand chassa les Saxōs, Danois, & autres barbares nations de ce Royaume, Charles septiesme chassa les Anglois de presque toute la Frāce, hormis de Calais, & depuis le Roy Hēry deuxiesme les renuoya delà la mer. Enquoy on peult recognoistre ce bon & heureux Genie de la Frāce, c'est à dire sa bōne fortune, qui n'a esté petite ny courte, ny seulement en paix, mais en guerre, non seulement sur terre, mais sur mer: laquelle naissant en l'enfānce de cest Empire, le nourrissant & allaitant, est fidèlement demeurée avec luy, & l'a tousiours accompagné en toutes ses actions, constitutions, voyages, guerres, & entreprinſes, tant dedans les Gaules, qu'en Flandres, Angleterre, Allemagne, Italie, Espagne, Grece, Sirie, Palestine, & bref tant en l'Europe qu'en l'Asie. C'est ceste bonne fortune ou ce bon Genie qui chassa souz Clouis, & souz Martel les Visigotz Arriani, qui comme vn tonnerre foudroyant auoient ruiné toute l'Afrique, & vne bonne partie de l'Europe. C'est celle là qui a tant de fois debellé les Saxons, les Huns & infinies autres barbares & cruelles nations, & qui a rencoigné delà l'Océā, les Anglois hors de noz limites. C'est celle là qui a rôpu les conspirations & menées des Ducs de Bourgongne, de Bretagne, & d'autres, faictes a la ruine de ceste courōne, & qui a abbatu

*Le bōheur
de la Fran
ce.*

l'orgueil & l'esperance des Anglois, qui auoiēt les yeux & les mains ouuertes à l'inuasion de ce Royaume. C'est celle là qui a si bien gardé ceste couronne, durant l'imbecilité de noz premiers Roys, & les mauuais & finistres deportemens de quelques autres. Finalement cest celle là qui a soustenu, fauorisé, & esleué cest Empire en ses plus grandes calamitez, & parmy les plus fortes conspirations de ses haineux, & les causes vniuerselles des ruines des Empires. Qui sont tous grāds & euidens miracles de la fortune: entre lesquels il en fault noter quelques vns. Le Roy saint Loys alla par deux fois en la terre sainte, là où il fut prins, puis y mourut. Y allant au premier voyage, il laissa son Royaume au gouuernement de sa mere la Royne Blanche de Castille, Princeesse vertueuse, mais peu aymée en France, pour ce qu'elle estoit estrangere: & au second il laissa pour Regēt, l'Abbé de saint Denys, & le Seigneur de Neesle. Durāt son absence, il eust esté bien aysé ou à vn voisin, ou à vn François mesme, de s'eparer de cest Estat, d'autant que ledict Loys l'auoit desnüé & espuisé d'argent, de forces, & d'hommes: & en partant le laissa comme à l'abandon, à celuy qui premier s'en empareroit: mais ce bon heur de la France, le garda sain & entier durant ces deux voyages, & fault en iceluy recognoistre vn grand benefice de la fortune. Quelques années au parauant Loys le ieune son ayeul en auoit autant fait, & bien que leur zele à la conqueste de la terre Saincte, & à la deliurāce des Chrestiens, fust louable: si est-ce qu'il portoit preiudice à leur

Estat, car sans aucune cōsideration ils l'abandonnoient au premier qui se fust remué. D'auantage au temps du Roy Charles septiesme, estans les Anglois presque Seigneurs & maistres de tout le Royaume, ne tenāt le Roy que le pays de Berry en sa possession, estant la France en proye des Anglois, le peuple affligé & ruiné, & hors d'esperance de pouuoir reuenir au dessus de ses malheurs, la bōne fortune de la France, luy suscita vn moyē de Religion, soit qu'elle fust simulée ou veritable, pour esleuer & esmouuoir les cœurs du peuple abatuz des guerres & des miseres communes. Car Iane dicte la pucelle venant promettre au Roy la victoire cōtre ses ennemis, & le recouurement de son Royaume, donna au Roy, à la Noblesse, & au Peuple, vn si grand courage, & telle esperance de leur repos, que se leuans de leurs malheurs (comme d'un profond sommeil) ils ouurirent les yeux, pour voir leur bonne fortune, & par icelle furent si bien encouragez, qu'ils chasserent les Anglois de la France. Or la fortune s'esmerueille d'elle-mesme en racomptant ces accidens, & monstre en iceux la grandeur de sa force & de ses facultez, faisant lors venir le secours d'un effect, que quelques vns estiment ridicule, & duquel on ne pouuoit l'esperer, donnant pour l'accōplissement de ses desseins & entreprises, force, vigueur, & entendement à ceux qui n'en auoient point. Car qui est-ce qui ne s'esbahira grandement, & n'estimera estre vn grand miracle, quand il considerera la calamité de ce temps là, & la felicité qui tout à coup suruint sans estre espe-

rée, & s'est coulée aux siècles ensuiuans ? Et qui au cours de ceste Monarchie, considerera toutes les choses qui y ont esté faictes, les conquestes, les batailles, les voyages outre mer, pour la Foy & Religion Chrestienne, les fondations & bastimens des Villes, des Chasteaux, des Forteresses, des Eglises, Temples, Abbayes, & autres Monasteres, & du nombre infiny des Ponts qui sont sur noz Riuieres ? qui considerera aussi les richesses de l'Eglise, la grâdeur de la Noblesse, les libertez du Peuple, & le beau nombre d'officiers de tous Estats qui y sont, trouuera de grands & admirables effects de la vertu & de la fortune ? & qui en outre considerera tout ce que la Terre, la Mer, les Illes, les Côtinës, les Fleuves, & les Riuieres portent, & qui estimera selon leur iuste prix & valeur, les commoditez diuerses que toutes ces choses donnent, qui honorent, accommodent, decorent & ornent grandement ce Royaume, & qui pensera que par les guerres tant estrangeres qu'intestines & autres accidēs, peu s'en a falu quelles ne fussent rien, ne sçaura trouuer la restauration d'icelles qu'en la bonne fortune de la France, aydée de la singuliere & admirable vertu, lesquelles ont outre tant de singularitez, produict vn nombre infiny de grands Roys, & de grands personnaiges souz eux. Entre les Roys on voit premierement Merouée, auquel nous deuons la promotion des Francs ou Francons en la France, puis Clouis, Pepin, Charles le grand, Hues Capet, Philippes premier, Philippes Auguste, Philippes de Vallois, Charles le Quint, Charles se-

*Les grands
Roys de
France.*

ptiesme, Loys vnziesme, Charles huictiesme, Loys dou-
 ziesme, François premier, & le feu Roy Henry, & autres
 auxquels nous deuons l'establissement, grandeur, & for-
 ce de c'est Empire, & l'ornement, illustration, soustien,
 & appuy des loix. De leurs Ministres on voit Charles *Les grands*
 Martel, Philippes Conte de Flandres, Bertrand du Glaf- *personna-*
 quin, Oliuier de Clifson, Iean Bastard d'Orleans, Poton- *ges de Frâ-*
 de Xaintrailles, la Hire, & infiniz autres grands & excel- *ce.*
 lés personnages qui souz les Roys leurs maistres ont fait
 de belles & excellêtes choses, ayans la vertu pour guide,
 & la fortune pour compaignie. Les vns aians esté souz
 de braues Roys, les autres souz des Roys imbecilles &
 voluptueux, ayans par leur vertu releué le Royaume des
 miseres auxquelles les voluptez & delices des Roys, l'euf-
 sent precipité sans leur faueur. Il y a eu aussi des Roys
 qui estans heureux, ont esté plus mal aduisez en leur bõ-
 ne fortune qu'en la mauuaise, ayans apres le bon heur
 de leurs victoires, plus embrassé qu'ils ne pouuoiet met-
 tre à effect, ce qui est vn vice coultumier à tous hõmes.
 Or comme toutes les actions de la vie de l'homme sont
 plustost regies & gouuernées par la fortune que par la
 prudence, & que plus a de puissance aux cõquestes, ba-
 tailles, & Empires, la fortune que la raison, ainsi faut il
 confesser (s'il est loisible de le dire) que la fortune à plus
 aidé à ce Royaume que la vertu, bien que la vertu y ayt *La France*
 beaucoup faict. Et d'autant que le pouuoir de la fortu- *aydee de la*
 ne est tresgrand, soit en la prosperité ou calamité des *fortune.*
 choses, donnant aux premiers vne bonne & desirée fin,

aux autres vne affliction, il fault luy attribuer la principale grandeur de toutes choses, & entre autres, de ceste Monarchie. Car depuis son origine iusques à auourd'huy, la vertu & la fortune y ont tant mis du leur, & tāt aidé à sa naissance & à son accroissement, & la France a reçu tant de biens de la premiere à son establissement, & de l'autre à sa conseruation, & tant de commoditez de toutes les deux, que si elles viennent à dire leurs raisons & biensfaicts, & la France à les cōfesser, il sera mal aisé, voire presque impossible à personne quelconque, de dire laquelle des deux y a le plus mis du sien, & à qui elle est la plus redevable. Ce que la vertu y a faict, a beaucoup cousté, comme coustumierement les œuures de la vertu sont de grand sueur, peine & trauail, & ce que la fortune y a mis, qui ne couste pas tant que ce qui vient de l'autre, est admirable. Combien que nous pouuons dire, qu'encores qu'elles soiēt dissemblables, si est-ce qu'elles ont faict en cecy choses semblables par diuers effects, pour auoir toutes deux beaucoup faict au bastiment de cest Empire, iceluy aide à l'entretienement de sa grandeur, aggrandy & estendu de païs, illustré de la Religion, décoré de la Iustice, appuyé des Loix, & orné de grands Roys, & d'excellēs personnaiges souz eux. Et bien que la vertu & la fortune combattent presque tousiours l'une contre l'autre, & ayent cōbattu à la naissance de cest Estat, si est-ce que depuis mil ans elles se sont accordées, vnies & r'alliées ensemble, pour y mettre vnanimement tout ce qu'elles auoient de plus beau
& de

& de meilleur, & pour le rendre parfaict & accompli
 en tout ce qui sert à l'illustration d'un Estat. Et semble
 que peu apres que ceste Monarchie vint a esclorre du
 precipice de la grandeur & puissance des Romains, la
 bôté & la faueur du ciel accoupla la vertu & la fortune,
 afin que leur concorde, alliâce & amitié, accommodâ-
 tes leurs forces ensemble, bastissent en la France, vn port
 qui seruist de port de salut à toutes nations, vn edifice
 propre & commode pour loger la grâdeur du monde,
 & vn Temple plein d'autels, ausquels on peut voir les
 vrais images de Religion, de Pieté, de Iustice, de vaillan-
 ce, & de bon heur. Et qui voudra considerer noz belles
 loix, comme la loy Salique, l'institution des Pairs de Frā
 ce, des Courts des Parlemens, des Conseils secret, priué,
 & grand, des diuerfes Iurisdiccions, des Officiers de la
 couronne, & autres tant militaires, iusticiers, que finan-
 ciers, l'introduction des Appannages, le reglement des
 dons, & alienations du domaine sans cognoissance de
 cause, fiefz, Bans, & Arrierebans, les appellations com-
 me d'abus cōtre les gens d'Eglise, les Regalles des Eues-
 chez & Archeueschez, & autres belles infinies constitu-
 tions, confessera la police de ceste Monarchie ne deuoir
 rien à celle de la chose publique Romaine, & que ia-
 mais Royaume ne fust mieux estably & embelly de
 plus beaux ornemens propres à l'illustration, conserua-
 tion & grandeur d'un Estat, que cestuy-cy. Et dira que
 par l'espace de douze cens ans, il a faict de tāt belles cho-
 ses, que qui voudra conferer la grandeur de ses faicts

*Les belles
 constitutions
 de la Frāce*

avec les années, trouuera qu'il y en doit auoir d'auantage. Donques puis que telles choses sont dignes d'estre cogneues, & que ie desire les faire cognoistre, toutefois d'autant que leur grandeur n'empesche, & leur diuersité interrompt souuent mon desseing, ie feray comme font les Cosmographes, qui en vn petit tableau peignent la grandeur du monde, ou comme ceux qui font vn compte, lesquels avec peu de gettons gettent vne grande somme.

*Origine des
Francs ou
François.*

Les Francons, Francs, ou François, disent qu'ils sont issuz des Troyens, pensans qu'ils ne seroient pas d'assez bonne race, fils n'estoient sortiz de là. Ce qui est vne commune erreur, non seulement de toutes natiōs, mais presque de toutes les Villes, de dire qu'elles sont issues des Troyens, comme si d'vn sac de Troye il restast vn si grand nombre d'hommes, qu'ils aient peu suffire à peupler & bastir tout le mōde, estant tout asseuré qu'il n'en sortit que deux hommes, Ænée & Antenor, qui prindrent terre en Italie, l'vn pres de Rome, l'autre pres de Padouë. Or noz Frāçois disent qu'apres le sac de Troye, ceux qui en peurent eschapper, vindrent souz la cōduite de Francus ou de Francion fils de Hector aux Palus Macotides, là où ils esleurent leur demeure, & du nom de leur Chef, se nommerēt Francs ou Francons, & que pres de là ils bastirent vne ville qu'ils appellerēt Sicambre ou Sicambrie, du nom d'vne fille ou sœur de Priam, tante de Francus, laquelle ils habiterent iusques au tēps de l'Empereur Valentinian. Ce qui est vne bourde, car il

ny eust iamais de Francus fils de Hector, d'autant que Hector n'eut qu'un fils nommé Astyanax, qui à la prise de Troye, apres la mort de tous les enfans, & heritiers de Priam, fut du hault d'une tour precipité, bien qu'il n'eust que deux ans. Ce que les Grecs feirent pour exterminer de tout point la race de ceux qui à l'aduenir se pourroyent ressentir des iniures par eux receuës. Et ne se trouue point aussi que Priam eust de sœur ou de fille nommée Sicambre. Mais puis que c'est la commune sorte de noz historiens, de nous faire sortir de là, il y a falu commencer. Ils habiterent donc longuement pres les Palus Maeotides, iusques au temps de l'Empereur Valentinian, qui au commencement les ayma & estima beaucoup, pour ce qu'ils estoient bons soldats, & fut secouru d'eux contre les Alans, qui s'estoient rebellez contre l'Empire Romain, & avec leur secours les subiuga. Dôt pour recompense de ce bon seruice, il leur donna pour dix ans, immunité du payement des tributs qu'ils deuoiuent aux Romains. Mais comme au bout des dix ans expirez, on les voulsist cōtraindre de les payer, ils ne voulerēt retourner à leur premiere seruitude, disans ne vouloir quitter ny donner, ce qu'ils auoient achepté au pris de leur sang. Quoy voyāt l'Empereur, assembla vne forte armée contre eux, & les chassa de leur territoire. Eux chassez, souz la conduicte de Marcomir, vindrent en Allemaigne en vne Prouince que de leur nom ils appellerent Franconie, là où Pharamond fils de Marcomir fut le premier qui par eux fut esleu & salué leur Roy, l'an

de salut, quatre cens vingt six, ou quatre cens dixsept.

*Pharamond
fist loix.*

Pharamond les voyans plâtez en lieu de seurté, s'ad-
uifa de r'assembler & reioindre comme en vn corps ce
peuple barbare, par bonnes loix & constitutions, sui-
uant en celà l'aduis de tous les hommes de grand enté-
demét, qui ont eu puissance sur les peuples, lesquels ont
saigement considéré que le meilleur outil qui pouuoit
ioindre les corps & les volonteze des hommes ensemble
à l'amitié mutuelle d'entr'eux, & à l'obeissance des Ma-
gistratz, estoit le bastiment & la reuerence des loix. Dô-
ques par l'aduis de quatre notables Cōseilliers, il fist des

*Les loix
saliques ou
Ripnaires.*

*La loy sali-
que.*

loix qu'il nomma Saliques ou Ripnaires, & ceux qui
nous ont voulu faire croire qu'il passa en Gaule & qu'il
y establist son siege Royal, disent qu'il fist la loy Sali-
que tant celebrée par les François, qui exclut les femel-
les de la succession de ce Royaume, mais celà est faulx,
comme nous dirons à l'endroiect où nous parlerons de
la loy Salique, là où nous monstrerons que Pharamond
ne vint iamais en Gaule, ne passa oncques le Rhin, & par
consequent ne fist la loy Salique. Ce que nous ne vou-
lons pas soustenir pour abroger les principes de nostre
histoire, ny pour contredire sans raison, à l'opinion de
noz anciens historiens, ny pour deshonorer ce Royau-
me, mais seulement pour oster vne ancienne erreur, dont
l'abolition nous porte plus d'honneur, que l'opinion si
long temps receuë d'elle.

*Pharamond
ne fist la
loy salique*

*La Gaule
guerrroyée
de toutes
parts.*


La Gaule lors possedée par les Romains estoit rava-
gée par plusieurs natiōs barbares, chacune desquelles en

tiroit sa piece cōme il a esté dit, & les Romains estoient si empeschez à deffendre vne partie, ce pendant que leurs ennemis donoient le coup à l'autre, qu'ils ne sçauoyent de quel costé se tourner. La partie q̄ regarde sur le Rhin, n'estoit encores espiée par aucun. Les Francons apres la mort de Pharamond desirans estendre plus auant leur Empire, comme gens aduenteux, s'aduiserent qu'il feroit bon entrer en Gaule, par la porte qui leur estoit voisine, ce pendant que les Romains estoient empeschez ailleurs. Ils trouuerent vn Chef propre à leur intention & desseing, qui fut Clodion le Cheuelu fils de Pharamond, souz la conduicte duquel, ayans passé le Rhin, ils vindrent habiter aux payz qui sont aux enuiron de la ville de Trieues, puis prindrēt Cambray, & delà passans la forest Charbonniere, s'emparerent de Tournay. Mais trois ans apres estans assailliz par les Vandales, Alans, Sueues, & Bourguignons, que Stilicon Seigneur Romain beaupere de l'Empereur Honorius auoit faict venir en Gaule pour les en chasser, ils furent contraincts s'en retourner en leur premiere habitation, quand ils virent qu'ils ne pouuoient resister à la grande puissance de tant de nations bandées à leur ruine. Quelque temps apres Clodion tanta de faire repasser le Rhin aux Francons, mais Ætius Seigneur Romain, Lieutenant general en Gaule de l'Empereur Valentinian fils de Honorius les empescha, non sans beaucoup de peine, car Clodion qui auoit deliberé de passer, le combattit plusieurs fois sur le passaige, & affoiblit grandement la force des Ro-

*Les Francons
en Gaule.*

*Clodion le
Cheuelu.*

*Les Francons
chassés de
Gaule.*



maines & de l'Empire Romain en Gaule, & ne se tenant vaincu ou reboutté pour vne, deux, ou trois fois, aïs voulant en quelque façon que ce fust, & quoy qu'il luy coustast, passer de deça, assembla vne plus forte armée que deuât, mais comme il estoit sur le poinct de l'employer il mourut. Il fist vne loy entre les siens, loy plus honorable & ceremonieuse, & plus appartenante à la maiesté des Roys, qu'à la police, par laquelle il voulut qu'il ny eust que les Roys, leurs enfans & ceux de leur race, qui portassent longue cheueleure, & que les autres la portassent rognée.

*La loy des
cheueleu-
res par Clo-
dion.*

*Merouée
ramena les
Franes en
Gaule.*

Incontinent apres sa mort, Merouée son fils ramena en Gaule les Francons, ausquels il sembloit que la Gaule fust destinée, tant ils auoient enuie d'y semer leur race, & d'y planter leur demeure. Y estās entrez, les premiers installez donnerent enuie à ceux qui estoient demourez delà, de passer deça, & de iour en iour accroissant le nombre de ceux qui passoient, tous ensemble premierement s'habituerent au païs qui est aux enuiros de Trieues & de Strasbourg, puis vindrent habiter aux riuages de la riuiera d'Aine. Le nombre en estoit si grād, qu'Ætius bien estonné de leurs forces qui esbranloient la grandeur de l'Empire Romain en Gaule, fust contraiect de challer pour l'heure la voyle, & faire paix avec eux, avec promesse de ne leur demander iamais rien. Mais comme Ætius pensoit auoir pacifié les affaires des Romains en Gaule, vn plus grand orage que celuy là, vint tomber sur icelle, car Attila Ro y des Huns y vint

*Attila roy
des Huns en
Gaule.*

fondre avec vne horrible tempeſte d'une armée de cinq cens mille combattans, compoſée non ſeulement de ſes ſubiccts, mais auſſi de nations diuerſes par luy vaincues, & mettant le feu par tout où il paſſoit, ne pardonnoit à ſexe ny à aage, ny à villes, ny à champs, ny à choſe quelcōque. Apres auoir bruſſées & rafées les villes de Metz, de Trieues, & de Reims, & longuement battue en vain la ville d'Orleans, il vint en la cāpaigne de Champaigne prez la ville de Chaalōs, où ſelō les autres en Soulogne, ou aupres de Thoulouſe, là où Ætius & Merouée ioignans enſemble leurs forces, & ſe faiſans bōs amis pour ruiner leur commun ennemy, avec leur armée le ſuiui-
rent, le combattirent, & le vainquirent. Merouée auoit avec luy ſon fils Childeric, & monſtra tellement ſa vaillāce en ceſte bataille que la victoire luy en fuſt attribuée par les Gaulois, qui commencerent de cognoiſtre ſa valeur. Ce qui deſpleut grandement à Ætius, ialoux de la grandeur & de la grande reputation de Merouée, mais voyans que les cœurs des Gaulois inclinoient du coſté de Merouée, c'eſt à dire de la bonne fortune, il fut contrainct de diſſimuler ſon maltalent, & de laiſſer courir la bonne fortune de ce nouueau Roy des Gaulois. Merouée ſe voyant vainqueur d'un ſi grand Monarque comme eſtoit Attila, & ſentant l'affection que les Gaulois luy portoient, eſleua plus hault ſes deſſeins, ſelon la couſtume du naturel des grands perſonnages, qui ne ſe peuuent contenter de leur bonne fortune preſente, ains ſont pluſtoſt par icelle animez & pouſſez à plus grādes.

Bataille cō-
tre Attila.

Attila
vaincu.

*Conquestes
de Merouée*

*Le Gaule
nommée
France.*

*Les Gaulois
nommez
François.*

entreprinses, & voulât iouir du fruit de ses victoires, & se faire grand en Gaule qui estoit son seul but & des-
seing, print les villes de Sens, de Paris & d'Orléans, & des
pay's d'alentour, & gaignant tous les iours quelque pie-
ce de terre, donna le nom de France à tout ce qu'il auoit
pris en Gaule: puis ioignant en vn corps les Gaulois &
Francôs, les appella tous Francons ou François, & à ce-
ste cause dorelnauant nous les appellerôs François. Pour
ceste occasion noz ancestres le recognoissans quasi cō-
me premier Roy qui passa en ces pay's, appellerēt de luy
les François, Merouingiens. Et comme il estoit en espe-
rance & sur le poinct d'estendre plus auant ses limites, il
mourut, laissant pour son successeur son fils Childeric.

*La premie-
re lignée
des Rois de
France.
Childeric.*

En Merouée commença la lignée des Roys de Fran-
ce qui a duré iusques à Pepin, & la memoire seruit tant à
son fils Childeric quelle seule fust cause de le faire courō-
ner Roy apres la mort de son pere. Car il estoit cogneu
viciieux, toutesfois les François auoient esperance que
les affaires, & l'image des vertuz de son pere, le retire-
roient des voluptez, & attireroient son esprit à la vertu
& au soing du Royaume. Mais son naturel du tout en-
clin au vice, ne se changea au trosne Royal, au contraire
par la liberté que la royauté & la puissance donnent,
deuint plus insolent & voluptueux. Et dès le commen-
cement de son regne se rendit odieux à chascun par ses
dissoluës voluptez, tyrannies & exactions, prenant par
force & violant les femmes & les filles des plus grands
Seigneurs de France, & se laissant manier à mauuais cō-
seilliers

eilliers, par leur conseil impoſoit de griefs ſubſides
 ſur ſon peuple. Ce qui les eſmeut à coniurer contre luy,
 & à le chaffer de ſon ſiege Royal, n'eſtant choſe au mō- *Childeric*
 de qui plus anime & irrite les hommes de grand cœur *chaffé.*
 à coniurer contre leurs Princes, que le violemēt de leurs
 femmes, comme il ſ'eſt veu par infiniz exemples, & auſ-
 ſi les Roys qui ſe laiſſent conduire à mauuais cōſeilliers
 & qui ſoullent & exigent leur peuple, ſont touſiours
 ſubiects à ſemblables accidens. Dont il fuſt contrainct
 ſe ſauuer vers Baſin Roy de Thuringe (à preſent ſelō au-
 cuns diēte Lorraine) par le conſeil d'vn ſien fidelle ſerui-
 teur nommé Guyemans, qui luy conſeilla de ſe retirer
 de la France, & faire pour quelque temps, place à la fu-
 reur, & à la haine des François. Luy remonſtrant qu'elle
 ſ'appaiferoit en ne le voyant point, & qu'au contraire ſ'il
 demeueroit en France, ſa preſence l'augmenteroit d'auā-
 tage, eſtant le temps le ſeul & ſouuerain medecin, qui
 gueritſt les plaies des haines & des inimitiez. Guyemans
 luy promiſt de faire durant ſon abſence, ce qu'il pour-
 roit pour ce pendāt amollir & gagner le cœur des Frā-
 çois, pour le remettre en ſon ſiege, & rompant vne pie-
 ce d'or, luy en bailla la moitié, luy diſant, que quand il
 luy enuoieroit l'autre moitié qu'il retenoit, ce ſeroit ſi-
 gne qu'il pourroit reuenir, & que les François le vou-
 droient lors remettre en ſa premiere dignité.

Ce pendant les François au lieu de Childeric, eſleurēt
 Roy vn Lieutenant des Romains nommé Gillon, qui ſe *Gillon eſleu*
 tenoit à Soiffons, en la bonne grace duquel Guyemans *Roy.*

qui estoit habille homme, se sceut si bien mettre, que le dict Gillon ne faisoit rien sans son conseil, & aduis. Guyemans pour rendre Gillon odieux aux François, & pour leur donner occasion de r'appeller Childeric, conseilloit Gillon de les traicter rudement, luy disant qu'il cognoissoit bien le naturel des François, desquels il ne pourroit iamais venir à bout, sil ne leur tenoit la bride haute. Gillon faisant ce que Guyemans luy conseilloit, faisoit tous actes de Tyran enuers les François, lesquels se faschans des rudes & cruelles façons des Romains, commencerent de murmurer contre luy. Guyemans qui auoit mis Gillon dedans les filetz, ne demandant pas mieux que cela, conseilla Gillon de faire mourir ceux qui se mutinoient, & trouuant vne bonne occasiõ pour mettre à effect ses desseins, luy accusa tous ceux qui auoient esté de la partie de la coniuration faicte contre Childeric, disant que c'estoient les principaux autheurs des mutins, & de ceux qui coniuroient contre luy. Gillon les fist mourir, comme criminels de leze Maiesté, & par ceste cruauté irrita tellement contre luy les cœurs & la haine des Seigneurs François, que ne pensans point que Guyemans eut faict iouer ce ieu, ils se vindrent plaindre à luy. Guyemans voyant de iour à autre ses desseins prendre vn bon chemin, & par consequent les affaires de Childeric s'acheminer où il vouloit, leur dit qu'il fesoit merueilloit grandement de leur inconstance & legereté, en ce que maintenant ils se plaignoient de la cruauté de celuy, qu'au parauant ils auoient tant loué, & qu'ils auoient

chassé leur Roy & Seigneur naturel, & natif de leur nation, pour se mettre en la subiection d'un superbe estrangier. Et apres auoir faict comparaisson des vices & voluptez de Childeric avec la superbe & insolente domination de Gillon, & monstré que plus estoit suportable la paillardise d'un Roy naturel, que la mort & la ruine de tant de Seigneurs François, il les conseilla de remettre Childeric en son throsne Royal, & d'appaiser par son r'appel, son cœur offensé par son bannissement. Ce langage accompaigné de plusieurs autres belles persuasiōs propres à cest affaire, esmeut tellement les cœurs de ces Seigneurs à la haine de Gillon, & au desir de r'appeller Childeric, qu'ils confesserēt auoir faict vne grāde faute, d'auoir chassé Childeric, & prierent Guyemans de trouuer moyen de le faire reuenir. Adonc Guyemans estant paruenue au point qu'il desiroit, luy enuoya la moitié de la piece d'or qu'il auoit retenuë pres de luy, & luy manda qu'il pouuoit seurement venir, & que les François le receuroient avec grande ioye. Comme Gillon eut descouuert la menée de Guyemans, & des François, & vit venir Childeric, il leua des forces pour s'y opposer. Mais c'estoit trop tard, & monstra bien qu'il ne cognoissoit pas comment il faut qu'un Prince nouuellement esleu en pays estrangier se doit gouuerner, car Childeric ayant ioinct les siennes avec celles que d'autre costé luy menoit Guyemans, luy donna la bataille & le vainquit, le contraignant de quicter sa couronne & son sceptre, & de se retirer dedans la ville de Soyssons. Childeric estāt

*Gillon chassé du Roy-
aume.*

Childeric remis.

restitué & remis en son estat, se ressouuint de sa vie passée, & du mal qui luy estoit aduenü pour auoir esté trop adonné à la paillardise, & voulant par son exēple & à son dommage se rendre sage & aduisé, reforma tellement sa vie, & ses actions, que delà en auāt il n'eut autre soing que de se rendre par vaillance, sagesse & iustice, agreable aux François, & de guerir par ses vertuz, les playes de sa premiere mauuaise reputation, & de sa fortune. Et s'estant par ceste nouuelle victoire, & par ses malheurs rédu vaillant & bien aduisé en ses affaires, il alla tout incontinent combattre Adouagre Roy des Saxons, qui tenoit la ville d'Orleans assiegée, & le vainquit, ne voulant auoir vn si grand Seigneur pour voisin, & le poursuivit iusques à la ville d'Angiers, laquelle il print, & eslargit son Royaume iusques à Angers, tout le long de la riuere de Loyre. Gillon apres auoir dedans Soissons respiré de sa perte, supplia les Visigotz amis des Romains de luy donner secours cōtre Childeric, pour r'auoir son Royaume, leur remonstrant que la grandeur des François en Gaule leur deuoit estre suspecte, & qu'ils ne deuoient la laisser d'auantage accroistre, ains la couper à sa naissance, deuant qu'elle deuint plus haulte, d'autant que quand vne fois elle auroit pris racine, il ne seroit plus temps de sy opposer. Les Visigotz presterēt l'oreille à ceste remonstrance, & se ioignans à Gillon, tous ensemble eussent faict vne forte guerre contre Childeric, si les Bretons qui quelques années au parauant estoient venuz d'Angleterre, lors nommée Bretagne, habiter en

Eslargissement de la France.

Gaulle en la Prouince Armorique, maintenât nommée Bretagne, ne se contentans du paÿs qu'ils auoient à leur reuë occupé, & bruslans & rauageâs les paÿs d'Anjou, de Poictou, & d'Angoulême, & ceux qui sont aux bords de la Garonne, appartenans aux Viligotz, ne les eussent diuertiz de l'entreprise faicte contre Childeric, d'autant qu'ils estoient contraincts de deffendre leurs terres contre lesdicts Bretons, & d'y employer toutes leurs forces.

Ce pendant Gillô mourut, laissant Childeric paisible en son Estat. Basine femme de ce Basin Roy de Thuringe, vers lequel Childeric s'estoit retiré apres qu'il fut banny de son Royaume, entendant la prospérité des affaires de Childeric, laissât son mary, le vint trouuer (attirée possible du plaisir qu'elle auoit eu avec luy durant qu'il estoit en Thuringe.) Chilperic luy demandât pourquoy elle auoit laissé son mary pour le venir trouuer, elle luy respondit, que la vertu qui estoit en luy, l'auoit cōtraincte, à y venir, & que si elle pensoit qu'il y eust vn autre homme plus vaillant que luy, elle courroit tout le monde pour l'aller trouuer. Childeric pipé de la douceur de ceste femme, l'espousa, oubliant le droit d'hospitalité, & les plaisirs receuz de Basin. La premiere nuit de leurs nopces, Basine supplia Childeric de s'abstenir pour celle nuit de sa compagnie, & du plaisir du mariage, & le pria d'aller deuant la porte du Chasteau, & d'y obseruer curieusement ce qu'il y verroit. Ce nouueau mary croiât sa femme, par trois diuerses fois alla deuant la porte du-

*Visions de
de Childeric.*

dict Chasteau, & y obseruât ce qu'il y auoit veu, luy r'apporta qu'il auoit premierement veu des Licornes, & des Lyons & Leopards, pour la seconde fois des Ours & Loups rauissans, se battans les vns les autres, & pour la derniere fois des petits Chiens & autres petites bestes, se mordans & deschirâs les vnes les autres. Basine comme diuinatrice de ce que ceste vision denotoit, luy dict que cela signifioit les diuers naturels de la race des Princes, qui deuoient sortir de leur semence. La premiere qui seroit genereuse, ressembleroit les Licornes. La seconde qui seroit rauissante, ressembleroit aux Loups & aux Ours : & la tierce se battroit comme faisoient ces petits Chiens & autres petites bestes. Childeric bien aise de la vaticination de sa femme, entra en esperance d'engendrer vne tresillustre race. En luy on peult voir vne grande diuersité de meurs, & deux contraires en mesme subiect: Car au commencement il fust vitieux, & ayant receu chastiment de ses vices, il deuint par son dommage si vertueux, qu'il doibt seruir d'un beau & rare exēple à ceux qui commettent de grandes faultes. Se voyât vieil, il fist instruire son fils Clouis en toutes vertuz & honnestes exercices dignes d'un Prince, & mourant le 24. an de son regne, l'an 459. laissa sondit fils pour successeur en son Royaume.

*Diuersité
de meurs
en Childeric.*

Clouis.

Clouis fut vn grand guerrier, & Prince qui ne deuoit rien aux vertuz des autres Roys. Ce fust le premier qui bastist en France la Foy Chrestienne, qui y mit la religiō, la iustice & la discipline militaire, qui donna à la France

e nom & tiltre de Royaume, & auquel à bié dire, nous *La France*
 eurons r'apporter la vraye grandeur, & premiere autho *erigée en*
 ité des François en ceste Gaule, A son exemple il don- *Royaume.*
 na aux Franks enuie de se faire Chrestiens, & de prendre
 la religion des Gaulois. La force estoit lors la seule Loy
 de ce Royaume, & n'y auoit ny ordonnance, ny Loy é-
 crite, estans toutes choses exposées au droict de bien
 sceance, à la proye, à la force, à la violence, à la rapine, &
 au pillage, par la licence des guerres, & de l'vsurpation
 de l'estat. Les Franks peuple barbare & accoustumé de
 viure à la liberté & à la licéce des guerres, ne recognois-
 soient autre loy que celle barbare qui permet au plus
 fort de donner la loy au plus foible, & d'en prédre là où
 lon en trouuera, & n'y auoit lors entre les François que
 vne seule loy, qui n'estoit de police ny de iustice, (com-
 me il a esté dict,) ains vne loy de maiesté & de reueren-
 ce, qui estoit qu'il n'y auoit que les Roys, leurs enfans, &
 leurs descendans qui portaissent la cheueleure longue,
 commandans aux autres de porter les cheueux raiz.
 Voyla la premiere loy qui fut faicte en France par Clo-
 dion le Cheuelu, quoy qu'on die que la Loy Salique fust
 la premiere: de quoy il sera parlé en son lieu. Et par là on
 peult iuger que noz premiers Roys n'auoient pas beau-
 coup d'affaires, veu qu'ils s'amusoient à faire vne loy sur
 la différence des cheueux. Et encores que vouloir im-
 pugner la loy Salique, semble vn crime & vne heresie, si
 est-ce qu'estant fondé sur vrais tesmoignages, ie puis di- *Pharamond.*
 re, que ceux qui ont voulu faire croire que Pharamond *ne fist la*
 loy Salique.

*Pharamond
ne fut ia-
mais en
Gaule.*

fit la loy Salique, qui exclut les femelles de la succession du Royaume de France, l'ont songé, & ne l'ont trouué en aucun ancien autheur, qui ayt escrit de trois cens ans au dessus. Gregoire de Tours, & le moine Aimoinus d'escriuans l'histoire de France, & la prenans à son origine & commencement, n'en parlent en façon quelconque, d'auantage Pharamond (comme il a esté dict,) ne fut iamais en Gaule, ains ne bougea de la Frāconie prouince d'Allemaigne, là où les Franks que Marcomir son pere y auoit laissez, estans chassez des Palus Maeotides par l'Empereur Valentinian, le créèrent leur Roy. Il sera parlé cy apres de la loy Salique.

Et ce pendant retournant à Clouis, au commencement de son regne, il delibera de se vanger de ceux qui auoient chassé son pere hors de son Royaume, & commença à Siagrius fils de Gillon, lequel il chassa de sa ville de Soissons, & print la ville. De là venant à Rheims, il ne voulut qu'elle fust pillée, mais vn soldat François entrant dedās vn Temple, y desroba vn Calice: ce qui desplut grandement aux Gaulois anciens, qui estoient extremement desplaisans de voir qu'on commençast à piller les Tēples, & qui quelque mine qu'ils fissent, estoient extrememēt marriz d'auoir vn Roy de contraire Religion à la leur. Sainct Remy Euesque de la ville, enuoya des Prestres vers Clouis, se plaindre de cest acte, & luy faire vne remonstrance de la cause de la Religion, avec charge de luy faire rendre ce Calice. Le Roy & les Seigneurs de son conseil furent d'auis qu'il fust rendu. Et
ayant

ayant faict commandement que tout le butin fust porté deuant luy, afin que selon la coustume qui estoit entre-eux, il fust diuisé & party egalelement entre tous, Clovis commanda que le Calice fust mis à part pour le rendre à S. Remy. Mais le soldat superbe & insolent, & accoustumé à desrober, venant deuant le Roy, dict superbement qu'il ne falloit point rendre à ennemis & à gens de contraire Religion, ce qui auoit esté butiné à la guerre, & gagné par la vaillance. Ce qui a esté vne responce de tout temps commune à ceux qui ont faict la guerre à ennemis de Religion contraire : & pour ioindre vne insolence de faict à celle de la parole, donna vn grand coup de sa pique au Calice, & le cassa. Le Roy ne dit mot pour l'heure, se reseruant à vne autre fois à faire la punition de l'insolent soldat, & feit rendre ce Calice. Au bout de quelque temps, le Roy faisant la reueüe de son armée, pour voir si elle estoit en bon equipage, ce soldat passa deuant luy. Le Roy l'appellant, regarda ses armes & son equipage, assauoir sil estoit bon & suffisant, & ayant sur la pique du soldat fondé occasion de le punir, disant qu'elle n'estoit pas bonne, la ietta par terre. Le soldat se baissant pour la releuer, le Roy desgaina son cimeterre, ou print (selon aucuns) vne hache, & luy donna vn si grand coup sur la teste, qu'il le coucha mort par terre, punissant en temps & lieu la superbe & le larcin du soldat. Il ne fist pas ceste iustice comme de sacrilege Chrestien: car il n'estoit Chrestien, mais comme de sacrilege simple Payé & prophane, ou larcin, d'autât qu'il

*Iustice de
clenis.*

estoit fort iuste & droicturier Prince. En ce temps là, Gondebault Roy de Bourgongne auoit vne niepce nommée Clotilde, qui tenoit la religion Chrestienne, de laquelle Clouis ouit dire tant de biens qu'il eust enuie de l'espouser, non tant à la verité, pour sa vertu, que pour l'enuie qu'il auoit d'auoir, par ce mariage, le Royaume de Bourgongne, qui appartenoit à ladicte fille, sur le pere de laquelle Gondebault l'auoit vsurpé. Clouis enuoya demander la fille par vn sien fidelle seruiteur nommé Aurelius, mais Gondebault preuoyant sa ruine par ce mariage, la refusa du commencement, puis se voyant forcé, l'accorda, à la charge que Clouis se feroit Chrestien. Il pensoit par ceste respõse faire desister Clouis de sa poursuite, ne pouuãt penser que iamais Clouis se fist Chrestien, mais il le print au mot, car Clouis le promist & toutesfois il ne se fist Chrestien que quinze ans apres. Et l'ayant espousée, il ne voulut tenir sa promesse, bien qu'elle l'en sollicitast, mais il s'en mocquoit, luy disant qu'il fault auoir les Royaumes & les femmes comme on peult, puis les tenir comme on veult. Ce pendant elle eut vn fils qu'elle fist baptizer, & peu apres il mourut. Clouis en fut fort fasché, & reprochoit à sa femme sa Religion, disant que ses Dieux estoient courroucez cõtre elle. Or elle eut vn autre fils qu'elle fist pareillement baptiser, lequel peu apres son baptisme, fut si extremement malade, qu'il pensa mourir. Le pere voyant son fils si malade, se courrouca de rechef à Clotilde, luy reprochant son Dieu, mais le fils ne mourut point. Il aduint

qu'il commença la guerre aux Allemans, là où s'estant *Bataille cō*
attaquée la bataille entre luy & eux, la victoire commē- *tre les Al-*
ta d'estre du costé des Allemans, & Clouis s'aperceuant *lemans.*
toutes choses baster mal pour luy, & la victoire estre si
pres de ses ennemis, & se voyant priué de tout secours
humain (cōme les hōmes ont accoustumé en la Deplo-
ration de leurs affaires, d'auoir recours à la diuinité,) re-
courut au secours de Dieu, & se ressouuenāt de la pro-
messe faicte à sa fēme deuant que de l'espouser, & estant
biē edifié des mœurs, & de la vie de ceux qui tenoient la
Religiō Chrestienne, promist à Dieu de se faire Chrestie,
moyennant qu'il luy pleust, luy faire la grace d'auoir la
victoire sur ses ennemis. Incontinent qu'il eust faict ce
vœu, la force reuint à son armée presque vaincue, & cō-
me si la diuinité celeste eust regardé la Frāce, la fortune
de la bataille se changeant, ceux qui auoient fuy, oubliās
leur trauail, leur sueur & la douleur de leurs playes, re-
tournerent à la bataille. La fut faicte vne grāde bouche-
rie d'Allemans, & leur Roy y fut tué. Clouis apres ceste
victoire, n'auoit autre desir q̄ de s'aquitter de son vœu, *victoire*
& comme il retournoit vers Paris, Clotilde sa femme *sur les Al-*
quil'attendoit à Rheims, vint au deuant de luy, accom- *lemans.*
pagnée de Remy Euesque de Rheims, homme vieil, *Clouis se*
plein d'erudition, de saincteté, & d'vne maiesté venera- *faict Chre-*
ble & digne d'un Prelat. Il estoit necessaire au Roy Clo- *stien.*
uis, non encor bien confirmé en la Religion Chrestien-
ne, & qui n'auoit que le zele seulement, qu'un homme
graue, sçauant, & de bonne vie, fut pres de luy, pour em-

pescher que les heretiques Arrians, qui lors possedoient la pluspart des Roys de la Chrestienté, ne le prinssent par les oreilles, apres qu'il se seroit faiët Chrestien. Car ces Arrians se disoient Chrestiens, & leur eust esté bien ayse de surprendre & piper Clouis nouvellement deuenü Chrestien, & non encore bien assëuré en sa foy, veu qu'il estoit meilleur guerrier que bien entëdu en la sainte escriture, ou en la difference ou aux differends des interpretations & sens de l'escriture sainte. Remy par son eloquence, par la maiesté de sa parolle, & de sa contenance, & par son affection enuers la Religion, se rendit admirable & venerable en l'endroiët de Clouis, & par ses belles predications, attira trois mil hommes de guerre au Christianisme, & les incita de se faire Chrestiens. Comme Clouis fust arriué à Rheims, Remy accompaigné de ses Prestres, vint à la porte de l'Eglise, recevoir le nouveau Chrestien. Lequel vestu de blanc, entra dedans, & vint iusques aux fonds de baptême, ayant la teste haulte, la perruque longue, lauée, parfumée, galonnée, & canelée, dequoy Remy luy faisant vne briefue correction, il se soumist à toute l'humilité qu'un simple hōme se scauroit souzmettre, & se despouillāt tout nud

Clouis baptisé.

se mit sur le Baptistere, pour recevoir le saint lauemēt de Baptême. Surquoy l'histoire de Frāce dit vn miracle estre aduenü, cest, comme Clouis estoit sur les fonds, & que l'Euësque attendoit le Prestre qui portoit le saint Chresme du Baptistere, pour en oindre lediët Clouis, & qu'à cause de la grāde multitude du peuple, le Prestre

ne peult passer pour paruenir iusques aux fonds, miraculeusement suruint vn Ange du ciel, les autres disent vn Colomb blâc, avec vne petite Ampouille plaine d'une sainte eau, & l'offrit à Remy qui en baptisa le Roy. Et ceste Ampouille estant precieusement gardée dedans l'Eglise saint Remy de Rheims, sert à oindre les Roys à leur sacre. Gregoire Archeuesque de Tours, escrit que le Roy Clouis fut couronné, mais il ne parle poinct qu'il fust oinct ny sacré, ains seulement baptisé, & aux anciennes Croniques de ce temps là, n'est faicte aucune mention de sacre, ny d'Onction ez Roys de la premiere lignée, & ne parle ledict Archeuesque aucunemēt du miracle de la sainte Ampouille, biē qu'il parle assez de plusieurs autres miracles. Il ne se trouue aussi aucun Roy de la premiere lignée oinct ny sacré à Rheims, ny ailleurs, mais de la seconde & troisiēme la pluspart ont esté sacrez & oincts en autres lieux qu'à Rheims, quoy que les Archeuesques de Rheims debattēt ce droit appartenir à eux & à leur Eglise. Ce qui sera deduiēt ailleurs.

*La sainte
Ampouille*

*Du sacre
des Roys.*

Mais pour reuenir à Clouis, il se fist Chrestié en ceste extreme necessité, tant pour complaire à sa femme qui tous les iours le sollicitoit de prendre le Christianisme, & pour complaire à son peuple qui estoit presque tout Chrestien, que pour le grād zeile qu'il auoit à la Religio Chrestienne. Considerant que comme la Religion est la chose du monde qui plus elineut les hommes à aymer ceux qui sont de leur Religion, ou à haïr ceux qui n'en sont point, il ne sçauoit se rendre plus aymé, ny plus ag-

greable à son peuple, que se faisant Chrestien, estant au reste fort craint, aymé, honoré & redouté par sa vaillâce & iustice, ne luy restant que cela pour gagner de tout poinct le cœur de ses subiects. Et icy i'adiousteray vne ancienne creance des François qui n'est tesmoignée par aucun autheur veritable. C'est que les Roys de France portoiēt au parauāt trois Crapaux, les autres disent trois Couronnes, les autres trois Croissans. Mais qu'apres que Clouis^{este} fut faict Chrestien, luy furent enuoyées du ciel les armoiries qu'ils ont portées depuis, qui sont les fleurs de Lys d'or, en chāp d'azur, qui est couleur du ciel. S'estant faict Chrestien, la Royne Clotilde sa femme desireuse de se vanger de son oncle Gondebault, qui auoit faict mourir son pere, & l'auoit priuée du Royaume de Bourgongne, supplia son mary de la vanger de l'vne & de l'autre iniure. Clouis alla en Bourgongne, la print, en chassa Gondebault, & y mist bonne garnison. Puis estāt par son nouveau Christianisme, deuenu grand ennemy de ceux qui ne tenoient la foy Chrestienne, & de ceux qui par nouuelles sectes, & heretiques, & impures opinions l'auoient souillée & pollue, il entreprint la guerre contre les Visigotz infectez de l'heresie Arrienne, & pres de Poictiers les vainquit, de sa main tua Alaric leur Roy, & poursuiuāt le reste iusques aupres de Bordeaux, les deffit en vn lieu où il y a encore aujourd'huy vn vil-laige, qui du nom de la victoire, s'appelle Camp Arrian. Cela donna vn singulier plaisir aux Gaulois Chrestiens, voyans que leur Roy festoit faict si grand ennemy des

*Anciennes
armoiries
des Roys de
France.*

*Les fleurs
de Lys en-
uoyées du
ciel.*

*Guerre en
Bourgoigne*

*Guerre con-
tre les Visi-
gotz.
Bataille con-
tre eux &
victoire.*

heretiques. Et fault bien penser que durât les regnes des quatre Roys precedens payens, le peuple Gaulois qui desia auoit la Foy Chrestienne, & qui estoit gouuerné par les Empereurs Romains Chrestiens, n'estoit gueres en repos souz la subiection d'une natiõ barbare & infectée d'idolatrie: car il est mal aysé qu'un peuple puisse auoir agreable la seigneurie ny le regne de son Prince, quand ils sont de contraire Religion. Clouis se faisant Chrestien, se rendit si agreable à ses subiects, que la memoire de son nom seruit depuis à ses successeurs, à les conseruer longuement en leur Royauté, bien que degenerans de sa vertu, ils fussent indignes d'un sceptre & d'une couronne.

Après que Clouis eut purgé son Royaume des Visigotz Arriens & faict plusieurs choses qui auoient semé sa renommée par tout le monde, Anastase Empereur des Grecs, luy enuoya ses Ambassadeurs pour se conioindre de sa part avec luy de ses victoires & conquestes, & par eux luy enuoya les ornemens de Consul, & la qualité de Patrice Romain, & cõtracta avec Clouis amitié & cõfederation, laquelle fust non seulement suspecte, mais aussi redoutable au Roy des Ostrogotz, qui pensa par icelle, que l'Empereur Grec n'auoit autre desir q̃ de remettre le nom & la grandeur de l'Empire en son ancienne maiesté, & qu'à ceste occasion le Grec auoit contracté ceste amitié & intelligence avec ledict François, pour le ruiner, veu qu'estant la Royauté des Visigotz ruinée, & Clouis enflé de ses victoires, & les deux Princes de Gre-

*Présens
d'Anastase
à Clouis.*

*Guerre des
Ostrogots
contre Clo-
vis, & ba-
taille.*

ce, & de France confederez & amis, luy ny leurs autres voifins ne pourroyent attendre que leur ruine. Adonques il leua vne armée, & vint assaillir Clouis en bataille, en laquelle moururent quatre vingts mil François, & comme Clouis estoit sur le poinct de vëger ceste perte il mourut. En luy commença la grandeur des Roys de ce Royaume, & de la iustice & de la police, car il fust grād Iusticier, & au demourāt ambitieux & conuoiteux d'estëdre plus auāt les limites de son estat. Il chastia bië rigoureusëmēt quelques Seigneurs de son Royaume q̄ durant ses guerres se vouloient rebeller contre luy, & troubler son Estat, monstrant à ses successeurs commēt il fault chastier les rebelles & perturbateurs du repos public. Ainsi donc commença souz Clouis la Frāce à parler par maniere de dire, & à cheminer comme font les

*Rebelles
puniz.*

*La France
Royaume.*

petits enfans. Clouis fut le premier qui dōna vne forme de Royaume à la Frāce qui au parauant estoit vn Estat confuz, fit Paris Chef de son Royaume, & estendit les fins & limites d'iceluy, iusques à la riuere de Loyre.

*Les Romains
chassez de
la Gaule.
Les 4. fils
de Clouis
partagez en
Royaumes.*

Il extermina de tout poinct la puissance des Romains en Gaule, sans que despuis ils y ayent peu mettre le pied, & laissa quatre fils qui brouillerent tout l'Estat du Royaume, le partissans entr'eux par egallée portion, chasque partaige portant le nom de Royaume, qui fut vne coutume qui dura iusques au regne de Charles le Simple, que tous les partaiges des enfans de France estoient erigez en Royaumes, & eux appelez Roys, tous deuans neantmoins le baise-main à celuy qui estoit Roy de

Paris,

Paris, qui estoit le souuerain de tous les autres, & duquel ils releuoient en souueraineté. Les partaiges d'iceux brouilloient fort la France de factions, de dissensions, & de guerres, la rendant foible, estant ainsi tronçonnée & mise par morceaux.

Des quatre fils de Clouis, Childebert l'aîné fut Roy *Childeric.* de Paris, Clotaire de Soissons, Clodamire d'Orleans, & Thierry bastard, de Metz. Mais comme chascun de ces Roys s'efforce d'attaindre à la grandeur du pere, & d'estandre ses limites, ne voulant estre tant estoictement resserré au petit païs de son partaige, ils feirent naistre premierement des guerres estrangeres, puis des domestiques & intestines, qui ne prindrent fin, iusqu'à ce que ces quatre Royaumes furent reunis & incorporez ensemble, & vindrent à obeir à vn seul. Les regnes de ces quatre freres furent miserables & cruels, & leur fin semblable à leurs regnes, faisans tout ce qu'ils pouuoient pour exterminer leurs Estatz, qui ne faisoient qu'esclorre, & sortir de la vertu de leur pere. Et comme c'est vne coustume des Princes, de paindre & farder d'une belle couleur, leur desbordée ambition, & de nommer vne iuste querelle, ce qui est vn droict de bien seance, Clodamire Roy d'Orleans, voisin du Royaume de Bourgogne, ayant enuie de la Bourgogne, & voulant la ioindre à son Estat, feit la guerre à Sigismond Roy d'icelle. Il fondoit cauteleusement sa guerre & sa querelle sur vne iuste & sainte cause, disant que le Royaume de Bourgogne appartenoit à sa mere Clotilde, le pere de

*Guerre en
Bourgogne*

laquelle, Gundebault pere de Sigismond lors Roy de Bourgongne, auoit faict mourir pour s'emparer d'iceluy, bien qu'il fust son frere aîné. Et en outre disoit Clodamire que Sigismond auoit faict cruellement mourir Suger son fils, qu'il auoit eu de la fille de Thierry Roy des Ostrogotz sa premiere femme, à la suscitation de sa seconde femme, marastre de Suger. Et couurant de ce beau pretexte, sa vraye ambition, mena vne armée contre luy, & le print en bataille avec deux de ses enfans du second mariage. Lesquels il fist mener dedans Orléans, & ietter cruellement dedans vn puis. Mais Clodamire ne iouÿt pas longuement du plaisir de ceste cruauté, car Gundemar frere de Sigismond ayant par les Bourguignons esté esleu Roy de Bourgongne apres la prinse de son frere, vengeance la mort de ses nepueuz innocens, tua en bataille Clodamire, & ne fust pas plus heureux en sa victoire, que Clodamire en sa cruauté. Car peu apres Childebart & Clotaire voulans venger la mort de Clodamire leur frere, vainquirent Gundemar, le chasserent de Bourgongne, s'emparerent d'icelle, & la partagerent entr'eux, sans auoir aucû esgard aux trois enfans de Clodamire qui estoient petis, & sans leur en faire aucune part. Et faisans semblant de leur en donner vne portion, Clotaire en tua les deux en la presence de son frere Childebart, qui du commencement estoit consentant au dessein de ceste barbare impieté, mais quand ce vint à l'exécution, son cœur vaincu de la proximité du sang, & de l'enormité du crime, le fist plorer, & boucher ses

Bataille.

La Bourgongne conquise.

yeux, pour ne voir yn tant cruel parricide. D'autre costé Thierry Roy de Metz, faisant la guerre contre les trois Roys de Thuringe, qui est maintenant Lorraine, associa avec soy, & appella à s^{on} secours & à l'esperance de la moitié des cōquestes & du butin, son frere Clotaire, lequel apres la victoire eue contre les Roys, sans le sceu de son frere Thierry, qui comme Chef de ceste guerre, deuoit estre en tout respecté, departit le butin, print pour sa part, Ragonde, fille de l'vn d'iceux, pucelle d'excellente beauté, & l'espousa. Dequoy Thierry se sentant grandement offensé, rompit leur association, & s'associant avec Childebert son autre frere, tous deux ensemble entreprendrent la guerre contre Clotaire leur frere, laquelle bien tost apres print miraculeusement fin. Car comme les deux armées ennemies furent prestes à combattre l'une contre l'autre, le tēps estant beau clair & serain, soudainement se leua vne telle tempeste meslée de vētz, de gresle, de esclairs, & de tonnerre, que l'une & l'autre armée, la prenant pour miracle & punition diuine, les soldats au lieu de se battre, mirent les armes bas, & venans à s'entre-saluer, d'ennemis se firent en vn moment, amis. Et ainsi prenās fin les guerres ciuilles & ces piteuses tragedies, la France commença de iouir d'vn bon repos, & les trois freres se rallians, & ioignās leurs armées & leurs armées ensemble, les menerent contre les Visigotz Ar-
Guerre des freres.
Guerre cōtre les Visigotz.

Bataille.

se de la religion Chrestienne. En bataille ils tuerent Almaric Arrian, & ramenerent en Frâce leur seur, qui peu après mourut, & quelque temps apres la guerre fust recommencée aux Visigotz.

La Prouen-
ce donnée
aux Fran-
çois.

Peu deuât estoit mort Thierry Roy des Ostrogotz laissant vn fils de sa fille Amalazunte, nommé Athalaric, âgé de huiët ans seulement, pour successeur au Royaume. Sa mer & femme vertueuse, desirant aquérir des amis à son fils pour la seureté de son Estat, fist ligue avec les François, & pour assurance d'icelle, donna la Prouence à Theodebert fils de Thierry Roy de Metz.

Theodebert,
en Italie.

Ce ieune Prince ayant ce beau pays voisin de l'Italie, incessamment dressa ses yeux & ses desseins de ce costé là. Ce qui effraya tellement l'Empereur Iustinian, qu'il enuoya vers Childeric & Clotaire Roys de Frâce, les Ambassadeurs, pour les prier deuoloir destourner leur neveu de l'entreprise d'Italie. Mais nonobstât cela, ce ieune homme, qui ne pouuoit receuoir aucun conseil en son ambition, entra en l'Italie, estant encore tout chault & fier de la victoire qu'il auoit n'aguères eüe sur les Danois, qui avec vne grande armée de mer rauageoient les costés de la Gaule. Et de son nom & de ses forces effrayant toute l'Italie, sa venue esleua plusieurs nations à vne esperance de nouuelles choses, mais cela dura peu, car il mourut peu apres, laissant vn fils nommé Thibault, lequel mourant aussi peu apres, laissa par testament son Royaume à Clotaire son grand oncle. Ceste donation fist naistre vne grand querelle entre Childebart & Clo-

taire freres, dont Childebert pour se venger de Clotaire son frere, fallia de Crannus fils dudiect Clotaire, auquel le pere vouloit vn mal de mort, d'autant qu'il n'auoit voulu obeir au commandement dudiect pere, lors qu'il luy manda de partir de Gascongne, où il l'auoit laissé, apres qu'il l'eut conquis sur les Visigotz, pour le venir trouuer. Car le fils craignoit que son pere qui auoit entendu qu'il auoit faict plusieurs exactions & violences en ceste Prouince, le voulust chastier. Childebert donc pour se venger de son frere, anima le fils de sondict frere contre luy, mais peu apres venant Childebert à mourir, Crannus se voyant desespéré, s'enfuit vers Conan Roy de Bretagne. Clotaire menant vne armée contre Conan & contre son propre fils, les deffait, Crannus se sauua dedans vne petite maison de paylant, là où estant mis le feu, il fut brulé.

Guerre entre freres.

Childebert estât mort sans enfans, Clotaire se vit seul Roy de ces quatre Royaumes. Voila les regnes de ces quatre freres pleins de parricides & de sanglantes tragedies: Voila le miserable Estat auquel estoit reduicte la France, souz les regnes de ces parricides, & comment la France cuida mourir à sa naissance.

Clotaire Roy de toute la France.

Clotaire donc estant Roy ne iouist pas longuement de sa Royauté, car vn an apres la mort de son fils Crannus, il mourut. Il fut avaricieux & cruel, fist mettre à mort ses nepueuz, de sa main, tua Gautier, Seigneur d'Yuetot en Normandie, & pour reparation de ce crime, crigea la terre d'Yuetot en Royaume: Il fut aussi cruel

La mort de Clotaire.

aux Eglises, sur lesquelles il voulut prendre le tiers de leur reuenu, sans l'opposition de l'Archeuesque de Tours.

Après sa mort, de rechef ce Royaume se trouua fort brouillé par la diuision qui en fust faicte en Tetrarchies par les partaiges de ses enfans, desquels Cherebert laîné fut Roy de Paris, Sigisbert de Metz, Chilperic de Soissons, & Gontran d'Orleans. Chilperic fils de Clotaire se saisissant premierement des tresors de son pere qui luy sembloient vn bon instrument pour auoir des hommes a sa deuotion, se saisit de la ville de Paris, Chef du Royaume. Les Seigneurs de France tenoient son party disans que cela appartenoit au fils aîné, mais estant preueniu par la celerité, par les menées & par les forces de ses freres, il fut contrainct de quitter son entreprise à son commencement. Pour quelque temps la France fust exépte des guerres intestines, ausquelles on ne pouuoit penser à cause du trauail que les estrangeres donnoient. Car l'Empereur Iustin successeur de Iustinian se voyant assailly des Lombards nouvellement entrez en l'Italie, rēdit aux Roys de France la Prouēce qui leur auoit esté ostée, à la charge qu'ils entreroient en ieu avec luy cōtre ceste fiere nation, & seroient de la partie pour leur faire la guerre. Et Amé Seigneur Romain que Narfes aussi Seigneur & Capitaine Romain auoit mis son Lieutenāt en la Prouence, l'auoit rendue à Gontran Roy d'Orleans, & la tenoit en son nom, pour ce que le Royaume d'Orleans contenoit la Bourgongne de deca la riuere

*Partaiges
des Roys.
Cherebert.*

*La Prouen
ce rendue
aux Fran-
çois.
Narfes.*

le Doux, & de la Saone, & le paÿs qui aujourd'huy se
 comme la Sauoye, auquel Gontran disoit la Prouence
 estre subiecte. Sigisbert Roy de Metz, tenoit la Bourgô-
 ne de dela le Doux & la Saone, & vne grand partie des
 Alpes, & peu de temps deuant, Theodebert aussi Roy
 de Metz auoit eu la Prouence, d'Amalazunte fille de
 Thierry Roy des Ostrogotz. Sigisbert disoit deuoir a-
 uoir sa part & portion à la Prouence, ce qui mettoit les
 villes de ce paÿs la en combustion & trouble, les vnes
 fauorisantes Sigisbert, & les autres Theodebert. Parmy
 ces diuersitez de voluntez, & les troubles & affections
 de ces villes, les Lōbards entrèrent en la Prouence, & la *Les Lom-*
 conquirent, & ayans attaqué en bataille, Amé lieutenant *bards en*
 de Gontran, le tuerent. Gontran enuoya en la Prouen- *Prouence.*
 ce au lieu d'Amé, vn braue Capitaine nommé Mumolus *Mumolus.*
 personnage illustre, qui deffit les Lombards, & les chas-
 sa de la Prouence. Les Saxons qui s'estoient liguez avec *Les Lom-*
 les Lombards & qui auoyent passé les Alpes, furent aus- *bards chas-*
 si repoussez par Mumolus, tellement qu'ils furent con- *sés de Pro-*
 traincts de faire paix avec Sigisbert, à la charge qu'il leur *uence.*
 permettroit de passer par ses terres, pour s'en retourner
 aux leurs, qui estoient occupées par les Sueues braue &
 vaillante nation. Sigisbert qui estoit brouillé d'affaires le
 leur accorda, bien qu'il debattit longuemēt en soy s'il le
 deuoit faire, d'autāt q̄ d'un costé il luy sembloit raison-
 nable de permettre aux Saxons d'aller repeter ce qui es-
 toit à eux, & d'autre, il ne luy sembloit estre fort hon-
 nesté de leur donner moyen d'aller oppugner le droict:

& la possession des Sucues , lesquels il auoit aydez à la conquête de la Saxonne . Chilperic couuertement fauorisoit les Saxons, lesquels il auoit sollicité de quitter le party des Lombards. Ce qu'il faisoit pour gratifier Tybere l'Empereur successeur de Iustin. Eux donc à la requeste & sollicitation de Chilperic, ayans rompu la ligue qu'ils auoient faicte avec les Lombards, se retirerent en leur païs avec la permission de Sigisbert. Ce qui irrita tellement les Lombards, que pour se venger des François, ils entrèrent avec grosse puissance en France, mais ils furent chassés & vaincus, par Amo, par Mumolus & par quelques autres Capitaines . Voyla ce que firent les Capitaines François contre vn ennemy, non de la France, mais des Grecs. Estât ceste guerre finie, les Roys freres entrerēt en guerres ciuilles entr'eux apres la mort de Cherebert leur frere Roy de Paris, decédé sans enfans, le Royaume duquel ils vouloient partager entr'eux. Il fust premierement arresté & cōclud entr'eux, qu'ils s'obligerōient par serment solennel, que pas vn d'eux n'entreroit dans la ville de Paris, que premierement ils n'eussent faicts leurs partages de la succession de leur frere. Guntran estoit d'aduis qu'on assemblast à Paris vn Concile d'Euesques, par le iugement desquels leurs partages fussent faicts. Chilperic ne voulant s'acorder à cela, & fauçant son serment, s'empara de la ville de Paris, ce pendant que Guntran famusoit à Orleans à faire bonne chere entre ses subiects, & que Sigisbert estoit empesché à deffendre son Estat contre la fureur des Huns.

Mais

Les Lombards entrez en France, chassés.

Guerres entre freres. Cherebert mort.

Mais apres les auoir deffaicts, il se vangea de la perfidie de son frere Chilperic, surprint la ville de Soissons, qui estoit l'Estat dudiect Chilperic, & y print Theodebert fils de Chilperic, auquel il ne fist nul mal, seulement luy fist iurer & promettre qu'il ne porteroit iamais les armes contre luy, qui estoit son oncle. Ce ieune homme le luy promit, mais estant cōtrainct par son pere de faucher son serment, & reprenant les armes, fut prins & tué par Bosson Chef de l'armée de Sigisbert. Chilperic attristé & ennuié de la mort de son fils, perdit cœur, & se sauua dedans Tournay. Et Sigisbert au contraire vainqueur & enflé de ses victoires, entra dedās Paris avec Childebert son fils, & Brunehaut sa femme fille d'Athanagilde Roy des Visigotz, & dela s'en alla à Vitry, là ou tous les Seigneurs de France qui auoient esté subiects de Cherebert, le vindrent trouuer & le saluerent Roy, & souz la charge de ses Capitaines, enuoya son armée deuant Tournay pour assieger Chilperic, la ruine duquel sembloit à chascun prochaine & apparente. La court de Sigisbert estoit grande & grosse, & n'y auoit aucune occasion d'auoir deffiance ny crainte en ceste commune volunté de tous, & la bonne fortune & allegresse de Sigisbert nouveau Roy. Chacun approchoit priuement de luy, & luy baisoit librement les mains. Dont parmy ceste liberté & affluence de peuple, deux ieunes hommes pratiquez & attitrez par Fredegunde femme de Chilperic, esperans euader facilement entre tant de gens qui enuironnoient Sigisbert, le vindrēt tuer, & eux mesmes ^{Sigisbert} ^{tue.}

*Brune-
hault.*

furent incontînēt mis en pieces par la multitude du peu-
ple qui estoit là. Ce meurtre deliura Chilperic du siege:
Brunchault de nuiēt fist descendre par vne corde dans
vne corbeille, son fils Childebert, & le mist entre les
mains de quelques siens fidelles seruiteurs qui l'éporte-
rent en Austrasie, qui estoit le Royaume de Metz. Chil-
peric suruenāt, s'empara de Paris. Par là on peult voir le
piteux Estat de la Frāce sanglāte, de tāt de parricides, de
frere à frere, & d'oncle à nepueu, & de tāt d'enormes cru-
autez qui durāt les diuisiōs & guerres des freres estoiet
commises & perpetrées. Lors il ne se parloit de loix, ny
de iustice, ains seulement de tuer & de massacrer. Chil-

*Brune-
hault chas-
sée.*

peric exila Brunchault femme de Sigisbert à Rouē, &
enuoya avec vne armée, Merouée son fils pour s'empa-
rer des autres villes du Royaume de Paris. Ce ieune hō-
me se licentiant en ce changement, s'en alla à Rouen, l'à
où il espousa Brunchault par l'aduis de Pretextatus Ar-
cheuesque de ladiēte ville, luy semblant que ce mariage
estoit iuste & legitime, puis qu'il sembloit bon à vn si
grand personnage comme estoit l'Archeuesque. Le pe-
re irrité de ce mariage, alla à Rouen contre son fils, le-
quel craignāt la fureur de son pere, se sauua avec sa nou-
uelle espouse dedans vne Eglise, pour y estre avec plus
de seurté, & n'en voulut sortir iusques à ce que son pere
luy promist de ne luy faire aucun mal. Le pere l'ayant
entre ses mains, le mena à Soissons, là où il le tondit, puis
le feit enfermer dedans vn conuēt au Mans. Ainsi Chil-
peric apres auoir sorty des guerres de ses freres, entra en

souppçon de son fils, lequel accoustumé de viure à la façon Royale & en fils de Roy, non en moyne, & se fâchant de viure en vie prisonniere dedâs vn Monastere, & conseillé d'en sortir par des ministres attiréz par Fredegunde sa marastre, delibera d'en sortir, & de iettier le froc. Adonc il sort en la compaignie de Bosso qui auoit esté Chef des armées de Sigisbert aux guerres des freres, & auoit mis à mort Theodebert fils de Chilperic, & lequel Bosso de crainte qu'il auoit de Chilperic, s'estoit caché dedans le mesme Conuent où estoit Merouée. Le pere aduertuy de la fuitte de son fils, le poursuuiuit, & le fist tuer par deux ieunes hommes, qu'il enuoya vers luy, lesquels luy dirent qu'ils se venoient rendre à luy, & le suyure, pour quelque mal-contentement qu'ils auoient de son pere. La France estoit lors bien miserable, & les peuples ne sçauoient à qui ils estoient, parmy la diuisiõ, & les guerres des Roys, le continuel mouuemēt des affaires de cest Estat, & tât de parricides execrables. Toutes choses estoient en trouble & en tumulte, & toutes especes de cruauté de rapine & de violence s'exerçoient en la Frâce. La fin de Chilperic ne fust pas plus heureuse que son Regne, car apres auoir perdu les enfans de sa premiere femme, les vns morts par guerre, les autres en leur liēt, & apres auoir repudié Igunde sa femme, sage princesse, pour espouser Fredegunde sa concubine, il eut de ladiēte Fredegunde sa seconde femme, Clotaire, quatre mois apres la naissance duquel, il fust tué par deux gallans attiréz par ladiēte Fredegunde, & par Lā-

*Miseres de
la France.*

Landry de la Tour. dry de la Tour, Maire du Palais adultere d'icelle. Laquelle pour couvrir sa meschanceté, disoit que Brunehault auoit faict commettre ce meurtre, pour faire venir le Royaume de France, à son fils Childebart.

Clotaire. Incontinent apres la mort de Chilperic, Clotaire son fils eſtât au berceau aagé de quatre mois fut ſalüé Roy, & Guntran son oncle paternel, gouerna ſaigement les affaires durât l'enfance du ieune Roy. Landry ne monſtrant aucun ſigne de charge de conſcience, continua à commander aux armées, cōme il faiſoit au parauant, & la meſchâceté d'une fēme fuſt premieremēt deſcouuerte par vne fēme. Car Brunehault fut la premiere qui cōmença à dire, & à crier à tout le mōde, q̄ Chilperic auoit eſté tué par la malice de ſa fēme, & par la main de certains gallans par elle attitrez à ce faire. Et cōme couſtumièremēt les regnes des Roys enfans ſont miſerables, & plâis d'effrenée licence, la Frāce qui ne faiſoit que naiſtre, cuida mourrir à ſa naiſſance, par les guerres q̄ furēt eſmeuës cōtre le petit enfant Roy, par ſes propres parēs, & par ſes voyſins, eſtant ſeulement deſſendu & ſecouru de la bōté & de la garde de Gūtrā son oncle paternel, qui en auoit la tutelle. Apres la mort de Guntrā, Fredegūde mere du Roy enfant, femme de cœur viril, & qui ne ſ'eſtonna ny de ſa meſchanceté, ny des accuſatiōs cōtre elle intētées, print la charge de ſa perſonne, & des affaires du Royaume, ſ'expoſant virilemēt aux dāgers & hazards, pour la cōſeruatiō de l'Eſtat de ſō fils. Elle alloit de païs en païs & de ville en ville, pratiquer & gagner les cœurs & les volōtez des hōmes, & les obliger à ſon fils par ſermēt de

*Les regnes
d'enfants
miſerables.*

*Fredegunde
de haute
femme.*

fidelité. Ce pendant Childebert fils de Sigisbert Roy de Metz, pour vanger la mort de son pere tué à l'instinct de Fredegūde, mist aux chāps vne armée, & Fredegūde vne autre, & vint Childebert assieger la ville de Soissons; qui tenoit pour Clotaire. Landry estoit Chef de l'armée du Roy enfant, mais Fredegūde faisoit en ceste necessité pl⁹ l'hōme q̄ la fēme, dōna tel couraige aux soldats de l'armée de son fils, q̄ ses ennemis furēt deffaicts, sauuant par mesme moyē, à son fils la courōne, & les vies à elle & à sō Landry. Peu de tēps apres Childebert mourut, laissant deux enfans, Theodebert Roy d'Austrasie, & Thierry Roy de Bourgōgne. Lesquels voulās vāger par armes la mort de leur pere, qu'ils disoient auoir esté empoisonné par la meschāceté de Fredegūde, furēt au premier coup de leur effort vaicuz, & spoliez de leurs Royaumes. Fredegūde estant morte, les ennemis du ieune Roy reprindrēt cœur, pēsāns sa force estre morte avec sa mere. Mais Clotaire estāt deuenu grādelet, & instruit & nourry aux affaires par sa mere, se deffendit le mieux qu'il peult, tantost ayant du pis, tantost du meilleur, & ayāt avec beaucoup de trauaux & de peines r'assemblé en vn corps to⁹ les mēbres de la Frāce, n'eust autre chose tāt à cœur que de luy dōner quelque repos, & de guerir par belles loix, les vieilles playes de ses guerres intestines. Et bien qu'il eust fait la guerre cōtre to⁹ ses parés, pour la deffence de son Estat, si est-ce qu'ayant soullé, ou deposant la haine qu'il leur portoit, il prīt de là en auāt plustost le cœur de pere cōmū, q̄ de Roy, promist la foy de ne se ressouenir plus des querelles & indignitez passées, & de là en auant

Guerre cōtre le Roy enfant. Courage de Fredegūde.

Clemence de Prince.

gouuerna son Royaume avec grand douceur, & mourant à l'aage de quarante quatre ans, laissa pour successeur Dagobert son fils vnique.

Dagobert.

Estant Dagobert monté à la Royauté, il fust aussi tourmenté & guerroyé par ses parens, & cōme il a esté dict cy deuant, iamais la Frâce ne cessa d'estre brouillée iusques à ce que ces Royaumes reuindrent à se r'assem-

*Loix faictes
par Dago-
bert.*

bler en vn, comme il aduint seuz Clotaire & Dagobert, lequel fut le premier Roy qui fit certaines loix pour la iustice & police du Royaume, qui comença de donner audience à son peuple, & de tenir quelque forme de iustice. Estant allé en Bourgongne & en Austrasie, il gaigna par sa iustice les cœurs de ces peuples là. Il donnoit

*Iustice de
Prince.*

audiences publiques, receuoit les requestes d'un chacun, faisoit iustice sur le champ, oyoit les plaintes & doleances de ses subiects, deffendoit viuement les orphelins, les veufues, & les pauures contre l'opposition des grands, & des riches, donnoit les hōneurs, dignitez, estat, degrez, & offices selon les merites & vertuz, & estimoit chacun selon qu'il le cognoissoit meriter. Ce qui le rendit si agreable aux François, que chascun publiquement louoit la bonne fortune de la France, à laquelle Dieu auoit donné vn tel Prince. Durant son regne, la France estoit toute

*La France
pleine de
Iuifs.*

plaine de Iuifs, qui donnoient chascun iour aduertissement aux Iuifs & Sarraasins de l'Asie, des choses qui se faisoient par deçà. L'Empereur Heraclius qui estoit de ce temps là, aduertit Dagobert que ceste gent circōcise faisoit d'estranges menées à la destruction & ruine

es Chrestiens, & qu'il seroit bon de contraindre tous
 es Iuifs qui estoient en Frâce de se faire Chrestiens, ou
 ils ne le vouloient faire, les chasser. Ce que Dagobert
 fit non tant pour plaire à la priere de l'Empereur, que
 pour le respect de la vraye religion, & conseruation
 de son Estat, cognoissant qu'il est biē mal aisé, que deux
 Religions puissent demeurer ny consister ensemble en
 vn Estat, sans qu'elles n'y menēt vn grād trouble, & vne
 diuision. Dagobert sur ce fist vn Edict, par lequel il de- *Edict cōtre*
 claroit que tous ceux qui dedans certain temps ne se fe- *les Iuifs.*
 roient Chrestiens, apres le terme expiré seroient decla-
 rez ennemis, & fils estoient prins, seroient condamnez
 à mort. Il fist si bien & si rigoureusement obseruer cest
 Edict, que les vns preferans l'exil au Christianisme, s'en
 allerent, & ceux qui se voulurent faire Chrestiens, ves-
 quirent en repos & liberté.

Dagobert mourant, laissa deux enfans, Sigisbert &
 Clouis deuxiesme du nom, entre lesquels il y eut durant
 leur regne grande amitié, concorde & intelligence, qui
 est vne chose qui n'auient tousiours ny souuent entre
 deux Princes freres, & qui est toutesfois le lien du repos,
 & de la seurté de leur Estat. Sigisbert bien qu'il fust l'aî-
 né, ceda le Royaume à son puisné Clouis, & se cōtenta
 du Royaume d'Austrasie, & des meubles & des trefors
 de son pere. Le regne de Clouis du cōmencement estoit
 paisible, & n'auoit aucune guerre, ny dehors ny dedans. *Disiſſons*
 Ce repos fut cause que les Seigneurs qui estoient aupres *entre les*
 de sa personne, n'ayans dequoy occuper leurs esprits au *Seigneurs*
 pour le gou- *uernement.*

soucy des guerres, abuserent du bon-heur & de la tranquillité de la saison, & se mirent à debattre entr'eux à qui auroit le maniement & le gouuernement des affaires, & la faueur du maistre, iouans au boute-hors, à qui supplanteroit son compaignon. Ce vice est commū à tous ceux qui sont pres des grands Princes, non seulement en temps de paix, mais aussi à celuy de guerre, & à esté souuēt cause de la ruine de l'Estat, de la reputation de leur Prince, & de celle mesme de tels ambitieux, laissant durāt leurs diuisions aller à la mercy de la fortune, les affaires de leur maistre, faisans ny plus ny moins que feroient les mariniers, qui s'entrebattans en temps de tempeste à qui gouuernerait le timon du Nauire, lairroient (durāt leurs diuisions) heurter le Nauire à vn rocher, & se perdroiēt eux mesmes. Ces diuisions brouillèrent longuement ce Royaume, mais Clouis les sceut sagement reprimer par diuers & subtils moyens.

*Maux des
diuisions des
ministres
des Rois.*

*Childeric
Roy d'Au-
strasie.*

*Enfans de
Clouis 2.*

Clotaire.

*Grandeur
des Maires
du Palais.*

Sigisbert Roy de l'Austrasie estant mort l'an vnziesme de son regne, Childeric fils puis-né du Roy Clouis fut creé Roy d'Austrasie, & Clouis son pere mourant l'an seziesme de son regne, laissa trois fils, Clotaire Roy de Paris, Childeric Roy de Metz, & Thierry, qui l'yn apres l'autre furent Roys.

Le regne de Clotaire fut bien fort paisible, & à sa mort mourut pareillement, la gloire, splendeur & grandeur des Roys, & lors commença celle des Maires du Palais, lesquels souz pretexte de bien faire les affaires de leurs maistres, au contraire faisoient les leurs, gouuernans le

ans le Royaume à leur discretion. Le premier d'entre-
 ux qui vſurpa & ſattribua vne grande puiſſance fuſt
 Ebroin, lequel eſtant grand Seigneur en France, & *Ebroin.*
 ayant beaucoup de gens à ſa deuotion, apres la mort
 d'Archambaud Maire du Palais eut enuie de luy ſuc-
 ceder en quelque facon que ce fuſt, & voiât que ſi Chil-
 deric Roy d'Auſtraſie venoit à ſucceder à Clotaire ſon
 frere, lediſt Childeric donroit l'Eſtat de Maire du Pa-
 lais à Vſfoald Chef de la Cauallerie de l'Auſtraſie, il fit
 tant par pratiques & menées, que Thierry le plus ieune
 des enfans de Clouis fut ſalué Roy. Dont Thierry en *Thierry*
 recompence de ce bon ſeruiſſe, le fit Maire du Palais, *ſalué Roy.*
 mais Childeric mettant vne armée en campagne,
 print Ebroin, & le miſt priſonnier dedans vn mo-
 naſtere, & Thierry degradé des ornemens Royaux, *Thierry pri*
 & tondu (qui eſtoit vn ſigne de liberté perduë, & de *ué du Roy-*
 degradation de Prince, ſelon la loy de Clodion le *auue.*
 Cheuelu) fut pareillement mis dedans vn mona-
 ſtere.

Childeric donc eſtant Roy au commencement de ſon *Childeric*
 regne donna vne bonne opinion & grande eſperâce de *Roy.*
 luy, mais il l'effaca biē toſt par ſes mauvais deportemēs,
 & ſeſtant rendu odieux à pluſieurs, il fuſt en vne ſeditiō
 tuë par vn Gentilhomme nommé Bodille, auquel quel- *Childeric*
 que tēps deuāt, il auoit faiſt vn grād outrage, l'ayāt atta- *tuë.*
 ché à vn poteau, & vilainemēt fouetté. Par là les Roys *Les Princes*
 doiuent apprédre de ne faire iniure à perſonne, & ſur tout *ne doiuent*
 den'offenſer vn Gentilhōme ou autre grād perſonnage *faire outra*
ges.

duquel la generosité se ressent tellement d'une iniure receüe, que l'ire, la vengeance, & la fureur, luy faisant oublier tout respect & deuoir diuin & humain, le force d'at-
tenter à la personne de son Prince, comme il est souuent aduenü. Childeric estât tué, les François remirer Thierry

Thierry remis au siege Royal.

au siege Royal, & donnerent l'Estat de Maire du Palais à Landregesil ou Landesil fils d'Archambaud. Mais

Ebroin qui durant le regne de Childeric auoit demeuré enfermé dedans vn monastere, voyant Thierry son premier maistre remis, pensa que l'occasion s'offroit à propos pour rentrer en son Estat de Maire, & en debouter celuy qui l'auoit, & pour donner vn croc en iambé à ses

Les Princes n'ont souueraineté de leurs seruiteurs.

ennemis. Mais Thierry Prince de peu de cœur, & qui à la façon & coustume de plusieurs Princes, qui ne se souuiennent plus de leurs bons seruiteurs quand ils les ont perduz de veüe, ne se ressouuenoit plus d'Ebroin, & te-

noit viuement le party de Landregesil. Ebroin se voyât frustré de l'esperance de la faueur de Thierry, delibera de rentrer en son Estat par la force, & assembla des forces de ceux qui esperoient tirer du profit du remuemēt & changement des affaires. Ebroin ayant attaqué Landregesil le vainquit, & peu s'en falut q̃ le Roy mesmes ne fust prins, qui fust contrainct pour sauuer son Estat, faire la paix avec Ebroin, & de le remettre en tous ses Estats.

Insolence d'Ebroin.

Ebroin estant remis, se mit plus auant en la grace de son maistre qu'il n'auoit esté au parauant, & usant insolamment de sa fortune, chassoit, bannissoit & tourmentoioit tous ceux qui luy auoient esté ennemis en sa calamité, se ven-

geant d'eux à temps, & à poinct, sans auoir esgard à dignité, qualité & aage, & donnoit les biens des bannis à ceux qui estoient de son party, faisant en cela ce que font coustumieremēt ceux qui apres vn grād malheur, montent à vne grāde fortune, & en fit tant qu'il fut à la fin tué par Ermenfred Seigneur François. Apres sa mort plusieurs gentilshommes François qui par luy auoient esté bannis de France, & s'estoient retirez en Austrasie firent supplier le Roy Thierry de les remettre en leurs biens, & leur permettre de reuenir en Frāce. Mais le Roy gouuerné par flateurs qui sont la ruine des Princes & de leurs Estats, & par ceux qui tenoient les biens & les offices & Estats des bannis, ne leur voulut accorder cela. Ce qui indigna & offensa tellement les cœurs des banniz qu'ils prindrent les armes, pour rentrer en leurs biens, qui est vne chose coustumiere que ceux qui sont chassés de leurs maisons par la porte de deuant, y veuillent rentrer par la porte de derriere. Ceux-cy doncques mirent vne armée aux champs, vindrent contre le Roy, luy liurerent la bataille, & la gaignerent, & peu s'en falut que le Roy ne fust prins. Ce Roy par là pouuoit cognoistre le profit qui luy pouenoit du cōseil que ses flateurs luy auoient donné, & la faulte qu'il auoit faicte d'auoir irrité ses subiects iniustement banniz par la passion de leurs ennemis, & de leur auoir refusé le benefice de sa clemence, lors qu'ils l'auoient implorée. Le Chef de ces flateurs estoit Bertaire Maire du Palais, hōme seditieux, remuant, & du tout semblable à Ebroin, qui par sa pas-

*Flateurs
pernicieux
aux Prin-
ces.*

*Désespoir
des bannis.*

*Maux de
la flaterie.*

sion & auarice auoit mis son maistre & son Estat en cest accessoire. Mais aussi receut-il vn guerdon pareil à celuy d'Ebroin, & digne de sa temerité, car il fust tué par la coniuration de plusieurs Seigneurs François, qui virent le repos ne pouuoir naistre en la France, que par la mort de cest homme, & apres sa mort, les bannis furent remis en leurs biens & honneurs, & la France de rechef r'assébla en vn corps, tous ses membres coupez & separez, & de manque quelle estoit, deuint entiere & parfaicte. Apres la mort de Bertaire, Pepin des Landes saige & vaillant Cheualier, fut fait Maire du Palais, lequel avec grande prudence & hardiesse donna à la France le repos qui luy estoit necessaire, & rendit à ceste couronne son ancien honneur, presque perdu par la nonchallance de noz Roys, & par les diuisions & dissensions de leurs ministres. Thierry n'eut autre heur en son regne, sinon que tous les membres de la France coupez en partaiges, de rechef se r'assemblerent & ioignirēt au corps.

*La France
r'assemblée
en vn corps*

*La France
en repos.*

*Clouis 3.
Childebert*

Clouis troiesime du nom son fils luy succeda, mais n'estant longuement Roy, Childebert son frere entra en la possession du Royaume, & à Childebert succeda son

*Dagobert
2.*

fils Dagobert deuxiesme, souz lequel les Maires du Palais auoient desia prins telle autorité, & la sceurēt si biē

*Grandeur
des Maires.
Les Roys
seulement
Rois de nō.*

augmēter & garder, iusques au regne de Pepin, que depuis Dagobert iusques à Pepin, les Rois furent seulement Roys de nom, & leur puissance fut toute entre les mains des Maires du Palais, qui monterent à ceste gran-

leur, par l'eschelle que leur dresserent la paresse, la pail-
 lardise, & les vices des Roys, laissant abastardir la vertu
 de la race de ce grand Clouis. Et d'autant que leurs pre-
 decesseurs estoient conuoiteux d'estre bien loing les *Roys fai-*
 limites de leur Royaume, d'autant ceux-cy remettoient *neants.*
 toute la felicité de leur vie en volupté & en paresse.
 Et ne se monstroient à leur peuple que le premier
 iour de May, donnans & receuans mutuellement des
 dons & presens, ne sentremettans aucunement des
 affaires, & n'ayans de Roy, rien que la mine &
 l'accoustrement. Eginhart dict qu'il se faisoient trai-
 ner par païs dedans vn chariot à quatre bœufs, e-
 stant de tout poinct inutiles à toutes choses. Ce *Authorité*
 pendant les Maires du Palais manioient tous les af- *des Maires.*
 faires, tenoient les conseils, oyoient les Ambassa-
 deurs des Empereurs & des Roys, leur faisans re-
 sponce, negotioient avec eux : faisoient & contra-
 estoient traictez de paix, & confederations avec les
 Estrangers, faisoient Edicts & Ordonnances, rescin-
 doient, cassoient, annulloient, & supprimoient tout
 ce que bon leur sembloit, & bref manioient tous
 affaires tant de paix que de guerre. Et d'autant que *Les Roys*
 les Roys s'esloignoient des negoces comme de cho- *s'esloignent*
 se trop penible, d'autant ces Maires augmentoient *des affaires*
 leur puissance par la diminution de celles de leurs
 maistres, & s'agrandissoient par leur imbecilité. Et com-
 me l'esprit des hommes est insatiable, & n'est iamais con-
 tent des presens de la fortune presente, ains aspire

touſiours à choſes plus grandes & plus hautes, les Maires du Palais, l'autorité deſquels eſtoit au commencement petite, la faiſant couler peu à peu parmy l'imbecillité de leurs Roys, ſ'acquirent vne telle grandeur & pou-
 uoir, qu'ils commencerent de ne faire plus cas de leurs maîtres, & les tenir enfermez dans vne bouette, les tenans comme à demy priſonniers, & les amuſans dans vne chambre à des petits paſſetemps, cōme des enfans. Tellement que ſi les Roys euſſent voulu reſrener l'audace de ces Maires, à peine l'eueſſent ils ſceu, ny peu faire, veu que toute la puiſſance des Roys eſtoit aux Maires, non à eux, & qu'ils auoient ſi longuement ſouffert & laiſſé croiſtre la grandeur des Maires, qu'il ſembloit que cela leur eſtoit deu, & que les Roys ne deuoient ſeruir d'autre choſe que de porter le nom de Roys. De la peu-
 uent apprendre les Princes qu'il faut bien qu'ils ſe gardent de laiſſer au pres d'eux tāt croiſtre la grandeur & la puiſſance d'un hōme, q̄ puis apres ſon audace leur face teſte, ains doiuent couper la racine deuant qu'elle prenne pied bien auant, car depuis qu'elle eſt vne fois enracinée, il eſt impoſſible de l'arracher, qu'avec l'entiere ruine de ceux qui la veulent eſtindre. Cela dōc ſerue d'exemple & d'inſtruction aux Roys, Empereurs & autres Princes, car pour neant ſeroient eſcrites les hiſtoires, & remplies de tant & de ſi beaux exemples, ſils n'y apprenoyent la maniere de regner, & à vertueuſement gouverner leurs Eſtats & Seigneuries.

Et pour reuenir à Dagobert, de ſon regne, Pepin pere

*Inſolence
des Maires.*

*Inſtruction
aux Prin-
ces.*

*Le bien de
l'hiſtoire.*

*Dagobert
Roy.*

de Charles Martel estoit Maire du Palais, gouvernant tout à son plaisir, s'estant saisi d'une si grande puissance qu'il commença de proiecter de mettre en sa maison, la couronne qui depuis y fust trāsferée. Cela fut cause qu'il festudioit à agrandir & pacifier le Royaume, pour le rendre florissant à sa posterité, & mourut l'an septiesme de la Mairrie, laissant son fils Charles Martel bien ieune, qui souz le regne de Chilperic frere de Dagobert, & de Thierry surnommé Cala fils de Dagobert estant aussi Maire du Palais, fist assembler vn Parlement de tous les plus grands Seigneurs de la France, & par eux se fist eslire & créer Prince des François, nom plus hautain & plus illustre que celui de Maire. Ce fust le premier qui fist ces assemblées, qui depuis ont esté appellées Parlemens, ausquels coustumierement assistoient les Princes, & plus grands Seigneurs du Royaume, les plus venerables gens d'Eglise, & les plus honorables hommes d'entre le peuple. Ceste inuention faicte par Martel, fut entretenüe par Pepin son fils, par Charlemaigne & par ses successeurs. Apres que Charles Martel se fut faict declarer Prince des François, il mist tout son cœur & son intention, à purger la France des Sarrazins, & Visigotz Ariens, qui de leurs heresies & faulces opinions infectoient les esprits du peuple de France. Il entreprint la guerre contre Eudes Duc d'Aquitaine, lequel se cognoissant trop foible pour resister à si grande puissance comme estoit celle de Martel, eut recours au secours des Sarrazins qui possedoient l'Espagne, n'ayās encore esprouué

*Pepin pere
de Martel.*

*Charles
Martel.
Chilperic
Roy.*

*Thierry sur
nommé Cala
Roy.*

*Charles
Martel
Prince des
François.*

*Parlemens
& leur in-
stitution.*

*Guerre cō-
tre les Sar-
razins &
Visigotz.
Guerre cō-
tre Eudes,
Duc d'A-
quitaine.*

Sarrasins en Aquitaine.
 ce que les François portoient dedans la manche, & les fist venir en Aquitaine. Ils estoient si superbes & enfliez de leurs victoires, pour se voir vainqueurs des Espagnes¹, dompteurs de l'Orient, & seigneurs de l'Afrique², qu'ils se donnoient desia l'Empire de tout le monde, & ne pensoient pas que ce qui restoit à conquerir, peust resister à leur fureur. Les voila donc en Aquitaine, estonnans & effrayans de l'esclair de leur nom, tout le monde. Mais Martel ne perdit cœur contre vne si grande menace de guerre, & faisant venir de toutes les parties de France, tous les Gêtilshommes & tous ceux qui estoient bons à porter les armes, assembla vne belle & gaillarde armée. Les Barbares ayans pillé, saccagé, & rauaigé les paÿs de Bourdelois, d'Angoulmois, de Xainctonge, & de Poictou, vindrent iusques au pres de Tours, là où Martel les attendât, les combattit & deffit, gaignant sur eux vne tant honorable victoire, qu'il en demeura sur le champ trois cens soixante quinze mille, & des François n'en mourut que mille. Et Abderama Roy des Sarrasins, fut trouué mort entre les grands tas de leurs morts. Ceste nouuelle portée en diuers endroits de la terre, apportavne incroyable ioye aux Chrestiens, vne grande terreur & frayeur aux infidelles, & vne admirable reputation à Martel. Lequel ayant gousté le bon-heur de ses victoires, & la douceur des louanges & congratulations que tous les Princes Chrestiens luy donnoient, & enuoioient, fit pour la Religion vne autre guerre contre les Frisons, & les contraignit par armes &

par

Bataille & victoire contre les Sarrasins.

Guerre contre les Frisons.

par Chrestiennes predications à extirper leurs heresies, & à se remettre au giron de l'Eglise Chrestienne. Puis il fist plusieurs belles loix, pour l'establissement de l'Estat, & fut homme fort Religieux, grand iusticier & bon guerrier, remettant & restituant entre les soldats la discipline militaire,, qui par la nonchallance des Roys precedens s'estoit perdue.

Loix faites par Martel.

Le Roy Thierry venant à mourir, Childeric troisieme du nom son frere luy succeda. Au commencement de son regne, le Pape Clement tourmēté & inquieté par Luitprand Roy des Lombards, n'eut autre recours qu'à Charles Martel, qui fut le premier Prince François qui donna secours au siege Romain, & qui print les Papes en protection. Ce qui à scruy d'exemple à vne infinité de Roys de Frâce, qui sont venuz depuis, lesquels ont tousiours donné secours aux Papes & audit siege Romain, de façon que presque par vne possession immemoriale, les Roys de France sont l'appuy, le support & le dernier refuge des Papes. Charles Martel mourant du regne de Childeric, son fils Pepin, surnommé le Bref, luy succeda, au tiltre & à l'auctorité, lequel conuoiteux de grandeurs, de gloire, & de triōphes, chercha tous les moyēs qu'il peut pour les acquerir. Les Sarrafins pour se vāger des pertes qu'ils auoiēt receuēs en Frâce, pour la troisieme fois y retournerēt, du temps de Childeric. Ce qui fut vne belle occasion à Pepin pour contenter son esprit & ses desseins. Il les vainquit en les consommant & reduisant à vne extreme necessité, & les rembarra

Childeric 3. R.

La France secours des Papes.

Pepin fils de Martel.

Pepin vainquit les Sarrafins.

iufques de là les monts Pirennées. Ce qui rendit le nom de Pepin, fi redoutable aux Barbares , qu'ils iurerent & promirent folennellement de ne paffer iamais lefdiçts monts . Pepin pour paruenir au poinçt auquel il paruint puis apres , voyant les François fort deuotieux, tafcha de gaigner leurs cœurs par toutes les chofes qu'il cognoiffoit leur eſtre agreables. Il honoroit & reueroit les Doçteurs & gens d'Eglife , & fit reparer les temples qui auoient eſté ruinez par les Sarraſins. Ce qui le rendit fi agreable à tous, que meſmes les plus ſainçts hommes l'eſtimoiēt ſainçt. Luy qui eſtoit fin & aduiſé, vouloit receuoir profit de la bonne opinion qu'on auoit de luy, & de la louange qu'on luy donnoit . Et comme les eſprits des hommes aspirent à vne eſperance de chofes grandes, il commença d'affecter le nom de Roy , & la puiffance Royale, ne pouuant ſi bien contenir ſon ambition, qu'elle ne ſe manifeſtaſt par les demonſtrations de ſes deportemens. Ce qui luy donna plus d'eſperance d'y paruenir , fut que Childeric eſtoit vn homme ſans entendement, & ſans iugement , & indigne du nom & de la qualité de Roy, & à vray dire , la honte & le deſhonneur du throſne Royal. Mais il y auoit deux chofes qui faiſoient en cecy peur à Pepin, & qui luy ſembloiēt eſtre deux barrieres , qui luy empeschoiēt le paſſaige de ſes deſſeins . L'vne eſtoit l'ancienne couſtume que les François auoient, d'aimer, honorer, & reuerer leurs Roys, quels qu'ils fuſſent, ſortz, ou habilles, dignes ou indignes, & que le nom de Roy , qui que ce fuſt qui le portafſt,

*Pepin aſpi-
re à Royau-
té.*

*Prenſyan-
ce & ſineſ-
ſe de Pepin*

*Pepin ſe
veut faire
Roy.*

*Obſtacles à
Pepin.*

*L'ameur
des Fran-
çois à leur
Roy.*

estoit en leur endroict comme vne chose sainte. L'autre estoit la louable memoire du grād Clouis, qui estoit en telle reuerence quelors que les Roys ses succeſseurs vindrent à degenerer de sa grandeur, & à estre seullemēt masques de Roys, elle les conserua longuement en l'affection & reuerence du peuple. Il n'y auoit donc aucun si osé & hardy qui eust osé parler de transferer le Royaume de la race de Clouis, en autre, ny de se faire Roy. Et n'y auoit qu'une seule voye pour paruenir à cela. De laquelle Pepin, comme bien aduisé, s'apperceut & se seruit, qui estoit la reuerence de la Religion, qui coustumièremēt en toutes choses surmonte toute affection humaine. Car bien que les François fussent fort affectiōnez à leur Roy, si est-ce qu'encore l'estoient ils d'auantage au siege Romain, qui de loing leur sembloit vn Soleil de sainteté, cōme à la verité il estoit, ne se messans lors les Papes, que du mestier de Prestre, & du commun salut des Chrestiens, ne faisans les Princes & Potentats cōme depuis ils ont faict, ny ne s'entremettans des affaires des Princes estrangers, qu'en ce qui touchoit le faict de la Religion, ou de leur concorde & reconciliation. Leur vie sainte les rēdoit admirables, & venerables aux païs qui auoient embrassée la Foy Chrestienne. Ce que Pepin cogneut bien & sceut bien se seruir de ceste deuotiō des François pour paruenir à la fin de ses intentions. Il pensa que de descouurir apertement en France aux François, le desir qu'il auoit de se faire Roy, ce seroit temps perdu, & se mettre en danger de sa personne, veu que les

La memoire de Clouis

La force de la Religio.

Le siege Romain Soleil de sainteté.

Les Papes de iadis.

Sainteté des Papes.

*Sermēt des
François à
leur Roy.*

François estoient par serment solennel faict au couronnement des Roys, obligez à leur Roy de le seruir, maintenir, & conseruer enuers tous, & contre tous. Lors les Prelats & Seigneurs (au lieu des Pairs, Clercz & Laiz, qui depuis furent instituez) au nom de l'Eglise, de la Noblesse & du Peuple, promettoient au Roy en la ceremonie de sondit couronnement, de luy obeir, de le seruir & deffendre, moyennant qu'il fust iuste, vaillant, diligent, droicturier, clemēt, entēdu aux affaires, & qu'il sceust resister à ses ennemis, punir les meschās, cōseruer les bōs, & deffēdre la Religio Chrestienne. Pepin cognoist soit les François si religieux qu'ils n'eussēt voulu māquer à l'obligatiō de leur sermēt, ny le rompre, & qu'il n'y auoit chose qui les en peult dispēser, que l'arrest de la voix du Pape, pour la grande & saincte reuerēce que les François portoient au siege Romain. Pepin espluchāt cauteleusement les mots, & poincts du serment, & les interpretāt à son aduantaige, pensa qu'il falloir enuoyer à Rome qui lors estoit le vray temple de vertu & de sainctetē, pour faire remōstrer au Pape le sens des mots du serment, & pour les faire interpreter à l'aduātage de son intētiō, à la dispence du sermēt des François, & à la priuatiō du Roy Childeric. Il pēsa aussi q le Pape pourroit auoir esgard à sa vertu, à ses merites, & aux grands seruices quil auoit faict à ce Royaume, de la cōmemoration desquels il se vouloit preualoir, pour sē seruir cōtre l'ōbre & le sceptre imaginaire de Childeric, indignē d'estre Roy. Puis il ne vouloit oublier les bōs & notables seruices que son pere auoit faicts au siege Romain, & au Pape, lors qu'il entre-

*Mēées de
Pepin pour
se faire
Roy.
Cantelle de
Pepin.*

*Les moyens
dont Pepin
se sert pour
estre Roy.*

print la deffèce de l'un & de l'autre cōtre Luitprand Roy de Lōbardie. Il se fioit aussi q̄ la qualité du nō de Maire du Pallais, & les bōs seruices que nagueres il auoit faic̄ts aux Chrestiens, luy pourroiet grādemēt seruir en ses deffēns. Et ayāt la pluspart de la Noblesse, des gēs d'Eglise, & du peuple à sa deuotiō, pour la grāde opinion qu'il auoit dōnée de sa vaillāce, de sa iustice, & de sa Religiō, il ne luy restoit autre chose q̄ faire dispēser les Frāçois du serment faic̄t à leur Roy. A quoy il les cognoissoit assez bien disposez, tant à cause de l'imbecillité de leurdict Roy, q̄ pour la bōne opiniō que chascū auoit de luy, de laquelle il vouloit en ce cas tirer profit, selō la coustume des hōmes de grād cœur, q̄ tournēt la louāge qu'on leur dōne, à leur commodité. Le Pape & le peuple estans gaignez, ce qu'il pretēdoit estoit faic̄t aussi, ayāt tous les autres moyēs entre ses mains. Adōc il enuoya vers le Pape Zacharie, l'Euesque de Vvitsburg, pour luy remonstrer toutes ces choses, & pour faire dispēser & quitter les Frāçois du sermēt faic̄t à leur Roy. Le principal poinct que l'Euesque deuoit remonstrer au Pape, & q̄ de faic̄t il remōstra, fut que le Roy Childeric estoit vn hōme de tout poinct indigne d'estre Roy, & q̄ Pepin Maire du Palais, sur les bras duquel estoiet to⁹ les affaires du Royaume, estoit Roy de faic̄t, ayant à supporter toutes les charges qui appartenoiēt à vn Roy, duquel il ne luy restoit que le nom. Que les Frāçois auoient iusques à lors eu vne grāde patience à supporter l'imbecillité & l'indignité de tāt de Roys, qu'ils auoiēt euz les vns apres les autres, biē

Embassade de Pepin au Pape.

Indignité du Roy Childeric.

Les raisons de Pepin pour prouuer l'indignité du Roy.

*Argumēt
sur les con-
ditions.*

qu'ils ne fussent subiects ny tēuz de leur obeïr, que par la condition dont nous auons parlé cy dessus. Que les promesses conditionnelles entre personnes, ne se doiuent tenir, si reciproquement elles ne sont obseruées. Or ne faisoit Childeric aucune chose de ce qui estoit porté par la condition, par ainsi les François deuoient estre quit-tes de leur serment. Outre ce, l'Euesque remonstroit au Pape que faisant ceste faueur à Pepin, il en tireroit se-cours contre les Lombards, qui luy faisoient la guerre. Le Pape ainsi sollicité & esmeu des raisons mises en a-uant par l'Euesque, & se fondant en l'esperance de rece-
*Le Pape di-
spençā les
François
contre Chil-
deric.* uoir vn bon secours de Pepin contre les Lombards, en-
*Pepin esleu
Roy.* nemis du siege Romain, dispensa les François du serment
*reuanche
de Pepin.* faict à leur Roy Childeric.

Eux doncques dispensez & quittez de leur promesse, d'vn commun consentement esleurent Pepin leur Roy, sans qu'au commencement de son règne il y eut trou-ble, comme coustumierement il aduient qu'au change-ment des grands Empires, de grands troubles s'esmeu-uent. Le Pape enuoya en France vn Euesque pour pu-blier la dispense, & quelque temps apres, Pepin eut vne belle occasion de se reuancher enuers le Pape, & le sie-ge Romain, de la faueur receuë de l'vn & de l'autre, car il alla en Italie au secours du Pape Estienne, successeur de Zacharie, contre les Lombards, qui luy faisoient la guerre, & le deliura du torment qu'ils luy donnoient. Et Estienne en reuence de ce secours tant salutaire, vint en France, courōna & sacra Pepin dedans l'Eglise saint

Dénys, tondit le pauvre Roy despouillé Childeric, & le fist mettre & enfermer dedans vn monastere, sans que personne en murmurast, ce qui fut vne chose esmerueillable.

*Childeric
condus, mis
en vn mo-
nastere.*

Voila donc comment les affaires de France se gou- uernerent durant les regnes de la premiere race de noz Roys issuz de Merouée, par l'espace de trois cens ans, les vns desquels y planterent la Religion Chrestienne, & la deffendirent viuement, & les autres faisans d'eux mesmes, ou par les Maires du Palais, les guerres contre leurs voisins, estendirent bien loing & bien auant, les limites de leur Royaume, les autres ayans esté vail- lants, les autres religieux, & les autres festans laissez couler à la nonchallance, à loisiueté & aux voluptez, ont fait perdre à leurs successeurs, le sceptre & la couronne de cest Estat. Peu de choses signalées, & peu de loix ont esté faites durant cest aage, sur le fait du reglement & establissement de l'Estat. Car lors les Roys ou leurs ministres ne s'amusoient à la iustice, ains à estendre plus auant les bornes de leur Royaume, & à l'establir sans loy, sans pieté, sans charité, sans iustice, & sans aucune reuerence de droit diuin & humain. De Clouis iusques à Pepin on ne voit que meurtres, parricides, paillardises, & tous autres vices commis par noz Roys, & indignes des Roys, & l'Estat d'un Royaume si calamiteux, qu'il fault s'esbahir comment il peust si longuement se conseruer au milieu de la neâtise de noz Roys, sans qu'il fust empieté par vn estranger. Durant

*L'Estat de
la France
durant la
premiere
lignée.*

*L'Estat an-
cien de la
France, souz
les premiers
Roys.*

*Calamité
de la Fran-
ce.*

cest aage foible & debile, trois choses bien signalées furent seulement instituées bien à propos, l'une la loy Salique (si ainsi est que Pharamond la fist) l'autre l'institution du Sacre de Clouis (si ainsi est aussi que la ceremonie dudit Sacre vienne dudit Clouis) & l'autre l'institution des Parlemens premiers. Cest aage fut l'enfance de la France, plein de barbarie & de cruauté. De Pepin au dessouz, les Roys ont bien esté autres que les precedens, leurs faicts beaucoup plus illustres, la Religio plus sainctement honorée, & plus auant estenduë, le Royaume orné & embelly d'Ordonnances, d'Edicts & de constitutions, Estats necessaires, & honorables pour la grandeur & conseruation du Royaume erigez, les affaires disposez & reduicts en certain ordre, loix données au peuple, & toutes choses necessaires à vn Estat constituées.

*Enfance de
la France.*

*L'Estat de
la France
depuis Pe-
pin.*

Pepin Roy.

Pepin estant donc Roy, s'estudia premierement à attirer par iustice par vaillance, & par autres actes dignes d'un Roy, les cœurs & l'amitié de ses subiects, cōme c'est la premiere chose, que les Princes nouuellement venuz à la possession d'un Estat doiuent faire, mesmement les usurpateurs, pour asseurer & establir leur Estat, estant l'amitié des subiects le seul fondemēt de l'Estat du Prince. Deuant qu'estre Roy de nom, Pepin sçauoit que. c'estoit de l'estre, car il estoit Roy de faict & de puissance, & sçauoit bien quel estoit l'Estat des affaires de la France. La premiere chose qu'il fist, fut qu'il assemblea vn Parlemēt solemnel (c'est à dire cōuoqua les plus nobles hommes du Royaume

*Sagesse de
Pepin.*

du Royaume, tant des gens d'Eglise que des Nobles & du Peuple) suiuant en cela les arres & la coustume de son pere, pour aduiser avec leur conseil aux affaires du Royaume, & pour leur monstrier qu'il se vouloit communiquer à ses subiects, voulant par ceste communication & familiarité gagner leurs cœurs, & les obliger à l'aimer, & auoir son Empire agreable. Et à la verité ce fut ce qui le fist aimer, & qui rendit son commencement de regne favorable à la volonté du peuple. Et cognoissant que la Noblesse vaillante & guerriere ne demandoit que guerre, que les gens d'Eglise desiroiēt vn Prince religieux, qui les fauorist, & le peuple vn iusticier, il contenta par ses vertueuses actions tous les trois. Car dès qu'il fut Roy, il emploia les Nobles aux armes & aux guerres estrangeres, les menants en Italie au secours du siege Romain contre Astulphe Roy des Lombards. En quoy son zele enuers l'Eglise se monstra, & non seulement en cest endroict, mais aussi en la guerre qu'il fist contre Gaiffre Prince d'Aquitaine, qui molestoit & troubloit les gens d'Eglise, en la possession & iouïssance de leurs benefices, le contraignant de leur rendre & restituer tout ce qu'il auoit prins sur eux, s'emparant d'une partie de l'Aquitaine, & remettant les gens d'Eglise au premier estat de leur possession & liberté. Et pour complaire au peuple, il fist plusieurs belles ordonnances pour la conseruation de son repos. Or ayant en son nouueau Royaume establi toutes les choses qu'il cogneut estre propres & necessaires

*Pepin bien
aduise &
preuoyant.*

*Guerre con-
tre Gaiffre
Duc d'A-
quitaine.
Deffence des
Ecclesiastiques.*

*Etablissement du
Royaume.*

pour la seurte d'iceluy, & pour le rendre stable & paisible à ses enfans, il disposa de ses biens, laissant le Royaume de Noyon à son fils Charles, depuis surnommé le Grand, & à Carloman son autre fils celuy de Soissons, & donna à Charles commandement & charge d'aller conquérir le reste de l'Aquitaine, dont Loup s'estoit emparé. Enquoy il estoit besoing d'vser de diligence & celerité, & vouloit par ceste premiere charge donnée à son fils, le rendre agreable à son peuple, & redoutable à ses voisins, pour ce qu'au commencement des charges est incontinent plantée l'opinion des Princes, & telle qu'à leur commencement de commander & de regner, le peuple la conçoit, telle elle demeure tousiours, ou pour le moins longuement. Charles fit si bien son deuoir en ceste guerre, qu'il se feit maistre de l'Aquitaine, & peu apres Pepin venant à mourir, il fut Roy.

Guerre contre Loup, Duc d'Aquitaine.

Charles surnommé le grand.

Charles surnommé le Grâd ou Magne, apres la mort de son pere sans aucune cōtrouersé fut receu & couronné Roy de France, & depuis Empereur des Germains, & venant Carloman à mourir, & par sa mort Charles ayant accru sa puissance, il commença incontinent la guerre à Hunault ou Hurault fils de Gaifre, qui vouloit esmouuoir en Gascongne vne nouvelle guerre, pour recouurer les terres que Pepin auoit prinſes sur son pere. Hunauld voyant venir l'armée de Charles, se retira vers Loup Duc des Gascons. Mais Loup menassé par Charles, fut contrainct d'abandonner Hunauld, & de mettre foy & son païs en l'obeïſſance de Charles, lequel apres

Guerre en Aquitaine.

L'Aquitaine rendue à Charles.

ceste guerre finie passa les Montaignes des Alpes, & alla en Italie à la requeste d'Adrian premier du nom, Pape *Charles en Italie.* de Rome, cōtre Didier Roy de Lombardie, qui inquiétoit la liberté du siege Romain, & la personne dudit Adrian. Charles dedans la ville de Pauie print Didier avec sa fēme, & ses enfans, & le traicta fort doucement, le contraignant seullement de rendre au Pape, les villes qu'il luy auoit ostées. Dela Charles alla visiter à Rome ledict Pape, qui en recompense de ce bon secours donna à luy & à la posterité, plusieurs beaux & authētiques *Privilege donné par le Pape à Charles.* priuileges, que son fils Loys le Debonnaire rendit aux Papes, entre lesquels le plus grand estoit, qu'il estoit permis à Charles & à ses successeurs, de pouruoir aux benefices, telles personnes idoines que bon luy sembleroit, ce que les gens d'Eglise appellēt Inuestiture, sans laquelle aucun ne pouuoit tenir benefice. Car celuy qui estoit pourueu d'un benefice, prenoit du Roy vn anneau, ou autre bague qui estoit vn signe de la liberalité dont le Roy vsoit enuers luy. Et à ce priuilege en fut ioinct vn autre, qui estoit que le Pape ne pouuoit estre esleu sans *Les Roys faisoient les Papes, & autres Prelats.* le consentement de Charles, & de ses successeurs, & de pouuoir ordonner du siege Romain, toutes & quantes fois qu'il seroit vaquant. Ordonnant en outre que les Archeuesques, Euesques, Abbez, & Prelats de toute la Chrestienté, seroient par luy & non par autre instituez en leurs benefices, & que ceux qui y voudroient entrer sans son congé ne seroiēt sacrez, & que Charles eut pouuoir de se saisir de leurs biens. Ce priuilege fut à Rome

approuué & confirmé par vn Concile ſolemnel, & general, auquel aſſiſtoient cent cinquante Eueſques, & vn nombre infiny d'Abbez. Et le Pape pour rendre ceſte donation plus authantique, excommunia tous ceux qui viendroient au contraire de ce decret & priuilege. Ayant mis ordre aux affaires d'Italie, il reuint en France, penſant iouyr d'un bon & long repos, & y faire quelques loix pour l'eſtabliſſement de ſon Eſtat.

*Charles
fait guer-
re contre les
Saxons.*

Mais eſtant aduertie que les Saxons ſeſtoient rebel-
lez, il alla contre eux, & les vainquit par deux fois,
les contraignans de chaſſer leur idolatrie, & d'em-
braſſer la Religion Chreſtienne. Et prenant d'eux grand
nombre d'oſtages des plus grands Seigneurs d'entr'eux,
pour ſa ſeurté, il en enuoya dix mil en pluſieurs en-
droicts de la France, & dit on que la Nobleſſe des Bra-
bantins & des Flamans & des Picards eſt venue d'eux.

*Charles en
Eſpaigne
contre les
Sarraſins.
Les Pairs
de France.*

Après qu'il eut mis fin à ceſte guerre, il en eut vne autre
en Eſpaigne contre les Sarraſins & infidelles. On dit que
deuant qu'y aller il institua la cōpagnie des douze Pairs
de France, compoſée de douze Seigneurs François, les-
quels il appella Pairs, c'eſt à dire eſgaux à luy en puiſſan-
ce, dont les ſix eſtoient Laiz, & les autres ſix Clercz. Les
Clercz ſont l'Archeueſque & duc de Rheims, l'Eueſque
& duc de Laon, l'Eueſque & Duc de Langres, & l'E-
ueſque & Conte de Beauuais, l'Eueſque & Conte de
Noyon, & l'Eueſque & Conte de Chaalons en Cham-
paigne. Les Laiz ſont les Ducs de Bourgongne, de Nor-
mandie & de Guienne, les Contes de Thoulouſe, de Flā-

dres & de Champaigne, mais cela est faux, car Charles-Maigne ne fit les Pairs de France comme par viues raisons, il est amplement déclaré en son lieu. Pour reuenir à Charles, il alla en Espagne, là où il deffist les Sarrazins, & là mourut le bon Cheualier Rolland son nepueu, aux faicts duquel la posterité a adiousté tant de fables. Charles n'eut pas si tost mis fin à ceste guerre, que les Saxons le voyans loingtain d'eux, se rebellerent. Il alla contre eux, & les deffist de rechef. Tassilon Guerre cō-
tre les Sa-
xons &
Barbares et
autres peu-
ples. Duc de Bauiere sollicité par sa femme fille de Didier Roy des Lombards, de la vanger contre Charles, de l'in- iure que son pere en auoit receuë, luy fist entreprendre la guerre contre ledict Charles. Il fut vaincu & contrainct de ^{recourir} ~~receuoir~~ à sa misericorde, & clemence. Les Abdorites allies & amis des François inquietez par les Huns, Scithes & Normands, peuples Septentrionaux, recoururent au secours de Charles, qui les secourut & tellement brisa les forces de ces peuples Normands
peuples Se-
ptentrio-
naux. barbares, que depuis ils ne se peurent releuer, ny se remettre en leur premiere vigueur. Au Pape Adrian mort, succeda Leon troisieme, qui estant chassé de Rome par vne grāde seditiō, n'eut autre recours qu'à Charles, qui le remit en son siege, & punit les seditieux. En récompense de ce bō secours, Leon le crea Empereur, & l'appella Auguste, nom qui fut tresagreable aux Romains, Charles
creé Empé-
reur &
Auguste. depuis trois cēs ans q les Gotz festoient emparez de l'Italie n'auoiet ouy ce nō d'Empereur. Quelques vns veul- lēt dire que ce Pape dōna à Charles & à ses successeurs,

*Le nom de
Threschre-
stien.*

le nom de Threschrestie hereditaire, pour ce qu'il auoit viuement deffendu le siege Romain, mais il rapporta ce nom pour auoir combatu souuent contre les ennemis de la Foy Chrestienne, comme il sera dit en son lieu.

*vertuz de
Charles.*

Charles fit plusieurs autres guerres, tât en personne que par ses Lieutenans, & par ses fils. Il estoit vaillant en guerre, clement en ses victoires, studieux & amateur des bonnes lettres, iuste en paix & en toutes ses actions: bien est vray qu'il fut adonné à la paillardise, mais ce vice fut effacé par vn nombre infiny de vertuz. Il rendit son Royaume paisible, soubzmettant à son obeissance toutes les Prouinces voisines d'iceluy, comme les Espaignes, la Lombardie, l'Allemagne, l'Aquitaine, & la Bretagne, & subiuga les Huns, Saxons, Bauares, & Dannois, & pardonna souuent aux Saxons, qui festoient rebellez contre luy.

*Prises de
Charles.
Victoires
de Charles.*

*Admini-
stration de
iustice.*

Après auoir redu paisible son Empire, il enuoya par tous les lieux & Prouinces d'iceluy, gens notables & droicturiers pour faire & administrer iustice, à chacun reparer les abuz, tortz griefs, & violences faictes, & institua vingt trois chapitres de loix. Et pour rendre toutes les nations qui estoient souz sa puissance, obeissantes à son commandemēt, & les accoustumer à honorer leurs superieurs, il voulut faire publier en France les loix des Empereurs Romains, & les faire obseruer par les François, mais eux craignans que ce leur fust vn ioug perpetuel, souz lequel ils deussent estre asseruiz, firent des assemblées pour empescher la promulgation d'icel-

*La France
ne veult re-
cevoir loix
Romaines.*

les, & firent tant enuers luy, que cela ne passa outre. Il fist aussi plusieurs belles ordonnances sur les dignitez des Prestres, sur la prouision des benefices de son Royaume, sur la façon de viure des gens d'Eglise, sur l'administration des Sacremens, & de la parolle de Dieu, sur la nourriture des pauures, sur l'enterrement des morts, & bref sur la regle de viure d'un chascun. Il institua des iuges souuerains par tout son Royaume, qu'il appella Seneschaux, auxquels il donna pouuoir de iuger en souueraineté, & de reformer & punir bien rigoureusement les abuz, fautes & crimes. Et si les Seneschaux trouuoient quelque matiere de grande consequence qu'ils ne peussent vider d'eux mesmes, comme vn proces entre grands personaiges, il faisoit venir les parties en sa présence, prenoit cognoissance de cause, & les appointoit, ou faisoit veoir leurs proces en son conseil, & en donnoit l'arrest. On luy attribue l'institution de plusieurs belles constitutions, comme des Pairs de France, des Fiefs, des Bans & Arrierebans, des Iustices données aux Gentilshommes, en faueur de leurs terres, & de plusieurs autres, desquelles il sera parlé en leur lieu. Chacun sçait combien il fut religieux, & plein de deuotion, ayant fait bastir vne infinité de Temples, & reparer d'autres, qui par l'antiquité du temps, & par les guerres des Sarrazins estoient ruinez. Il fist tenir cinq Conciles pour reformer l'estat de l'Eglise, & contraignit vne infinité de nations à receuoir la loy & la foy de Iesus Christ. La discipline Militaire fut par luy remise sus, & les lettres en-

Ordonnances de Charles.

Institution des Seneschaux.

Devoir des Seneschaux.

Institution de plusieurs choses attribuée à Charles Magné. Charles religieux.

Autres vertus & actes de Charles.

seuclies par la longue Barbarie furent par luy ramenées en France. Il institua les Vniuersitez de Paris, de Boulōgne, & de Paue, leurs donnāt plusieurs beaux & amples priuileges, commença vne Grammaire de son langaige vulgaire, apprint le Latin & le Grec souz Pierre Pisan homme docte, & fist instruire ses enfans aux bōnes lettres, & à tous exercices dignes des Princes, de façō qu'il doit estre proposē aux Princes comme vn patron, miroir, & exemple de vertu, ayant la Religion, la vaillance la iustice, & le sçauoir, vn peu deuant mourir, il assembla à Majence vn Parlemēt, auquel il associa son fils à l'Empire, & donna les partaiges à ses enfans. Il assembla aussi plusieurs autres Parlemens, selon les occurences des affaires. Ce fut luy qui par sa vaillance, iustice & prudēce, fist monter la couronne de France à son periodē, & qui monta à vne grandeur, à laquelle aucun des autres Roys n'a peu attaindre, ayant à icelle par la main esté tiré par Pepin son pere, & Martel son ayeul, & ainsi trouuāt l'eschelle dressée par ses deuanciers, il luy fut aisē, par l'agilité de son esprit, & de sa fortune, se guinder à celle grandeur qui fut redoutable à toute l'Europe. Beau grand, & admirable fut de son tēps, l'estat des affaires de ce Royaume, qui estoit riche, opulent, honoré d'infinies victoires, décoré de la iustice, augmenté & agrandy par les armes, & orné de la Religio. Et comme toutes choses par le cours de nature ont commencement, accroissement, & fin, & quād elles sont montées à leur grandeur, il faut necessairement qu'elles s'abaissent & décroissent, ainsi la France

*La grandeur
de la France
souz
Charles.*

*L'estat de
la France
souz Char
les.*

Frâce estant durât la vie de Charles le Grand, môtée à la perfection de sa grandeur, & là pour quelque tēps demeurée, il salut necessairement, que ne pouuant demeurer longuement en cest Estat, elle tombast & decheust, *La France declina* comme il aduint apres sa mort, au regne de Loys le Debonnaire son fils, lequel estant plus iuste que vaillant, *sous le Debonnaire.* plus amateur du repos que de la guerre, plus enclin à la debonnaireté, qu'à l'actiō viue & ardante, *Loys le Debonnaire trop mol.* laissa tomber ce Royaume du hault en bas, & luy donner vn si grand fault, qu'il fut longuement tout estourdy de sa lourde cheute. Loys estoit bō, & aussi c'estoit tout: & pour ceste occasion à acquis le nom de Debonnaire. Et bien qu'estre bon, soit vne bōne chose, si est-ce que n'estât la bonté accompagnée de quelque autre vertu, comme de vaillance, ou de iustice, c'est vn corps sans ame, & interpretée à vice, ou pour le moins tournée à mespris & à moquerie. *Nonchalance du Debonnaire.*

Loys doncques surnommé le debonnaire, entrant en la possession du Royaume, renuersa plusieurs belles choses faictes par son pere. Car il rendit aux Frisons & aux Saxons les terres que Charles son pere leur auoit ostées, *Loys le Debonnaire Roy renuer sa plusieurs choses.* pensant les cōtenir en leur deuoir beaucoup mieux par sa clemence que par la force. Mais il se trompa, car ceste nation barbare ne se pouuoit tenir en bride & en subiection, que par la rigueur, ne recognoissant aucunement le bien de la douceur de son Prince. Enquoy Loys fut grandemēt blasmé. Il estoit fort deuotieux (chose grandement louable en vn Prince) & fit plusieurs belles

ordonnances sur la reformation des dissolutions & de la mauuaise vie des gens d'Eglise. Il associa à l'Empire avec luy son fils Lotaire, enuoya Pepin son autre fils en Aquitaine, & Loys son autre fils en Bauiere. Il punit Bernard son nepueu Roy de Lombardie de sa rebelliō, & pareillement fit reuenir à leur deuoir les Abdorites, les Gascons & les Bretons qui s'estoient rebellez. Durāt ce temps, les Danoys peuple des parties Septentrionalles pillerent la Guienne, puis se retirerent en leur paÿs. Plusieurs Seigneurs de la Frāce marriz de ce que le Roy fauorisoit plus que nul autre, vn nōmé Berard son grād Chambellan, coniurerent contre luy, & voulurent attirer à eux, ses enfans, leur remonstrant que le Roy leur pere faisoit plus de cas de ce Berard que d'eux, & qu'ils s'en deuoient ressentir. Les Enfans se remuerent contre le pere, mais par sa saigesse il remedia aux troubles qui naissoient, & faisant punir les principaux autheurs de la coniuration, leur pardonna. Les fils ingratz & cruels non contens de cela, de rechef se rebellerent contre le pere, & leuerent vne armée contre luy, attirans à leur part, le Pape Gregoire quatriesme du nom, complice de ceste cruauté des fils contre leur pere. Ils prindrēt donc leur pere souz couleur de bonne foy, & l'enuoyans prisonnier à Tortone, assemblerent à Compiègne vn Parlement, composé de leurs cōiurez, auquel ils le priuerēt de l'Empire & du Royaume, le firent moine, & les partagerent entr'eux.

C'estoit vne chose pitoyable à voir, & faut bien par

*Ordonnan-
ces de Loys*

*Punition
des rebelles*

Les Danois

*Coniuration
cōtre Loys.*

*Reuolte des
enfans de
Loys contre
luy.*

*Loys priuē
de l'Empi-
re.
Calamité
de la Frāce*

la coniecturer combien durant son regne, l'Estat de la France estoit miserable, de voir les fils tenir leur pere prisonnier, & par consequent tout droict diuin & humain subuertý, & toutes choses exposées à la rage & à la fureur. La France estoit toute en combustion, & le peuple extremement desplaisant de voir telle barbarie & impieté. En fin Loys par le secours d'aucuns siens fidelles seiuiteurs fut mis hors de prison, & remis en son siege Royal, & Imperial. Les enfans recognoissans leur faulte, se vindrent ietter aux pieds de leur pere, qui leur pardonna. Estant deliuré de prison, il s'adonna du tout à la Religion, & à la iustice, & auoit de coustume de se seoir trois fois la semaine publiquement en son Palais, pour ouýr les plainctes & doleâces de ses subiects. Cela estoit bon, s'il eust accompagné ceste iustice d'une roideur & magnanimité de couraige, pour resister à ses ennemis. Mais il estoit si mol, si lasche, & si foible de cœur, qu'il laissoit tout perdre deuant luy, & ne sçauoit entretenir les belles prerogatiues que son pere auoit eües, ny les belles ordonnances qu'il auoit faictes. Car il remit entre les mains des Papes la belle prerogatiue qui auoit esté donnée à Charles son pere d'ellire les Papes, & remist ausdicts Papes le pouuoir d'ellire les Empereurs. Son fils Pepin estant mort, il ne luy resta que Charles, Loys & Lotaire, ausquels en vn Parlement qu'il assembla, il donna leur partage. Il dōna à Lotaire tout le Royaume d'Austrasie, qui s'estēdoit depuis la Meuse iusques en Hongrie. A Charles tout le reste qui s'estend iusques

*Loys remis
en l'Empire.*

*Recognois-
sance des
enfans de
Loys.*

*Loys mol et
lasche.*

*Privilèges
donnés à
Charles re-
mis par
Loys.*

*Partages
des enfans
de Loys.*

à l'Occident, l'ayant au parauant associé à l'Empire, & à Loys la Bauiere. Loys marry qu'il n'auoit part en l'Empire se remua, mais comme il vit que son pere se remuoit aussi contre luy, il luy vint demander pardon, & l'eut de rechef. Loys de rechef se reuolta faisant souzleuer toute la Germanie, dequo y le bon homme Loys le Debonnaire, receut vn tel ennuy qu'il en tomba malade & mourut l'an 27. de son regne.

Charles le Chauue.

*Guerre entre freres
fils de Loys*

Après sa mort, ses fils Loys & Lotaire, marriz de la bonne portion que leur pere auoit laissée à leur frere Charles, surnommé le Chauue, luy firent la guerre. La bataille fut donnée entr'eux, en laquelle les deux freres Loys & Lotaire furent vaincuz par le Chauue, qui estant victorieux, toutesfois fut si bon frere qu'il les receut amiablement à vne composition d'vne bone paix, par laquelle il fut dict que Lotaire auroit de la en auant l'Austrasie, qui de luy fut appelée Lorraine, Loys la Germanie, & Charles le Royaume de France, depuis la Riuiere de Meuse iusques à l'Ocean. Le Chauue au commencement de son regne, se vit assailly des

*Normands
en Fran.^e.*

Pyrates Normands qui pilloient & rauageoient toute la France. C'estoit vne nation Septentrionale, voisine de l'Ocean & des Danois, lesquels Charles le Grand auoit battus en quelques petites batailles, sans en pouoir venir à bout, comme il fist de plusieurs autres nations Septentrionales. Et après la mort de Charles le Grand, recommencerent leurs Piratiers sur la mer, ne se desbandans pas fort auant en terre, craignans les

François. Mais voyant du regne du Chauue, la France
 abbatue & accablée des guerres ciuiles qui auoient *La France*
 esté durant la vie du Debonnaire, ils prindrent cou- *formée de*
 raige de venir plus auant en la France, & y vindrent, *guerres ci-*
 sans trouuer aucune resistance: Ils pillerent Paris, *uilles.*
 Nantes, Angiers, & Tours, & sentans approcher
 le Chauue avec vne armée, se retirerent en la Neustie,
 maintenant dicté Normandie, leur païs de conqueste,
 sans entrer plus auant en France. Sur ces entrefai-
 ctes mourut Lotaire Roy d'Austrasie, laissant trois fils *Mort de*
 Roys, Loys qui fut Roy d'Italie, Lotaire d'Austrasie, & *Lotaire Roy*
 Charles de la Prouence & d'une partie de la Bourgogne. *d'Austrasie.*
 Le Chauue aduertý de la mort de son frere Lotaire s'em- *sic.*
 para de l'Austrasie, ce q^d despleut à Loys Roy de Baui- *Le Chauue*
 re voyãt que son frere auoit faict si peu de cõpte de luy, *près l'Au-*
 qu'il ne l'auoit aucunemẽt appellé à la successiõ des païs *strasie.*
 de leur frere Lotaire. Adonc la guerre commença en- *Guerre en-*
 tre eux, & comme ils en estoient bien auant, les Van- *tre freres.*
 dales vindrent assaillir Loys, qui se voyant ainsi pressé,
 fit sçauoir à Charles son frere qu'il desiroit bien en-
 tendre à la paix, & demeurer son bon frere & amy. Il
 faisoit cela pour euter ce pendant l'oraige que son
 frere eut faict tomber sur luy, sil luy eust continué la
 guerre. Mais peu apres il recommença plus que de-
 uant la guerre contre son frere. Les Princes, quand leurs
 affaires bastent mal, promettẽt beaucoup de choses les-
 quelles puis apres ils ne tiennent pas, quand ils viennent
 au dessus de leurs desseins. A la fin il fut aduisé par

*Paix entre
les freres.*

*Le Roy de
Bretaigne
vaincu.*

*Bataille con-
tre les Nor-
mands.*

*La fille du
Chauue
rauié sur
la mer.*

leurs bons seruiteurs, de les mettre d'accord, par vne bõ-
ne paix, par laquelle il fust arresté qu'afin que dela en a-
uant toutes occasions de guerre entre les freres cessaf-
sent, ils deputeroient Commissaires qui feroient les con-
fins & bornes de leurs Royaumes & Seigneuries. Telle
fin eut la guerre entre les freres. Durât ce debat, Noeme
Roy de Bretaigne, vint assaillir le Chauue, & en deux
petites batailles le vainquit, mais le Chauue ne perdant
cœur pour cela, à la troisieme vainquit le Roy de Bre-
taigne, & le cõtraignit de ne porter plus le nom de Roy,
& se contenter du nom de Duc. Cela faiët, les Normâds
s'esleuerent de rechef, contre lesquels le Chauue enuoya
Ranulphe Gouverneur de Guienne, & Robert Conte
d'Angiers braue & vaillât Cheualier, issu de Saxe (ayeul
de Hues Capet) lesquels combattans vaillamment contre
les Saxons moururent en bataille, mais peu apres le
Chauue aspirant à l'Empire de l'Italie, fist la paix avec
eux, & s'en retournerent en leur paÿs de conqueste, lais-
sans le Chauue en bonne volonté de passer les Alpes,
cõme il feit, pour auoir l'Italie par la mort de Loÿs son
frere, & voulant ioindre l'Italie & la Germanie au
corps de la France, il y perdit son temps & sa peine. Les
Normands recommencerent de rechef la guerre, mais
le Chauue y mist vn si bon ordre qu'il garantit la Fran-
ce de leur fureur, & pensant auoir rendu de tout poinët
son Estat paisible contre ces Pirates estrangers, il trou-
ua dedans la France & en sa maison mesme, vn Pirate
qui le contraignit de recompenser par alliâce & faueur,

l'iniure qu'il luy auoit faiçte. Le Chauue auoit marié sa fille Iudith à Edelphe Roy des Anglois, laquelle apres la mort de son mary s'en reuenant en France, Baudouin grand forestier des Ardennes, la raut par les chemins, estant rauy de la beauté de ceste ieune Princeesse, & l'espousa contre la volonté du pere. Lequel voulant faire punir, son gendre par force, fut par les prieres de sa fille esmeu à telle compassion, & amitié, qu'au lieu d'ennemy, il le salua, & embrassa comme gendre, & luy donna le pays de Flandres qu'il erigea en Conté. Le Chauue sur *Flandres* la fin de ses iours deuint superbe & insolent, & se rendit *en Conté.* odieux à ses subiects, pour ce que delaisnant & mesprisant les meurs, les façons de viure & les habillemens des François, il s'accoustumoit à viure, & à s'habiller à la façon des estrangers. Il estoit ordinairement vestu d'une grande robe qui luy alloit iusques aux talons, nommée *superbe du* Dalmatique, & souuent portoit sur sa teste vne couronne, ou autour de son front vn bandeau de soye blanche, comme vn antique Diademe. Et se voulant par ses accoustremens rendre plus venerable aux yeux des hommes, il se rendit moins aimable à leurs cœurs, & affections. Ce qui fut cause que Loys le Begue son fils veuant à luy succeder, ne fut au commencement aimé de ses subiects, qui craignoient qu'il fust semblable au pere.

Loys le Begue estant Roy, s'aperceuant que la mau- *Loys le Be-* uaise volonté que le peuple auoit portée à son pere, luy *gue Roy-* pourroit preiudicier, s'estudia en tout ce qu'il peult à luy

cōplaire, pour luy oster la mauuaise opinion qu'il auoit, que ledict Begue d'eust ressembler à sondict pere. A quoy il sceut sagement remedier, car pour attirer du cōmencemēt à soy les cœurs de ses subiects, il assemblea vn

*Sagesse des
Begue.*

Parlement

Parlement (festant la coustume d'assembler les Parlements desia presque perdue) là où en la presence des plus notables hommes de son Royaume, il donna à chacun vne grande esperance, qu'il seroit autre que son pere. Il

*Paix entre
le Roy &
les Alle-
mans.*

*Diuisiō de
la Lorrain-
ne.*

fit vne cōfederation & traicté de paix avec les Allemās, par lequel il fut dit, que le pays de Lorraine seroit egallement diuisé entre les Allemans & les François. De son temps, Iean Pape vint en France pour se sauuer des factious qui estoient en Italie sur le couronnement d'un Empereur. Il desiroit que Loys le Begue le fut apres son pere, & la faction cōtraire, vouloit que ce fust Charles le Gros, fils de Loys le Gros, fils de Loys Roy de Germanie. Lequel Loys estoit fils de Loys le Debonnaire:

*Loys courō-
né Empe-
reur.*

Mais nonobstant cela, Iean couronna ledict Loys Empereur, dont sourdit tel trouble en l'Empire, qu'onque puis les Roys de France n'en ont iouy. Le Begue mourant, laissa sa femme grosse, & tuteur de l'esperance du ventre, Eudes, fils de ce Robert Conte d'Angiers qui mourut combattant contre les Normands.

*Loys &
Carloman
bastards
Roys.*

Mais deux siens bastards Loys & Carloman s'emparerent du Royaume, auquel ils ne firent aucun acte de iustice, mais vn seulement de vaillance, lors qu'ils chasserent vne grande partie des Normands. Carlomā poursuivant à cheual vne ieune fille qu'il vouloit rauir & qui s'enfuisoit

ſ'enſuioit deuant luy, ſon cheual paſſant vne porte baſſe du logis, auquel feſtoit ſauuée la fille, luy fiſt donner vn ſi grand coup du front cõtre le hault de la porte, qu'il ſe rompit le tez, & ecraza la ceruelle, & Loys pourſuyuant vn ſanglier, fut enſerré d'vn eſpieu au lieu du ſanglier, par celuy qui tenoit l'eſpieu.

Charles le Gros, ayant pacifié l'Italie vint en France, de laquelle il ſ'eſt Roy, apres la mort de ces deux baſtards. Il fiſt vne forte guerre contre les Normands qui par leurs brigandages & pirateries, tenoient toutes les coſtes de la mer du Ponant en ſubiection. Charles n'eut pas du meilleur en ceſte guerre, & en fin fut contrainct de faire d'ennemis, amis, donnant en mariage à leur Roy Geoffroy, Gillette fille de Lotaire ſon couſin germain, du coſté du pere, & donna auſdicts Normands la Neuftrie pour habiter, laquelle de leur nom ils appellerent Normandie: Puis mourut ledict Charles.

La mort de Charles le Gros, apporta vn merueilleux changement & vn grand trouble aux affaires de France, car la plus grande partie des Seigneurs eleut Roy Eudes Conte de Paris, Regent en France durant la minorité de Charles fils de Loys le Begue, & fut couronné. Mais eſtant au bout de deux ans ſon regne peu agreable à ceux meſmes qui l'auoient faiet monter à ce degré, il fut contrainct de quitter le ſceptre & la couronne, & la reſtituer à Charles, vray & legitime heritier d'icelle, & de ſe contanter du Royaume d'Aquitaine. Les Seigneurs de France firent ſacrer &

Mort des Baſtards.

Charles le Gros Roy.

Guerre cõtre les Normands.

La Neuftrie donnée aux Normands & appelée Normandie.

Eudes Conte de Paris eleu Roy.

Eudes quitte la couronne de France.

Charles le Simple couronné Roy.

couronner Charles surnommé le Simple, ayant lors at-
tainct seulement l'aage de douze ans. Cela fut faict par
la ialousie & enuie des factiōs, & par la cupidité & am-
bition de gouverner de ceux qui esperoient manier les
affaires à leur plaisir, souz le manteau de l'imbecillité de

*Le malheur
des Roys
enfants &
imbecilles.*

ce ieune Roy, comme tousiours pres des Roys imbecil-
les de sens & d'aage, il se trouue vn nombre infiny d'hō-
mes qui sçauent faire profit de l'imbecillité de leurs mai-
stres, & pour vn Regent & vn Gouverneur, nasquit vn
nombre infiny de Regens, & de Gouverneurs. Quelque

*Mort d'Eu-
des.*

temps apres mourut Eudes, qui mourant confessa pu-
bliquement en la presence des plus grands Seigneurs de
France, la courōne de ce Royaume appartenir de droict
à Charles le Simple. Ce langaige fut trouué bon & iuste
de tous ceux qui estoient presens, hormis de son frere
Robert Conte d'Angiers, & Miire du Palais, grand pere
de Hues Capet, depuis Roy de France. Car Robert & sa
posterité esmeut tellement ceste action, qu'à la fin
elle se mist la couronne sur la teste. Robert disoit que

*Querelle de
Robert sur
le Royau-
me de Frā-
ce.*

par commun consentement & solennelle volonté de
toute la France, la couronne auoit esté donnée à Eudes
son frere, de la mesme façon, qu'elle auoit esté donnée à
Pepin. Que si Pepin auoit esté legitiment esleu Roy,

*Le droict
du Royau-
me de Frā-
ce n'est à
la disposi-
tion de ce-
luy qui l'a.*

& legitiment regné, & Eudes aussi, & qu'Eudes en-
mourant n'auoit peu par aucune protestation, renōcia-
tion, ou testament, remettre à la race de Loys le Begue,
le sceptre qui luy auoit esté tant solennellement donné.
Que le droict du Royaume de France n'estoit pas vn

droict qui appartient à vn homme, ains seulement à celui qui seroit du sang Royal, sans estre à la disposition de celui qui l'auoit. Que puis qu'Eudes estoit mort sans enfans, il estoit le plus habille à succeder comme estant son seul frere & heritier. Plusieurs hōmes desirieux de nouuelleté, & esperans beaucoup de biens de Robert, fil aduenoit qu'il fust Roy, luy vindrēt offrir leurs personnes, & leur secours. Robert vouloit mettre les armes aux champs, tant il estoit aspre à ceste couronne, selon la coustume de ceux qui aspirēt aux royaumes, si les Normands nation Payenne descendante des parties Septentrionales sur les costes de la France, ne l'en eut diuertie pour l'heure, afin de remedier leurs incursions. Raoul estoit leur Chef qui avec ses forces descendit en la Neustrie maintenāt dictē Normādie, là où apres auoir prins & assiegé plusieurs villes, & gasté le païs, il feit paix avec le Simple, & les habitans du païs, & se faisant Chrestien, choisit Robert frere d'Eudes pour son parrain, & fut sur les fonds de baptesme appellé Robert, puis espousa la fille dudit Robert, bien que quelques vns disent qu'il espousa Gillette fille de Charles le Simple, mais cela est faux. Robert qui estoit hōme aduisé, voulut ainsi à luy obliger d'une paix, & lier d'alliance, ce Normand, pour aquerir tousiours des amis, & des moyens à l'entreprise de la couronne de France, la voye de laquelle il voyoit luy estre faicte, bien aisée & facile, par l'imbecilité du Simple. Car ce qui donne & volonté & moyen aux hōmes de grand cœur de conspirer contre leurs Princes, &

*Remuemēs
en France.*

*Descente des
Normands
en France.*

*Normādie
iadie Neu-
stre.*

*Raoul Prin-
ce Normā-
se fait Chre-
stien.*

*Ruses de
Robert.*

*Ce qui es-
meut les hō-
mes à con-
spirer cōtre
leurs Prin-
ces.*

d'attenter à l'vſurpation de leur couronne, eſt l'imbecillité & la neantiſe d'iceux Princes. Robert n'oſoit apertement deſcouvrir ſon intention, car bien que le Simple fuſt pluſtoſt l'image d'un Roy, qu'un vray Roy, ſi eſt-ce que la reuerence du nom de Roy, qui a eſté touſ-

La reuerence des François à leurs Roys.

iours grande au cœur des François, le faiſoit honorer & reſpecter comme Roy, & eſtoit fidellement ſeruy par ſes ſubiects. Sur ces entrefaictes le Simple fiſt un acte

Acte de Religion du Simple.

de ce Royaume auoient eu des Roys ſes predeceſſeurs les biens & poſſeſſions des riches Abbayes, à la charge de nourrir & entretenir les moynes, auxquels ils donnoient ſi petite portion qu'ils les faiſoient mourir de faim. Il y auoit long temps que ceſte couſtume duroit, & deſia par la longue poſſeſſion, les Seigneurs pre-

Les Seigneurs ſe parent des benefices.

tendoient ces biens là eſtre leur propre. Le Simple aſſembla un Concile, auquel il fiſt rendre aux Eccleſiaſtiques leurs biens, & les voulut remettre en leur premiere liberté. Mais Robert Maire du Palais, frere d'Eudes ne le voulut permettre, d'autant que luy

Les biens réduz aux Eccleſiaſtiques.

& Hues ſon frere nourriſſoient des biens d'Egliſe leurs ſoldats, & deſia taſchoient avec les hommes de

Deux factions en France.

leur faction, de ſ'emparer du Royaume. La France eſtoit diuiſée en deux factions, l'une eſtoit celle de Robert, l'autre celle de Baudouyn Conte de Flandres, ennemy capital de Robert & de ſes deſſeins, d'autant qu'il eſtoit marry que veu qu'il eſtoit fils de la fille du Chauue, ayant par ce moyen quelque droit

au Royaume, Robert tafchast durant la vie de la race de Charles le Grand, de mettre le Royaume en fa maison. Adonc le Flamand estoit ardent deffenfeur de la cause du Simple, qui par sa simplicité la gastoit, trahissoit, & faisoit moindre. Et ce qui estoit le pis, le Simple n'aimoit que ceux qui tenoient couuertement le party de Robert, & qui fauorisoient ses desseins. Voyla comment ce pauvre Roy estoit aduifé en ses affaires, & comment il estoit seruy. Ces ialousies de Robert & de Baudoyne, firent en plusieurs endroits de la France, mettre les armes en lumiere.

Tous les iours on faisoit des meurtres des plus grands *Misères de la France.* personnaiges. Robert faisoit tuer ceux qu'il pensoit estre contraires à son intention, & le Flamand en faisoit autant de son costé.

Ainsi par voyes iniustes se preparoient d'une part & d'autre les moyens pour monter à la Royauté. Le Simple ce pendant faisoit *Simpleste du Simple.* tousiours le Simple, & ayant par le moyen de ses bons seruiteurs gaigné la Lorraine, il se glorifioit cent fois le iour, de ce qu'il auoit conquis vne Prouince qui si longuement auoit esté desmembrée de la France, & auoit pour sa garde des soldats Lorrains.

Henry fils d'Othon Duc de Saxe, Empereur, fist paix avec le Simple. Et ayant pitié de la miserable condition de ce pauvre Prince, luy enuoya des forces pour le deffendre contre la faction de Robert. Ce *Fiance du Simple aux estrangers.* qui fut cause que dela en auant le Simple se fioit plus aux soldats Allemans, qu'aux François. Cela le

rendit hay des François, & leur fit penser qu'il auoit de-
libéré de mettre sa personne & son Royaume, entre les
mains de l'Empereur, pour se deffendre contre Robert.

*Reuolte des
Seigneurs
de France.*

Les Seigneurs de France ia mal affectez enuers luy, ne
pouuans supporter ceste façon de faire, se retirerent vers
Robert compediteur du Royaume, & luy promirent

*Robert cou-
ronné Roy.*

tout secours & faueur, pour le faire Roy, comme ils fi-
rent. Car ils le firent couronner Roy, mais il ne iouit pas
lôguemēt de ceste grādeur, d'autāt q̄ peu apres son cou-
ronnement, les fidelles seruiteurs du Simple, ayans leu é
vne armée, luy liurerent la bataille pres de Soissons, là
où il fut combatu d'vne part & d'autre, avec grande ar-
deur & fureur, cōme en affaire où il alloit de la querelle
d'vn grand Royaume. L'armée qui tenoit le party du

*Bataille
pres de Soif-
sons, entre
le simple et
Robert.*

Simple, encor qu'il y fust en personne, ne pensoit point
auoir de Chef, ce qui fut cause que chacun estoit son
Chef, & chacun se commandoit sans attendre le cōmā
demēt d'autrui. L'autre auoit vn Chef trop ardāt, qui a-
uoit plus d'affectiō à la Royauté, q̄ luy auoit estēnouuel-
lement donnée, que de soing de sa vie. La maiesté estoit

*Ardēur
de Robert.*

*Les raisons
de la cause
du Simple.*

grāde en l'vn & en l'autre: en l'vn pour ce qu'il estoit Roy,
deuant qu'il nasquist, qu'il estoit né de la race de tant de
Roys, & de tant d'Empereurs, & seul restant de la race
de Charles le grand. L'autre estoit recommandé par son
nouveau sacre, par sa vertu, par la memoire & successiō
de son frere Eudes, par la mort de son ayeul Robert
mort pour la deffence de ceste courōne, & pour la cause
de ceste guerre, qu'il disoit auoir entreprise, tant pour

*Les raisons
de la cause
de Robert.*

confirmer son droict, que pour deliurer la France de la seruitude, à laquelle le Simple la vouloit mettre souz les Allemans. Ce qui rendoit la querelle de Robert supportée & fauorisée, d'autant qu'elle estoit fondée sur la liberté qui est la plus douce chose du monde, aux oreilles *Le nom de liberté, doux.* & aux esprits des hommes. Et toutesfois la fortune de France ne decida point vn faict si ambigu, & douteux, car le malheur tomba sur Robert seul, d'autant qu'avec *Robert tué, & le Simple vainqueur.* peu de perte des siens, il mourut pour trop ardemment vouloir estre Roy, & au contraire le Simple, ayant perdu beaucoup d'hommes, fut vainqueur. Mais ce qui luy fist perdre le fruiet de sa victoire, fut qu'estant mort son competeur au Royaume, il fit plus le vaincu que le vainqueur, & enuoya des Ambassadeurs vers Hebert Conte de Vermandois, son capital ennemy, luy demander secours, & d'autres, à Héry Empereur d'Alemaigne, par lesquels il luy rendit la Lorraine, en luy demandant nouuelles forces contre ses coniuérateurs. Ce qui donna courage au Conte de Vermandois, de faire venir à luy à Peronne, le Simple, souz couleur de vouloir avec luy *Felonie du Conte de Vermandois* mettre ordre aux troubles de la France. Le Roy estant allé à Perone, le Côte le mit en prison l'an de salut 924. *Charles mis en prison à Perone.* là où il le contraignit en la presence de ses Barons, de quitter le droict qu'il auoit au Royaume, & le ceder à ne. Raoul Roy de Bourgongne.

Raoul estant monté au siege Royal deuint fort orgueilleux, de se veoir Roy de Bourgongne, estre devenu *Raoul Roy de France.* Roy de France, & ne se voulant contanter de ce tiltre,

Raoul insolent.

voulut estre Empereur. A ceste occasion il alla en Italie, là où apres auoir vaincu l'Empereur Beringuier, il iouïst par l'espace de trois ans de l'Empire d'icelle, mais estant son Empire trop insupportable aux Italiens par son insolence, il fut contrainct de se retirer en France. Incontinent Hues Conte d'Arles entra en Italie, mais les Italiens se faschans aussi bien de luy que de Raoul, enuoyerent l'appeller Raoul. Ce que craignant le Conte, pour destourner Raoul de l'entreprise de l'Italie, luy quitta toutes les terres qu'il auoit en France, à la charge que ledict Raoul ne pretendroit iamais aucune chose en Italie. Raoul pensant iouyr paisiblement de sa nouuelle couronne de France mourut. Entre tât d'orages, de vagues, & de tempestes dont la Frâce fut agitée depuis la mort de Loys le Begue, iusques à celle du Simple, de tous ceux qui ont tenu le Royaume de France il n'y en a aucun qui ayt esté legitime Roy.

Roy illegitimé en France.

Loys d'Outremer.

Raoul estant mort, & Charles le Simple estant pareillement decedé en prison à Perône, les Seigneurs de France, manderent Loys surnomé d'Outremer, fils de Charles, qui apres la prise de son pere, craignant la fureur & la felonnie du Conte de Vermandois, s'estoit sauué dela mer en Angleterre, pres d'Elstan son Oncle maternel, & à ceste cause fut surnommé d'Outremer. Estant de retour d'Angleterre, au commencement il fut fort bien receu des plus grands Seigneurs de France, mais ceste ioÿe ne dura gueres, car trois ans apres par les menées & pratiques des heritiers de Robert & d'Eudes, Contes

Fuite de Loys d'Outremer en Angleterre.

Contes de Paris & d'Angiers, ils coniurerent contre luy, pour luy oster son Estat & sa courōne. Loys se voyāt reduict en ceste extremité, recourut au conseil & secours de l'Empereur Héry, & de Guillaume Duc de Normādie, lequel promist au Roy son Seigneur lige, tout secours, aide & faueur, & par sa diligence, ledict Empereur & le Roy Loys se virent sur la riuiera de Meuse, *Entreueue du Roy & de l'Empereur.* là où ils reconfirmèrent leur ancienne alliance & amitié. Ce qui fit tenir en ceruelle les coniurateurs, quand ils virent que leur Roy auoit si bien pourueu à ses affaires. Apres auoir par ceste prouidence couppé la racine à ces coniurations, il assembla en la ville de Laon les principaux Seigneurs de son Royaume, entre lesquels Hebert Conte de Vermandoyz se trouua. En ceste assemblée le Roy par vne cautelle, fist entendre aux Seigneurs que le Roy d'Angleterre son Oncle, luy auoit enuoyé lettres par lesquelles il luy demandoit aduis, cōme il deuoit traicter vn subiect qui auoit faict mourir son Seigneur naturel. Et sur ce, le Roy demanda à tous les Seigneurs leur aduis. Hebert estant à son rang à dire le sien, dit qu'il falloit pēdre ce subiect. Lors le Roy luy dist q̄ ce subiect estoit luy-mesme, qui auoit fait mourir son Seigneur, & puis que par sa mesme sentence, & de sa propre bouche il s'estoit condamné, il failloit qu'il mourust. Adonc fut prins le Conte, & pendu & estranglé sur vn mont pres la ville de Laon, qui aujourd'huy encore est appellé le mont Hebert. Sur ces entrefaictes, Guillaume Duc de Normandie qui auoit esté fidelle

Cautelleuse demande.

Le Côte de Vermandoyz pendu.

vassal du Roy, fut en trahison tué sur la riuere de Somme, par Arnoul Conte de Flandres. Sa mort donna occasion & intention au Roy, de faire vn acte d'ingratitude enuers les siens, car estant aduertý de la mort dudit Duc, il s'en alla à Rouen, faignant de vouloir vanger sa mort, & de mettre ordre aux affaires de Richard son fils, qui estoit demeuré en bas aage, & la tutelle & curatelle duquel, deux Seigneurs de Normãdie auoient prinse. Eux aduertiz de la venuë du Roy, & de son intention, le receurent honorablement, mais luy ayant vn desir secret de s'emparer du Duché de Normandie, le voulut mettre à effect, & à ceste occasion mãda aux tuteurs du ieune Prince, qu'ils eussent à le luy mener, disant qu'il le uoloit faire esleuer & nourrir pres de luy: Cela fist soupçonner les tuteurs & les habitãs de la ville de Rouen, que le Roy vouloit premieremēt se saisir dela persōne du ieune Duc, puis de son Estat, ce qui fut cause d'vne seditiō q̃ le peuple de la ville esmeut contre le Roy, laquelle eust tiré plus auant, si par le conseil d'aucuns siens fidelles seruiteurs, il n'eust monstré au peuple, ledict Duc, avec assurance que ce qu'il auoit faict, n'estoit que pour le faire bien instruire. Le peuple estant par ceste remonstrance appaisé, le Roy amena en France le ieune Prince. Arnoul Conte de Flandres, voyant que le Roy auoit prins le Duc de Normandie en sa protectiō, & craignant qu'il ne voulust en faueur dudit enfant, prendre vengeance de la mort de son pere, le corrompit par vne bōne somme d'argent qu'il luy donna, & le pria de le receuoir à sa

*Ingratitu-
de du Roy
au Duc de
Norman-
die.*

*Cantelle
du Roy
Loy.*

*Seditiō à
Rouen.*

*Le Roy se
laisse corrom-
pre.*

iustification du meurtre par luy commis en la personne du Duc de Normandie. Et ce pendant deuant que venir en la presence du Roy, pour se iustifier, il luy feit entendre par quelques grands personaiges, qu'il auoit corrompuz, qu'il se deuoit ressouuenir des tors & iniures que ses predecesseurs & luy auoyent receües des Ducz de Normãdie, & mesmement du dernier Duc Guillaume. Le Roy estant corrompu par des corrompuz, & suborné par des subornez, receut ledict Conte à sa iustification, & l'absolut de tout ce qui luy pouuoit estre mis sus pour raison dudiect meurtre, & dela en auant commen-
ça à faire mauuaise mine au Duc, à luy reprocher les iniures de ses ancestres, à l'appeller bastard, & à le menacer de luy oster son Estat. Le Gouverneur du ieune Duc, preuoyant par les menasses du Roy, le mauuais tour qu'il vouloit faire à son maistre, de nuiet l'enleua, & le mena à Bernard Conte de Senlis pour le sauuer, mais le Conte se deffiant de le pouuoir faire seul sans l'ayde de quelqu'un de ses amis, pria Hues le grãd Conte de Paris, de l'ayder, à sauuer ce ieune Duc. Hues presta volontiers l'oreille à cecy, pour auoir occasion de nuire au Roy Loys, duquel appertement il se rendoit de iour à autre ennemy, & sauua le Duc Normãd. Le Roy se voyant priué de son esperance, manda à Hues qu'il eust à le luy rendre, mais Hues n'en voulut rien faire. Cela engēdra vne nouuelle haine entre le Roy & Hues. La France fut quelque temps en repos, iusques à ce que Loys eut enuie de recouurer la Lorraine sur l'Empereur,

*Iniusticedu
 Roy contre
 le Duc de
 Normãdie.*

*Le Duc de
 Normãdie
 enleuē de
 la court du
 Roy.*

Paix entre le Roy & l'Empereur. Othō, mais il ne peult, quelque effort qu'il en feit, & fut cōtrainct de faire paix, & de cōtracter alliance avec luy, espousant Gerberge seur dudit Empereur. L'autre seur

Seurs de l'Empereur mariées l'une au Roy, l'autre à Hues Conte de Paris. duquel, nommée Auoye, espousa Hues le grand, Conte de Paris, fils de ce Robert, qui sur la querelle du Royaume fut tué pres de Soissons. Hues estant devenu orgueilleux de l'aliance qu'il auoit prise avec l'Empereur, & chaussant en sa teste, l'opiniō & l'ambition de son pere, entroit de iour en iour en esperance de s'emparer du Royaume, ne permettant que la memoire

Ménées de Hues le grand, pour se faire Roy. de l'action & du droit pretendu par son pere, s'esuanouist, & suscitoit de petites & secretes querelles au Roy. L'Empereur Othō beau-frere de l'un & de l'autre, vint en France pour les accorder, & peu apres Loys d'Outremer deceda, l'an 955. laissant pour successeur au

Mort de Loys d'Outremer. Lotaire Roy de France. Royaume, Lotaire, & l'Austrasie, ou vne partie d'icelle, autrement dicte Lorraine, à Charles son autre fils, l'inuestiture de laquelle estoit debattue de longue main entre les Roys de France, & les Empereurs. Hues le grand engendra Hues Capet, qui fut Roy de France, Othon qui fut gendre & successeur du Duc de Bourgongne, & Henry qui apres la mort de son frere Othon, fut aussi Duc de Bourgongne.

Hues le grand pere de Capet. Lotaire estât Roy, cōfirma avec son Oncle maternel l'Empereur Othon, tous les traictez de paix qui auoient esté faicts entre ses predecesseurs Roys de France & les Empereurs, & iamais les Allemans & les François ne furent plus amis que de ce temps là. L'Empereur pa-

Le Roy Lotaire.

cifia les querelles qui estoient entre le Roy son nepueu, & Hues son autre nepueu, à quoy ayda beaucoup Bruno *Reconcilia-
tion entre le
Roy &
Hues.* gouverneur de Lorraine, qui par ceste cōpositiō fit que le Roy donna le Côté de Poictiers à Hues le Grād, Côte de Paris, & nōmé Duc des François. La France entra en quelque repos qui fut bien tost rompu, par les menées de Thibault Conte de Chartres, lequel mist en teste au Roy Lotaire, de faire la guerre à Richard Duc de Nor- *Guerre en
Normandie* mādie: toutesfois ceste guerre dura biē peu, & fut faicte paix entre le Roy & le Duc qui recogneut le Roy pour son Seigneur lige, luy faisant hommaige de son Duché. *Hommage
du Duché
de Normā-
die au Roy.* Sur cela Ragnier & Lābert enfans de Ragnier Conte de Mons entrerēt dedās la Lorraine, laquelle ils pretēdoient leur appartenir. Othon secōd du nom Empereur, appel- *Inuestitu-
re du Du-
ché de Lor-
raine par
l'Empe-
reur.* lant de France Charles frere de Lotaire l'inuestit de tout le Duché de Lorraine, à la charge qu'il le tiendrait à hō- maige de l'Empire. L'Empereur luy fist ceste inuestiture pour le diuertir de l'affection de la Frāce. Ce qui fut cau- *La cause de
la ruine de
Charles
d'Austra-
sie.* se de la ruine de Charles, car cela le mist en la malle gra- ce des Frāçois, & en fin luy fist perdre le droit qu'il eut par apres sur la couronne de France. Lotaire Roy de France frere de Charles entra aussi dans la Lorraine cō- tre l'Empereur, & peu s'en salut qu'il ne la print. A la fin ils s'accorderent, & la Lorraine demeura à Charles. Lo- taire deceda l'an 986.

Loys son fils luy succeda, qui ne regna qu'un an. Il fut le dernier de la race de Charles-Magne, & mourant sans enfans, Charles Duc d'Austrasie à present dicté

Loys 5. Roy.

*Charles
duc d'Au-
strasie,
vray heri-
tier de la
couronne
de France.*

Lorraine, son Oncle paternel, & vray heritier de ceste courōne, voulut venir en France pour la receuoir. Mais d'autāt qu'il estoit fort mauuais Seigneur à ses subiects, & que durant les guerres qui auoient esté entre les Empereurs & les Roys de France, il auoit ouuertement tenu le party des Empereurs, pour maintenir son Estat, qu'il disoit estre feudataire de l'Empire, & lequel il auoit receu en inuestiture de l'Empereur, les Frāçois mal affectionnez enuers luy, pour ces deux raisons, & animez & suscitez contre luy, à la souuenance de ceste haine, & à la rudesse de son Empire, par Hues Capet Maire du Palais, ne le voulurent receuoir, ains d'vn commun consentement esleurent pour leur Roy, lediēt Hues, hōme cault & aduisé, & non tant bon guerrier que bien entendu aux affaires. Charles se voyant priué de sa succession, delibera de l'auoir par force, puis q̄ le droiēt luy estoit osté, & assembla vne armée pour venir à l'encōtre de Hues, qui de son costé en assembla vne autre pour deffendre son nouueau droiēt. Pres de Laō estant la bataille dōnée, Charles fut vaincu, & cōtrainēt de se sauuer dās la ville, à Ancelin Euesque d'icelle, vers lequel il pensoit trouuer secours en son mal'heur, mais l'Euesque fauorisant la bonne fortune de Capet, luy mist Charles entre les mains, & ainsi estant Capet sans competeur, la troisiēme race des Roys de Frāce fut assise au Throſne Royal, en deiettant celle de Pepin, enuiron l'an de

*Charles
vaincu &
prisonnier.*

*Hues Capet
doux en sa
victoire.*

salut, 998.

Capet estant couronné Roy de France, & asseuré en

Son Estat, n'vsa enuers son cōpetiteur de la cruauté, dōt
 les vainqueurs ont accoustumé d'vser en l'endroiēt de
 leurs compẽtiteurs, en les faisant mourir, ains luy remet-
 tant la vie, l'enuoya avec sa femme prisonnier à Orleans,
 là où il passa & finit ses iours, & fist en prison deux fils,
 Loys, & Charles qui moururent bien tost apres, & mou-
 rut lediēt Charles sans enfans, quoy qu'en veullent dire
 quelques mauvais historiens, qui par leurs escrits, & au
 preiudice de noz Roys, ont voulu faire renaistre vne ra-
 ce de ses successeurs. Ainsi fut Roy de France Hues Ca-
 pet sans aucune contradiction ou tumulte, ce qui fut vn
 cas bien esmerueillable, d'autant que tousiours les chan-
 gemens des grands Empires, amenant de grands trou-
 bles avec eux. Mais ce a esté vn heur peculier de la Frā-
 ce, qu'en deux fois qu'elle a changé de race de Roys, au-
 cun trouble n'a suiuy ce changement. Voila la fin de la
 seconde race des Roys de France, & le commencement
 de la troisiẽme, & par quel moyen elle fut assise au sie-
 ge Royal. Les races vicillissent comme font toutes au-
 tres choses qui prennent naissance, & souuent il s'est veu
 que la posterité des grands personaiges, s'est laissée peu
 à peu couler à la nonchalance, & que se laissant aller aux
 vices, elle à degeneré de ses ancestres. Pepin le Gros pere
 de Martel estoit habille homme, & donna à son fils vn
 courage qui fist la premiere marche à Pepin & à Char-
 les le Grand, pour monter à la grandeur où ils monte-
 rent. Charles Martel auoit vne force admirable, non seu-
 lement du corps, mais aussi de l'entendement: Pepin son

*Clemẽce de
vainqueur*

*Charles
mourut sãs
enfans &
successeurs
à Orleans.*

*L'heur de
la France.*

*Fin de la
race de Pe-
pin.
Commẽce-
ment de la
race de
Capet.*

*Grandeur
de noz
Princes.*

*Grandeur
de la Frāce
sous Char-
les le grand.*

fils auoit en luy quelque diuinité, qui luy mit la couronne sur la teste. Charles le grand auoit tout le monde gradué dedans la grandeur de son courage, & de son nom, & durant son regne les François monterent à la grandeur qui commença à decliner au regne de son fils Loys le Debonnaire, qui suiuit de bien loing l'excellence & la grandeur de son pere. Le Chauue approche plus de la louange que du vitupere. Le Begue pour la brefueté de son regne, a laissé vne petite & foible memoire de ses faiëts, & en Charles le Simple deuint vieille, debile, & caduque la gloire de ses ayeux, & vne nouvelle Noblesse monta par sa subtilité, & par la neantise du Simple à la Royauté. Ce qui pareillement aduint en mesme temps en l'Empire des Germains en l'autre branche de Charles le Grand. De Pepin pere de Charles Martel, iusques à Charles le grand, la grandeur de la France creust de iour à autre: en Charles le grand elle vint à sa perfectiō, & de luy à Charles le Simple, elle diminua & s'abaisa, tellement que n'estant plus rien, il fallut par le cours commun & naturel des choses, qu'elle changeast de maistre.

*Le declin
de la Frā-
ce sous le
Simple.*

*L'age de
Pepin à
Capet.*

En cest aage de Pepin, iusques à Hues Capet, la France accreut grandement de puissance & de renommée: cōbien qu'icelle gloire & la vertu de Pepin (comme dit Seissel) ainsi que la felicité des choses humaines est fragile & caduque, à peine peult durer iusques à la troisieme generation, ains en degenerant peu à peu, les successeurs administrans le Royaume peu sagement, & moins vertueusement, ne le peurent continuer, sinō iusques au douzieme

douzième Roy de ladite race. En ces deux premiers *Les deux*
 âges de nos Roys on voit premièrement de cruels *Premiers*
 parricides, & meurtres, puis de belles guerres, tant pour *âges des*
 la foy & Religion Chrestienne, que pour l'elargissement *Roys.*
 & ampliation du Royaume: & au lieu des premières *Les conquêtes*
 conquestes des Roys de ces deux siècles, de Hues Ca- *des pre-*
 pet en bas, on voit les grandes pollices, tant pour le *miers Rois.*
 faict de la guerre, & de la iustice, que pour le faict des *Les pollices*
 finances, & l'entretènement de la maiesté des Rois. De la *des Roys de*
 sont venues les creations & erections des offices & *la race de*
 Estats des Parlemens sedentaires, des iuges & iurif- *Capet.*
 dictions de diuers noms & pouuoirs, l'imposition de *Les crea-*
 diuerses sortes de deniers, comme de domaine, des tail- *tions des*
 les, des aydes, & d'autres choses, & bref de la sont *offices.*
 deriuées toutes les belles & excellentes constitu-
 tions, qui maintiennent ce Royaume en sa grandeur,
 & l'institution & explication desquelles seront dedui-
 tes en leur lieu.

Pour retourner à Hues Capet, deuant qu'estre couronné *Hues Ca-*
 Roy & apres qu'il le fut, il faisoit courir par tout vn *pet.*
 bruit (pour rendre son vsurpation moins desagréable,) *Genealogie*
 que la couronne de France luy estoit deuë par droit *de Capet.*
 successif & legitime, d'autant qu'il estoit petit nepueu
 d'Eudes Conte de Paris & d'Angiers que la Noblesse
 de France esleut Roy, durant l'imbecille enfance de
 Charles le Simple. Car Eudes estoit frere de ce Ro-
 bert, qui pour la querelle du Royaume, fut tué pres de
 Soissons, & Robert estoit pere de Hues le grand Conte

Deruiſiſon de Capet. de Paris, qui fut pere dudiſt Capet, lequel fut appellé Capet, pour ce qu'eſtant ieune, nourry en la court des Roys Loys & Lotaire, il prenoit plaſir d'oſter les chapeaux aux autres ieunes Seigneurs de ſon aage, comme ſi c'eult eſté vn preſage qu'il euſt deu oſter la couronne ou le chappeau Royal au legitime heritier d'iceluy. Eſtant donc paſſible Roy, il voulut prēdre les ornemēs Royaux à la façon accouſtumée des Roys de France, & voulant ſe faire couronner, fiſt conuoquer tous les Princes & Seigneurs qui tenoient leurs terres, & Seigneuries en ſouueraineté de la couronne de France. Tous y aſſi-

Le Côte de Flandres deſdaigne Hues. ſterent, hormis Arnoul Conte de Flandres, qui diſoit que luy qui eſtoit iſſu du coſté de ſon ayeulle du ſang de Charles le Grand, ne vouloit obeſſir à Hues, ny le re-
cognoiſtre pour ſon Seigneur, ny aſſiſter à ſon couronnement. Capet (bien qu'il ne fuſt paſ grand guerrier) ne vouloit au commencement de ſon regne endurer ceſte brauerie luy eſtre faiſte par vn ſien vaſſal, & voulant ſe vanger du Conte, print ſur luy le paſſ d'Arthois & pluſieurs autres terres. Mais Richard Duc de Normandie ſage Prince, voyant que Capet commençoit de bonne heure à faire guerre à ſes voiſins, penſa que ſ'il venoit à bout dudiſt Conte, il pourroit par ceſte premiere curée ſallecher & accouſtumer à courir ſur les autres, & que poſſible le fort pourroit tomber ſur luy apres la ruine du Conte. Adonc il remonſtra à Capet qu'il n'eſtoit pas bien ſeant à luy, qui eſtoit nouveau Prince d'un Eſtat, de commencer ſon regne par la violence, & par l'inuaſion

Remonſtrā ce de Richard à Hues au Conte.

des paÿs de ses voisins, afin que de ses amis, il ne fit ses ennemis:& d'autre costé remonstra au Conte qu'il deuoit s'humilier à Capet,& le recognoistre pour son Seigneur, puis qu'il l'estoit, sans regarder à l'vsurpation de l'Estat, ny à toutes ces autres circonstances, qu'il n'estoit plus temps de débattre contre son Seigneur. Les remonstrances faictes à ces deux Princes, les firent condescendre à leur deuoir. Le Côte fist hommage de ses terres au Roy, qui en ce faisant luy rendit les places qu'il auoit prinſes sur luy,& de la en auant le Conte fut fidelle vassal du Roy. Ayant appaisé le trouble que ceste premiere reuolte du Conte pouuoit amener à son Estat, il s'aduisa qu'il falloit s'asseurer de ceux qu'il pensoit n'estre contents de son vsurpation,& en apparence les gratifier le plus qu'il pourroit. Et pour ce qu'il n'estoit pas si grand guerrier, que bien entendu aux affaires, ains estoit homme cault & aduisé, il y voulut proceder par cautelles & douceurs,& voyant qu'il auoit affaire à grands Seigneurs, māda tous les Gouverneurs des Prouinces de son Royaume, à ce qu'ils eussent à venir vers luy, pour le conseiller commēt il se deuoit gouverner au regime & administration de son nouveau Estat, leur faisant entēdre qu'il vouloit totalement dependre de leur conseil & aduis,& les tenir pres de luy comme ses amis, freres & pareils en puissance & autorité. Il faisoit cela pour gratifier ceux qu'il cognoistroit estre offenſez de son vsurpation,& pour s'asseurer des autres. Quelques vns d'entreux des plus fins, voyās que Hues, de Maire du Palais

*Le Roy &
le Conte
amis.*

*Ruse de
Capet.*

*Honnesteté
de Capet
enuers les
gouver-
neurs.*

Gouverneurs se font Roys. estoit fait Roy, firent de leur costé le mesme en leurs Gouvernemens, & s'en firent Seigneurs, Ducz & Contes propriétaires, au lieu que parauant ils n'estoient que Gouverneurs, c'estassauoir les Ducs, Gouverneurs des Prouinces, & les Contes, Gouverneurs des villes, estant lors le nom de Duc & de Conte dignité à temps, non hereditaire, & rendirent leurs Estats hereditaires à leur posterité, à l'exéple & imitation de Hues, luy promettans de tenir de luy leurs Seigneuries en foy & hommage, & de le recognoistre pour leur vray, naturel, & souverain Seigneur. Bien que ceste vsurpation des Gouverneurs diminuast d'autant l'Estat du nouveau Roy Hues: si est-ce qu'il fallut bien qu'il beust cela doucement, & faisant semblant de ne trouuer cela mauuais, ains d'auoir pour agreable ce qu'ils faisoient, tascha (comme bien aduisé qu'il estoit) de les obliger à luy de toutes les façons qu'il peut, leur donnant ample confirmation de ce qu'ils auoient fait. Car il vouloit en quelque façon que ce fust, & quoy qu'il luy coustast, affermir & asseurer son Estat, & n'auoir au commencement de son regne, aucun trouble, contrariété ou oppositions, ains l'asseurer & fortifier d'amis, & de la volonté & bienueillance de ses vassaux & subiects, pour rendre son Royaume plus solide, & pour le donner bien asseuré à son fils, & à sa posterité. Et sil fault iuger des choses par la coniecture, lors que la certaine preuue nous deffault, quelques vns pensent que Hues Ca-

Duc & Conte dignité à temps non hereditaire

Sagesse de Capet.

Coniecture de l'institution des Pairs.

pet pour l'asseurer de ses voisins & vassaux au commencement de son regne, fut celuy qui fist les douze Pairs de France. Car de dire que ce fust Charles le Grand *Charles le Grand ne fit les douze Pairs.* cesont des comptes, & comme par arguments probables il sera dit cy apres en l'endroit où il sera parlé des douze Pairs de France, il ne se trouue en aucun ancien monument, ny que ce fust Charles le Grand, ny que fust Capet, mais par quelques arguments de coniecture qui seruent d'assez bonnes preuves, quelques vns veullent dire que ce doit plustost estre Hues, que Charles le Grand. Car Hues pour la seureté de son Estat, les ayans mandez pour le conseiller en ses affaires, les voulut tenir comme freres, amis & pareils en pouuoir, & autorité à luy. Ce qui faict coniecturer qu'il erigea ceste dignité de Paris, i'entends des six laiz: car il se trouue que Philippes le Bel erigea les six clerics, comme il sera dit au lieu où il sera parlé des vns & des autres. Hues pour laisser son royaume asseuré à son fils Robert, affin qu'apres sa mort il n'eut aucune opposition ou contradiction en la *Hues fist couronner son fils Robert.* iouissance d'iceluy, le fist couronner Roy, à l'exemple de Pepin qui deuant mourir, fist couronner Charles son fils, depuis surnommé le Grand, & de ce qu'ont ordinairement accoustumé de faire les Princes vsurpateurs, desquels l'Estat n'est encores bien affermy. Apres auoir regné sept ans il mourut, laissant pour *Mort de Capet.* successeur son fils Robert Prince docte, iuste, bon & deuotieux.

Robert succede au Duché de Bourgogne.

Guerre entre les François & les Empereurs pour la Lorraine.

Querelle sur le Duché de Lorraine.

Entrevue de l'Empereur & du Roy, et leur accord.

Le Roy Robert religieux.

Robert au commencement de son regne, fut assailly par quelques seditieux & rebelles, mais il reprima sagement leurs seditions. Peu de temps apres Henry Duc de Bourgongne son oncle paternel, mourut sans enfans, le laissant heritier au Duché. Les Bourguignons refusans Robert, receurent pour Duc, Landry Conte de Neuers, mais le Roy enuoyant en Bourgongne vne grosse armée souz la charge de Richard Duc de Normandie, mit le Duché & Landry en sa puissance, & en inuestit son second fils nommé Robert comme luy. De rechef sourdit entre les François & les Allemans vne guerre pour la mesme occasion qui en auoit souuent esmeu d'autres. Ce fut pour les confins, & pour l'inuestiture & la souueraineté de la Lorraine. Car Othō Duc de Lorraine (lequel quelques vns ont faucement dit estre fils de ce Charles oncle du dernier Roy Loys, qui par Capet fut prins à Laõ, & mené prisonnier à Orleãs) estoit mort sans enfans. Héry Empereur inuestit de ce Duché, Geoffroy fils de Geoffroy Côte d'Ardène. Le Roy de Frâce si oposoit, disât l'inuestiture d'iceluy luy appartenir. A la fin s'estās veuz l'Empereur & le Roy sur la riuere du Cher, ils firent paix ensemble, & s'accorderent sur ce poinct, & plusieurs autres qui estoient en different entre eux. Ces choses estāns faiçtes, ce bon Roy s'adonna tout à la deuotion & à l'estude des bonnes lettres, honora les arts & les excellēts esprits, bastist plusieurs Esglises, composa plusieurs beaux Cantiques, sur beaux & saincts subiects, & rendit à la France vn bon & assuré repos. Et

mourant l'an 1000. le 31. an de son regne, laissa pour successeur au Royaume son fils Héry, qui à ce que quelques vns disent, estoit son fils puîné.

Henry estant receu Roy selon la derniere volôté de son pere, Constance sa mere s'y opposa, suscitant contre luy plusieurs Seigneurs de son Royaume, pour faire tomber la couronne à Robert son fils aîné Duc de Bourgogne. La mere & le frere du Roy soustenuz & supportez par les plus grâds, dresserent vne armée contre luy, & le Roy recourut au secours de Robert Duc de Normâdie sage Prince. Chascun des deux auoit beaucoup d'hommes à sa deuotion & à son aide, & tous pour esperance d'auancement de grandeur, de gain, & de profit, qui est la seule chose qui faict que tant d'hommes suivent ordinairement les Princes, mesmement en ces debats & querelles des Estats, Empires & Royaumes. Car les vns & les autres de l'un & de l'autre party, attendent la victoire du costé de celuy qu'ils fauorisent, & par ce moyé esperent se preualoir de la grandeur de leurs maistres, & estre aduancez aux honneurs & aux biens. Ceste guerre fineüe par l'ambitiõ d'une mere, porta plusieurs maux à la France, mais apres quelques petites escarmouches, Robert qui estoit vn simple homme, se contenta de son Duché de Bourgogne, & volontairement ceda sa preension à son frere Henry, lequel tous ceux qui auoient iuiuy le party cõtraire, vindrent recognoistre pour leur Roy & naturel Seigneur, & il leur pardonna tout ce qu'ils auoient faict. Et de la en auant honora sa mere cõ-

Henry premier Roy de France.

Guerre cõtre le Roy.

Guerre entre deux freres.

Accord entre les freres.

Robert Duc de Bourgogne.

Clemence du Roy.

me vn bon fils doit faire, & ayma ceux qui auoient porté les armes contre luy, & les honora de charges & d'Estats, comme si iamais ils n'eussent faict aucune faulte, monstrant en cela vn bon cœur d'vn bon fils, & & d'vn bon Roy. Ayant asseuré son royaume par le dedans, & voulant pareillement l'asseurer par le dehors, il confirma avec les Allemans & l'Empire, l'ancienne amitié & confederation de ceste nation avec la Frâçoise, & le Traicté qui auoit esté faict par son pere avec l'Empereur Henry. Apres cela il s'amusa à chastier quelques petits Seigneurs qui faisoient les Roys en leurs terres, & qui ne le vouloient recognoistre pour leur vray & naturel Seigneur, entre lesquels furent Thibault Conte de Chartres & de Tours, & Estienne Conte de Troyes en Champaigne, fils d'Eudes, Conte de Champaigne, auxquels le Roy opposa vn homme aussi vaillant qu'ils estoient fols, qui fut Geoffroy Martel Conte d'Angers, qui les fist venir à la raison & à recognoistre leur Seigneur. Robert Duc de Normandie qui auoit esté fort fidelle au Roy Henry, & au Roy Robert son pere, allant en pellerinage en Ierusalem, recommanda au Roy, son fils bastard Guillaume, & le supplia qu'aduenant qu'il mourut, il luy pleut mettre ledict bastard en la possession dudit Duché. Ce que le Roy luy promit faire, & estant mort ledict Duc en son voyage, le Roy mit en possession du Duché, ledict Guillaume aagé seulement de neuf ans, ce qui esmeut à sedition les Normands, se plaignans de ce qu'ils estoient subiects à vn enfant illegitime, veu qu'il auoit

*Accord du
Roy avec
les Alle-
mans.*

*Chastimens
des Sei-
gneurs
sols.*

*Robert duc
de Normā-
die va en
Ierusalem.*

*Le bastard
Guillaume
institué
duc de Nor-
mandie.*

auoit deux oncles Princes legitimes, & issuz legitimemēt de la race de Rhollō, ou Rhou, q̄ deuoiēt plustost succe-
der q̄ luy. De la nasquirent des guerres ciuilles entre les
Normāds, qui ne vouloiēt receuoir le bastard pour leur
Duc. C'est celuy qui depuis fut appellé Conquerāt pour
auoir cōquis l'Angleterre. Le Roy le secourut si biē qu'il
le mit en libre & seure possessiō de son Duché, & apres
suiuāt l'exēple de son pere, & de son ayeul l'an 1060. fit
courōner son fils Philippe, qui estoit encore en bas aa-
ge, & luy laissant son Royaume florissant, mourut l'an
1061. Il laissa deux, fils Philippes, & Hues, qui fut surnō-
mé le Grand, ausquels il ordonna pour tuteur Baudouyn
Conte de Fandres, homme prudent, aduisé & entier.

Philippe premier du nom fut Roy biē ieune, estāt gou-
uerné par ledit Baudouyn, duquel le gouuernemēt (biē
qu'il fut hōme de biē) n'estoit pas agreable à la pluspart
des Seignrs de Frāce enuieux de l'autorité qu'il auoit,
& q̄ chascū deux eut bien voulu auoir, & pour leurs rai-
sons disoiēt qu'ils craignoiēt que par le moyē de son au-
thorité il se fist Roy. Ce qui est vne calōmie coustumie-
remēt imposée à ceux qui gouuernēt les affaires souz vn
Prince mineur. Les Gascōs natiō q̄ a la teste pres du bō-
net, & qui est facile à estre persuadée à vne nouuelleté,
tirēt praticquez par eux à l'esmouuoir contre le Conte,
lequel faignāt deuoloir amener vne armée en Espaigne
contre les Sarraïns, fist tomber tout l'orage d'icelle
sur la Gasconne, & contraignit les Gasçons de reue-
ir à leur deuoir. Ce qui fist que les autres natiōs craigni-

*Guerres ci-
uilles en
Normādie.
Guillaume
le Conque-
rant.*

*Philippe
fils de Hē-
ry courōné
Roy.*

*Philippe
premier du
nom.*

*Enuie des
Seigneurs,
entre Baudouyn
Conte
de Flandres.*

Les Gascōs.

*Finesse de
Baudouyn.*

rent de soustenir tels remueurs de besongnes, & de la en auant respecterent d'auantage ledict Conte. Lors commença l'entreprise de Guillaume bastard Duc de Normandie sur l'Angleterre, en laquelle il fut aydé par le Roy Philippe, & par le Conte, qui luy donna sa fille Mahault en mariage. Iamais la Frâce n'eut tant de grâds personnages, soit en armes, ou en saincteté de vie, que du temps de Philippes, & luy parmy tant de beaux exemples fit plusieurs actes indignes d'un Roy. Geoffroy

L'entreprise de Guillaume le Bastard sur l'Angleterre.

Philippes fist quelques vail-lans actes. Geoffroy Martel Conte d'Anjou.

Martel Conte d'Anjou grand & riche Prince, mourant institua ses heritiers deux fils d'une sienne seur, l'un nommé Geoffroy le Barbu, & l'autre Fouques le Rude. Estât ledict Martel decedé, le Barbu nepueu aîné, fit au plus ieune, la part bien petite, & recueillant toutes les grandes successions de son oncle, donna à son frere Fouques le Conté de Gastinoys seulement. Dequoy Fouques qui estoit mauuais garson, ne se cõtentant, secrettement promist au Roy le Côté de Gastinois, à la charge qu'il n'aideroit nullement son frere en ceste guerre, ains se môstreroit seulement spectateur d'icelle, comme d'un passe-temps: Ce qui fut trouué fort mauuais, veu qu'estant Roy, il se deuoit môstrer iuge de ce different, & ne permettre que deux freres ses subiects se mangeassent & consummassent en guerre. Voyla un acte d'auarice bien

Philippes corrompu.

Devoir d'un Roy.

Acte de paillardise de Philip-pes.

indigne d'un Roy, voy-en-cy un autre de paillardise. Il auoit espousé Berthe, fille de Baudoyne, Conte de Hollande, & d'elle eut un fils nommé Loys qui fut Roy de France, souz le nom de Loys le Gros. Il repudia Berthe,

& fist venir vers luy à Montreuilh sur la mer, Bertrande fille d'Amaulry Conte de Môtfort, femme de Fouques le Rude, & mere de ce Fouques qui fut Roy de Ierusalé. Dequoy le Pape Urban irrité contraignit Philippes par excommunications & fulminations de la rendre à son mary. Sur cela commença ce tant celebré voyage de la Terre Saincte, faict souz la conduicte de Godeffroy de Buillon, fils d'Eustace Conte de Boulongne sur la mer, & en ce voyage qui fut si lōg se perdit vne grande partie de la Noblesse de France, issuë de la race de celle que Charles le grand amena de Saxe en France, car il n'estoit pas fils de bon pere ny de bonne mere, qui n'allast à ceste guerre, qui fut si longue, & pleine de tant de dangers & de maux, que la Noblesse y mourut presque toute. Ce qui fut cause d'un grand remuement d'Estat en France. Car lors les Fiefs, les Noms, les Maisons, les droicts, & les Chasteaux des Gentilshommes changerent de seigneurs, & les noms changerent pareillemēt, comme nous dirons au lieu où nous parlerons des Fiefs. Durant que l'Asie estoit en guerre, les Empereurs & les Papes en l'Europe, estoient en different, de ce que par vne ancienne possession, les Empereurs donnoient aux Euesques, le baston & l'anneau Pastoral, & appelloient cela investiture des dignitez sainctes, & leurs droicts Royaux. Les Empereurs disoyēt ceste prerogative auoir esté donnée par les Papes Adrian & Leon à Charles le grād, à ses successeurs Empereurs. Le Pape Paschal vint en France qui a esté tousiours le prompt remede & la

*Voyage de
la Terre
Saincte par
Godeffroy
de Buillon.*

*Perte de la
Noblesse de
France.*

*Different
entre les
Papes &
Empereurs
sur l'investiture des
Euesques.*

*Pape Paschal en
France.*

*Le Roy red
aux Eccle-
siastiques
leurs biens.*

*Guerre cõ-
tre les detẽ-
seurs des
Eglises.*

*Bouchar-
d de Mont-
morency.*

*Reualte des
Seigneurs
cõtre le Roy*

*Mort de
Philippes
premier.
Loys le
Gros Roy.*

plus seure retraicte des Papes, pour se plaindre de ce que l'Empereur Henry vsoit de ceste prerogatiue, & à la requeste dudit Pape, le Roy fit rẽdre aux gens d'Eglise les biens Ecclesiastiques que quelques Rois ses predecesseurs auoient donnez aux gens laiz. Et d'autant qu'il y auoit quelques Seigneurs qui continuoient de tenir les biens ecclesiastiques, cõme chose qui par lõgue possession estoit faite leur propre, il les fit adiourner en l'õ Parlement, auquel il leur cõmãda de les rẽdre, mais quelques vns ne le voulurent faire, & d'autres ne cõparurẽt, cõtre lesquels il enuoya des forces souz la charge de son fils Loys, qui cõmẽça par la deffence de l'Eglise Saint Denis, de laquelle plusieurs terres estoiet detenues & occupées par Bouchar, Barõ de Monmorẽcy, grãd Seignr, & le contraignit de les restituer. Puis il alla contre Droc de Mongé qui en tenoit de l'Eglise de Beauuais, contre Leonet de Meun qui en occupoit de celle d'Orleãs, cõtre Elbe de Rouffy qui en detenoit de celle de Rheims, & de Laõ, & cõtre plusieurs autres, lesquels il cõtraignit de faire le mesme. Il y eut aussi plusieurs Seigneurs qui se reuolterent cõtre le Roy, cõme Hues de Pomponne, Guy Seignr de Rochefort, Vmbault de Sainte Seuerẽ, & autres, lesquels par la force, ledict Loys rangea de telle facon, qu'à son pere, & à la France il donna vn grand repos, apres lequel Philippes mourut à Meleũ l'an 1109.

Incontinent apres sa mort, Loys le Gros son fils fut sacré à Orleans, par Gilbert Archeuesque de Sens. L'Archeuesque de Rheims aduertý de la deliberation faicte par le Roy de se faire sacrer à Orleans, sy oppo-

sa, mais ce fut en vain, car nonobstant son opposition, le Roy passa outre disant entre autres raisons, que le sacre des Roys de France, qui possedoiēt plusieurs Prouinces en la Frâce, n'estoit pas obligé à vne seule ville, située en la Prouince Belgique. Les vns disent qu'estât lors la Frâce en trouble, & agitée de seditiōs, le Roy n'osoit aller se faire sacrer à Rheims, d'autāt qu'il auoit esté aduerty, q̄ quelques cōiurateurs auoient deliberé de le surprendre par les chemis, lors qu'il y iroit. Les autres disent qu'il ne voulut aller à Rheims, se faire sacrer par l'Archeuesque dudiēt lieu, auquel il vouloit vn mal de mort, qui est l'opiniō la pl⁹ suiuiue. Sur quoy quelques vns ont voulu debatre, que le sacre des Roys ne pouuoit estre faict qu'à Rheims, ny par autre hōme q̄ par l'Archeuesque dudiēt lieu, ce q̄ iadis a esté autremēt, mais depuis trois cēs ans la coustume est venue de le faire audict Rheims, cōme il est amplement dit cy apres, lors q̄ nous parlerōs du Sacre des Roys. Loys ne fut si tost Roy, qu'il se trouua envelopé de seditiōs & de guerres, q̄ plusieurs Seignrs rebelles de son Royaume esmeurēt cōtre luy & ses fidelles seruiteurs. Guy Seigneur de Crecy qui en la guerre du Seignr de Gournay, portoit les armes cōtre le Roy, surprint à la chasse Eudes Conte de Corbeilh, puis s'empara de sa ville, mais le Roy fist restituer la ville au Conte, & le Côte à la ville. Hues Conte de Pluiers faisoit la guerre à l'Euesq̄ de Chartres. Le Roy alla à la deffēce de l'Euesque, & chassa le Côte du païs Chartrain, mettāt en courtē l'Euesq̄ & le païs. Hēry Roy d'Angleterre & Duc

opposition de l'Archeuesque de Rheims, sur le sacre du Roy.

Le sacre n'est subiet à la ville de Rheims.

Assavoir si le sacre doit estre fait à Rheims & par l'Archeuesque dudiēt lieu

Rebelliō des Seigneurs contre le Roy.

*Hommage
du Duché
de Normā-
die.*

*La premie-
re guerre
d'entre les
deux Roys
de France,
& d'An-
gleterre.*

*Bataille
prez de Gi-
sors contre
l'Anglois.*

*Bataille en
Beauſſe.*

*Rebelliō des
Seigneurs
de France.*

de Normandie fils de Guillaume le Cōquerant, vint en France, & fit hommage de ſondiēt Duché au Roy, luy promettant de faire abbatre le Chasteau de Gisors, qui estoit ſur les confins des terres de ces deux Roys, mais il n'en fit riē. Dont ſourdit entr'eux vne guerre, qui fut la premiere d'entre les Roys de France & d'Angleterre, & qui a donné l'origine & la naiſſance à celles qui depuis ſ'en ſont enſuiuies, & qui a faiēt naiſtre plus de ſix cēs traictez de paix, qui ont eſté tous rompuz & enſrainctz. Doncques la bataille entre ces deux Roys fut donnée pres de Gisors, là où le Roy d'Angleterre vaincu, ſe ſauua dedans la ville. Le Roy apres auoir couru vne partie de la Normandie, retourna ſes forces vers la Champaigne, pour ce que le Conte d'icelle donnoit ſecours & aide aux Anglois. De là il print le chemin de la Beauſſe, là où le Conte de Champagne le ſuiuit, & Hues Conte de Pluiers, qui auoit mis les Anglois dedans ſa ville, l'attendoit. La fut donnée la bataille en laquelle les Contes de Champaigne & de Plutiers, furent vaincuz, & le Roy vainqueur. Lequel penſant eſtre ſorty des guerres domeſtiques, incontinent en naſquirent d'autres. Payen Seigneur de Liury, Milon Seigneur de Mōtlechery, & Thomas Seigneur de Marle, de Crecy & de Nogent, Lancelin Conte de Dampmartin & autres ſe reuolterent contre luy, mais il leur oſta leurs terres, & eſt choſe eſmerueillable que la pluſpart des Seigneurs de la Frâce ſe reuolterēt contre leur Roy, & preſque tous combatirent contre luy. Le Roy d'Angleterre les ſolli-

citoit,aidoit,& armoit, & pour donner plus d'affaires à
 Loys, promit à l'Empereur Henry de luy donner sa fille
 Mahault en mariage. Cest Empereur alla en Italie avec
 vne grosse armée contre le Pape Paschal, auquel mort,
 succeda Gelase, qui craignant la fureur de l'Empereur
 Henry, s'en vint en France implorer la faueur & le se-
 cours de Loys, contre la violence de l'Empereur. Et ayât
 faict conuoquer vn Concile à Rheims, il mourut à Clu-
 ny deuant que ledict Concile se tint, & estant apres luy
 esleu au Papat, Caliste, il continua le Concile à Rheims,
 là où il fist declarer Héry ennemy de l'Eglise. De quoy
 Henry irrité, amassa l'oraige de toute l'Allemagne, &
 vint en France, en deliberation de la mettre à feu & à
 sang. Il menassa la ville de Rheims, en laquelle il auoit
 esté excommunié. Son beau pere l'animoit encore d'a-
 uantage, de façon que Loys se voioit sur les bras deux
 grosses guerres, l'une contre l'Anglois, l'autre cōtre l'Em-
 pereur, qui estoient bien autres q̃ celles qu'il auoit eues
 cōtre ses subiects. Plusieurs Princes ses voisins luy ame-
 nerent secours, & tous ses subiects le vindrēt trouuer.
 Ce qui estonna l'Anglois & l'Empereur, qui pensoient
 tout le contraire. L'Empereur conseillé par quelques
 Seigneurs d'Allemagne, sortit de la France, & d'autre
 costé l'Anglois qui estoit avec luy, reprint son chemin
 en Normandie. Quand Loys vit que ces deux Princes ses
 ennemis s'estoient separez, il alla courir sur l'Anglois en
 Normandie, & luy surprint plusieurs villes. Ce qui mit
 l'Anglois en vn extreme desespoir. Sur ces entrefaictes.

*L'Anglon
 fauorise les
 rebelles de
 France.*

*Le Pape en
 France.*

*Concile à
 Rheims.*

*L'Empe-
 reur fait
 guerre en
 France.*

*Affaires
 & guerres
 de Loys.*

*Guerre en
 Normandie.*

Le Côte de Flandres tué. Charles Conte de Flandres, fut tué par les siës. Dequoy estant Loys aduertý, pour empescher que l'Anglois qui auoit tousiours les yeux ouuerts, à surprendre quelque chose sur les François, & aussi pour punir exemplairement ceux qui coniuroient contre leurs Princes, vassaux de la couronne de France, mena vne armée en Flandres, *Guerre en Flandres.* pour punir ces meurtriers rebelles, desquels il fist vne rigoureuse & exemplaire punition. Cela faict, la France demeura pour quelque temps exēpte des grādes guerres, puis de rechef en nasquirent d'autres petites, pour la deffence des subiects oppressez par leurs voisins. Loys *Loys faict couronner son fils, qui mourut.* estant vieil, fist couronner son fils Philippes, mais cōme ce ieune Prince se pourmenoit par vn faulxbourg de Paris, vne Truye passa entre les iambes de son cheual, qui fist tomber le cheual & l'homme souz luy, dont il mourut le iour mesme: Ce Roy vit plus de Papes en son *Force Pa- pes en Frā ce.* Royaume, que iamais autre Roy de France ne fist, car Vrbain, Paschal, Gelase, & Innocent y vindrent implorer son ayde. Du temps de Philippes son pere, & de luy, *Les gens d'Eglise grands.* les gens d'Eglise vindrent en grande autorité, & leurs biens & possessions prindrent vn grand accroissēmēt, & mesmeinent du temps de Loys, lequel se voyant vieil, & sentant sa mort s'approcher, fit venir du païs de Gascōgne son fils Loys, & en la presence des plus grands Seigneurs l'exhorta, & pria de regner plus sainctement, & iustement qu'il n'auoit faict, d'observer la Religion de ses ancestres, d'honorer, garder, & cōseruer les gens d'Eglise, de soustenir & aider les pauures, les pupils & orphelins,

phelins, de mettre toute son estude, soing & soucy, à la conseruation des loix, & de l'autorité, & dignité publique, & de la paix & tranquillité commune : luy remon-
strât que ce Royaume n'estoit qu'une charge publique,
donnée par prouisiō, de laquelle apres la mort il falloit
rendre compte deuant le iuge eternal, qui recompensoit
chascun selon son merite.

*Le Royaume
n'est
que charge
publique,
donnée par
prouision.*

Ce ieune Prince Philippes estant mort, Loys fist à
Rheims couronner son fils Loys par aucuns, surnommé
le Piteux, par autres le ieune. Il fut couronné & sacré
par le Pape Innocent, lors estant en France, & venu à
Rheims, pour y tenir vn solennel Concile, sur l'abolitiō
du Schisme aduenu en l'Eglise pour l'election de deux
Papes. Ayant ainsi la France deux Roys, vn vieil, c'est à
sçauoir le pere, qui n'estoit guieres aimé des gens d'Egli-
se, & vn ieune, qui n'estoit gueres bien experimenté aux
affaires, quelques Seigneurs de Frâce se rebellerēt cōtre
le pere, & contre le fils, mais le pere nonobstant sa vieil-
lesse print le cœur d'un ieune homme, pour aller vigo-
reusement contre ses rebelles, & les contraignit de re-
tourner à leur deuoir. La France fut pour quelque
emps en repos. Durant lequel plusieurs saincts per-
sonnages, comme saint Bernard, Nobert de Lorrai-
ne, & Bruno Citoyen de Cologne, firent des ordres de
Religiō. Guillaume Duc de Guienne & Conte de Poi-
toui, auoit deux filles, l'aînée desquelles nōmée Leonor,
donna en mariage à Loys le ieune. Iamais mariage ne
fut celebré avec pl⁹ de iōie, ny rōpu avec pl⁹ de suite de

*Loys fist cou-
ronner son
autre fils.*

*Schisme en
l'Eglise.*

*Rebellion
des Sei-
gneurs de
France.*

*Saincts per-
sonnages en
France.*

*Ordres de
Religion.*

*Leonor Du-
chesse d'A-
quitaine,
mariée à
Loys le ieune.*

Q

Enfans de Loys le gros malheur. Apres lequel faict, Loys le Gros deceda l'an 30. de son regne, laissant ces enfans, Loys Roy de France, Henry Euesque de Beauuais, Philippe Archidiacre de Paris, Pierre Gendre & heritier de Renauld de Courtenay, Robert Conte de Dreux, & Constāce femme de Ramond Conte de Thoulouse.

Loys le ieune Roy. Loys surnomé le Ieune, succeda à son pere l'an 1138. & ceste mesme année, mourant Henry Roy d'Angleterre sans hoirs masles, ains laissant seulement vne fille nommée Mahault, laissa par sa mort vne grande occa-

Guerres ciuilles en Angleterre. sion de guerres ciuilles. Il y eut lors quelque trouble en France, pour quelques nouuelles opinions, que Pierre Abelard Docteur en Theologie amena sur certains poincts de la Religion Chrestienne. Ses escrits furent veuz en vn Concile pour cest effect tenu à Sens, & condammnez cōme heretiques à estre bruslez. Aussi Gilbert Poretan Euesque de Poictiers, fut accusé de sentir mal de certains articles de nostre Religion. Sur ces entrefaictes, le Pape Lucius enuoya solliciter le Roy, & les François, de vouloir entreprendre le voyage de la Terre Sain-

Voyage de Loys en la Terre sainte. te, pour deliurer les Chrestiens qui y estoient, de l'oppression des Sarrafins. Loys entreprit le voyage & mena avec soy, Leonor sa femme, qui ne pouuoit permettre que son mary le fist sans elle, pour le desir qu'elle auoit de voir son oncle paternel, Ramōd Prince d'Antioche. Ce Roy pensoit y faire aussi bien ses besongnes que Godefroy de Buillon & les autres du premier voyage auoient faict, & imaginoit qu'à la premiere veüe de son

Leonor va avec son mary.

armée, les Turcs tourneroient le doz: mais l'Estat des affaires de l'Asie estoit autre qu'il ne cuidoit: aux autres guerres le zele enuers la Religion Chrestienne estoit plus grand, la discipline militaire mieux obseruée, l'affection à la deliurance des Chrestiens, & de la Religion, & les conseils & la faueur du ciel bien autres: là où il n'y auoit ny Roy, ny roc, ny Empereur qui commandast comme en ceste guerre cy, en laquelle l'Empereur Othô & Loys Roy de France, vouloient commâder avec vne pompe, ceremonie, & superbe Royale. Aussi ce voyage ne succeda point heureusement au Roy Loys, car sa bonne intention disposée au seruice de Dieu, fut diuertie & rompuë de la brouillerie que luy mist en la teste, la lubricité de sa femme Leonor, laquelle en ce voyage, nourrie parmy la licence des armes, dóna à son mary vn tel martel in teste, qu'il abādonna l'entreprise Saincte à my chemin pour s'en retourner en France, & pour la repudier. Estant de retour par deçà, la premiere chose qu'il fist, fut de trouuer moyen de mettre à fin sa deliberation. Il fist assembler vn Concile de Prelats de son Royaume, en la ville de Baugency sur Loyre, ausquels pour colorer son maltalent, & la cause de sa repudiation, il proposa que Leonor estoit tant sa proche parente, qu'elle ne pouuoit estre legitimement sa femme. Ainsi fut par luy repudiée Leonor apres auoir esté longuement avec elle, & auoir eu d'elle deux filles. Henry Roy d'Angleterre, Duc de Normandie, & Côte d'Anjou, de Touraine, & du Maine, espousa ceste repudiée, qui luy porta le Duché de

*Premier
voyage de
la terre sainte
fait par
Godefroy
de Buillon.*

*Le voyage
de la terre
sainte peu
heureux à
Loys.
Lubricité
de Leonor.*

*Loys veult
repudier
Leonor.
Concile tenu
à Baugency, pour
la repudier*

*Cause sainte
de la repudiation.
Henry Roy
d'Angleterre
épouse Leonor.*

Guienne, & le Conté de Poictou, & ce mariage renforça le pouuoir de l'Anglois, & luy donna vn grand pied en France. Il estoit mal-aisé que la paix fust de longue durée, entre deux si grands Roys, par l'vn desquels Leonor auoit esté repudiée, & par l'autre espousée. Incontinent comme de gaieté de cœur, l'Anglois entreprit vne guerre contre le Conte de Thoulouse, pour le recouurement dudit Conté, qu'il disoit appartenir à sa nouuelle femme, par vn droit de bien loing recherché. Le Roy Loys secourut le Conte & deliura sa personne, & son Estat, du mal que l'Anglois luy brasloit. Ces deux Roys firent vne paix fourrée, car oncques puis il n'y eut ny paix assurée, ny amitié entre eux deux. Ce pendant que la France respiroit des armes d'Angleterre, les Contes du Puy en Auuergne, & de Chaalon, molestoient les Euesques de leur villes. Le Roy leur fit cesser toutes leurs insoléces, les contraignās de rendre aux Euesques ce qu'ils auoient prins sur eux. Lors suruint vn grand Schisme en l'Eglise Romaine, par l'election qui par diuers Cardinaux & diuerses volōtez fut faicte de deux Papes, l'vn estant nommé Alexandre tiers du nom, & l'autre Victor. Loys soustenoit Alexandre, & le receut en France, là où il tint deux Conciles, l'vn à Clermont en Auuergne, l'autre à Tours. A l'exemple de Loys, les autres Roys recogneurent Alexandre pour souuerain Pasteur, & par toute l'Europe fut receu Pape: & Victor son Competiteur condeinné, & priué de la dignité Papale. Tous les iours quelques nou-

*Guerre de
l'Anglois
cōtre le Cō
te de Thou
louze.*

*Paix entre
les deux
Roys.*

*Les gens
d'Eglise
inquiētez.*

*Schisme
aduenu en
l'Eglise.*

*Deux Con-
ciles en Fra
nce.*

uelles occasiōs de haine, de deffiance, & de guerre nais-
 soient entre ces deux Roys de France & d'Angleterre. *Thomas Euesque de Canturbery*
 L'Anglois chassa de son Royaume, Thomas Euesque *chassé d'Angle-*
 de Canturbery, homme de bonne vie, pour ce que trop *terre.*
 librement & publiquement, il reprenoit ses vices, & ses *Thomas en France.*
 mauuais deportemens. Le Roy de Frâce receut Thomas
 en son Royaume, ce qui entre ces deux Roys engendra
 vne nouuelle haine, qui seruit comme d'huile à nourrir
 & entretenir les precedētes. L'Anglois se voyāt vieil, fit
 couronner Roy, son fils Henry, ieune Prince ambitieux, *jalouſie entre le fils & le pere*
 qui vouloit non de nom, mais de faict estre Roy, & cō- *Roys d'Angleterre.*
 mander aussi bien que le pere, mais le pere qui luy remō
 stroit qu'il se deuoit contenter de l'esperāce d'un si grād
 Royaume, & du nom de Roy, le menassoit, que fil le fa-
 choit, il feroit courōner Roy, Richard son autre fils. Sur
 ce, il fist alliance avec le Roy de France, la fille duquel *Alliance de mariage entre les deux Roys.*
 Marguerite bien petite & ieune, fut donnée audict Roy
 Henry le pere, pour la garder iusqu'à ce qu'elle fust en
 aage d'estre mariée, à la charge que celuy de ses enfans *Malice du Roy Anglois.*
 auquel il la donroit, succedast au pere. La fille de-
 uint grande, & estoit trop longuement gardée par ce
 Roy vieillard, qui ne la vouloit donner à son fils ex-
 tremement desireux de ce mariage & du Royaume. *gloir.*
 De façon qu'il courut vn meschant bruiēt, que le vieil-
 lard auoit affaire à ceste fille. Il auoit aussi esté ar-
 esté entre les Roys de France & d'Angleterre, que la
 ville de Gisors qui estoit en France comme vne barrie- *Tramperie de l'An-*
 re entre les Seigneuries de ces deux Roys, ne seroit à *gloir.*

l'un, ny à l'autre, mais qu'elle seroit mise entre les mains d'un Cheualier de saint Iean de Ierusalem, iusques à ce que le different de long temps agité entr'eux, & leurs predecesseurs sur les bornes du Vexin, fut vuidé. Le Roy Henry prenant les marques d'un Cheualier de Ierusalé, & se disant estre de leur ordre, entra dedans Gisors & y

Le fils contre le pere.

Hommage du Duché de Normâdie.

mit garnison. Henry son fils quittant le party du pere, se retira vers le Roy de France, qui le receut cōme son gen dre, & son vassal au Duché de Normâdie, duquel il luy fist hommage. De là, le fils s'en alla vers le pere, auquel il extorqua la fille Marguerite, l'espousa, & se fist faire le serment de fidelité par la pluspart des Seigneurs d'Angleterre. Le Roy Loys estoit comme spectateur de leurs differens, & voila comme les affaires de France se porterent durant son regne, auquel il y eut plusieurs tempestes de guerre, & de brouillement d'Estat. Loys de sa troisieme femme Ælis, fille de Thibault Conte de Châpaigne, sur ses vieux iours, eut un fils qu'il surnōma Philippes Dieu-donné, & l'an 1179. le fit couronner Roy de France, puis l'an suiuant mourut.

Mort du Roy Loys le ieune.

Philippes Auguste Roy.

Philippes dit Dieu-donné, & surnommé Auguste, succeda à son pere Loys, l'an 1180. à l'an 17. de son aage. Le pere le laissa au gouvernement de Guillaume Archeuesque de Rheims, son oncle maternel, mais incontīnēt apres qu'il fut Roy, Estienne Conte de Sancerre son autre oncle, & Eudes Duc de Bourgongne, jaloux de ce qu'ils n'auoient part au gouvernement de la personne & du Royaume de ce ieune Prince, voulurent esmou-

Jalousie de seigneurs.

voir quelques seditiōs, qui par la sagesse de l'Archeuef-
 que furent estaintes. Philippes estant deuenu homme,
 voulut cognoistre ses affaires, & d'abordée chassa hors
 de son Royaume, les Iuifs qui par leurs excessiues vsures *Les Iuifs*
 ruinoient toute la France. Bien tost apres suruint la guer- *usuriers*
 re contre Philippes Conte de Flandres, partain dudit *chassez.*
 Roy, qui auoit esté fort aimé & fauory du dernier Roy *Guerre cō-*
 Loys. Mais comme les Princes ne suiuent pas tousiours *tre le Conte*
 les volōtez de leurs peres, dés que Loys fut mort, le Roy *de Flādres.*
 Philippes son fils ne fit pas grand cas du Conte, qui à ce-
 ste occasion se retira en ces paÿs. Voila incontinent le
 Roy & le Conte en guerre pour raison du Côté de Ver- *Guerre*
 mādoy, que le Roy disoit luy appartenir, & le Côte au *pour le Cō-*
 contraire. L'un & l'autre mit ses forces en campagne. Le *té de Ver-*
 Flamand eust premier les siennes prestes, & entrant de- *mandoy.*
 dans la France, vint iusques à Senlis gastant le paÿs. Le
 Roy luy mettant vne armée à l'encontre, le repoussa ius-
 ques à Amiens, là où estans les deux armées l'une deuāt *Paix entre*
 l'autre, elles ne combattirent poinct, ains par menées & *le Roy &*
 praticques de leurs amis, la paix fut faicte entre eux. *le Conte de*
Flandres.

La guerre se renouuella entre les Roys de France & *Guerre en-*
 d'Angleterre, pour raison du paÿs Vexin, qui auoit sou- *tre les Roys*
 uent faict entreprendre les guerres par les Roys prede- *de France*
 cesseurs de ces deux. La cause de ceste guerre estoit, pour *& d'An-*
 ce qu'une partie d'iceluy auoit esté dōnée en dot à Mar- *gleterre.*
 guerite seur dudit Roy Philippes, lors que par son pere *Cause de*
 Loys elle fut donnée en mariage au Roy Henry le ieune. *la guerre.*
 Et bien que ledict Henry fust mort sans enfans, &

*Alliance
entre les
deux Roys.*

*Hommage
du Duché
de Guyène
au Roy.*

*Entreprise
du voyage
de la Terre
Sainte.*

*Imposition
sur les laïcs
& clercs.
Les Salades.*

Marguerite retournée en France, si est ce que pour cela Henry le vieil ne vouloit rēdre ledict paÿs. Il y eut quelque menasse & vmbre de guerre qui fut estainte par vne nouvelle alliance, car *Ælis* seur du Roy de Frāce fut donnée en mariage à Richard Duc de Guienne, fils dudiect vieil Henry, qui deuoit audict Royaume succeder au pere, comme estant à l'heure, son fils aisné. Richard vint en Frāce espouser sa femme, & fit hommage du Duché de Guienne au Roy Philippes. Ce pendant les affaires de la Terre Sainte se portoient fort mal. Les Chrestiens qui y estoient, enuoyerent par deca supplier les Princes Chrestiens de les secourir. Les Roys de France & d'Angleterre, se virent sur les confins du Vexin, & parlerent de l'entreprise de ce voyage. Ils s'accorderent de le faire, & chascun d'eux commença de s'armer contre les infidelles. A Paris fut tenu vn Concile, auquel la guerre contre le Saladin Empereur des Sarrazins fut resoluë, & fut dict que ceux qui n'y iroient point, fils estoient laiz, donnoient la decime de leurs biens meubles, & les Ecclesiastiques, la decime du reuenu de leurs benefices pour le soustenement de ladiecte guerre, & furent ces decimes appellées Saladines. Toute la Chrestienté pareillement s'arma en esperance que ces deux Roys seroient de la partie. Mais ce pendant que les autres Princes Chrestiens les attendoient, l'Anglois faict le long, & sembloit que ceste premiere ardeur fut refroidie, car au lieu de mener ses forces en Syrie, il les mena contre Ramond Conte de Thoulouse. Ce qui pareillement contrainit

traignit le François a conuertir à la deffence des siens, les armes qu'il auoit apprestées pour le voyage de l'Asie. Les voila donc en guerre. L'Anglois prend plusieurs villes sur le Conte de Thoulouze, & le François prend les villes de Tours, du Mans, & autres sur l'Anglois. Le vieil Roy d'Angleterre voyant les affaires de son fils, & les siens si mal succeder, mourut de dueil à Chiron. Apres sa mort, Richard son fils Roy d'Angleterre, & Philippes Roy de France firent paix ensemble, par laquelle furent d'une part & d'autre rendues les villes prinſes durant la guerre. Ils se resolurent de faire le voyage de la Terre Saincte. Le Roy de France laissant son fils Loys, à l'aage de deux ans, sous le gouuernement de sa mere Ælis, se met en chemin par terre, & l'Anglois par mer. Tous deux se rencontrerent en Sicile, là où la trop grande & frequente communication, & veuë, les fit entrer en ialousie, en piques, en reproches, & en mespris. Ce qui avec plusieurs autres exemples enseigne les Princes voisins, de ne se voir ny hanter guieres souuent, car la veuë & la frequentation engendre mespris, ou enuie. De là ils allerent en Syrie, là où la peste se mist si grande en leur armée, qu'une grande partie d'icelle y mourut. Philippes Auguste estant tombé malade, & ne pouuant plus supporter l'inclemence de l'air des pays de delà, demanda son congé. Dequoy l'Anglois fut offensé, disant qu'Auguste prenoit ceste excuse pour se venir ruer sur la Normandie, & sur la

Guerre entre l'Anglois & le François.

Mort du vieil Roy Héry d'Angleterre. Paix entre les deux Roys.

Resolution du voyage de la Terre Saincte. Parlement des deux Roys. Ialousie entre les deux Roys.

Guienne, ce pendant que luy, seroit en Asie. Et ne peut iamais Auguste auoir son congé, qu'il ne promist à Richard de n'attenter par deçà aucune chose, que cinquante iours apres le retour dudit Richard. Ainsi retourna Auguste en Frâce, & Richard demeura en Asie, là où il fist plusieurs belles choses. Quelque temps apres il demanda pareillement son congé, & s'en retourna en son Royaume, non sans beaucoup de dāgers, car passant par l'Allemaigne, il fut prins par Lupold Duc d'Austrie son ennemy capital. Ce pendant Auguste estant de retour en son Royaume, trouua vne nouuelle occasion

*Guerre cō-
tre l'An-
glois & cō
tre le Fla-
mand.*

de guerre contre Baudoyne Gonte de Flandres, & cōtre l'Anglois. Car Auguste demādoit le paÿs de Vexin, que l'Anglois detenoit à sa seur. Les Seigneurs d'Angleterre voyans leur Roy prisonnier, sommoient Auguste de tenir la promesse, qu'en Sirie il auoit faict à l'Anglois, de n'attenter rien sur luy, que cinquante iours apres le retour dudit Richard. Auguste disoit, que demander chose si iuste n'estoit rien attanter, ny contreuenir à sa promesse.

*Richard
deliuré de
prison, re-
tourne en
Angleter-
re.*

*Guerre en-
tre les
deux Roys.
Les Iuifs
retournent
en France.*

Sur ces entrefaictes, Richard fut deliuré de sa prison, & retourna en ses pays. Il leua forces pour venir cōtre Auguste. Quelques villes furent prinſes d'une part & d'autre, & fut ceste guerre interrompuë par le renouuellement de la guerre de Flandres, laquelle eſtāt finie par Auguste, il permist aux Iuifs de retourner en Frâce, ce qu'il fist moyennant bonne ſomme d'argent qu'ils luy donnerēt, dont il auoit vn extreme beſoin pour recōmēcer vne guerre ſaincte, mais l'Anglois deſtourna Auguste

de ceste entreprife, car il luy recōmença la guerre plus fort que deuant, & l'un print sur l'autre, plusieurs villes. L'an ensuyuant, qui fut l'an 1200. Richard deceda, *Mort de Richard.* ayant espuisé tous les pays d'argēt, pour l'entretienemēt de ses guerres. Ieā son frere surnōmé sans terre, sēpara de ses Seigneuries, à quoy Arthus son nepueu Duc de Bretagne s'opposa, disāt que luy qui estoit fils de Geoffroy frere de Ieā (lequel Geoffroy estoit plus aîné q̄ Iean) deuoit succeder à Richard, d'autāt qu'il representoit sondit pere: Artus fauorisé & soustenu par Auguste, s'empara de la ville de Tours, mais Iean la recouura, & prenant Arthus prisonnier, le fist mourir. Le Roy de Frāce voyāt ceste cruauté commise en la personne d'un sien vassal & parent, fist donner adiournement personnel à Iean, auquel il ne comparut, ny n'enuoya excuse. Adonc par arrest du Parlement tenu prez le Roy, Iean fut attainct & cōuaincu du crime de felonnie, & de parricide, d'autant qu'il auoit dedans la France tué un vassal, & parent du Roy de France, & qu'il auoit mis à mort son propre nepueu. Estant cōdamné comme ennemy de la courōne de France, ses terres mouuantes en souueraineté d'icelle, furent confisquées au Roy, & à ladiēte couronne, à laquelle par ceste condemnation, vindrent les Duchez de Normadie, & de Guienne, & les Contes d'Anjou, de Poictou, de Touraine, & du Mayne, partie par force, partie par surprinsē, & partie par composition. Apres cela nasquit vne nouuelle guerre saincte. La Frāce estoit opulente & florissante, & par icelle on leuoit de tous

Guerre entre l'oncle & le nepueu pour la succession du Royaume d'Angleterre.

Iean Roy d'Angleterre cōdamné.

Comme ces Duchez et Cōtez vindrent à la couronne.

*Imposition
en la Frâce*

costez argent pour ladicte guerre. A ceste occasion le Roy & le Pape, permirent de leuer sur toutesfortes de gens la vingtiesme partie de tous leurs biens. Grande Noblesse de France alla en Asie, laissant le Royaume. vuide de gens & d'argent, & le Roy Auguste en repos, lequel pensant en iouyr longuement, suruît l'heresie des Albigeois, qui luy dōna occasiō d'une nouuelle guerre, de laquelle Symō Côte de Mōtfort estant Chef, print toutes les villes du Languedoc, qui tenoient ceste heresie, & en bataille deffist les heretiques.

*L'heresie
des Albi-
geois vain-
cu.*

*L'Empe-
reur Othon
priué de
l'Empire.*

*Amitié
entre l'Em-
pereur &
Auguste.
Guerre en-
tre l'An-
glois & le
François.*

L'Empereur Othon fils de la seur de Iean Roy d'Angleterre, voulut dōner secours à sō oncle, pour recouurer la Normãdie que Auguste luy auoit ostée. Dequoy aduertty, fit tāt enuers le Pape, qu'Othō fut déclaré ennemy de l'Eglise, & priué de l'Empire, & en son lieu à la persuaasiō dudit Auguste, Federic Roy de Sicile fut fait Empereur, avec lequel Auguste renouuela les anciennes amitez & alliances d'entre les vrais & legitimes Empereurs & les Roys de Frâce. Nonobstāt cela, Iean Roy d'Angleterre, renouella la guerre, pour r'auoir les terres q luy auoiēt esté ostées. La guerre s'enflāma si cruellement en Frâce, que pour la soustenir, Auguste voulut contraindre les Euesques d'Ausserre & d'Orleans de contribuer au payement des soldats. A quoy ils respondirēt, qu'ils n'estoient tenuz à ceste contribution, si le Roy n'alloit luy mesme en personne à la guerre, disans autrement leur vacation estre exempte de toutes contributions. Mais le Roy les menassant de leur oster leurs fiefs, ils furent

*Les Prelatz
contraincts
de contri-
buer.*

contraincts d'y obeir. Le Roy Anglois exigeoit les Ecclesiastiques de son Royaume de telle façon, que la pluspart d'eux s'enfuirent. Auguste vouloit mener vne grosse armée en Angleterre, mais le renouvellement de la guerre de Flandres l'en empescha. Ferdinand Conte de Flandres tenoit le party de l'Anglois. Auguste mena vne armée en Flandres, & s'en empara, puis y laissant bonne garnison, s'en retourna en son Royaume. Il n'eust pas si tost le dos tourné, que Ferdinand qui durant les guerres s'estoit retiré au pays de Hainault, retourna en Flandres, & recouura tout ce qu'on luy auoit prins. Le printemps ensuiuant, Auguste retourna en Flandres, & la reprit. Toute la France estoit en guerre & en flamme. L'Empereur Othon vint au secours du Flamand. La bataille entre Auguste & eux, fut donnée au pont de Bouines, là où l'Empereur & le Conte furent deffaicts, & le Conte mené prisonnier au Loure à Paris. Quelque temps deuant, au retour de la terre Saincte, Auguste tourmenta les Eglises de son Royaume, priua aucuns Religieux de leurs Monasteres, print plusieurs terres des Eglises, sur tout leurs domaines, & fiefs nobles, en annexa quelques vns à la couronne, & en donna d'autres aux Gentilshommes qui l'auoient seruy en ses guerres. Ce qui le rendoit mal voulu des Ecclesiastiques, & luy mesmes en eut tel remords, que si de là en auant quelque chose luy succedoit mal, il pensoit que cela procedast de punition diuine, pour auoir spolié les gens

Guerre en Flandres, qui fut conquisse.

Flandres

recouuerte

par le Côte.

Flâdres re

prise par

le Roy.

Bataille en-

tre le Roy

et le Côte

et l'Em-

pereur.

Auguste

tourmenta

les Eglises.

Remarcs

d'Auguste

*Vau d'au-
guste, de ré-
aire les biens
d'Eglise.*

*Auguste
rend les-
dicts biens.*

*Affection
d'Augu-
ste enuers
l'Eglise.*

*Loys fils
d'Auguste
passa en
Angleter-
re & fut
Roy.*

*Loys chassé
d'Angle-
terre.*

d'Eglise de la plus part de leurs biens. Estât sur le poinct de donner ceste bataille contre le Conte de Flandres, il se mit en tresdeuote oraison, par laquelle il promist à Dieu de rédre ausdicts Ecclesiastiques leurs biens, fiefs, & domaines, & de bastir vn Temple à la vierge Marie, moyennant qu'il pleust à la diuine bonté luy donner la victoire contre le Flamand. Ayant gagné la victoire, & prins le Conte, il ne faillit de restituer aux Ecclesiastiques leurs biens, & de bastir prez de Senlis vne Eglise à la vierge Marie, qu'il appella nostre Dame de la Victoire, & dés ce iour là, maintint les Ecclesiastiques en leurs possessions, & augmenta leurs droicts & priuileges. Et comme les officiers Royaux se plaignissent que l'augmentatiō des droicts des gens d'Eglise portoient autāt de diminution aux siens, il respōdit qu'il ne leur vouloit denier aucune chose, ny rien leur oster. Les Anglois tourmentez & tyrannisez par Iean leur Roy, s'en fuirent en France, & quelques vns se iettans au giron du Roy Auguste, le prierent de vouloir enuoyer en Angleterre son fils Loys, pour le faire couronner Roy dudiēt Royaume. Loys passa de delà, & fut en la ville de Lōdres courōné Roy d'Angleterre. Iean mourut, & son fils Henry luy succedant, les volontez des Anglois ne furent enuers luy si mauuaisēs, qu'elles auoient esté enuers son pere. Ceux mesmes qui auoient mené Loys en Angleterre, se mirent du costé de Henry, pour l'en chasser. Dont il fut cōtraint de retourner en Frāce. Et ainsi print pour quelques années fin la guerre d'Angleterre. Auguste ayant

mis fin à toutes ces guerres, commença à faire de belles Constitutions, Edicts & Ordonnances. Il merita le nom d'Auguste & de Conquerant, pour ce que ce fut le premier, qui donna à ce Royaume la grandeur qu'il a aujourdhuy, ayant annexé à la couronne d'iceluy, les Duchez de Normandie, & de Guienne, avec les Contez d'Anjou, Poictou, Touraine, & le Maine. Il fut aussi nommé Dieu-donné, pour ce que son pere estant ia vieil, le fist de sa troisiésme femme, & qu'il fit tant de prieres à Dieu de luy donner vn fils, qu'il l'eut. Mourant, il laissa par testamēt à Ieā de Brēne Roy de Chypre, & aux deux maistres des Tépriers & des Hospitaliers mille soixāte escus, pour iceux employer aux necessitez de la guerre sainte, & conseilla son fils d'aider les Chrestiens de l'Asie, de faire vne guerre sainte, & d'entretenir la paix en son Royaume. Il fist commēcer le Chasteau du Bois de Vincennes, & fit faire le parc qui y est. Aussi il fit pauer & clorre de murs, la ville de Paris, institua l'Escheuinage pour la pollice d'icelle, & apres auoir faict plusieurs autres belles choses, mourut à Mante sur Seine, l'an 1223.

Loy fils d'Auguste, aage de 37. ans succeda à sō pere. La premiere chose qu'il fit apres qu'il eust esté sacré, fut de renoueller avec l'Empereur Federic les anciens traitez de paix & d'amitié d'entre les Allemans & les François. Henry Roy d'Angleterre & Duc de Guienne, ne se voulut trouuer à son sacre, bien qu'il eust esté mandé d'y venir, comme vassal de la couronne, à cause des Duchez de Normandie & de Guienne, & autres terres, & ne

*Le nom
d'Auguste.*

*La grandeur
de la France.*

Dieu-donné

*Testament
d'Auguste.*

mille

*Cloison &
paué de la
ville de
Paris.*

*Loy viij.
Roy.*

*Traité entre
le Roy
& l'Em-
pereur.*

s'enuoya aucunemēt excuser de ce qu'il n'y estoit venu.

*Guerre en
Guienne.*

Adonc Loys mena des forces en Guienne, & s'empara de la plus part d'icelle. Henry enuoya en Guienne, son son frere Richard, qui reprint quelques villes, qui auoient esté prinſes, & sauua les autres. Apres que ceste guerre eut duré longuement, ils firent trefues pour quelques

*Trefues en-
tre les deux
Rois.*

années. Ce pendant la Flādrès estoit paisible, & le Conte d'icelle tousiours prisonnier au Loure à Paris.

Amaulry Conte de Montfort tenoit la ville de Thou-

*Querelle
sur le Cōté
de Thoulou-
se.*

louse assiegée, contre Ramond Conte d'icelle, disant

Amaulry, ladicte ville, & le Conté auoir esté don-

nee à son pere Symon, par la confiscation de Ramond

Conte dudiect Conté, & pere de ce Ramond, pour le bel

acte qu'il auoit faict, d'auoir vaincu & deffaict les here-

tiques Albigeois. Loys soustenoit le party d'Amaulry,

& à ceste occasion leua vne armée pour l'aller secourir.

Comme il vouloit passer dedans la ville d'Auignō avec

ses forces, les habitans ne le voulurent laisser entrer. Le

Roy offensé de ce reffus, s'arresta deuant la ville, & l'as-

siegea, mais la peste s'estant mis en son camp durant le

long siege, il fut contrainct d'abandonner la ville, & le

païs. Et comme il passoit par le païs d'Auuergne, il

mourut en la ville de Mont-pensier, l'an 1226. Il fut bon

& vertueux Prince, & si peu de temps Roy, qu'il n'a au-

tre surnom sinon de pere du Roy saint Loys.

*Loys mou-
rut.*

FIN DV PREMIER LIVRE.

DE



DE L'ESTAT ET

succez des affaires de France.

LIVRE SECOND.



O I C Y le regne de iustice & *sainct Loys*
 de Religion, qui commance *Roy.*
 au Roy Loys neufiesme du
 nom, après sa mort surnom-
 mé Sainct, pour auoir esté
 religieux & deuotieux, & aus-
 si pour auoir enrichy & ho-
 noré les gens d'Eglise, basty
 plusieurs Eglises, & redifié vn
 grand nombre de celles que
 l'antiquité & les guerres auoient ruinées. *Si est-ce que*
~~parmy ces choses, il y en a une qui est si importante, qu'elle ne se peut
 passer sans en faire mention, & qui est le mariage de Loys avec
 la fille de Louis, & qui a esté le principal motif de son regne.~~
 Doncques
 Loys neufiesme du nom, surnommé Sainct, fut Roy à
 l'aage de douze ans. *Blanche de*
 Castille sa mere, auoit le
mere du
Roy.

gouuernement des affaires, ſuiuant l'arrest de la derniere volenté du Roy son mary. Incontinent les guerres *Guerres en France.* ſuruiurent. Ramôd Côte de Thoulouſe fut déclaré heretique, & la pluſpart de ſon Côté miſe entre les mains du Roy: & luy qui n'auoit peu eſtre vaincu par tant de braues Capitaines, fut vaincu par vne femme, & ſe voyant hors d'eſperance de pouuoir rétrier en ſon Eſtat, receut telles conditions qu'on luy voulut impoſer. Il auoit vne ſeulle fille, nommée Ieanne, aagée de neuf ans, & fut accordé qu'elle ſeroit promiſe en mariage à Alphôſe *Alphons frere du Roy, eſpouſe le Conte de Thoulouſe.* frere du Roy, & que le Conte durât ſa vie iouiroit du dict Côté, & qu'apres ſa mort, il retourneroit à Alphôſe, & à ſa femme future. Voila ce qui ſe paſſa au commencement du regne de Loys. La Court commen- *Factions en la Court.* ca a eſtre pleine de factions, comme il aduient touſiours que ſoubz les regnes d'un Roy enfant, & d'une femme, & meſmement eſtrangere, pluſieurs factions, ialouſies & troubles prennēt naiſſance. Philippes Conte de Boulongne, oncle paternel du Roy, ſ'oppoſoit au gouuernement de Blanche, & durant les regnes de ſon pere, & de ſon frere Roys de France, auoit aſſemblé beaucoup *Ialouſie contre la Royne.* d'or, & d'argent, & auoit la pluſgrande partie de la nobleſſe à ſon parti, pour la ialouſie qu'elle portoit au gouuernement, & aux deportemens de la Royne. Elle comme bien aduiſée, mit hors de priſon Ferdinand Conte de Flandres, & l'obligea tellement à elle, qu'elle l'oppoſa au Conte de Boulongne. D'auantage elle ſuſcita & *Blanche femme a luiſſée Paris de Blanche.* praticqua par ſubtils moyēs, Thibault Côte de Châpai-

ne q̄ seſtoit mis de l'autre party. Mais Pierre de Dreux Duc de Bretagne, ſurnommé Mauclerc, & Robert Conte de Dreux ſon frere ainſné, marriz de ce qu'ils ne participoient du maniment des affaires, faiſoient des ſecrettes coniurations contre le ieune Roy, & auoient deliberé de le ſurprendre pres d'Eſtampes, lors que de Védosme ou il eſtoit, il iroit à Paris, toutesfois leur conſpiration eſtât deſcouuerte par le Conte de Chāpaigne, qui la ſçauoit, (pour ce que premieremēt il auoit eſté de leur party,) ils ſe ruerent ſur ſon eſtat, pour ſe venger de luy, mais les forces du Roy les en repouſſerēt. Ainſi eſtât ceſte guerre rebelle faiçte & ſouſtenüe ſeulement par deux freres, pour la iōpre, la Royne Blāche femme aduiſée, & Eſpagnole, ſaduifā que le plus expedient ſeroit de les ſeparer, & à ceſte occaſion fiſt ſecrettemēt pratiquer & gaigner Robert, luy promettant de luy faire ſi bonne part du manimēt des affaires, & de la perſonne du Roy, qu'il en ſeroit content. Robert qui ne demandoit autre choſe, abandonā ſon frere & ſe mit du coſté du Roy & de ſa mere. Ceſte guerre ne ſe faiſoit pas tāt par armes q̄ par menées, pratiques, & ſollicitatiōs des recōciliatiōs, des cœurs, affectiōs & volōtez. Pierre de Dreux ſe voyāt abandonné de ſon frere, ſe ligua avec le Côte de Champaigne, donnant ſa fille vnique nommée Blande, à Iean fils du Conte, penſant par ceſte alliance tirer le Conte de ſon coſté, pour recommancer la guerre contre la mere & le fils, & fut faiçt ce mariage ſans le ſceu de la Royne, laquelle ayant ſuſpecte ceſte alliance, com-

Les Contes de Dreux coniurateurs.

Conſpiration contre le Roy.

Bon aduiſe de la Royne blanche.

Separation des rebelles

Guerre faiçte par menées.

Nouuelle conſpiration contre le Roy.

*Pierre de
Dreux a-
bandonné.*

*Hommage
du Duché
de Bretai-
gne au Roy.
Définitio
de Mau-
clerc.*

*La Royne
vint à bout
des sedi-
tieux.*

*Fatalité
des Roys
enfants.*

*Le Côté de
Poictou do-
né à Al-
phonse frere
du Roy.*

mêça la guerre au Conte, & luy print plusieurs villes de son Conté. Le Conte voulant pouruoir à ses affaires, fist paix avec la Royne, à la charge que ses villes prinſes luy ſeroient renduës. Voila donc Pierre ſeul, & hors d'eſperance d'auoir auëu ſecours de France. Il implore celuy d'Angleterre qui luy fut promis, mais il vint bien tard, car deuant qu'il l'eut à temps, le Roy & ſa mere prindrēt ſur luy toutes les terres qu'il auoit en Anjou, & au Maine. A la fin, à la priere de Robert ſon frere, la paix luy fut donnée, & ſes villes renduës, & fiſt hōmage au Roy de ſon duché de Bretagne, lequel il confeſſa mouuoir en ſouueraineté de la couronne de France. Dequoy les Bretōs le blaſiment, & à ceſte cauſe l'appellēt Mauclerc, veu que bien qu'il euſt eſté eſcolier à Paris, il n'auoit pas bien eſtudié ſes tiltres. Le Roy ce pēdant deuenoit grād, & ſe rendoit tous les iours habille aux affaires, auſquels il eſtoit nourry & inſtruiēt par ſa mere, & ſceut bien en ſon enfance (avec l'aduiſ & le bon conſeil de la Royne ſa mere) venir à bout de tous ſes rebelles & ſeditieux. C'eſt vne choſe fatale à tous Princes, qui en bas aage ſont venuz à eſtre Roys, & meſmement aux Roys de France, d'auoir touſiours eu au commencement de leur regne, des troubles, & des ſeditious, & d'auoir eſté tourmentez par aucuns de leurs ſubieçts, deſireux de nouuelleté, mais auſſi quand ils ſont deuenuz grands, ils ont bien ſçeu chaſtier ceux qui les ont brouillez en leur ieuneſſe. Le Roy ayant donné le Conté de Poictou à ſon frere Alphonſe, voulut contraindre tous les Seigneurs

de Poictou, de prester serment de fidelité au nouveau Conte. Mais la femme de Hues Côte de la Marche, qui auoit esté en premieres nopces femme de Guy de Lusignen, Roy de Chypre, & qui estoit mere d'un autre Roy de Chypre, & se faisoit tousiours appeller Roïne, bien quelle fust femme d'un Conte, sollicitoit son mary & son fils, de ne prester ledict serment au Conte Alphonse, & disoit quant à elle, qu'estant Roïne elle ne reconnoistroit iamais le Conte ny sa femme, pour ses Seigneurs. Le Roy fist bien venir le Roy de Chypre à son deuoir, le contraignant de faire hommage de ses terres, à son frere. Mais la mauuaise femme du Conte de la Marche, tantost par empoisonneurs, tantost par meurtriers attitrez, voulut faire mourir le Roy, lesquels estās descouuerts & apprehendez, punition fut faicte d'eux, telle qu'ils la meritoient. Non contente de cela, elle suscita le Roy d'Angleterre Henry, cōtre Loys. L'Anglois leua vne grande armée, & vint en Frâce, & fut en Xaintonge la bataille donnée entre ces deux Roys, sur la riuere de Charante, là où l'Anglois deffaict & vaincu, se sauua à Xaintes, puis à Blaye. Hues Côte de la Marche, pour qui ceste guerre se faisoit, ne voulant plus escouter ny croire sa femme, se rendit au Roy, & fist volontairement foy & hommage de son Conté à Alphonse. Blanche qui estoit tâte du Roy Anglois, fist la paix entre son fils & luy. Durant ce temps, les lettres florissoient à Paris, là où de toutes parts venoient les escoliers. Mais eux se plaignans, de ce qu'aucuns auoient esté chassez de la

*Folie de la
Contesse de
la Marche.*

*Malice de
la Contesse.*

*Bataille
entre l'An
glois & le
François.*

*L'Anglois
vaincu.*

*Paix entre
les deux
Roys.
Les lettres
florissantes
à Paris.
Plaintes des
Ecoliers.*

ville par quelques habitans, se retirerēt les vns ça, les autres là, aux autres vniuersitez, laissant Paris. Dequoy le Roy d'Angleterre aduertý, en attira vn grand nombre en la ville d'Oxford, leur promettant vne infinité de fauo-

Le Roy Anglois retire les Escoliers.

rables priuileges, d'honneurs, de proffitz, de prerogatiues, de droicts & de franchises, de façon qu'il sembloit que les lettres eussent esté chassées de Paris, & de la France. Le bon Roy qui auoit opinion, & disoit publiquement, que les arts liberaux, les lettres humaines, la sainte discipline, & les sciences portoient autant d'honneur & de lustre, que les armes, & que ce se-

Le Roy S. Loys amateur des lettres.

roit vne belle alliance & association de ioindre & marier la gloire des actes guerriers, avec la cognoissance de la doctrine, & des choses diuines & humaines, incita & conuia les Parisiens à aimer les lettres, fauoriser les Escoliers, & à les vouloir mieux traicter que ils n'auoient faict au parauant, & à entretenir vn bon nombre de sçauans personnaiges, pour la lecture & instruction des bonnes lettres, auxquelles fut par ce bon & vertueux Roy, rendu l'honneur qu'elles meritoient.

Or luy ayant desia faict preuue de sa vaillance, & trouué au repos & à l'estude, vne façon de viure plus reposée, plus saine, & plus douce qu'en la guerre, fadonna tout à la Religion, à la police, à la iustice, à

Le Roy S. Loys religieux.

Les Roys predecesseurs de Loys.

l'vtilité publique, au repos de son Royaume, & à l'illustration & decorémēt d'iceluy, pour ce que les Roys ses predecesseurs, les vns par la malice & licence de leurs siecles, & des guerres, les autres par mauuais conseil, les

autres par delices, auoient faict beaucoup de choses grandement preiudiciables à cest Estat, au repos public, à l'entretenement de la iustice, (& sil est loisible de le dire) auoient presque renuersé tous droicts diuins & humains. Car ils vendoient les offices, exposans au plus offrant & à l'argët ce qui estoit deu aux merites & à la vertu, donnans par ceste vente enuie & liberté aux acheteurs de vendre ce qu'ils auoient acheté. Car qui achete en gros, a accoustumé de vendre en detail. Et n'auoient aucū esgard aux merites des hommes, ains à la force de leur bourse, & donnoient partie de l'argent qui prouenoit de la vente des offices, aux flatteurs, menteurs, ministres de volupté, & autres souris de court, & employoient l'autre à bastimēs non necessaires, à babiolerie, & à toutes choses vaines. D'auantage pour souler l'ambition de leurs mauuais ministres, & pour subuenir à leurs superflues despences, mettoient exactions sur le peuple, faisant to^r les iours des daces, & impositiōs nouuelles, mettoient les hōmes aux charges par faueur, brigues, menées, & corruptiōs, enduroient la corruptiō des iuges, donoient les charges & administratiōs des Prouinces, & des grāds Estats à hōmes nō experimētez, les vns ieunes, les autres vitieux, & n'auoient aucū respect au merite, ny à l'experience, mescontentoient les gens de biē, & les hōmes de bō lieu, esleuoient les petits cōpaignons, reculloient les grans, & les gens de vertu, permettoient tous actes d'iniustice, meurtres, paillardises, blasphemés & reniēmēs, cōfondoient les hōneurs, les donās à personnes viles

Le mal de la vñe des offices.

Les dons faicts aux flatteurs.

Mauuaise distributiō de deniers.

Le mal qui prouient des superflues despences.

Corruption des Roys, du temps, & de iustice.

Mauuaises actions des Roys.

& indignes d'iceux, & bref faisoient toutes les choses qui portent la ruine & la mort aux Estats. Le bon Roy saint Loys voyant ceste dissolution mise en cest Estat, osta premierement le moyen & l'esperance aux homes, de pouuoir paruenir aux honneurs & Estats par argent, cōme on faisoit au parauant, faisant vn rigoureux Edict, par lequel il voulut, que les Estats fussent de la en auant donnez par le merite: ne luy semblant estre honnestes ny raisonnables, qu'on acquit par or ou argent, & par la fortune, ce qui estoit deu & destiné à la vertu: cognoissant en cela qu'il fault que celuy qui achete, vède, & que la vente des choses qui sont deuës au merite, faict desesperer les gens de bien, de paruenir aux honneurs, & oste l'enuie à chascun de bien faire, & de s'exercer à la vertu, quand on voit qu'elle ne sert de rien pour attaindre aux Estats & dignitez. Car coustumierement les hommes s'adonnent aux choses qui sont estimées, & qui ont plus de cours en leurs siecles, tout ainsi que les taincturiers taignent les draps de la couleur qu'ils voient estre la plus estimée & cōmune. Il retrancha & abolit aussi toutes les exactions, & daces inaposez par ses predecesseurs, ne prenant que ce qui estoit de son domaine, & des cōmuns deuoirs: cognoissant combiē telles exactions ont souuent faict esleuer les peuples, & mis la fureur & la rage en leurs cœurs, iusques à attenter à la personne de leurs Princes. Et au lieu que ses ancestres faisoient des dons immenses aux personnes indignes, & tiroient la substance de la gresse du peuple, pour enrichir certains particuliers,

particuliers: c'estuy cy n'exigeant point le peuple, donnoit les deniers qui luy restoient de sa despense ordinaire, & q. luy estoient legitimemēt acquis, aux pauvres, & aux enfans orfelins, & les employoit à œuvres pies, & charitables, faisant rebastir & reparer les lieux saintz & les edifices demolis & ruinez, luy semblant estre plus raisonnable de faire telles reparations, que de laisser ruiner les viels bastimens, pour en bastir de nouueaux qui ne seruoient de rien. Quant aux charges, honneurs, dignitez, & estatz, il regardoit bien (comme il a esté dict) au merite des personnes: & n'y auoit ny faueur, ny priere, ny argent, ny qualité, qui le peut esmouuoir à les donner qu'à personnes dignes de les exercer, donnant par ceste consideration enuie à chascun de s'estudier à la vertu. Et quand quelque homme de valeur mouroit, il auoit bien esgard à ses seruices, pour en faire receuoir quelque profit à ses enfans, non qu'il donnast aux enfans, les estats des peres, filz ne les en estimoit dignes: mais en quelque autre façon iuste & raisonnable, leur faisoit recepuoir q̄lq. profit de la valler, & du merite de leurs dits peres, & par ce moyen contraignoit le filz à mettre peine de leur ressembler en merite, non de crouppir & se appuyer sur la vertu d'iceux, pour auoir des biens & des hōneurs. Il contentoit vn chascun, cognoissoit les merites des hommes, les employoit aux charges dont il les estimoit capables, se souuenoit d'eux en leur absence pour les mander, quand quelque charge digne d'eulx se presentoit: ne laissoit impunie aucune iniustice ny meurtre, punissoit rigoureusement les blasphemés,

Distributions de deniers.

Dans aux pones enfans orfelins.

Oeuvres de S. Loys.

Distributions d'offices

Considerations sur les seruices des mortz.

Instruction pour les filz.

Belles Vertus d'un Prince en S. Loys.

reniemens & paillardises, faisoit cas des hommes de bõ lieu, & l'estudioit en toutes choses, d'estre tel qu'il fault qu'un Prince soit. Son siecle estoit bien heureux, sa vie sainte, & luy un vray miroir & exemple à tous ses successeurs, si tous l'eussent voullu ensuiure. Chasque iour il donnoit audience, & le sire de Joinville qui fut son contemporain & familier, dit que se tenant souuent au bois de Vincennes, il alloit quand il faisoit beau temps, se pourmener dedans le Parc, là où il passoit dessoubz un arbre, & donnoit audience à un chascun. Sa despence estoit magnifiquie & pourtant bien reglee, & si petite, comme on voit en ses Estatx, que c'est vne chose esmerueillable, au pris de celle q̃ noz Roys ont faite depuis. Il chassa de sa court, les bastleurs, farceurs, & toutes sortes de gens qui ne seruent qu'à donner plaisir, & à corrompre les meurs: & se montrant Sainct en toutes les actions de sa vie, gouvernoit toutes choses avec Religion, Iustice, & grande maiesté. De façon que le peuple l'appelloit son pere, la noblesse son Prince, les loix leur gardien & tuteur, la France vray Roy, & la Religion son protecteur & deffenseur. Il estoit iuste, clement, & liberal, exerçant ces trois vertus de Iustice, de Clemence, & de Liberalité, selon qu'il en voyoit estre besoing. Et estant venu en aage de commander, & sa mere Blanche l'estant demise du gouvernement des affaires, & iceluy remis sur ce bon Roy, il la reuera tousiours de la en avant avec tout l'honneur & reuerence, qu'un filz doit à sa mere. Apres la mort de son mary, ceste Roynne

*Audiences
donnees par
Loys.*

*La despence
de Saint
Loys.*

*Corrup-
teurs des
meurs chastes*

*Noms don-
nez à Saint
Loys.*

*Vertus de
Saint Loys.*

*Honneur
du filz à
la mere.*

print la charge de la tutelle & de la personne de son filz, & du gouvernement de son Royaume, & pour-ce qu'elle estoit femme estrangere, & qu'elle se seruoit en ses affaires du conseil & aduis des estrangers, elle eut plusieurs ennemis, au demeurant femme digne de toutes louanges. Elle nourrit son filz des son enfance en telle reuerence de Religion, & si bien en la cognoissance de toutes choses honnestes, & dignes d'un Prince, qu'il disoit souvent, qu'il aimeroit mieux mourir que faire un meschant acte. Et son pere fut aussi un fort vertueux & deuot Prince: de sorte qu'il ne se fault esbahir si le filz d'un pere & d'une mere si religieux & vertueux, & par eux si bien instruit, merita le nom de Saint, & le filz, quand il deuint homme, par ses vertuz, rendit encore le nom de son pere & de sa mere plus honorable. Et ceux qui en sa ieunesse auoient porté les armes contre luy, porterent avec luy ces mesmes armes contre les ennemis de nostre Religion Chrestienne, entre lesquels furent Thibault Roy de Nauarre, Pierre Mauclerc Duc de Bretagne, Amaury Conte de Montfort, & Henry Conte de Bar. Il fist edifier la sainte Chapelle à Paris, & y fonda des prebendes, la moindre desquelles il n'eut voulu donner, qu'à gens de bonne vie, & de singuliere doctrine.

Pour reuenir à ce qui est de l'Estat, que nous auons laissé assez loing pour dire ses louanges, il fault bien dire aussi que parmy toutes ces vertuz, il ne laissoit d'estre bien fin homme, qui ne laissoit rien perdre de sa grandeur, de son profit, & de ce qui touchoit à ses affaires. Ce qu'il

*Louange de
la Reine
Blanche.*

*Bonne nour-
riture de
mere d'ai-
mer son
filz.*

*Ceux qui
suisirent
Saint Loys
en Asie.
La sainte
chapelle de
Paris.*

*S. Loys ho-
me aduisé
en ses affai-
res.*

monstra bien au Roy d'Angleterre & au Duc de Bretagne, lesquels il fist venir au poinct qu'il vouloit. Le Roy Anglois l'estimoit du commencement vn homme fort simple, pour ce qu'il le voioit deuotieux, mais à la fin il le cogneut pour habille homme. Apres qu'ils eurent lo-
 guement faict la guerre, ils firēt la paix, & par icelle pro-
 mirent d'enuoyer dela les montz Pyrenées aux Espa-
 gnes, leurs forces ensemble contre les Barbares de l'A-
 frique, qui possedoient vne partie de l'Espagne. Le Roy
 d'Arragon se ioignant avec les François, & les Anglois,
 rapporta d'eux vne insigne victoire, en laquelle la gloi-
 re principale fut attribuee aux François. Federic Roy de
 Sicile, & Empereur, ennemy capital des Papes, & mes-
 mement de Gregoire, voullut practiquer Sainct Loys
 de son costé, & le distraire de l'affection qu'il portoit au
 Pape, mais voyant qu'il n'y pouuoit rien gagner par
 Ambassades, demanda qu'ilz peussent parler ensemble
 en quelque lieu. Cela fut accordé entre eux deux, &
 iour & lieu assigné de leur pourparlement, mais l'Em-
 pereur ne sy trouua poinct. Le Pape Gregoire voullāt
 assembler vn Concile à Latran contre Federic, pria
 Loys d'y enuoyer les pl⁹ notables Prelatz de son Royau-
 me. Ce q̄ Loys fit, mais eux estans sur mer furēt prins par
 les nauires de Federic. Loys se plaignit bien aigrement à
 tout le mōde q̄ le droit des gens auoit esté par luy violé,
 & le menassa Federic se voyāt menassé du Frāçois, rēdit
 les Prelatz, s'excusāt de leur prinse, remettāt la faulte d'i-
 celle sur son filz. Apres la mort de Gregoire, Innocent

*Guerre en
 Espagne
 contre les
 Barbares.*

*Victoire
 sur les Bar-
 bares.*

*Federic
 Empereur
 ennemy
 des Papes.*

*Droit des
 gens violé.*

quatriesme esleu Pape vint en France, & tint vn Conci-
 le à Lyon auquel se plaignant de Federic, il implora le *Concile a Lyon.*
 secours de Loys, puis prescha la Croisade pour aller en
 la Terre sainte. Loys luy promit d'entreprendre l'vn & *La Croisade.*
 l'autre. Il y auoit desia vingt ans qu'il estoit Roy, gardant
 la paix en son Royaume gouuernant sagement, & sain-
 temēt les affaires, & faisant tous actes de bon Roy: Il e-
 stoit en la fleur de son aage, heureux en mere, en fem-
 me, en freres, en enfans, en richesses, & estoit par tout *Heur de S. Loys & de la France.*
 le monde estimē grand, sage, deuotieux, vaillant, &
 iuste Prince. Il entreprint doncq le voyage de la terre
 Sainte, laissant pour Regente en France, la Roynes *Entreprin- se de la terre Sainte.*
 Blanche sa mere, avec quelques Seigneurs pour son *La Roynes*
 conseil, & mena avec luy ses freres, qui menerent leurs *Blanche*
 femmes avec eux. Apres auoir longuement esté en *Regente.*
 Sirye, & entendant la mort de sa mere, & les affaires *S. Loys en Sirye.*
 de France se porter asses mal pour son absence, & pour
 la mort de sadiete mere, il sen retourna en France, &
 bien qu'vn bon & saint zele le menast si loing de
 son Royaume, si est-ce qu'il fit ce voyage assez in-
 considerement, car il le laissa presque exposé à celuy *Le voyage d'outremer inconside- ré.*
 qui premier eust voulu sen emparer, le estranger ou
 autre mais la bonne fortune de la France la garda pour
 ceste fois. Estant de retour en France, il trouua
 que non seullement ses affaires, mais aussi tous ceux
 de l'Europe qu'il auoit laissez en assez bon estat, e-
 stoient reduitz en vn piteux, & son depart de la Terre

Sainte mit les affaires de dela en mauuais termes. Apres auoir mis vn bon ordre à ceux de deça, il s'estudia à faire de belles ordonnances, entre lesquelles fut celle tant rigoureuse contre les Iuges, qui se lairroiēt corrompre, & qui seroient attaintz de concussions & maluerſations en leurs Estat, car par icelle il leur estoit deffendu d'acheter aucune chose meuble ou immeuble dedans les lieux de leur Iurisdiction, ou d'y contracter alliance ou mariage, ou d'y auoir aucuns benefices pour leurs enfā, ou d'y prendre ou permettre estre prins aucū presēt par leurs femmes, ou seruiteurs. Et sur la reformation de la Iustice, de la pollice, & des finances, il fit plusieurs belles ordonnances semblables à celles de l'ancienne Rome. Et si quelqu'un y cōtreuenoit, il luy faisoit faire son proces, & punissoit chascun selon son demerite. Les vns estoient condampnez à amandes pecuniaires, & les autres à aller pour certain temps en l'Asie contre les Infidelles. Ceux qui blasphemioient le nom de Dieu, ou des Saintz, estoient marquez sur le front d'un fer chault. Il prenoit vn singulier plaisir à lire la Sainte Bible, fist bastir à Paris, l'hostel Dieu, celuy des quinze Vingt, & ail leurs vne infinité de Temples & d'hospitaux. Comme ce Saint Roy s'exerçoit à œures si charitables & saintz, il fut aduertý que les affaires de l'Asie alloient fort mal. Adoncq il delibera d'y retourner, & se ligua avec Henry Roy d'Angleterre pour faire tous deux le voyage. Mais comme l'Anglois se voullut mettre en chemin, Symon Côte de Montfort aydé du peuple d'Angleter-

*Ordonnance
de S. Loys.*

*Deffence
aux Iuges.*

*Punition
aux cōtre-
uenā aux
Editz.*

*Punition des
blasphema-
teurs.*

*Bastimens
de Saint
Loys.*

*Secōd voya-
ge de Saint
Loys en
Asie.*

re luy fit la guerre. Le Roy Saint Loys voulut pacifier les troubles de l'Angleterre, mais il ne sceut. Ayant pacifié ceux de son Royaume, il passa pour la seconde fois en Asie, laissant pour Regens en France, Symon de Neefle, & Mathieu de Vendosme Abbé de Saint Denys. Estât arriué en la ville de Prolemaide vn assassinateur entra dedans sa chambre pour l'assassiner, & luy donna deux coups, desquelz il le cuida tuer s'as le prôpt secours d'un sien vallet de chambre, & le meurtrier fut tué sur le champ. De là il alla assieger la ville de Thunes, là où la peste se mit dedans son Camp, & vn flux de sang le surprint, dont il mourut, lan 1271. laissant pour Roy au Royaume de France, son filz Philippes qui estoit avec luy. L'estat de la France estoit beau & florissant durant le regne de ce bon Roy, & bien que quelques guerres l'ayent assailly, si est ce que la vertu de son Prince l'en a tousiours deliuré, toutesfois en icelluy il y-a eu quelquefois plus d'heur que de sagesse du Prince, mesmemēt durant les deux voyages de la Terre Sainte.

Regens en France.

Danger de S. Loys.

Mort de S. Loys.

L'Estat de la France soubz S. Loys.

Philippes filz de S. Loys salué Roy deuant Thunes. Philippes reuint en France.

Thoulouse à la Courne.

Philippes son filz estant en ce voyage, fut par les François sallué Roy, deuant la ville de Thunes, là où s'aduisant que les affaires de la France l'appelloient de deça, il quitta l'Asie, apres auoir donné loix rigoureuses aux Sarrazins, & s'en reuint en France. Des qu'il y fut arriué, son Royaume s'aggrandit du Conté de Thoulouse par la mort d'Alphonse son oncle paternel, frere du Roy Saint Loys, qui auoit espousé Ieanne Contesse de Thoulouse, toutesfois apres la mort d'Alphonse & de Ieanne,

le Roy voulant entrer en la possession dudit Conté, il le trouua embrouillé d'une forte guerre que le Conte de Foix accompaigné du Conte d'Armignac faisoit à Girard de Casebone. Le Roy soustenant Girard, print le Conte de Foix prisonnier, puis par vne paix le remit en tous ses biens, vsant en cela d'une grande clemence: vertu digne de grâdz Princes: & obligea par icelle a soy tellemēt le Conte que depuis il luy fut fort fidele seruiteur. Ceste guerre estant finie, il fit vn grād apprest pour mener vne armee en Castille, pour remettre les filz de Blāche sa sœur en la possession dudit Royaume, qui leur appartenoit par la mort de Ferrand leur Pere, filz aîné d'Alphonse, estant lors le Royaume occupé par Sanche filz puisné, mais ceste armee au lieu d'aller en Castille alla en Nauarre, au secours de la Royne Ieanne, ieune Princeesse, fille & heritiere de Henry Roy de Nauarre, laquelle depuis fut mariee à Philippes le Bel, filz de ce Roy Philippes. Comme il eut mis fin à ceste guerre & rendu paisible à la ieune Princeesse son Royaume de Nauarre contre Eustace de la Marche, il aduint que Loys son filz aîné yssu de luy & d'Ysabel d'Aragon sa premiere femme, vint à mourir, non sans soupçon qu'il eust esté empoisonné. Pierre de la Brosse, ou de la Broche, ou de la Bresche grand Chambellam du Roy, & le plus fauory de tous les Courtisans, accusoit Marie de Brabant femme seconde du Roy, de l'auoir faict empoisonner, disant qu'elle vouloit faire mourir tous les enfans du premier mariage de son mary, pour faire tumber le Royaume

*Guerre au
Conté de
Thoulouse.*

*Clemence
digne des
Princes.*

*Guerre en
Castille &
Nauarre.*

*Mort du
filz du
Roy.*

*Pierre de
la Brosse
ou de la
Bresche
grand pen-
du.*

Royaume aux enfans de luy, & d'elle. D'autre costé la *Enuie sur la Bresche.* Bresche en estoit accusé par elle, & par ceux qui luy portoit enuie de la faueur qu'il auoit de son maistre, qui trouuerét alors vne belle occasiō de se vanger de luy, & de le tirer de la bōne grace de lō dict maistre. Regardez *Recompense des fauoris des Roys.* à quoy sont subiectz les fauoris des Roys, puis vous verrez comment ilz doiuent bien s'enorgueillir, pour puis apres receuoir vn salaire semblable à celluy de la Bresche. Lequel fut si bien poursuiuy sur cela par ses malueillans, (qui ne se contēians de ceste accusation, luy en mirent plusieurs autres en auant, comme d'auoir intelligence avec les Anglois ennemys du Royaume, & avec *Instruction pour les fauoris de Cour.* le Roy de Castille) qu'il fut pendu & estranglé, & lors la faueur que son maistre luy auoit portee, tournée en haine, & en punition de mort, monstra que les fauoris des Princes ne se doiuent trop fier à la Fortune, ny à la faueur de leurs maistres. La France estoit lors paisible *Enuie sur la France.* au dedans & au dehors, & non toutesfois sans enuie de tous les princes ses voisins. Elle estoit riche & opulente, & n'auoit aucune sedition dedans: ouz les Ducz, Contes, & autres Seigneurs vassaulx de ceste couronne, estoient fidelles & obeissans à leur Prince: elle auoit Paix avec les Anglois, & Allemans: la Nauarre estoit *La grandeur & heur de la France.* destinee à la France par le mariage de Ieāne Royne, avec Philippes filz du Roy, & Charles oncle du Roy estoit Roy de Sicile, & d'vne bonne partie de l'Italie. Mais ceste grandeur & prosperité engendra l'enuie ez cueurs des estrangers, mesmement du Pape Nicolas, qui ayant

*Guerre cō-
tre les François.*

suspecte la grandeur des François, & sur toutes celle de Charles Roy de Sicile, pour estre trop son voisin, suscita les Empereurs de Grece & d'Allemagne & autres Princes, à faire la guerre aux François, & principalement en Italie contre Charles Roy de Sicile, laquelle luy fut ostee, & lors furent les vespres Siciliennes, ausquelles à vn iour de Pasques, tous les François qui y estoient, furent ruez par vne conspiration faite par toute l'Isle.

*Armes
pour aller
en Aragon.*

Toute la France s'arma pour vanger vne tant execrable cruauté : mais Iacques Roy de Maiorque frere du Roy Pierre d'Aragon, venant en France implorer le secours du Roy, contre Alphonse filz de son frere pour le recourement du Royaume d'Aragon, qu'il disoit luy appartenir, destourna les François de l'entreprinse d'Italie & de Sicile. Le Roy assemblea vne armée pour aller en Aragon & ayant prins la ville Parpignan au Conté de Roussillion, y mourut lan 1271. Et bien que ce Roy ait esté vaillant, pitoyable, charitable, & zelateur du bié publicq, si est-ce qu'apres sa mort, il n'a rapporté aucun tiltre, comme plusieurs de ses ancestres ont fait, & est seulement surnommé filz du Roy Sainct Loys, auquel la posterité à attribué vn si grand honneur, que son pere & son filz tous deux Roys de France ne sont honorez d'autres tiltres, que de pere & filz du Roy Sainct Loys.

*L'honneur
de S. Loys.*

*Philippes
le Bel Roy.*

Philippes surnômé le Bel filz du precedent Philippes, luy succeda, qui dés son enfance fut instruit aux bonnes lettres par Gilles Theologien Romain. Estant deuenu Roy, il eut vne singuliere affection de mettre vn bon

Reglement à la Iustice, & voyant que par la malice des hommes, les procez estoient tellemēt multipliez qu'ils ne pouuoient estre vuidez au Conseil tenu prez de sa personne, comme ils faisoient au parauant, il fit bastir en l'Isle de la ville de Paris, ville Capitalle de son Royaume vn Palais au mesme lieu, où estoit l'ancienne demeure & le vieil Chasteau des Roys, & ordonna qu'en ce lieu seroient par Iuges à ce ordonnez, tous procez vuidez & iugez sans appel, & fut c'este cōpagnie appelée le Parlement de Paris, comme cy aprez il sera dit au troysiesme liure, en l'endroit des Parlemens. Au parauant les François se gouuernans simplement au faict de Iudicature, estant lors le nombre des causes & des procez petit, acquiesçoient aux sentences donnees par les Baillifz & Seneschaux, qui administroient toute la Iustice en dernier ressort, estimans laid aller chercher loing, le droict par relliefz d'appel. Mais venans les hommes à croistre en malice, & les procez à multiplier, & les Seneschaux & Baillifz à mal administrer la Iustice, & ne pouuans les Roys vaquer en leurs Parlemens de-ambulatoires establis prez d'eux, vaquer aux iugemens des procez entre parties & par ensemble aux affaires d'Estat qui tous les iours augmentoient par l'augmentation de la grandeur de la Frâce, ledict Roy Philippes le Bel s'aduifà de faire tenir les iugemens souuerains en lieu certain, & pour cest effect de bastir à Paris ville capitale de son Royaume & au lieu du vieil Palais des Roys, vn Palais propre à loger la compaignie qu'il ordonna pour la Iu-

Le bastiment du Palais de Paris, L'ancienne demeure des Roys à Paris, l'Institution du Parlement de Paris.

Les Baillifs & Seneschaux iadis iuges souuerains

Philippes le Bel fit le Parlement.

stice, laquelle il appella la Court de Parlement. Mais d'autant que nous parlerons cy apres bien au long de l'Institution des Parlemens nous remettrôs les lecteurs à cest endroict la. Le Bel aussi institua à Rouen, vne espece de Parlement, qu'il nomma Eschiquier, pour l'ad ministration de la iustice de Normâdie. Et comme d'un costé le Roy mettoit ordre à loger la iustice, de l'autre, la Royne Ieâne de Nauarre sa femme s'estudioit à loger les bonnes lettres & les hômes lettrez, & fit bastir à Paris un College, auiourd'huy nommé le College de Nauarre, pour l'Institution des enfans, & Instruction des lettres, & des sciences & disciplines. Sur ces entrefaites, commença vne guerre contre l'Anglois, les nauires duquel en temps de paix escumoient la coste de Normandie, & voloient les nauires François.

L'Eschiquier de Rouen.

Le College de Nauarre à Paris.

Guerre contre l'Anglois.

L'Anglois vassal du Roy de France.

La Guyenne conquise.

Ligue de l'Anglois.

Le Bel ayant enuoyé prier l'Anglois, de luy faire rendre ce qu'il auoit prins, il n'en tint compte. Quoy voyant le Bel, fit par deuant luy adiourner l'Anglois cōme vassal de la couronne de France, à cause de son Duché de Guyenne & autres terres, mais il ne comparut point. Le Roy interpretant ce default à desobeissance, incontinct enuoya en Guyenne d'un costé, Charles Conte de Valois son frere, & de l'autre, Arnould de Neesle Cōestable de France, lesquelz reduisirent vne bonne partie de la Guyenne en son obeissance. L'Anglois se voyant guerroyé par le Roy de France, fit incontinent ligue avec Adolph Conte de Nassau & Empereur, & avec Guy Conte de Flandres, & Erix Conte de Neuers, pour me-

ner forces en France. Le Bel enuoya le Conte d'Arthois en Flandres, là où dōnant vne bataille aux Flamans, il la *Bataille gagnée en Flādes.* gaigna, & print plusieurs villes du paÿs. Charles Côte de Valois ce pēdant estoit en Guyēne, qu'il gaignoit piece *Conquestes en Guyēne.* à piece, & apres que ceste guerre eut lōguemēt durē, treue fut faicte entre les Roys de France & d'Angleterre, & les armes mises bas, & ne furent si tost les treues expi- *Treue entre les deux Roys.* rees, que la paix fut faite entr'eux, par le mariage d'Edvard premier du nom, surnōmé aux longues iābes, Roy *Paix entre eux.* d'Angleterre, & de la sœur aisnée du Roy, nōmee Marguerite, à la charge que la Guyēne seroit rendue à l'Anglois. Estans cēs deux Roys faictz bons amys, par ceste *La Guyēne rendue à l'Anglois.* nouvelle alliāce, ilz se liguērēt ensembble pour faire guerre à Adolph Empereur. Le Bel fōdoit sa cause, sur ce q̃ *Guerre des deux Roys cōtre l'Empereur.* l'Empereur auoit prins de l'argēt de l'Anglois, pour luy faire la guerre, & l'Anglois fōdoit la sienne sur ce que l'Empereur en la guerre de Flādes contre le Bel, ne luy auoit tenu les promesses qu'il luy auoit faites. Ces deux *L'Empereur priuē de l'Empire.* Princes liguez ensembble firēt par les Princes de l'Empire, priuer Adolph de la dignité Imperialle, pour auoir par argēt & corruption faict guerre pour vn Roy contre vn autre Roy. Ceste guerre finie, le Côte de Valois frere du Roy, mena vne armee en Flandres, où il print ce qui restoit à prendre. Le Conte Guy abandonē des Allemans, *Guerre en Flandres.* & des François, se rendit avec ses deux enfans, au Conte de Valois, qui les enuoya prisonniers à Paris. La *Le Conte de Flandres prins.* Flandres estant reduicte en l'obeissance du Roy, il y alla, & y fut receu avec vne grande ioye des Flamans.

Sen retournant en France il y laissa garnison soubz la charge d'un grand Seigneur, qu'il y fit son lieutenant general, lequel sçachant mal faire, & faisant mal l'estat de Gouverneur de Prouince, souffroit toutes insolences, & licences, permettant au plus fort de commander au plus foible, & de prendre sur luy ce que bon luy sembleroit, & fauorilant & soustenant les grands ne faisoit

*Mauuais
deportemens
de Gouver-
neurs.*

compte du menu peuple. Les grandz & riches estoient exemptz des contributions, charges & coruées, & les petis accablez & oppressez d'impositions, de foulles, & de malletoistes. Ce qui engendra vne telle fureur dedans

*Les grans
soulagez
& les pe-
tis soulgez.*

le cueur du peuple Flamant, qu'il s'esleua & arma contre les François, & en tuoit autant qu'il en trouuoit. Par la doiuent apprendre les Princes, de mettre de bons & sages gouverneurs aux Prouinces nouuellement conquises, desquelles l'affection enuers leur nouveau sei-

*Sedition en
Flandres.
Instruction
aux Prin-
ces.*

gneur n'est encores bien establie & asseuree, & les Gouverneurs d'icelles, de traicter doucemēt vn peuple nouuellement conquis, ne fauoriser les grands contre les petis, ny les petis contre les grands, ny laisser à l'abandon vne partie pour soustenir & deffendre l'autre. Le Roy aduertuy de ceste sedition, y enuoya Iacques Conte de saint Pol, qui alla à Bruges pour la commander, la punition de la sedition. Y estant arriué avec bon nombre de François, la nuit chascque habitant de la ville tua son hoste François, & avec grande peine le Conte de saint Pol se sauua. Toute la Flandres entra en rage & en fureur. La Noblesse craignoit que le peuple tout bouillāt,

*Instruction
aux gou-
uerneurs.*

*Massacre
des Fran-
çois.*

*Fureur des
Flamans.*

& tout fraichement sanglant de telle cruauté, se ruast sur elle. Mais luy saoul du sang des François, ne demanda rien à la Noblesse, ains se ioignit avec elle pour le soutien de la liberté du païs. Philippes filz de Guy Conte de Flandres, qui estoit en Pouille avec le Roy Charles de Sicile, & qui en ces païs de dela, auoit beaucoup de terres, & vn beau gouuernement, remit le tout entre les mains dudit Roy Charles pour venirsecourir sonpaïs & cōbatre les Frāçois. Les affaires de Flādres estoient en grand trouble. Le Roy le Bel leua vne armee de quatre vingtz mille hōmes en deliberatiō d'aller luy mesme en Flādres, & de la mettre à feu & à sang. L'Anglois biēq il fut amy & allié du Bel, ne vouloit pourtant permettre que la Flādres fut ruinee. Et à ceste occasion la sauua de cest orage, & le Roy rompant son armee, & mettant garnison aux places qui tenoient pour luy, s'en retourna en son Royaume, là où il samusa à faire de belles ordōnāces sur le reglemēt de la Iustice, de la police, & des finances. Mais ceste bonne & saincte intention fut empeschee par la fureur du Pape Boniface huitiesme, lequel conuoiteux de gloire, voulant que du temps de son Pōtificat, les Princes Chrestiens entreprinsent vne guerre en la terre Saincte, enuoya au Roy le Bel vn Bref arrogant & impericieux, par lequel il luy mandoit, qu'il eut à se mettre incontinent en armes pour l'entreprise de la dictēte guerre, ou autrement il le menassoit de ses excommunications & fulminations. Le Roy s'offensa de ces menaces, & ce qui dauantage l'irrita, fut que l'Euesque

*Affaires
de Flāndres.*

*Ordonnances
du Bel,*

*Le Pape Boniface 8.
arrogant.*

*Menaces
du Pape cōtre le Roy.*

*L'Euesque
d'Apamiers.*

*Querelle en
tre le Roy
& le Pape*

*Arrogance
de Boniface*

*Guerre en
Flandres.*

d'Apamiers prez de Thoulouse, estant pres du Pape ne l'entretenoit d'autre chose, que de melsdire du Roy, & de ses deportemens. L'Euesque estant venu à son Euesché nouvellement erigé par Boniface, le Roy le fit prendre, & mettre en seure garde entre les mains de l'Archeuesque de Narbonne. Le Pape irrité de cela enuoya vers le Roy, l'Archediacre de Narbonne, le prier de mettre l'Euesque en liberté, & manda à tous les Prelatz de France qu'ilz eussent à certain iour à se trouuer à Rome pour la conuocation d'un Concile. Le Roy ne voulant permettre aux Prelatz de son Royaume d'aller à Rome, cela anima encore dauantage contre luy le Pape, qui enuoya en France des Biefz, par lesquels il acquittoit & dispensoit les François du serment de fidelité qu'ilz auoient faict à leur Roy, auquel il ostoit le sceptre & la couronne, selon le pouuoir qu'il disoit auoir d'oster les Courônes & les Royaumes aux Roys. Mais le Bel secouât le col au ioug de l'obeissance du siege Romain seut bien pouruoir à la malice & à l'imposture de Boniface, & empescher que ses desseings ne luy portassent aucun preiudice. Quelques vns disent que Boniface auoit permis au Roy de leuer les decimes sur les gens d'Eglise de France, & que peu apres il reuoqua ceste permission, à la requeste des gēs d'Eglise, & q̄ cela fut en partie cause de l'inimitié du Roy & de luy. Les Flamās aduertis que le Roy tenoit vne plus forte armee que deuant pour courir sur eux, delibererent de se bien deffendre. Le Roy y enuoya le Conte d'Arthois, qui leur liura la bataille à

taille à Courtray fut deffait, vaincu & tué, par sa grande temerité. Les Flamans apres ceste victoire commencerent à faire la guerre au Côte de Hainault qui auoit secouru le Bel en toutes ses guerres. Le Bel delibera de secourir le Conte. Or desia estoient ilz tous en armes, & couroient iusques en Arthois. Les François les espians *Les Flamans deffaiſt pres s. Omer.* pres de saint Omer leur donnerēt la bataille, & les deffirent, & ainsi fut lauee l'ignominie de la perte de la bataille de Courtray. Les Flamans estoient bien vaincus: mais non deffaiēt. Ils assemblent plus grandes forces que deuant, & s'animent les vns les autres, pour auoir raison & vengeance de leur perte. Le Roy entendant le grand apprest de leur guerre, delibera d'y aller en personne, comme il fit. A Mont-peuplet il leur dōna la bataille & les vainquit, & mit vne partie de la Flandres en son obeissance. Estant le Roy victorieux de retour, il fit dresser sa statue à cheual dedās l'Eglise nostre Dame de Paris. Ce pēdant Boniface auoit declaré le Roy ennemy de l'Eglise, iceluy excommunié, & donné le Royaume *La bataille de Mont-peuplet. La statue du Roy en l'Eglise nostre dame à Paris.* de France à l'Empire, & fut accordé entre le Pape & Albert Empereur, que ledit Albert courroit sus au Royaume de France, & qu'il cōtraindroit les François à recognoistre l'Empereur & l'Empire pour leurs souuerains seigneurs. Sur cela furent escriptes par le Roy & par le Pape, des lettres de l'un à l'autre, pleines d'iures, desquelles on voit encores les coppies. Le Roy assemblea à Paris vn Concile des plus notables Prelatz de son Royaume, ausquels se plaignant de la temerité de Boniface, il leur

Fureur des Flamans.

La bataille de Mont-peuplet.

La statue du Roy en l'Eglise nostre dame à Paris.

Fulminations du Pape contre le Roy.

Lettres du Pape & du Roy.

Assemblée des Prelats à Paris.

demanda, s'ils ne le recognoissoient pas pour leur souverain Seigneur & non autre. A quoy ils respondirent qu'ilz n'estoient subiectz à autre qu'à luy, & qu'ilz emploieroient leurs vies & biens pour la conseruation de sa Couronne, & de sa personne. L'Anglois mesme sollicité par le Pape & par l'Empereur, de se mettre contre le Roy, ne voulut rien attanter contre la France, ains fut faite alliance entre les deux Roys, par le mariage d'Ysabel fille du Bel, avec Edvvard filz de l'Anglois, qui depuis fut Roy d'Angleterre second du nom, & de ce mariage naistront les grandes guerres qui mettront le feu par la France, pour le droit que l'Anglois pretendra sur la Couronne comme il sera dit en son lieu. En ce miserable temps, il n'y auoit paix ny sur terre, ny sur mer, & sur ce point mourut Boniface, auquel succeda Benoist qui absolut la France, & le Bel de l'excommunication, & de l'interdiction de Boniface, & mourant le huitiesme mois de son Pötificat, Bertrand Goth Archeuesque de Bordeaux, natif du village d'Veste en Bazadois, fut esleu Pape & nommé Clement cinquiesme, qui n'estoit pas fort amy du Bel, d'autât qu'aux guerres de Guyëne, Charles Conte de Valois son frere, auoit saccagé les maisons des parens dudit Archeuesque. Mais le Roy le voyant Pape, tâcha de le rendre son amy. Ce Pape transférera le siege Papal en Auignon, là où il a esté 71. ans, & ramenant la Chiquanerie de Rome en France, la enseigne aux François, & par icelle leur a monstré les malices, subterfuges & cautelles, dont ils vident aujour'd'hy

*Alliance
des deux
Roys de
France &
d'Angle-
terre.*

*Les gran-
des guerres
de ces deux
Royaums.*

*Le Pape
Clement
cinquies-
me.*

*Le siege Pa-
pal en Aui-
gnon.*

comme il sera dict ailleurs. Il permit au Roy pour le sou-
 stenement de ses guerres, de leuer sur les gens d'Eglise *Decimes sur les gēs d'Eglise.*
 des decimes pour cinq ans seulement, mais ce qui fut
 lors accordé pour cinq ans, à duré tousiours depuis,
 car quand vne fois en France, la porte est ouuerte aux
 impositions, iamais elle ne se ferme, & ce qui se leue
 sous couleur d'un temps prefix, demeure à perpetuité.
 Bien tost apres, les Templiers qui estoient en France *Les Templiers.*
 furent prins & mis à mort par diuerfes sortes de supli-
 ces. On dit qu'ilz confesserēt beaucoup de poinctz d'he-
 resie, & de meschancetez par eux commises, & disent
 quelques vns qu'ilz n'estoient pas si impies ny si mes-
 chans qu'on les faisoit, mais que d'autant qu'ilz estoient
 riches, & qu'ils parloient librement & publiquement
 des vices, des chiquaneries, & des impostures du siege
 Romain, ils irriterent contre eux la fureur du Pape, le-
 quel proposant & promettant au Roy, vn grand profit
 par leur mort & par la cōfiscatiō de leurs biens, l'anima *Liberté de l'usage des Templiers.*
 à s'entendre avec luy, pour les faire mourir. Leurs biens
 meubles furent confisquees au Roy, qui en fist part au *Les biens des Templiers.*
 Pape, & les immeubles dōnez aux Hospitaliers de saint
 Iean de Ierusalem. Ceste cruauté donna vne mauuaise
 reputation au Roy, & y a des autheurs qui disent qu'ils
 ne tenoient aucune impie, ny heretique opinion, qu'ils
 n'auoient commis aucun acte digne de punition, &
 qu'ils estoient du tout innocens, mais qu'on les fist mou-
 rir pour auoir leurs biens. Sur quoy on discourt qu'un *Auarice de Prince.*
 Prince qui se rend trop cruel à la punition des crimes,

soiēt vrais, soiēt supposez, faiēt penser qu'il le faiēt pour auoir leurs biens, & qu'il est plus en cela mené de l'auarice, que de la iustice. La Roynie Ieanne de Nauarre femme du Bel, estāt morte, il fist appeller son fils aîné Loys

Les filz du

Bel.

Les bru

du Bel ac-

cusées d'a-

dultere.

Roy de Nauarre, & deuant mourir vit ses trois fils en aage d'hommes, beaux, vaillans & braues Princes. Mais comme il estoit heureux en belle race de fils, ainsi fut il malheureux en bruz, car les trois femmes de seldictz fils furent accusées d'adultere. Ieāne fille aînée d'Othó Côte de Bourgogne & de Mahault d'Arthois, & femme de Philippes Côte de la Marche, second fils du Roy, fut absoute de l'accusatiō faiēte cōtre elle. Marguerite fille de Robert Duc de Bourgongne, fēme de Loys Roy de Nauarre fils aîné du Roy, & Blande fille puisnée du Conte de Bourgogne, fēme de Charles dernier fils du Roy, cōuaincuës, furent mises en prison perpetuelle à Chasteau gaillard sur Seine, pres Andely, là où ladiēte Marguerite mourut bien tost apres. L'autre y demeura à perpetuité, & Charles se remaria par dispence, à Ieanne Contesse d'Eureux, d'autant qu'il se trouua que le mariage de luy & de Blande estoit nul, pour ce qu'il l'auoit tenuë sur les

Punitiō des

adulteres

des bru

du Roy.

fonds de Baptesme. Les adulteres de ces Princesses eurent les parties honteuses couppees, puis furent attachez à la queuë de quatre lumets, & depuis Maubuiffon iusques à Pontoise, trainez tous nuds à trauers la prayrie, sur le tronc des foins nouuellement coupez, qui leur escorcherēt toute la peau: & en apres furent penduz & estrāglez, & receurēt les peines dignes de ceux qui souil-

lent les liëts Royaux. La guerre de Flandres se renouue-
 la, & pour ce que le Roy n'auoit point d'argent pour la
 soustenir, il cōmanda à Enguerrand de Marigny Conte
 de Longueuille, grand Tresorier de France, qu'il eust à
 pouruoir au recouuremēt des fināces, à leuer vne armée,
 & à la mener sur les cōfins du paÿs d'Arthois. Ce que fit
 Enguerrād, mais l'armée estāt en paÿs, le Roy y alla luy
 mesme en personne, & cōme l'armée du Roy & celle de
 Robert Cōte de Flandres, furēt l'vne deuant l'autre pre-
 stes à cōbattre, Enguerrand de Marigny fist tant enuers
 son maistre, qu'il dōna la paix au Conte. Ce qui augmē-
 ta cōtre Enguerrād l'enuie & la haine que les autres Sei-
 gneurs luy portoient de longue main, ialoux de ce qu'il
 possedoit ainsi la volōté de sondit maistre. Les mōnoyes
 de Frāce estoiet fort sophistiquées & de mauuais alloy,
 dōt sourdirēt de grādes seditions. Le peuple se plaignoit
 que la mōnoye estoit faicte de mauuaise matiere, & que
 la troisiēme partie de l'alloy qui estoit dōné aux mon-
 noyeurs pour la faire, estoit par eux destrōbbé. Que les
 chāgeurs quād on leur chāgeoit des escuz, ou autres es-
 peces d'or, ou les crediteurs quād ils en receuoient pour
 payement, les rognioient, & que les escuz qu'on battoit,
 n'auoient pas leur iuste pris & valleur. Le maltalent du
 peuple le fist tellement esleuer à Paris, qu'il saccagea la
 maison d'Estienne Barbette maistre de la monnoye qui
 eust esté massacrē sil eust esté trouué. Le Roy à son re-
 tour de la guerre de Flandres estant à Paris, fut en
 son logis assiegé par le peuple, & en dāger de sa person-

*Enguerrād
de Mari-
gny.*

*Paix don-
née au Cō-
te de Flan-
dres.*

*Sedition
pour les
monnoyes
de France.*

*Sedition à
Paris.*

ne. Il fist sortir quelques Seigneurs, qui de sa part promirent que dorefnauant le peuple ne receuroit aucū dōmage des mōnoyes, & que le Roy y pourueroit. Cela fist separer les mutins, mais puis apres vn àvn ils furēt puniz. Il y eut aussi vne seditiō à Lyon, pour vn differēt qui fut entre l'Archeuesque de la ville, & les officiers du Roy, qui se plaignoient de ce qu'il entreprenoit par trop sur les droictz, & sur l'autorité du Roy. Les habitans de la ville tenoient le party du Prelat. Le Roy y enuoya Loys son fils, surnommé Hutin, qui appaisa le tout, peu apres le Roy mourut à Fontaine-Bleau, l'an 1313. Voyla quel a esté l'Estat des affaires de ce Royaume, durāt le regne de ce Roy, qui fut agité de plusieurs orages & tempestes, tant par dehors que par dedans. Les guerres continues qu'il eut durant son regne, le mirent en si grands fraiz, que pour les soustenir, il fut contrainct d'imposer de grands tribuz en son Royaume, pour la premiere fois le centiesme, & puis le cinquantesme, de tous les bens, tant du Clergé que de son autre peuple indifferēment, & disoit on que toutes ces exactiōs se faisoient par le conseil d'Enguerrand de Marigny, qui à ceste occasiō en fut extremement mal voulu. Mais d'autant qu'il gouuernoit son maistre, & les affaires, ceux qui estoient enuieux de l'un & de l'autre, le chargeoient de tout le mal qui aduenoit, & luy ostoient la louange de tout le bien qu'il faisoit. A quoy sont tousiours subiects ceux qui manient les affaires. Ceste cruelle impositiō du cinquantesme, & du centiesme, fut appellée Maletoste, laquelle

*Punition
des seditieux.
Sedition à
Lyon.*

*Mort du
Bel.*

*Impositiō
du temps
du Bel.*

*Enuie cō-
tre ceux
qui gou-
vernent.*

Maletoste.

le foula tant le peuple de France, qu'en plusieurs lieux il s'esleua & tua les collecteurs de ces imposts. Mais ce n'est pas chose nouuelle que les peuples s'esleuent pour les foulles, charges & greuances qu'on luy met sus, ains est si ancienne que c'est l'une des premieres & principales occasions qui l'a tousiours esmeu à s'esleuer & mutiner contre ses Princes & Magistrats. Toutesfois les Princes quelquefois par la necessité de leurs guerres & autres charges, sont cōtraincts à leur grād regret & desplaisir, imposer sur leurs peuples des tributz excessifs, ce q̃ les peuples doiuent bien considerer, cōme souuent en France mesme, il est aduenü, que le peuple qui est bon & obtemperant à la volonté de son Prince, a enduré patiemment les charges qui ont esté mises sur son dos. Mais aussi les Princes ne doiuent abuser de la simplicité & bonté de leurs peuples, ny mettre en coustume ce qui n'est deu qu'à la necessité, car autrement ils sont en danger d'estre assailliz de seditions, tumultes, & rebellions. Aussi le Bel apres ces guerres finies, r'abaisa les impositions, & deschargea le peuple du fardeau qu'il supportoit, monstrant par là aux Princes qu'ils ne doiuent tirer la sustance de leurs peuples, ains s'en seruir bien à propos, & autant que la necessité le requiert. Ce Roy peu deuât sa mort, fist vne rigoureuse deffence de ne porter aucune marchādise hors du Royaume, & cōfisqua tous les biēs des Iuifs, & vsuriers qui estoient en Frāce, qui par leurs excessiues vsures, ruinoient le peuple. Ses trois fils furent Roys l'un apres l'autre, & moururent sans enfans males.

*Seditions
pour les
impositions.*

*Excuses
sur les im-
positions.
Remonstrāce
aux peu-
ples.*

*Remonstrāce
aux Pri-
ces.*

*Exemple
aux Prin-
ces.*

*Deffence de
non porter
rien hors
la France.*

*Confisca-
tions des
vsuriers.
Loy Hérē-
R.*

*Loys Hu-
tin Rgy.
Hutin si-
gnifie
bruit.*

*Le Procès
d'Enguer-
rand de
Marigni.*

*Haine du
Conte de
Valois con-
tre Enguer-
rand.*

*Enguerand
pendu à
Montfau-
con.*

A luy mort, succeda son fils aisné Loys, surnommé Hutin, qui est vn vieil mot François, signifiât vn soudain bruit ou tumulte. La premiere chose qui fut faicte au commencement de son regne, fut le proces contre Enguerrand de Marigny, lequel le peuple accusoit d'auoir esté autheur des excessifs impostz, qui durant le regne du Bel auoyent esté imposez. Mais le peuple qui peut seulement crier, & ne peut faire mal, ne pouuoit faire autre chose contre Enguerrand. Il failloit donq trouuer vn grand, qui le fit, & qui pour se vanger d'Enguerrand print le manteau de la foule du peuple. Charles Conte de Valois frere du Bel, & oncle de Hutin se trouua propre à ceste accusation qui vouloit vn mal de mort à Enguerrand, pour beaucoup d'occasions, & entre autres, de ce qu'au proces qui deuant le Bel auoit esté agité entre les Contes de Tancarville & de Harcourt grands Seigneurs de Normandie, Enguerrand soustenant Harcourt, & le Conte soustenant Tancarville, il aduint que Harcourt gaigna, par le moyen de son protecteur Enguerrand, duquel la faueur estoit plus grande enuers le Bel, que celle de son propre frere. Le Conte de Valois au regne de Hutin son neuëu trouuant vne belle occasion de s'en vanger, suscita vne infinité d'accusateurs cōtre Enguerrand, & le fit pendre & estrangler à Montfaucon pres Paris, gibet qu'Enguerrand auoit faict bastir avec le Palais de Paris. Et sa statue qui auoit esté esleuee sur le portail du grand degré du Palais, fut abbatue & ietee du hault en bas. Telle est la force de la ialousie & de l'enuie,

de l'enuie, qu'elle suscite vne haine mortelle, & la haine les moiens de faire mourir, ou ruiner celuy contre qui elle se dresse. Cela fut faict souz vn Roy ieune & mal aduisé comme estoit Hutin, & est chose esmerueillable, que iamais il n'y eut Roy ieune, ny mal-habile mesme-^{Malheurs} ment en Frâce, qui n'ait eu au pres de luy, des personnes, ^{soult vn} qui par leurs diuisions & passions, ont brouillé l'Estat ieune Roy.
de leurs maistres, & qui pour se vanger de leurs compe-
titeurs, n'ayent faict des recherches cruelles, & grande-
ment preiudiciables à l'Estat de leur Prince, comme fist ^{Recherches} le Conte de Valois, qui abusant de la simplicité, & de la ^{preiudicia-} ieunesse du Roy son nepueu, alla rechercher les actions ^{bles.}
d'Enguerrād, & fit plusieurs autres recherches, sur ceux
qui du temps du Bel auoient manié les affaires & les fi-
nances. Ce qui brouilla fort la Frâce, comme tousiours
les recherches sont dangereuses & preiudiciables. Pour
retourner à Enguerrand, ceux ausquels du com-
mencement sa mort fut agreable, puis apres le regret-
terent, & les maux qui aduindrent au regne de Hutin, fi-
rent penser que c'estoit vne punition diuine de la mort
iniuste d'Enguerrand. Le Roy auoit vne grande enuie
d'aller ou d'enuoyer vne armée en la terre Saincte, pour
ce que le Bel son pere mourant, l'en auoit prié, & peu
deuant sa mort, auoit leué des decimes sur les gens d'E-
glise, pour l'entreprise de ce voyage. Sur cela mourut
Clement cinquiesme, la mort duquel apporta vn grand
trouble à l'Eglise, car les Cardinaux ne le pouuoient ac-^{Schisme en}
corder sur l'electiō d'un Pape. Le Roy y enuoya Philip-^{l'Eg se.}

*Hutin re-
gna deux
ans.*

*Seditions
pour les im-
positions.*

*Regne de
Hutin.*

*Le parle-
ment ordi-
naire au
Palais de
Paris.*

*La France
appartient
aux hom-
mes non
aux fem-
mes.*

*La loy Sa-
lique.*

*Philippes
le L^og Roy.*

*Traité a-
vec les Fla-
mans.*

pes le Long son frere, pour les mettre d'accord. Bien que Hutin ne regnast que deux ans, si est-ce que de son regne plusieurs impositions furent mises sur le peuple, dont soudirent grandes seditions, ne se ressouvenant Hutin de celles qui pour mesme cause festoiēt esleuées en France, durant le regne de son pere. Le sien ne fut gueres heureux en sa bresueté, car il n'y eut que recherches & exactions nouvelles erigées à la foule du peuple. Durant son regne, le Parlement fut arresté ordinaire au Palais, & mourant l'an 1314. il laissa Clemence sa femme grosse, laquelle peu apres acoucha d'un fils qui fut nommé Ian, qui ne vesquit que huit iours. Philippes le Long Conte de la Marche frere du Roy, fut esleu tuteur du ventre & de l'enfant. Estant mort Ian cest enfant, il restoit vne seule fille de Hutin, nommée Iane, à laquelle Eudes Duc de Bourgongne son oncle maternel, disoit appartenir le Royaume de Frāce. Mais les Seigneurs Frāçois disoient le Royaume de Frāce appartenir de droict seulement aux hommes, & que les femmes n'y en auoient aucun, alleguās ces mots de la loy Salique. **QVE LES FEMMES N'AYENT A SVCCEDER EN LA TERRE SALIQVE**, & disoient que la France estoit terre Salique.

Philippes le Long foustenu & fauorisé des Seigneurs de France, fut salué Roy. Au commencement de son Regne, il voulut faire la guerre au Conte de Flandres, mais à la priere du Pape, il donna la paix au Conte, à la charge que dedās vingt ans, le Côte payeroit au Roy vn.

million d'Efcus, qui feroiēt cinquāte mille efcus par an, & ce pendant le Roy tiendroir pour gage, quelques places en Flandres. Apres cela, le Long eut enuie d'entreprendre vne guerre Saincte, & à ceste occasion supplia le Pape de luy permettre de leuer vne decime sur les gēs d'Eglise. Ce que le Pape luy permist, moyennant que ce fust avec leur consentement. Le Roy assemblant pour cest effect à Paris vn Concile d'Euesques, ils respondirēt *Concile a Paris.* que quand ils verroiēt toutes choses apprestées, & tous les Princes Chrestiens assamblez pour ceste guerre, lors ou ils suiuroient en personne le Roy sans aucune difficulté, ou ils cōtriburoient au soustenemēt de ceste guerre, bien que par priuileges speciaux de l'Eglise, les Ecclesiastiques soient dispencez de toutes couruées, & de *Dispence des gens d'Eglise.* l'exercice de la guerre. Mais s'apperceuans qu'il vouloit leuer cest argent, pour l'enuoyer à autre guerre qu'à la Saincte, ils ne luy voulurent donner pas vn sol. Les Iuifs *Malice des Iuifs & des ladres.* que le Bel auoit chasséz de son Royaume, & que Hutin son fils auoit remis en leurs biens, persuaderent aux Ladres qui estoient en France d'empoisonner les puy. Ce *Ladres punis.* qu'ils firent, dont plusieurs personnes moururent, & plusieurs Ladres prins, confesserent l'auoir faict, & furent puniz. Les Iuifs aussi furent de rechef chasséz. *Les Iuifs chasséz.* Le Long estoit de soy bon homme, mais il se laissoit gouverner à mauvais Cōseilliers, qui gastoiēt son bon naturel, cōme il s'est souuent veu que les bons naturels des Princes, ont *Mauuais gouverneurs des Princes.* esté corrompuz par les mauuais conseils de leurs mauuais ministres, & en est venu beaucoup de mal à leurs

subiects. Donc ces mauuais conseilliers luy conseillerēt de faire de grandes exactions sur le peuple, dont de re-
seditions chef sourdirent de grandes seditions & plaintes. Ce qui
par les im- rompit le col aux conseils de ces mauuais ministres, &
positions. le Roy aduerty par quelques siens fidelles conseilliers, du mal qui à l'exemple des regnes de son pere, & de son frere prouindroit de ces exactions, fist cesser tout ce qu'il auoit commencé. Et comme il deliberoit de faire que par tout son Royaume n'y eust qu'un poix, vne mesure, & vne mesme espece, & prix de monoye, il fut preuenu de la mort, ne laissant aucun hoir male, l'an 1327.

*Deffings
de police
du Long.*

*Charles le
Bel Roy.*

*Iustice du
Bel.*

*Corruptio
du siecle.*

*Remonstré
ce faicte au
Bel.
Corruption
des Roys.*

Les loix.

Charles son frere surnommé le Bel, luy succeda, lequel au commencement de son regne n'eust autre soing, que de faire en sorte que toutes choses fussent gouuernées & conduictes par la force des loix, & par l'autorité des Magistrats. Il aduisa que pour le frequent changement des Roys, & malice du temps, & peu de correction des malfaiets, la force auoit prins vne telle licée, qu'elle s'estoit renduë la maistresse, & que la maiesté des Roys, & des loix estoit en peu de pris, de respect, & d'honneur en l'endroiect du peuple, & qu'il ne falloit pas laisser plus auant prendre racine à ce mal. Vn iour il luy fut remonstré par aucuns grands personnages, que la seule occasion qui fist premierelement creer & eslire les Roys, fust afin que la société humaine fust entretenüe & liée ensemble, par la prudence & conduicte d'un grand personnage, & qu'il fust aduisé que si les loix d'elles mesmes pouuoient refrener & restraindre l'audace des ma-

lings, elles suffiroient à la conseruation & deffence publique, quand vne fois elles auroient esté publiées & grauées aux cueurs des hommes. Mais quād on vit qu'il n'y auoit aucune reuerence du droict, ny des loix, on eueut certains graues & vertueux personages pour Roys, qui eurent la charge de la tuition, garde & deffence des loix & des hommes. *Quels doiuent estre les Roys.* Qu'on leur auoit ordonné vn siege, & en la main vn sceptre, deux choses sacrées, afin qu'ils fissent raison, droict & iustice, informassent des delicts, & qu'en toutes choses iustes, ils tinssēt le lieu du souuerain Dieu. *Sceptre des Roys.* Mais quand on auoit veu qu'ils ne pouuoient par leur maiesté, cōmandement & Empire, en venir à bout, *Deuoir des Roys.* on leur auoit dōné des forces pour le faire. *Force donnée aux Roys.* Que le meilleur lien & la plus forte chaine qui lie les bons, estoit la force des bonnes meurs & des iustes cōsciences. Qu'on deuoit reprimer & punir bien seuerement les mauuais, s'ils ne veullent ou ne peuuent estre chastiez par la correction honnestē, & par les bons exemples. Qu'il n'y auoit que les Royaumes bien fondez sur les loix qui eussent duré, & que les supplices & la punition des petites estoient necessaires, quand le cas le requiert, mais que les punitions des grands personages faictes publiquemēt, *Durée des Royaumes.* donnoient encore plus de frayeur, esmouuoiet d'auantage les cueurs des hommes, & seruoient d'vn plus redoutable exemple. *Les punitions des grands sont exemples.* Qu'il estoit donc necessaire de faire punir les hommes d'autorité, afin qu'à leur exemple chascun cognoisse qu'autant luy en pend à l'oreille, & que ce qui fera peur aux mauuais, donra assurance aux

*Le repos
public.*

*Jourdain
de l'Isle
pendu.*

*Frères pour
le Conte de
Flandres.*

*Adiourne
mēt au Cō-
te de Ne-
uers.*

*Le Cōte de
Neuers est
Conte de
Flandres.*

*Querelles
pour le
droict de la
Guyenne.*

bons & au repos public, qui sont les deux choses desquelles depend la tranquillité publique. Cela luy estant remonstré, il fut esmeu de faire faire le proces à Paris, à Jourdain de l'Isle, grand Seigneur, atteint & conuaincu d'une infinité d'enormes crimes, & fut pendu & estranglé. Loys Conte de Neuers, intenta proces contre son oncle paternel, disant, que pour ce qu'il estoit petit fils du fils ainé du Conte de Flandres, mort deuant son pere, il deuoit succeder à son oncle Robert, deuant sondit oncle. Dont il s'intitula Conte de Flandres, & se fist faire par les Flamands le serment de fidelité, deuant que le proces fust iugé par la Court de Parlement de Paris, ny qu'il en rendist la foy & hommage à son souuerain, qui estoit le Roy. Lequel offencé de cest acte trop superbe, en ce que Loys ne recognoissoit la souueraineté de son Prince, ny la iustice, fist donner au Conte adiournement personnel, par deuant luy. Le Conte venu à Paris, fut constitué prisonnier dedans le Louure, où il demeura quelque temps, mais puis apres il en fut mis dehors, à la requeste & en faueur de sa femme, fille de Philippes le Lōg, & estant le proces voidé en sa faueur, & mis en possession du Conté (comme à luy appartenant) il esprouua en mesme temps la seuerité & la clemence du Roy. En Guyenne le Seigneur de Mompezat faisoit bastir vne forte place, sans permission du Roy de France, qui le fist adiourner pour respōdre de cela: Le sieur de Mompezat fit responce qu'il auoit basti dedans la terre du Roy Anglois, & qu'il n'auoit à respondre deuant le Roy de

Frâce. Mais le Roy eſtât Seigneur ſouuerain de la Guyē- *Guerre en*
 ne, print la place commēcée. Mompezat avec l'aide des *Guyenne..*
 Anglois la recouura. Lors il ſembla que la guerre alloit
 commencer, non entre deux Seigneurs, ains entre deux
 Roys. Charles le Bel manda au Roy Anglois, qu'il euſt
 à luy repreſenter Mompezat, ſil vouloit eſtre eſtimé nō
 coupable de l'entreprife de ce baſtiment. Mais l'Anglois
 n'en vouloit rien faire. Charles Côte de Valois oncle du
 Roy, releué d'vne grande malladie qu'il auoit euë, alla
 en Guyēne, combatit Mompezat ſouſtenu des Anglois, *Conqueſte*
 le vainquit & le chaſſa, & print la place pour laquelle *de la Guyē*
 guerre eſtoit commencée. Apres cela il print toutes les *ne.*
 places de la Guyenne, hormis Bordeaux, Bayonne, &
 ſainct Seuer. Edvvard Roy d'Angleterre beau frere du
 Roy, ſe laiſſoit totalement gouverner à Hues le Deſpē- *Le Roy An-*
 cier, ſi bien qu'il ne faiſoit compte, ny des Seigneurs, ny *gls mal*
 de femme. Ce qui offenſa tellement ladiſcte Royn *gouverné.*
 eſtoit ſeur du Roy Charles, qu'elle ſe deſtobba ſecrete-
 ment de ſon mary, & ſ'en vint en France avec ſon petit
 fils Edvvard, pour demander des forces audiſt Roy ſon *La Roynne*
 frere, pour les mener en Angleterre contre ſon mary. *d'Angle-*
 Charles le Bel qui eſtoit auare, luy refuſa ce qu'elle de- *terre en*
 mandoit, de peur d'employer de l'argent, & y en a qui *France.*
 diſent que le Roy Anglois, entendant la ſuitte de ſa fem- *Charles le*
 me, corrompit par argent ledit Charles, pour ne donner *Bel. auare.*
 ſecours à elle. Il ne fiſt pas ſeulement ceſt acte d'auarice,
 mais encore vn autre bien villain, qui ſouillerent les bō-
 nes parties, qui au demeurāt eſtoiēt en luy. Le Pape Iean

faisant la guerre à Loys de Bauiere Empereur, pria Charles de luy permettre de leuer en son Royaume vne decime sur les gens d'Eglise. Ce que premieremēt Charles luy refusa, mais apres que le Pape luy eut promis la moitié de ce qui se leueroit, il le luy promist. Peu apres il mourut l'an septiesme de son regne, l'an 1328. laissant l'ane sa femme grosse.

*Decimes
leuées sur
l'Eglise.*

*Mort du
Bel.*

Ce pendant le throsne Royal est vuide, la vesue porte son ventre grand, & attendant l'enfantement, diffère l'esmeut à qui sera donné le gouuernement des affaires.

*Querelle de
l'Anglois
sur le gou-
uernement
des affaires*

Les Ambassadeurs Anglois disoient qu'il appartenoit à Edvvard Roy d'Angleterre, fils d'Ysabel, fille de Philippes le Bel, & nepueu du dernier Roy Charles, & que parreillement il deuoit auoir la tutelle de l'enfant qui naisstroit. Les François disoient q l'aage d'Edvvard qui estoit biē ieune, auoit pl⁹ de besoing d'un gouuerneur, que de suffisance pour gouuerner, & q ceste poursuite si ardēte de la tutelle du fruit aduenir, estoit si suspecte, qu'il la fal-

*L'Anglois
pretend
droict à la
Couronne
de France.*

*Philippes
de Valois y
pretend.*

loit du tout reiecter. Les Anglois aussi disoient que si le fruit du ventre venoit à deceder, Edvvard leur maistre deuoit succeder au Royaume de Frāce. Au cōtraire Philippes Côte de Valois, fils de Charles, & cousin germain des trois Roys precedens, soustenoit fort & ferme, q les femmes ny leurs descendans n'auoient aucun droict en ce Royaume, & que Edvvard sabusoit de se fonder sur le droict maternel, qui estoit autant que rien. Que les Loix de France, ne receuoient aucune femme à la succession, & que depuis la mort de ce grand Clouis pere de la Religion

*Les fem-
mes ne suc-
cedent à la
couronne.*

la Religion Françoisé, le Royaume ayant changé trois fois de Roys, les François n'ont iamais voulu permettre que la loy Salique (sur laquelle ledict Philippes se fondeoit & appuyoit) fut abrogée, & eussent plustost enduré, que tout eust esté réuersé san dessus dessouz, que permis que les femmes, ny leurs descendans vinssent à ceste couronne, bien qu'il y eut en France des grands Princes, qui par leurs meres, & par leurs ayeulles descenduz de la race des Roys, y eussent peu pretendre droict. *La loy Salique.* Que luy *Droict de Philippes de Valois.* estant cousin germain du costé des peres du feu Roy Charles, estoit le plus prochain masse, & le plus habille à succeder, & à ceste occasion qu'il estoit plus raisonnable qu'il eut le gouuernement des affaires, & la tutelle du fils (fil venoit à naistre) que Ysabel sa tante, ou Edvard son cousin germain. Au contraire l'Anglois armoit sa cause de la force des loix, disant que quand la Nature faisoit des femelles, elle ne failloit poinct, & qu'elles estoient de droict naturel appellées aux successions. *Droict du Roy Anglois.* Que le droict diuin le luy tesmoignoit au liure des Nombres, disant, *Droict des femmes.* *Que quand l'homme mourra sans fils, sa succession vienne à sa fille.* Or Robert d'Arthois, *Robert d'Arthois* qui de l'ogive main estoit accoustumé à debattre, & opposer le droict des femmes, ayant eu longuemēt proces contre Mahault sa tante, à raison du Côté d'Arthois, debattit avec viues raisons le droict de Philippes Conte de Valois en la presence des Estats Generaux cōuoquez à Paris, contre les Ambassadeurs & deputez du Roy d'Angleterre, là où par la voix & consentement desdicts

*Philippes
Conte de
Falois sa-
lué Roy.*

*Le proces
pour le
Royaume
de France.*

Estats, le Royaume fut adiugé au Côte Philippes, apres que la Roine vefue de Charles eut enfanté vne fille qui fut nômée Blanche. Et se peult dire que lors fut plaidée la plus belle cause qui fut, & qui sera iamais debatue deuant iuges, ny au Palais de Paris, car c'estoit le proces du Royaume de France. Il sera parlé cy apres en son lieu plus amplemēt de ce debat d'entre ces deux Roys, & de l'institution de la loy Salique.

*Les Fla-
mands cō-
tre leur
Conte.*

*L'Oriflam-
me.*

*Guerre en
Flandres.*

*Bataille de
Mont Cas-
sel.*

*Plainte
contre les
Ecclesiasti-
ques, pour
les droicts
Royaux.*

Dōcques pour reuenir à Philippes nouveau Roy de France, incontinent apres son sacre fait à Rheims, il s'apresta pour aller faire la guerre aux Flamāds, qui auoiet grandement outragé leur Conte, lequel estoit venu en France supplier le Roy, de le venger des indignitez receuēs par ses subiects. La Noblesse n'estoit pas de ce party, & n'y auoit que la populace, qui estoit sans vn bon Chef. Le Roy print l'Oriflāme en l'Eglise sainct Denis, & mena vne armée contre les Flamands. Il alla assieger la ville du Mont Cassel. L'armée des ennemis n'estoit guierēs loing de là, lesquels venans iusques à la tante du Roy, peu s'en fallut qu'ils ne le prinsent. La fortune de France ce iour là sauua le Roy. Là fut donnée la bataille en laquelle les Flamands furent vaincuz, & y en mourut plus de vingt mille. Mont Cassel fut prins & rasé, & le Conte remis en son Estat. Les officiers du Roy se plaignoient que toute sa iurisdiction estoit transferée aux officiers Ecclesiastiques, qui iugeoient plus de causes & differēs entre personnes laiques, que ceux du Roy. Que ceux qui n'aquiesçoient aux sentences Ecclesiastiques

en quelque chose que ce fust, estoïent incontinent excommuniiez, & que mesmes pour vne debte, on excommunioit vn homme. Les vns & les autres vindrent debattre leur cause deuant le Roy. Pierre de Cugneres, ou selon *Pierre du Cugneres contre les Ecclesiastiques.* d'autres de Cunaire, appellé depuis par derision Pierre du Cugnet, soustenoit le droict du Roy, disant que ce qui estoit de Dieu, deuoit estre rendu à Dieu: & au Roy, ce qui estoit au Roy, & s'efforçoit d'oster aux Ecclesiastiques, leur temporelle iurisdiction, & reformer leur vie. Bertrand Euesque d'Authun deffendant la cause de la iurisdiction des Eglises, inuoquoit les anciēns Roys de France morts, c'est assauoir Charles le Grand, Loys le Debonnaire, & saint Loys, implorant leur aide & secours, les suppliant que puisque durāt leur vie ils auoient par armes vaillamment soustenu les Eglises, & icelles *Les Roys amateurs des Eglises.* aggrandies & enrichies par leur liberalité, maintenant estans participans de la diuinité, ils ne permissent qu'elles fussent ainsi abandonnées, & mal-traictées. Il nomma tous les Roys & grands Princes, qui ayans esté ennemis des Eglises, auoient eu mauuaise fin, & combien *Les ennemis des Eglises.* ceux qui les auoient soustenues, auoient esté & viuans & apres leur mort, honorez, grands, & heureux en race, & en longueur des Empires de leurs maisons. Et qu'au contraire ceux qui auoient tiré la substāce & la gresse des Eglises, & qui les auoient tourmentées, auoient eu vne fin malheureuse. Que la vie commune consistoit toute *Deffence pour l'Eglise.* en l'institution des bonnes meurs, & en la Religion, & qu'il n'y auoit point d'ordre ny de raison, ny de Reli-

gion, de rompre & renuerfer les sainctes Constitutions & priuileges de l'Eglise, qui auoient esté tant sainctemēt instituées, & tant religieusement gardées par tant de siècles, & par les aages de tant de Roys. Et que la maiesté des Roys, & les priuileges des Eglises, auoient esté ordonnez & decernez par les bonnes meurs, & par la deuotion des hommes, & qu'il falloit que toutes ces deux choses durassent. Pour l'heure il ne fut rien resolu. Vne autrefois l'Euesque retournant vers le Roy, le supplia de faire entendre sa volonté aux Ecclesiastiques. Le Roy respondit qu'il y mettroit ordre, mais ceste response ambigue ne contenta l'Euesque, ains en demandavne plus asseurée, & le supplia de ne vouloir par ambigues parolles, permettre que les gens d'Eglise, qui tous les iours prioient Dieu pour luy, s'en allassent mal contents

*Bonne volō
sé du Roy
aux Eglis-
ses.*

& satisfaits. Lors le Roy respondant qu'il auoit plus d'enuie d'accroistre & augmenter les droicts & priuileges des gens d'Eglise, que les diminuer, tous les Ecclesiastiques le remercierent treshumblement, & le surnom-

*Le Roy nō-
mé Catho-
lique.*

merent Catholique. Edvard Roy d'Angleterre ieune Prince, n'auoit encore fait hommage au Roy de son

*Hommage
du Duché
de Guyēne.*

Duché de Guyenne. Adonc il vint à Amiens, là où il luy fist hommage dudit Duché, lequel son pere & ses ancestres auoient fait, & semblablement luy fist hom-

*Hommage
du Cōté de
Ponthieu.*

mage pour le Conté de Ponthieu, que le Roy le Bel auoit donné à sa mere. A Amyens se trouuerēt quatre Roys, assauoir ceux de France, d'Angleterre, de Bohesme, & de Maiorque. Philippes se resolut d'entreprendre vne

guerre Sainte en Asie, & alla en Auignon communiquer son intentiõ au Pape Benoist, & afin qu'en son absence il ny eut aucun remuement en son Royaume, il institua Regent en iceluy, son fils Jean Duc de Normandie, aagé de quatorze ans, & luy fit faire & prester le serment de fidelité par la pluspart des Seigneurs de Frâce. Il pria aussi le Roy d'Anglétterre d'estre de ceste partie, mais les Ambassadeurs que Philippes y enuoya, cognerent bien que l'Anglois auoit enuie de se ruer sur la France, & conseillerent Philippes de ne s'esloigner de son Roÿaume. L'Anglois estant ieune & florissant, & ayant vaincu les Escossois, & pacifié son Estat, auoit les yeux ouuerts sur la France. Il estoit fasché de ce que Philippes luy detenoit en Guyenne quelques places qui auoient esté ostées à son pere, lors qu'il deffendoit le sieur de Mompezat, contre les François, & que lors qu'en la ville d'Amiens il fit son hommage du Duché de Guyène, & qu'il demanda lesdictes places luy estre rendues, le Roy ne les luy voulut rendre. Il estoit conuoiteux de gloire & d'honneur, & ce qui d'auantage enflamma le cœur de ce ieune Prince à la grandeur, fut Robert d'Arthois, lequel ayant au parauant brauement deffendu contre l'Anglois, la loy Salique, & la cause de Philippes, maintenant vouloit renuerser l'une & l'autre par armes estrangeres, quand il voioit ne le pouoir faire avec les siennes. Ce Robert estoit petit fils de Robert Conte d'Arthois, qui fut tué en la bataille de Courtray, & auoit eu vn grand proces contre sa tante Mahault, pour raison

*Le Roy de-
libere une
guerre sain-
te.*

*Mal-satër
du Roy an-
glois-*

*Robert
d'Arthois
aume l'an-
glois contre
la France.*

*Mahault
Contesse
d'Arthois*

*Robert
d'Arthois
faulsaire.*

du Conté d'Arthois qu'il auoit perdu, & iceluy adingé à Mahault, & auoit esté donné audiect Robert, le Conté de Beaumont, qui n'estoit pas grand chose au pris de ce-
luy d'Arthois. Robert auoit esté conuaincu d'auoir faict quelques faulſes lettres. Dequoy Philippes Roy de France luy fist vne aigre reprimande. Luy se voyant accusé de faulſeté, dit que celuy qui vouldroit dire qu'il fust faulsaire, en auroit menty, & le combatteroit. Le Roy voyant qu'il n'estoit pas mesme excepté au dementir ny au combat, conceut vne haine mortelle cōtre luy, & luy

Robert adiourné.

fit donner adiournement personnel, pour respondre sur la faulſeté des lettres. Robert ne comparut point, & bien qu'il eut espousé vne seur de Philippes, si est-ce que pour cela, il ne peult trouuer aucune mercy en luy. Le

Robert déclaré rebel.

Roy le declara rebelle & ennemy de sa couronne. Dont se voyant reduict en telle extremité, se retira en Angleterre, là où il alluma la torche de la guerre, qui cuida brusler ces deux Royaumes, menaſant d'oster par armes à Philippes, le Royaume qu'il luy auoit donné par sa parolle. Plusieurs Princes alliez & voisins des deux Roys faisoient tout ce qu'ils pouuoient, pour empescher la guerre qui commençoit de naistre entre eux deux.

Robert en Angleterre suscite la guerre.

Dauid Roy d'Eſcoſſe.

L'Anglois commença la guerre à Dauid Roy d'Eſcoſſe, amy & allié du François, & print sur luy la ville de Vvaruic. Le François ne voulant permettre, que ses amis & alliez fussent ainsi inquietez, enuoya par mer secours à l'Eſcoſſois. D'autre costé, Charles Conte d'Alançon frere du Roy, alla en Xaintonge, là où il ruina le Chasteau

de Xainctes, & print plusieurs places de l'Anglois. Philip-
 ppes aussi enuoya vne armée de mer sur les costes
 d'Angleterre. Ainsi estoit la guerre declarée & ouuerte *Guerre entre les deux Roys.*
 entre ces deux Roys, chascun desquels renouuelloit ses
 anciennes alliances, intelligences, & amitez, & en faisoit
 d'autres nouvelles, pour en tirer secours. Iean de Luxe-
 bourg Roy de Boheme, fils de Henry de Luxembourg
 Empereur, vint en France avec son fils Charles, qui fut *Mariage de Iean Roy de France.*
 aussi depuis Empereur, & fist le mariage de Iean fils ais-
 né de Philippes, & depuis Roy de France, avec sa fille
 Bone. Les Flamāds estoient à craindre, & d'autant qu'ils
 auoient esté souuent mal traictez par les François, il y au-
 uoit quelque apparēce qu'ils se deussent mettre du par-
 ty de l'Anglois. Toutesfois ils se mirēt du costé de Phi-
 lippes. Les Roys de Nauarre & d'Aragon estoient en
 guerre. Celuy de Nauarre qui aussi estoit Conte d'E-
 ureux, estoit cousin de Philippes, qui les mist d'accord, *Intelligences de Philip-
lippes.*
 & tira secours d'eux. Ainsi ayant Philippes force intelli-
 gences, & grands secours d'elles, & laissant couler & re-
 froidir la premiere ardeur de la guerre Saincte, ne pen-
 sa plus qu'à se deffendre contre l'Anglois, presageant biē
 que l'autre luy donroit beaucoup d'affaires. L'Anglois
 ayant la France dedans la teste, ne vouloit pas s'amuser à
 reprendre ny le Chasteau de Xaintes, ny les petites vil-
 les du paÿs de Xaintonge qui luy auoiēt esté prises, ains *Ambition de l'Anglois,*
 ne bastissant en son esprit rien de petit, n'auoit ses des-
 seins tenduz qu'à la conqueste de la couronne de Frāce,
 laquelle il disoit luy appartenir, disant qu'estāt fils d'une

Droit prétendu par l'Anglois sur la Franche.

filles de Philippes le Bel, il estoit plus habille à y succeder, que Philippes de Valois, fils d'un frere dudit le Bel, & par consequent plus esloigné de ladicte succession, & dudit le Bel, que luy qui en estoit petit fils. Que ledict Philippes de Valois auoit par force & malice enuahi ce Royaume, durant que luy estoit encore ieune & esloigné d'iceluy, & que non contant de cela, il auoit enfrainct le Traicté faict entre eux deux en la ville d'Amiens, & prins sur luy plusieurs places en Xaintonge.

Plaintes de l'Anglois.

Que lors qu'il estoit ieune, il auoit bien peu estre deceu & circonuenu, mais que maintenât qu'il estoit homme expérimenté aux affaires, & aux guerres, il poursuiuroit son droit. Voila ce que de soy mesme & par le conseil de Robert d'Arthois, disoit l'Anglois. Il enuoya deça la mer ses Ambassadeurs, pour practiquer ses amis, & cuida attirer la Flandres de son costé, par le moyen de Jacques d'Arteuelle, homme factieux audict pays. Le Conte

Pratiques de l'Anglois.

de Hainault, & les Ducz de Brabant & de Gueldres se liguerent avec luy. Il passa la mer, & ayant parlé avec Loys de Bauiere Empereur, il fist tant enuers luy, que ledict Empereur qui estoit ennemy de Philippes, declara l'Anglois vicaire de l'Empire en Germanie & en Gaule, afin qu'estant par ceste dignité son pouuoir accru, il peult contraindre les feudataires de l'Empire à se mettre de son party contre Philippes Conte de Valois (car il

Intelligences de l'Anglois.

L'Empereur amy de l'Anglois.

L'Anglois vicaire de l'Empire.

Haine de l'Empereur contre Philippes.

ne l'appelloit iamais Roy de France) lequel, l'Empereur auoit déclaré son ennemy, pour ce qu'il disoit que Philippes luy detenoit la ville de Cambray, & autres qui estoient

estoyent de l'Empire. Adonc l'Anglois accompagné de plusieurs Princes & Seigneurs, & de soixante mille combattans, & Philippes accompagné des Roys d'Escoffe, ^{Les forces des deux Roys.} de Nauarre, & de Boheme, & de six Ducz, & de vingt six Contes, & de cent mille combattans se mirent en Campagne. Robert conseilloit l'Anglois d'entrer dedās la France, du droict & de l'Empire duquel il agissoit, & pour lequel ceste guerre estoit commencée. Il estoit lors ^{L'Anglois en France.} le cueur de l'Esté, quand les deux Roys s'approcherent à quatre mille pas l'un de l'autre, prests à combattre, mais ils ne combattirent point, & tirans ceste guerre en lōgueur, la plus part des Allemans, laisserent l'Anglois, qui repassa en Angleterre pour recouurer argent. Ce pendant Philippes tira de son costé l'Empereur, qui ^{L'Empereur fait amy de Philippes.} osta le tiltre de Vicair de l'Empire à l'Anglois, d'autant qu'il ne luy auoit pas donné l'argent qu'il luy auoit promis. Le Roy d'Escoffe aussi s'en retourna en son Royaume, le Roy de Nauarre s'en alla en Espagne contre les Sarrafins, & le Roy de Boheme demeura en France. Sur ce point, commença la guerre de Bretaigne entre Jean ^{La guerre de Bretaigne.} de Montfort & Charles de Bloys, pour la successiō du dict Duché. Charles de Bloys fils d'une seur de Philippes, luy demandoit secours comme à son Seigneur souverain, confessant le Duché de Bretaigne tenir en hom- ^{Charles de Bloys. Le Duché de Bretaigne vassal de ceste couronne.} mage de la couronne de France. Ceste cause fut debat- ^{Jean de Montfort seigneur du Duché de Bretaigne.} tuē au Parlement tenu pres la personne du Roy y pres- dant, accompagné des Pairs de France, & fut adiugé le dict Duché à Charles de Bloys, mais Jean de Montfort

ne voulant aquiescer à ce iugement, s'en alla en Angleterre, là où il fist hommage du Duché de Bretagne au Roy Anglois. Estât de retour en Bretagne, le Roy Philippes luy fist donner adiournemēt personnel. Il comparut quinze iours deuant l'assignation, & estoit accusé de crime de leze maiesté, de ce qu'il auoit faict hommage de son Duché au Roy d'Angleterre, mais il nia l'auoir faict, & voyant les affaires mal baster pour luy, la nuit deuant le iour de l'assignation, il se desrobba de Paris. Incontinent le Roy enuoya son fils aîné Iean Duc de Normâdie, & despuis Roy, en Bretagne pour executer avec les armes, l'Arrest de l'adiudication donné en faueur de Charles de Blois. Iean de Montfort fit venir le secours d'Angleterre souz la cōduicte de Robert d'Arthois, qui au siege de Vannes fust blessé, dont il mourut peu de temps apres en Angleterre. Lors le Roy Edvard delibera de conduire luy mesme en personne, la guerre de Bretagne. Il passa dōc la mer & vint assieger Vannes, puis alla à Dinan qu'il prit. Le Pape fit trefues pour trois ans entre ces deux Roys de France & d'Angleterre, durant le temps desquelles estant la France paisible, le Roy s'amusa à faire le proces à certaines personnes attaintes de crime de leze maiesté. Geoffroy frere du Conte de Harcourt, estant accusé dudiect crime, & ne voulant comparoistre, se retira en Angleterre, là où apres Robert il fut la seconde flammesche de la guerre contre la France. En son absence il fut attainct & conuaincu de ce crime, & condamné par contumace. Baccon & Persé

*Montfort
adiourné.*

*Grande
guerre en
Bretagne.
Mort de
Robert
d'Arthois*

*L'Angl. is.
en Breta-
gne.*

*Le proces
faict aux
rebelles.*

*Geoffroy de
Harcourt
rebel.*

partisans des Anglois, furent puniz corporellement. L'Anglois voyant ses partisans & intelligens si mal traitez, ne voulut laisser ceux qui resteroient sans secours, & estant animé par Geoffroy de Harcourt enuoya des forces en Guyenne, pour remuer mesnage. Voyla la *Guerre en Guyenne.* L'Anglois accompagné de son petit fils Edvard, & de toute la fleur de la Noblesse Angloise & Yrlandoise passa en Normandie, *Guerre en Normandie.* la plus grande partie de laquelle il print, & fit vn grand butin qu'il enuoya en Angleterre. Philippes enuoya dire à l'Anglois s'il vouloit pas venir au combat. L'autre *Deffy du combat à l'Anglois.* luy manda qu'il y desiroit venir, mais qu'il vouloit que ce fust deuant Paris, afin qu'elle fust tesmoing & spectatrice d'iceluy, & de sa valeur. Philippes auoit assemblé les forces de son Royaume, & les estrangeres. Jean de Luxembourg Roy de Boheme, & Charles son fils esleu Empereur par la priuation de Loys de Bauiere, estoient avec luy, & aussi Raoul Duc de Lorraine, les Contes de *Partisans & forces de Philippes.* Sauoye, de Flandres, & d'Alencon son frere, ceux de Blois, de Sancerre, de Beaumont, de Harcourt, & Jean de Hainault luy menerēt des forces. Les voila tous deux au Conté de Ponthieu, là où fut donnée la bataille pres du village de Crecy. L'Anglois fut vainqueur, & le François vaincu. Philippes se sauua dedans la forteresse de Broye. *La bataille de Crecy.* Ce fut la plus cruelle bataille, & la plus dommageable aux François qu'autre que parauant ils eussent donnée. Apres ceste grande victoire, l'Anglois alla assieger Calais, & apres auoir demeuré vnze mois deuant, la *prise de Calais.*

*Imbert
d'Auphin
de Viennois.*

print. Comme ces choses se passoiēt, Imbert ou Hūbert Dauphin de Viēnois attristé de la mort de son fils unique, delibera de quitter le mōde, de se renfermer dedās vn Couuēt de Iacobins, & de vendre son Estat à biē petit pris au Pape. La Noblesse de son pays aimant mieulx estre subiecte aux Roys qu'aux Papes, le persuada de le vendre au Roy de France. Philippes adonc l'acheta & ordonna que dorefnauant les fils aisnez des Roys heritiers presumptifs de la couronne, s'appelleroient Dauphins. Peu à pres mourut Philippes à Nogēt le Roy, l'an

*Le Dauphin
né vendu
au Roy Phi-
lippes.*

*Mort de
Philippes.*

1350. L'Estat de ce Royaume durant son regne endura plusieurs grandes guerres, pour le soustenement desquelles il se trouua chargé de tant d'affaires, qu'il fut cōtrainct de mettre sus son peuple plusieurs grandes exactions & impositions, & entre autre la gabelle du sel. Il chassa & bannit de France tous les Lombards, Italiens, Changeurs, Banquiers, & vsuriers pour les grandes & excessiues vsures qu'ils exerçoient, estant par la grande euacuation qu'ils faisoient des fināces, le Royaume fort

*Impositions
en France.*

*Vsuriers
chassés de
France.*

*Proces con-
tre les vsu-
riers.*

*Les mon-
noyes de
France
mauuaises
Cherté de
bleds.
Ordonnan-
ces de Phi-
lippes.*

appoury. A ceste occasion par proces faict contre eux, fut ordonné que quiconque seroit tenu enuers eux en aucunes vsures, en baillant au Roy le sort principal, ne paieroit rien des arrerages. De son temps la monnoye de France empira tellemēt, que le denier en valloit cinq, & y eut en plusieurs endroiets de ce Royaume, telle cherté de bleds que les vsuriers faisoient que plusieurs seditions s'esmeurent. Il fist plusieurs belles ordonnances sur le faict de la iustice, mais durant son regne, elles

ne peurent estre obseruées, à cause des cōtinuelles guerres qu'il eut contre les Flamands & Anglois, qui ouurirent la porte à la licence, & ne laisserent entrer la iustice en ce Royaume: de sorte qu'il le laissa fort embrouillé à son fils Iean.

Iean estant Roy, fit avec l'Anglois trefues pour deux ans. Deuant qu'elles expirassent les Anglois corrompirent par argent le gouuerneur de la forteresse de Guy-nes, au Conté d'Oye, & la mirent en leur puissance: & comme Iean se plaignoit de cest acte, ils responderent que la Religion des trefues, n'estoit point violée par l'achapt des choses, tesmoing (disoient ils) que les François, de leur costé durant lesdictes trefues en auoient voulu faire autant de la ville de Calais. Incontinent s'esmeurent de grandes querelles à la Court. Charles Roy de Nauarre & Conte d'Eureux, fils de la fille de Loys Hutin, & gendre du Roy Iean, & Charles d'Espaigne Connestable de France, entrerent en picques, & en ialousie, tāt pour le gouuernemēt des affaires, que pour le Conté d'Angoumois, que le Roy de Nauarre pretendoit, & que le Connestable disoit luy auoir esté donné par le Roy. Or le Nauarrois outre cela, demādoit les Cōtēs de Champaigne & de Brie, qu'il disoit luy appartenir par le mesme droit qu'il tenoit la Nauarre, d'autāt que Ieanne son ayeulle estoit & Royne de Nauarre, & Connestesse de Chāpaigne & de Brie. Pour estaindre ceste querelle, le Roy luy donna les villes de Meulan & de Mante sur Seine. Mais non content de cela, il tourna toute

Iean Roy de France.

Cantelense respōce sur les trefues.

Charles Roy de Nauarre.

Charles d'Espaigne Connestable Querelles & demādes du Roy de Nauarre.

Mante & Meulan données au Nauarrois.

*Le Conne-
stable tué.*

sa haine contre le Connestable, aymé & fauori du Roy, disant que sans luy on luy eut rendu lesdicts Contez de Champagne & de Brie, & le fit tuer au Bourg de l'Aigle en Normandie. Le Roy trouua cest acte trop meschant, & luy sembla que par la mort dudiect Connestable, la maiesté des Roys de France estoit par trop offensée. Adiournement personnel estant donné au Roy de Nauarre, il ne comparut point, & ne voulut comparoi-

*Malice &
arrogance
du Nauar-
ron.*

stre, qu'on ne luy eust donné pour ostage, Loys Conte d'Anjou second fils du Roy, lequel il enuoya à Eureux, en la garde de son frere. Il vint à Paris, là où en la presence du Roy il debattit son faict, soustenant auoir bien &

*Iustificatiō
du Nauar-
ron.*

iustement tué le Connestable. Mais il fut cogneu par le Roy & par les iuges, qu'il l'auoit tué meschamment, & sans la crainte de l'ostage qu'il auoit, on l'eust bien rigoureusement puny. Ce respect modera pour l'heure le mal talent du Roy, & la punition. Iaqués frere du Duc de

*Iaqués de
Bourbon
Connestable*

Bourbon, estant créé Connestable, luy mist la main sur le collet, & le fit prédre par ses Archiers. Cela estoit faict à poste, car incontinent trois Roynes, Ieanne tante du

*Intercessiō
de Roynes
pour le Roy
de Nauarre*

Roy de Nauarre, qui auoit esté femme de Charles le Bel, Ieanne fille du Roy Iean, & femme dudiect Roy de Nauarre, & Blanche seur dudiect Roy, & marastre du Roy Iean, vindrent se mettre à genoux deuant le Roy, & le supplier de luy pardonner. Le Roy luy pardōna, mais luy qui estoit mauuais garçon, ne se fiât pas fort en cela,

*L'Anglois
en France.*

pratiqua secrettement l'Anglois pour venir en France. L'Anglois commença la guerre en plusieurs endroicts

de la France, pour laquelle ſouſtenir, le Roy fit aſſembler à Paris les trois Eſtats, auxquels il demanda grande ſomme d'argent. Mais le Nauarrois homme factieux & ſeditieux, les ſollicitoit ſecretement, de ne donner rien au Roy, & publiquement diſoit, qu'il n'eſtoit raiſonnable de leur demander argent, & que c'eſtoit tyrannifier le peuple. Neantmoins leſdicts Eſtats voyans la neceſſité du Roy, luy accorderent la ſolde de trente mil hommes de guerre. Le Roy irrité des mauuais tours de ſon gendre, ne dit mot pour l'heure, ains retira ſeulement ſon fils Loys, qui eſtoit en oſtage, & ayant donné le Duché de Normandie à ſon fils Charles, depuis Roy, il l'enuoya audiſt païs pour le viſiter. Les Seigneurs Normands le vindrent trouuer à Rouen, entre leſquels fut lediſt Roy de Nauarre Conte d'Eureux, qui y eſtoit venu pour remuer meſnage. Le Roy aduertý de cecy alla ſoudainement à Rouen, là où trouuant à table avec ſon fils, lediſt Roy de Nauarre, & le Conte de Harcourt, il les fiſt prendre & conſtituer priſonniers. Harcourt fut decapité, & le Roy de Nauarre mené priſonnier à Paris, & le Roy ſe faiſit de leurs terres & Seigneuries, qui eſtoient en Normandie. Lors la Normandie ſeſleua en eſperáce de nouuelles choſes, & le Duc de Gloceſtre y entra avec grandes forces, auquel ſe ioignirent Philippes frere du Nauarrois, & Geoffroy oncle paternel du Conte de Harcourt pour ſe venger de l'iniure faiſte aux leurs. Eux liez & ioinſts enſemble, mettent à feu & à ſang les lieux où ils entrent. Mais le Roy allant à l'encontre d'eux, les fiſt:

*Les trois
Eſtats con-
uoqués.*

*Factiõs du
Nauarrois.*

*Oſtroy des
3. Eſtats.*

*Charles
Duc de
Normandie.*

*Le Nauar-
rois priſon-
nier.*

*Harcourt
decapité.*

*Guerre en
Normandie.*

Le Prince de Galles en Guyenne. reculler. D'autre costé Edvvard Prince de Galles fils du Roy Anglois, partant de Bourdeaux avec grosse troupe de braues & vaillans Gascons, nation belliqueuse, entra en Poictou & en Berry. Le Roy Iean laissant la Normandie bien garnie de garnisons, alla trouuer le Prince en Poictou. Le Cardinal de Perigort, Legat du Pape, vint vers les deux Princes, pour moyenner la paix. Dequoy le Prince de Galles fut bien aise, pour ce qu'il estoit bien foible au pris de Iean. Mais Iean mist en auant des conditions si rigoureuses, que le Prince ne les voulut accepter, dont le Cardinal se retira, & le Prince conuertissant sa crainte en fureur, delibera de combattre le Roy, & fit vne si belle harangue à son armée, que bien qu'elle fust moindre que celle du Roy, si est-ce qu'elle print vn grand courage, & vne grand ardeur de venir au combat. Le Roy estoit accompagné de Charles son fils aisné Duc de Normãdie, & Daulphin de Viennois qui fut despuis Roy, & de Philippes son dernier fils, qui fut despuis Duc de Bourgongne. La bataille fut donnée pres de Poictiers, là où Iean fut prins, & avec luy son fils Philippes, les François deffaicts, cinq mille d'eux tuez, & mille cinq cens Gentilshommes menez prisonniers. Le Daulphin se sauua. La prinse du Roy, & les pleurs, plaintes, & comptes des fuyards, remplirent la France d'un grand dueil.

Calamité de la France Il est aisé à croire combien elle fut estonnée, & Iean fut mené à Bordeaux, & de là en Angleterre. Ce pendant le Daulphin faisoit tous offices pitoyables, & sages pour racheter son pere, dont il aquisit despuis le nom de Sage.

Il assembla

Il assembla à Paris les trois Estats, pour leur demander *Les 3. Estats*
 aduis & argent. Cinquante d'entre eux furent premiere- *consequet*
 ment esleuz, qui se retirerent au Conuēt des Cordeliers,
 là où ils parlerent du moyen qu'il y auroit de trouuer
 argent, puis des autres affaires du Royaume. Et se deffias
 du ieune aage du Daulphin, demandoient qu'il iurast *Requeste*
 entre leurs mains, qu'il ne reuellerait aucune chose de *des trois*
 ce qu'ils luy diroient. Mais luy disant que sa qualite *Estats.*
 ne permettoit pas qu'il se peust alstraindre à aucun ser-
 ment, dit qu'il ne iureroit poinct, & leur commanda de
 luy dire librement leur intention. Ils luy nommerēt cer-
 tains Seigneurs de la Court, lesquels ils accusoient d'a-
 uoir desrobbé les finances du Roy, & de s'estre enrichiz *Remonstrā*
 par tels larcins: & le supplierent de leur faire faire leur *ces des trois*
 proces, & les faire condamner à grosses amandes, l'asseu- *Estats.*
 rans que de là, il pourroit tirer assez d'argent pour sub-
 uenir aux affaires. Qu'il falloit mettre dehors de prison,
 le Roy de Navarre, & outre tout cela que l'Eglise, la
 Noblesse, & le Peuple, chascun endroict soy, esleut six
 hommes qui seroient dixhuiet, par le conseil desquels
 ledict Daulphin seroit gouuerné en sa ieunesse. Ces pa- *Crainte du*
 rolles semblerent au ieune Prince, n'estre pas pour don- *Daulphin.*
 ner secours, ains pour donner la loy, & commander: &
 donner aux seditieux & factieux vn puissant & auda-
 cieux Chef. Mais il n'estoit pas temps de contester, ains
 falloit conuiuer & chaler la voile, seulement il separa
 doucement ces cinquante hommes, leur commandant *Sagesse du*
 de se trouuer à certain iour vers luy, pour estre respoñdu *Daulphin.*

à ce qu'ils auoient mis en auât. Mais le iour venu, il s'excusa de ne pouuoir vacquer à les ouyr, & à leur respondre, faignant d'auoir reçu de son pere, qui estoit prisonnier en Angleterre, des lettres concernant certains affaires, ausquels il falloit respondre sur le champ, sans les

*Illes bien
aduisez du
Daulphin.*

pouuoir mettre en longueur. Et puis les remettant de iour à autre, ceste proposition si ardemment mise en auât, se refroidit, & ces cinquante hommes se faschans d'attendre si long temps sans leur estre respondu, & s'ennuyans d'estre esloignez de leurs maisons, se separerent, & s'en retournerent, & lors on vit bien que le peuple se voyant

*Le peuple
sans Roy
subiect à
s'esleuer.*

*Plaintes
pour les mo
nyes.*

*Le Nauarrois
hors de
prison.*

sans Roy, estoit disposé à receuoir toutes impressions, & seditions. Les Parisiens commencerent de faire les fols, & se plainquirent au Daulphin, de ce que les monnoyes n'estoient pas de leur iuste pris & valeur, & qu'il y auoit sur icelles vne grande perte, quand on venoit à acheter de la marchandise. Le Roy de Nauarre tiré de prison, par ces partisans, commença de brouiller les cartes, & l'Anglois le soustenoit. Il fit trefues pour deux

*Trefues en
tre l'Anglois & le
Francois.*

ans, avec le François, à la charge qu'il pourroit, durant icelles, donner secours au Nauarrois, & combattre en Bretagne contre le party de Charles de Blois. Il ny eut que Dieu qui garda lors la France. Le Roy de Nauarre qui en prison n'auoit perdu le cuer, ains l'auoit d'auantage irrité, fit à Paris publiquement vne harangue au

*Harangue
du Nauarrois
à Paris*

peuple, par laquelle il se plaignit des indignitez, torts, & iniures, qu'il auoit receues, & avec ses parolles, alla si auant, qu'il ne craignit pas de dire que la couronne de

Frâce luy appartenoit, & que par droiçt naturel il estoit plus habille à succeder à icelle, que certains autres, qui fondez sur vn droiçt ambigu combattoient pour elle. Il ny eut pas vn si sourd qui n'entendist bien où il tendoit, & qu'il vouloit dire, que Ieanne sa mere fille de Loys Hutin, estoit plus prochaine à succeder q̃ Ysabel fille de Philippes le Bel, & mere d'Edvvard. Et si lors que Charles le Bel mourut, le Roy de Nauarre eust esté en aage pour debattre ce droiçt, (mais il estoit lors enfant) il n'eust pas failly de se mettre en ieu, & de s'opposer au droiçt pretendu par Philippes de Valois, & par le Roy d'Angleterre. Or Edvvard voyant à quoy tendoit le Nauarrois, ne luy enuoya pas grand secours, afin que ceste guerre cōme vne fleur lente, peu à peu cōsumast ce qui restoit d'esperāce aux François, & qu'il peult plus facilement donner au Roy Iean, & à son fils, telles conditions que bon luy sembleroit. Il vouloit que Iean cōfessast, & fist confesser à ses subieçts, le Royaume de Frā-
Ruse de l'Anglois.
Condition de l'Anglois sur la France.
Resolution du Roy Iean.
Belle responce de Iean.
 ce tenir & mouuoir en souueraineté de la couronne d'Angleterre, & qu'il luy donnast vne certaine grosse somme qu'il demandoit. Iean ne refusoit pas l'argent, mais quant au droiçt du Royaume, il disoit qu'il le vouloit laisser tel à ses enfā, qu'il l'auoit eu de son pere, & de ses ancestres, & que pour menasse, ou peine, ou mauuais traictement, il ne voudroit desister ce ceste sienne intention. Disant en oultre qu'il n'estimoit pas tant la vie, ny de luy ny de son fils, ny de certains Seigneurs qui estoient avec luy, & qui estoiet tous mortels, qu'il faisoit

*Cupidité
de l'An-
glois.
Vigilance
du Daul-
phin.*

la dignité & la grandeur de la France. Ceste cupidité & ambition de l'Anglois r'apportée aux trois Estats de France, mit chascun en fureur, & en desespoir. Le Daulphin laissant Paris, alloit deçà & delà par toutes les villes, requerir leur support, au secours des affaires de la Frâce, & de son pere. Il fit en l'édroict de chascun en particulier, ce qu'il n'auoit peu faire avec toutes ensemble.

*Fiabilité de
ceux du
Languedoc*

Ceux de Languedoc, à la persuation du Côte d'Armaignac, (sans attendre les prieres du Daulphin) emploierēt toutes les bagues de leurs femmes, & tous leurs ioyaux,

*Ordonnan-
ce sur les
habillemēs*

& vaisselles d'argent. Ils firent aussi vne Ordonnance sur le retranchement des habits, bagues & ioyaux de leurs femmes, & sur leur despence ordinaire, & promirent de soudoyer huiēt mille hommes, iusques à ce que le Roy fust de retour. Les Champenois firent le mesme. Mais comme plusieurs autres nations de ce Royaume, estoient

*Malice des
Parisiens.*

en volonté d'en faire autāt, les Parisiens empescherent le cours de la prosperité des affaires de ce Royaume, à la

*Raisons du
Roy de Na-
uarre.*

suscitation & par la pratique du Roy de Nauarre, qui brouilloit tout, & qui les suscitoit à ne donner secours à leur Prince. Il pouuoit beaucoup enuers eux, car il n'e-

*Parties du
Roy de Na-
uarre.*

stoit pas seulemēt grand Prince, mais aussi docte & eloquent, abusant toutesfois de sa doctrine & de son eloquence, & estoit d'auantage grand, par la faueur du peuple: & par sa contradiction, la maiesté & grandeur du Daulphin estoit biē basse & petite. Plusieurs assemblées

*Assemblées
à Paris.*

furent faictes à saint Iacques de la Boucherie, & autres lieux, & sans rien faire, chascun sē retourna en sa maison.

Plusieurs meurtres furent faicts à Paris, & ceux qui se sauuerent aux Temples, comme à vn saint refuge, en furent tirez, & miserablement tuez. Le Daulphin s'en estoit fuy de Paris, & s'en estoit allé vers l'Empereur Charles quatriesme son oncle en Germanie. Estant de retour à Paris à la priere des Parisiens, il fut en danger de sa personne, car en sa presence, plusieurs Seigneurs furent tuez. Estienne Marcel Preuost des Marchs, ietta son chape-
 rô party de Bleu & de Rouge, sur la teste du Daulphin, afin que personne ne luy courust sus. Dequoy Marcel deuint si orgueilleux, qu'il escriuit aux autres villes, que elles eussent à se ioindre avec les Parisiens, & qu'elles portassent les couleurs du Daulphin. Les factiōs & pratiques du Roy de Nauarre estoient grandes & fortes en Normandie & ailleurs, tant pour la faueur que les Normands luy prestoient, que pour le secours d'Angleterre, & qui plus est, pour dix mille bons soldats Nauarrois qu'il auoit mis aux villes plus prochaines de Paris, qu'il auoit en sa puissance. Et afin que rien ne deffaillit au miserable Estat de la France pour la tourmenter, presque tout le peuple de France s'estoit separé de la Noblesse, & irrité contre elle, se plaignant que par l'insolence des Gentilshōmes, tout le Royaume estoit perdu, & qu'ils tenoient le menu peuple comme esclau. En Beauuoisin la populace des champs se reuolta contre les villes. Deuant que ce mal allast plus auant, le Daulphin ietta les couleurs des Parisiens, & abandonnant la ville de Paris, assembla le plus de Noblesse qu'il peut. Pres de

seditions & meurtres à Paris.

Le Daulphin v. en Allemagne.

Le Daulphin en dauger. Estienne Marcel.

Les moyens du Nauarrois.

Miserable Estat de la France.

Plainte du peuple contre les Nobles.

Reuolte du peuple en Beauuoisin.

Troubles à Paris.

*Les rebelles
deffaicts.* Beauuais, trois mil hommes de ces païsans furent deffaicts, & pres de Meaux en fut tué encore d'auantage par le Daulphin. Ces deffaictes estonnerent le menu peuple, de telle façon qu'il retourna au labourage, sans vouloir plus se messer de la guerre, & les autres villes se faschās, que les Parisiens leur vouloient cōmander par le moyē & autorité de Marcel, se mirēt du party du Daulphin, desquelles il fit trente mille combattans, & s'emparant des riuieres de Marne, & de Seine, tenoit la ville de Paris en subiection. Le Roy de Nauarre appellé par les Parisiens, mena ses forces à sainct Denys. Mais dés qu'il vint à parlementer avec le Daulphin, il commença d'estre suspect aux Parisiēs, ce que le Daulphin fit tout à esciēt pour le mettre en desiance enuers eux. Les Parisiens cōmencerent aussi à se deffier de Marcel, & n'auoient plus esperance ny en eux ny en leurs combats, se faschans sur tout du Roy de Nauarre, quand ils virent qu'il ne vouloit en tout suiure leur fūeur, selon le naturel du peuple volage, qui se fasche incontinent d'un homme, si en toutes choses il ne sert à ses passions. Ceux qui n'estoient poinct de la faction du Roy de Nauarre, ny de Marcel, commencerent de leuer hault le cueur, & de nuit à la porte sainct Anthoine, tuerent ledict Marcel, qui leur auoit refusées les clefs qu'ils luy demandoient. Ouurans les portes, ils mirent le Daulphin dedans la ville. Deux Chefs des seditions & des seditieux furent penduz, & le peuple estant mandé de venir à vne harangue que le Daulphin luy fit, fut aigrement tancé & defarmé. Il re-

*Le Nauarrois Chef
des Parisiens.*

*Le Nauarrois suspect
aux Parisiens.*

*Naturel
du peuple.*

Marcel tué

Le Daulphin à Paris.

*Seditieux
penduz.*

estoit vne guerre contre le Roy de Nauarre , qui au des-
 souz de la riuere de Seine, auoit Mante , & au dessus a-
 uoit prins de sa seur Blanche vefue du Roy Philippes
 de Valois, la ville de Meleun , qui luy auoit esté donnée
 en douaire. L'année ensuiuante, estant le terme des tref-
 ues expiré, l'Anglois voyant que bien que les François
 eussent esté vaincuz en vne grande bataille , ils ne pou-
 uoient toutesfois estre rompuz & ruinez par la guerre,
 & que la France ne pouuoit estre abbatue par ses maux
 intestins & domestiques, il repassa de deça, & vint assie-
 ger la ville de Rheims. Il branquetta des Bourguignós,
 cent mille escus d'or, pour ne brusler leur plat paÿs, puis
 vint à Gentilly aux Faulxbourgs de Paris, là où il se pre-
 senta pour donner la bataille , mais les François ne vou-
 lurent rien hazarder, ayman mieux que le plat paÿs fut
 bruslé, que se mettre à vn second hazard de la perte d'v-
 ne bataille. Ce pendant l'Anglois met tout à feu & à
 sang, estant deliberé & resolu de brusler toute la Frâce,
 & de la rendre deserte & inhabitée , ou de la conquerir.
 Ayant bruslé le paÿs de la France , aux enuirós de Paris,
 & estant venu sur le paÿs Chartrain, là où il en faisoit
 autant, le Duc de Glocestre, luy conseilla d'abandonner
 l'entreprise de la guerre de France, luy remonstrant qu'il
 pouuoit bien laisser aux François leur paÿs desert & in-
 habité, mais que leurs enfans succedàs aux peres, & croif-
 sans à mesure que leurs peres declineroient , & mour-
 royēt, & estans indomptables & inuincibles par la lon-
 gue accoustumance de la guerre, le tiendroient toute sa

*Guerre cō-
tre le Roy
de Nauar-
re.*

*Misères de
la France.*

*L'Anglois
en France.*

*L'Anglois
pres de Pa-
ris.*

*Rage de
l'Anglois.*

*Sage cōseil
du Duc de
Glocestre.*

vie en France, sans qu'il y sceut rien gagner. La persua-
 sion du Duc eut telle force en l'endroiect du Roy An-
 glois, que deslors, il presta l'oreille à la paix. Adonc les
 L'Anglois
 entend à la
 paix.
 Traicté de
 Bretigny.

deputez des deux Roys, s'assemblerent à Bretigny pres
 de Chartres, là où fut faict vn Traicté de paix, par lequel
 il fut dict que le Côté de Ponthieu demeureroit à l'An-
 glois, d'autât que c'estoit le dot de sa mere. Que le Trait-
 té de paix faict entre le Roy saint Loys, & le Roy Hen-
 ry d'Angleterre, demeureroit, c'est assavoir que les deux
 Edvvards pere & fils quitteroient au Roy de France,
 tout ce qu'ils pourroient pretendre sur les Côtez d'An-
 jou, de Touraine, & au Maine, & au Duché de Normā-
 dic. Que la Guyenne seroit rendue aux Anglois, en la-
 quelle seroient comprins les pays de Gascogne, de Poi-
 ctou, de Xaintonge, de Perigort, de Lymosin, de Quer-
 cy, d'Angoumois, & de Rouergue. Que le Roy de Frā-
 ce les leur donroit avec toutes leurs appartenances, &
 deppendances, sans en rien oster, diminuer, ny demollir
 aucune chose. Que ledict Roy dans certain iour qui ne
 passoit pas vn an, quitteroit la souueraineté de Guyēne,
 & que luy, le Daulphin son fils, & tous les Princes du
 sang, s'obligeroient par serment, à tenir & ratifier toutes
 ces choses. Que pareillement le Roy d'Angleterre iure-
 roit & par sermēt promettroit de quitter tout droict par
 luy pretendu sur la couronne de France. Que le Roy
 Jean donroit aux deux Edvvards pere & fils, la somme
 de trois cens mille escuz. Que les armées d'une part &
 d'autre vuideroiēt la France, & que les garnisons seroiēt
 ostées

ostées des places. Que ce pendant pour l'assurance de toutes ces choses, le Roy donroit pour ostages, les Ducs d'Anjou & de Berry ses fils, & les Ducs de Bourbon, & d'Alençon. Ce Traitté estant faict, & les ostages dōnés, le Roy Iean quatre ans apres qu'il eut esté mené prisonnier en Angleterre, reuint en France. Les villes qui par le Traitté de paix faict à Bretigny, deuoient estre rendues à l'Anglois, refusoient de se rendre à eux, & le Roy Iean eut bien à faire à les faire rēdre. La malice du tēps estoit telle qu'il estoit bien mal-aisé de les faire obeÿr. Les garnisons qui sortoient des villes, tenans les champs, faisoient autāt ou plus de mal que la guerre en auoit faict, car elles acheuoient de manger & de ruiner, ce que la guerre auoit laissé. Ainsi estoit la France miserable en guerre & en paix. Iean estant de retour en France, alla visiter le Pape, avec lequel il se resolut de faire le voyage de l'Asie contre les infidelles. Ce qu'il auoit enuie de faire, pour purger la France de tant de soldats insolens, qui mesmes en temps de paix ne se pouuoient contenir de faire mal, & de tenir les champs. Ce pendant mourut Philippes Duc de Bourgongne, & par sa mort ledict Duché vint au Roy Iean, pour ce que sa mere Ieanne estoit tante & vraye heritiere dudit Duc. Mais Iean deuant qu'entreprendre le voyage de la terre Saincte, delibera de retourner en Angleterre, pour mettre ordre à ce qui auoit esté arresté au Traitté de Bretigny, & à plusieurs autres affaires, suiuant la promesse qu'il auoit faicte d'y retourner. Il estoit prisonnier du Conte de Salis-

Le Roy Iean reuint en France.

Calamité de ce temps là.

Miseres de la France.

Le Roy delibera d'aller en Asie

Le Duché de Bourgogne reuint au Roy.

Le cueur genereux d'un Roy.

*Force de
l'amour.*

*Mort du
Roy Iean.*

*Le cueur
generateux
d'un Roy.*

*L'ordre de
l'estoile.*

*L'ordre de
la lartiere.*

*L'ordre don-
né pour
marque de
valeur.*

beri, aux faulxbourgs de Lódres en l'hostel de Sauoye, là ou la femme dudiect Côte le traittoit & visitoit souuent, & ce Roy oubliant toute ses calamitez & miseres, & vaincu de la beauté de la Contesse, s'enamoura d'elle, & à son partement d'Angleterre, luy promit de retourner la voir, quelque Traitté de paix qui fut faict entre luy & les Anglois. Ce qui est cause qu'on dit qu'il ne retourna pas en Angleterre, tant pour zeile du bien public de son Royaume, que pour la particuliere affection qu'il portoit à ceste Dame. Et y estant de retour, il mourut audiect hostel de Sauoye, l'an 1364. & fut son corps apporté en Frâce en l'Eglise saint Denys. Voyla quel à esté l'Estat de la France, durant le regne de ce Roy, estat vrayement miserable, & Roy trop cognu par ses calamitez & fortunes aduerses. Il fut d'un cueur si noble & genereux, & tant esloigné de dissimulation, qu'il ne monstra iamais à homme, aucun signe d'amour, de semblant, ou de parolles, qu'il ne l'aimast. Ce qui est vne vertu trop heroique à vn Prince. Il institua l'ordre de l'Etoile, autrement dit de la vierge Marie, en la noble & ancienne maison de saint Ouen lez Paris, autrement nommé l'hostel de Clichy. Les Cheualiers de cest ordre portoient vne estoile en leur chaperon, ou au chapeau, ou en vn autre lieu de la robbe, qu'on pouuoit facilement voir, & à son imitatiõ le Roy d'Angleterre fit l'ordre de la lartiere. Iean fit cest ordre pour honorer les grands, excellents, & vaillans personages, & pour leur donner par sus les autres. vne marque de leur valeur,

mais chascun s'estimant estre tel, & digne de cest honneur, il se vit tant importuné de le donner, qu'on ne voyoit plus à la court autre chose, que Cheualiers de l'ordre. Dequoy luy mesme qui en auoit esté l'inuëteur, *Corruption de l'ordre.* se trouua fort scādalisé, voyant auoir exposé à l'ābition, ce qu'il auoit destiné au merite. Dont pour le faire hair d'un chascun, il fit vne Ordonnance, par laquelle il ordonna que de là en auant les Sergens de Paris, autres dis-
sent les Archiers du Guet, porteroient sur le hault de l'estomach, & derriere sur le doz, vne estoille, pour estre *L'Estoille donnée aux Sergens & Archiers du Guet.* par ceste marque recogneuz pour Sergens. Ce qui fut cause que tous les Gētils-hommes qui portoient l'estoille pour marque d'honneur & de vertu, la laisserent.

Au regne defaistré de Jean, succeda le regne sage de Charles son fils cinquième du nom, & surnommé le Sage, lequel apres auoir faict honorablement enterrer son pere en l'Eglise de saint Denys, & prins son Sacre en la ville de Rheims, se retira à Paris, là où il demeura pres que tout le temps qu'il regna, faisant ses guerres par ses freres, & par ses Capitaines, & Lieutenans generaux, & *sage & diligence du sage.* sadonnant plus aux affaires qu'aux armes, de son cabinet depeschoit tous les affaires, & combattoit ses ennemis. Bertrand du Guesclin Breton, braue Cheualier, *Bertrand du Guesclin.* print sur le Roy de Nauarre, les villes de Mante & de Meulan, & le deffit en vne petite bataille qu'il luy donna. Le Roy enuoya aussi secours en Bretagne, à Charles de Blois. Ce qu'il pouuoit faire sans enfreindre aucunement le Traitté de Bretigny, d'autant que par iceluy il

Secours en Bretagne.

*La France
pleine de
vagabonds*

*Bataille
d'Aurex
entre Char
les de Blois
& les fils
de Jean de
Monfort.
Hommage
du Duché
de Bretai
gne au Roy.*

*Guerre en
Espagne
sous la
charge de
du Gues
clin.*

*La Royne
de Castille
empoison
née.
Le bastard
de Castille
en France.*

n'estoit aucunement parlé de la guerre de Bretagne, qui estoit entre ledict Charles, & le fils de Jean de Môtfort. Et aussi la France estoit si pleine de vagabonds, que le Roy estoit bien aise de la purger de telle vermine de gens. Mais Pierre de Lusignan Roy de Chypre, venant nouvellement de l'Asie, sollicitoit le Roy & la France, d'entreprendre vne guerre Saincte, suiuant la resolution que le feu Roy Jean en auoit prinse. Toutesfois Charles ayma mieux enuoyer les gens en Bretagne, qu'en Asie. La bataille estant donnée pres de Vannes au village d'Aurex, entre le Duc Jean de Bretagne, fils de Jean de Môtfort, & Charles de Blois, ledict Charles fut tué, & apres sa mort, fut faict vn Traitté entre ledit Duc & les enfans dudit Charles, par lequel leur fut donné le Conté de Penthieure avec autres terres. Jean Duc de Bretagne fit hommage de son Duché au Roy Charles. Or estant ceste guerre finie, il falloit encor chercher vne nouvelle guerre, pour y enuoyer ceux qui ne pouuoient viure en paix dans la France. Bertrand du Guesclin les mena en Espagne, contre Pierre Roy de Castille, lequel premierement auoit esté amy du Roy de France, & auoit espousé Blanche seur du duc de Bourbon, & de la Roine Ieanne femme du Roy, mais puis se mettant du costé de l'Anglois, traittoit fort mal sa femme, tenant pres d'elle, vne putain, & estoit morte ladicte Blanche empoisonnée, à ce que quelques vns disoient. Aussi le Roy d'Aragon amy des François, estoit guerroyé & tourmenté par le Roy de Castille: & Henry frere bastart du

Castillan chassé par son frere de son Royaume, & spolié de plusieurs villes que le Roy son pere luy auoit laissées & données par le consentement de sondict frere legitime, & qu'il auoit longuement tenues, s'estoit retiré en France. Du Glesquin entrant dedans la Castille remit Henry en ses terres, & chassa Pierre qui se retira à Bordeaux, vers le Roy d'Angleterre. Le Prince Edvard, delibera de remettre Pierre en son Royaume, vainquit en bataille du Glesquin, & le print, & mit en route Henry, puis n'estans ses soldats payez par Pierre, selon la promesse qu'il en auoit faicte, il s'en retourna en Guyenne. Le Nauarrois donnant son fils pour ostage, fut deliuré, & du Glesquin aussi, en payant grosse rançon. Henry restant apres sa routte sauué en France, eut nouveau secours des François, & retournant en Castille, trouuant son frere abandonné des Anglois, le tua, & se fit couronner Roy dudit Royaume. Le Prince de Galles apres tant de braves actes guerriers se trouua si espuisé d'argent, qu'il fut contrainct d'imposer de grandes exactions sur le peuple de Guyenne, qui se faschoit fort de viure souz l'Empire de l'Anglois, ayant accoustumé de viure librement souz le regne des François. Les villes que le Roy Iean auoit données aux Anglois, auoient vne extreme enuie de retourner aux François, & deploroient l'Estat present de leurs affaires, ne pouuans endurer l'imposition que le Prince auoit mise sur chascun feu. Entre autres, le Côte d'Armaignac se plaignant, de ce que le Prince ne faisoit pas la iustice qu'il deuoit, ny obseruoit pas les priuileges

Du Glesquin prins en bataille.

Autre guerre en Castille.

Imposition du Prince de Galles sur la Guyenne.

Plaintes des villes subiettes

aux Anglois.

Plainte du Côte d'Armaignac.

Des Dormans Chancelier de France.

du paÿs, selon la capitulation faicte, appella au Roy de France, lequel du commencement melprisoit ces complaints & appellations, mais Des Dormans Chancelier de France, du conseil & de la prudence duquel, le Roy se seruoit en tous ses affaires, persuada au Conte d'Armaignac, qu'il eut à poursuyure deuant le Roy, & au Parlement de Paris, toutes les causes & proces commenez deuant le Traicté de Bretigny, disant qu'estant ceste fenestre ouuerte, il aduiendroit que la lumière seroit donnée à plusieurs choses obscures. Mais il ne fut rié esmeu, ny intenté que premieremēt on n'eust retiré d'Angleterre, les ostages qui y estoient. Comme le Conte d'Armaignac ne cessoit de se plaindre du Prince de Galles, & d'appeller de luy au Roy de France, on enuoya à Bordeaux, vn nommé Chaponneau, Gentilhomme Beaufserō, pour adiourner le Prince. Ce qu'il fit, & apres auoir faict son exploict, les Anglois le laisserent aller, sans luy faire aucun mal, mais comme il fut en chemin pour s'en retourner, il fut prins & ramené au Prince. Le Roy de France enuoya aussi vn autre hōme en Angleterre, avec lettres ausquelles estoit la denuntiation de la guerre au Roy Anglois. Ce que le porteur d'icelles ne scauoit pas, & fut renuoyé sans qu'on luy fit aucun mal. Incontinēt la guerre s'ouurit entre ces deux Roys. Le Conté de Ponthieu se rendit à Charles, & la ville de Cahors fit le mesme. L'Anglois enuoya des forces à Bordeaux, pour soutenir la Guyenne, qui estoit le but où les Frāçois tiroiēt. Mais il fit bien descendre vne plus grosse armée à Calais

*Adiourne
ment donné
au Prince
de Galles.*

*Deffy en-
uoyé au
Roy d'An-
gleterre.
Guerre en-
tre ces
deux Roys.*

pour venir sur la France. Maurel de Fiennes se deffit de son Estat de Connestable de France, & en son lieu fut mis Bertrand du Guesclin, qui donna beaucoup d'affaires en France aux Anglois. Ce pendant que la guerre se faisoit sur terre, la mer n'estoit pas paisible. L'armée navale des François, ioincte à celle de Henry Roy de Castille, deffit trente cinq nauires Anglois pres de la Rochelle. Les Rochelois & les Poiçteuins se rendirent au Duc de Berry. Jean Duc de Bretagne estoit tout Anglois, & la Bretagne estoit tous les iours combattue & debattue entre les Anglois, & les François. Les Ambassadeurs Anglois enuoyez vers le Pape, accusoient la perfidie du François, disant qu'il auoit violé le Traitté de Bretigni, auquel il auoit esté dit, que le premier des deux Rois qui l'enfraindroit, se soumettroit à l'excommunication de l'Eglise. Les Ambassadeurs François purgerent la memoire du Roy Iean, de toute fraude, & les actions de Charles, de toute perfidie. Le reste estoit vne dispute & debat entre ces deux Roys, sur le droict du Royaume, & sur la cause de la guerre. Dequoy le Pape ne voulut pas prendre cognoissance, seulement il ouit les Ambassadeurs François sur le faict de la Flādrès, le Conte de laquelle Loys ayant promis sa fille vnique Marguerite à Aimon frere du Roy d'Angleterre, deliroit de rompre sa promesse, & à ceste occasion remonstrāt au Pape que sa fille, & ledict Aimon estoient si proches parens, qu'ils ne pouuoient se marier ensemble; le supplioit de le dispenser de sadiète promesse. Le Roy Charles qui voioit

*Bertrād du
Guesclin
Cōnestable*

*Guerre par
mer et par
terre.*

*Accusatiō
de l'An-
glois contre
le Roy.*

*Iustificatiō
du Roy.*

*Excuse don-
née au Pape.*

*Loys Conte-
de Flādrès
veult rōpre
le mariage
de sa fille.*

aussi que ce mariage eut beaucoup aggrandy l'Anglois, & luy eut donné vn grand pied en Frâce, & desiroit donner la fille à vn de ses freres, sollicitoit fort le Pape de ce-
 ste dispence. Doncques Marguerite fut mariée à Philip-
 pes le Hardy, Duc de Touraine frere du Roy, & en fa-
 ueur de ce mariage, luy fut donné le Duché de Bour-
 gogne. Il y en a qui disent que Charles le Sage, n'vsa pas
 en cela, de sa sagesse accoustumée: car pouuant espouser
 ladicte Margueritte, il aimo mieux s'attacher à la beauté
 de Ieanne de Bourbon, qu'il espousa, qu'à la richesse de
 la Flamande, qui n'estoit pas belle, & preferât ses amours
 & ses affections à l'vtilité publique, aggrandit tellement
 son ieune frere, que sa posterité à esté redoutable aux
 Roys de France, & les à presque ruinez. Charles renou-
 uela amitié avec le Roy de Nauarre, lequel retournant
 à sa malice naturelle, voulut faire empoisonner le Roy,
 mais les empoisonneurs furēt puniz. La femme du Roy
 de Nauarre estoit morte, qui estoit seur de Charles Roy
 de France, à la priere de laquelle plusieurs crimes auoiēt
 esté pardonez à son mary. De rechef il fut declaré enne-
 my du Roy, de la France & des François, & fut la ville
 d'Eureux prinse sur luy. Edvvard Prince de Galles mou-
 rut, & peu apres aussi deceda son pere Edvvard. Richard
 fils du ieune Edvvard aagé de douze ans, succeda à son
 ayeul, sans aucun debat de ses oncles braues Princes, biē
 qu'on deust craindre qu'ils voulussent partir entre eux
 le Royaume. Charles se ressouenant que durant la pri-
 son de son pere, les deputez des Estats à Paris auoiēt vou-
 lu

*Philippes
 frere du
 Roy espouse
 la Conteſſe
 de Flâdres.
 La Bourgō-
 gne donnée
 à Philippes.
 Faulx du
 Sage.*

*Le mal-
 heur de ce
 mariage.*

*Malice du
 Roy Na-
 uarrais.*

*Le Roy de
 Nauarre
 declaré en-
 nemy.*

*Mort des
 Edvvards
 pere et fils.*

lu donner des gouuerneurs à sa ieunesse, & auoient
 mis en auant plusieurs choses tendantes à sedition & à
 changemēt d'Estat, fit vne assemblée de Princes & grāds *Assemblée*
 Seigneurs, par l'aduis de laquelle, il fist vne loy que ve- *de Princes*
 nant vn Roy de Frāce à mourir, son fils aisné incontīnēt *et sei-*
 succederoit, & qu'iceluy entré au quatorziesme an de *gneurs.*
 son aage, seroit mis hors de tutelle, seroit courōné Roy, *Loy sur*
 & gouuernerait de luy seul les affaires. Il fist ceste loy, *l'age des*
 afin que la longue tutelle ne donnast à ceux qui l'au- *Roy de*
 roient & aux autres, occasion d'attenter nouuelles cho- *France.*
 ses, par l'ambition qui se pourroit mettre, tāt aux cueurs *La cause de*
 des commandans, que des commandez. Ceste loy estoit *ceste loy.*
 faicte à bonne intention, mais il ne deuinoit pas qu'il
 lairroit vn fils sans entendemēt, souz la ieunesse & folie *Charles si-*
 duquel, toute la France s'en deuoit aller sans dessus des- *xime sans*
 souz. Glesquin estoit en Guyenne, vne grande partie de *entendēm.*
 laquelle il conquist. Le Duc de Bourgongne Philippes *La Guyēne*
 surnommé le Hardy frere du Roy, alla deuant Calais, là *conquise.*
 où il donna plusieurs escarmouches aux Anglois, & la
 coste d'Angleterre fut rauagée par l'armée nauale des
 François. En mesme temps, le Sage se trouua auoir cinq *Cinq ar-*
 grosses armées à soustenir, pour le soustien desquelles, *mées du*
 il fut cōtrainct imposer tribut sur le sel & sur le vin. Tou- *Roy.*
 te la Bretagne, hormis Brest, recognoissoit le Roy pour *Imposition*
 souverain Seigneur. Le regne de Charles estoit florissant *sur le sel et*
 par sa prudence, quand l'Anglois ialoux de sa grandeur, *sur le vin.*
 enuoya par toute la Chrestienté, ses Ambassadeurs pour *Le regne de*
 faire des pratiques & menées contre luy, & pour di- *Charles*
 florissant.

*Atentes de
l'Anglois
côté Char-
les.* uerit les Princes Chrestiens de son amitié. Ses Ambassadeurs furent si bien receuz en Allemagne, que biẽ que l'Empereur Charles quatriesme du nom, lors regnãt, fut oncle maternel du Roy, si est-ce que luy & son fils

*L'Empe-
reur Char-
les 4. oncle
du Roy.* Vvenceslaus par luy adioinct à l'Empire, furent presque esbrãlez à se tourner contre luy. De façon qu'on fut sur le poinct d'attandre la guerre du costé des Empereurs.

Mais le Sage enuoyant les Ambassadeurs vers l'Empereur son oncle, & luy faisant entendre ses raisons, & l'imposture de l'Anglois, le fit demeurer en la premiere amitié qu'il portoit à son nepueu. Sur quoy ledict Empereur delibera de venir luy & son fils en Frãce, pour trouuer moyen de mettre vne bonne paix entre ces deux

*L'Empe-
reur & son
fils vindrẽt
en France.* Roys de France & d'Angleterre. Le pere & le fils doncques vindrent à Paris, là où ils furent honorablement receuz: mais comme ils estoient apres à trouuer moyen avec le Roy, de faire vne paix entre luy & l'Anglois, sur-

*Mort de la
Royne.* uint la mort de la Royne Ieanne de Bourbon femme du Sage, & d'une sienne fille, le regret de la mort desquelles remplit toute la Court de deuil, de façon que les Empereurs ne pouuans rien faire avec le Roy ennuyé de tãt d'aduersitez, s'en retournerent, & le Roy enuoya avec

*Assemblée
à Gand
pour trait-
ter de la
paix.* luy, à Gand ses Ambassadeurs pour traiter de la paix, là où aussi vindrent les Ambassadeurs Anglois, & l'Archeuesque de Rauenne Legat du Pape, s'y trouua pareillement. Mais ce pourparler de paix fut rompu par vn

*Schisme en
l'Eglise.* nouveau remuement des affaires, de presque toute la Chrestienté: qui fut le schisme aduenue en l'Eglise trente

ans y auoit, & nouuellement esmeu par la diuersité des
 electiōs de deux Papes, assauoir Urbā, & Clemēt sixies-
 me. Les Empereurs ne sçeurēt mettre paix entre ces deux
 Roys. Le Duc de Bretagne estoit Chef de la legatiō de
 l'Anglois à ce Parlemēt de Gand. Estant iceluy rompu, il
 sen alla voir le Côte de Flādres son cousin germain. De
 quoy le Sage fut grandement irrité, disant que le Conte
 qui estoit vassal de la couronne de France ne deuoit re-
 tirer l'ennemy iuré & déclaré des François. Et ce qui
 d'auantage irrita le Roy, fut que le Duc & le Conte fi-
 rent prendre à l'Escluse en Flādres, vn siē Ambassadeur,
 qui estoit là attendant le vent, pour passer en Escosse.
 L'Ambassadeur eschappé de leurs mains, au lieu de pré-
 dre le chemin de la mer, sen retourna au Roy, se plai-
 gnant bien fort du Duc, & du Côte, auquel le Roy me-
 nassoit vne guerre. Thomas oncle paternel du Roy Ri-
 chard, descendit à Calais, avec huiēt mille hommes, &
 de là entra en la Frâce. Loys Duc d'Anjou frere du Roy,
 avec vne petite armée, luy couppoit les viures, ayant cō-
 mandement dudiēt Roy de ne venir au combat. Du
 Glesquin mourut au siege de Chasteau-Randon en Au-
 uergne, & estant son corps porté à Paris, le Roy le fit
 enterrer au pied de la sepulture qu'il auoit faiēt cōstrui-
 re pour soy. La Flandres ce pēdant n'estoit pas paisible,
 car les Flamands s'esleuerent contre leur Conte pour les
 grandes actiōs qu'il leur impoisoit. Le Duc de Bourgo-
 gne voyant que ceste guerre luy touchoit, pour ce que
 sa femme estoit fille vnique & heritiere du Conte, sup-

*Le Duc de
 Bretagne
 pour l'An-
 glois et en-
 nemy des
 François.
 Le Roy irri-
 té contre le
 Conte de
 Flandres.
 Violent
 des Am-
 bassadeurs.*

*L'Anglais
 à Calais, et
 en France.*

*Mort de d'n
 Glesquin.*

*La Flan-
 dres se re-
 uolte pour
 les exaltiōs*

plia le Roy son frere de luy dōner forces pour l'aller secourir. Le Duc y alla & pacifia toutes choses. D'autre costé, ceux de Montpellier s'esleuans en sedition, tuerent les receueurs & financiers du Roy. Il y enuoya de Duc d'Anjou son frere, qui par arrest en
Sedition à Montpellier.
 condamna six cens à mourir, c'est assauoir deux cens
Condamnation des rebelles.
 à estre bruslez, deux cens decolez, & deux cens penduz aux goustieres & fenestres de leurs maisons. Et comme il estoit sur le poinct de l'execution, vn Legat
Moderation de peines.
 du Pape estāt en Auignon vint vers ledict Duc à Montpellier, à la requeste duquel la rigueur & la peine fut mitiguée, & le nombre des condamnez reduict à la punition des principaux autheurs de la sedition. Pour ce bon seruice, le Roy donna à sondict frere, le Cōté de
Gouuernement de Languedoc.
 Touraine, & le gouuernement de Languedoc en tiltre, & fut à ce qu'on dit ledit Loys le premier gouuerneur de Prouince en tiltre, qui iamais ait esté en France, car au parauāt les Roys y enuoioiēt qui bon leur sembloit, & aussi tost les retiroient quand ils vouloient, comme il sera dit au quatriesme liure de c'est œuvre en l'article des Gouuerneurs. Voyla dōc l'Estat des affaires de France, souz Charles surnommé le Sage pour sa grāde sagesse, & au demeurāt Prince vertueux, amateur des lettres, & des hōmes sçauā. Il fit traduire par Nicolas Oresme, homme docte, plusieurs liures d'Aristote, de Ciceron, & d'autres autheurs, de Latin en François, desquels on en voit encore quelques vns en la librairie du Roy, qui estoit à Fontainebleau, & qui est maintenant à Paris. Il fit

*Peruiz de Charles le 3.
 Liures traduits en François.*

aussi traduire fidelement la Bible, & n'auoit rien en plus grande recombãdatiõ que la iustice, & que de chascune chose le droict fut esgalement gardé à vn chascun, *Deuoir d'un prin* estoit souuent aux iugemens, & estoit liberal enuers les *ce.* vertueux, & charitable aux pources. Et encores que durant son regne, les guerres fussent de toutes parts allumées en ce Royaume par les Anglois, si est-ce que par sa prudence, & vigilance, deux vertuz bien propres & nécessaires aux Roys, il y mit vn si bon ordre que les affaires de la France estoient en vn bon estat, & ce Royaume *La France florissante* florissant, receuant le fruit de la vertu de son Prince. Il *sous Dhar* mourut l'an 1380. laissant trois enfans, Charles, Loys, & *les s.*

Catherine. Charles estoit entré au treizieme an de son aage. Les trois Estats du Royaume furent assemblez à Paris. Par le testamēt du Sage, Loys Duc d'Anjou oncle *Assemblée des trois Estats à Paris.* paternel du ieune Roy, fut institué Regent, & Philippes Duc de Bourgongne autre oncle paternel, & le Duc de Bourbon oncle maternel furent instituez ses Tuteurs. *Loys Duc d'Anjou Regent.*

Au Roy Charles le Sage adoncques succeda le miserable regne de Charles sixiesme son fils, regne plein de guerres estrangeres, & ciuiles, de meurtres, de diuisiõs, & de dissensions. Incontinent apres qu'il fut Roy, il fut ordonné par lesdicts trois Estats, & par les Princes, qu'il seroit Sacré & couronné: que toutes despelches & autres choses, tant de la guerre que des finances, & autres affaires, seroiēt comādées en son nom, & signées de sa main, & scellées de son scel Royal. Que le Duc de Bourgongne, dict le Hardy oncle paternel, & le Duc de Bourbo *Les Tuteurs du Roy. Charles 6. Roy.*

*Institution
des ieunes
Princes.* oncle maternel auroient la charge de faire instruire & instituer les ieunes Princes, pour les faire nourrir aux vertuz & disciplines, qu'il rendent les Roys & Princes vertueux, & que le Duc d'Anjou le plus aîné des oncles, seroit dit & appellé Regent, qu'il Presideroit au conseil, recueilliroit les voix & opiniōs, & de sa bouche prononceroit les Arrests. Et par ce moyen, il sembla que la derniere volonté du Roy Charles le Quint fut bien obseruée, le respect gardé à chascun des Princes, & vn bon ordre donné aux affaires. Oliuier de Clisson Seigneur Breton, fut fait Connestable de France. Le iour du Sacre du Roy à Rheims, il aduint vn different sur la preface, entre les Ducs d'Anjou & de Bourgogne, freres, & oncles du Roy. Les Roys ont accoustumé ce iour là, apres la ceremonie faicte en l'Eglise de Rheims, de faire vn festin au logis de l'Archeuesque, auquel les Pairs de France sont assis pres le Roy, selon leur rang. Le Roy estant assis, le Duc d'Anjou le plus aîné de ses oncles, se mit aupres de luy, mais le Duc de Bourgogne sy opposa, disant que pour estre le Doyen des Pairs, il deuoit ce iour là, en ce lieu là, estre assis le premier pres du Roy. Le Duc d'Anjou au contraire disoit, qu'il estoit l'aîné de ses freres, & des oncles du Roy, & que pour estre Regēt & le plus ancien de tous lesdicts freres & oncles il deuoit preceder. L'autre disoit ce iour là, ny auoir aucun esgard ny respect à l'aage, ny à la Regence, ains à la dignité des Pairs seulement. Le Roy se leua, & par aduis des autres Pairs, fut par sa bouche prononcé, que

*Le Duc
d'Anjou
Regent.*

*Oliuier de
Clisson Cō-
nestable.*

*Debat en-
tre les ducs
d'Anjou
& de Bour-
gogne, pour
la seance.*

*Duc de
Bourgogne
Doyen des
Pairs.*

ce iour là en ceste ceremonie, le Duc de Bourgongne deuoit preceder. Mais desia le Duc d'Anjou s'estoit mis au costé gauche, dont le Duc de Bourgongne audacieusement fendant le Roy, & le Regent, se mist entre eux d'eux. Ce qui est cause qu'aucuns disent que pour cest acte, il emporta le nom de Hardy. Toutesfois d'autres disent, qu'il acquist ce nom à la iournée de Poictiers, en laquelle son pere Iean fut prins, pour l'auoir vaillamment & hardiment deffendu par l'espace d'un long temps. Ce qui est plus aisé à croire, & plus honorable que l'autre.

Le Roy estant de son Sacre de retour à Paris, la premiere chose qui fut proposée en son conseil, furent les affaires de Bretaine, en laquelle les Anglois estoient entrez avec grand' puissance. Les Barons de Bretaine sollicitoient leur Duc de se mettre du party du Roy de France, mais luy qui estoit Anglois obstiné, ne le voulut iamais faire, sinon quand il se vit menassé de la Noblesse, & du peuple, qu'ils lairroient son party s'il ne se mettoit de celuy de France. Le Duc se voyant pressé de tant de necessitez, enuoya ses Ambassadeurs vers le Roy, luy demander la paix, laquelle il obtint à la priere du Regent, promettant d'auoir pour amis & ennemis, ceux qui le seroient au Roy, & donna congé aux Anglois, qui estoient en son Estat, qui se retirerent à sauueté en Angleterre. Le Duc fit au Roy nouueau serment de fidelité, & d'hommage de son Duché. Sur cela le Schisme de l'Eglise, & le differét d'entre le Pape Clemēt & Vrbain, vint troubler la France. La Chrestienté estoit diuisée en creance,

Arrest du Roy sur le different.

Le nom de Hardy d'ou il vint au duc de Bourgongne.

Les Anglois en Bretaine.

Le Duc de Bretaine se met du costé du Roy.

Hommage de la Bretaine. Schisme en l'Eglise.

tué par Iâne, il enuoyast ceste armée au recouuremēt du Royaume de Sicile qui luy apartenoit. Au cōtraire Clemēt pour ne laisser la Roynne Iâne exposée à ceste tēpestē, luy cōseilla d'adopter en l'esperāce de son Royaume, Loys Duc d'Aniou Regēt en Frāce, fils, frere, & oncle de Roys. Le nom de Roy, sēbloit au Duc, plus beau & plus specieux q̄ celuy de Duc, & qu'estre appellé Sire, estoit plus beau tiltre, qu'estre appellé Mōsieur, ou Mōseignr. Dont il delibera d'aller en Italie. Or failloit il beaucoup de gēs, & beaucoup d'argēt pour soustenir ceste entrepri se, car il auoit affaire cōtre les Hongres, & cōtre le Pape Urbā, & ceste guerre se faifāt loīg, ne se pouuoit acheuer en peu de tēps, ny avec peu d'argēt. Les Seigneurs de Frā ce n'eussent pas esté fort marriz, que le Duc d'Anjou sē fust allé bien loing (car le nom de Regent estoit desia o- dieux) fil n'y fut allé du cōmū interest du Royaume. Le Duc auoit en sa garde dixhuiēt cens mille escuz que le Roy dernier mort auoit laissez, desquels il se seruit pour l'entreprise de ceste guerre: print tout l'argent qui estoit entre les mains de tous les financiers, & fit imposer plu- sieurs griefues impositions sur le peuple, & entre autres celle du denier pour liure. Pour cela, les vieils soldats n'estoient pas payez, on faisoit nouuelle leuée d'autres deniers, le plat paȳs estoit ruiné, & le peuple māgé. Delà s'esmeut à Paris vne cruelle seditiō. Le peuple alla prédre le Preuost des Marchās en sa maisō, & le cōtraignit d'al- ler vers le regēt, luy remōstrer les foulles & charges qu'il supportoit, & le supplier de le soulager. Quelques Cour- tisās sortirēt du logis, & supplierēt le peuple de vouloir

*Troubles es-
Meu en
Italie par
les deux
Papes.*

*Ambition
du Duc
d'Anjou.*

*Haine des
François
contre le
Duc.
Le nom de
Regent o-
dieux.*

*Impositiōs
faictes par
le Duc
d'Anjou.*

*Mauuais
gouu: ne-
mens de la
France.
Seditiō à
Paris.
Plaies du
peuple au
Regent.*

*Hardiesse
d'un belis-
sre.*

remettre ceste remonstrance iusques au lendemain. Ce qui estoit aposté pour faire amollir & relascher par le dilayement des parolles, la premiere boutée & fureur du peuple. Mais vn rauaudeur de fouliers, plus hardy que les autres, dit tout hault, qu'il falloit sur le champ, les soulager de tant d'oppressions que le peuple sup-
portoit, lequel estoit despouillé de sa substance, pour en engresser certains particuliers fauoriz de court, & qu'à ceste occasion il falloit le remonstrer au Duc, &

*Autre re-
monstran-
ce & plain-
tes du peu-
ple.*

luy faire entendre les miseres communes. Doncques le peuple alla au Duc, & aux Seigneurs, qui estoient au pres de luy, & luy fut faicte vne longue remonstrance des foulles & impositiōs, dont le peuple estoit chargé, estāt icelles nommées Subuentions, d'un nom beau, & specieux, qui sembloit estre plus doux ou plus trompeur que le nom d'impositiōs, & que le peuple estoit si espui-
sé de moyens, qu'il n'auoit plus de quoy se soustenir.

*Le nom de
subuention
doit.*

Que du temps du Roy Charles le Quint, ils l'auoient supplié, qu'ils ne fussent de la en auāt greuez d'aucunes choses extraordinaires, & que ledict Roy le leur auoit gracieusement promis. Supplioient ce ieune Roy de tenir la foy & la promesse faicte par le Sage Prince son pere, & ne permettre que la memoire & les cendres de son-

*Bonté de
Charles le
Quint.*

*Des Dor-
mans Chā-
celier excu-
se les char-
ges du peu-
ple.*

dict pere fussent chargées de ceste obligation. Des Dormans Chancelier de France respondit, qu'il ne falloit s'esbahir des foulles, que le Roy estoit contrainct de mettre sur son Peuple, & que le lendemain on leur feroit certaine response. La nuit suruint, laquelle pourtant ne

diminua en rien la ptemiere intention & resolution du
 Peuple : & le lendemain par commandement du Roy, *Remonstrā*
 Pierre des Maraiz Aduocat au Parlement de Paris, hom *ce de Pierre*
 me eloquent selon le temps, fit au peuple qui reuint, vne *des Ma-*
 belle remonstrance, disant que les guerres qui auoient *raiz au*
 esté iustement & necessairement faictes par cy deuant, *peuple.*
 auoient eu besoing du secours & de l'argent du peuple.
 Que la conseruation & la grandeur des Royaumes, cō- *En quoy cō*
 sistoit en la prouidence des Roys, & en la foy, bienueil- *siste la grā*
 lance, & secours de leurs Peuples. Qu'il auoit fallu plier *deur d'un*
 & obeir au temps, & que du regne de Charles le Quint, *Royaume.*
 il auoit esté necessaire d'entretenir de grosses armées *Necessité*
 pour conseruer c'est Estat, afin que la France exposée à *de la Fran*
 la proye, ne fut ouuerte aux ennemis. Que maintenāt il *ce durāt le*
 estoit aussi grand besoing de gens de guerre qu'il fut *regne de*
 oncques : & que toutesfois le Roy remettoit au peuple *Charles le*
 beaucoup d'impositions. Que par ainsi chacun retour- *Quint.*
 nast en sa maison, plein de bonne esperance, & qu'en ce *Consolatiō*
 nouveau regne de ce Roy nouveau, il y auroit de nou- *en esperan*
 uelles loix, & nouvelle ioye pour vn nouveau restablis- *ce donnée*
 sement faict sur le repos du Peuple. L'intention de ceux *au peuple.*
 qui s'estoient esmeuz, estoit de ne se laisser vaincre à au- *Resolution*
 cune raison, ny douce parolle, ains de faire le pis qu'ils *des sedi-*
 pourroient. Ils allerent aux maisons des Iuifs, des Chan- *tioux.*
 geurs & des vsuriers, là où ils firent toutes les insolences *Fureur &*
 dont ils se peurent aduifer, rompans huis, portes, fene- *insolēce des*
 stres, grilles, bancs, & autres meubles, & bref tout ce *seditieux.*
 qu'ils trouuoient, & fut cest exemple suiuy de toutes

*Seditio par
toute la
France.
Le Côte de
Foix gou-
verneur de
Languedoc*

*Jeā Duc de
Berry au-
re & exa-
cteur.*

*Ambition
du Duc
d'Enjou,
Regent.*

*Decimes
sur l'Eglise*

*Appella-
tion de l'E-
glise.
Reserues
des bene-
fices.*

*Harangue
de Jeā Ger-
son.*

les villes de France, qui ne voulans payer les tributs ordinaires, attenterent en plusieurs endroicts cōtre les personnes de leurs Gouverneurs. Le Conte de Foix estoit Gouverneur de Languedoc. Le Roy donna ce Gouvernemēt à Iean Duc de Berry son oncle, pour le contāter, pour ce qu'il se plaignoit que ses autres freres auoiēt des hōneurs & charges, & qu'il n'en auoit poinct. Mais d'autant qu'il estoit auare hōme, & exacteur de peuple, ayāt exigé plusieurs deniers sur les Contez de Poictou, & de Xaintonge, que le Roy Charles le Quint son frere luy auoit donnez, le peuple du Languedoc ne le vouloit recevoir, & le Côte soustenu du peuple de Languedoc, s'opposa à luy, quand il entra audiēt païs. Mais à la fin ledict Côte cōseilla le peuple de le recevoir, & de ne s'opposer à la volonté de son Roy. Ce pendant le Regent n'auoit autre chose en sa teste, ny en ses desseins, ny en son esperāce, q̄ l'Italie: à quoy Clemēt le suscitoit & incitoit, & à ceste occasiō luy auoit dōné les decimes des Eglises, au grād criemēt des Ecclesiastiques, qui interiectoiet mille appellatiōs & protestatiōs cōtre le Duc & cōtre le Pape. Et ce qui plus animoit les hōmes, estoit q̄ la seule France estoit exposée & subiecte à l'ambition de Clemēt & de trāte six Cardinaux de sa factiō, veu que presque toute la Chrestieté recognoissoit Vrbā pour souuerain Pasteur. Et les Cardinaux de Clement auoiēt tous les meilleurs benefices, & les reserues de tous ceux de ce Royaume, sans auoir esgard ny à vie, ny à sçauoir, ny à Religio, ny à qualité. Iean Gerson Theologię, fit vne belle haran-

gue en la presence du Roy , pour l'Vniuersité de Paris, parlât hardimēt cōtre les decimes, cōtre la malice, & corruption du tēps, & cōtre les meurs des grāds, taxāt secrettement l'ambitiō du Regent. Ce qui offensa tellement lediēt Regent (pour ce que cela estoit cōtraire à ses desseins de l'Italie) que de nuiēt il le fit tirer de son college, & mettre en prison. Le matin toute l'vniuersité s'assembla preste à faire vne seditiō, si Gerson n'eust esté mis dehors. Gerson deliuré, se retira vers Vrbā, duquel il fut fort biē reçu. Aussi le Regēt cōmāda que le Recteur de l'Vniuersité fust prins pour ce qu'il auoit faict lire publicquēmēt vn Bref, q̄ le Pape Vrbā luy auoit enuoyé, mais le Recteur se sauua, dōt plusieurs Escoliers indignez des insolēces du Regēt se retirerēt de Paris. Mais parmy ces brouilleries, la cause de Clemēt ne pouuoit estre renuersée, car bien que tous les Princes Chrestiens qui tenoiēt le party d'Vrbā, enuoyassent prier Charles Roy de Frāce, de ne vouloir seul, soustenir Clement, pour ne nourrir par ce moyen vn Schisme, si est-ce que le Regent le deffendoit tousiours, tant il auoit enuie d'estre Roy de Sicile, laquelle Clemēt luy promettoit. Vrbā auoit fait venir Charles Chef de l'armée Hōgresse à Rome, pour delà aller à Naples contre la Royne Ieanne, l'esperance de laquelle estoit toute fondée au Duc d'Anjou. Elle auoit espousé Othon Duc de Brunswich, qui contre la volonté de sa femme tenoit le party d'Vrbā, toutesfois à la guerre, il estoit pour elle contre le Hongre. Lequel venu deuant Naples, fut reçu dedans, & assiegeant

*Ieā Gerson
mis en pri-
son.*

*Gerson de-
liuré.*

*Le Roy de
Frāce seul
soustien
Clement & le
schisme.*

*La Royne
Ieanne de
Naples ap-
puyée sur
le Regent.*

Leane prise Jeanne enfermée dedans le Chasteau neuf, la print & la mit en prison. Pour cela le Regent ne perdât cœur,

Imposition du Regent. se resolut d'aller en Italie. Il imposa au nom du Roy vne imposition de la vingtiesme partie de tout ce qui se vendroit. Les villes de Paris, de Rouen, & d'Amiens ne voulurent receuoir ceste imposition, & les autres villes suiuirent leur exemple. Le Regent par autres voyes tascha de recouurer de l'argent, par le moyen de Iean des

Moyens du Regent pour auoir argent. Maraiz, & Pierre de la Riuiere, l'un eloquent homme, & l'autre Gentilhomme Parisien, & qui manioiét les cueurs & les volonteiz des Parisiens, à ce qu'ils eussent à prier le Peuple, de subuenir le Roy de quelque somme d'argët, & de n'appeller cela ny Taille, ny Dace, ny subcide, ny Imposition, pour ce que ces noms estoient odieux, ains

Le nom de subuention l'appeller Subuention qui est vn nom plus doux, & duquel le Sage auoit vsé. Mais bien queces deux hommes fussent agreables au Peuple, si est-ce que leur harangue ne le fut pas, car le Peuple sçauoit bien que le Regent entreprenoit vne guerre loingtaine, de grande despence

Opiniastresse du Regent & non necessaire, neantmoins le Regent ayant desia leuë son armée, estoit resolu d'aller en Italie, & voulant aller vaincre les Hongres forte & vaillante nation, ne vouloit pas estre vaincu par vne populace. Il se resolut de faire leuer ceste imposition à Paris, ce pendant que le

Sedition à Paris pour les impositions. Roy estoit à Meaux. Comme le collecteur de cest impost, vouloit contraindre vne fruiçtiere de luy donner vn denier pour vn pennier d'herbes qu'elle vendoit, elle s'escria tellement qu'elle esmeut vne furieuse sedition

parmy le Peuple, qui s'esleua en armes, tua le collecteur,
 & alla en la maison de ville, là où il rompit les portes, *Le peuple de Paris en armes & en seditiō.*
 & print toutes les armes qui estoient dedans, entre au- *Les Maillets.*
 tres des Mailletz de plomb, qui auoient esté faicts, pour
 estre enuoyez au Connestable, pour en armer les gens
 de guerre. Ayant le peuple prins ces Mailletz, il tuoit
 tous les iours les collecteurs & receueurs qu'il trouuoit,
 par la ville, & en tua vn, dedans l'Eglise saint Iaques de
 la Boucherie, tenant embrassée l'image de la vierge Ma-
 rie. Les Parisiens tendirent les chaisnes des rues, allerent *Insolēce & fureur de peuple.*
 aux prisons, les ouurirent, & deliurerent les prisonniers.
 L'Euesque de Paris, & les principaux de la ville se sauue-
 rent, & allerent aux champs. Le peuple rompit la prison
 de l'Euesque, de laquelle il tira Hugues Aubriot, & le fit *Hugues Aubriot*
 son Capitaine, luy cōmandant de se saisir des Confluens *Preuost de Paris mis hors de prison.*
 des Riuieres de Seine, d'Oyse, & de Marne, afin que les
 gens du Roy de ce costé là, ne tinssent la ville de Paris en
 subiection, comme autresfois ils auoient faict. Aubriot
 auoit esté Preuost de Paris, & hōme tenāt grād lieu à la
 Court. Il auoit fait edifier plusieurs beaux edifices à Pa- *Edifices de Hugues Aubriot.*
 ris, les murs de la porte saint Anthoine, le pont S. Mi-
 chel de bois, le petit Pont de pierre, & le petit Chastelet.
 Au commançement du Regne du Roy Charles sixies- *Accusatiōs cōtre Aubriot, & cō demnation*
 me, il fut accusé de sentir mal de la Foy, & d'auoir affai-
 re avec quelques Iuifues. Son proces luy estant faict, &
 luy estant conuaincu de cela, l'Euesque de Paris le con-
 damna à perpetuelle prison, de laquelle il fut tiré par ce- *Sagesse de Aubriot.*
 ste seditiō du Peuple, auquel il promit tout ce qu'il vou-

*Naturel
du peuple.*

*Priere pour
les sedi-
tieux au
Roy.*

*Colere du
Roy & co-
demnation
du peuple.*

*Punitiō des
seditieux.*

*Le Regent
Roy de Si-
cile & de
Ierusalem.*

lut, & l'ayant le peuple cōduict le soir en son logis, avec esperance de remuer le lendemain du mesnage, de nuit il se sauua de la ville, sachant combien la fureur des peuples est à craindre à ceux qui sont leurs Chefs, si en tout ils ne leur complaisent. Les Parisiens s'apperceuaux de la fuitte d'Aubriot, se souzmirent à l'autorité de Jean des Maraiz, le prians de remedier à leurs maux. Des Maraiz & les plus notables hommes de la ville qui y estoient demeurez, & qui n'auoyent esté participans de la fureur du peuple, voyans le Roy offencé de ces seditions, l'allerent trouuer, avec contenance & mine d'hommes accusez de crime, & ayans les l'armes aux yeux, se iecterent aux pieds de sa Maiesté, la supplians de vouloir pardonner à ceux qui auoient failly. Il leur fut donné quelque esperance de pardon, à la charge que les autheurs de la sedition, & ceux qui auoiēt brisez les portes des prisons, seroient puniz corporellement, & que les autres payeroient soixante mille escuz. Des Maraiz fit entendre au peuple, la colere du Roy, & la somme d'argent qu'il demandoit, ne luy disant rien de la punitiō corporelle des seditieux, lesquels de nuit furent prins, & iettez en la riuiera. Le peuple s'apperceuant de ceste punition cruelle, & chascun craignant sa peau, de rechef s'esmeut vne sedition, qui ne dura guieres. Les supplices furent intermis, & la susdicte somme leuée. Durant ces seditions, le Regent alla trouuer en Auignon, le Pape Clement, qui le couronna Roy de Sicile & de Ierusalem. Delà il alla en Italie, là où il mourut en la Pouille. Ce pendant on faisoit

faisoit en Flandres vne guerre commencée dès le temps du Quint, par des seditieux, qui portoient des Chapeaux Blancs, & à ceste occasion on les appelloit Chapeaux Blancs. Ceste guerre fut fort longue, sur la fin de laquelle ils vindrent courir iusques sur les terres du Roy de France. Ce qui irrita les François, & les anima à soutenir le Côte. Le Sage ne s'estoit pas beaucoup soucié de le secourir pour ce qu'il le cognoissoit partisan de l'Anglois, bien qu'il fut beau-pere de Philippes le Hardy son frere. Le Conte reduit en extreme necessité, implora le secours du Roy, qui alla luy mesme en personne en Flâdres, & donnât à Rosebecque la bataille aux Chapeaux Blancs, les deffit & vainquit. Estât prinse la ville de Courtray, dedans la maison de ville d'icelle, furent trouuées quelques lettres que les Maillotins (ainsi furent appelez les Parisiens qui prindrent les Maillietz de Plôb en l'hôtel de ville de Paris) escriuoient aux Chapeaux Blancs. Le Roy estât de retour de ceste guerre, & estât irrité contre les Parisiês, entra dedâs la ville de Paris en armes, au milieu de son armée. Il ne voulut voir ny ouir le Preuost des Marchâs ny les Escheuins qui vindrent au deuât de luy. Dedâs la grâde Salle du Palais de Paris, il fist venir le peuple sans armes, & des deux costez, cômme en haye, fit mettre deux rangs de soldats armez, & le Peuple au milieu. Le Chancelier estant au dessouz de la statue de Philippes le Bel, fit vne belle harangue, par laquelle il reprint aigrement la fureur, la rebellion, & la sedition des Maillotins. Quand il eut acheué, il se ietta aux

*Guerre en
Flanars.*

*Les Chape-
aux Blancs
de Flâdres.*

*La bataille
de Rosebec-
que.*

*Parisiens
nommez
Maillotins.*

*Le Roy en-
tra en ar-
mes dans
Paris.*

*Colere du
Roy contre
les Parisiês*

*Remonstrâ-
ce du Châ-
celier au
peuple.*

*Signe de
colere du
Roy.*

*Frayeur et
cri du peu-
ple.
Finitio des
seditieux
de Paris.*

*L'Escheui-
nage osté,
plus remis.*

*Reulte des
Chapeaux
Blancs.
Emotio en
Lymosin.*

*Secours du
Roy en Es-
cosse.*

pieds du Roy, luy demandant s'il ne luy auoit pas com-
mandé de dire ce qu'il auoit dit. Le Roy respondit qu'il
luy auoit voirement commandé de le dire; & qu'il en
auoit encores moins dit, que leur rebellion ne meritoit.
Les oncles du Roy se iettans à ses pieds, le supplierent
d'auoir pitié de sa ville Capitale, les gens de bien de la-
quelle n'auoient assisté les meschans en leurs entreprin-
ses. Le pauvre peuple espouuenté du bruiet des armes se
mit à crier, prier, & requierir pardon, de façon que toute
la Salle estoit pleine de cris espouuentables. Le Roy nō-
ma trois cens hommes pour les faire punir, & de faict
ils furent ou penduz, ou decapitez, les autres furent con-
damnez à grosses amandes. Les chaisnes des rues furent
ostées, & portées au Louure, & leur Preuost des Mar-
chans, & leurs Escheuins ostez, mais cinq ans apres ils
furent remis. Ce pendant les Chapeaux Blancs de Flan-
dres, n'estans pas du tout deffaiets, se liguerent avec les
Anglois, qui leur amenerent secours. Le Roy y enuoya
le Connestable de Clisson. D'autre costé, en Lymosin
s'esleua vne troupe de gens perduz, qui pilloient les Gé-
tilshommes & les gens d'Eglise. Le Duc de Berry les des-
fit. Le Roy voulut commencer la guerre contre l'An-
glois, pour laquelle il fit dresser vne flotte de vaisseaux à
l'Escluse en Flandres, mais cōme elle fut prestee, le Duc
de Berry rompit toute l'entreprise du Roy, qui en mes-
me temps enuoya au secours du Roy d'Escoffe, vne ar-
mée de mer, souz la charge & conduitte de Jean de Viē-
ne Admiral de France. Loys Duc de Touraine, puis Duc

d'Orleans frere du Roy, espousa Valentine fille de Iean *Loys Duc d'Orleans frere du Roy.*
 Galeas Visconte Duc de Milan, laquelle à apporté à la France le droict pretendu sur lediēt Duché. Le Roy allant en Languedoc, fut voir en Avignon le Pape Clemēt, *Droict sur le Duché de Milan.*
 qui couronna Loys deuxiesme Duc d'Anjou fils de l'autre Loys Regent en France, Roy de Sicile & de Ierusalem, à la charge qu'il le deffendroit contre Urban, & Lancelot fils de Charles Chef de l'armée Hongresque, *Loys 2. me d'Anjou Roy de Sicile.*
 & par les Napolitains salué Roy de Naples. Delà le Roy alla en Languedoc, là où il eut beaucoup de plaintes, des exactions de son oncle le Duc de Berry. Il leur *Le Duc de Berry exacteur.*
 voullut rendre le Conte de Foix, qui parauant auoit esté leur Gouverneur, mais le Conte ne voulut reprendre ce Gouuernement contre la volonté d'un oncle du Roy.
 Or si l'oncle du Roy estoit exacteur & auare, le Roy *Le Roy prodigue.*
 n'estoit pas moins prodigue & despencier, & ce qui estoit le pis, le peuple estoit foullé, & tyrannisé pour saouller la prodigalité du Roy, & l'insatiable auarice de ceux qui estoient pres de luy. Il n'auoit aucune regle ny mesure à sa despence, ny aucune consideration à qui il donnoit, car ses dons mal employez monstroient & son peu de iugement, & sa prodigalité, de façon que quand la chambre des Comptes vqioit ses comptes, elle mettoit au marge des comptes des Tresoriers,

TROP DONNE', SOIT REPETE'. Charles Roy de Nauarre ennemy des François mourut bien vieil. Les Florentins tourmentez & guerroyez par le Duc de Milan enuoyerēt supplier le Roy, de les secourir, mais Loys

Mort du Roy de Nauarre.

*Guerre en-
tre Milā et
Florence.*

*Les François
en Italie au
secours de
Florence.*

*Les Gene-
vois tour-
mentez par
les Barba-
res.*

*Les Fran-
çois & les
Anglois
en Afri-
que.*

*Guerre en
Bretaigne.*

Duc d'Orleans gendre dudit Duc de Milan, ne vou-
loit permettre que secours leur fust donné. Toutesfois
pour ce que la France estoit en paix, & remplie de gens
vagabonds, qui aux guerres auoiēt appris toutes façons
de mal-faire, qui n'ayans ny maison, ny adieu, tenoyent
les champs, & faisoient plus de maux que la guerre, &
qu'il estoit besoing de purger, & nettoyer la France de
telle vermine de gens, il fut aduisé que le Côte d'Armai-
gnac qui auoit par argent esté pratiqué par les Floren-
tins, meneroit tous ces gallans en Italie à leur ayde, & en
nettoieroit la Frâce. Les Geneuois vindrēt demāder se-
cours au Roy cōtre les Barbares, qui rodoiēt la coste de
l'Italie, & qui ruinoiēt leurs terres maritimes, cōseillāt le
Roy d'enuoyer des forces en Afrique contre eux. Loys
Duc d'Orleāns, frere du Roy, cupide de gloire, demādoit
ceste charge, mais les Oncles du Roy, aduisans qu'il fal-
loit enuoier vn vieil & rusé Capitaine contre ceste na-
tion Barbare & rusée, furēt d'auis d'y enuoier le Duc de
Bourbon. La Noblesse de Frâce voulut aller à ceste en-
treprise. Les Anglois voulurēt estre de la partie, & à ce-
ste occasiō entre eux & les François, furent faictes trefues
pour trois ans. Ils passerent en Frâce pour se ioindre aux
François, & ces deux nations liées ensemble passerent les
Alpes, & se mettās sur mer, arriuerēt à Thunes ville ca-
pitale de l'Afrique. Ce pendāt le Roy estant ieune, beau,
& d'aage florissāt, estoit paisible en son Royaume, quād
les affaires de Bretaigne le firent entrer en vne nouvelle
guerre. Les deux fils de Charles de Blois, estoiet prison-

niers en Angleterre, lesquels Oliuier de Clifson Connestable de France racheta avec grande somme d'argent, & à l'un d'eux, donna sa fille aisnée en mariage. Ceste alliance donna quelque soupçon au Duc, qui le cacha & dissimula pour l'heure, & assemblant à Vannes, les Seigneurs de son païs pour consulter des affaires, le Connestable sy trouua, auquel le Duc fit bonne chere, sans luy parler de chose qui monstroit son maltalent. Apres l'assemblée faicte, le Duc cōtinuant au Connestable sa bonne mine, luy dit qu'il luy vouloit mōstrer le bastiment commencē de son Chasteau de l'Hermine, pour auoir sur iceluy son iugement, cōme d'hōme qui s'entendoit biē en bastimēs. Le Duc mena Clifson au hault d'une tour, là où le faisant entrer le premier dedās vne chambre d'icelle, l'enferma là dedans, & commanda sur l'heure à vn Gentilhōme, de l'aller ietter dedans l'eau la nuit ensuiuant. Mais le Gentilhōme ne voulut obeir au cōmandemēt precipité de son maistre, sachant bien que les Princes souuēt cōmādēt des choses par vne soudaine fureur & precipitation, desquelles tout à loisir puis apres ils se repētent. Le Duc se repētīt la nuit de ce cōmandement, & le matin fut biē aisé que le Gentilhōme n'auoit esté aussi prōpt à executer, q̄ luy à cōmāder. Le Roy entendāt la prisō de Clifson, māda au Duc qu'il auoit cōmis vn crime de leze maiesté, d'auoir emprisonné sō Cōnestable, officier principal de sa courōne. Au cōtraire le Duc disoit qu'il pouuoit punir vn siē vassal en sō païs, & q̄ Clifson estāt Bretō, & p̄ cōsequēt sō suieēt, il pouuoit prēdre

*Haine du
Duc de Bre
tagne con
tre Clifson.*

*Malice du
Duc.*

*Clifson en
danger de
sa vie.*

*Colere des
Princes.*

*Menasse du
Roy au Duc*

Iustificatio du Duc de luy, la punition que ses demerites meritoient, & que si n'eust esté la qualité de Connestable de France qu'il auoit, il l'eut faiët mourir. Le Roy ne trouua bonne ceste responce du Duc, & sembloit que la guerre d'eust n'aistre de cela. D'auantage Philippes le Hardy Duc de Bourgogne qui aimoit vniquement Clisson, tant pour ce qu'ils estoient anciens cōpaignons d'armes, que pour ce que lediët Clisson estoit cousin de sa femme, irritoit le Roy contre le Duc de Bretagne. A la fin lediët Duc mit Clisson hors de prison, & luy rendit les terres qu'il luy auoit saisies. Celà aduint deuât la guerre d'Afrique, & peu apres icelle, aduint vne autre occasion de haine du Roy contre le Duc, laquelle autre ne seroit pas fort digne de memoire pour ce qu'il la fault repeter assez loing, si elle n'eust esté cause de beaucoup de grâds troubles. Pierre de Craon grand Seigneur en France, & en Bretagne, estoit fort fauori du Duc Loys d'Orleans, qui par la mort de son beau-pere estoit Duc de Milan. Ce ieune Prince estoit fort paillard, & ne se contentant de sa femme, faisoit mestier de faire l'amour par tout. Il communiquoit ses amours & folies à Craon, lequel fut si mal aduisé de redire à Valentine femme dudiët Duc, ce que le Duc luy auoit dit. En quoy il fit bien le sot, & mal luy en print. La femme cōme femme qu'elle estoit, ne peult celer à son mary ce qu'elle sçauoit: ce que le Duc cognut proceder de Craon. Lors la priuauté & l'amitié du Duc enuers Craon, se conuertirent en haine, à quoy il fut d'auantage animé par Clisson, qui estoit en-

Le Duc d'Orléans a donné aux femmes.

Sottise de Craon.

neiny de Craon. Or Craon voyant que Valentine auoit
 descouuert ce qu'il luy auoit dict, & scachant que Clif-
 son auoit poussé le Duc à la haine contre luy, se retira
 en Bretagne, d'où puis apres secrettement il partit, &
 venant à Paris, accompagné d'une troupe de gens per-
 duz, de nuict guetta le Cōestable, comme il retournoit
 du logis du Roy, & luy donna tant de coups d'espée,
 qu'il le laissa pour mort, pensant l'auoir tué, toutesfois il
 n'en mourut point. Cest acte anima le Roy, non seule-
 ment contre Craon, mais contre le Duc Breton, de façō
 qu'il iura de s'en venger, & à ceste occasion leua vne ar-
 mée en deliberation de la mener en Bretagne. Sortant
 de la ville du Mans, cōme il continuoit son voyage, en
 vn iour chaleureux, vne soudaine rage le print, dont il
 desgaina son espée, & en tua plusieurs hommes, iusques
 à ce qu'estant las de frapper, il tōba de son cheual. Il fut
 ramené en la ville du Mans, là où il fut pensé, & apres a-
 uoir demeuré long temps sans cognoistre ny soy, ny les
 siens, peu à peu il commēça de reuenir en son bon sens.
 Toutesfois de là en auant, il fut tousiours subiect à tom-
 ber en frenesie, sans qu'il y eut aucune assurance en la
 dispositiō de son esprit, ny de son corps. Le Duc de Bre-
 taigne voyant l'orage de la France venir fondre sur luy,
 estoit en la ville de S. Malo, prest à s'embarquer, pour se
 sauuer en Angleterre avec sa femme & ses enfans, & ses
 plus precieux meubles, mais cest accident le deliura de
 la crainte, & du voyage. Le Roy fut porté du Mans à
 Paris, là où il fallut assembler les Princes & Seigneurs.

*Le Conne-
 stable blef-
 sé par
 Craon.*

*Entreprise
 sur la Bre-
 taigne.*

*Le Roy de-
 uint fol.*

*Frenesie
 du Roy.*

*Crainte du
 Duc de Bre-
 taigne.*

*Assemblée
pour regar-
der au gou-
uernement.*

*Les oncles
du Roy gou-
uerneurs.*

*Les Roys de
France &
d'Angle-
terre parle-
menterent
ensemble.
Punition
des rebelles
en Angle-
terre.*

*Secours de
France en
Angleter-
re.*

*Richard
Roy d'An-
gleterre pri-
ué du Roy-
aume.*

*Le Duc de
Bourgogne
pris par
les Turcs.*

*Diuision
pour le gou-
uernement.*

pour aduiser au gouuernemēt des affaires. Le Duc d'Orleans frere du Roy demandoit à estre le Chef d'iceux, mais on desinia à sa ieunesse vne si grande charge, qui requeroit vne plus grande experience, & plus d'aage; & fut à ses oncles donné l'entier gouuernement des affaires du Royaume. La premiere chose qu'ils voulurēt faire, fut de composer les troubles du Schisme de l'Eglise.

Le Roy quelquefois reuenoit en son bon sens, mais cela ne luy duroit gueres, ains retumboit tousiours. Richard Roy d'Angleterre, descēdu à Calais, & ledit Roy Charles parlementerēt ensemble, & en leur Parlemēt, Ysabel fille de Charles aagée de sept ans, luy fut promise en mariage, & mise entre ses mains. Richard mena la fille en Angleterre, là où estant de retour, & trouuant son Royaume brouillé de seditions, il fit mourir la pluspart des seditieux, & bannit les autres, entre lesquels fut Hé-

ry Duc de Lancastre, qui se sauua en France, d'où peu apres il mena des forces en Angleterre, & souleuant le peuple à vne nouuelle sedition, priua Richard de son

Royaume, & la fille Ysabel renuoyée en France fut mariée à Charles Duc d'Orleans fils de Loys. Jean fils du Duc Hardy de Bourgogne, mena vne armée cōtre les Turcs, au secours de Sigismond Roy de Hongrie, & fut par les Turcs prins en vne bataille, puis deliuré, moyennant la somme de deux cens mille escus, qu'il dōna pour sa rançon. Ce pendant durant la maladie frenetique du

pauvre Roy, la court de France estoit pleine de factions & de diuisions, pour l'ambition du gouuernement,

nement, car d'un costé le Duc d'Orleans frere du Roy, d'autre, le Duc Hardy de Bourgogne vouloient manier les affaires, & ainsi estans les cueurs & les volonteés des Princes & Seigneurs bigarrées, & les vnes suiuanes le party d'Orleans, les autres de Bourgogne, cela mettoit la court en trouble & la France en combustion, & le peuple estoit celuy qui en patissoit, comme il fault tousiours que ce soit luy qui porte le mal de la diuision des grâds. Le Hardy mourut & par sa mort pourtât ceste ambition ne cessa, ains deuint plus grande entre les deux cousins germaîs, fils des deux freres, qu'elle n'auoit esté entre l'oncle & le nepueu. Car Iean Duc de Bourgogne fils du Hardy, succeda non seulement aux Estats de son pere, mais aussi à l'ambition du gouuernement du Royaume. Voyla les deux cousins germaines, c'est assauoir Loys Duc d'Orleans, & Ieân Duc de Bourgogne en mortelle haine, qui estoit née parauât, & à laquelle il ne falloit pas beaucoup de matiere pour l'entretenir. Loys estoit vn ieune Prince adonné à la volupté, & aux fêmes, prenant presq̃ autât de plaisir à se vâter des faueurs, qu'il receuoit d'elles, qu'à les receuoir. Il auoit dedans son cabinet, les Portraiçts des pl⁹ belles Dames de la Court, entre lesq̃lles estoit celuy de la fême du Duc Ieân de Bourgogne, & se vâtoit d'auoir iouy de toutes les Dames desquel les les portraiçts estoîent dedâs son cabinet. Ceste vâterie estât cômune, & le Duc de Bourgogne entrât vn iour audit cabinet, yvit entre autres portraiçts celuy de sa fême, dôt se ressouuenât de la vâterie du Duc d'Orleâs & sêtât

*Fallions
en la Court
Le peuple
endure le
mal des di-
uisions.*

*Ambition
du Duc Ieân
de Bourgogne.*

*Cause de la
haine des
deux con-
sins.*

*Vânerie
folle du Duc
d'Orleans.*

*Combien
l'honneur
des femmes
esuche à ce
luy des ho-
mes.
aduiz pour
ceux qui
ont des fem-
mes impu-
diques.*

par trop son cueur vlcéré de voir qu'Orleans souilloit son liēt (qui est la chose du monde qui plus irrite & offense les hommes de grand cueur) delibera de le faire mourir. Mais comme les plus aduisez qui ont ce malheur d'auoir des femmes impudiques, & qui scauent celuy ou ceux qui leur font ceste honte, ne veullent pas les quereller sur l'article de ceste iniure pour ne vouloir se faire declarer deshonorez par la villanie de leurs femmes, le Duc de Bourgongne ne voulut attaquer le Duc

*Le Duc de
Bourgogne
querellā le
Duc d'Or-
leans.*

d'Orleans sur ce point, ains se fit son ennemy sur celuy du gouuernement, qui estoit le moindre, mais pour cou-
rir sa honte & celle de sa femme (comme font les plus sages qui tombent en tels accidens) le print d'un autre

*Le Duc
d'Orleans
tué par le
duc de Bour-
gongne.*

costé. Adonc le Duc d'Orleans retourna vn soir du logis du Roy son frere, logé aux Tournelles, & se retirant en son hostel de Barbette, fut tué par des gallans attiréz par le Duc de Bourgongne, lesquels pour empescher

*Chausses-
trappes ier-
rées par les
meurtriers.*

que personne ne les suiuit, iettoient par derriere eux des chausses trappes, iusques à ce qu'ils se furēt retirez au logis du Bourguignon. Incontinent on sceut que c'estoit

*Le Bourgui-
gnon s'en-
fuit.*

luy qui auoit faict faire ce meurtre. Il se retira en ses terres, là où il commença d'esmouuoir vne guerre contre les Liegeois, & les vainquit, ce qui le rendit encore plus

*Insolence
d'un meur-
trier.*

redoutable. Ce pēdant Valentine femme du Duc d'Orleans & ses enfans poursuiuoient iustice de la mort de son mary & de leur pere. Le Duc meurtrier fut adiourné à comparoir, & comparut, non en homme adiourné, mais en homme qui menassoit, car il vint accompagné

d'un grand nombre d'hommes armez, deuant le Roy, & soustenant auec plusieurs raisons iniustes & mal fondées, que le Duc d'Orleans auoit esté bien tué, Jean Perit Cordelier, en la presence du Roy, & des Princes du sang, soustint la cause du Bourguignō, & fit sur cela vne longue harangue bien grossiere, & encore plus meschante, qui est dedans Enguerrand de Monstrelet. Celuy qui fit la Responce en la deffence du mort, & en l'accusatiō du meurtrier, est beaucoup plus louable & honnestes, (comme aussi elle est iuste & bien fondée.) La fin fut que l'acte estoit cognu meschāt d'un chascun, mais toutesfois le temps commandoit de le passer doucement, & de ne l'oser dire, & de pardonner ce villain crime au meurtrier. Voila le malheur d'un siecle miserable & iniuste, de cognoistre l'iniustice & ne l'oser dire, ny en faire la punition: voila comment les Princes souuēt cognoissent le mal, & iugeans au contraire, donnent l'absolution, estans à cela contraincts par le temps, ausquels le plus souuent par leur iniustice ils donnent ceste licence, & apres en reçoient les premiers, le mal, & puis le tēps d'allors estoit tel, que durant la folie du Roy, chascū l'attribuoit la puissance de ce qu'il vouloit. Ce meurtre accompaigné de troubles & de diuisions, diuisa la ville de Paris en deux factiōs: l'Vniuersité tenoit le party d'Orleans, & la ville signamment les bouchers acharnez & nourriz au sang, fauorisoit Bourgongne, & entremeslans parmy eux les gensdarmes conuoquez d'ailleurs, vindrent quelquefois à la bataille dedans la

*Insolence
de moine.*

*Misères
d'un siecle
iniuste.*

*Iniustice
permise.*

*La ville de
Paris diuisée
en factiōs.*

*Batailles et
meurtres
dās Paris.*

ville mesme, en laquelle plusieurs meurtres se firent. Et à son exemple les autres villes faisans le mesme, firent la France vn vray brigandage. La fille du Duc de Bourgongne estoit mariée au Daulphin. Ce qui le rendoit plus fort, & adonc il se saisit de la personne du Roy & de la Roynes, & assiegea la ville de Bourges où estoit le Duc d'Orleans, mais il ne la peut prendre. En fin il y eut vne paix fourrée faicte entre les deux parties. Quelques troupes d'Anglois venues en France au secours du Duc d'Orleans, entendans la paix faicte entre eux, & se plaignans de ce que ledict Duc ne leur auoit payé la somme qu'il leur auoit promise, firent plusieurs maux, & emmenerent en Angle-

*Le Duc
print le Roy
et la Roynes.*

*Paix four-
rée.*

*Le Conte
d'Angou-
lesme me-
ne en An-
gleterre.
Sesmes de
l'Eglise.*

*Vn reffus
porte iniu-
re.*

terre Iean Conte d'Angoulesme frere du Duc d'Orleans, qui estoit grãd pere du feu Roy François le grand, & demeura ledict Côte en Angleterre 32. ans. Durãt ces troubles de la France, le Schisme de l'Eglise trauailloit continuellement l'Italie, & la pauvre France enduroit tous les iours mal sur mal. Henry cinquiesme Roy d'Angleterre, fils de Henry quatriesme, demandoit en mariage Catherine fille de Charles Roy de France. Il luy fut doucement respondu, que ny la disposition du Roy Charles, ny les autres affaires que ses oncles auoient à desineller prôptement, ne permettoient qu'il peut auoir pour l'heure, responce sur ce mariage. L'Anglois interpretant celà à iniure, & à reffus, delibera de s'en vanger, & à ceste occasion sur le printemps ensuiuant, entra en la Normandie, de laquelle il print plusieurs villes. Delà il

passa la riuere de Some & vint à Blangy pres Azin- *La bataille*
 court, là où il dōna la bataille aux François, & les deffit, *de Blangy*
 & vainquit. L'Empereur Sigismond ayant donné la paix *pres d'Az-*
 à l'Eglise par la resolution du Concile de Constāce qu'il *incourt.*
 auoit assemblé, desiroit la donner pareillement à la *Le Concile*
 France, & la mettre entre ces deux Roys de France & *de Costāce.*
 d'Angleterre. Il vint à Paris, là où il voulut eriger le *L'Empe-*
 Conté de Sauoye en Duché, mais la Court sy opposa, *reur Sigis-*
 pour les raisons qui seront desduittes au troisieme liure *mond en*
 de cest œuure, en l'endroiēt qui traitera des Parlemens. *France.*
 De Paris il passa en Angleterre, là où comme il estoit sur *Opposition*
 le poinēt de cōclurre vne paix entre les deux Roys, vne *de la Court*
 nouuelle qui suruint de quatre cens Anglois deffaictz *cōtre l'Em-*
 par les François, irrita d'auantage le cueur de l'Anglois, *pereur.*
 tellement qu'il ne voulut entendre à aucun propos de *Sigismond*
 paix. Loys duc d'Anjou second du nom, estant de re- *en Angle-*
 tour en France, du voyage & des guerres qu'il auoit fai- *terre.*
 ctes en Italie, commença de prēdre les affaires en main, *Loys 2. duc*
 & de les manier au grand contentement des Frāçois, car *d'Anjou.*
 desia les oncles & le frere du Roy estoient morts. Il ne
 dura gueres, car il mourut bien tost apres, & sa mort
 fit reuerdir les maux de la France. Le Conte d'Armai- *Le Conte*
 gnac Connestable de France, s'empara du manimēt des *d'Armai-*
 affaires, cōmettāt plusieurs actes d'insolēce, de superbe, *gnac Con-*
 & d'auarice, & print de quelques Eglises vne grāde som- *nestable.*
 me d'argēt q̄ la Roynne fēme du Roy, Elisabet de Baui- *La Roynne*
 re y auoit mise pour pl^r grāde seureté. Elle irritée de cela *se desroba*
 se desroba secrettemēt de son mary, prenāt Catherine sa *du Roy.*

*superbe du
Duc de
Bourgogne.
Le nom de
liberté
doux.*

filles, & faisant venir à elle, le Duc Jean de Bourgogne se retira à Tours. Le Duc fut bien fier de se voir appelé par la Roynie, & se vâtoit par tout, qu'il portoit à la France sa liberté, & au peuple, immunité de toutes choses, hormis du sel. Ce nom specieux de liberté qui est vn breuuage qui empoisonne les entédemés des hommes, fit que luy & la Roynie furent receuz és villes de Chartres & de Troyes, ce pendant que les Anglois rauageoient la Normandie. Tous les iours la faction de

*La faction
de Bourgogne
forte à
Paris.*

Bourgogne s'accroissoit de gens, de force, & d'autorité, en la ville de Paris. Jean de Villiers de nuict y reçut la Roynie, & le Duc de Bourgogne, & à peine se peult sauuer le Daulphin, & ceux qui ne prenoient les en-

*Livrée &
couleurs
du Bour-
guignon.
Le Conne-
stable &
le Chance-
lier tués.*

seignes du Bourguignon estoient en danger, qui estoit vne Croix rouge trauersante, que nous appellons Croix saint André. En ce tumulte furent tuez le Connestable d'Armaignac, & Henry de Marle Chancelier de France.

*Pourpar-
lement de
paix entre
le Daul-
phin & le
Duc.*

Il sembla lors que iamais les maux de la France ne prendroient fin, que par la mort du Duc de Bourgogne. Ceux qui estoient autour de la personne du Daulphin firent tant que ledit Daulphin & le Duc, chascun accompagné seulement de dix hommes, se deuoient assembler en certain lieu pour parler de la paix. La foy fut iurée entre eux deux, & le lieu esleu. Le masque de la coniuration faicte pour tuer le Duc, estoit le Parlement de la paix. La ville de Montereau Faut-Yonne fut esleüe pour cest effect, & le lieu du Parlement, sur le pont du Chasteau de ladiète ville. Le Daulphin entre ses dix homes

auoit Tanneguy du Chastel, Gentilhomme Breton, ^{Tanneguy}
 Preuost de Paris. Il donna vn coup de hache en la teste ^{du Chastel}
 du Duc, dont il mourut sur le champ. Toutesfois Tan- ^{Le Duc de}
 neguy ne le voulut iamais confesser, car le cas estoit vil- ^{Bourgogne}
 lain. Quelques Seigneurs qui estoient avec le Duc de ^{tue à Mon-}
 Bourgongne furēt aussi tuez, cōme victimes immolées ^{tereau.}
 à l'vmbre du Duc d'Orleans. Cela enuenima d'auantage
 les haines de ces deux maisons, car Philippes fils du Duc ^{Philippes}
 tué, se rendant cruel vangeur de la mort de son pere, se ^{fils de Jean}
 ligua avec le Roy Anglois, & luy mit entre les mains, ^{vengea la}
 tous les instrumens propres à la victoire & à la conque- ^{mort de son}
 ste de la France, comme Paris, Chartres, Troyes, le Roy, ^{pere.}
 la Royne, & leur fille Catherine. Et afin qu'il peust ex-
 clurre de la succession du Royaume, le Daulphin, con-
 tre qui estoit la plus grande haine, il le fit par la ville de
 Paris crier à son de trompe à trois briefts iours, & iceux
 expirez, le fit declarer indigne de succeder à la couron-
 ne, comme celuy qui ayant faict venir sur sa parol-
 le & souz couleur de bonne foy, le Duc de Bour-
 gongne son cousin, l'auoit faict traditoirement mou-
 rir. D'auantage en la ville de Troyes, l'Anglois espousa ^{Conditions}
 Catherine fille du Roy, par consentement dudit Roy, ^{du maria-}
 qui n'auoit ny sens ny Royaume, & fut faict ce maria- ^{ge de l'An-}
 ge, à la charge que si ledict Roy Anglois venoit à surui- ^{glois à la fil-}
 ure ledict Roy Charles son beau pere, luy ou ses enfans ^{le du Roy.}
 procreez de luy, & de Catherine, succederoient au Roy-
 aume, & que ce pendant ledict Roy Anglois manieroit ^{L'Anglois}
 & gouuernerait les affaires du Royaume, & seroit ap- ^{habille à}
^{succeder à}
^{la France.}
^{L'Anglois}
^{Regent.}

pellé Regēt en Frâce. Souz ce nom il cōmença la guerre en France, & print les villes de Sēs, de Meaux, & de Meleun. Or abandonnant pour l'heure la France, & y laissant son Lieutenant general, son frere le Duc de Clarence, il retourna en Angleterre avec sa femme Catherine.

Le Duc de Clarence tué.
L'Anglois meurt au bois de Vincennes.
Le Duc de Clarence fut tué deuant la ville d'Angiers, dont le Roy son frere entendant ceste nouuelle en Angleterre, repassa en France, en deliberation de la guerroyer, mais l'année apres il mourut au bois de Vincennes, laissant en France pour Gouverneur, le Duc de Bethfort son frere, lequel il pria ne faire iamais la paix avec le Dauphin qu'en retenant la Normandie. Charles

Mort de Charles 6.

sixiesme mourut cinquante trois iours apres, durant le regne duquel l'Estat de la France à esté vn Theatre auquel se ioua vne vraye Tragedie deplorable, & d'autant plus miserable, que son regne fut long, car il regna 42. ans.

Charles 7. Roy.

Charles septiesme son fils aagé de vingt vn an, estant lors que son pere mourut allé en Auvergne, pour reprimier les seditions du pays, luy succeda. Incontinēt apres qu'il fut Roy, il delibera de faire vne forte guerre aux Anglois, estant à cela sollicité par aucuns Seigneurs François, qui ayans leurs biens, les vns dedans les terres de l'Anglois, les autres du François, estoient contraincts ou de suyure l'un, & ce pendant offencer l'autre, ou de tout poinct abandonner l'un, pour suyure leur bien. L'Anglois tenoit la ville de Creuant assiegée, & le Connestable de France voulant luy faire leuer le siege, y fut tué, & y perdit

Guerre contre l'Anglois.

dit deux mille hōmes . Delà l'Anglois alla en Anjou & en Normādie, qu'il mit presque toute en son obeissāce, hormis le mōt S. Michel. La Bretagne secourut fort la Frāce de gēs, d'argēt, de viures, & de nauires, & le Roy d'Escoffe enuoya à Charles cinq mille hōmes . Apres la Normādie conquise, les enneinis vindrent au Perche, là où deuāt Vernueil en vne petite bataille, le Duc d'Alēçon fut prins, mis à rançon, & racheté. L'Anglois victorieux alla deuant la ville du Mans, & la print, & estendant son Empire iusques à la riuiera de Loire, appelloit par moquerie, Charles Roy de Bourges. Ce pendant que les Anglois avec la craye en la main, se pourmenoiēt par son Royaume, il ne bougeoit de Meun sur Yeure, à faire l'amour à sa belle Agnes, & à faire de beaux parterres & iardins, n'aprehēdāt ny son mal, ny celuy de son Royaume, ce qui rēdoit d'autāt plus la Frāce misérable. Mais Dieu qui la regardoit en pitié, fit naistre tout à ppos, Ieā Bastard d'Orleās, Potō de Xaintrailles, la Hire, & autres vaillās Cheualiers, qui par leur vaillāce & vertu, suppleans à l'imbecilité de leur Roy, la cōseruerent. Voila donc les Anglois deuant la ville d'Orleans, qu'ils tenoient ostroictemēt assiegée: voila la maiesté & le nom du Roy en mespris, tant pour sa nonchallance, que pour ses malheurs, quand ces trois Cheualiers releuerent la France, & le Roy de leur ruine presente, par vn miracle de Religion, soit vraye, soit simulée. Il y eut vne ieune fille de l'age de vingt deux ans, natifue de Vaucouleur en Lorraine, nommée Ieanne,

La Normādie cōquise par l'Anglois hormis le mōt S. Michel.

Bataille de Vernueil. L'Anglois victorieux

Charles appelle Roy de Bourges. Charles en delices.

Miseres de la France.

Braues Cheualiers de France.

Le nom du Roy en mespris.

Ieanne la pucelle.

*Promesse
de Jeanne
au Roy.*

nourrie aux champs entre les brebis & moutons, qui estant menée au Roy luy dit qu'elle venoit vers luy, inspirée de Dieu, pour luy promettre qu'elle chasseroit les Anglois de la France. Le Roy fut bien estonné & esbahy de ceste fille, & luy & les Seigneurs qui estoient autour de luy, l'interrogeans de diuerses choses, iamais elle ne varia, ne disant parolle qui ne fust sainte, modeste, & chaste. Les Seigneurs furent d'auis de ne mespriser ce

*Jeanne de-
uant Or-
leans en
armes.*

miracle. Adonc le Roy luy fist donner cheuaux & armes, & vne armée, avec bon nombre des plus grands Capitaines, en la compagnie desquels elle porta secours à ceux d'Orleans. Le miracle de ceste fille soit que ce fut vn miracle composé, apposté, ou veritable, elleua les

*La force de
la Religio.*

cueurs des Seigneurs, du peuple & du Roy qui les auoient perduz: telle est la force de la Religion, & bien souuent de la superstition.. Car les vns disent que ceste

*Jeanne re-
putée garfe.*

Jeanne estoit la garfe de Jean Bastard d'Orleans, les autres du sieur de Baudricourt, les autres de Potô, lesquels estans fins & aduisez, & voyans le Roy si estonné qu'il ne sçauoit plus que faire ny que dire, & le peuple pour les continuelles guerres tant abbattu, qu'il ne pouuoit releuer son cuer, ny son esperance, s'aduiserent de se ser

*La Religio
essene les
cœurs.*

uir d'vn miracle composé d'vne faulse Religion, qui est la chose du monde qui plus esseue & anime les cueurs, & qui plus faict croire aux hommes, mesmement aux simples, ce qui n'est pas: puis la saison du temps estoit fort propre à receuoir telles superstitions, estant le peuple fort deuotieux, superstitieux, & ruiné. Adonc ces;

Seigneurs par l'espace de quelques iours, l'instruisirent ^{*Instruction*} de tout ce qu'elle deuoit respondre aux demandes qui ^{*donnée à*} par le Roy & eux, luy seroient faictes en la presence du ^{*Jeanne.*} Roy (car ils deuoient eux mesmes faire les interrogatoires,) & afin qu'elle peust recognoistre le Roy, lors qu'elle seroit menée vers luy (lequel elle n'auoit iamais veu) ils luy faisoient tous les iours voir par plusieurs fois son portraict. Le iour designé auquel elle deuoit venir vers luy en sa chābre, & eux ayāt dressé ceste partie, ils ne faillirent de s'y trouuer. Estant entrée, les premiers qui luy ^{*Jeāne men-*} demanderent ce qu'elle vouloit, furent les Seigneurs ^{*née au Roy*} Bastard, & de Baudricourt, lesquels luy demādās ce que elle demandoit, elle respondit qu'elle vouloit parler au Roy. Ils luy presenterent vn des autres Seigneurs qui estoient là, luy disāns que cestoit le Roy, mais elle instruite de tout ce qui luy seroit faict & dict, & de ce ^{*Ruse de*} qu'elle deuoit faire & dire, dict que ce n'estoit pas le ^{*Jeanne.*} Roy, & qu'il estoit caché en la ruelle du liēt (là où de vray il estoit) (& allant l'y trouuer, luy dist ce qui à esté dict cy dessus. Ceste inuention de Religion sainte & si- ^{*Ceste Reli-*} mulée, profita tant à ce Royaume, qu'elle releua les cou- ^{*gio simulée*} rages perduz & abbatuz du desespoir. En fin elle fut ^{*porta pro-*} prinse par les Anglois deuant Compiègne, & menée à ^{*Jeāne prin-*} Rouen, là où son proces luy estant faict, elle fut bruslée. ^{*se & brus-*} ^{*lée.*}

Quelques vns ont trouué, & trouueront mauvais que ie die cela, & que i'oste à nos François vne opinion qu'il ont si longuement eüe d'une chose sainte, & d'un miracle, pour la vouloir maintenant conuertir en fable.

Mais ie l'ay voulu dire, pour ce qu'il a esté ainsi descouuert par le temps, qui descouure toutes choses, & puis ce n'est chose si importâte qu'on la doie croire cômme article de foy. Apres que la ville d'Orleans eut esté deliurée du siege des Anglois, ils furent pourſuiuiz en Beauſſe, là où trois mille d'iceux furent deſſaicts. Lors la mauuaife fortune de la France ſe changea, & le Roy reprenât cueur, la ſeut bien prendre aux cheueux, & ſ'en ſeruit. Il alla avec vne armée à Rheims pour ſe faire ſacrer, pour ce que les Anglois tenoient la campagne, & apres reduiſit la Champaigne en ſon obeiffance. Voulant le Roy aller à Paris, detenue par les ennemis, le Duc de Betfort Regent en France pour l'Anglois, luy voulut donner la bataille deuant la ville, mais ils ne firent que ſeſcarmoucher, & Ieanne fut bleſſée à la porte ſainct Honoré. La guerre tourna du coſté du païs de Lauxerrois, ce pendant que les Anglois tenoient aſſiégée la ville de Compiègne. Ianne y alla, là où elle ne fut pas ſi heureuſe qu'elle auoit esté à Orleans, car (comme il a esté dict) elle fut prinſe, puis menée à Rouen & bruſlée. Ceux d'Orleans luy auoient ſur le pont de leur ville erigé vne ſtatue de Bronze, qui fut emportée d'un coup de canô, aux guerres des premiers troubles de ce Royaume, & depuis y a esté remiſe. Compiègne fut deliurée du ſiege, & Meleun & Corbeil, & la plus grande partie de la Brie, reprinſes. Les Anglois eſtonnez du mauuais eſtat de leurs affaires, firent venir en Frâce leur Roy Henry ſixieſme du nom, aagé de douze ans fils de

Les Anglois deſſaicts en Beauſſe. Changemēt de malheur de France.

Eſcarmouches deuant Paris.

Statue de Ieanne la pucelle ſur le pōt d'Orleans.

Le petit Roy Anglois couronné à Paris.

Catherine, fille de Charles sixiesme, & le firent couronner Roy de France en la grande Eglise nostre Dame de Paris. Cela n'estonna point les François, qu'ils ne continuassent le bon chemin de leur bonne fortune, & prindrent la ville de Chartres, & plusieurs autres. Le Duc Philippes de Bourgongne commençoit de refroidir enuers les Anglois son amitié, & enuers les François, sa haine. Il estoit ce luy sembloit presque assez vangé de la mort de son pere, & desiroit de voir l'Anglois hors de la France. Quelques villes de la Normandie tenues par les Anglois, se reuolterent contre eux, & reçurent de nuict les François. La ville de saint Denys fut prinse par les François, & de iour à autre la grandeur de la France croissoit, bien que ce fust avec sa grande calamité & misere, car elle estoit toute deserte, pillée, rauagée, & bruslée.

Le Duc Philippes se refroidit enuers les Anglois.

La France reduite sous le Roy.

L'Anglois fit vn Ediict par lequel il disoit que les biens de ceux qui auroient meubles, ou immeubles dedans les païs qu'il tenoit, & qui seroient avec les François, luy seroient acquis, s'ils ne reuenoient bien tost le trouuer. La pluspart des Gentilshommes voyans cela, allerent vers le Bourguignon, auquel ils firent de belles remonstrances sur le miserable Estat de la France, si qu'ils l'esmeurēt à pitié, & à quelque malalēt cōtre l'Anglois. Ainsi estant la haine du Duc apaisée par eux, il fit assembler les deputez des deux Roys, & les siens à Arras, là où ils commencerent de parler de la paix. Ceux de l'Anglois ne pouuoient receuoir aucune

Edict de l'Anglois.

Assemblée à Arras pour la paix.

sur la riuere de Some, avec leurs appartenances, & de-
 pendances. Que de toutes les fufdictes villes, le Roy ne
 prendroit aucun tribut, tailles ny fubfides, ny ne feroiēt
 fubiectes au Roy, qu'en fouueraineté, ains que tous leurs
 reuenuz reuiendroient au Duc & aux fiens. Que les be-
 nefices Royaux feroient en la collation du Duc, non du
 Roy. Il y auoit auffi plufieurs autres articles bien im-
 portans, lefquels le Roy luy accorda, pour feparer le
 Duc d'avec fes ennemis, & le tirer du costé de la France.
 Et ce qui efmeut le Roy à luy accorder volontiers tou-
 tes lefdictes villes, fut que la pluspart estoient encores
 detenues par lefdicts Bourguignons & Anglois, lefquel-
 les le Duc bientoft apres remit en son obeiffance. Ainsy *Les An-*
 la colere du Bourguignon, qui fit les Anglois maistres *glois hors*
 de la France, maintenant depofée, les en chassa. La nou- *de France*
 uelle de la paix du Traitté d'Arras refiouit grandement
 les Parisiens, les principaux defquels commencerent de
 parler plus hardiment, qu'ils n'auoient faiēt, & de là fur-
 uindrent quelques conſpirations pour mettre ladiēt
 ville entre les mains des François. Le Roy enuoya son
 armée deuāt Paris, qui fut prinſe, & les Anglois chaffe. *Paris prin-*
 En ceſte guerre Iean Baſtard d'Orleans fit plufieurs bra- *ſe par les*
 ues actes guerriers. Le Duc de Bourgongne alla aſſieger *François*
 Calais, mais il ne fit rien. La Frâce reprenoit ſa premiere *La France*
 grandeur, quand le Roy auoit les yeux tournez vers Ita- *reprit ſa*
 lie. Apres cela, le Roy aſſembla vn Concile d'Eueſ- *grandeur.*
 ques en la ville de Bourges, là où la Pragmatique San- *La Prag-*
 ction ordonnée au Concile de Baſſe fut recitée, & fut *matique*
ſanctio pu-
bliée en
France.

*Jalousie des
Seigneurs.*

par eux arresté qu'elle tiendrait en France . Charles d'Anjou Conte du Maine, frere de René Duc d'Anjou, gouvernoit le Roy & les affaires. Ce qui engendra vne grande enuie és cueurs de quelques Seigneurs, comme des Ducs de Bourbon, & d'Alençon, des Contes de Vendosme, & de Dunois, du sieur de la Trimouille, & d'Anthoine de Chabanes, Conte de Dammartin grand maître d'hôtel de France, & firent vn conseil secret entre

*Conspiratio
contre le
Roy.*

eux, tendans à fin d'entrer au gouvernement du Royaume, & conspirerent contre le Roy, se plaignans de l'Estat & façon du gouvernement, & de ceux qui auoient le maniement des affaires, desquels le principal estoit Charles d'Anjou Côte du Maine. Ainsi sont enuiez ceux qui

*Force de
l'ennie.*

gouvernent, & ainsi sont enuieux ceux qui ne gouvernent point. Et pour mieux paruenir au bout de leurs desfeings, le Duc de Bourbon se retira en ses pays, & le Duc d'Alençon à Niort, où estoit lors le Daulphin, (qui depuis fut Roy) appelé Loys vnzième, de l'aage de vnze à douze ans, ieune Prince, qui desia monstroie ce que

*Naturel du
Roy Loys
II.*

despuis il fut, c'est assauoir vn naturel ambitieux, cault & trompeur. Ces Princes cognoissans son naturel remuant, & bien disposé à receuoir les impressions qu'ils luy vouloient donner, luy firent trouuer le plus mauuais qu'ils

*Le Daul-
phin susci-
té par les
coniuera-
teurs.*

peurent, l'Estat dudit gouvernement, luy faisans entendre que le Roy croioit trop legerement aucuns qui estoient autour de luy, & qu'il se laissoit trop manier par eux, sans vouloir croire le conseil d'aucuns Princes & Seigneurs, qui estoient pour luy faire meilleur seruice, dôt
le Royaume

le Royaume estoit prest de tōber en grands incōueniēs, ausquels on ne pouuoit donner ordre, ny remede, sans son aide & faueur, & luy vsérēt d'auantage de plusieurs autres raisons & propos, dont tel aage se laisse aisément persuader. De sorte qu'ils attirerent à leur party, le Daulphin, qui incontinent cōmença à sentir son cueur, à s'entier des promesses de ces Seigneurs, & à vser d'autorité à l'endroiēt du Conte de la Marche, qui estoit reputé bō Seigneur & Prince, lequel le Roy son pere luy auoit baillé pour gouuerneur. Ce que lediēt Conte, selō son deuoir, fit incōtinent entendre au Roy, qui estāt aduertie de ceste cōspiratiō, pour y obuier prōptemēt, assēbla sa gendarmerie, & dressant vne bōne armée, tira vers Poictiers. Puis depescha à tous les Gouverneurs & aux villes de son Royaume, pour leur dōner aduis de ladiēt entreprise, & pour les aduertir de ne receuoir son fils ny ses cōplices, ny leur rēdre aucune obeissāce, ny leur dōner entrée aux villes & païs de leurs gouuernemens, auec deffences expresses à tous ses subiects, de le suyure. Nonobstāt lesquelles plusieurs desireux de nouuelleté, les autres pipez de belles parolles, & du nom de liberté, qui est la plus belle, la plus douce & la plus tromperesse chose du monde, les autres esperans profiter en ce remuement d'Estat, allerent trouuer le Daulphin, comme on à veu tousiours qu'en tels remuemens, les vns y courēt pour esperāce de changemēt d'Estat, & de faire leur profit, & les autres trōpez & abusez de ce nom specieux de la liberté qui a souuēt abusé beaucoup de personnes,

*Remonstrā
ce des cōi-
rateurs au
Daulphin.*

*Malice du
Daulphin.*

*Le fils con-
tre le pere.*

*Diligence
du Roy pour
obuier aux
cōiuratiōs.*

*Le nom de
liberté
doux.*

*Les desi-
reux de nou-
uelleté.*

*Le nom de
liberté tro-
pé.*

& les faict precipiter à leur ruine. Le Daulphin dōc ain-
 si accompagné, s'en alla vers saint Maixāt en Poictou,
 print la ville, & le Chasteau. De quoy le Roy ayant nou-
 uelles, partit en toute diligence, & y arriua le iour mes-
 me, ayant en sa compagnie ledict Charles Conte du
 maine, le Conte de la Marche, le Connestable, les Sei-
 gneurs de Coitiuy Admiral, & de Gaucourt lors grand
 maistre de France, & plusieurs autres, lesquels apres estre
 entrez en la ville, prindrēt le Chasteau, & le Roy fit exe-
 cuter vingt & huiēt de ceux qui y estoient demeurez.

*Le Roy vs
 contre son
 fils.*

*Execution
 des rebelles*

Delà le Roy alla à Nyort, d'oū le Daulphin & ceux de
 sa ligue aduertiz de la venue du Roy, partirent incontine-
 nt, & s'en allerent à Moulins en Bourbonnois, trouuer
 le Duc de Bourbon, & fit mettre vn nommé Picquet en
 quartiers qui auoit liuré le Chasteau de saint Maixant,
 & fit pendre plusieurs de ses complices. Le Roy suiuit le
 Daulphin en Bourbonnois, où il print la ville de Cham-
 bon, d'assault, & mit gens dedans Aigueperse, Montagu,

*Le Roy en
 Bourbonnois*

Combraille, Cusset, & plusieurs autres villes, dont ledict
 Duc & ses subiects, ne furent moins estonnez, qu'endō-
 magez. Le Daulphin, & les autres Seigneurs avec grand
 nombre de gensdarmes, s'allerēt mettre dedās la ville de
 saint Pourſain, & le Roy se retira à Lyon, d'oū biē tost
 apres il retourna à Clermont, en deliberatiō de mal trai-
 ter lesdicts Princes rebelles, sans ce que le Conte d'Eu,
 qui retournoit d'Angleterre, où il auoit esté longuemēt
 prisonnier, & autres bons Seigneurs, ayans pitié du pi-
 teux Estat de ce Royaume, appaiserēt le Roy, & moyen-

*Le Roy ap-
 paisé.*

nerent vne reconciliatiō telle que le Daulphin vint trou-
 uer le Roy son pere, & les autres Seigneurs qui estoient
 avec luy, ausquels il conuint prendre pardon & remis-
 sion, & mesmes ausdicts Ducs, Contes, Seigneurs & Ca-
 pitaines, lesquels le Roy receut en grace, oubliant tout
 le passé, puis chascun d'eux se retira en ses païs. Ladiète
 assemblée dura cinq ou six mois, & fut appellée la Pra-
 guerie. Paul Emile raconte, q̄ le Bastard de Bourbō, qui
 estoit vn des p̄icipaux auteurs & motifs de ceste entre-
 prise, & qui encores ne cessoit de parler impudēment cō-
 tre l'autorité du Roy, fut prins par son cōmandemēt,
 & noyé à Bar sur Aube. En ceste conspiration, le party
 des rebelles estoit le plus fort, car ils auoient beaucoup
 plus de gens de guerre, que le Roy, mais Dieu mōstra là,
 le bon droict que tousiours les Princes ont contre leurs
 rebelles, estās assiste de la force de Dieu, qui ne permet
 qu'ils viēnēt à bout de leurs intentiōs. Et en cela, le pere
 v̄sa d'vne grande clemence en l'endroiēt du Daulphin
 son fils, car il luy pardonna, & par ce pardon, il coup-
 pa sagement la racine aux coniurations, que les plus
 grands de son Royaume luy dressoient, appuyez sur le
 mescontantement commun, & sur l'entreprise, & sou-
 stien du Dauphin. Cela doibt enseigner les Princes de
 ne mescontanter les grands, car le mescontantemēt d'i-
 ceux attraine souuent vne rebellion. Estant le Daul-
 phin reconcilié avec son pere, il alla secourir la ville de
 Dieppe, assiegée par Talbot Capitaine Anglois. Le
 Bourguignon ayant du tout deposé sa haine, & contre

*Paix entre
le pere &
le fils.*

*Les rebelles
prindrent
pardon, &
reuindrent
en grace.*

*La Pra-
guerie.*

*Le Bastard
de Bourbon
noyé.*

*Le bō droit
des Princes
contre les
rebelles.*

*Sagesse du
Roy.*

*Le mescon-
tement
apporte re-
bellion.*

*Reconcilia-
tion des
Ducs d'Or-
léans & de
Bourgoigne.
Les noms
de faction
oïste.* la Frâce, & contre le Duc d'Orléans, se recôcilia avec luy, & de là en auāt ils furent autāt bons amis, qu'au parauāt ils auoient esté ennemis, & ces noms factieux de Bourguignō, & d'Orleannois, qui auoiēt tant faiēt mourir de gens, fut osté de la bouche & de la passion des hommes. La Duchesse de Bourgongne alla à Calais, pour parler de la paix avec l'Anglois, mais elle ne la sceut faire, & fit seulement trefues pour trois ans, qui furent cōfirmées par le mariage de Marguerite fille de Renē d'Anjou Roy de Sicile, avec le Roy d'Angleterre. Par ce mariage, le Roy Anglois rēdit à Charles d'Anjou, oncle de sa femme, le Conté du Maine. Ce pendant, afin que le soldat accoustumé à viure en toute licence ne fust oïsf, le Roy mena des forces en faueur de Renē d'Anjou, contre les villes de Metz & de Thou. Le Daulphin mena vne armée à Basle, & deffit quelque troupe de Suisses, puis s'en retourna vers son pere en Lorraine. François Sforse qui auoit espousé Blanche fille Bastarde de Philippes Duc de Milan, s'empara de l'Estat, qui appartenoit à Charles Duc d'Orleans, de la mere duquel nommée Valentine, ledict Philippes estoit frere. Le Roy voulut enuoyer forces à Milan pour la recouurer, mais la perfidie dont les Anglois vsèrent en la rouverte des trefues, l'en engarda, car les Anglois surprindrent la ville de Fougères, en Bretagne. Estās les trefues rompues, & la guerre ouuerte, les François prindrēt toute la Normandie. L'Anglois en son Royaume estāt brouillé de seditions, ne pouuoit si tost secourir les siens de decā, aus-

Trefues.

*La fille de
Renē d'An-
jou mariée
à l'Anglois*

*Le Daul-
phin deffit
les suisses
pres de
Basle.*

*François
Sforse Duc
de Milan.*

*Trefues rom-
pues.
Conqueste
de la Nor-
mandie par
les François.*

quels à la fin il enuoya secours. Les François & les Anglois se rencontrèrent entre Carātan & Bayeux, pres du village de Formigni, là où ils se donnerēt vne petite bataille que les Anglois perdirent. *La bataille de Formigni.* La Normandie estant conquise, il fallut aller en Guyēne, qui fut en peu de tēps toute gaignée. *La Guyēne conquise par les François.* La ville de Bordeaux qui s'estoit rendue par composition, ne demeura guieres en sa fidelité, car l'année apres elle se rendit à Talbot. *Bordeaux se rend à l'Anglois.* Jean fils du Duc de Bourbon gendre du Roy, alla contre ledict Talbot pour le combattre. Ils se rencontrèrent pres de Castillō *Bataille de Castillō la dernière de toutes.* sur les confins des paÿs de Bourdelois, & de Perigort, là où ils se dōnerēt la bataille, en laq̃lle furēt Talbot & son fils tuez, & le François vainqueur. Ce fut la dernière bataille, qui en ces guerres d'être les Anglois & les François, fut donnée entre eux, & laquelle remit entre les mains de Charles, la ville de Bordeaux, qui si longuement auoit esté Angloise, car elle se rēdit par vne nouuelle composition beaucoup plus rigoureuse que la premiere, & pour elle stipulerent huit Gentilshommes du paÿs de Bourdelois, ayans hostels dedans icelle, & douze bourgeois, des pl⁹ notables, qui furēt annobliz puis apres, cōme i'ay veu par vne copie du Traitté de la redditiō de ladicte ville, auquel entre les huit Gentilshōmes estoit nōmé, stipulāt, & signe, Messire Arnaud du Bosquat, ayeul maternel de mō pere. Les Anglois estās ainsi par toute la Frāce vaincus par vne douce victoire, furēt doucement renuoyez delà la mer, apres auoir perdu tout ce qu'ils auoiet de deçā, hormis Calais, & le Conté d'Oye, qui leur

Les Anglois chassés de France.

fera osté cent ans apres . La France & le Roy estoient
 en ioye incroiable , quand le Daulphin de rechef se re-
 reuolta contre son pere , & s'en alla en Daulphiné , là où
 il fut long téps sans rien remuer . Le Roy son pere voyât
 qu'il estoit en quelque repos , delibera de faire vn regle-
 ment sur la façon de viure des gens de guerre , qui apres
 les guerres finies tenoient les champs , & faisoient plus
 de maux que les ennemis . Il ordonna lors les Compai-
 gnes de gensdarmes , iusques au nombre de quinze cés
 hommes , & des compagnies de gens de pied , iusques au
 nombre de cinq mille avec leur equipage , & les ordon-
 na en garnison en certains lieux , afin qu'ils conseruassent
 le paÿs & le peuple , leur donnant de si rigoureuses or-
 donnances , mesmement sur la gendarmerie , que le pre-
 mier qui en enfraignoit aucune , estoit rigoureusement
 puny . Et voila la raison pourquoy ils furent appelez
 gens d'Ordonnances , & pour leur payement fut augmē-
 tée l'imposition du vin vendu en detail , ce qui du com-
 mencement fut assez insuportable au peuple . Iean Duc
 d'Alençon Prince du sang , attaint & conuaincu d'auoir
 faict venir les Anglois en France , de les auoir secouruz
 d'hommes , d'argent , & d'intelligence , & de leur auoir
 pour leur entrée en ce Royaume , donné Portz , Haures ,
 & Villes , fut mis en prison . Le Roy fit assembler à Mon-
 targis , puis à Vandoſme , les Pairs de France , & les plus
 notables & scauans hommes de son Royaume , & mes-
 mement du Parlement de Paris , pour luy faire & parfaire
 son proces . Estant cōuaincu des crimes à luy mis sus ,

*Le Daul-
phin de re-
chef se re-
uolte cōtre
son pere.*

*Institution
de la gen-
darmie
& des gē-
s de pied.*

*Ordonnan-
ces rigou-
reuses sur
les gens de
guerre.
Les gēdar-
mes nommez
gens d'ordo-
nances, &
leur paye-
ment.*

*Proces fait
au Duc
d'Alençon.*

il fut condemné à perdre la vie, l'executiō de cest article remis à la misericorde & clemence du Roy. Que ses maisons seroient abbatues iusques au premier estage, ses forests couppées iusques à la hauteur d'un homme, les fosses de ses maisons & villes comblez, les ponts leuis abbatuz, les villes desmantelées, les biens confisquez & aquis au Roy, & annexez au domaine, & ses enfans, & sa posterité degradée du nom & armes de Prince du sang, l'execution dudiect arrest remise neantmoins à la voloté du Roy. Lequel sur iceluy declarāt sadiecte voloté, dict que bien q̄ par les Loix diuines & humaines, lediēt Duc d'Alençon, comme cōuaincu du crime de leze maiesté, deut perdre la vie, & sa posterité estre exterminée iusques à la quatriesme generatiō, si est-ce qu'vsant de clemence & misericorde enuers luy, tant pour les bons seruiques faicts par les predecesseurs dudiēt d'Alençon à ceste couronne, que pour gratifier au Duc de Bretagne oncle maternel dudiēt d'Alençon, il luy remettoit la vie, & les siens en leurs honneurs & biens, à la charge qu'il demeurast perpetuellement en prison. Peu apres le Roy venant à mourir, lediēt Duc fut deliuré, & remis en ses biens & honneurs, & fort bien venu pres du Roy Loys vnziesme. Il y auoit desia quatre ans que le Daulphin estoit en Daulphiné, ou il tenoit vne nouuelle Court Royalle. Le pere leua vne armée pour aller contre luy, & le faire venir à son deuoir, mais il s'en fuit en Bourgogne, là où il fut bien reçu du bon Duc Philippes. Ces fuittes du fils mirent le pere en soupçon, qu'il le vouloit

*Arrest de
condemna-
tion dudiēt
Duc.*

*Misericor-
de du Roy
enuers le-
diēt Duc.*

*Le Duc cō-
damné à
perpetuelle
prison.*

*Armée du
pere contre
le fils.*

*Suspçō du
pere contre
le fils.*

Mort de Charles 7. empoisonner, de sorte que mettant cela dedans sa fantaisie, il demeura cinq iours sans manger, & affoiblit tellement son esprit, son corps & son estomach, que ne pouvant apres recevoir aucune nourriture, il mourut en son Chasteau de Meun sur Yeure, l'an 1461. Tel donc à esté l'Estat des affaires de la France souz Charles septiesme, auquel on peult voir vne miserable & deplorable condition du temps, qui fut abbatue par la bone fortune de la France, & par la vertu de ceux qui sagement sceurent remedier aux maux que la nonchallance du Roy, & les cueurs abbatuz du peuple, menassoyent à ce Royaume & à son Roy.

Loys 11. Roy caute & fin. Au regne plein de guerres & de miseres de Charles septiesme, succeda le regne plein de cautelles, de Loys vnziesme son fils, lequel retournant en France long tēps apres la mort de son pere, s'estant fait sacrer & couronner Roy, commença vne façon de viure toute contraire à celle de sondict pere, pleine de soupçon, de desfiâce, de vengeance, & de malicieuses cautelles, & tromperies. Il chassa & bannit de sa Court & d'aupres de soy, tous les bons & anciens seruiteurs de son pere, & entre autres, Iean Bastard d'Orleans Conte de Dunois, & de Longueville, qui auoit par sa sagesse & vaillance, chassé les Anglois de la France. Aussi il osta les charges, Estats, Magistrats & pensions, aux personnes de merite qui les tenoient, & en pourueut des hommes de bas lieu, des petits gallans, des flatteurs de Court, & des personnes pleines de tromperies comme luy. Mais ce qui luy fit plus

Loys chassa les bons seruiteurs de son pere

Osta les Estats & les donna aux indignes.

plus de mal, & qui luy cuida faire perdre son Estat, fut qu'il osta les Gouvernemēs des Prouinces, les Capitaineries & les cōpagnies des gēsdarmes, aux vieils Gouverneurs, Seigneurs & Capitaines, qui tāt fidellemēt auoiēt seruy son pere, & les donna à des petits compaignōs, & à des ieunes hommes qui ne sçauoient commander, n'ayans encore apprins d'obeir. Ce qui tellemēt offensa les cueurs & les affections de ceux qui reçeurēt ceste indignité, que puis apres ils furent facilement persuadez & disposez à coniurer contre luy, en la guerre du bien public, comme il sera dict cy apres en son lieu. Cela doibt seruir d'exemple & d'instruction aux Princes, de ne despouiller les gens d'honneur, de valeur & de serui-
Manuaise distributiō des charges
Le mescontentement irrite les hommes.
Instruction aux Princes, pour un mescontentement.
 ce, pour donner leurs charges & Estats à personnes indignes, & de ne recompenser si mal leurs bons & anciens seruiteurs, car ils seront tousiours subiects à semblables accidens, ausquels l'ingratitude & la mesconnoissance de ce Roy, anima ceux qui coniurerent contre luy. Blande fille & heritiere du Roy de Nauarre, qui auoit espousé le Roy d'Aragō, auoit vn grand different avec le Roy de Castille pour les confins de leurs Royaumes, comme il aduiet presque tousiours que les Roys voisins ont debat entre eux, pour les finages & bornes de leurs terres. Le Roy estant par les deux parties, esleu & nōmé arbitre de leurs differens, alla sur les confins de son Royaume, mal accompagné & mal vestu, là où le Roy de Castille le fut trouuer, avec grande pompe & magnificence, tant d'vn grand nōbre d'hōmes, que de

Different entre les Roys de Nauarre & d'Aragō.

Leys arbitre de leurs differens.

*Loys auare
et mecha-
nique.*

beaux & sumptueux habits & meubles. Les Espagnols penserent que Loys n'auoit pas faict cela pour monstrier vne simplicité, ains accuserent sa mehaniqueté & auarice, combien que ce fust sa coustume d'estre tousiours mal vestu. Il donna son arrest en faueur du Roy de Castille, toutesfois le Roy d'Aragon ne voulut acquiescer à son iugement, ains le fit pratiquer secrettemēt de telle façon qu'il eut secours de luy tant d'hommes que d'argent contre le Roy d'Aragon, & pour gaige de l'argent, il luy engaiga le Conté de Rossillon pres de Narbonne.

*Le Costé de
Rossillon en-
gagé au
Roy Loys
11.*

*Les villes
de la riuie-
re de Some
rachetées.*

De ce costé là, ce Conté estoit vne bonne barriere pour la France, & de l'autre, il racheta du Duc Philippes de Bourgongne, les places & villes de la riuere de Some, qui par le Traitté d'Arras, auoient esté engagées, & ainsi rempara il son Royaume des deux endroicts les plus mal couuerts. Or le Pape luy estant ennemy, il tascha de se le rendre amy, & pour c'est effect enuoya vers luy, l'E-

*Le droict
de la Prag-
matique
Sanction
remis au
Pape.*

uesque de Tournay, par lequel il luy remit le droict de la Pragmatique Sanction. Il voulut aussi auoir l'amitié de François Sforce Duc de Milan, & pour l'obliger à foy, il luy donna la ville de Sauone. René Duc d'Anjou, & Roy de Sicile son oncle maternel, auoit quitté la ville de Genes, & Iean fils dudit René, ayant esté vaincu en bataille pres la ville de Troye en la Pouille, & n'ayant aucune esperance d'auoir secours du Roy Loys son cousin, auquel il l'auoit souuent demandé, auoit quitté l'Italie avec vn extreme mal'talent, & haine qu'il portoit audit Roy, pour n'auoir esté de luy secouru en son grand

besoing: ce que Loys sceut bien. Or luy qui estoit d'un
 naturel hargneux, ne demandant que querelles contre
 ses voisins, enuoya dire au Duc François de Bretagne, *Mandement
du Roy au
Duc de Bre
tagne.*
 trois choses, la premiere qu'il n'eust plus à mettre en ses
 tiltres, PAR LA GRACE DE DIEV DUC DE
 BRETAGNE: l'autre qu'il eut à permettre au Roy
 de leuer tailles sur son Duché: & la troiziesme, que les
 benefices de fondation Royale, eussent à recognoistre
 ledict Roy pour seul patrô & non autre. Ce que si ledict
 Duc ne faisoit, le Roy luy declaroit la guerre. Ce pen-
 dant le Roy avec la menasse auoit le bras leué pour frap-
 per, car comme il mandoit cela au Duc, il auoit desia v-
 ne armée toute preste, pour luy courir sus. Le Duc estoit *siuge respo-
ce du Duc.*
 né & effrayé des menasses du Roy, & de ses forces qui se
 monstrerent sans auoir esté ny preueues, ny craintes,
 & n'ayant aucun moyen ny forces d'y resister, respon-
 dit à l'Ambassadeur du Roy qui luy porta ceste parolle,
 que ces trois poincts estoient de telle consequence, qu'il
 ne pouuoit de luy seul y respondre, mais qu'il falloit sur
 iceux, auoir l'aduis des trois Estats de son Duché, les-
 quels à ceste occasion il conuoqueroit. Le Duc faisoit
 ceste responce dilayante, pour auoir ce pendant temps
 & moyen de pouruoir à ses affaires, de s'armer, & d'ap-
 prester ses forces, & d'auoir secours de ses amis, & intel-
 ligés. Il enuoye de tous costez vers les Princes ses amis, *Ménées
du dict Duc*
 des negotiateurs, & la plus part d'iceux, desguisez, les
 vns en Moynes, & les autres en Mendians, afin qu'ils ne
 fussent descouuerts par ce Roy mauuais garçon, lequel

*Les Ducs
de Bourgogne
ennemis du Roy.*

*Le Bastard
de Ruban-
pré prins.*

*Accusatio
contre le
Roy.*

*Ambassa
de du Roy
au Duc.*

le Duc vouloit tromper s'il pouuoit, mais le Roy de sa nature soupçonneux, & cault & fin, descouurit les Ambassades, menées & pratiques du Duc, & entre autres, qu'il auoit intelligēce avec le Roy d'Angleterre, & Charles Conte de Charolois, fils du bon Duc Philippes de Bourgongne, ses capitaux ennemis. Le Roy enuoya le Bastard de Rubanpré, avec vn nauire, sur les costes de Hollande, pour surprendre l'Ambassadeur dudit Duc de Bretagne, qui de Flandres deuoit passer en Angleterre. Le Bastard estant descendu en Hollande, s'accompaignant seulement de trois hommes, s'en alla dedans vn village assez loingtain du port & de la mer, là où estoit le Conte de Charolois avec grande compagnie. Or le Bastard ne voulant estre cogneu, ne peut si bien se couvrir & cacher, qu'il ne fut descouuert, & estant cogneu, fut prins avec sa compagnie, & ietté en prison. Le Nauire qui l'auoit porté, entendant sa prinse, se sauua, & Oliuier qui estoit vn des plus fauoriz du Conte, fit courir vn bruit par les pays bas, que le Roy auoit enuoyé vn Pyrate en ces costes là, pour surprendre le Conte, de Charolois, afin que le bon homme de pere du Conte, apres la prinse de son fils, fut plus aisé à prendre. Le Roy aduertý de cecy, enuoya vers le Duc de Bourgongne, le Chancelier de Moruilliers, & l'Archeuesque de Narbonne, lesquels venuz deuant le Duc, luy accuserent son fils d'auoir intelligēce avec le Duc de Bretagne, amy des Anglois ennemis de la France, disans que cestoit vn

crime de felonnie, & de leze maieſté. Ils prièrent auſſi le Duc de leur faire rendre le Baſtard de Rubampré, lequel ils diſoient auoir eſté enuoyé par le Roy leur maïſtre, pour ſurprendre l'Ambaſſadeur du Duc de Bretagne allant en Angleterre, & pareillement qu'on leur rendiſt ceſt Oliuier, qui auoit eſté autheur du mauuais bruit qui auoit couru, que le Roy vouloit faire prendre le Conte par lediſt Baſtard, afin que lediſt Oliuier fuſt puny comme autheur d'vne meſchante impoſture, & ſedition. Le Conte eſtoit preſent quand ces propos furent tenuz au Duc ſon pere par lediſt Chancelier, en preſence des plus grands Seigneurs de Bourgongne & de Flandres. Adoncques le Conte ſe mettant à genoux deuant ſon pere, le ſupplia que puis que lon parloit de ſon honneur, & de celuy du Duc de Bretagne ſon amy, & homme de bien, il luy pleut permettre de parler, tant pour ſoy que pour lediſt Duc, & de deffendre l'un & l'autre, contre la calomnie intentionnée par le Roy & par la bouche de ſon Chancelier. Le pere cognoiſſant que ce ieune Prince iuſtement irrité, paſſeroit en ſon lāgage, les bornes de la raiſon, luy com manda de ſe taire pour l'heure, & luy diſt que le lendemain il pourroit dire ce qu'il voudroit, & que ce pendant il y penſaſt bien, & ſur tout à ne ietter rien dehors, qui ne fuſt honneſte. Le Conte reſpondit que le Baſtard qui eſtoit conuaincu de pluſieurs crimes, & auoit attanté contre ſa perſonne, auoit eſté legitiment & iuſtement prins, & que puis qu'il a-

*Requeſte de
l'Ambaſſadeur.*

*Requeſte
du ſils au
pere.*

*Sageſſe du
pere.*

*Reſpōce du
Conte de
Charolois.*

*Requête
des Amb-
bassadeurs
du Roy.*

*Plainte du
Duc cõtre
le Roy.*

*Perfidie du
Roy Loys
II.*

*Autre re-
quête du
dict Amb-
bassadeur.*

uoit esté apprehendé en Hollande , pays qui n'estoit aucunement subiect au Roy, il ne deuoit point estre ré-
du audict Roy, & q̃ quant à Oliuier, d'autant qu'il estoit Bourguignon, & n'estoit vassal ny subiect du Roy, il ne deuoit respondre deuant le Roy, ny luy estre liuré entre les mains . Comme les Ambassadeurs du Roy , ne cessoient de supplier le Duc, de ne desnier à leur maistre ce qu'il luy demandoit, & de remonstrer à son fils, qu'il ne deuoit se craindre du Roy , ny penser que Rubempré l'eut voulu prendre, ny attanter aucune chose contre sa personne, il respondit que iusques alors il n'auoit desnié aucune chose au Roy, & qu'au cõtraire le Roy luy auoit promis beaucoup de choses, desquelles il ne luy auoit rié tenu, entre lesquelles il disoit q̃ le Roy luy auoit promis de le laisser iouyr des villes assises sur la riuier de Some , moyennant quelque somme d'argent qu'il luy auoit donnée, & que le Roy l'auoit asseuré de les luy laisser tant qu'il viuroit, neantmoins il les auoit emblées par surprinses, auoit mis des garnisons dedans, & auoit contrainct la Noblesse du païs, de luy faire vn nouueau serment de fidelité, & iurer de porter les armes contre qui il leur commanderoit, sans exception de personne. Le Duc aussi commanda à son fils de n'entrer poinct en deffiance ny soupçon du Roy, & lors dict le Duc audicts Ambassadeurs, que si son fils estoit soupçonneux, il ne tenoit aucunement cela de luy, ains de sa mere, qui estoit fort soupçonneuse femme. Le lendemain en la presence du pere & du fils , le Châcelier repeta sa pre-

miere demande, & dict que le fils estoit courroussé contre le Roy, de ce que l'ayant le Roy du commencement fait Gouverneur de Normandie, avec vn bon Estat & pension, il luy auoit peu apres osté & le gouuernement & la pensio. Le ieune Prince en peu de parolles, respōdit doucement à la harangue du iour de deuāt, & à celle du iour present faictes par le Chancelier, & monstra que la nuit qui auoit esté entre l'vne & l'autre, & la presēce, la reuerence, & la maiesté du pere auoit relasché & amolli sa fureur, & dit que non seulement il auoit contracté alliance, amitié & seure intelligence avec le Duc de Bretagne, mais aussi qu'ils festoiēt l'vn à l'autre promis, d'estre freres & compaignons d'armes, & de se deffendre & secourir l'vn l'autre, non pour attenter aucune chose cōtre le Roy, mais pour le cōmun biē & deffence d'eux deux. Qu'il ne se soucioit pas beaucoup de ce que le Gouuernement de Normandie luy auoit esté osté, & que sans cela il auoit Dieu mercy & son pere, assez de bien, sde grandeurs & d'honneurs. Les Ambassadeurs prenans congé de son pere sans rien faire, il les accompagna dehors, & comme ils furēt si loing du pere qu'il ne pouuoient plus estre veuz de luy, & qu'il ne pouuoit plus entendre ce que le Conte leur diroit, ledict Conte dit tout bas à l'oreille de l'Archeuesque de Narbonne : Le Roy ma fait lauer la teste deuant mon pere, par son Chancelier, mais il s'en repētira deuant que soit vn an, ce que ie vous prie luy dire de ma part. Ce mot fut prophetique, car deuant l'an reuolu, le Roy se repētit d'a-

*Responce
du Conte*

*ansdicts
Ambassadeurs
Frā-
çois.*

*Les Am-
bassadeurs
s'en vont.*

*Parolle du
Conte aux
Ambassadeurs.*

uoir donné charge au Chancelier, de dire au Duc Philip-
Vengeance
du Conte. pps ce qu'il luy dit. Ainsi s'en allerent les Ambassa-
 deurs sans auoir rien obtenu, & peu de temps apres, le
 Conte pour se venger du Roy, souz-leua toute la Frâce
Le Conte
accuse le
Roy de
Tyrannie. contre luy, publiant par tout que le Roy estoit vn Tirā,
 vn exacteur, & vn cruel, & que luy, vouloit secourir le
 peuple, pour le faire descharger des impositions dont il
 estoit fouldé & oppressé. Qu'il luy vouloit donner sa li-
 berté, & le soulager des charges qui l'auoient reduict en
Mauuais
bruiets par
la France. plus cruelle seruitude, que les esclaués. D'auantage qu'il
 vouloit rendre aux Nobles leur ancienne dignité, aux
 gens d'Eglise ses droicts, priuileges & autoritez, & bref
 à la France sa liberté, son repos, & son bien, duquel il se
 disoit le protecteur & support. Voila ce que le Conte de
 Charolois publioit par la France, & qu'il semoit aux o-
 reilles du peuple, pour attirer sa bonne grace, & son se-
 cours à la vengeance du Roy. Mais en effect, la guerre
 qu'il vouloit faire au Roy, estoit fondée sur l'ambition,
 la haine, & la ialousie, comme coustumierement toutes
Les guerres
des suiets
contre leur
Prince. les guerres des subiects contre leurs Princes, sont colo-
 rées de ce beau & specieux nom de liberté. Et d'autant
 que plusieurs Seigneurs estoient mal contans du Roy,
 de ce qu'ils auoient esté despouillez de leurs charges,
 honneurs, & pensions, ils se mirent de la partie, & luy fi-
 rent beaucoup de mal, pour ce qu'ils entédoient les af-
 faires, auoient grande reputation, beaucoup d'amis, &
Mescontē-
tement des
grands. grand mescontentement, & despit. Ce qui doit ensei-
 gner les Princes, de n'irriter iamais les grāds personnages
 qui

qui bien cognoissent leurs affaires , ains de faire cas d'eux , & ne les priuer de leurs charges pour les donner à personnes indignes , comme il à esté dit ailleurs.

*Instruction
aux Prin-
ces.*

Aussi le peuple estant grandement foullé , & la Noblesse mal contante , le Conte de Charolois trouua les cueurs , & les volonteze des hommes bien disposées à la coniuration , & à vne guerre , laquelle d'un beau nom il appella , la guerre du bien public . Iean Bastard d'Orleans Conte de Dunois , duquel il a esté parlé cy dessus , ayant esté priué de tous les Estats , se mit de la partie avec le Conte. Le Duc de Bretagne , irrité contre le Roy , pour les causes cy dessus declarées , en fut aussi. Iean Duc de Bourbon , qui auoit espousé la seur

*Guerre du
bien public*

*Les parti-
sans de la-
dicte guer-
re.*

du Roy , & n'auoit encores eu , ny peu auoir son mariage , & estoit nepueu du Duc Philippes , & beaufrere du dict Conte & fort son amy , se ligua avec luy . Charles frere du Roy , ne se contentoit du Duché de Berry qui luy auoit esté donné pour Apannage , disant que son partage estoit trop petit. Le vieil duc Philippes ne voulut se declarer , ains se rendit seulemēt spectateur de la guerre. Le Duc de Nemours , & le Sire d'Albrer avec vne grāde partie des Gentilshōmes de France , mal contans de ce q̄ le Roy ne faisoit cas d'eux , se mirent aussi en ieu. Le Roy auoit pour luy , René Duc d'Anjou , & Charles Conte du Maine , freres , ses oncles maternels , & au cōtraire Iea fils dudit René , Duc de Lorraine & de Calabie , irrité de ce qu'aux guerres d'Italie , le Roy ne l'auoit voulu secourir ,

*La Nobles-
se mal con-
tante.*

*Les parti-
sans du Roy*

desiroit de se vanger de luy. Le Duc de Berry frere du Roy estant suscité & pratiqué par les Ducz de Bourgogne & de Bretagne à estre de ceste partie, secrettement se desroba de son frere, & s'en alla en Bretagne. Le Conte de Charolois faisant trompeter ce nom specieux de liberté par toute la France, met vne armée en campagne, & se disant Lieutenant general du Duc de Berry en la guerre du bien public, intentée pour le repos du Royaume, & soulagemēt du peuple, vint sur la riuiera d'Oyse, là où il print le pont de sainte Maixance. Delà il vint sur la riuiera de Seine, & de prime abordée s'empara du pont saint Cloud, pour tenir la riuiera de Paris en subiection, de ce costé là. Le Duc de Bourbon leua aussi des forces, & prenant les fināces du Roy en ses pays, les donna à ses soldats. Le Roy se voyant assailly & assiegé de toutes parts, & tant de guerres le menasser, ne perdit cueur. Il enuoya lesdicts René & Charles ses oncles sur les confins de Bretagne & d'Anjou, pour empescher le passage au Duc de Bretagne, & luy, s'en alla vers Bourges, mais les portes de ladiēte ville luy estant fermées pour ce qu'elle estoit tenuē par les gens de son frere, il s'en alla contre le Duc de Bourbon, sur lequel il print plusieurs villes. Mais comme il eut entendu que de Bourgogne, il venoit secours au Duc de Bourbon, & que d'autre costé, le Duc de Nemours, le Conte d'Armagnac & le Sire d'Albret venoient avec grāde puissance, & que les Ducs de Berry & de Bretagne venoient si

*Le frere du
Roy contre
le Roy.*

*Armée pres
Paris.*

*Diligence
du Roy.*

*Freres con-
tre le Roy.*

forts, que René & Charles n'estoient assez puissans pour les empêcher de passer, il se trouua bien empêché à deliberer ce qu'il deuoit faire. Et craignant que tous ces Princes & leurs forces se ioignissent ensemble, & que souz ce nom de bien public, & par le poix & force de leurs belles parolles, & souz espee & couleur d'une sainte cause, & du nom de la liberté, la ville de Paris capitale de ce Royaume, & le patron & mirouer des autres, fauorisast leur party, & se mit de leur costé, il laissa le païs de Bourbonnois, & en la plus grande diligence qu'il peut vint à Orleans, pour gagner Paris, & se ioignit avec ses deux Oncles, René & Charles. Aussi la Noblesse du Dauphiné, & quelques Seigneurs de Sauoye vindrent à son secours. D'Orleans il trauersâ la Beaussé & vint à Chastres souz Montleheri. Comme le Bourguignon entendit sa venuë, il marcha vers luy, & se rencontrans pres de Montleheri, en lieu assez mal propre pour combattre, comme estant enclos de montagnes, ils se donnerent la bataille, là où la victoire fut douteuse, car l'un n'y l'autre ne gagna. Bien est vray que le Conte gagna le champ, & le Roy s'en alla à Corbeil, mais le peu de fruit que le Conte tira de ceste bataille, môstra qu'il ne l'auoit pas gagnée, car tousiours despuis ses affaires declinerent. Peu apres les Ducs de Berry, de Bretagne, & de Lorraine, se vindrent ioindre avec luy. Il enuoya querir secours en Angleterre, & le Roy en Italie à François Sforce Duc de Milan, qui luy enuoya secours de cinq cens cheuaux, & de trois mille hommes de pied,

Autre diligence du Roy.

La bataille de Montleheri. Histoire douteuse.

Secours d'une part & d'autre

*Sage cōseil
de sforce
au Roy.*

*Le Roy Loys
caut &
trompeur.*

*Popularité
du Roy.*

*Finesse du
Roy.*

*Le peuple
flatté.*

mais il le secourut encore mieux de conseil, duquel le Roy se seruant, vainquit ses ennemis sans les cōbattre, & sans exposer sōn Chef, ny sa courōne aux tromperies de la fortune, & aux hazards d'vne bataille. Sforce conseilla le Roy de ne desnier aucune chose pour l'heure presēte à aucū de ses ennemis, ains de leur accorder tout ce qu'ils voudroient, afin de les contanter, & separer: luy remonstrāt qu'apres qu'il auroit faict celà, il leur seroit mal aisé de se reioindre, & à luy biē aisé d'en auoir la raison, vn à vn. Or le Roy qui de sa nature estoit cault & trompeur, & bien capable de telles persuasions & remonstrances, receut ce conseil, & s'en alla à Paris, là où il alloit de rue en rue, & de maison en maison, disner & souper, chez l'vn & chez l'autre, parlant priuement à chascun, pour gaigner le cuer du peuple, & se rendoit en toutes façons populaire. Et d'autant que le peuple prestoit l'o-reille à ce nom du bien public, que ses ennemis auoient si souuent en la bouche, il faisoit tout ce qu'il pouuoit pour luy oster ceste fantasie, disoit qu'il vouloit choisir vn bō nōbre de sages hōmes pour son cōseil, cognoissāt cōbien grāde & pesante estoit la charge d'vn Royaume, qu'il ne pourroit luy seul administrer ny gouverner, sans leurs secours & aduis. Il sceut si biē amadouuer le peuple qu'il se rēdit fort aimé de luy, & le destourna de l'affectiō qu'il cōmançoit de porter aux ennemis, & au nom de la liberté. Ayant faict cela & laissant à Paris, bonne garnison, il s'en alla en Normādie, pour empeschē que quelque remuemēt ne s'y dressast, & pour en tirer des forces.

Ce pendant les Princes assiegerent la ville de Paris. Ce Paris assie
 qu'entendant le Roy, y retourna en diligence pour ob- gée par le
 uier aux intelligences qu'ils eussent peu auoir d'entrer Conte de
 dedans. Plusieurs escarmouches furent faictes deuant la Charolois.
 ville, & quelque tēps apres, ayant le Roy & les Princes
 faict trefues pour deux iours, le Chancelier de France
 alla vers le Duc de Berry, pour descouurir son inten-
 tion, & à quoy tendoient ses desseings. Le Duc se plai- plainte du
 gnant d'auoir esté mal partagé, demandoit la Norman- frere du
 die, & ne voulut receuoir la Champaigne & la Brie, qui Roy.
 luy estoient offertes, excepté meaux, Meleun, & Monte-
 reau fault-Yonne. Le Roy & le Côte de Charolois par- Le Roy &
 lementerent ensemble, entre la ville & leur camp, là où le Conte
 le Roy qui estoit mauuais garçon, & qui ne l'auoit sceu parlemēt ensemble.
 vaincre par les armes, le sceut si bien vaincre par belles
 parolles, que delà en auant le Conte se rendit plus doux,
 qu'il n'auoit esté au parauant. Il demanda que les villes
 de la riuiera de Some luy fussent rendues, & que la
 Normandie fut donnée au Duc de Berry, mais pour
 l'heure ils ne peurent rien accorder entre eux. Ils par-
 lementerent quelque autrefois ensemble, & en fin le
 Roy voyant que les Normands desiroient fort auoir
 pour Duc, son frere Charles, & que ces Princes auoient
 beaucoup d'hommes à leur deuotiō, qui couroient à ce
 nom de liberté, il luy accorda tout ce qu'il voulut, & mes- Accord fait
 mement que le Duc de Berry son frere auroit la Normā entre le
 die. Qu'il donroit au Duc de Lorraine grande soimne Roy & le
 d'argēt pour aller recōquerir son Royaume de Naples. Conte.
Traité de
la paix de
Conflans.

" Que pareillemēt il donroit au Duc de Bourbon l'argēt
 " qui luy estoit d'eu du mariage de sa fēme, & rēdroit les
Articles Estats, pensions, maisons & biens à ceux à qui ils auoiēt
dudit esté ostez. Et lors il fit Connestable de France, Loys de
Traicté. Luxembourg Côte de saint Pol, qui à la fin eut la teste
 " tranchée à Paris. Voila comment la paix fut faicte en-
 tre le Roy & les Princes, qui fut appellée la paix de
 Conflans. A laquelle fut adioinct de par eux vn autre
 article, c'est qu'ils ne seroient contraincts de venir au
 mandement du Roy, s'ils ne vouloient, & qu'il leur suf-
 firoit de le faire, lors qu'ils en verroient estre le besoing.
Fin de la Et ainsi print fin la guerre du biē public, non la haine &
guerre du la passion des courages. Ce Roy cault, fit ceste paix pour
biē public. les separer, & pour se descharger de ceste guerre, mais
Tromperie peu apres les ayant separez, il les trompa. Chasque Prin-
du Roy. ce de la coniuration, eut ce qu'il demāda, & tira quelque
 lippée du Roy, hormis le Duc de Bretaigne, qui n'eut riē.
 Le Côte de Charolois s'en retourna cōtēt, pour ce qu'il
 auoit eu les villes de la riuere de Some qu'il auoit de-
Charles frere mandées. Charles frere du Roy auoit le Duché de Nor-
re du Roy, mandie, & estoit suiuy de tous ceux ausquels la paix ne
duc de Nor- satisfaisoit pas du tout, ce qui mit le Roy en soupçon.
mandie. Le Duc Breton s'en alla en Normandie avec le nouveau
 Duc d'icelle, & le gouuernoit & manioit, & faisoit de
Malice du luy tout ce qu'il vouloit. Cōme ils estoient deuāt Rouen,
Roy à ba- attendant l'apprest que ceux de la ville faisoient pour
stir des sou- receuoir leur nouveau Duc, le Roy qui estoit vn mer-
pcons. ueilleux ouurier à bastir des soupçons, inimitiez & def-

fiances, fit courir vn bruit dedans la ville, que le Duc de Bretagne auoit deliberé d'enleuer le Duc de Normandie, & de l'emmener en Bretagne. Le Roy fit courir ce bruit pour separer le Duc Breton d'auec le Duc de Berry, & pour les mettre en deffiance l'vn de l'autre. Ceux de Rouen entendans cecy, & craignans que cela d'eut aduenir, allerent soudainement prendre leur Duc, & l'emmenèrent dedans la ville, & peu s'en fallut qu'ils ne se ruassent sur le Breton, lequel craignant la fureur du peuple se retira en Bretagne, & en s'en allant, print quelques villes de la basse Normandie. Le Roy prenant la dessus vne belle occasion de guerroyer son frere, mena des forces à Rouen contre luy. Le Duc de Normandie n'ayant des forces egalles à celles du Roy, & se voyant destitué du secours du Côte de Charolois, & du Duc de Bretagne ne scauoit que faire, & lors cōmēça la paix de Conflans à estre rompue. Le Conte de Charolois estoit assez empesché à la guerre des Liegeois, de façon que Charles Duc de Normandie se voyant hors d'esperance de secours, se retira vers le Duc de Bretagne, à qui le Roy en vouloit, & n'auoit autre desir que de luy courir sus, comme il fit, & cōtraignit le Duc son frere, & ledict Duc de Bretagne de demander la paix, & à la recevoir telle qu'il luy pleut. Le Breton n'eut riē, & le Duc Normād fut cōtrainct de quitter au Roy la Normandie, en recompense de laquelle le Roy luy promit vne pension de trois cens cinquante mille escus, tous les ans. Le Duc Philippes de Bourgogne mort, Charles son fils nouveau

Le Duc de Bretagne prend des villes en Normādie. Le Roy v.s. contre son frere.

La paix de Conflans rompue.

paix entre le Roy & son frere.

Charles Duc de Bourgogne.

Duc d'icelle, ayant mis fin à la guerre des Liegeois, & entendant la guerre que le Roy faisoit à ces deux Princes, delibera de les aller secourir, & bien que par les chemins il entendit que le Roy leur auoit donné la paix à coups de baston, si est-ce qu'il n'en vouloit rien croire. A la fin il le sceut, & nonobstant cela, il ne laissa de marcher tousiours vers eux, bien marry de ce qu'ils l'auoiēt receue si honteuse. Comme il estoit en cheinin, les Ambassadeurs des deux Ducs & du Roy, le vindrent trouuer, les vns pour luy demander secours contre le Roy, & ceux du Roy pour luy dire que le Roy desiroit de parler avec luy de leurs affaires, & à ceste occasion qu'il esleut vn lieu propre à leur parlement. Il fut accordé entre le Duc & les Ambassadeurs du Roy, que le Roy & luy se trouuerroient à certain iour assigné, dedans la ville de Perōne. Le Roy y vint peu accompagné, & y trouua le Duc avec toute l'armée qu'il auoit ramenée du Liege, & enuironné de personnages qui n'estoient point amis du Roy, ce qui estonna le Roy, qui se vit le plus foible entre les mains de ses ennemis. Luy & le Duc parlerent souuent de leurs differents, & du moyen de les accorder, & comme ils en estoient en propos, le Duc eut nouuelles que les Liegeois suscitez & pratiquez par le Roy, reprenoient les armes pour luy faire la guerre. Le Duc s'escria de ceste nouuelle, disant que le Roy souz couleur d'vn pourparlement de paix, & d'vne reconciliation, suscitoit ses ennemis contre luy, & que c'estoient de ses tours accoustumez. Adonc le Duc comanda que les

Ambassadeurs du Roy au Duc de Bourgogne.

Parlement du Roy & du Duc à Peronne. Crainte du Roy.

Soupçon du Duc contre le Roy.

les portes de la ville fussent fermées, & que personne n'entrast ny ne sortist, & par l'espace de deux iours, le Roy fut cōme prisonnier dedans la ville, & bien estroitement gardé, si qu'il ne parloit à personne. Il se repentit bien d'estre venu là, mais il n'estoit plus temps, & ne sçauoit que faire ne que dire, & se voyant en la puissance de son ennemy, ne pensoit plus qu'à la mort, & ce qui d'auantage l'effrayoit, estoit la veue de la Tour, en laquelle souz couleur de bonne foy, & d'un propos de paix, Charles le simple Roy de France, fut mis prisonnier par le Conte de Vermandois, & contrainct de quitter sa couronne. Le Duc demanda aduis à ses plus fidelles seruiteurs, de ce qu'il deuoit faire du Roy. Il y eut la dessus trois opinions, l'une que le Duc deuoit garder au Roy la foy promise, moyennant que le Roy se declarast ennemy des Liegeois, & donnast secours au Duc, pour leur faire la guerre. L'autre fut, que le Duc ne deuoit poinct laisser aller le Roy, puis qu'il l'auoit prins, car si le Roy eschappoit, il se vengeroit de l'indignité qu'il auoit receuë du Duc. La troiziesme fut, que le Duc deuoit faire venir le frere du Roy, & que puis que le Traitté de paix de Conflans auoit esté enfreinct, bien qu'elle eust esté solemnellement iurée, il falloit faire de nouuelles conditions beaucoup plus rigoureuses & plus asseurées que les autres, afin que le Roy qui estoit vn trompeur ordinaire, ne les
Danger de la personne du Roy.
Frayeur du Roy.
Conseil sur la deliurée du Roy.
Le Roy trompeur.

*Subtilité
du Roy.*

dormoit pas de son costé, eut loisir de tanter & sonder les voluntez des Seigneurs plus fauoriz du Duc. Il estoit loing de ses moyens, finances & facultez, toutesfois il trouua entre ses seruiteurs qui estoient avec luy, quinze

*Le Roy
se fait gai-
gner les
hommes.*

mille escus, qu'il donna aux plus fauoriz du Duc, & leur fit tant de belles promesses, avec tant de belles & blandissantes parolles, qu'ils disposerent le Duc, à receuoir la premiere opiniõ, qui estoit de le laisser aller, à la charge qu'il le secourroit contre les Liegeois. Le Roy se purgeât de ce qu'il estoit accusé d'auoir suscité les Liegeois contre lediët Duc, promit de donner à son frere les Cõ-

*La Cham-
paigne pro-
mise au frere
du Roy.*

tez de Châpaigne & de Brie. C'estoit ce que le Duc de Bourgogne desiroit, afin d'estre voisin dudiët Duc frere du Roy, & afin qu'estans voisins, ils se peussent secourir l'un l'autre contre le Roy, & ses finesses & tromperies

*Le Roy se-
court le
Duc.*

accoustumées. Le Roy enuoya querir trois cës cheuaux, avec lesquels il accompagna le Duc deuant la ville du Liege, & fut contrainct de faire en faueur de son ennemy, la guerre à ses amys. La ville fut prinse & brulée,

*Le fruit
de la trom-
perie.*

& ceux de dedans mis au fil de l'espée. Voila le gain que Loys reçeut de sa tromperie, car il fut non seulement deceu de son esperance, mais qui fut le pis, il se trouua en

*Instructiõ
aux Prin-
ces.*

danger de sa vie. Ce qui doit enseigner les Princes de ne se seruir des artifices qui mettent en perils leur personne, & leur estat. Le Roy apres ceste ville prinse, laissa le Duc & s'en reuint en son Royaume, & d'autant qu'il ne vouloit donner à son frere les paÿs de Champaigne & de Brie, suiuant ce qu'il auoit promis au Duc de Bour-

gongne, pour ce qu'il ne vouloit mettre si pres l'un de l'autre ces deux Princes, il gagna par dons & promesses les plus fauoris seruiteurs de son frere qui le conseillerēt de ne vouloir receuoir lesdicts paÿs, ains de se contanter de la Guyenne, luy remōstrans que c'estoit vn plus beau pays, & plus riche que la Champaigne. Or faisoit il cela pour ietter son frere bien loing du Duc de Bourgongne & du Duc de Bretaigne, afin qu'ils ne peussent auoir aucun voisinage ensemble. Le frere du Roy print la Guyenne, de laquelle il ne iouit gueres, car peu apres il mourut à Bordeaux. Quelques vns de ceux qui estoient pres du Roy, aduertissoient le Duc de Guyenne, qu'il se gardast que le Roy son frere ne le trompast, entre lesquels fut Jean Balluë Euesque d'Angers & Cardinal, & l'Euesque de Verdun, lesquels estans descouverts d'auoir intelligence avec lediēt Duc furent mis en prison. Cela aduint l'an 1470. auquel temps nasquit Charles fils du Roy, & despuis Roy, & nommé Charles huiētiesme. La naissance de ce petit Prince affoiblit l'esperance des Princes, & donna cuer au Roy, lequel au parauant se voiant presque hors d'esperance, d'auoir des enfans, pour ce qu'il estoit desia sur l'aage, ayant quarante sept ans passez, & estant presque tousiours malade, faisoit bōne mine ausdicts Princes, & ne desiroit plus que passer le reste de ses iours en repos. Mais quand il vit qu'il auoit vn fils, il esleua plus hault ses desseins, & ses affections, & delibera non seulement de rendre son Royaume paisible pour soy, mais aussi de le laisser tranquille à son fils, & de le

*Entre tro
pere du
Roy.*

*Le frere du
Roy print
la Guyenne.*

*Jean Balluë
Euesque
d'Angiers.*

*Naissance
du Dauphin,
des-
puis Roy
Charles 8.*

*La naissance
du fils.
esleua le
cœur du
pere.*

*Le Roy en
seleux.* purger de tous ses ennemis, & de toute crainte & sou-
*Plaines
pour n'a-
voir iustice* pçon. Premièrement il delibera d'auoir sans coup ferir,
les villes de la riuere de Some, qu'il auoit rendues au
Duc de Bourgogne. Plusieurs grands Seigneurs de la
iurisdiction d'icelles, se vindrent plaindre au Roy, de
ce que le Duc n'obseruoit pas les conuentiōs faictes en-
tre eux deux, & que la iustice leur estoit mal admini-
*Adiourne
ment donné
au Duc.* strée. Le Roy enuoya adiourner le Duc pour venir res-
pondre à ces deux poincts. Le Côte de saint Pol Cōne-
stable de Frâce auoit grāde autorité, beaucoup de ter-
res, & beaucoup d'amis en ces lieux que le Roy vouloit
auoir, & à ceste occasion le Roy l'enuoya prier de solli-
*Mentes du
Roy pour
faire reuol-
ter le peu-
ple contre
le Duc.* citer les cueurs & les volōtez des hommes dudict pays,
pour se reuolter & esleuer cōtre ledict Duc, & pour re-
ceuoir à mesme heure, en tous lieux, ses gens. Le Côte de
S. Pol fit ce qu'il peut, & sollicita toutes les villes, mais
deux seulement reçurent les Frāçois, qui furent Amiēs,
& saint Quentin. Les autres qui ne voulurent se rendre
*Atiens
& S. Que-
tin se redēt* par surprinse & intelligence, furent tētées par guerre. Le
Duc de Bourgōgne voyant que le Roy se declaroit son
ennemy à bō escient, enuoya demāder secours au ducs
de Berry, & de Bretagne, & secrettement fit practiquer
le Connestable, luy remōstrant que le Roy estoit hōme
*Le Conne-
stable pra-
tiqué.* léger, inconstant, & deffiant, & qu'il pourroit pour la
*Le Roy le-
ger & in-
constant.* moindre occasion qui aduiendroit, conceuoir vne hai-
ne cōtre ledict Cōnestable. Que si cela aduenoit, le Duc
luy promettoit de le recevoir & bien traiter: par ainsi le
prioit de ne luy estre point ennemy, & de pēser qu'il au-

ra tousiours en luy vn bon amy, sil aduient que le Roy le vienne à hair. Le Connestable qui cognoissoit l'humour du Roy, & voulant auoir deux cordes en son arc, presta l'oreille à cecy, & respondit au Duc qu'il voioit sa ruine presente, sil ne donnoit sa fille vnique en mariage au Duc de Guyenne frere du Roy. Or le Bourguignon ne vouloit dōner sa fille à aucū, ains la promettant à plusieurs Princes, vouloit tirer profit d'eux, durāt leur esperāce. Il reçeut lettres secretttes du Duc de Guyenne, par lesquelles lediēt Duc luy mādoit qu'il eut à tenir bon, & que bien tost luy & le Duc Bretō, luy meneroiēt ou enuoieroient secours, & que seulement il traitast si doucement ses subiects, qu'ils n'eussent ny les yeux ny les volonteiz disposées à aucun changement, ny a se rendre au Roy. Des lors le Connestable commença à estre suspect au Roy, & au Duc. Le Roy voioit bien que le Duc ne desiroit que recourir les villes d'Amiens & saint Quentin, & que si on luy donnoit esperance de les luy rendre, il ne refuseroit aucune condition de paix. Il fut adonc accordé entre eux, que le Roy les luy rendroit, à la charge que le Duc se desinettroit de l'intelligence des ducs de Guyenne & de Bretagne, & que si le Roy leur faisoit la guerre, il ne leur donroit aucun secours. Le Roy & le Duc taschent à se tromper l'vn l'autre, mais le Roy qui dresseoit mieux les fillets de ses tromperies que le Duc, estoit aussi plus heureux en ses desseins que luy. Le Duc secrettement manda aux deux ducs, qu'ils ne se soucient de rien,

*Conseil du
Connestable
au Duc.*

*Le Duc ne
veult ma-
rier sa fille*

*Intelligen-
ces des 3.
Ducs.*

*Le Conne-
stable sus-
pect au Roy*

*Accord en-
tre le Roy
& le Duc.*

*Le Roy &
le Duc se
veulent trō-
per.*

*Perfidie du
Duc.*

qu'ils tiennent seulement bon, & que quant à luy, que apres qu'il aura recouuert ses villes, il ne gardera non plus le Traicté faict entre luy & le Roy, que le Roy auoit gardé celuy de Conflans, & de Peronne, & qu'il e-

*Permis de
tromper vn
trompeur.*

*Le Conte
d'Armai-
gnac chas-
sé de son
Estat.*

*Guerre en-
tre le Roy
& le Duc.*

*Mort du
Duc de
Guyenne.*

*Accusatio
contre le
Roy.*

*Mauuaise
finesse du
Connesta-
ble.*

stoit licite de tromper vn trompeur ordinaire. Sur ce point, le Conte d'Armaignac ayant esté chassé de son Estat par le Roy, & remis en iceluy par le Duc de Guyenne, donna occasion & matiere de faire vne guerre en Guyenne contre le Duc d'icelle, mais la guerre se ralluma entre le Roy & le Bourguignon, lequel voyant que le Roy ne tenoit aucun compte de luy rendre les villes d'Amiens & de saint Quentin, & qu'il différoit tous les iours ceste reddition, alla assieger la ville de Beauuais, mais ne la pouuant prendre, il s'en alla en Normandie, là où il deuoit se ioindre avec le Duc de Bretagne pour aller secourir le Duc de Guyenne. Et cōme il estoit en chemin il entēdit la mort dudiect Duc de Guyenne, & que le Duc de Bretagne ayant entendu ladiecte mort, ne venoit point, veu que celuy au secours duquel ils venoiēt, estoit decedé, & que les villes de la Guyenne auoient receu les garnisons du Roy. Le Duc de Bourgogne pour se vanger par tous moyēs du Roy, disoit qu'il auoit faict empoisonner son frere. Il estoit beaucoup plus agité de collere que le Roy, & le Roy plus plein de dissimulatio & de cautelles que le Duc. Ils firent souuent trefues, qui souuent deuant le iour expiré furent rompués. L'un print sur l'autre plusieurs petites villes, & le Connestable tout à escient nourrissoit la guerre entre ces deux

Princes, pensant par ce moyen se maintenir, mais ceste finesse l'affina, car elle luy cousta la vie, d'autant que pensant se sauuer, par ce moyen il se mit la corde au col. Le Connestable entrâ dedans le païs du Duc, mit tout à feu & à sang. Le Duc fut offensé de cela, & le Roy qui scauoit l'intelligence que le Conte auoit avec le Duc, *La fin entre le Roy & le Duc sur la mort du Connestable.* desiroit d'attraper ledict Conte, de façon qu'il fut accordé secrettement entre eux, que celui d'eux deux qui le prendroit, le puniroit dedans huict iours apres, ou l'en-uoyeroit à l'autre pour le punir. Cela ne se peut faire si secrettement que le Connestable n'en fust aduertý. Le voila donc en deux craintes du Roy & du Duc, mais pour se fortifier, il surprint la ville de saint Quentin, & en chassa celui qui y estoit Gouverneur pour le Roy. *Les peines on se trouua le Connestable.* Il gaigna aussi la bonne grace du Duc, dont le Roy aduertý, craignant que le Connestable reconcilié au Duc, ne le mist dedans son Conté de saint Pol, & par ce moyen ne luy portast beaucoup de dommage, tascha par tous moyens de l'appaiser, & de le gaigner. *Le Roy veut gaigner le Connestable.* Le Conte cognoissant les tromperies du Roy, & se ressouuenant de la paction faicte entre luy & le Duc, de sa vie, ne vouloit venir desarmé en aucun lieu où fust le Roy. Il fut accordé entre le Roy & luy, qu'ils parleroient ensemble sur vn pont, auquel ils se trouuerent, & sur iceluy furent mises des barrieres qui faisoient des fenestres, entre lesquelles ils se toucherét les mains, & parleroient assés longuement. C'estoit vne chose nouuelle & indigne, de voir vn subiect parler & capituler avec son Prince. *Parlemens du Roy & du Connestable. Subiect capitulé avec son Prince.*

tout ainsi que feroit vn ennemy voisin. Comme il aduisa le Roy il mit vn genouil en terre, & commença à s'excuser, de ce qu'il estoit venu armé avec bonne troupe d'hommes armez en la presence du Roy, disant que ce n'estoit pas pour se deffier de luy, mais seulement de quelques vns qui estoient pres de luy, & qui estoient ses

*Accord
entre le
Roy & le
Connestable.
Soupçon du-
dict Conne-
stable.*

ennemis. La fin de leur parlement fut que le Cōnestable viendroît avec luy, & que la ville de saint Quentin demeureroit tousiours entre les mains de ceux que ledict Connestable y auoit mis. Le Roy luy fit fort grande carresse, & pour cela il ne laissa d'estre tout le reste de sa vie en peine, & de penser comment il pourroit pour sa conseruation entretenir tousiours la guerre entre le Roy & le Duc. Ce pendant que ceste Tragedie se iouoit entre le

Parpignan

*Le sieur de
Beauieu
 prins par
le Conte
d'Armai-
gnac.*

*Le Conte
d'Armai-
gnac tué.*

*Le Duc de
Nemours
 decapité.*

Roy & le Côte, la ville de Parpignā au Conté de Roussillon se rendit au Roy d'Aragon son ancien Seigneur. Le Roy Loys y enuoya forces pour la rauoir, & par accord faict entre les deux Roys, Parpignan fut réduite aux François. Le Conte d'Armaignac print Pierre de Bourbon, Seigneur de Beauieu, Gouverneur & Lieutenant general pour le Roy en Guyenne, qui luy fut trahy par les siens mesmes, & ne le voulut lascher qu'il ne luy eut rendu la ville de Leittoure. Incontinent le Roy enuoya des forces contre le Conte. Leittoure fut reprise & ruinée, le Conte tué, & ceux qui auoient trahy Pierre de Bourbō, puniz. Le Duc de Nemours fut prins par ledict Pierre dedans Carlat, & mis prisonnier. Son proces luy fut faict comme à criminel de leze maiesté, & long tēps apres

apres la teste luy fut trenchée. Anne fille aînée du Roy
 fut mariée audiect Pierre de Bourbon, lors Seigneur de *Mariages.*
 Beauieu, & depuis Duc de Bourbon, par la mort de son
 frere, & Ieanne seconde fille dudiect Roy, fut donnée en
 mariage à Loys Duc d'Orleans, qui depuis fut Roy de
 France, sous le nom de Loys douzième, laquelle il espou
 sa par force, d'autant qu'elle estoit laide & bossuë, & n'o
 soit declarer l'ennuy qu'il en auoit, pour la crainte du
 Roy. Enuiron ce tēps là, l'Angleterre estoit en cōbustiō *Guerre ci-*
 & en guerre, pour les querelles du Royaume, qui estoient *uile en An-*
 entre Hēry sixième & Edvard cinquième, tous deux *gleterre.*
 Roys d'Angleterre l'un apres l'autre, & le Roy Loys in
 stitua l'ordre de S. Michel, de l'institution duquel il sera *Institution*
 parle cy apres sur la fin du troisième liure. Il enuoya le *de l'ordre*
 diect ordre au Duc de Bretaigne, qui le refusa pour n'of
 fēcer le Roy d'Angleterre, & le Duc de Bourgōgne, des
 quels il estoit amy, & sur lesquels il auoit l'esperance de
 son salut, contre l'inuasion dudiect Roy Loys. Ce qui of
 fensa grandement le Roy. Chauuin Chancelier du Duc,
 vouloit fort tirer son maistre du costé du Roy, & Pierre
 Landois son grand Tresorier, au cōtraire le cōseilloit de
 tenir tousiours bon pour l'Anglois, & pour le Bourgui
 gnō. Ce qui mit en diuisiō lesdicts Chauuin & Landois,
 & fut à la fin cause de leur ruine. Or toute l'intention du *Haine du*
 Roy estoit, de trouuer moyē de ruiner le Duc de Bour
 gogne, dont cependant que lediect Duc tient longue
 ment assiegée la ville de Nus, il luy suscite de nou
 ueaux ennemis, & comme il estoit subtil artisan à faire *Roy contre*
le Duc de
Bourgōgne.

*Pratiques
menées
contre le
Duc.*

& rompre les amitez des personnes, il fit tant qu'il mit d'accord Sigismōd Duc d'Austriche frere de l'Empereur Federic, & les Suisses, qui estoient anciens ennemis, & leur persuada de se rendre bons amis, à la charge que les Suisses secourroient ledict Sigismōd, au recouurement du Conté de Ferrette, que ledict Sigismōd auoit engagé audiect Duc, moyennant bonne somme d'argent, du payement de laquelle il s'en falloit beaucoup que ledict Sigismond n'eut entierement satisfaiect au Duc. Ce ne fut pas tout, car le Roy suscita d'autre costé vne autre

*Guerre du
Duc de Lor-
raine, cōtre
le Duc.
Finesse du
Roy.*

guerre au Bourguignon. René Duc de Lorraine fils d'Yoland d'Anjou fille & heritiere de René Roy de Sicile, Duc d'Aniou, & de Lorraine, à la persuasion & suscitation dudiect Roy Loys, & par luy secouru secretement d'hommes & d'argent, entra dans le Duché de Luxembourg, appartenant audiect Duc, & le pillā. Toutes ces menées se faisoient contre le Duc, sans qu'il semblast que le Roy s'en mēlast, combien que par dessouz main il enuoiaist des hommes au Duc de Lorraine, car il cassa les gens de guerre de son Royaume, & par subtils ministres de ses desseins, les suscita à aller à la solde dudiect Duc de Lorraine, auquel il enuoioit argēt pour les soudoyer, car sans cesecours, le Duc de Lorraine n'eust pas osé entreprendre vne guerre contre le Duc de Bourgōgne. Ce pendant la femme du Connestable de saint Pol mourut au grand malheur de son mary, car estant seur de la Royne femme du Roy, elle auoit empesché que le Roy ne luy fist beaucoup de mal. La mort de ceste fēme,

*Le Roy se-
cours le
Duc de Lor-
raine.*

donna à son mary vne nouuelle crainte du Roy, & d'autre costé il ne fosoit fier au Duc de Bourgongne, enuers lequel esperant trouuer plus de grace qu'enuers le Roy, pour ce que le Roy estoit fin, & le Duc vn homme soudain à se mettre en collere, & aisé à se ploier, il māda au Duc, que sil vouloit, il luy mettroit la ville de saint Quentin entre les mains. Le Duc enuoya vn Gentilhomme pour se mettre dedans ladicte ville, mais le Connestable agité de furies, de remords, & de repentances, & changeant d'heure à autre de conseils, & d'aduis, comme vn homme qui cognoissoit son crime, dilaioit tous les iours ceste redditiō, & l'effect de sa promesse. Le Roy descourant ceste menée, manda au Connestable qu'il eut à aller en Hainault, mais il luy fit entendre qu'il ny pouuoit aller seurement, d'autāt qu'il sçauoit bien qu'il y auoit en Hainault, des hommes attiltrez pour luy mettre la main sur le collet. Le Roy luy māda qu'il eut à venir de rechef parlementer avec luy. Il demanda pour sa seureté si rigoureux sermens au Roy, qu'il ne voulut point sy obliger. Comme le Roy & le Connestable estoient sur ces disputes, le Duc de Bourgongne fit venir Edvvard Roy d'Angleterre en Frāce, & luy promettoit de luy mettre la meilleure partie d'icelle entre ses mains, come le pere & l'ayeul dudiēt Duc, auoiēt faict aux predecesseurs dudiēt Roy, selon la coustume de ceux qui appellent les Estrangers à leur secours, lesquels leur promettent merueilles, puis ne leur tiennent rien, & les trōpent, ou quād ils en ont faict, ou deuāt que les employer,

*souppō du
Connestable*

*Agitation
de furies
du Connestable.*

Ménées entre le Roy & le Connestable.

Le Roy d'Angleterre en France. Coustume de ceux qui appellent les Estrangers.

*Promesses
du Bourgui
gnō à l'An
glois.*

car lesdicts estrangers ne trouuent pas la facilité ny la commodité qui leur est promise, par ceux qui les appellent. Entre autres promesses, le Duc asscuroit ledict Roy d'Angleterre, que le Cōestable de saint Pol, luy auoit promis de dōner ausdicts Anglois la ville de S. Quētin, dés que leurs forces se presenteroiēt deuant ladicte ville, mais combien que les Anglois allassent deuant, le Conte n'en fit rien, ains fit tirer contre eux, & en tua plusieurs. Ce qui offensa grandement le Roy d'Angleterre, lequel cognoissant qu'il ny auoit pas grande fiance au Duc, & que c'estoit vn homme qui n'auoit aucun arrest en ses desseins & voyant qu'il ne luy tenoit pas la centiesme partie des promesses qu'il luy auoit faictes, ains qu'au lieu de se ioinde à luy, il s'amusoit tantost à aller assieger la ville de Nuz, tantost à guerroyer le Duc de Lorraine, delibera de le laisser là, & d'entendre à la paix, de laquelle il fit prier le Roy, & fut faicte entre eux. Le Duc de Bourgogne & le Conte de saint Pol aduertiz de cecy, ledict Duc enuoya dire mille iniures à l'Anglois, luy reprochant qu'il estoit homme perfide, & que sans son secours, il ne seroit Roy d'Angleterre. Voila donc l'Anglois & le Duc ennemis. Les deux Roys se virent sur vn pont de la riuere de Some pres de Pecquigny, autrement dict Pinquigny, & reconfirmans leur Traitté de paix, iurerent entre eux amitié. L'Anglois ayant repassé la mer, le Roy & le Duc de Bourgogne se reconcilierent pour ruiner le Conestable. Mais le Roy pour

*Deffiance
de l'An
glois cōtre
le Bourgui
gnon.*

*Legereté du
Bourgui
gnon.*

*Paix entre
le Roy &
l'Anglois.*

*Reproche
du Bourgui
gnō à l'An
glois.*

*Parlement
des deux
Roys de
France &
d'Angle
terre à Pe
quigny.*

*Accord
entre le
Roy & le
Duc, sur la
ruine du
Cōestable*

attirer & auoir leideit Conneſtable entre ſes mains, luy enuoya vn homme, par lequel il luy manda qu'il ne pouuoit aſſez louer ſa valeur, & qu'à ceſte occaſion il auoit beſoing de ſa teſte, pour ſ'en ſeruir au conſeil de ſes affaires. Ce mot de beſoing de ſa teſte, eſtoit dangereux, car le Roy entendoit par là, qu'il vouloit auoir ſa teſte, & la ſeparer du corps. Le Roy & le Duc recon- firmerent leur premier accord faiſt ſur la ruine du Conté, & fut arreſté de rechef entre eux, que le premier d'eux qui le pourroit prendre, l'enuoieroit dedans huit iours à l'autre, ou le puniroit, ou bien qu'il ſeroit deliuré au Roy, & la ville de ſainct Quentin rendue au Duc. Le Conte ſe deſſioit bien du Roy, non du Duc: il ne ſçauoit de quel coſté ſe tourner, eſtant agité de plu- ſieurs paſſions de l'eſprit: & ce qui plus le tourmen- toit, eſtoit que tous ceux deſquels il ſe fioit & ſeruoit, l'abandonnoient: comme il aduient en vn grand deſa- ſtre, que chaſcun abandonne celuy ſur qui il court. Il ne vouloit plus capituler avec le Roy, car il ny pouuoit eſperer aucune aſſurance, & penſant qu'il trouueroit le Duc plus maniable, delibera de ſe mettre entre ſes mains, ayant opinion que le Duc ne voudroit liurer entre les mains de ſes ennemis, vn homme qui ſe ren- droit à luy. Il fit adonc pratiquer le Duc qui luy promiſt de le bien traicter, & ſur ceſte eſperance, ce miſerable homme ſ'en alla au païs de Hainault, là où il ſe rendit au Gouverneur pour le Duc au- dict païs. Le Duc alors eſtoit deuant la ville de Nam-

*Cautelleu
e
ambassade
du Roy.*

*Nouvel ac-
cord entre
le Roy &
le Duc.*

*Paſſions du
Conneſta-
ble.*

*Malheur
du Conne-
ſtable.*

*Fauſſe opi-
nion du Con-
neſtable.*

cy, qu'il tenoit assiegée, quand à mesme heure & en mesme lieu, il entendit que le Conte estoit en la puissance de ses gens, & que sur les confins de la Champaigne pres de la Lorraine, là où il estoit, il y auoit vne grande troupe de gédarmerie du Roy, & qu'õ ne scauoit ny ne pouuoit on descouurir ce qu'elle vouloit faire. Le Duc craignant que sil refusoit au Roy de luy rendre ledict Conte, sui-

*Perfidie du
Duc.*

uant leur accord, le Roy pour s'en venger enuoyast secours aux assiegez de Nancy, il mada à ses gens que dedans vn certain iour qu'il leur escriuit, ils eussent à rēdre ledict Conte entre les mains du Roy. Il aduint que le Duc print la ville de Nancy. Incontinent qu'il l'eut prise, il manda à ses gens qu'ils ne deliurassent point ledict Conte, mais ses lettres furent portées trop tard, car il ny auoit pas trois heures que le Conte auoit esté rēdu. Re-

*Malheur
d'un hom-
me.*

*Le Conne-
stable decul-
lé à Paris.
Punitiõ de
la perfidie.*

gardez à combien peu de temps, & de chose pend la vie d'un homme. La ville de sainct Quentin fut rendue au Duc, & le Connestable decollé en la place de Greue à Paris. Jamais depuis ceste foy violée, le Duc n'eut repos en son esprit, estant tourmenté des furies de sa perfidie.

*Le Duc bat-
tu par les
Suiſſes.*

Ayant prins la ville de Nancy sur le Duc de Lorraine, il alla contre les Suiſſes, pour se venger d'eux qui auoient aydé contre luy, Sigismond Duc d'Austriche, au recouurement du Conté de Ferrette. Les Suiſſes le battirēt par deux fois, l'une pres de Granſon, l'autre pres de Morat, si qu'il fut contrainct de se sauuer en Bourgongne. René Duc de Lorraine spolié de son Duché par ce Duc ambitieux s'estoit retiré pres du Roy. Quand il vit son en-

nemy qui commençoit d'affoiblir par ces deux grandes pertes , il falla ioindre aux Suisses avec les forces que le Roy luy donna , & en fin pres de Nancy le vainquit, & tua . Iamais nouuelle ne fut plus agreable au Roy que la mort du Duc de Bourgogne , apres laquelle le Prince d'Aurenge grand Seigneur en Bourgogne, fut cause que le Roy s'empara facilement des villes principales dudit Duché , à la charge que le Roy luy rendroit certaines places, que le Duc ne luy auoit iamais voulu restituer, puis le Roy alla en Picardie , là où il cōtraignit les villes de saint Quentin, de Montdidier, Peronne, Abbeuille, & Montreuilh à se rendre, & en apres par finesse il eut Arras, Boullongue & Tournay . Les Gouverneurs de la personne de Marie, fille vnique & heritiere du Duc, voyāt le Roy s'emparer ainsi de ses places , l'enuoyerent supplier de ne tourmenter ainsi ceste ieune Princesse par les armes, & ne luy oster les pays qui luy estoient acquis (ce disoient ils) par les loix de Frāce, & par la volonte des Roys , qui auoient permis que les filles succedassent aux Contes de Flādres & d'Arthois. Ils ne parlerent point de la Bourgogne , car elle estoit subiecte à la loy de reuerfion. Aussi ils mirent en auant quelque propos de mariage de ladicte Princesse avec Charles fils du Roy , qui fut despuis le Roy Charles huitiesme, mais le Roy n'en tint pas grand compte . Il auoit les yeux ouuerts sur les terres de ceste fille, & recherchoit en son esprit, toutes les finesse qu'il pouuoit, pour les auoir, pour troubler ses affaires, pour la mettre

*Le Duc de
Lorraine
fuitif en
France.*

*Mort du
Duc de
Bourgogne.
Le Prince
d'Auren-
ge.*

*Conquestes
du Roy a-
pres la
mort du
duc.*

*Ambassa-
deurs de La
fille du duc
au Roy.*

*Malice d'un
Roy.*

*Autre
malice du
Roy.*

*La fille de
Bourgogne
mariee à
Maximiliã*

*La race de
Bourgogne.*

*Bourgogne
renuëe et
reduitte.*

*Enuie du
Roy sur le
Duché
d'Anjou.*

*Le Roy prit
le Duché
d'Anjou.*

en deffiance des siens, & pour semer vne sedition en Flâdres, entre les Nobles & le peuple, sur le gouuernemêt, & fut cause que plusieurs personnes de qualité moururent ignominieusement, pour auoir esté soupçõnez d'auoir intelligence avec luy. Aussi pour se venger du Duc de Bretagne, & pour le ruiner, il le mit en deffiance de ses plus fauoris seruiteurs, & sema des discordes entre eux, qui brouillerent grandement l'esprit & les affaires dudiect Duc. Les Flamands & Bourguignons voyans ne pouuoir trouuer aucune mercy au cœur du Roy, marièrent leur Princeesse à Maximiliã d'Austriche, fils de l'Empereur Federic, & despuis Empereur, & de ce mariage naïstra la race des Princes qui ont tant guerroyé la France, & ses Roys. Or le Roy ne rendoit point au Prince d'Aurange, les places qu'il luy auoit promises. Adonc le Prince fit reuolter toute la Bourgongne, qui neâtmoins peu apres fut reduicte en l'obeïssãce du Roy. Il fut sollicité de s'entremettre des affaires d'Italie, mais il ne voulut iamais y entendre. Et comme il estoit ambitieux, il luy print enuie d'auoir le Duché d'Anjou, qui estoit à René Roy de Sicile, Duc d'Anjou, & Conte de Prouence son oncle maternel: & pour trouuer quelque couleur & beau pretexte de s'emparer dudiect pays, il alla mettre en auant audiect René, qu'il fauorisoit secrettement ses ennemis, & estant fondé sur ceste occasion, il luy osta lediect Duché. Ce que le bon Roy René vieil & craintif, supporta modestement, & se retira en son Conté de Prouence. Quelque temps apres, le Roy allant à Lyon,

y fit

y fit venir lediēt René, lequēl il amadoua & flatta de telle façon, que luy faifant oublier le mal talent de la perte de fon Duché d'Anjou, ce bon vieillard luy fit donation du Conté de Prouence, & luy meſme l'eſcriuit de ſa main en lettres d'or & l'enlumina, comme il'eſtoit bon Paintre & Enlumineur. Et par ceſt acte, priua ſa fille Yoland, Duchefſe de Lorraine de ſon chef, & ſes ſucceſſeurs vrais heritiers, dudiēt Conté, leur donnant ſeulement dedans iceluy, les Seigneuries de Lambefque & d'Orgon, qui depuis ſont venues en partage à Meſſieurs de Guyſe, puisnez de la maiſon de Lorraine. René auoit eſpouſé Yſabel fille vnique & heritiere de Charles premier du nom Duc de Lorraine, apres la mort duquel il voulut entrer en la poſſeſſion du Duché, appartenant à ſa femme, mais Anthoine de Lorraine Côte de Vaudemōt, frere de Charles, & oncle d'Yſabel, diſoit le Duché ne pouuoir tōber en quenoille, ains appartenir à luy, nō à ſa niepce. René diſoit le contraire. Des paroles ils vindrent aux mains, & en vne bataille donnée pres de Vaudemont, René fut prins, & contrainēt par le traitté de ſa reddition, dōner ſa fille aiſnée nommée Yoland à Ferry fils dudiēt Antoine. Quand le mariage de Ferry & d'Yoland fut faiēt, René auoit deux fils maſles, & l'vn de ſes fils, vn fils, mais le bon homme fut ſi malheureux, qu'il vit mourir deuant luy toute ſa lignée maſculine, & ſe vit ſeulement pere de deux filles, d'Yoland qui apres luy, fut heritiere de Lorraine, & de Marguerite, mariée au Roy d'Angleterre. Et diēt on, que ce qui

*Donation
du Cōtē de
Prouence.*

*René Duc
d'Anjou
mari de la
Duchefſe
de Lorraine.*

*Guerre entre le Duc
d'Anjou
& le Côte
de Vaudemont.*

*Bataille
entre eux
d'eux, &
René prins*

*Cauſe de
la donatiō
du Cōtē
de Prouence.*

l'esmeut à faire ceste donation, fut le peu d'affectiō qu'il portoit à son gendre, se ressentant de la guerre qu'Anthoine, pere de sondict gendre, luy auoit faicte, du mauuais traictemēt qu'il auoit receu de luy, & de la cōtraincte qu'il luy auoit faicte de luy donner sa fille en mariage. Dequoy le Roy se sceut bien seruir, pour attirer & faire condescendre le bon Roy René à ceste donation.

*Cession des
Royaumes
de Ierusalem
& de Sicile
au Roy.*

Aussi ledict René, soy disant Roy de Ierusalem, de Naples, & de Sicile, par le droict pretendu par ses ancestres, & par luy ausdicts Royaumes, ceda le droict qu'il y auoit audiect Roy Loys, & à son fils Charles, & à leurs successeurs. Ce qui fut l'vne des principales causes, du voiage que fit le Roy Charles huictiesme en Italie, se fondāt sur le droict que luy auoit cedé René, Roy desdicts

*Florentins
guerroyez
par le Pape*

Royaumes son grād oncle. Les Florētins guerroyez par le Pape Sixte, & par le Roy Ferdinand de Naples, enuoyerent supplier le Roy de leur donner secours, mais luy ne voulant entrer en nouuelles guerres, ny se mesler des affaires d'Italie, comme il a esté dit cy dessus, au lieu du secours, enuoya vn de ses plus fauoris seruiteurs, vers le Pape & le Roy pour faire la paix entre eux & les Florētins. Et pour faire quelq̃ peur au Pape afin de le diuertir de ceste guerre, & pour le faire plus facilement

*Concile tenu
à Or-
leans.*

*Dessence
de porter
argent à
Rome.*

condescēdre à la paix, il fit assembler en la ville d'Orleāns, vn Concile de Prelats de son Royaume, & en iceluy il fut proposé de remettre la Pragmatique Sanction, & de ne porter plus argent à Rome, pour l'expeditiō des Bulles des Benefices de France: mais il ny eut rien de resolu

ny d'arresté, ains seulement fut conclud, que l'année ensuiuant, de rechef ledict Concile s'assembleroit en la ville de Lyon. Le Pape effrayé de cela, leua l'excommunication qu'il auoit iettée & fulminée sur les Florentins, & l'Ambassadeur François qui estoit allé vers luy & Ferdinand pour ladicte paix, passant par Milan, fit tant que la Duchesse Bone, mere du petit Duc, au nom de son *Hommage du Duc de Milan au Roy pour la ville de Genes.* fils, fit hōmage au Roy, de la ville & Seigneurie de Genes. Durant que le Pape, & le Roy de Naples faisoient la guerre aux Florētins, Mahumet Empereur des Turcs, tenoit estroictement assiegée la ville de Rhodes, mais apres auoir demeuré trois mois deuant, sans rien faire, il s'en alla. D'autre costé vn de ses Satrapes assiegea la ville de Hydrunte en Italie, & les Turcs descenduz en la *Siege de Rhodes par les Turcs.* Pouille, mettoient tout à feu & à sang. Mahumet mourut delà le mont Taurus bien loing de ses deux fils, & sa mort porta vne grande diuision & tumulte entre les *La Pouille rauagée par les Turcs.* Turcs, sur l'election de leur Empereur. Les vns vouloiēt que ce fut Baiazet fils aîné d'iceluy Mahomet, né deuant *Diuision pour l'ele-ction d'un Empereur Turc.* que son pere fut Empereur, les autres disoiēt que l'Empire appartenoit à Zizime, ou Zemma fils puîné, né toutesfois durant que son pere estoit Empereur. Les deux *Guerre entre freres Turcs.* freres secourus de leurs partisans, mettent leurs armées en campagne. Apres plusieurs deffaites Zemma fut vaincu, & contrainct de s'enfuir à Rhodes, implorant *Zemma vaincu.* pour se sauuer, la grace des Rhodiens. Ils le receurent avec beaucoup d'honneur, puis l'enuoyerent au Roy *Zéma en- uoyé en France.* Loys. Baiazet entendant cecy, & craignāt que Loys vou-

lut secourir Zemina son frere contre luy, enuoya audiēt Roy vne liste des Reliques qui estoient en la ville de Constantinople, desquelles il luy promettoit celles qu'il voudroit, moyennant qu'il ne secourut point son frere.

*Deffaite
pres de Therouenne.* Sur ce poinct, Maximiliā Empereur, & mary de la Duchesse de Bourgogne, deffit pres de Therouenne vne bōne trouppes de Francs Archers Frāçois, ce qui effraya vn peu le Roy, & luy donna enuie d'entendre à la paix,

le destourna des premieres ardeurs qu'il auoit à tanter si souuent la fortune des armes. Mais l'occasion de mettre les armes bas, s'offrit d'elle mesme par la mort de la

*Mort de La
Duchesse
de Bourgogne.* Duchesse Marie, qui laissa vn fils nommé Philippes, & vne fille nommée Margueritte, encore dans le berceau. Maximilian apres la mort de sa femme, n'auoit pas grāde puissance en ces païs là. Les Gantois qui tenoient ces

*Paix avec
le Roy.* deux petits enfans, firēt paix avec le Roy, à la charge que la petite fille Margueritte, seroit menée en France, & venue en aage, seroit mariée au Daulphin Charles, portant

*Mariage
de Charles
Daulphin
en de Mar
guerite de
Flandres.
Crainte
du Roy.* en mariage les Contez de Bourgogne & d'Arthois. Le Roy estoit vieil, caduc & cassé du long trauail de ses affaires, & sentoient bien fort affoiblir ses forces, par plusieurs maladies qui le tourmentoient. Il auoit tousiours eu crainte de l'an 60. de son aage, disant que despuis Hues Capet iusques à luy, iamais Roy n'auoit passé c'est aage, toutesfois il le passa de quinze iours, & estant au liēt malade de la maladie dont il mourut au Plessis lēz Tours, il fit porter de Rheims la sainte Ampoulle, mais cōme elle arriuait, il rendoit l'esprit. Ce qui fut l'an 1483.

*Mort du
Roy Loys
11.*

Voila la vie & les actions de Loys vnziésme sommairement tirées de Philippes de Commines, apres lequel il ne fault rien dire de ce Roy, car il l'a si bié descrit, que cō me en vn Tableau, vo⁹ pourrez voir l'image de la vie de ce Prince. Quelques vns l'ont voulu dire liberal, mais il ne l'estoit point, ains plustost prodigue, donnāt sans aucune consideration à personnes de peu de valeur, mais tousiours ceux qui reçoient des biens & des dons des Princes, les appellent liberaux, & les Courtisans ne preschent iamais à leurs Princes autre vertu que la liberalité, laquelle ils font eschanger en prodigalité, lors que les Princes donnent à gens de neant, à vicieux, à ministres de volupté, & que les dons excèdent leurs facultez. Il estoit aussi mēteur, & moqueur, le moindre desquels vices est dangereux aux Princes, & qui leur à souuent faict perdre la vie, ou pour le moins, l'Estat. Il ne se fioit point aux grands, ains n'auoit aupres de luy que des petits compaignons, qu'il esleua aux honneurs, grandeurs & biens. Dequoy les grands s'offencerent, & s'esleuerent contre luy, estant ordinairement aduenü, que les Princes qui ont recullé les grands, en ont reçu beaucoup de dommage, car eux offensez, & animez par leur creuecueur, ont attenté quelquefois à la vie, & quelquefois à l'Estat de leur Prince. Ce fut le plus cruel Roy qui ait esté en France despuis Charlemaigne, car il faisoit secrettement ou apertement mourir tous ceux desquels il sedeffioit, soit que le soupçon fust vray ou faux, & auoit pour ministre de ses desseins, Tristan

Vices de Loys.

Les Courtisans sans preschent tousiours la liberalité.

Mēterie & moquerie dangereuse aux Princes

Deffiance de Loys.

Loys cruel.

*Tristan
l'Hermitte.*

*Legerecé
de Loys.*

*Naturel
de Loys.*

*Conseil de
Loys à son
fils.*

*Naturel
des vieilles
gens.*

*Qui se fait
craindre
est hay.*

l'Hermitte grand Preuost de France, & de son hostel, Gentilhomme de bonne part, oncle de ma grand mere maternelle. Il fut aussi le premier qui contracta amitié avec les Suisses, & qui les eut à sa solde. Son esprit estoit subtil, vif, & grād, & lequel il ne pouuoit arrester. Auoit il vne chose, soudain il auoit affectiō d'vne autre, estant vehement, conuoiteux de tout actif, & impatient. Sur tout il se donnoit bien de garde d'entreprendre chose, de laquelle il voioit la fin bien difficile, mais par astuce, ou par dissimulation, ou par quelque autre industrie, il en venoit à bout. Il estoit gracieux aux gens de basse condition, point superflu en habits, tresbon ouurier à sçauoir gagner ceux qui luy pourroient nuire, ou aider, n'espargnant rien pour cauteleusement paruenir au dessus de ses entreprises. Au reste il ne tenoit compte d'argent, il estoit maladif, & estant malade, il print autre sceptre & couronne, que ceux dont il auoit accoustumé d'vser. Il conseilla son fils le Daulphin, depuis Charles huiëtiesme, de ne changer point les anciens seruiteurs, par ce que luy mesme s'en estoit mal trouué, mais il ne suivit pas le conseil de son pere, dont il s'en trouua mal. Estant prochain de la mort, il deuint plus soupçonneux, deffiant & craintif, que deuant, ce qui aduient tousiours aux vieilles gens, & sur tout aux Princes qui se sont fait craindre, & qui deuiennent vieux, car ils pensent bien, que s'estans fait craindre, ils sont haïs, d'autant que qui est craint par force, est tousiours hay. C'est luy, qui le premier à contrainct les pauvres Gentilshommes de

seruir. Il se faisoit craindre au peuple, monstrant le chemin à ses successeurs Roys de paruenir à grâdes richesses & puissances, chemin toutesfois pernicieux, ayant faict ouuerture des moyens qu'un Roy peult auoir de gratter son peuple iusques au sang, & à le ruiner. Iamais homme ne fut plus deuotieux, ou plustost bigot, faisant des choses qui estoient bonnes en appareçe, mais à mau-^{Bigoterie de Loys.} uaise intention, car par sa bigoterie, il pensoit tromper Dieu & le monde. Il ostoit aux pauvres pour dōner aux Eglises, & plus foula son peuple de tributs & de tailles, ^{Loys foule fort son peuple.} que nul autre Roy de ses predecesseurs, aussi rēdit il son peuple mal affectionné enuers luy. Vray est qu'au commencement de sa maladie, dont il mourut, il delibera de le soulager, & le descharger, mais il deceda deuant que ^{Bonne volonté de Loys sur la fin de ses iours.} pouuoir executer son desir. Il auoit pareillement deliberé de faire vn Edict sur l'abreuiation des proces, & de ^{Deffeings de Loys sur l'abreuiation des proces, & sur les poix & mesures.} totalement abolir & oster les tromperies, larrecins, & rapines, que commettoient de iour en iour les gens de praticque, & de iustice. Oultre ce, il auoit proposē, qu'en tout son royaume, ny auroit qu'un droict, & qu'une coustume, qui seroit redigēe par escript, en vn petit Traitté, qui pour ce seroit faict en langue vulgaire, aussi qu'il ny auroit plus qu'un poix & qu'une mesure. S'il n'eust esté preuenue de mort, il eut faict de belles constitutions & ordonnances, pour l'vtilité & grandeur de la France, mais sur ces belles deliberations, la mort le surprint. Et ^{Conclusion de l'auteur.} là nous finirons le discours de ce second liure de l'Estat & succes des affaires de France, ne nous ayant semblé

*Jugement
sur les af-
faires de
France.*

raisonnable de passer plus auant, pour plusieurs raisons & considerations que toutes personnes de bon entendement & subtil esprit pourront iuger. Par les deportemens & actions de tous ces Roys, tant de la premiere, seconde, que troisiésme race, & par le cours des affaires de leur temps, on peult iuger quel a esté leur regne, & quel estoit l'estat de leurs affaires. Et ceux qui scauēt faire profit de ce qu'ils lisent, & mesmement des histoires qui sont les Tableaux vifs qui representent au naturel les actions des hommes, pourront sagement iuger, quel durant les regnes de tous ces Roys, à esté l'estat des affaires de ce Royaume. Au grand corps de l'Histoire de France, que nous bastissons, nous passerons plus auant, dirons plus amplement les choses, & viendrōs iusques là où il plaira au Roy nous guider par son commandement. Nous nous sommes estudiez à la brefueté, qui toutesfois n'est telle qu'elle ne puisse porter vne claire intelligence à l'Histoire, & n'auons voulu entremesler les choses estrangeres, sinō celles qui estoient liées aux nostres, & desquelles pour la cognoissance de nos affaires, il falloit necessairement parler.

FIN DV SECOND LIVRE.

DE



DE L'ESTAT ET sucez des affaires de France,

LIVRE TROISIEME.

LE PREMIER & le second liure ont Le contenu
des premier
& second
liures. assez amplement discoursu quel a esté l'Estat & sucez des affaires de France, durant les regnes de nos Roys, & les deportemens d'iceux, tant en la religion, qu'en la iustice & police, & les particularitez & choses plus remarquables aduenues en leur regne: maintenant il faut discourir en masse de toutes les Constitutiōs, loix, priuileges, & autres choses plus signalees, qui par eux ont esté instituees pour la conseruatiō & grādeur de ce Royaume, qui sont encores ou la plus part en estre. On peut veoir par ce qui a esté dict, cōment cest Estat a esté agité de plusieurs tempestes & orages, de toutes sortes & espèces de guerre, tant contre les infidelles, que contre les voisins Chrestiens, pour l'ampliation & cōseruation d'iceluy, pour la deffense de ses vassaux guerroyez & tourmentez par leurs voy sins : de seditions, factions,

Les guerres
de France.

*La race de
Merouee,
fonda le
Royaume
de France.*

*La grandeur
de la Frâce
dene à la
race de Ca-
pet.
Les consti-
tutions de
France.*

*Cest Estat
biē cūposé.*

& diuisions, & bref (comme il a esté cy deuant dict) de toutes les maladies qui coustumierement aduient aux corps des grands Estats. La race de Merouee (comme pareillemēt il a esté dict) fut la premiere qui passa le Rhin, & vint en France, qui y establit sa demeure, qui y planta la Religion Chrestienne, & qui donna le nom, le commencement, la forme & la naissance à cest Empire. La race de Pepin fut grande en France & en Allemagne, & eūt plusieurs Roys qui furent pareillement Empereurs: mais il semble que tous ces Empereurs ne furent si amateurs de la France que de leur Empire, de façon que la France doit sa grandeur à la race de Hues Capet. Car c'est celle la, qui luy a donné les loix ciuiles & politiques, qui a ordonné & estably le solide Estat de la Frâce, qui a faict les Parlemens sedétaires pour la iustice, qui a dressé le reglemēt des finâces, pour les frais de toutes les choses necessaires à vn Royaume, qui a institué le Domaine, les Aydes, & les Tailles, qui a mis en ordre certain, les Bâs & Arrierebâs, qui a institué la gédarmerie ordinaire, qui a créé les Conseils de diuers nōs, & bref qui a faict toutes ces belles Ordōnances, Edicts & autres excellentes constitutiōs, qui decorent & soustiennent cest Estat, & qui le rendent en soy fort & admirable aux estrangers. Et comme l'vn y a mis vne chose, & l'autre vne autre, à la longue cest Estat s'est rendu si bien composé & estably, que par ses belles loix, constitutions, polices, reglemens, & ordonnances, dont ils

l'ont embelly, tous les remedes qui guerissent les maux des Estats, ont esté apprestez pour subuenir & remedier aux inconueniens qui luy pourroient aduenir, & est lié de toutes les chaines & liens qui tiennent forts les Estats. Car bien que ce soit vne Monarchie, si est-ce que par l'institution d'une infinité de belles choses politiques, qui la rendent florissante, il semble qu'elle soit composée de trois façons de gouvernement: c'est à sçauoir de la Monarchie, qui est d'un: de l'Aristocratie, qui est le gouvernement des personages graues & sages, choisis & receuz au maniement des affaires: & de la Democratie, c'est à dire, du gouvernement populaire. Premièrement il a le Roy qui est le Monarque, aymé, reueré, craint & obey: & bien qu'il ait toute puissance & autorité de commander, & faire ce qu'il veut, si est-ce que ceste grande & souveraine liberté est reglée, limitée, & bridée par bonnes loix & ordonnances, & par la multitude & diuersité des officiers qui sont tant pres de sa personne, qu'establis en diuers lieux de son Royaume: ne luy estant tout permis, ains seulement ce qui est iuste & raisonnable, & prescrit par les ordonnances, & par l'aduis de son conseil. Si bien qu'à peine pourroient les Roys faire chose trop violente, ny à trop grand preiudice de leurs subiects: pource qu'ils ont autour d'eux, plusieurs Princes & autres illustres personages, qui seruēt comme de haches, qui retranchent de leur volonté ce qui est superflu & redondant au pre-

Tous les remedes des maux des Estats, donnez à la France.

La France composée de trois façons de gouvernement. Monarchie. Aristocratie Democratie

La puissance du Roy limitée & reglée.

Les Constitutions monarchiques.

iudice du public. Les douze Pairs de Frâce, les Cōseils secret, priué, & grád, les Parlemēs, les Châbres des Cōptes, les Generalitez des charges sont Aristocratiques: les Estats tenus par chacū an aux prouinces, les Maireries des villes, les Escheuinages, les Consulats, les Iurades, les Capitolats, & les Marguilleries des villages sont Democratiques, c'est à dire, populaires. Et estans ainsi les honneurs & charges diuisees & départies en France entre tous les estats proportionnément, selon leur cōdition, & chacū d'eux gardé en sa preeminēce & qualité, s'ensuit vne conuenance, qui est cause de l'auoir faiēt durer & prosperer si longuement entre tous les Royaumes de la Chrestienté.

Le reglement des Estats & qu'ilz l'ont.
 Le reglemēt sur toutes qualitez, cōditions & estats est admirable, tāt celuy des iuges, que des nobles, des gens d'Eglise, & du peuple. L'Eglise a ses particuliers priuileges, sa particuliere iurisdiction, & autorité, & ses loix prescrites tāt par les Papes que par la liberalité des Roys: & est l'estat de l'Eglise vne eschelle pour paruenir aux grands hōneurs, degrez, & biens. Car iadis & encores aujourd'hui (mais non à la verité si frequēment que iadis) les hōmes ornez de sciēces & vertus pouuoient de bas lieux & de petis estats, paruenir aux plus grandes dignitez Ecclesiastiques, qui estoit vn grád moyen pour cōtenter tous estats, & toutes cōditiōs de gens, & pour les inciter à l'exercice des vertus & sciēces. Et à ceste cause plusieurs ont iugé, & souuēt nos Roys en toutes assemblees publiques ont esté

*Constitutiōs
Aristocrati-
ques.*

*Constitutiōs
Democrati-
ques.*

*La propor-
tiō des cho-
ses en Frâce.*

*Le regle-
ment des E-
stats & qu'ilz
l'ont.*

*Priuileges
de l'Eglise
Gallicane.*

requis, que la forme de pourueoir aux dignitez & autres benefices Ecclesiastiques, par electiōs & prouisions ordinaires & nominations, fust entretenue en Frâce, pourueu que ce fust sans fraude & sans faueurs.

*Benefices
donnez par
election.*

L'ordre de la iustice est grand, car il y a si grand nōbre d'officiers tant ciuils que criminels, & tant en chef que subalternes, qu'à peine peut vn hōme estre oppressé, qu'il n'en aye promptement la reparation s'il la poursuit: & l'autorité de tous les iuges, mesmement des Cours souueraines est si grande, qu'il n'y a si grād Prince, ne si presomptueux subiect, qui ne craigne leur desobeir. Car elles sont composees de si grand nombre de notables personnages, que c'est vn vray Senat Romain, representant vne maiesté secourable aux bons, & espouuantable aux mauuais, pource mesmement qu'elles ont congnoissance sans appel en dernier ressort, non seulement de toutes matieres ciuiles & criminelles, mais de toutes lettres Royaux, entre autres des graces & remissions, pour iuger de la ciuilité & inciuilité d'icelles, & pour faire faire aux parties offensees, reparation selon leur aduis & moderation. Dont il aduiét que bien peu de gens, mesmes ayans à perdre, soyent si osez de faire par le commandement precipité d'vn Prince volontaire, chose digne de punition, pource que ce commandement ne les excuseroit pas d'estre apres tost ou tard punis, quand l'exercice de la iustice seroit en pleine liberté: ainsi qu'on a veu & voit on iournellement

*L'ordre de
la iustice de
France.*

*Cours de
Parlement.*

*Les Parle-
mens iugent
sans appel.*

*Officiers du
domaine.*

estre aduenu à plusieurs, qui ont porté la penitence & la peine des violences qu'eux ou leurs predecesseurs auoiēt faictes en temps de guerre, ou autre, que la iustice n'auoit pas eu entieremēt son cours. Il y a au surplus autres officiers pour garder le Domaine des Roys, qui ont le serment de ne laisser passer aucune chose qui soit au dommage d'iceluy, quelques lettres ne mādement qu'il y aye. Toutes lesquelles choses sont pour refrener si gradement la volonté desordonnee d'un Prince volontaire, qu'à la longue il est force qu'il aduienne qu'auant que son commandement desraisonnable soit executé, il y ait temps & moyen pour luy faire changer d'opinion, ou pour l'empescher. Et si quelque fois a esté executé autrement qu'à point, y a esté depuis (és choses reparables) donné remede conuenable, ou à tout le moins les

*Mauuais mi
nistres des
Roys.*

mauuais ministres (sans lesquels à peine feroient iamais les Princes mauuais choses) ont esté punis, de sorte que ç'a esté vn enseignement à ceux qui sont venus apres. Laquelle forme de proceder est si anciennement gardee en ce Royaume, qu'un Prince, quelque depraué qu'il soit, auroit honte de la rompre, & plusieurs de ses subiets & seruiteurs craindroient luy conseiller & applaudir à ce faire. Dont s'ensuit (ce qui a esté dit cy dessus) que la puissance souueraine & Monarchique des Roys, est reglee & moderee par honnestes & raisonnables moyens, que iceux Roys ont introduits & gardez le plus souuent.

De là aduient que nos Roys ayās leur puiffance limitée, font beaucoup plus ayez, honnorez & redoutez de leur peuple, que ceux defquels le pouuoir eft defbordé fans aucune moderation ny regle.

Le fecôd estat de Frâce eft la Nobleffe, qui eft grande mēt hōnoree, & a de grāds profits & preeminēces. L'estat de la Nobleffe.
 Ceux qui font de la Nobleffe, font appelez Gētilshōmes, leſquels Budé perſonnage tres-ſçauāt & curieux rechercheur de l'antiquité, dit eſtre ainſi appelez du nom Latin *Gentiles*, qui eſtoient ceux qui entre eux font de meſme nom, qui ſont yſſus de perſonnages honneſtes & honorables, & deſquels les anceſtres n'ont eſté ſerfs ny eſclauēs : les ſeparant de ceux qui ſeruēt, que nous appellons vils, villains ou villageois, Gentilshōmes.
 qui viennent du mot Latin *villa*, qui eſt à dire village, auquel il ſhabitoiēt : ou du mot *vilis*, qui eſt à dire, vil, ou de vile condition. Les Gentilshommes donc ont ſiefs, ſubiets, & vaſſaux, qui leur doiuent rentes, diſmes, cenſiues, couruees, & autres droits : ont ſur eux haute iuſtice, moyenne & baſſe, & deffendent tout le demeurant du peuple au danger de leurs vies : entre leſquels les principaux ſont les grāds Princes, tant du ſang Royal, qu'autres, qui ſont de tous les regnicoles, honnorez & reuerrez, tout ainſi que membres & collateraux des Roys, & ont obeiffance & iuſtice ſur grands pays, peuples, & contrees dependantes toutesfois du Monarque, & reſpondante en dernier reſſort à ſes Cours ſouueraines. Droits de la Nobleſſe. Et d'auantage ſont les

*Les Pairs de
France.*

aucuns d'iceux des membres principaux du Parlemēt de Paris, qui est le plus ancien & le plus digne de tous les autres, ayās plusieurs grandes preemināces à cause de leur dignité qu'on appelle Pairrie, qui les fait exceller & reuerer sur tout le reste de l'Estat de Noblesse, inferieur des Princes en sa qualiré. Outre que les gentilshōmes sont francz de toutes tailles & autres telles impositions, ils sont doués de plusieurs grands estats, fiefs, & seigneuries au Royaume, & de plusieurs grāds offices & charges, tant au faiēt de la guerre (qui est leur principal exercice) que de la police en plusieurs endroits: & si les hōnorent les Roys si grandement, & ont tant de fiāce en eux, que tous semblēt estre leurs domestiques, & ont pouuoir de porter armes autour d'eux, & de les aborder sans aucun soupçon. Cest estat de Noblesse, qui tant est honoré & reueré du peuple, & a si grāde autorité sur les gēs de bas estat, est neantmoins en telle crainte de la iustice, qu'il n'a loy ny hardiessē de mesfaire cōtre raison à ses subiets.

*Grandeur
de la No-
blesse.*

*Parlemēt de
Paris iadis
composé de
Gentilhom-
mes.*

Quand le Parlemēt de Paris fust institué, la moitié des Conseillers d'iceluy estoit composée de gentils- hommes de robbe courte, esleus entre les autres, bien sages & experimentez aux affaires, bien qu'ils n'eussent aucunes lettres, ains seulement fondez de raison, qui est l'ame de la loy, & de la iustice. Mais depuis quand la chiquanerie s'est mise parmy les Cours souveraines, & que les Estats ont esté venaux, les gentils- hommes ne voulans chiquaner, ny achepter ce qui est

est deu à la vertu, ont laissé les procès, & se sont du tout adonnez aux armes, ou à courtiser les Roys & Princes, ou au plaisir & mesnage de leurs maisons aux champs.

*Exercices
des Gentils-
hommes.*

Le peuple est conserué par bonne iustice en sa liberté, tant de marchander que de labourer, & faire toutes autres choses appartenâtes à son estat, par lesquelles le Royaume est maintenu & enrichy en general & en particulier Et sil porte les charges des tailles, aussi est-il soulagé, deffendu, & soustenu par la Noblesse, de toutes violences & oppressions des voyfins: & par le Roy & la Iustice, de l'insolence des Nobles: participant au surplus de plusieurs grands honneurs & esmolumens, qui sont communs tant aux Nobles qu'au demeurant du peuple, à sçauoir des Benefices, & des dignitez de Iudicature, & autres. Car pour autant que ceux dudit troisieme Estat s'appliquēt plus aux sciences que les Nobles, ils sont bien souuēt plus idoines à desseruir telles charges: parquoy les obtiennent par election, ou autrement: aussi font ils la plus part des offices de iudicature, & pareillement les offices des finances, des comptes, secretaireries, & autres innumerables qui sont en ce Royaume: & par le moyen desdictes offices, plusieurs d'iceluy Estat sont paruenuz à grands biens & honneurs. Les charges & administration de la chose publique diuisees & departies entre tous les Estats proportionnablement selon leur condition, & vn chacun d'iceux gardé en sa

Estat populaire.

*Le peuple
participe des
honneurs.*

*Les offices
& estats en
tre les maïs
du peuple.*

preeminence & equalité, & chacun pouuant par sa vertu & sçauoir estre annobli, & paruenir aux dignitez de Iudicature, de l'Eglise, & des Finâces, s'en suit vne harmonie & consonâce, qui est cause de la conseruation & augmentation d'icelle Monarchie: & estans en ceste maniere entretenuz les Estats de l'Eglise, de la Noblesse, de la Iustice, & du Peuple, & iouissant chacun de ses droicts & libertez, à peine peut l'vn opprimer l'autre, ny les deux ensemble conspirer contre leur chef & Monarque. Qui sont les mesmes mots de Claude de Seissel en son liure de la Monarchie de France, lesquels (bien qu'ils sentent l'antiquité) nous n'auons voulu changer: toutesfois on voit bien que ce bel ordre institué en nostre Monarchie est corrompu, & que nous ne retenons que l'ombre de ces belles premieres Constitutions. Voila donc trois freins & brides qui guident l'Estat du Royaume de France, & qui le gardent de se precipiter aux dangers, ausquels les Estats qui sont mal conduicts & menez se precipitent.

*Les quatre
Estats du
Royaume.*

*Corruption
de l'estat de
La France.*

*Les 3. freins
de La France.*

*Police de la
France.*

Après eux, y en a vn autre qui est la Police generale de ce Royaume, qui est la regle, la loy, & la maistresse de plusieurs ordonnances qui ont esté faictes par les Roys, & après confirmees & approuuees de temps en tēps, lesquelles tendent à la conseruation du Royaume en vniuersel & particulier: & ont esté gardées par si long temps que pas vn Roy n'entreprend d'y deroger: & quand il le voudroit faire on n'obei-

roit point à son commandement, mesmement en ce qui cōcerne le Domaine, & patrimoine Royal, qu'un Roy ne peuta liener sans necessité, & sans le consentement des Estats, & si faut que ceste necessité soit congneue & approuuee par les Cours souueraines, & par les Chambres des Comptes: lesquelles y procedent si meurement, & avec si grande difficulté & discretion, que peu de gens se trouuent qui pourchassent telles alienations, sçachans qu'elles ne seroient valables ny asseurees, & si pourroient estre subiects à rendre ce qu'ils en auroient prins.

*Vn Roy ne
peut alier
sō domaine*

Or pour venir à dechiffrer particulierement toutes choses, nous parlerons des Conseils & de la puissance des Roys. Les anciens Roys de la race de Clouis, se laissans aller aux voluptez & delices, ne se mesloient des affaires, ains les abandonnoient à l'insolence des Maires du Palais, & ne sçauoient quel estoit le pouuoir, le deuoir, & l'estat d'un Roy: mais leurs successeurs de la race de Charlemagne & de Capet, plus habiles que ces premiers Roys imaginaires, ont donné vne regle (& à propos de dire) vn formulaire à noz Roys, selon lequel ils se doiuent gouverner sans l'oultrepasser, s'ils ne vouloient se precipiter en la Tyrannie. Car quant à ce qui est de la maiesté du Roy, il a toute puissance en ce qui touche la paix & la guerre: conuoque & tient les Estats du Royaume, selon l'ancienne obseruance & coustume d'iceluy, quand il voit en estre besoing: pouruoit à toutes offices & benefices

*Les premiers
Rois s'ay-
neant.*

*Puissance
d'un Roy
de France.*

electifs, & aux gouuernemēs & capitaineries: dispose des finances, & les employe où les affaires publicqs le requierent: fait luy seul loix, & les interprete: mande Ambassades aux pays estranges, pour y resider ordinairement, ou pour vider quelque differēd, traicter paix ou trefue, faire remonstrance ou sommation, dont il baille instructiōs signees de sa main, & de l'un de ses Secretaires d'Estat, se cōdoulir de la mort d'un Prince, & se coniouir du nouuel aduenement de l'autre: respond de sa bouche aux Ambassadeurs estrangers, distribue les honneurs, octroye les recompēs, donne les graces & remissions, & fait les punitions par gens de iustice. Et bien qu'il ait puissance absolue de toutes les choses susdictes, si est-ce qu'il en fait bien peu sans l'aduis de son Conseil: & bien souuent ce qu'il a dict, donné & accordé, est reuoké, cassé & rescindé par l'autorité d'iceluy. Quant à leurs Con-

*Les Roys
ne font pres-
que riē sans
conseil.*

*Conseils des
Roys.*

*Anciens
conseils dictz
Parlemens.*

seils, les noms & les façons en ont esté diuerses, selon la diuersité de leurs humeurs, & des temps. Noz premiers Roys appelloiēt leurs Conseils, Parlemens, qui estoient composez des Princes, Seigneurs, & plus notables personages de leur Royaume: ausquels se traictoient tous affaires, tant ceux d'Estat, que des finances, de la iustice, & des procès, & differends des particuliers. Puis comme les affaires vindrent à croistre, & qu'on ne peut en ces Conseils nommez Parlemens, baster à la vuidange & decision de tant de negoces, le Palais de Paris fut basti par Philippes le Bel, & y

fut mis vn nombre certain de Conseillers, ausquels fut ordonnee la congnoissance des causes ciuiles & criminelles entre particuliers, & celle des affaires d'Estat reseruee à vn cōseil tenu pres des Roys, qui estoit appelé le grand Conseil. Mais cela a depuis chāgé, comme nous dirons au lieu, auquel nous parlerons plus amplement de la nature & diuersité des Parlemens, & des Conseils. Depuis quelques siecles, le premier Conseil aupres du Roy est secret, qu'on appelle d'affaires, & se tient communémēt le matin apres son leuer, auquel il appelle quelque petit nombre de ceux qu'il reputé les plus sages & experimentez, & plus feables à luy, ausquels à part il communique ses affaires principales : & là sont leües les lettres qui viennent des Ambassadeurs, des Gouverneurs, & Cappitaines des fiōtieres : resoliues & commādees aux Secretaires les despeschés & respōses, dons & biēsfaicts accordez, & les roolles & les expéditions principales d'iceux, signees de la main du Roy. Le nombre est plus grand au Cō-
 seil priué, auquel sont appelez les hommes par noblesse de sang, & par hauteſſe de maison, ou par dignité, ſçauoir, sagesse, & experience. Le Roy y assiste quelques fois, quand il est question de quelque grande matiere, & en son absence y presidoit le premier Prince de sang. Mais auiourdhuy monſeigneur Henry frere de nostre Roy, duc d'Anjou, de Bourbōnois, & d'Auuergne, est chef dudit conseil, & y preside. Quand il y auoit vn Connestable, il auoit en ce Con-

*Le grand cō
seil de iadis*

cōseil secret

cōseil priué

*L'autorité
du Cōnesta-
ble au cōseil*

*Seance du
Cōestable
& du Châ
cellier au cō
seil.*

seil vne grand' autorité: & luy & le Chancelier, comme les deux premiers officiers de la Couronne, l'un chef des armes, & l'autre de la iustice, estoient assis l'un deuant l'autre en mesme degré. Ce Cōseil se tient pour les finances, & autres choses concernantes les affaires du Royaume, & lors n'y entrent que les Secretaires d'Estat, Tresorier de l'Espargne, les Intendants des finances, instituez pour entendre comment les finances sont leuees & employees, & les Secretaires ordonnez pour l'estat desdictes finances. Il est aussi assemblé pour les parties, c'est à dire, pour les affaires de iustice dependans de la souueraineté: & alors y entrent les Maistres des Requestes, qui rapportent requestes, informations, procès euoquez, & autres affaires de consequence, desquels le Roy a retenu la congnoissance, ou qui ne peuuent estre euoqués ailleurs, & quelque fois aussi les parties sont ouyes, ou parlent par Aduocats. Ce Conseil est ordonné sur les plaintes des priuez affaires concernant l'Estat, sur les remonstrances des villes & des prouinces, iuge les recusations des Parlemens, voit les Mercuriales touchant leur ordre & discipline, comment elle est gardee: aduise sur les traittes des bleds, & des vins, sur toutes marchandises entrantes au Royaume, ou en sortantes, & les impositions mises dessus: pouruoit au cours & alloy des Monnoyes: a esgard sur le Domaine de la Couronne, Aydes, & Tailles, & autre reuenue du Roy, & sur les principales fermes: en prolonge le terme, fait rabaiz aux fermiers, ou les des-

*Causés du
priué cōseil.*

charge avec congnoissance de cause, ou informatiōs precedentes, ioinctes à l'aduis des Tresoriers & Generaux des charges. En tout & par tout ce qui est accordé pour sortir effect, doit estre signé d'un Secretaire pour le moins, & aucune fois d'un Secrettaire & d'un Maistre des Requestes ensemble, ou d'un Intendant des Finances, selon la condition de l'affaire, auant qu'estre seellé par le Chancelier, seure examinateur & cōtreroolleur de toutes depeschēs : ce qui red son autorité fort grande, & quelques fois odieuse.

Le Chancelier seure cōtreroolleur des affaires

Outre plus conuient que les Traictez publicqs soient verifiez és Cours souueraines, & tous rescrits Royaux entherinez par les iuges auxquels ils sont adressez :

Traictez publicqs verifiez en Parlement.

lesquels examinent non en l'obreption & surreptiō seulement, mais aussi en la ciuilité & inciuilité, mesmement en matieres criminelles. Quant aux dons & despeses que fait le Roy, ordinaires ou extraordinaires, la Chambre des Comptes les examine curieusement, & retranche souuent celles qui sont mal fondees, ayans les Officiers en icelle, serment dene laisser rien passer au dommage du Royaume, quelque lettre de commandement qu'il y ait.

La chābre des Cōptes cognoist des despesces des Roys.

Et pour venir à parler de la façon des premiers Conseils de noz Roys qui auoient nom Parlemens, noz Maires du Palais les introduisirent apres qu'ils se furent emparez de la puissance des Roys, se seruans d'eux comme d'un masque : & inuenterent ces Parlemens, auxquels chacun estoit appelé à dire son aduis,

Premiers conseils des Rois nommez Parlemens.

Institution des Parlemens.

*Charles
Martel insi-
tua les Par-
lemens.*

*Exemples des
Parlemens
tenus.*

*Plusieurs
Parlemens
de Pepin &
de Charles
le grand.*

pour captiuer le cœur du peuple, & par ce moyen gaigner sa bonne grace, pour rendre leur puissance plus tolerable. Quelques vns disent que Charles Martel en fut l'inuenteur, lequel enflé de ses victoires obtenues contre les Infideles, ne se contentant du nom de Maire du Palais, & voulant estre appelé d'un tiltre plus honorable, Prince des François, assembla le premier, un Parlement de Seigneurs, auquel il se fit declarer & instituer Prince des François. Pepin son fils donna un grand cours à ceste inuention, conuoquant bien souuent ces Parlemens, pour rendre l'usurpation de son Empire plus tolerable & agreable aux François, & fut aussi ceste coustume suyvie par Charles Magne. Quand Pepin eut enuie d'entreprendre la guerre en Italie contre Astolphe Roy des Lombards, pour la deffense du siege Romain en faueur du Pape Etienne, il assembla un Parlemēt, auquel tous les Seigneurs consentirent à l'entreprise d'une guerre si sainte. Quand il voulut punir les Saxons, qui estoient rebelles contre luy, il assembla un Parlement, auquel pour punition de leur rebellion, ils furent condamnez de mener tous les ans au Roy cent cheuaux de seruice. Et voulant faire la guerre en Aquitaine contre Gaifre, il conuoqua un Parlement à Neuers: pareillement apres la fin de la guerre d'Aquitaine, il assembla un Parlement, auquel fut deliberé sur plusieurs vrgens affaires du Royaume. Et à Cōpiegne il en tint un, auquel Tassilo Duc de Bauiere, avec plusieurs grands Seigneurs

Seigneurs de sa prouince, vint promettre le sermēt de fidelité à luy & à ses enfans. Et son fils Charles Magne voulant au commencement de son regne, pourueoir aux affaires de son Royaume, & y donner vn bon reglement, & entreprendre la guerre contre les Saxons, assembla à Aix la Chappelle en Allemagne, vn Parlement solennel. Il en fit vn autre en Sauoye, lors qu'il voulut aller en Italie contre Didier Roy de Lombardie, à la deffence du Pape Adrian: vn autre à Maience, lors que pour la seconde fois il delibera d'aller en Italie: vn autre pres de Maience, auquel Tassilo Duc de Bauiere, pour ses frequentes & reïterees rebellios, fut condamné à mort, qui luy fut neantmoins eschagée par la douceur & clemence del'Empereur, en vn confinemēt de religiō en vn monastere: vn autre, lors qu'il associa son fils à l'Empire: & vn autre, lors qu'il donna le partage à ses enfans. Pareillement Loys son fils surnômé le Debonnaire, en fit quelques vns, mesmement vn, auquel à l'imitation de son pere, il partagea ses fils. Au temps du Debonnaire fut accusé à vn Parlement, Theadagre Prince & Duc des Abdorites, & Tougon, l'vn des principaux des Sorabes, comme suscitans l'vn & l'autre plusieurs factions & noualitez contre la maiesté du Roy: à cause dequoy il leur fut donné assignation à vn autre Parlement, auquel depuis ils se purgerent. En ces Parlemens se decidoient tous les affaires qui importoiēt de quelque consequence au Royaume: estoient receuës les foys & hō-

Exemples notables des Parlemens.

Les causes des anciens Parlemens.

*Differés entre Euesques
vuidés aux
Parlemens.*

mages des Princes estrangers: se terminoient les differends des plus grands Princes, & principalement de ceux qui estoient accusez de trahisons, rebellions, & crimes de leze maiesté, & decidez les differés & cōtrouerles meües entre les Euesques & Abbez, cōme on lit que la controuerse meüe entre les Euesques de Lyō & de Viēne pour raison de leurs Eueschez, tomba sous la decisiō du Roy & de son assistāce. Les affaires de la Iustice, de la guerre, de la paix, & des finances y estoient deliberez, consultez, & resoluz, les procès des grands personnages iugez diffinitiuement, les plaintes & doléances du peuple ouyes, & à icelles donné le iuste & souuerain remede. A ces Parlemens estoient appelez les Princes, & les plus notables Seigneurs & gens d'Eglise, & là on parloit librement de tous affaires tāt des generaux que des particuliers. Et ceux qui ont voulu discourir sur l'Estat de ce Royaume, ont estimé que de ceste commune police, qui estoit comme mitoyenne entre le Roy & le peuple, dependoit toute la grandeur de la France. Au commencement on assembloit les Parlemens vne fois, ou deux, ou trois, l'an, selon l'exigēce des affaires, en certain lieu designé & publié par tout le Royaume, deux mois deuant le iour assigné, à fin que chacū qui auoit affaire à celsdits Parlemens, sceust le lieu & le iour auxquels il sy deuoit trouuer, & se preparast pour faire son voyage. Apres comme les affaires augmenterēt, ils deuindrent plus frequens. Ils estoient coustumie-

*Les Princes
appelez aux
Parlemens.*

*Combien de
fois l'an les
Parlemens
se tenoyent.*

rement conuoquez aux festes annuelles, à Pasques, à Noel, à la Toussaincts, à la nostre Dame de la my Aoult, & aux autres, non en certain lieu, mais là où les Roys se trouuoient plus cōmodément, & là où il y auoit plus d'affaires: & duroient ces Parlemēs iusques à l'entiere decision des matieres & affaires qui se presentoient. Delà est aduenue que le Parlement ayant esté faict sedetaire, on a accoustumé les surveilles de telles iournees, prononcer en robe rouge quelques arrests de consequence, qui s'appellent Presidentaux, pour tenir comme lieu de Loy. Or comme les façons des Conseils anciens de nos Roys, qui s'appelloient Parlemens, ont changé, ie trouue qu'environ l'an 1326 que tous les Placets ou Requestes, qui chascun iour estoient presentes au Roy, si elles parloient de liberalité ou de clemence (car celles de iustice estoient vuidées sur le chāp) estoient gardées iusques à la fin du mois, & lors elles estoient veues, & à icelles respoñdu par l'aduis du Cōseil des Seigneurs. Ce Cōseil estoit appelé Grād. Et quāt aux autres Cōseils ou Parlemens qui n'estoient sedetaires ains ambulatoires, les Roys souuent y assistoient, accompagnés des plus grands Seigneurs, & plus notables personages de leur Royaume, mais c'estoit lors qu'il y auoit quelque affaire public d'importāce, ou quelque grand procès, cōme il se trouue que l'an 1257, à la feste de la Natiuité nostre Dame, il y eut procès pendāt & debattu deuant le Roy Philippes fils de saint Loys, pour le Cōté de Clermōr, pour lequel

Les Parlemens cōuoquez aux festes annuelles

Arrestz Presidentaux

Chāgement des Parlemens.

Les placetz & Requestes.

Le grād cōseil de iadis

Les Rois assistoient aux Conseils.

Notable Parlement.

les Contes de Poictiers & d'Anjou, auoient procès contre luy : & en ce iugement assista le Roy avec son conseil Royal, auquel estoient les Archeuesques de Reims & de Rouan, & l'Euesque de Troyes, & plusieurs autres Euesques & Abbez, & le general des Iacopins, ensemble le Connestable, & plusieurs Contes, Barons, Seigneurs, & Conseillers tant prestres que laiz. Aussi l'an 1230, au camp d'Ancenis en presence du Roy saint Loys, fut donné vn arrest contre le Duc de Bretagne, où estoient les Contes de Flandres, de Champagne, de Neuers, de Bloys, de Chartres, de Vendosme, le Viconte de Beaumont, le Connestable, & l'Archeuesque de Sens, & les Euesques de Paris, & de Chartres, & plusieurs Barons qui signerent ledit arrest. Aussi le Roy Philippes Auguste l'an 1216, tenant sa Cour garnie de Pairs en la ville de Meleun, pour le procès que Philippes fille du Conte Henry de Champagne, & de Brie, & de la Roynne de Chypre, & Erard son mary auoient intenté contre la Contesse Blanche, pour raison desdictes Contez, donna arrest auquel assisterent l'Archeuesque de Reims, les Euesques de Langres, de Chaalons, de Beauuais, de Noyõ Pairs de France, d'Auxerre, de Chartres, de Senlis, & de Lisieux, le Duc de Bourgogne, les Contes de Ponthieu, de Dreux, de Bretagne, de saint Paul, de Iuigni, de Beaumont, d'Alançon, & de Rochefort, Seneschal d'Anjou, avec plusieurs autres Barons & Seigneurs, Les differends communs entre particuliers, &

*Parlement
notable.*

les procès de peu de poix estoient en dernier ressort
 uidez par les Seneschaux & Baillifs des lieux, les-
 quels on dit auoir esté installez par Charles Magne.
 Mais pour les abus & maluersations qui s'y comme-
 toient, & la chiquanerie & malice des hommes venât
 à croistre, les plainctes venans souuent aux oreilles du
 Roy, & de ses Parlemés, la necessité voulut que Philip-
 pes le Bel fut contrainct faire deux seances ordinai-
 res de son Parlement de Paris: l'une à la Natiuité, &
 l'autre à la Purification de nostre Dame, avec vn tel
 ordre & police, qu'apres luy seroient les douze Pairs
 de France, six Ecclesiastiques & six Laiz: & composa
 ses Parlemens, de Presidens, Conseillers, & de son Ad-
 uocat, & Procureur, & du nombre d'Officiers qui y
 est encores auiourdhuy. Ausquels Parlemens se vui-
 deroient les procès ciuils & criminels entre parties,
 & tous autres Traictez publicqs, Edicts, & Ordonnâ-
 ces, seroiēt verifiees, & tous rescripts Royaux entheri-
 nez. Les vns Conseillers sont Laiz, les autres Clercs, &
 au commencement y en auoit de robe courte. Le Roy
 Philippes le Bel instituant ce Parlement, fit bastir de-
 dans l'Isle de Paris, au lieu mesme où estoit l'ancien
 Chasteau de la demeure des Roys, le Palais tel qu'il est
 auiourdhuy, pour loger la compagnie dudit Parle-
 ment, lors qu'elle exerceroit la Iustice, estant cōdu-
 cteur de cest œuure messire Enguerrand de Marigny
 Conte de Longueuille, & Superintendant des finan-
 ces de France: & lors fut ledict Parlement institué de

*Procès vni-
 dez par les
 Seneschaux
 iuges souue-
 rains.*

*Deux seances
 du Parlemēt
 de Paris, &
 sō erection.*

*Conseillers
 laiz & clers*

*Bastimēt du
 Palais.*

telle façon qu'il ne tiendrait que deux fois l'an, c'est à sçauoir à la Natiuité de Iesus Christ, & Purification nostre Dame.

Ce qui nous apprend le peu d'affluence des causes qui lors estoient. Depuis Loys Hutin fils de Philippes le Bel (nom de mauuais presage, & qui prognostiquoit les querelles & controuerses qui abonderoient en ce lieu, car Hutin en vieil langage François, ne signifioit que mutin) pour rendre ce Parlemēt plus certain, luy assigna lieu audiēt Palais, d'où le Parlemēt n'a esté tiré sinon lors que les Anglois tenoient la ville. Quelques fois aussi il en a esté tiré pour quelque grand procès, comme lors que Charles septiesme le conuoqua à Montargis, puis à Vendosme, pour faire le procès à Iean Duc d'Alançon l'an 1456, & qu'arrest fust donné contre luy, au mois d'Octobre l'an 1458. Quand le Parlement de Paris fut estably sedentaire, on fit vn despartement general en deux chambres, dont l'une estoit appelee la Grande, ordonnee pour les plus grandes causes: l'autre fut dictē des Enquestes, laquelle posē qu'elle fraternisa avec la Grāde, si n'estoit elle de si grande autorité. Et tout ainsi que sous Charles Magne & ses successeurs, il ne s'entreprenoit aucune chose de consequence au Royaume, qu'on ne fist assemblee des Prelats, & des Barons, pour auoir l'œil sur les affaires: aussi le Parlement estant arresté, fut trouué bon que les volontez generales de nos Roys n'obtinssent point lieu d'Edicts, sinō qu'el-

*Le Parlemēt
estably se-
dentaire à
Paris.*

*Le Parlemēt
sedentaire.
Despartemēt
des chābres
du parlemēt*

*Les Edits ve-
rifiés en Par-
lemēt.*

les eussent esté verifiees & emologuees en ce lieu. Et tous les grands Estats de la France, prestent sermēt en icelle Cour, comme Connestable, Marechaux, Admiral, Grand Pannetier, Grand Veneur, & le Grand Maistre des Arbalestiers, & mesmes les Roys ont iusques là sous-mis leur autorité, qu'ils ont de toute ancienneté voulu reduire leurs volonteiz sous la ciuilité de la Loy, & en ce faisant que leurs Edicts & Decrets passassent par l'alambicq de cest ordre publicq: estāt chose pleine de merueille, que deslors que quelque Ordonnance a esté publiee & verifiee au Parlement, soudainement le peuple François y adhere sans murmure, comme si telle cōpagnie fust le lien qui nouast l'obeissance des subiects avec les commandemens de leur Prince. Les Roys n'entreprennent vne guerre sans l'aduis de ladiēte Cour, ou pour le moins pour la forme le luy demandent, apres que les choses sont arrestees & conclues. Pareillement n'est subiecte ladiēte Cour à aucune Loy, statut ny ordōnance, & iuge seulement d'equite, & n'y a d'icelle appel, mais on peut proposer erreur, selon la forme donnee par les Ordonnances. Iadis les Euesques y auoient voix, & estoient en vertu de leur dignité, Conseillers: mais estāt aduisé qu'ils auoient assez à faire à se meller du troupeau qui leur estoit commis, ce priuilege fust osté à tous horsmis à l'Euesque de Paris, & à l'Abbé de saint Denys. Nous ne parlerons point de la distributiō des chambres dudiēt Parlement, ny des causes qui sont

Les grāds Estats prestēt sermēt à la Cour.

La Cour n'est subiecte à la Loy.

Iadis les Euesques auoient voix en Parlement

*Eschiquier
de Rouen.*

*Grās iours
de Troyes.
Creation du
Parlemēt de
Thoulouſe.*

*Creatiō des
Parlemēs de
Bordeaux,
Daulphiné,
Dijō, Rouē,
Aix & Bre-
tagne.*

*Le Parlemēt
de Paris, la
Cour des
Pairs.*

*Princes e-
strangers
ſoubsmis au
iugemēt de
ladite Cour.*

du gibier de chacune, d'autant que cela est assez escrit ailleurs, & congneu par trop de personnes aux despēs de leurs corps & de leur bourse. Philippes le Bel ayāt instituē le Parlement de Paris, institua l'Eschiquier de Rouen, pour la iustice de la Normādie, qui se deuoit tenir deux fois l'an: & aussi institua les Grāds-iours de Troyes en Champagne, qui se deuoient tenir deux fois l'an: aussi il crea vñ Parlement à Thoulouze pour certaines saisons de l'annee: car le Parlement sedentaire y fut mis par Charles septiesme l'an 1444, qui pareillement institua celui de Bordeaux: Loys vnziesme celui de Daulphiné, & de Dijon en Bourgongne: Loys douziesme feit sedentaire celui de Rouen, & celui d'Aix en Prouence l'an 1501, & celui de Bretagne a esté erigé depuis quinze ans. Mais celui de Paris est le plus grand & le plus venerable de tous, comme premier & collateral de nos Roys, & appelé la Cour des Pairs de France. Et telle a esté iadis la reuerence d'icelui, que les Papes, Roys & grands Princes, se sont sous-mis à son iugemēt. Comme il aduint l'an 1244, que Federic deuxiesme du nom Empereur dict Barberousse, Roy de l'une & de l'autre Sicile, se sous-mit au iugement de ladicte Cour, sur tous les differēds de son Empire, & de ses Royaumes, qu'il auoit contre le Pape Innocent quatriesme. Et bien que le Pape eust le Roy de France fauorable, & qu'il voulust par sentences & arrests publicqs, faire priuer Federic de l'authorité de ses Royaumes & de son Empire, si est-ce que

que l'Empereur ne craignit de se sous-mettre au iugement de ladicte Cour, tant il auoit bõne opiniõ de son integrité. Et l'an 1312, la cause du Conté de Namur fut agitee en ladicte Cour, entre Ieá Côte de Namur, & Charles Conte de Valois, frere de Philippes le Bel, & pere du Roy Philippes de Valois. Et fut arrest donné en ladicte Cour contre lediët Charles de Valois l'an 1320. Philippes Prince de Tarante, & le Duc de Bourgongne se sous-mirent au iugement de ladicte Cour, pour le differend qui estoit entre eux sur les despens du recouurement de l'Empire de Constantinople: & fut arrest donné en ladicte Cour, present le Roy, en faueur dudiët Prince de Tarante, lequel quelque temps apres, par arrest fust condamné à grosses amendes pour quelques cas par luy commis. Le Duc de Lorraine, & Guy de Chastillõ sur Marne, son beau frere se sous-mirent au iugement de ladicte Cour, sur le reglemēt du finage de leurs terres & seigneuries, l'an 1342. Depuis l'an 1390, le Daulphin de Viënois, & le Conte de Sauoye se sous-mirent au iugemēt de ladicte Cour, sur le differēd de l'hõmage du Marquisat de Salluces, qui par arrest d'icelle fust adiugé au Daulphin. Depuis par autre arrest, lediët Conte fut cõdāné en deux cēs mil liures d'or, pour la restitutiõ des fruits, dommages, & interests. Aussi au temps du Roy Charles sixiesme, ceux de Cambray adiournez en ladicte Cour, comparurent pour respondre sur le mespris qu'ils auoiēt faiëts des arrests d'icelle, esterent à droit,

*Par apres
l'Empereur
s'ousmis au
iugemēt de
la Cour de
Parlement.*

*Exēples no-
tables des
princes sous-
mis au iuge-
ment de la-
dicte Court.*

& satisfeirent à la faute par eux commise. L'an 1403, quelques Gentilshommes Espagnols porterent à ladicte Cour, vn traicté de paix & d'amitié faiçt entre les deux Roys de Castille, & de Portugal, pour estre publié en ladicte Cour à huys ouuerts, les Châbres assembles, & fut faiçt: & demanderent acte de la publication qu'ils porterent en leur pays. Quelques vns disent qu'ils porterent aussi vn formulaire de iustice, & de police, & du reglement des finances, pour auoir sur iceluy, l'aduis de ladicte Cour. Il y a aussi vn acte signalé de ladicte Cour, au temps de Charles sixiesme

Rois de Castille & de Portugal soumis au iugement de ladicte Cour.

L'Empereur Sigismond en Frâce, voulut eriger Sauoye en Duché.

L'Empereur n'a en Frâce droit d'Empire.

Roy de France. Sigismond Empereur son proche parent, vint en France meu d'un bon zele, pour accorder les deux Roys de France, & d'Angleterre. Estant l'Empereur à Paris, le Conte de Sauoye (car lors Sauoye n'estoit q̃ Conté) y vint, & supplia l'Empereur de vouloir eriger son Estat en Duché. L'Empereur le voulut faire, mais la Cour l'empescha, disant que l'Empereur n'auoit en France aucun droit d'Empire, & qu'il n'y pouuoit exercer aucun acte publicq d'Empereur.

Iurisdiction de l'enclos du Palais.

Or depuis que l'assiete du Parlement de Paris, a esté faiçte dedans d'Isle du Palais, en vn bastiment enuironné de murs, plusieurs autres iurisdicctions s'y sont encloses, comme le parquet des Requestes, où sont iugees en premiere instâce, les matieres des priuilegiez de la suite du Roy & autres: l'auditoire des Maistres des Requestes, qui iugent des tiltres des offices: la Châ

bre des Comptes : les Generaux des aydes : la Table de Marbre, là où sont la Connestablie, la Marefchaucce, & l'Amirauté, & les Eaux & Forests : le Tresor, les Esleus : le Baillif du Palais : les Monnoyes : la Chancelerie, & autres, les iurisdicitions & pouuoirs desquels se sont depuis peu à peu augmentez & agrádis.

Et pour reuenir à ce mot de Parlement, d'autant *Parlement.* que les plainctes & doleances publiques se faisoient en ces Parlemens premiers, & que par l'institution du Parlemét de Paris, faicte par le Roy Philippes le Bel, il n'auoit cōgnoissance que des causes ciuiles & criminelles en dernier ressort sans appel : lesdictes doleances, plainctes, & remōstrances publiques, furēt remises à vne assemblee, qui fut lors erigee, baptisee d'un nouveau nō & appelee les trois Estats, & le nom de Parlement demeura à l'assemblee des Cours souueraines, *Erection de l'assemblee des 3. Estats.* & des audiences publiques, qui sont tenues par certain nombre de Presidens & Conseillers establis : & le Parlement d'annuel est deuenu ordinaire : puis d'ordinaire, deuint semestre : & de semestre, ordinaire !

Après que la conuocation des Estats eust esté instituee, nos Roys prindrent vne coustume de les tenir souuent, & ne faisoient aucune grande entreprise *Pouuoir des trois Estats.* sans les appeller, à l'imitation des premiers Roys, qui pour la resolution des affaires de consequēce, assembloient les Parlemens. Tenir les Estats, est ce mesme *Que c'est tenir les Estats c'est tenir le Parlement.* qu'estoit iadis tenir le Parlement, & n'est autre chose que cōmuniquer le Roy avec ses subiects de ses plus

*Causes des
assemblies des
Estats, &
leurs exem-
ples.*

grands affaires, prēdre leur aduis & conseil, ouir leurs plainctes & doleances, & leur pourueoir ainsi que de raison. Les Estats estoient assemblez iadis pour diuerses causes, ou pour demander secouts de gens & d'argent, comme fit le Roy Iean au commencement de son regne, qui les fit assembler à Paris, pour leur demander argent, pour le soustenement de la guerre contre les Anglois: & comme durant la prison dudit Roy Iean, ils furent assemblez à Paris par Charles son fils, tāt pour mettre ordre aux affaires, que pour auoir argent: ou pour consulter de quelque grand affaire, comme quand durant ladicte prison, ledict Dauphin proposa aux Estats, les dures conditions que l'Anglois imposoit à son pere prisonnier: ou pour dōner ordre à la iustice, & aux finances, comme il se fit en ce mesme temps: ou pour le gouuernement du Royaume durant la minorité d'un Roy, comme il aduint au commencement du regne de Charles sixiesme, & de Charles huitiesme, l'un ayāt vnze ans, & l'autre treze: ou pour la Regence du Royaume, comme apres la mort de Charles le Bel, Philippes Côte de Valois son cousin germain, & depuis Roy, fut par les trois Estats esleu Regent en France, attendant le part de la vesue dudit Charles demeuree enceinte de six mois: ou pour pourueoir aux doleāces & plainctes publiques, comme il est souuent aduenu, & mesmement au regne de Loys vnzieme, & sur les derniers mois du regne de François deuxiesme, qui furēt par la mort du

dict Roy tenu au commencement du regne du Roy qui est à present. A ces Estats seioient & presidoient les Roys, fors qu'à ceux ausquels fut traictee la plus noble cause qui fut onques, à sçauoir à qui deuoit appartenir le Royaume de France apres la mort de Charles le Bel, ou à Philippes de Valois cousin, ou à Edward Roy d'Angleterre nepueu, fils de la sœur dudit Charles, car ledict Philippes n'estoit encores Roy, & si estoit partie. Le peuple par le benefice desdicts Estats reçoit de grands biens: car il a cest heur d'approcher de la personne de son Roy, de luy faire ses plainctes, luy presenter ses requestes, & obtenir les remedès & prouisions necessaires. Quelques vns ont voulu dire, que les Roys diminuoiēt leur puissance de prendre l'aduis & le Conseil de leurs subiects, n'y estans ny obligez ny tenus, disans que les Roys se rendent trop familiers à eux, ce qui engendre mespris, & abaisse la dignité Royale: mais ceux la voudroient faire Tyrans nos Roys, qui n'ont trouué autre remede à leurs affaires, lors qu'ils ont eu besoing d'argent & de secours, ny nostre peuple autre remede à ses calamitez, qu'à la conuocation des Estats, qui a tousiours esté la souveraine medecine des Roys & du peuple.

*Les Roys
presidoient
aux Estats.*

*Le bien des
trois Estats.*

*Opinion
tyrannique.*

*Les Estats se-
courent les
Roys & le
peuple.*

*Cause de la
diuision des
anciens Par-
lemens.*

Il a esté dict cy deuant qu'au commencement les Roys tenoient leurs Parlemens à certains lieux designez, & à certaines iournées, ausquels se vuydoient tous affaires, tant ceux qui estoient de l'Estat, que ceux qui touchoient aux particuliers. Mais quand ils virēt

*Partitiō des
Parlemens.*

que l'abondance des vns & des autres affaires estoit si grande, que le temps ne pouuoit suffire à leur expedition, ils couperent cela en deux, erigerent le Parlement sedentaire à Paris, pour la vuidange des affaires des particuliers, & pres d'eux se reseruerent seulement la congnoissance des affaires d'Estat, & appele-
rent cela le grand Conseil du Roy. Adonc ce grand Cōseil estoit la compagnie des Princes & Seigneurs, & autres illustres & notables personages, qui manioient & traictoient les affaires d'Estat, n'estant autre chose que le Parlement de noz premiers Roys: & biē souuent en ce grand Conseil se vuidoient les procès des grands Seigneurs, quand pour causes de recusations des Cours de Parlemens, ou par la volonté de nos Roys, ils estoient euoquez de leur naturelle iurisdiction, & tirees audiēt grand Conseil. Les person-
ges d'iceluy estoient prins tant du corps du Parlemēt sedentaire, que des Princes & Barons de France, selon les faueurs qu'ils auoient de leur maistre: & du commencement n'estoit ce grand Conseil fondé en iurisdiction cōtentieuse (car telles matieres estoient reseruees pour la cōgnoissance de la Cour de Parlement) ains seulemēt cōgnoissoit de la police generale de France, concernant ou le faict des guerres, ou l'institution des Edicts. Cest ordre dura longuement iusques aux
factiōs qui interuindrēt entre les maisons d'Orleans & de Bourgongne, là où ceux qui auoient la force & la puissance en main, pour gouverner toutes choses à

*Proceſſe-
quer.*

*Les causes
de l'ancien
grād Cōseil.
Les factiōs
d'Orleans
de Bourgo-
gne.*

leur appetit, faisoient euoquer les negoces qu'il leur plaisoit, pardeuers le Conseil du Roy, qui estoit composé ou de Bourguignons ou d'Orleanois, selon ce que les vns ou les autres des deux factions auoient de credit en la Cour du Roy Charles sixiesme, qui lors estoit mal disposé de son sens, & par ceste voye frustroient ceux de la Cour de Parlement, des causes qui leur estoient affectees. Et se trouua ce grand Conseil si embrouillé des causes des particuliers & des factiōs, que ne pouuant plus auoir loisir de vaquer aux affaires d'Estat, pour lesquels il auoit esté institué, on fut contraint pour la multitude des procès, de faire nouveaux Conseillers, qui commencerent à prester le sermēt à leur receptiō, au Roy, & à la Cour de Parlemēt, tout ainsi que s'ils eussent esté du corps de ceste Cour: & estoient creez Conseillers du grād Conseil à mil liures de gaiges. Ce mesme ordre fut gardé au regne de Charles septiesme, apres que les choses furent reduictes, & que le Parlement de Poictiers fut reüny avec celuy de Paris. Car en ceste diuersité de differends qui se presentoyent de la part de plusieurs, qui vouloient estre reintegrez en leurs terres, dont la possession & iouissance leur auoit esté ostee par la venuë des Anglois, le Roy pour les assopir, tenuoyoit la plus grande partie de telles causes en son grand Conseil, lequel pour ceste occasion commença de s'enfler tellement en nōbre effrené & excessif de procès, que les trois Estats qui furent tenus sur l'aduenemēt du Roy Charles

*L'erection
du grand
Conseil d'à
present.*

*Le Parlemēt
de Poictiers
reuny avec
celuy de Pa-
ris.*

*Requisition
des 3. Estats
sur le grand
Conseil.*

*Le Chancelier
preside
au grand
Conseil.*

*Le grand
Cōseil, Cour
ordinaire.*

*Causés du
grād Cōseil.*

*Cōseil priuē
d'a present.*

huiëtiefme à la couronne, requièrent qu'il estoit besoing que le Roy eust avec soy vn grād Conseil de la iustice, auquel presideroit le Chācelier, assisté de certain nōbre de notables personnages de diuers Estats, & contrees, bien renommez & experts en l'administration de la iustice, lesquels Conseillers feroient les sermens à ce appartenans, & seroient raisonnablement stipendiez. Qui fut cause que Charles huiëtiefme s'aduifa depuis de reduire ce grand Cōseil en forme de Cour ordinaire & souueraine, & y nomma dix-sept Conseillers, & depuis Loys douziefme, voulut que ceste compagnie fust complete de vingt. Au commencement le Chancelier y presidoit, & en son absence des maistres des Requestes de l'hostel, selon leurs degrez d'ancienneté. Ceste coustume dura iusques au regne du Roy François premier, sous lequel Guillaume Poyet Chancelier de France, crea en ce grand Conseil, vn President, & depuis y en ont esté mis d'autres, qui sont maistres des Requestes. Ceste compagnie congnoist des euocations & differends qui procedent de contrarietez d'arrests, indults des Cardinaux, Archeueschez, Eueschez, Abbayes, Maladeries, Hospitaux, & autres choses, dōt noz Roys luy ont voulu attribuer la congnoissance. Depuis la reduction du grand Conseil en tel ordre, nous appellons Conseil priuē celuy qui se tient enuiron la personne du Roy, auquel au commencement ne se traictoient qu'affaires d'Estat ou publicqs, comme pour l'establisement

blissement de la iustice, & reglement des fināces, ainsi que dessus il a esté dict. Mais depuis cōme toutes choses bien establies & instituees, sont corrompues par la malice du temps, la chiquanerie y est tellement entree, qu'on y vuide des matieres qui se pourroient decider au moindre siege subalterne de ce Royaume: tellement que cela a introduit gēs à la Cour, qui font actes de Procureurs & Aduocats en ce Conseil, tout ainsi qu'aux simples iurisdicitions subalternes.

La chiquanerie au priuē Conseil.

La Iustice a esté fort bien & sainctement instituee en France par les premiers Roys, & comme il a esté dit, les François au commencement se gouuernoient plus simplement au fait de iudicature qu'ils ne font à present: car lors ils acquiesçoient aux sentences données par les Baillifs & Seneschaux, qui administroient presque toute la iurisdiction, estimās estre chose inique d'aller rechercher loing, le droict par reliefs d'Appel. Mais apres que les calomnies suruindrent parmy eux, & que les procès multiplierent, on fut cōtrainct de faire & eriger diuerses sortes de iurisdicitions, desquelles à la verité l'institution estoit belle & honorable: estāt comme vn guerdon & loyer de la vertu, d'autant qu'on ne mettoit aux Estats de iudicature, que les gens de bien & les sçauans personnages, qui iugeoient sans esperance de profit. Mais depuis l'estās les Estats faicts venaux, les hōmes de toutes conditions receus à l'exercice d'iceux, moyennant argēt, & la liberté de prendre, donnée aux iuges, la corruptiō

Iustice ancienne de France.

Diuerses sortes de iurisdicitions erigees.

Corruption de la iustice.

& l'iniustice se sont cāpees au lieu qui auoit esté establi pour l'integrité, & pour la iustice: & la vertu de Iustice a esté reduicte en art de gain & de profit: car on fait trafficq d'Estats & offices, comme de marchandise commune, & qui veut tirer vn bon interest de son argét, le met en vn office, qui luy vaut plus qu'vne rente constituee, ou qu'vne bonne mestairie. Budé personnage tres-sçauant, & diligent examinateur de toute antiquité, a obserué és annotations premieres sur les Pâdectes, cōment regnant Philippes le Long, y auoit trois sortes de Iuges au premier tribunal, qu'on appelloit proprement Parlement: les Prelats & les Barons, ausquels assistoient certains Iurisconsultes, ou gens autrement lettrez, appelez Cleers, & laiz. Que trois Barons y presidoient, & n'arrestoient tout le iugement, tant par la pluralité des opinions, que par la suffisance des opinans. Et que les Conseillers Laiz estoient prins des Gentilshommes, & autres, ausquels n'estoit requis d'estre graduez en droict, ains suffisoit qu'ils fussent honnestemēt sçauans aux autres lettres. Ils n'estudioiēt lors cōme ils ont faict depuis aux loix Romaines, qui ont faict eriger aux meilleures villes de la Frâce, escholes de droict, d'où plusieurs cuident la multitude des procès estre venuë, ayans apri par ce moyen le mestier de plaider. Les autres disent, que la chiquanerie de France, est venuë de celle de Rome, lors que le siege Papal fut transferé en Auignon, & que deuant ladicte translation, il yauoit en Frâce peu

Trois sortes
de iuges.

Conseillers
cleers &
laiz.

Conseillers
laiz.

Vniuersitez
de loix en
France.

La chiqua-
nerie de Frâ
ce ve nue de
Rome.

de iuges & peu de procès. D'auantage ils auoient lors peu d'Ordōnances & d'Edicts, estimās les vrayes loix estre les bonnes mœurs : & le sens naturel assisté de droicte conscience, ioincte avec l'experience, estre la vraye regle de iuger. Mais apres que les gens sont deuenus si sçauans en procès, & que les offices de iudicature, de temporels, & peu profitables, ont esté rendus perpetuels, lucratifs, & exempts de syndicat : apres qu'on a espicé les procès à grosses sōmes de deniers, delaisiant l'ancienne honnesteté des dragees : qu'il y a eu du profit à vuidier les incidens, & auāt proceder, & à decider les procès par Commissaires : que les Presidens & Conseillers ont prins plaisir à estre suyuis, sollicitez, & caressez par les plaideurs, & que par la malice & auarice des Aduocats, Procureurs, sollicitateurs, & autres souris du Palais, qui ne viuent que de la malice des hommes, la Iustice, ou plustost l'iniustice, a esté exposee à l'argent, nous sommes tombez en ceste longueur de procès, au lieu que iadis la Iustice de France estoit si bien reglee, qu'elle estoit vn lien qui entretenoit tous les Estats, & qui empeschoit que l'vn n'opprimast l'autre. Et nos Roys ont en toutes leurs actions si bien monstré d'estre desireux & amateurs de la Iustice, qu'ils se sous-mettoient au iugement de leurs subiects : & au lieu que tous les Princes de la Chrestienté sont en leurs seels, armez à cheual, tenās l'espee au poing, comme Conquerans, le nostre seul est assis en vn trosne fleurdelizé, en habit de Roy iu-

Iustice ancienne de France.

Les Roys amateurs de la Iustice.

Le seelz des Roys.

fticier, non de Conquerant, ayant vne robbe longue fleurdelizee, la couronne sur la teste, le sceptre de Iustice en vne main, & le Royal en l'autre. Voulans par là monstrier qu'ils estiment la Iustice, non les armes, estre le vray lien d'un Royaume, & qu'il est plus conuenable à vn Roy d'estre iusticier que vaillant.

Les premieres loix de France.

Après auoir parlé de leurs Conseils, il sera bon de parler de leurs premieres Loix qu'on dict qu'ils eurent, & nous veut on faire croire qu'ils en auoient deux: la

La loy Salique & la Gombette.

Salique faicte par Pharamond, & la Gombette: & toutesfois il ne se trouue aucune chose de l'une ny de l'autre, que par vne ancienne creance, qui d'aage en aage s'est coulee dedans nos entendemens, mesmement de la Salique, de laquelle nous parlerons cy apres. Thierry Roy de la France Orientale fils du premier Clovis, en la ville de Chaalons fit vne assemblee de plusieurs grâds & experimētés personnages, pour mettre vne reformation sur les coustumes de ses subiects, laquelle depuis les Roys Childebert, Clotaire, & Dagobert poursuuiurent. Les François auoient bien

Les loix Saliques & Ripuaires.

premierement des loix qu'ils appelloient Saliques & Ripuaires, non vne loy particuliere appelee Salique, sur laquelle depuis nos Princes ont tant philosophé & subtilisé pour leur aduantage: ce qui sera cy apres bien au long deduit. Ils auoient aussi vne loy appelee

La loy Gombette.

Gombette faicte par Gōdebaut Roy de Bourgogne, beaucoup plus ressemblante aux loix Romaines, qu'aux Saliques. Et bien que par apres le Royaume de Bour-

gongne fust abbatu par les trois Roys freres, enfans du premier Clouis, si est-ce que la loy ne fut pour cela abbatuë, ains y demeura, & ne voulurent lesdits freres innover audit Royaume, la loy la plus anciëne qu'y fut. Depuis plusieurs loix ont esté faictes en Frâce par les Roys Charles Magné, Loys le Debonnaire, Lothaire, & Charles le Chauue, tant pour le gouuernement Ecclesiastic que pour le tēporel: & en icelles est faicte differēce des prouinces de la France regies par coustumes, à celles qui sont regies par les loix Romaines, qui de tout temps, depuis que les Romains furent chassés des Gaules, y sont demeurees par coustume, & receuës par la France, comme les vrayes interpretes d'icelles. Et tout ainsi que les Romains prindrent les loix des Grecs, comme leur semblant bien faictes, ainsi ont voulu les Roys de Frâce, que les loix Romaines, & le Droiēt escrit, fust publiquement leu & appris en leur Royaume, pour monstrier l'equité, & entretenir la raison, par lesquelles deux, les iuges de France, ont acoustumé de iuger, lors que les arrests, iugemens, & ordōnances, qui sont à preferer aux coustumes, deffaillent, & qu'il n'y a coustume continuee, par laquelle il faille iuger. Voila pourquoy les Roys ont dressé, & permis dresser en France, des vniuersitez, ausquelles le Droiēt est leu, & les loix interpretees: mais toutesfois es erectiōs des vniuersitez du Droiēt, les Roys ont par exprés protesté, ne receuoir lesdits Droiēts pour autorité, ains seulement pour la raison:

Les loix faictes par plusieurs Roys.

aussi ont ils souuēt derogé en plusieurs choses audict Droit, & protesté n'y estre aucunmēt obligez, ains estre par dessus iceluy, & ne recongnoistre aucun supérieur à eux quant à la temporalité, comme il sera bien au long dict cy apres, quand nous viendrons à parler de ce pouuoir: car il faut parler de la loy Salique, qui a donné tant de diuerses opinions, tant pour la deriuation de son nom, que pour son origine, pour ses causes & ses effects.

De la loy Salique.

Loix Saliques & Ripuaires.

Pharamond ne vint iamais en France.

Coustume & loy des Royaumes barbares.

Maintenant doncq il faut venir à la loy Salique, que quelques modernes historiens ont attribuee à Pharamond. Il a esté dict que bien estoit il vray, qu'au commencement les François auoient des loix nommees Saliques & Ripuaires, qui veritablement excluoiēt les femmes de la successiō du Royaume. Et sur cela on nous veut faire croire que Pharamond a faiēt vne loy Salique particuliere, par laquelle il a expressément déclaré qu'il n'entendoit que les femmes succedassent à la couronne de France. Mais pourquoy eust Pharamond faiēt ceste loy pour la couronne de France, veu que iamais il n'entra en la Gaule, maintenant appelee France, & ne passa le Rhin, ains se tint tousiours en sa prouince de Frāconie, & ne fut oncq Roy de nostre France d'aujourdhuy? Ceux qui nous ont voulu faire croire cela, sçauoient mal commēt les anciens Royaumes des Barbares, & leurs Roys se gouuernoient: car ç'a esté vne coustume obseruee entre les natiōs Barbares, que iamais les filles n'ont succédé

aux couronnes de leurs Royaumes. Et bien que durant le Paganisme, & depuis au commencement du Christianisme, plusieurs Roys de France soient morts sans hoirs masles, laissant seulement des filles, si est-ce que iamais elles n'y ont succédé. Childebert Roy de la France Occidentale, fils du premier Clouis, laissa seulement deux filles, qui toutesfois n'heriterent à la Couronne, ains Clotaire son frere premier du nom y succeda. Cherebert fils dudit Clotaire, laissant trois filles, elles ne succederent, ains Sigisbert son frere fut Roy apres luy. Gontran Roy de Bourgogne & d'Orleans, fils dudit Clotaire, laissa sa fille vnique Clotilde, qui ne succeda, ains fut son nepueu le Roy Childebert, fils dudit Roy Sigisbert son frere. Par ces exemples doncq est monstéré, qu'en la premiere lignee de nos anciens Roys, la couronne de ce Royaume ne tomba iamais en quenouille, non que cela ce doie attribuer à la loy Salique, de laquelle il ne se parloit lors, ains à vne coustume qui a esté tousiours obseruee entre les natiōs Barbares, laquelle tousiours depuis à seruy de loy. Et ceste coustume commencee en la premiere lignee de noz Roys Barbares, & continuee comme Loy en la seconde, puis en la troisieme pour son authorisation a esté appelee Salique, & à Pharamōd attribuee, par ceux qui pour se faire Roys, ont voulu fonder leur droict de bien seance sur vne Loy bien ancienne, pour luy donner par ceste antiquité, plus de lustre & d'autorité. Ce que i'en dy

Iamais les filles n'ont succédé en France. Exemple de cela.

Si les filles ne succèdent, cela n'est pour la loy Salique.

Coustume des nations barbares.

Fausse attribution de la loy Salique à Pharamond.

n'est pas pour vouloir exterminer les principes de nostre histoire, comme quelques vns ont voulu dire : & ne doiuent les Princes ny les autres se scandaliser, si ie dy que ceste loy est plus fresche que Pharamond, car elle est assez ancienne & authentique, puis qu'il y a fort long temps qu'elle est pratiquée & obseruée en France : d'autant que les loix entrent en leur force & autorité dès le iour de leur creation, & ne peut mon opinion pour cela donner aucun auantage aux estrangers, ny scandalizer les nostres. Car il n'y a aucun historien ancien ny bien croyable, qui le die, mesme le moyne Aimoinus, ny Gregoire de Tours, qui sont deux des plus anciens & plus authentiques que nous ayons, n'en font aucune mention, n'estant vray semblable, qu'eux qui ont si curieusement recherché l'origine & la grâdeur de ce Royaume, eussent voulu au commencement de leurs œuvres, oublier vne tant singuliere constitution, faite au commencement de cest Estat, & par le premier Roy, si elle eust esté faite par Pharamond, ou s'ils l'eussent sceüe : & encores moins est il croyable qu'ils l'eussent ignorée, ou que s'ils l'eussent sceüe, ils l'eussent voulu taire, car ils l'eussent iugée importante pour la descrire. Les plus seueres censeurs de nostre histoire, disent qu'elle ne fut point faite par Pharamond, ains inuentée par Philippes le Long Roy de France, pour fruster selon l'ancienne coustume cy dessus declarée, la fille de Loys Hutin sa niepce, de la succession du Royaume, & pour rendre ladi-

La loy Salique plus fresche que Pharamond.

La force des loix.

Aucun ancien auteur ne parle de la loy Salique.

La loy Salique inuentée par Philippes le long.

ladiète frustratiō plus authétique par l'obseruance & commandement d'une loy. Puis elle fut bien fort & ferme soustenue par Philippes de Valois, contre Edward Roy d'Angleterre, fils d'Ysabel fille du Roy Philippes le Bel, pretendāt ledict Edward par le droit de sa mere, sœur de Charles le Bel, dernier Roy mort, la succession de ce Royaume. Mais puis qu'il faut suivre en cecy la vulgaire opiniō, qui attribue ceste loy à Pharamond, il faut venir à l'origine d'icelle.

*Soustenue
par Philippes
de Valois.*

*Droit de la
pretensiō du
Roy Anglois
sur la Frâce.*

On dit doncq que Pharamond voulant faire vivre son peuple sous certaine regle & police, eut sur l'establissement de certaines loix qu'il delibera de faire, l'aduis de quatre Barons plus notables d'entre tous les siens, les noms desquels estoient Visogast, Bosogast, Salogast, & Widagast, & que par leur Conseil il fit ladiète loy Salique. Quelques vns disent qu'elle fut ainsi nommee du nom d'udict Salogast. Les autres estiment qu'elle print son ancienne origine des Gaulles, & qu'elle fut ainsi appelee Salique, au lieu de Gallique, pour la proximité & voisinage que la lettre de G en vieil moule ha avec la lettre S. Robert Cenal Euesque d'Aurāches, qui a curieusement recherché plusieurs antiquitez de la Gaule, & de la France, la voulu rapporter à ce mot François, Sale: pource que ceste loy estoit seulement ordonnee pour les Sales & Palais Royaux, c'est à dire, pour les races des maisons Royales. Les autres disent qu'elle fut appelee Salique, du nom d'une ville nommee Salicham, ou Selgestad

*Opinion de
son institut-
ion par Phara-
mond.*

*Aduis de
Pharamond
sur les loix.*

*Institution
de la loy Sa-
lique.*

*Etymologie
de ladiète
loy.*

*Diverses o-
pinions sur
cela.*

delà le Rhin, là où elle fut faicte. Les autres la font descēdre du nom de Sel, qui est interpreté pour condiment, assaisonnement, ou faulse, ou conseruation des choses, comme voulans dire que ceste Loy est vn assaisonnement, qui donne goust à cest Estar, & qui le conserue aussi: mais il me semble que ceste interpretation n'a ny goust ny faulse. Et les autres pensans subtilizer d'auantage, disent que pour la frequence des articles qui se trouuent dans icelle Loy, commençans par ces mots. *Si aliquis*, *Si aliqua*, elle print sa deriuaison, & fut appelee Salique. Les autres disent que les Francs estoit vn peuple qui se tenoit pres du fleuve Sal, qui se desgorge dedans le Mein, qui est aussi vne grande & profonde riuere en Allemagne, & delà ils s'appellerēt Salies, & leur ville principale Selgestad, là où les loix par eux faictes furent appelees Saliques. Et si ceste Loy est faicte par Pharamond, de quoy plusieurs doutent, elle fut à la verité appelee Salique (sans s'amuser à ces interpretations fantastiques) à cause des François Saliens, desquels est faicte assez frequente mention dans Marcellin. Voila ce que nous pouuons dire pour cest heure de la loy Salique, de laquelle nous parlerons encores plus particulièrement dedans le grand corps de l'histoire de France, que nous bastissons par le commandement du Roy, estant ceste Loy plus belle, plus honorable, & plus profitable qu'ancienne, & qui de son nom, & de son effect ioint à l'ancienne coustume & à la force, garda du temps

Les loix Saliques
faites
par les Frācs

Les François
Saliens.

Le fruit de
la loy Salique.

du fufdict Edward, & depuis a gardé ce Royaume de fauteller en quenouilles, & de tomber entre les mains des eſtrangers. Car ſi les femmes y ſuccedoient, il aduiendroit qu'elles eſpouſeroient des eſtrangers, qui aux charges, honneurs & magiſtrats, & au maniemēt des affaires prefereroient aux noſtres, ceux de leur nation, & delà naiſtroient infinies diuiſions, diſſentiōs, & meſcontentemens, comme il eſt aduenū en plufieurs autres Royaumes. Mais ceſte Loy ſur laquelle depuis ledict Philippes nos Roys ſ'appuyent, fait que la France voit touſiours deuant ſes yeux qui ſera ſon Seigneur: car elle eſt aſſeuree que ce ſera vn François, le plus prochain maſle de la ligne de ſon Roy. Et encores que ceſte Loy ſoit deſniee à Pharamond, & attribuee à vn Roy de la troiſieme lignee, ſi eſt ce qu'elle eſt aſſez ancienne, puis qu'elle eſt receuë d'une ſi grande antiquité, que depuis la mort de Loys Hutin, qui mourut l'an 1314. Car comme il a eſté dict, il ne ſe trouue en aucun monument antique, qu'il ſ'en ſoit iamais parlé auparauāt, & les loix ne ſont receuës ne authoriſées que par le temps, & quand vne fois elles ſont miſes à eſſect, elles ſeruent de preiugé pour l'aduenir. Et bien que ce ſoit vne des plus belles loix qui ait iamais eſté faiſte en Royaume quelconque, ſi eſt ce qu'elle n'a vigueur en France, que par la force, ſur laquelle la plus part des loix ſont fondees en tous Eſtats.

La loy Salique aſſez ancienne.

Les loix receues par le temps.

Les loix fondees ſur la force.

Après la mort de Charles le Bel, elle empêcha que

*Debats sur
la querelle
du Royau-
me de Fran-
ce.*

les Anglois ne fussent noz maistres : mais pour aller plus auant, il faut entendre que Loys Hutin mourût laissa Clemence sa seconde femme, grosse d'un fils qui naissant apres la mort de son pere, fut nommé Iean, & ne vesquit que huiët iours . Il laissa pareillement vne fille nommee Ianne, engendree de luy & de Marguerite de Bourgongne sa premiere femme. Philippes le Long Conte de la Marche & de Poitiers frere de Hutin, fut esleu tuteur du ventre, attendant le part, & la naissance de l'enfant. Mais estant l'enfant mort, Eudes

*La fille de
Hutin veut
succeder au
Royaume.*

Duc de Bourgongne oncle maternel de Ianne fille de Hutin, disoit le Royaume de France appartenir à sa niepce: à quoy les Seigneurs François tenans le party de Philippes le Long s'opposerent, disans le Royaume de France appartenir de droit seulement aux hommes, & que les femmes n'y en auoient aucun: &

*Quand la
loy Salique
fut mise en
auant.*

lors Philippes & eux (à ce que plusieurs affirment) mirent en auant la loy Salique, de laquelle iamais auparavant on n'auoit ouy parler, la faisans approuuer par tous les Seigneurs du Royaume, ayans gaigné les vns par promesses, & les autres par force, & par menaces. Il mit adonc en auant ces mots des loix Saliques &

*Article des
loix Sali-
ques.*

Ripulaires des anciens François, QUE LES FEMMES N'AYENT A SVCCEDER EN LA TERRE SALIQUE. Ce qui est vn article des loix Saliques & Ripulaires, pour les successions des massés en toutes generations & races, non pas particulièrement pour celles des Royaumes: & lors ledict Philippes l'appropriâ &

accōmoda à son desir, disant que pour ce que la Frâ-
 ce estoit terre Salique, les femmes ne pouuoïent y suc-
 ceder. Mais cest article ne parle point de la Couron-
 ne de France, car Pharamond n'y pensa iamais, veu
 qu'il ne passa onques de deça, & n'auoit aucun droit
 en icelle. Doncques Philippes ayant affaire à vne peti-
 te fille, destituee de secours & d'appuy, & estât hom-
 me qui par ses promesses & biensfaicts auoit obligé
 la volonté de plusieurs hōmes, n'eut pas grande pei-
 ne à faire passer ceste loy Salique, veu qu'il auoit affai-
 re contre vne partie bien foible, & se fit Roy. Mais
 Edward deuxiesme du nom Roy d'Angleterre fils
 d'Edward premier, & d'Ysabel de France fille de Phi-
 lippes le Bel, & sœur de Loys Hutin, de Philippes le
 Lōg, & de Charles le Bel, tous Roys de France, la de-
 battit bien autrement que la susdicte Ianne, contre
 Philippes de Valois, lequel fut le premier qui fort &
 ferme soustint la vigueur de ceste Loy, & qui la mit
 en euidence contre l'oppositiō dudit Edward. Char-
 les le Bel susdit fut Roy apres la mort de son frere Phi-
 lippes le Long, bien que ledit Philippes eust quatre
 filles, à sçauoir Ianne, Marguerite, Marie, & Blanche.
 Ce qu'auoit faict Philippes leur pere apres la mort de
 Hutin, leur ostoit le droit du Royaume, & le don-
 noit audit Charles, qui sans opposition desdictes
 filles se fit Roy. Mais pour venir au grand debat de la-
 dicte couronne, il fut Comme il s'ensuit.

*Philippes
le Lōg Roy.*

*Debat du
Roy d'An-
gleterre sur
la couronne
de France.*

*Philippes de
Valois sou-
stient la loy
Salique.*

*Filles de Phi-
lippes le
Long.*

Ledit Charles le Bel, Roy de France mourant lais-

*Debat sur le
gouverne-
ment de la
France apres
la mort de
Charles le
Bel.*

*Remonstrance
des Anglois
sur le gou-
vernement.*

*Debat sur la
querelle du
Royaume.*

*Deffenses
de Philippes
de Valois.*

*Le droit
maternel
n'est rien.*

*Les loix de
France ex-
cluent les
femmes de
la successiõ.*

la Ianne d'Evreux sa femme, grosse. Cependant différend s'esmeut à qui sera donné le gouvernement des affaires. Les Ambassadeurs Anglois disoient qu'il appartenoit à Edward Roy d'Angleterre, nepueu du dernier Roy Charles, & que parcelllement il deuoit auoir la tutelle de l'enfant qui naistroit. Les François au contraire disoient, comme il a esté dit cy deuant, que l'aage d'Edward qui estoit bien ieune, auoit plus de besoing d'un gouuerneur, que d'experience pour gouverner, & que ceste poursuite si ardente de la tutelle du fruit aduenir, estoit si suspecte, qu'il la falloit du tout reiecter. Les Anglois aussi disoient, que si le fruit du ventre venoit à deceder, Edward leur maistre deuoit succeder au Royaume de France. Sur cela la Royne vefue accoucha d'une fille, qui fut nommee Blâche. Lors s'esmeut le debat de la querelle du Royaume. Philippes Conte de Valois, fils de Charles cousin germain des trois Roys precedens, soustenoit fort & ferme que les femmes ny leurs descendans, n'auoient aucun droit au Royaume de France, & que Edward l'abusoit de se fonder sur le droit maternel, qui estoit autant que rien. Que les loix de France ne receuoient aucune femme à la succession, & que depuis la mort de ce grand Clouis pere de la Religion Françoisse, le Royaume ayant changé trois fois de Roys, les François n'ont iamais voulu permettre que la loy Salique (sur laquelle ledit Philippes se fendoit) fust abrogee: & eussent plustost enduré que tout eust

esté renuersé san dessus dessous , que permis que les femmes & leurs descendans vissent à ceste Couronne , bien qu'il y eust eu plusieurs grands Princes , qui par leurs ayeulles & grands meres & meres , y eussent peu pretendre droict deuant l'Anglois . Que ladicte loy Salique , excluuant les femelles de la succession de ce Royaume , en excluoit pareillement leurs enfans , & qu'à ceste occasiō Edward ne pouuoit pretendre aucun droit audict Royaume . Que si les femmes y succedoient , Ianne fille de Loys Hutin , Ianne , Marguerite , Marie , & Blanche , filles de Philippes le Long , & Blanche fille de Charles le Bel , estoient plus aptes à succeder , cōme filles des derniers Roys morts , que luy , fils d'une fille de Philippes le Bel , mais que la Loy les enauoit debouttees . Que luy qui estoit cousin germain de feu Charles le Bel du costé du pere (estans tous deux enfans des deux freres : ledict Charles fils de Philippes le Bel , Roy de France , & ledict Philippes fils de Charles , Conte de Valois , frere puisné dudit Philippes le Bel , tous enfans de Philippes , fils de saint Loys) estoit le plus prochain & le plus habile à succeder , mettant en auant les mots de ladicte loy , qui disoit , **AUCVNE FEMELLE NE SUCCEDERA** . Edward qui ne pouuoit rien pretendre deuant les susdictes filles de Loys Hutin , de Philippes le Long , & de Charles le Bel , publia par toute la Chrestienté , sema par la France , & annonça à Philippes de Valois , que c'estoit à luy à qui le Royaume apparte-

*Les femelles
& leurs en-
fans exclu-
z de la succe-
sion.*

*Droits de
proximité.*

*Deffenjes
d'Edward.*

*Cauteluse
interpréta-
tion de l'An-
glois.*

*Foiblesse
des filles.*

*Interpreta-
tiō de la loy
par l'An-
glois.*

noit, ne voulant aduouer ladicte loy Salique, la di-
fant auoir esté inuentee par Philippes le Long, & à
ceste heure soustenuë contre luy par ledict Philippes
de Valois, qui n'estoit que cousin germain dudiect
Charles: & disoit que par lesdicts mots de la Loy,
la couronne luy appartenoit, d'autant que plus pro-
chain est le nepueu, que le cousin. Que si les filles des
trois Roys precedens, Loys, Philippes & Charles, n'a-
uoient voulu, ou peu, ou sceu debattre leur droict,
c'estoit pource qu'elles estoient filles, petites, mineu-
res & foibles parties contre des puillans hommes.
Que luy qui estoit homme, ne vouloit faire le mes-
me, n'y laisser raur par autrui ce que nature luy a-
uoit acquis, & que la fortune presente luy presentoit.
Or Edward se fondant sur les mots de la loy Salique,
qui dit, **AUCVNE FEMELLE NE SVCCEDERA,**
LE PLVS PROCHAIN MASLE SVCCEDERA,
pensoit auoir prins Philippes par le bec, & disoit que
la loy par ledict Philippes mise en auant, faisoit pour
luy. Car elle chantoit que le plus prochain masle suc-
cedera: Il disoit doncq qu'il estoit le plus prochain
masle comme nepueu. Et que quant à ce que Philip-
pes disoit, que la mere estant excluse, le fils par consé-
quent est exclus de la succession, il disoit que la Loy
n'exprimoit point cela, & que c'estoit vne interpre-
tation fantastique, qu'on luy auoit donnee pour mas-
que. Mais que pour la faire voir en son naturel, il s'est
souuent veu en plusieurs Royaumes, que bien que les
meres

meres eussent esté excluses de la succession, pour cela neantmoins leurs fils n'ont pas laissé de succeder, allegant sur ce l'exemple de Thierry Roy des Ostrogots, lequel mourût laissa vne fille nommee Amalasunthe, qu'il auoit mariee à Eutaric, & de ce mariage estoit yssu Atalaric, qui fut depuis Roy desdicts Ostrogots. Eutaric mourant deuant son beau pere Thierry, ledict Thierry mourant laissa heritiers de son Royaume, ledict Atalaric son petit fils. Edward aussi se fondant sur le Droit ciuil, disoit que la Nature des choses ne failloit point, quand elle faisoit des femmes : & que par le droit elles estoient appelees aux successions. Que le Droit diuin le tesmoignoit, allegât sur ce vn passage des Nombres qui dit, *Quand l'homme mourra sans fils, que sa succession vienne à sa fille*. Par ainsi disoit Edward, quel acte de meschanceté a commis ma mere, puis qu'estant fille de Roy & sœur de Roys, elle est priuee de l'esperance du Royaume, & ne peut laisser ny son droit ny son esperance à son fils? Robert d'Arthois, qui de longue main estoit accoustumé à debattre & oppugner le droit des femmes, ayant eu longuement procès contre Mahaut sa tante, à raison de la succession du Conté d'Arthois, debattit avec vives raisons, & par vne lōgue harāgue, le droit de Philippes de Valois, en la presence des Estats generaux de ce Royaume conuoquez à Paris, contre les Ambassadeurs du Roy Anglois : là où par la voix & consentement desdicts Estats, le Royaume fut adiugé audit

Souuent les filz des meres exclus ont succedé.

Amalasūte fille du Roy des Ostrogots.

Le droit ciuil sur la succession des femmes.

Le droit diuin sur ladite succession.

Exclamations d'Edward.

Robert d'Artois soustien le Roy Philippes contre l'Anglois.

*Le Royaume
adtingé
par les Estas
à Philippes
de Valois.*

Philippes. Dont Edward ne sceut si bien debattre son droict, que Philippes ne fust Roy de France, en vertu de la loy Salique, assistee de la force & de la faueur du peuple François.

*L'Anglois
n'auoir nul
droit deuant
le filles de
Loys Hutin
et de Phi-
lippes le
Long. Et de
Charles le
Bel.*

Edward debattoit vn droict sans fondement: car si les filles eussent deu succeder à la couronne de ce Royaume, la fille de Loys Hutin, & les quatre filles de Philippes le Lōg, & celle de Charles le Bel, qui estoient six en tout, deuoient plustost succeder que luy. Et toutesfois la fille de Loys Hutin, ny les filles de Philippes le Long, ne debattirent aucunement ladicte succession contre Philippes le Long, ny contre Charles le Bel leurs oncles: car elles virent bien qu'elles n'estoient pas les plus fortes, ny les mieux fondees en droict.

Voila le premier debat intéré sur la loy Salique, & cōment les femmes furent par arrest solēnel & tresnotable debouttes de la succession du Royaume de France, & voicy le second.

*Le Roy
Charles 6.
contraint
par l'An-
glois à ex-
hereder son
fils.*

Le Roy Charles sixiesme priué du sens, apres l'accident qui luy suruint pres la ville du Mans lors qu'il alloit en Bretagne, & spolié de son Royaume par les Anglois, & par les pratiques de Jean Duc de Bourgogne, fut par les Anglois contraint d'exhereder de la succession dudit Royaume, son fils Charles, depuis nommé le Roy Charles septiesme, & d'investir d'iceluy, Henry sixiesme Roy d'Angleterre, mary de Catherine fille dudit Roy Charles sixiesme. Ceste ex-

*Henry Roy
d'Angleter-
re investi de
la couronne
de France.*

heredation ne fut pas faicte en deffaut de masles, ains par les susdictes menees, & par la malice du temps: & toutesfois apres la mort dudit Charles sixiesme, son dict fil Charles septiesme ne laissa à succeder, quoy que l'Anglois de bien loing, estant delà la mer, pretendist ce Royaume luy appartenir. Mais pour mon-
 strer que depuis Loys Hutin aucune fille n'y a succe-
 dé, suffira l'exemple de la mort de Charles huities-
 me, après laquelle Loys Duc d'Orleans depuis sur-
 nommé Loys douziesme, succeda à la couronne, ex-
 cluses Anne & Ianne filles de Loys vnziesme, & sœurs
 dudit Charles. Et venant à mourir le Roy Loys dou-
 ziesme, le Roy François premier print la couronne de
 son chef, non de par sa femme Claude fille dudit
 Roy Loys douziesme, laquelle & sa sœur mariee à
 Hercules Duc de Ferrare, estoient plus proches que
 ledict Roy François, sans la coustume qui a esté ob-
 seruee depuis Loys Hutin, soit par la loy Salique, que
 nous disons tant ancienne, ou par l'ancienne coustu-
 me. Le Roy Charles le quint traictant le mariage de
 Marie de France sa fille, avec Guillaume Conte de
 Hainaut, stipula renonciatiōs dudit Côté au droit
 des Royaumes & au Daulphiné, nō qu'il en fust grād
 besoing, mais pource que la playe de la mauuaise
 querelle d'Angleterre estoit si recente, qu'il estoit
 besoing de donner quelque obstacle à semblables
 controuerfes.

*Filles ne
succedem.*

*Sagesse du
Roy Char-
les 5.*

Mais combien que les filles soient excluses de la

*Filles de
Frâce gran-
demēt re-
spectées.*

*Appelées
Mesdames.*

*Tenoyent
râg & nom
de Roynes.*

*Portent le
surnom de
France.*

succession du Royaume, elles n'ont pourtant laissé d'estre grandemēt respectées. Elles portēt le surnom de Frâce, & sont appelees Mes-dames, & les filles des puisnezes appelees Mes-damoyselles : & iadis elles estoient en tel respect, que quand bien elles estoient mariees à moindres qu'à Roys, elles tenoient pourtant le lieu & le rang de Roynes, & estoient appelees Roynes, leur estant cest honneur donné, pour monstrier qu'elles estoient filles de Roys de France, & pour les contenter aucunement quand elles estoient mariees en lieu plus bas qu'il ne cōuenoit à leur qualité, & qu'elles n'espousoient des Roys. Cela est prouué par l'exemple de Constâce fille du Roy Loys le Gros, mariee à Ramond Conte de Thoulouse, qui ne fut iamaïs appelé que Conte, & sa femme s'appelloit la Roïne Constance. Mais ceste coustume n'a cōtinué, pource qu'elle fut tournee en mocquerie.

Les filles des Roys portent le surnom de France, ou soyent qu'elles soyent nees avant ou durant le regne de leurs peres. Toutesfois celles qui sont nees deuāt que leurs peres soient Roys, ne le prennent qu'après l'aduenement à la couronne, si elles ne sont filles du fils aîné du Roy, heritier presomptif de la courōne, pour l'assurance qui est donnée à leur pere de la succession d'icelle, sans l'accident de sa mort. Les filles des seconds fils des Roys, ne sont appelees que Mes-damoyselles, mais sil aduiēt que leurs peres viennent à estre Roys, on les appelle Mes-dames, avec le surnō

de France. Le Roy Philippes de Valois donnant pou-
 uoir à son fils Iean Duc de Normandie, depuis Roy
 de Frâce, de traiter paix avec le Roy Alphons de Ca-
 stille, & le mariage de Marie, & Ianne filles dudiect *Exemples.*
 Duc, elles ne sont surnommées de France, pource que
 leur pere n'estoit encores Roy. Et Philippes Conte
 de la Marche depuis Roy de France, & surnommé le
 Long, durant le temps qu'il fut Regent, apres la mort
 de Loys Hutin son frere, sa fille Ianne n'estoit appe-
 lée que Madamoyse, & n'eut le surnom de France,
 ny le nom de Madame, iusqu'à ce que son pere fust
 Roy. Marie de Valois Duchesse de Calabre, fille de
 Charles Conte de Valois, fils de Philippes tiers, & fre-
 re du Roy Philippes le Bel, & icelle sœur de Philippes *Le surnō de*
 de Valois Roy de France, ne porta durant le regne de *France est*
 sondict frere le surnom de France, ains seulement *seulement*
 de Valois. Car lediect surnō de France, n'appartiēt qu'aux *pour les fil-*
 filles des Rois. *les des Rois.*

Quant à leur dot, elles ont souuent esté mariees
 par argent, & souuent ont eu des terres. Le Roy Char *Le dot des*
 les le quint ordonna cent mille Frācs d'or, qui estoient *filles de*
 lors escus, pour le mariage de chacune de ses filles *France.*
 Marie & Ysabeau de France, & à chacune de celles *Le dot de*
 qui naistroient apres, soixante mille francs d'or. Le *Charles 5. à*
 Roy Charles sixiesme en accorda huiect cents mille en *ses filles.*
 mariage à Ysabeau sa fille, mariee avec le second Ri-
 chard Roy d'Angleterre. Par ainsi leur dot n'est limi- *Leur dot*
 té, & quelque fois leur ont esté baillees des terres du *n'est limité.*

*Apannage
donné aux
filles.*

*Le Conté de
Sommieres.*

domaine en Apannage, pour elles, leurs fils & filles. Ce qui n'a lieu aux puisnez de France, comme iadis le Conté de Sommieres en Languedoc, fut erigé & baillé en Apannage à Ysabeau fille du Roy Iean, par son mariage avec Iean Galeas Visconte fils aîné de Galeas Visconte Duc de Milan, à la charge du retour, de faillans fils & filles; & depuis au lieu dudit Conté de

*Le Conté
de Vertu.*

Sommieres, fut erigé & baillé audit Galeas, le Conté de Vertus en Champagne, lequel depuis fut en mariage donné à Valentine de Milan fille dudit Duc, espousée avec Loys Duc d'Orleans, fils du Roy Charles le quint, & frere du Roy Charles sixiesme: & depuis ledit Conté escheut en partage à Marguerite d'Orleans fille dudit Duc Loys, & de ladicte Valentine femme de Richard de Bretagne Côte d'Estâpes, pere de François premier Duc de Bretagne. Le Côté de

*Le Conté de
Vexin.*

Vexin fut donné en mariage à Marguerite fille du Roy Loys le Ieune, mariee à Héry tiers du nom, Roy d'Angleterre, & pource qu'il n'en vint enfans, le Roy Philippes Auguste fils dudit Loys, les voulut rauoir quâd il vit que les Anglois ne luy en voulurét faire la raison, cōme il a esté dit cy dessus en Philippes Auguste. Ysabeau sœur du Roy Philippes le Bel, mariee à Edward premier du nom, Roy d'Angleterre, eut le Conté de Ponthieu, duquel Edward deuxiesme fit solēnel hōmage au Roy Philippes de Valois, comme pareillement il a esté dit cy dessus. Aussi les Roys donnēt par engagement des terres de leur domaine aux filles de

*Le Conté de
Ponthieu.*

*Terres don-
nees aux fil-
les par en-
gagement.*

France, qui leur sont baillées en dot, ce qui est improprement appelé Apannage, de l'etymologie duquel nous parlerons cy apres.

Et pour sortir des femelles & venir aux masles, en la premiere lignee de nos Roys, les puisnez estés partagez par Royaumes estoient nommez Roys, & entre eux & leurs subiects y auoit difference notable, pour les discerner. Les subiects portoient cheueux roignés en signe de subiection, & les Princes du sang, longs, en signe de domination, & dès leur enfance les laissoient croistre tant qu'ils pouuoient. Ceux de derriere estoient comme ceux des espousees, & ceux de deuant tressez, pignez, oincts, parfumez & gallonnez, comme on voit en quelques vieilles figures des vieils portaux de l'Eglise saint Denys en Frâce, & de saint Germain des prez.

Les filz de France.

Difference entre les Princes & les subiects.

Les longs cheueux des Princes.

Cest ornement de longue cheuelure, estoit vne Loy faicte par Clodion le Cheuelu, qui deffendoit qu'aucun n'eust à porter les cheueux longs, que les Princes du sang, & leurs descendans, en signe de liberté, & que le menu peuple eust à les porter roignés en signe de seruitude. La difference est cogneüe en vn exemple de la mort de Clodamire Roy d'Orleans, fils de Clouis premier du nom: le quel estant tué en vne bataille que les Bourguignons luy donnerent, ils le recogneurent à ses longs cheueux, pource que les voyans, ils congneurēt bien que c'estoit Clodamire, ou vn Prince du sang Royal de France. Clotaire pre-

Loy des cheuelures faicte par Clodion le Cheuelu.

Les Princes aux longs cheueux.

miern ne voulut aduouer Gondebaut, & en signe de desaduieu, le fit par plusieurs foys tondre. Le corps de Clouis fils du Roy Chilperic, tué à la suscitatio de la Royne Fredegonde sa belle-mere, & ietté en la riuere de Marne, fut par vn pescheur recogneu à ses longs cheueux. Mais estant morte la premiere race de Merouee, la seconde des Carliens, qui est celle de Pepin iusques à Hues Capet, laissa ceste longue cheuelure, encores que les fils des Roys cōtinuaissent d'auoir leur partage en tiltre de Royaume.

*Les Princes
du sang.*

On a tousiours en France fait grand cas des Princes du sang, qui ont esté tellemēt par tout respectez, qu'ils ont mesmes en pays estranger precedé tous autres Ducs estrangers souuerains. Leur vraye grandeur & l'hōneur de ce tiltre de Prince du sang, est venu depuis le regne de Loys, pere du Roy saint Loys, qui eut pour enfans ledict saint Loys, Robert Conte d'Arthois, duquel descendit la race d'Arthois, Alphōs Conte de Poitou, Auuergne, & Thoulouze, & Charles Roy de Sicile. Auparauant depuis Hues Capet iusques audiēt Loys, d'autant que les races des Roys estoiet foibles en masses, on ne parloit gueres de Princes du sang: mais depuis ayans les Roys plusieurs puïssances & les races d'iceux fecondes & grandes, les Princes du sang estās grands en nombre, en biens, en hōneurs, & en autoritez, ont acquis à leur posterité vn rang qu'on ne leur peut oster. Leurs priuileges sont grands, comme il sera dict plus bas, entre autres ils

*Grandeur
des Princes
du sang.*

*Priuileges
des Princes
du sang.*

sont

sont exempts des combats, & par expres doiuent estre exceptés apres la personne du Roy, és cartels des sub-^{Exemptz des cōbats.} iets: & iadis les Roys ne permettoient que les Princes du sang, se hazardassent aux tournois & cōbats plaisants, pour l'inconuenient qui en peut aduenir, comme il s'est veu souuent. Ce qui c'est faict avec grande consideration, pour ne perdre la lignee des Princes du sang, car plusieurs Regnes & Estats ont souuent prins fin, par la mort des Princes de leur sang.

Les fils des Roys sont nommez Princes de la Couronne, & n'ont à present nul surnom. Les filles comme il a esté dit, ont surnom de France. Iadis quelques fils des Roys ont porté le surnom de France, mais cela a duré bié peu, & ne se signét plus que par leur nom. ^{Iadis ils portoyēt le surnom de France.} Nos Roys ny leurs enfans n'ont point le surnom de Valois, quoy qu'en vueillent dire nos François, ^{Nos Roys n'ont le surnom de Valois.} ignorans de l'histoire de France, ausquels il n'est pas possible de faire croire que nosdicts Princes n'ayent le surnom de Valois, tant & si auant est enracinee ceste opinion ignorante, & ceux qui surnomment le Roy François premier, Henry deuxiesme son fils, le feu Roy François dernier & le Roy apresent regnâr, de Valois, leur font iniure. Car iamais nos Roys n'ont eu le surnom de Valois, mais ceste erreur est venue de la mocquerie des Anglois, qui sur la querelle du Royaume de France, pretendu par Edward deuxiesme leur Roy, sur Philippes Conte de Valois, depuis Roy de France, ne voulurent iamais appeller ledict Roy Phi-

lippes, sinon Philippes de Valois, pour ne preiudicier à leur droit pretendu. Et depuis ie ne sçay par quelle fantasie, on a recommencé d'appeller les Roys François premier, Henry deuxiesme, François deuxiesme, & Charles neufiesme, de Valois. Car on n'a iamais donné ce surnom à tous les autres Roys qui ont esté entre ledict Philippes de Valois, & ledict François le grand, cōme à Iean, Charles le quint, Charles sixiesme, Charles septiesme, Loys vnzième, Charles huietième, & Loys douzième.

*Les fils des
fils des Roys
ont surnom.*

Pour retourner à nostre premier propos, les fils des fils des Roys, & leurs descendans masculins ou femelles ont surnom, lequel ils prennent de la seigneurie qu'a esté donnée en apanage au premier de leur maison, comme par exemple, les enfans & les descendans de Monseigneur Henry Duc d'Anjou frere du Roy, s'appelleront d'Anjou. Il ne se trouue en la lignee de Hues Capet, qui dure aujourdhuy, & qui est la troisième de nos Roys, cōdemnation d'aucun Prince du sang, que par contumace, fors celle de Iean Duc d'Alençon au temps du Roy Charles septiesme, non executée & par apres abolie.

*Nul Prince
du sang
condamné.*

Les Roys souuent ont esté en peine, à sçauoir s'ils deuoyent faire iouir les Princes du sang non Pairs, de mesmes prerogatiues que lesdicts Pairs, mesmement en iugemens de leurs personnes: mais il n'y a iamais eu apparence aucune de desnier, que lesdicts Princes du sang non Pairs, ne deussent iouir de telle prerogatiue.

*Les Princes
du sang iouis-
sent de mes-
me prerogati-
ue que les
Pairs.*

que lesdicts Pairs és iugemens de leur personne & estat, puis qu'ils sont Conseillers nez du Roy en son Parlement, & lesdicts Pairs ne sont autre chose, ioint que la Pairrie seule est moindre qualité que la Principauté du sang, quelques contentions qui en aient esté meües: & ainsi les solennitez requises és institutions & iugemens desdicts Pairs, doiuent estre gardees esdicts Princes du sang non Pairs, fils le requierent.

Il y a eu souuent debat entre les Pairs clerks, & les Princes du sang, à qui precederoit en ceremonie & lieu public: & vn autre, entre les Princes du sang Pairs, & autres non Pairs plus aisnez q̃ lesdicts Pairs. Vn autre entre les Princes du sang Pairs, & les Princes Pairs sans estre du sang, qui estoient plus anciens Pairs que lesdicts Princes du sang, ou qui representoient en leur Pairrie, vn des plus anciens Pairs, premier en qualité que ceux que representoit ledict Prince du sang. Quelques fois aussi les Princes du sang Ducs, plus esloignez de la couronne, ont precedé les Princes & Côtes plus proches. Ce qui a esté souuent mis en debat: mais à la fin a esté arresté qu'il ne sera regardé à la qualité de Duc ou de Côte, ains à la proximité du sang Royal. Ils sont Conseillers nez, & par Ordōnance du Roy Charles sixiesme est dit, que les Princes du sang plus proches de ladicte couronne, serōt ordōnez du Cōseil pour le gouvernement & administration du Royaume, durant la minorité des Roys. Et auparauāt ladicte Ordōnance lesdicts Princes du sang auoient tousiours esté mis

Debat entre les Princes du sang & les Pairs clerks sur le rang.

Debat entre les Princes Pairs & non Pairs,

Autre debat entre les Princes du sang.

*Privileges
des Princes
du sang.*

*Les Princef-
ses du sang
tiennent touf-
iours leurs
rangs.*

*Les Princes
du sang d'E-
glise se tien-
nent à leur
rang.
Les Roynes
de France &
leurs autho-
ritez.*

*Les Roynes
signees aux
chartres.*

dudict Conseil, les premiers apres les Roynes: & ont eu souuent de beaux & grands priuileges, comme de creer mestiers és villes où il y a mestiers iurez, & autres semblables, qui leur ont esté donnez par prouision seulement, sans estre affectez à leur posterité, ny sans tirer à consequence. Aussi les Princesses du sang, si elles sont marices à moindres qu'eux, peuuent tenir leurs rangs, & les Princes du sang qui sont d'Eglise, se tiennēt à leur rang du sang, non à l'Ecclesiastique, qui ne leur diminuē en rien leur degré naturel, ordre, ny preeminence.

Puis que nous auons parlé des Princes & Princesses du sang, il est bien raisonnable de parler des Roynes de France, & de leurs authoritez & prerogatiues.

Les Roynes de France, ont de tout temps eu de grandes prerogatiues, & ont grandement orné & illustré ce Royaume. Clotilde femme de ce grand Clovis, apporta la Religion Chrestienne en la France, & plusieurs Roynes ont fait bastir la plus part des beaux Temples qui y sont. Quelques Roys ont tant aymé & honoré leurs femmes qu'ils les ont fait signer avec eux à plusieurs Chartres Royales qu'ils ont faites pour les autoriser, comme on voit qu'en deux Chartres, l'une de Philippes premier, & l'autre de Loys le Gros, qui sont à saint Denys, leurs femmes Anne & Alix, y sont sous-signees. D'autres Roys ont voulu leurs Chartres estre dattees des anneés des regnes de leurs femmes, comme il s'en trouue vne en la-

dicté Abbaye, & vne autre à Paris, dattees du regne dudit Loys le Gros, & de sadiète femme Alix. Les autres Roys tenans leurs liets de Iustice, ont faict seoir leurs meres & femmes à leurs dextres, comme Charles le quint en l'assemblée des Estats qu'il tint en la chambre de Parlement de Paris l'an 1369, fit asseoir à son costé, la Royne Ianne de Bourbon sa femme. Et puis que les femmes tenās Pairries de France, sont appelees au siege, & aux opinions des Pairs & Pairries, comme on voit en l'arrest du Conté de Clermont en Beauuoisis, adiugé au Roy sainct Loys par la Cour des Pairs, la Contesse de Flandres est nommee entre les Pairs comme presente: à plus forte raison, lesdictes Roynes estans colloquees en plus grâde dignité, peuvent assister aux grands affaires pres des Roys. Elles sont priuilegiees d'auoir ressort & Grâds-iours, si elles veulēt, en leurs terres, tāt de leur domaine que douaire, pour congnoistre des premieres appellations, & vient l'appel de leursdicts Grands-iours en ladiète Cour des Pairs de Frâce. Elles ont toutes telles prerogatiues & priuileges que lesdicts Pairs, & n'ont voulu les Roys, que leurs meres & fēmes fussent moins priuilegiees que lesdicts Pairs, & ont comme eux les iours par roole audit Parlement. Et cōbien que par droit & coustume, les dons faicts entre mary & femme cōstāt leur mariage soient nuls, toutesfois ceux qui sont faicts par les Roys aux Roynes leurs femmes durant leur mariage, sont vallables. Bref elles ont presque

*En liēt de
Iustice les
Roynes as-
sises pres
leurs maris.*

*Les femmes
Pairresses ap-
pelees aux
Conseils.*

*Priuileges
des Roynes.*

*Elles ont
semblables
priuileges
aux Pairs.*

*Les dons
faicts par
les Rois aux
Roynes, val-
lables.*

*Elles ont
mesmes pri-
uileges que
les Roys.*

tous tels priuileges que les Roys, sont oinctes & sacrees comme eux, deliurent les prisonniers à leurs entrees aux villes, ont officiers qui portent qualité de Grand, & ont autres semblables prerogatiues. Elles n'ont communauté des acquests faicts par les Roys leurs maris durant le regne, & leur mariage, mais bien en ceux qui sont faits auparauant leur aduenement à la Couronne: & suiuant cela, le Roy Philippes de Valois, fit raison à la Royne Ianne de Bourgogne sa femme, de la moytié des conquests faicts auparauant qu'il fut Roy, constant leur mariage: car l'administration du Royaume ne peut receuoir les Roynes à communauté, d'autant que tout est pour la Couronne & bié du Royaume, qui ne peut estre approprié à la Royne par vertu de la coustume.

*Les Roynes
Regentes.*

Les Roynes ont aussi esté souuét Regentes en France, les vnes durât la minorité des Roys leurs enfans, & les autres durant l'absence, ou maladie des Roys leurs maris, comme il sera dict en l'article des Regences. Le

*Les Roynes
Blanches.*

peuple appelle les Roynes vesues, Blanches, ce qui est venu de deux Roynes vesues, qui auoient nom Blanche: sçauoir est la Royne Blanche de Castille, femme de Loys huictiesme, & mere du Roy saint Loys: & l'autre fut Blanche d'Evreux, vesue du Roy Philippes de Valois, qui vesquit iusques au regne du Roy Charles sixiesme, mais ce nom n'appartiét qu'à celles qui l'ont: ou possible le peuple les a ainsi appelees Blanches, pource que iadis durant leur viduité, elles

portoient vn voile blanc.

Après auoir parlé des Loix, des Roys, des prerogatiues des Roynes, & des Princes & Princesses du sang, il faut parler de la ceremonie belle & excellente du Sacre & couronnement desdicts Roys & Roynes.

*Du Sacre
des Roys.*

La premiere chose qu'un Roy faict après qu'il est Roy, est qu'il se faict sacrer, pour prédre vn caractere de diuinité & de Religion, & pour après iceluy prins, cōmēcer plus heureusemēt son regne. Deuāt que nos Roys fussent Chrestiens, les François auoyent accoustumé de leuer leur Roy couronné, sur vn grand bouclier ou pauois, & le faire porter sur les espaules d'aucuns par trois fois à l'entour du Camp en armes, criās à ceux dudit Camp, qu'il estoit leur vray & legitime Roy. Ceste façon a duré tousiours en la premiere lignee des Merouingiens, mesmes depuis qu'ils furent Chrestiens : car és anciennes chroniques de ce temps là n'est faicte aucune mention de Sacre, ny d'onctiō és Roys de la premiere lignee, mais seulement de leur baptesme & eleuation en Roy. Gregoire de Tours escrit que le Roy Clouis premier, après son baptesme fut couronné & esleué par le Camp sur vn pauois, & ne parle point qu'il fut oinct ny sacré, ains seulement baptisé. Il dit aussi que Sigisbert Roy après Chilperic, fut esleué sur vn pauois porté par le Camp : & faut entendre que la forme que les Roys de la premiere lignee tenoient à assembler les Estats du Royaume, estoit en Camp, & a esté continuee long temps en la

*Costume
ancienne de
couronner les
Roys Payés
de France.*

*L'Ancienne
coustume
d'assembler
les Estats
estoit en
Camp.*

seconde lignee, comme on voit que Pepin voulant acheuer la guerre d'Aquitaine, alla à Bourges, là où au milieu de son Camp, il tint les Estats, ou son Parlemēt, qui est mesme chose. Ledit Gregoire qui fut biē tost après ledit Clouis premier Chrestien, parlant du baptisme dudit Clouis, ne dit qu'il fut sacré en Roy: aussi long temps deuant, il auoit esté declaré & couronné Roy, & ne fait aucune mention du miracle de la sainte Ampoule, combien que ses escripts soient

Aucun Roy de la premiere lignee oinct ny sacré.

Les Roys de la seconde & troisieme lignee oincts & sacrés.

Exēples des Roys sacrés ailleurs que à Reims.

pleins d'autres miracles. Il ne se trouue aussi aucun Roy de la premiere lignee, oinct ny sacré à Reims, ny ailleurs: mais de la seconde & troisieme, la plus part ont esté oincts & sacrez en autres lieux qu'à Reims, quoy que les Archeuesques de Reims pretendent ce droict appartenir à eux & à leur Eglise, mesmes il y a vne Epistre d'Yues Euesques de Chartres, qui soustiēt le Sacre & le couronnement du Roy Loys le Gros fait à Orleans par l'Archeuesque de Sens, estre bien fait. Si celle de Reims eust eu cesté prerogatiue, les Roys de la seconde race s'y fussent faits sacrer, & puis tous les premiers de la troisieme. Le premier Roy qui se fit sacrer à Reims, fut Loys le Begue. Pepin après auoir chassé Chilperic, fut sacré & couronné Roy en la ville de Soissons par Boniface Archeuesque de Mayence, Legat Apostolique, puis de rechef par le Pape Estienne deuxiesme, en l'Eglise saint Denys en Frāce. Aussi ses deux fils Charles le Grand & Carloman furent sacrez & couronnés à saint Denys, & les Sacres & cou-

ronne-

ronnemés susdicts ne furent faicts par l'Archeuesque de Reims ny de son autorité, combien que ledict Charles & Carloman eussent esté sacrez & couronnez viuant leur pere: après la mort duquel ayant partagé egallement le Royaume, ils prindrent les insignes Royaux, Charles Magne à Wormes, & Carlomā à Soissons: mais peu après venant Carloman à deceder, ledict Charles Magne fut Roy. Loys le Debonnaire fut premierement du viuant de son pere, sacré & couronné Roy d'Aquitaine à Rome, par le Pape Adrian premier, puis sacré à Reims Roy de France, par le Pape Estienne quart. Charles le Chauue fut à Orleans sacré & couronné Roy de France, par Ganelon Archeuesque de Sens. Les Roys Loys & Carloman bastards de Loys le Begue, furent sacrez & courōnez en l'Abbaye de Ferrieres, par Auguste Archeuesque de Sens. Eudes fut couronné & sacré Roy par Gauthier Archeuesque de Sens, à Orleans. Et bien que Raoul, Loys d'Outremer, & Hues Capet ayent esté couronnez & sacrez par les Archeuesques de Reims, ce n'a esté audiect Reims: car Raoul le fut à Soissons, Loys d'Outremer à Laon, & ledict Hues à Cōpiegne. Aussi le Roy Loys le ieune le fut à Reims, nō par l'Archeuesque dudiect lieu, mais par le Pape Innocent second. Et ce fut luy qui voulant faire sacrer & couronner le Roy Philppes Auguste son fils l'an 1179, ordonna la prerogatiue dudiect Sacre à l'Eglise de Reims, en faueur de Guillaume Cardinal de saincte Sabine,

Autres exemples de Sacres.

Le Sacre des Roys ordonné à Reims.

frere de la Royne Alix sa femme, & Archeuesque dudiect lieu : car ladiecte Alix fit vider le different qui en auoit esté au Sacre du Roy Loys le Gros, & le fit pour l'aduenir arrester audiect Reims. Il fit aussiescrire l'ordre dudiect Sacre & couronnement, tant pour sondiect fils que ses successeurs Roys, & departit aux Pairs de Frâce lors creez, leur office audiect Sacre, lequel est enregistré en la Chambre des Comptes à Paris, ensemble avec la prerogatiue. Et n'a lediect Sacre & couronnement depuis esté faict qu'à Reims, ny sans lesdicts Pairs. Le Roy Charles septiesme differa longuement son Sacre, pource que la ville de Reims estoit occupee par les Anglois, & y alla en armes pour s'y faire sacrer, ne le pouuant estre ailleurs. La ceremonie dudiect Sacre, est bien la plus belle & la plus magnifique qui fut possible iamais inuentee, comme on peut voir au Sacre du Roy Henry deuxiesme qui est imprimé. La vieille forme dudiect Sacre se voit aussi en la description du Sacre du Roy Philippes premier du nom, qui est en la librairie du Chapitre de Beauuais. Anciennement on comptoit le Regne d'un Roy, du iour de son Sacre & couronnement, non du iour que la couronne luy estoit escheuë, comme on a faict depuis. Le Roy Philippes Auguste fit renouerler les couronnes & autres ornemens des Sacres des Roys, lors gardez en son Palais & tresor, sçauoir est vne grâde courône pour seruir audiect Sacre & couronnement des Roys & Roynes, & vne petite pour estre portee au disner

*L'ordre des
Sacres.*

*Les Pairs as-
sistent aux
Sacres.*

*Anciennemēt
on comptoit
les regnes
du iour des
Sacres.*

le iour du couronnement. Le Roy saint Loys les enuoya en l'Abbaye saint Denys en Frâce, pour y estre gardees, & en print obligation de l'Abbé & du Conuent. Henry deuxiesme fit faire les Camisoles, Sandales, Tunique, Dalmatique, & Mantel de satin bleu azuré, & plus riches que n'estoient les vieils, & restablir, rebrunir, & renouueler les couronnes, sceptre, main de Iustice, Espee, & Esperons.

*Ornements
du Sacre.*

Il y a eu des Roynes qui ont esté oinctes & couronnées à Reims, avec les Roys leurs maris, comme la Roynne Clemence seconde femme du Roy Loys Hutin: Ianne premiere femme du Roy Philippes de Valois: Ianne seconde femme du Roy Iean: & Ianne femme du Roy Charles le quint. Les autres par les Archeuesques de Sens à Orleans, comme la Roynne Cōstance seconde femme du Roy Loys le ieune: les autres en l'Eglise de Paris, comme la Roynne Alix troiesme femme dudit Roy Loys le ieune: les autres à Sens, comme la Roynne Marguerite femme du Roy saint Loys: les autres en la sainte Chappelle du Palais à Paris, par l'Archeuesque de Reims, comme Marie seconde femme du Roy Philippes tiers, & Ianne seconde femme du Roy Charles le Bel: les autres à saint Denys en France, qui a esté le plus frequent lieu depuis le regne de Charles sixiesme, & y auoit esté couronnée la Roynne Ysabeau, premiere femme du Roy Philippes Auguste, lequel y assista portant couronne. Semblablement le Roy Loys le ieune assista

*Roynes oin-
ctes & cou-
ronnées avec
les Roys
leurs maris.*

*Royz assi-
stans aux
couronnemēs
de leurs fem-
mes.*

*Les Roynes
oinctes au
chef.*

*Offices des
Pairs Cleres
aux Sacres.*

*Office des
Pairs laiz
aux Sacres.*

couronné au couronnement de ladiçte Royné Alix sa troisieme femme, pour hōnorer la solennité. Quād la couronne escheoit aux Roys après qu'ils estoient mariez, ordinairement ils faisoient couronner leurs femmes avec eux: si après leur couronnement ils se marioient, leurs femmes estoient couronnees ailleurs qu'audiçt Reims, & les Roys ne se font en ce castrou-uez au couronnement de leursdictes femmes. Les Roynes sont seulement oinctes au chef, & d'autre Chresme que de la sainte Ampoule, qui n'est employé que pour lesdicts Roys. Au Sacre le Roy est vestu des ornemēs dessusdicts, & accōpagné des Pairs de France, chacun desquels a son office, & estat particulier à ladiçte ceremonie: comme celuy de Reims faiçt la charge accoustumee, qui est d'oindre & consacrer le Roy: l'Euesque de Laon porte l'Ampoule: celuy de Beauuais, le mâteau Royal: celuy de Noyō, la ceinture ou baudrier: & celuy de Chaalōs, l'anneau. Quant aux laiz, le Duc de Bourgongne porte la Couronne du Roy: le Duc de Guyenne la premiere banniere quarree: le Duc de Normandie, la seconde: le Conte de Thoulouze, les esperons: le Conte de Chāpagne la banniere Royale, ou l'estendart de guerre: & le Conte de Flandres, l'espee Royale. Deuāt l'institution des Pairs, les Roys au iour du Sacre estoient accompagnez à l'Eglise, par quelques plus notables Prelats & Princes du Royaume, depuis ayans esté instituez les six Pairs, ils l'accompagnent. Après le Sacre

faiët, les Roys ont acoustumé d'aller à saint Marcoul, là où iadis ils faisoient leur neufuaine, deuant laquelle on pensoit qu'ils ne pouuoient guerir des escrouelles.

Les Roys vont à saint Marcoul.

En ceste ceremonie du Sacre, le Roy est habillé de trois sortes, en Prestre, en Roy, & en Iuge: sa Camisolle qui est de lin, mōstre qu'il est Prestre: son mantel Royal, son sceptre Royal, sa tunique, sa Couronne, & ses autres habits Royaux monstrent qu'il est Roy: & son sceptre de Iustice, denote qu'il est & doit estre Iuge. Prestre, pour l'augmentation, conseruation & defēse de la Religion: Roy, pour sçauoir combattre, commander, garder, & conseruer ses subiets: & Iuge, pour leur faire & administrer Iustice: & l'onctiō qu'il prent, est à l'exemple des anciens Roys du vieil Testament, qui estoient oincts.

Le Roy vestu en Prestre, Roy & Iuge.

Prestre.

Roy.

Iuge.

Les François tiennent pour tout asseuré, que ceste coustume de Sacre vient de Clouis, combié que nous ayons dit au commencement le contraire: mais suyuant la commune opinion, il faut entendre que le dict Clouis au commencement estoit Payen, & voulant espouser sa femme Clotilde, fille de Gondebaut Roy de Bourgongne, elle fit respondre que iamais il ne l'espouserait, s'il ne se faisoit Chrestien. Le desir de la beauté & vertu de ceste ieune princesse, & l'esperance qu'il auoit d'auoir par ce mariage le Royaume de Bourgongne, qui appartenoit à ladicte Clotilde, par la mort de Gondioch son pere, cruellement tué par

D'où vient l'origine du Sacre.

Clouis payé.

Godebaut son frère, firent qu'il promit hardinēt de se faire Chrestien, biē qu'il n'en eust enuie. L'ayāt espousee sur ceste promesse, comme il a esté dit au premier liure de cest œuvre, il ne la voulut tenir, bien qu'elle l'en sollicitast, ains se mocquoit d'elle, luy disant qu'il falloit auoir les Royaumes & les femmes comme on peut, puis les tenir comme on veut. Cependāt elle eut vn fils qu'elle fit baptiser, & peu après il mourut. Clouis en fut fort fasché, & reprochoit à sa femme sa Religion, disant que ses Dieux estoient courrouceez contre elle. Elle eut vn autre fils qu'elle fit pareillemēt baptiser, lequel peu apres son baptisme, fut si extrêmement malade qu'il pensa mourir. Le pere voyant son fils si malade, se courrouça de rechef à Clotilde, luy reprochant son Dieu, mais le fils ne mourut point. Il

Bataille de Clouis cōtre les Allemās.

aduint qu'il commença la guerre aux Allemans, là où s'estāt attaquee la bataille entre luy & eux, la victoire commença d'estre du costé des Allemans, & Clouis s'apperceuant toutes choses baster mal pour luy, & la victoire estre si pres de ses ennemis, & se voyant priué de tout secours humain (comme les hommes ont accoustumé en la deploratiō de leurs affaires d'auoir recours à la diuinité) il recourut au secours de Dieu, & se ressouenant de la promesse faicte à sa femme deuant que de l'espouser, & estant bien edifié des mœurs & de la vie de ceux qui tenoient la Religion Chrestienne, promit à Dieu de se faire Chrestien, moyennant qu'il pleust à sa bonté, luy faire la grace

Vau de Clouis de se faire Chrestien.

de luy donner la victoire sur ses ennemis. Incontinēt qu'il eust faiēt ce vœu, la force reuint à son armee presque vaincuë, & comme si la diuinité celeste eust regardé la Frâce (la fortune de la bataille se changeât) ceux qui auoient fuy, oublians leur trauail, leur sueur, & la douleur de leurs playes, retournerent au combat. Là fut faiēte vne grande boucherie d'Allemands, & leur Roy y fut tué. Clouis après ceste victoire n'auoit autre desir que de s'acquitter de son vœu, & comme il retournoit vers Paris, Clotilde sa femme qui l'attendoit à Reims, vint au deuant de luy, accompagnée de Remy Euesque de Reims homme vieil, plein de deuotion, de saincteté, & d'vne maiesté venerable, & digne d'un Prelat. Il estoit necessaire au Roy Clouis nō encor bien confirmé en la Religion Chrestienne, & qui n'auoit que le zele seulement, qu'un homme grave, sçauant, & de bonne vie fust pres de luy, pour empescher que les heretiques Arrians, qui lors possedoient la plus part des Roys de la Chrestienté, ne le prinsrent par les oreilles, après qu'il se seroit faiēt Chrestien (car les Arrians se disoient Chrestiens) & leur eust esté bien aisé de surprendre & piper Clouis, nouuellement deuenue Chrestien, & non encore bien assuré en sa foy, veu qu'il estoit meilleur guerrier que bien entendu en la sainte Escriture, ou en la difference, ou aux differens des interpretations & sens de l'Escriture sainte. Remy par son eloquence, par la maiesté de sa parole, & de sa contenance, & par son affection en-

*Les Allemands
deffaits.*

*Clouis se
veult faire
Chrestien.*

*Remy Euesque de
Reims.*

*Les Heretiques
Arrians.*

*Trois mille
hommes de
guerre faits
Chrestiens.*

*Clouis reçoit
le baptême.*

*La sainte
Ampoule.*

uers la Religion, se rendit admirable & venerable en l'endroit de Clouis, & par ses belles predications attira trois mille hommes de guerre au Christianisme, & les inuita de se faire Chrestiens. Côme Clouis fust arriué à Reims, Remy accompagné de ses Prestres vint à la porte de l'Eglise receuoir le nouveau Chrestien, lequel vestu de blanc entra dedàs, & vint iusques aux fonds de Baptême, ayant la teste haute, la perruque longue, lauee, parfume, & canelée: dequoy Remy luy faisant vne brefue correction, il se sous-mit à toute l'humilité qu'un simple homme se sçauoit sous-mettre: & se despouillant tout nud, se mit sur le baptistère, pour receuoir le saint lauement de Baptême. Surquoy l'histoire de France dit vn miracle estre aduenue, c'est que côme Clouis estoit sur les fonds, & que l'Euesque attendoit le Prestre qui portoit le saint Chresme du baptistère, pour en oindre lediè Clouis, & qu'à cause de la grande multitude du peuple, le Prestre ne pouuoit passer pour paruenir iusques aux fonds, miraculeusement suruint vn Ange du Ciel, les autres disent vn Colomb blanc, avec vne petite Ampoule pleine d'une sainte eau, & l'offrit à Remy, qui en baptisa le Roy. Et ceste Ampoule estant depuis precieusement gardee, dedans l'Eglise saint Remy de Reims, sert à oindre les Roys à leur Sacre. Toutesfois comme il a esté dit cy dessus, Gregoire de Tours qui estoit enuiron ce temps là, ne parle aucunement de ladiète Ampoule ny de ce miracle, bien qu'il parle as-

le assez d'autres miracles.

Maintenant nous auons à parler des Apannages, qui est vne matiere bien difficile & bien haute, & sur laquelle les opiniōs sont bien diuerſes. Surquoy Clement Vaillant Aduocat en la Cour de Parlement de Paris, homme docte & curieux de l'antiquité de nostre Frâce, a fait vn beau Traitté qu'il m'a communiqué, & permis d'en tirer vne bonne substance, pour monſtrer que le Royaume de France conſiſtant en territoire, & dignité Royale eſtendue en iceluy, a receu partage & diſtribution du tout, ou partie, en façon diuerſe. Car aucuns enfans mâles tant de la premiere, qu'aucuns de la ſeconde race, ont eũ territoire egal, avec pareille dignité, c'eſt à ſçauoir Royale non aſſemblée, ains ſeparee. Et en la premiere race, après la mort de Clouis, chacun enfant fut partagé de Royaume. Lediſt Clouis eut trois fils legitimes, Clotaire, Clodamire, & Childebert: l'aîné, qui fut Childebert, eut Paris, Poiſtou, Touraine, le Maine, & Aquitaine, & ſ'appeloit Roy de Paris: Clodamire eut les pays de Bourgongne, Daulphiné, & Prouence iuſques à la mer, & ſ'appeloit Roy d'Orleans: Clotaire eut Vermōdois, Picardie, Flādes, & Normādie, & mit le ſiege de ſon Royaume à Soiſſons, & à ceſte cauſe il ſ'appeloit Roy de Soiſſons. Clouis auſſi laiſſa vn Baſtard nommé Thierry, qui eut l'Auſtraſie, & les pays de deçà le Rhin iuſques à Reims, & fut appelé Roy de Mets. Childebert, Clodamire, & Thierry moururent

Des Apannages.

En quoy conſiſte le Royaume de France.

Chaque enfant iadis partagé en Royaume. Enfans de Clouis.

Thierry baſtard partagé.

fans hoirs, dont Clotaire leur frere se vit seul Monarque des Royaumes laissez par son pere: & mourant laissa quatre fils, Gontran qui fut Roy de Bourgogne, & d'Orleans: Cherebert qui fut Roy de Paris: Chilperic de Soissons, & puis de Paris après son frere Cherebert: & Sigisbert Roy de Mets. Or Cherebert Roy de Paris mourât sans enfans, Chilperic Roy de Soissons son frere luy succeda, & toute la Monarchie de France luy reuint. Clotaire second du nom, fils de Chilperic & de Fredegunde eut deux fils, Dagobert Roy de France, & Aubert Roy d'Aquitaine. Dagobert laissa deux fils Sigibert fils aîné, qui se cōtenta du Royaume d'Austrasie, & Clouis second du nom, eut la France. Ce Clouis eut trois fils, Clotaire qui fut Roy de France, Childeric Roy d'Austrasie, & puis Roy de France apres Clotaire ses freres, & Thierry qui fut aussi Roy de France apres son frere. Thierry laissa deux fils, Clouis troisieme du nom Roy de France, & Childebert second du nom Roy d'Austrasie, qui après son frere Clouis fut Roy de France. Voila quant à la premiere race, en laquelle on peut veoir les enfans partagés de dignité Royale separee. La seconde race de Pepin ou des Carliens, n'a receu partage & distribution diuerse. Car après la mort de Pepin, Carloman fut Roy de l'Austrasie, & d'une partie des Allemagnes, & mit son siege Royal à Soissons: & Charles depuis surnommé le grand, partagé de Westrie, establit son siege Royal à Noyon. Après la mort de

Diuers passages des enfans de France de la premiere lignee

Lesdicts enfans partagez en Royaumes. Partages de la seconde race.

Loys le Debonnaire, Lothaire eut la dignité Royale confufe dans l'Imperiale, bornée des pays d'Italie iufques au Rhosne, & de la partie des Gaules le long du Rhin, iufques au fleuve de Leſcau. Loys eut la Germanie & la Hongrie, & Charles ſurnommé le Chauue, eut en premier partage la Bourgongne & la Sueue, puis la France. Mais ſur la fin de ladiète ſeconde race, Les partages de ſur la fin de la ſeconde race. Lothaire qui fut fils de Loys d'Outremer, eut ſeul le territoire & dignité Royale, & Charles ſon frere, que nous appellons Roy d'Auſtraſie, eut ladiète Auſtraſie, Lorraine. appelee Lorraine, auparauât cōtrouerſee & debatuë entre les Roys & les Empereurs, & par accord fait entre eux demeuree fief de l'Empire & dōnée audiēt Charles en tiltre de Duché non de Royaume. En la troiſieſme race il a eſté autrement: car l'aiſné ſeul a eu la dignité Royale, les autres enfans tant hommes que femmes, ont eu partage avec dignité inferieure & ſubiecte à la Royale. Car ils ont eu, ou des Duchez & Contez, meſmes depuis Hues Capet iufques au Roy Iean, ils n'ont q̄ des Cōtés, hormis l'vn des fils du Roy Robert, qui eut le Duché de Bourgōgne: & n'ont leſdicts puiſnez la propriété d'aucū territoire, mais ſeulement l'vſage & droict de percevoir & diſpoſer des fruiets, profits, & reuenus de certaines regions d'ice-luy, chargees d'hommage, foy & ſerment lige treſſainct & inuiolable. Les parts diſtribuees ſous telles charges aux puiſnez, ont eſté appelees depuis Philip-pes Auguſte, Apannages ou Panages, dictions Grec- Le premier ſi's de Frâce qui fut par-tagé ſans Royaume. Partages de la troiſieſme race, en laquelle l'aiſné a ſeul eſté Roy, les puiſ-nez Ducs ou Comtes. Les puiſne-z n'ont que le vſufruit de leurs terres. Apannages, & leur cy-mologie.

*Apannages
en Grece.*

ques, composees d'Apan ou Pan qui signifie Tout, & Agion qui signifie Sainct. Car les François retournans de la Grece d'auec Baudouin Conte de Flandres conquisteur de l'Empire de Constantinople, ayans veu le Duché d'Athenes & la principauté d'Achaie, bailés par Baudouin à Godeffroy Gêtilhôme de Troye Champenoise, estre appelés Apánage, ou Panage, accommoderent la donation des terres de deça à la signification qu'ils voyoient en ceste façon bailler les

*Lespartages
des enfans
de France
nommez A-
pannages.*

terres de delà. Et combien que ces mots soyent significatifs de tous droits baillez sous ceste forme, si est ce que l'usage maistre des dictions, les a par excellence accommodé, pour signifier ce droit donné aux enfans de Frâce. Ceste façon dernière de partager & distribuer aux enfans les parts des immeubles des Roys peres, ores que pour le regard del'un elle ait esté constante & immuable, pource que l'un a esté seul Roy & seul Seigneur territoire, toutesfois pour le re-

*Apannages
donnez aux
femelles en
propre.*

gard des autres, elle a esté diuerse & variable: car de ce droit non seulement les fils, mais aussi les filles pourueuës, ont iceluy transmis à leurs heritiers masles & femelles, & masles à cause d'elles. Mahaut femme d'Orthelin Conte de Bourgongne, fille de Robert Conte d'Arthois fils unique & heretier du premier Robert Conte d'Arthois, qui estoit frere du Roy saint Loys, fut apres la mort de son pere, preferee à Robert d'Arthois son nepueu, fils de Philippes d'Arthois frere de ladicte Mahaut, lequel Robert se reuolta contre le

*Mahaut
succede au
Conté d'Ar-
thois deuant
son nepueu
Robert.*

*Robert de
Arthois cõ-
tre le Roy.*

Roy Philippes de Valois soy Roy, Seigneur, & beau-frere, & se retira en Angleterre. Edward Roy d'Angleterre succeda à Ysabel de France, fille de Philippes le Bel, au Conté de Ponthieu, & d'iceluy fit hommage à Philippes de Valois. Le Roy Iean se dit auoir succédé au Duché de Bourgogne baillé à Robert fils du Roy Robert, par la mort de Philippes dernier de ceste race, non à cause de la Couronne, mais par proximité de lignage, par sa mere Ianne tante dudiect Philippes. Au cōtraire autres terres dōnees aux masles, n'ont esté trāsmissibles aux femelles, & estās dōnees aux filles, elles sont personelles. Car iāçoit que le Duché de Bourgogne, eust esté baillé par le Roy Iean à Philippes le Hardy son fils, ou par Charles le quint, pour luy & ses hoirs, toutesfois les masles y estans seulement compris, après la mort de Charles dernier Duc de Bourgogne, Loys vnziesme succeda au Duché, par le droict de reuersion des Apannages, duquel nous parlerons cy après. Madame Marguerite de France, fille du Roy François le Grand, à present Duchesse de Berry, a eu sous ceste Loy, le Duché de Berry, & la Seigneurie de Romorātin à nul de ses enfans, transmissibles. Voyla ce que iay apprins dudiect Clement Vaillant.

Et pour reuenir aux anciens Apannages des Roymes, sur ce qu'ils partissoient par egales portions, sans qu'il y eust droict d'aisnesse, chacū (cōme il a esté dit) tenoit sa part à tiltre de Royaume, & les Bastards aduouēz heritoient avec les legitimes. Les Chroniques

Le Conté de Ponthieu dōné à vne fille.

La succeſſiō du Duché de Bourgogne.

La Bourgogne retourne à la France par droit de reuerſiō.

Les bastards aduouēz heritoient.

les appellent Roys de Paris, de Soissons, d'Orleans, & de Mets, par vne façon ancienne de parler qu'on intituloit les Princes, du nom de la ville capitale de leur Estat: chacun desdicts Roys se nommoit Roy de France, & pour sa designation on adioustoit tenât sa principale Cour à Paris, ou autre ville capitale de son partage & obeissance, ce qui les a faicts escrire Roys de Paris, d'Orleans, de Soissons, & de Mets.

Roys de Paris, Orleans, Soissons & Metz.

Exemples des bastards succedans.

Nous auons dict que les Bastards succedoient, cōme il sera monstré par les exemples suiuians. Thierry Bastard de Clouis, eut pour son partage le Royaume d'Austrasie: Sigibert Bastard du Roy Dagobert premier, partagea avec Clouis second son frere legitime, & fut Roy de la France Orientale: Loys & Carloman Bastards du Roy Loys le Begue, furent couronnez Roys plustost que le Roy Charles le Simple leur frere legitime. La troisieme lignee a du tout reiecté les Bastards, non seulement de la couronne, mais aussi de l'adueu & surnom de France: ce qui neantmoins est permis aux Bastardes des Roys, lesquelles ont esté aduouees, nourries, receues, & nommees du nom de France, ou du nom de quelque principauté de la couronne, les autres aduouees seulement par escrit. Le Roy Charles septiesme aduoua sa fille Bastarde Marie, luy fit porter le surnom de Valois, & la maria à Oliuier de Coitiui, Seigneur de Tailbourg fils de Pregent de Coitiui Admiral de France. Il eut vne autre Bastarde nommee Marguerite de

Bastards des aduouez.

Bastardes aduouees.

Bastardes nommees de Valois ou de France.

Bastardes du Roy Charles 7.

Valois, qui fut mariee au Seigneur de Belleuille en Xaintonge, & vne autre encore nommee Charlotte, à laquelle il fit porter le surnom de France, qu'il maria à Loys de Breze grand Seneschal de Normadie. Loys vnziesme eut vne Bastarde nommee Ianne de Frâce, qui fut mariee à Iean Bastard de Bourbon, Conte de Roussillon & Admiral de France: & le Roy Henry deuxiesme a laissé vne fille naturelle qui s'est longuement nommee & signee Diane Bastarde de France, mais depuis quelques iours elle a esté legitimee, & est mariee à François Duc de Mommorancy.

Mais d'autant que nous n'auons pas encores parlé des partages des enfans de la troisieme race, il en faut parler, puis que nous auôs deduit ceux de la premiere & de la seconde, qui furent partagez par Royumes, iusques à Charles fils de Loys d'Outremer, & frere de Lothaire, & oncle paternel de Loys cinquiesme, car il fut (comme il a esté dit) partagé de la Lorraine en tiltre de Duché.

Pour venir donc ausdicts partages de ladicte troisieme race, Robert Roy de France fils de Hues Capet, eut deux fils, Henry Roy de France, & Robert Duc de Bourgongne. Loys sixiesme surnommé le Gros, eut Loys septiesme Roy de France, & Robert Conte de Dreux & du Perche. Philippes Auguste eut Loys huietieme, & Philippes Côte de Clermont en Beauuoisis, qui espousa la Contesse de Boulogne. Loys huietieme dict de Montpensier pere de sainct Loys,

*Les partages
des enfans
de la troisieme
race.*

*Partages en
Duchez &
Contez.*

*Partages
des enfans
de France.*

eut lediēt sainct Loys Roy de France, Robert Conte d'Arthois, Alphonse Conte de Poictiers, & Charles Conte d'Anjou, qui depuis fut Roy de Sicile. Sainct Loys eut Philippes troisieme du nom Roy de Frâce, Robert Conte de Clermont en Beauuoisis, duquel est descenduë la maison de Bourbon, Pierre Conte d'Alançon, Iean Conte de Neuers, & Jaques Conte de Charolois. Philippes fils de sainct Loys, eut Philippes le Bel Roy de France, Loys Conte d'Evreux, & Charles Conte de Valois & d'Alançon, pere du Roy Philippes de Valois, & de Charles Conte d'Alançon, duquel descendit la mailon d'Alançon. Philippes de Valois eut Iean Roy de Frâce, & Philippes Duc d'Orleans, qui mourut sans enfans. Iean Roy de Frâce eut Charles le quint dit le sage Roy de France, Loys qui fut Conte puis le premier Duc d'Anjou, Iean Duc de Berry, & Philippes premierement Côte de Touraine, puis Duc de Bourgongne, duquel descendit la maison de Bourgogne, qui faillit en Charles dernier Duc. Charles le quint eut Charles sixiesme Roy de France, & Loys Duc d'Orleans, Conte d'Angoulesme & de Valois, duquel sont descendues les maisons d'Orleans & d'Angoulesme, qui ont produit les Roys Loys douzieme & François premier, qui furent Roys de France l'un après l'autre. Charles septiesme eut le Roy Loys vnzieme, & Charles premieremēt Duc de Normandie, puis Duc de Berry, en après Duc de Guyéne qui mourut sans hoirs: & le Roy François premier
ayant

*Divers exē-
ples des par-
tages.*

*Genealogie
des Roys
Loys 12. &
François 1.*

ayant trois fils, donna au second qui estoit Henry le Duché d'Orleans, & au tiers nommé Charles, le Duché d'Angommois: & depuis venant ledict Henry à estre Dauphin, ledict Charles fut Duc d'Orleans & mourut sans hoirs.

Or pour donner vn reglement aux Apannages, fut donné arrest au Conseil du Roy Philippes tiers, pour le Conté de Poiçtou & terres d'Auuergne, contre Charles premier Roy de Sicile, frere du Roy saint Loys, par lequel il fut dit, q̃ les puisnez ne pourroient quereller, ou demāder certaine legitime part ou cote leur estre deuë en la succession du Roy leur pere, mais seulement prouisiō pour leur viure & entretien à la volonté & arbitrage dudit Roy pere, ou du Roy frere, sans que lesdicts puisnez se puissent plaindre d'auoir esté mal partagez, & au contraire s'il y a de l'excès, le successeur Roy le peut retrancher. Et ledict Roy Philippes Auguste, donnant à son frere Philippes, le Conté de Clermont en Beauuoisis, ordōna que ledict Apannage retourneroit à la couronne en défaut d'hoirs males des Apēnez, pour oster tout doute, & à fin que le Domaine de la couronne qui est inalienable, ne fust la successiō d'vne fille, aliené & trāsporté en maison estrange. Le Roy saint Loys donnant à Alphons son frere, le Conté de Poiçtou, & à Charles son autre frere, le Conté d'Anjou, dōna iceux Contés avec ceste mesme clause & condition, qui depuis a esté appelee Loy de reuerfion des Apannages.

*Reglement
sur les Apan-
nages.*

*Rigoureux
reglemēt cō-
tre les puis-
nez.*

*Cōsideratiō
sur les Apan-
nages.*

*Loy de re-
uerfion des
Apannages.*

Autre etymologie de Apannage. pource ladicte prouision n'a esté appelee partage (comme il a esté dit cy dessus) qui signifie propriété, ains a esté nommée Apánage: & à ceste occasion quelques vns ont voulu dire que ledict mot d'Apannage, venoit d'un mot Grec Panegos, qui signifie substatation ou prouision, ou du mot Latin *Panis*, qui signifie Pain, & qui est le mot general pour le viure & entretenir de la personne. Mais il faut croire que ce mot d'Apánage vint de l'etymologie que nous luy auons donnée au commencement de cest article.

Cōditio des Apannages. Au commencement les Apannages estoient donnez aux fils de France, & à leurs hoirs. Ce mot d'Hoirs estant general pour les masles & pour les femelles, a engendré plusieurs procez & querelles: car les femelles ont voulu dire, qu'elles estoient comprises sous ce mot, mais il estoit entendu seulement des masles.

Querelles sur le mot d'hoirs. Ce qui fut cause qu'aucuns de nos anciens Roys, donnerent les Apannages avec expresse clause, qu'en default de masles, ils retourneroient à la Couronne. Philippes le Bel voyant ce doute, donnant à son fils Philippes le Long, qui fut depuis Roy de France, le Conté de Poiçtou pour Apánage, avec d'autres terres, ordonna par clause expresse, qu'en default des masles, elles retourneroient à la Couronne, à la charge que le Roy qui lors regneroit, seroit tenu de marier les filles. Neantmoins Ianne de France, fille aînée dudit Roy Philippes le Long, & mariee à Eudes Duc de Bourgogne, querella ledict Conté de Poiçtou contre le

clause expresse de reuersion d'Apannage.

Roy Charles le Bel son oncle, & le perdit. Philippes le Bel donnant audiect Charles le Bel son fils, son Apannage, mit simple retour en defaut des hoirs. Et toutes fois Blanche sa fille Duchesse d'Orleans n'y pretendit rien. Les Duchez de Berry & d'Auvergne, estans donnez en Apannage à Iean troisieme fils du Roy Iean, il fut seulement dit qu'ils retourneroient à la Couronne en defaut d'hoirs: & toutesfois quād il maria sa fille vnique à Iean Duc de Bourbon, il confessa lediēt Duché de Berry cōme Apannage de France, ne pouuoir venir à sadiēte fille, & supplia seulemēt le Roy Charles sixiesme son nepueu lors regnāt, de permettre que les masles descendans du mariage de sadiēte fille, heritassent au Duché d'Auvergne. Ce qui fut faiēt à l'aduantage de la Couronne, pource que le Duché de Bourbonnois qui n'estoit Apannage, en print la nature. Toutesfois on auoit veu auparauant que les Contez d'Anjou & du Maine, ayans esté donnez en Apannage, au premier Charles Roy de Sicile, frere du Roy saint Loys, furent puis après donnez en mariage à Marguerité de Sicile, fille du second Charles, qui auoit huit fils, moyennant que Charles Conte de Valois qui l'espousa, quittast son droict des Royaumes d'Aragon & de Valēce. Loys douzieme reuoka le Traitē faiēt par le Roy Charles sixiesme, par lequel lediēt Duché de Bourbonnois estoit venu Apannage, & voulut lediēt Roy Loys que Susanne de Bourbon, fille de Pierre Duc de Bourbon & d'Anne de France,

Le Conté de Poictou que rellé entre l'oncle & la niepce.

Le Duché de Bourbonnois est nature de Apannage.

Renouation de l'Apanage du Duché de Bourbonnois.

ſœur du Roy Charles huitième, ſuccedaſt audiēt Duché, & pareillement toutes les filles dudiēt Duc, nonobſtant l'oppoſition de Charles de Bourbō, Duc de Montpenſier.

*Moderation
ſur la loy
des Apan-
nages.*

Ladiēte Loy n'exclut les femmes que du tiltre d'hoirie, és ſucceſſions des Apannages, & ne les rend incapables par autre tiltre, de terre donnee en Apannage par le vouloir des Roys. Philippes fils puifné du Roy Philippes de Valois, eut le Duché d'Orleans & autres terres, & pource qu'il eut Apannage

*Retranche-
ment d'A-
pannage.*

exceſſif, le Roy Charles le quint ſon nepueu, le fit adjourner pour le retrancher, mais pource que lediēt Philippes eſtoit ia vieil, & n'auoit nuls enfans, ils ſ'apointerent que le Duché d'Orleans & autres terres demoureroient aux maſles, mais les autres pourroiet venir aux femmes. S'il euſt laiſſé des filles, le Roy ſucceſſeur euſt peu debattre ceſt appoinctement, en ce qu'il rompoit la nature des Apannages. Depuis pour

*Expreſſiō de
deffault de
hoirs maſles*

oſter toutes controuerſes en tous Apannages, a eſté exprimé ce mot de defaut d'hoirs maſles, deſcendans de loyal mariage. Les trois Eſtats tenus à Tours au

*Requiſition
des 3. Eſtats*

temps de Loys vnziefme, trouuans raifonnable l'offre dudiēt Roy à Charles ſon frere, de douze mille li-

*Partage dō-
né au frere
du Roy
Loys II.*

ures de rente en tiltre de Duché, ſuiuant l'ordonnance du Roy Charles le quint, en Octobre 1373, & de quarante huit mille liures de rente de penſion annuelle, requirent que cela ne fuſt tiré à conſequence pour les autres puisnez de la maiſon de France. Tou-

tesfois pource que depuis la Courōne a esté accreüe de plusieurs grandes Seigneuries, lors tenuës par autres Seigneurs, il a esté raisonnable d'augmenter lesdicts Apannages, comme il faut que toutes choses se passent selon le temps, & les familles & grandeurs des Estats & des hommes: car ce qu'est bon en vn temps, ne doit estre obserué en l'autre.

Voicy vne autre chose. La Couronne de Frâce vint aux Roys Philippes de Valois & Loys douzième par ligne collaterale: ledict de Valois auoit vn frere qui estoit le Conte d'Alañon, qui mourut à la iournee de Cressly, & Loys douzième auoit le Conte d'Angoulesme, Charles, pere du grand Roy François, lequel Charles estoit puisné de sa branche. On fut en doute, à sçauoir si les terres de l'Apannage tenues par lesdicts Roys, auant que la Courōne leur escheust, retourneroient à icelle, ou escherroient à leurs puisnez, avec le chef & pleines armes desdictes branches, attendu que le retour des Apannages n'estoit qu'en défaut des maistres qui duroient. Mais il fut obserué la reunion desdictes terres à la Couronne, pource que par l'adoption d'icelles, lesdicts Roys ne les auoient perdues, & estoient entrees en elle, & reiointes au lieu dont elles estoient parties.

Les fils aînez des Roys, ont eu de tout tēps grands Officiers, comme Grand Maistre, Grand Aumosnier, & autres: & se trouue que Loys vnzième estât Dauphin, auoit en sa Chancellerie, vn Audiencier, & Tre-

*Apannages
augmentez.*

*Questiō sur
les Apanna-
ges.*

*Les fils des
Roys ont
grands offi-
ciers.*

*Priuegés
des enfans
de France.*

forier de ses Chartres. Les puisnez de France, ont eu en leurs Apannages, prerogatiues de ressort par grâds iours, & Elchiquier, ou Chambre des Comptes, comme les Pairs de Frâce laiz, par concessions qui ne leur sont refusees. Aussi lesdicts Apannages sont ordinairement erigez en Pairrie, vray est que les droicts Royaux qui sont adherans à la Courône, inseparables d'icelle, sont reservez. Les seuls puisnez ont priuilege que les causes de leur Apannage, ores qu'ils ne fussent erigez en Pairrie, sont traittes au Parlement de Paris seul, qui aussi congnoist de la propriété du Domaine du Roy, non les autres Parlemens. Aussi les Officiers

*Autre priuilege des
puisnez.*

*Priueleges
des officiers
des enfans
de France.*

des puisnez de France, & des filles, couchez & employez sur leurs Estats, ont presque mesmes priuileges que ceux des Roys.

Des regêces.

*Cause des
regences.*

Il est maintenant bien necessaire de parler des Regences. Quâd les Roys ont esté mineurs d'ans, ou absens, ou indisposez de leurs personnes, ou de leurs sens, ils ont donné, ou les Estats, ont donné pour eux à ce Royaume des Regens, personages illustres, ou des Regentes. Durant la minorité du Roy Clotaire second du nom, Gontran Roy de Bourgongne son oncle, fut Regent au Royaume, & Tuteur du petit Roy, & substitua en son lieu, Landry de la Tour. La Royne Brunehaut ayeulle des Roys Theodebert & Thierry mineurs, fut Regente au Royaume, & leur Tutrice. Charles le Simple estant en bas aage, Eudes fut Regent au Royaume, ayant par ceste autorité

*Exêples des
Regences.*

donne à sa posterité, vne eschelle pour monter au trosne Royal. Baudouin de Lisle Conte de Flandres fut Regent en France durant le bas aage de Philippes premier. Et quand le Roy Loys le ieune partit pour aller faire son voyage d'outremer, il laissa durant son absence, Regent en France, Suger Abbé de saint Denys: & durant la minorité du Roy Philippes Auguste, la Royne Alix sa mere, & Guillaume Archeuesque de Reims, Cardinal & Legat du Pape, oncle maternel dudit Roy, furent ses Tuteurs & Regens au Royaume. La Royne Blanche mere du Roy saint Loys, fut *Blanche mere du Roy saint Loys.* deux fois Regente: la premiere par ordonnance du Roy son mary en la minorité de son fils, & la secôde, lors qu'il fit le voyage d'outremer, pendant lequel elle deceda. Et ledict saint Loys faisant le second voyage en la terre sainte, laissa en France pour Regens, Matthieu Abbé de saint Denys, & Simon de Clermont, Seigneur de Neesle: & au cas qu'ils mourussent, leur sublticua Philippes esleu Euesque d'Evreux, & Iean Conte de Poiçtou. Le Roy Philippes troisieme ordonna pour Tuteur de ses enfans, & Regēt au Royaume, Pierre Conte d'Alançō son frere, iusques à ce que l'aîné de ses enfans eust quatorze ans: & au cas que ledict Conte mourust, il luy substitua Iean Conte de Blois. Cest enfant fut depuis Roy, nommé Philippes le Bel, lequel routesfois estoit maieur lors que son pere mourut. Ledit Philippes laissa Tutrice de ses enfans & Regente en France, Ianne Royne de Nauarre

*Substitution
des Regens.*

Autres Regences.

L'ordonnance de la majorité des Roys à l'age de quatorze ans.

sa femme, tant qu'elle demeureroit en viduité, & luy substitua Charles Conte de Valois son frere. Mais ces Regences n'eurent lieu, à cause que ladicte Royne mourut auant le Roy son mary, & que Philippes le Bel mourant, laissa ses enfans maieurs. Loys Hutin fils dudiect Philippes mourant, laissa Clemence sa femme grosse d'un fils nommé Iean, qui mourut huiet iours après: dont attendant son part, Philippes frere dudiect Loys (qui depuis fut Roy & appelé Philippes le Lōg) fut déclaré Regent par les Estats. Pareillement quand le Roy Charles le Bel deceda, laissant Ianne sa femme grosse, Philippes Conte de Valois depuis Roy, fut esleu Regent, nonobstant la brigue & opposition du Roy d'Angleterre. Philippes de Valois voulant aller en Asie, fit Regēt son fils Iean, aagé de quatorze ans. Le Roy Charles le quint estant Daulphin, & Duc de Normandie, durant la prison du Roy Iean son pere, se fit Regent du Royaume, puis fut approuué pour tel par les Estats. Estant deuenu Roy, il fit Ianne de Bourbon sa femme, Tutrice principale, gouuernante & garde des personnes de leurs enfans, Charles & Loys, & du Royaume, avec les Ducs d'Anjou & de Bourgōgne ses freres, & le Duc de Bourbon son beau frere. Mais mourant ladicte Royne deuāt le Roy son mary, ceste institution ne sortit effect. Peu auparauāt lediect Roy auoit faict l'ordonnance de la maiorité des Roys de France, entrez au quatorziesme an, laquelle fut approuuee & publice en Parlement, seant lediect

ledict Roy & tenant son liët de Iustice. Charles le quint mourant, & laissant son fils Charles sixiesme, à l'vniesme an de son aage, ordonna Regent au Royaume, Loys Duc d'Anjou son frere, iusques à ce que sondict fils eust attaint l'aage de quatorze ans: lequel estant deuenu maieur, confirma l'ordonnance faicte par son pere, sur la maiorité des Roys, puis ordonna la Roynne Ysabeau de Bauiere sa femme, principale Tutrice & gouuernante de leurs enfans, & luy substitua les Ducs de Berry & de Bourgogne ses oncles paternels. Quelque temps deuant mourir, il fit vne ordonnance, par laquelle il voulut que dorefnauant il n'y eust aucune Regence en France, durant la minorité des Roys, mais qu'en quelque aage que la Couronne leur escheust, ils fussent sacrez & couronnez Roys, & le Royaume gouuerné en leur nom par le Conseil des Roynes, & par les prochains Princes du sang Royal, & par le Conestable & le Chancelier. Il fit sur la fin de ses iours, Charles son fils Daulphin, son Lieutenant general par tout son Royaume, reuoquant toutes autres prouisions des Lieutenances. Et s'estans les Anglois emparez de la ville de Paris, ledict Daulphin se porta Regēt de son autorité, comme le plus prochain heritier, & garda la Regence tant que sondict pere vesquit, nonobstant que Henry cinquiesme Roy d'Angleterre, se fust faict declarer Regent & heritier presomptif de la Couronne, & qu'il eust faict exhereder d'icelle, le Daulphin Charles, qui fut depuis

*Confirmatio
nō de ladi-
te ordōnan-
ce.*

*Abolitiō des
Regences.*

*Ordōnance
sur l'aage
& gouuer-
nement des
Roys & du
Royaume.*

*Le Daul-
phin se fait
Regēt de sō
authorité.*

le Roy Charles septiesme . Le Roy François premier en deux voyages qu'il fit en Italie, laissa Loyle de Sa-
uoye sa mere, Regente en France: & la derniere Regē-
ce qui a esté en France, a esté celle que le Roy Henry
second, à son voyage d'Allemagne, donna à la Royné
Catherine sa femme, à laquelle depuis en la minorité
du Roy Charles neufiesme à present regnāt, au com-
mencement de son regne, les Estats generaux d'Or-
leans, puis les Princes du sang donnerent aussi la Re-
gence de ce Royaume.

*Lettres ex-
pediees au
nom des
Regens.*

Anciennement toutes lettres, tant de Iustice que
de grace, durant les Regences, estoient expediees au
au nom des Regens ou Regētes, comme il appert par
les registres du Parlement de Paris, lors que Char-
les cinquiesme estant Daulphin, & Loys Duc d'An-
jou son frere, & Charles septiesme estant Daulphin,
estoient Regens. Et estoient lesdictes lettres scelees
des seals des Regens ou Regentes, non du Roy, sca-
uoir est, si c'estoient Princes ou Princesses, qui eus-
sent la Regence, de leurs seals: & si c'estoient Prelats
ou Gētilshommes qui eussent la Regēce, y auoit seel
special de ladicte Regence, ordonné par les Estats. Et
bien que les femmes soient excluses de la successiō du
Royaume, si est ce que souuent elles ont esté appe-
lees au gouuernement souuerain d'iceluy, & ont esté
instituees Regentes, comme on voit en l'exemple de
Fredegunde, de Brunchaut, de Blanche de Castille
mere du Roy saint Loys, d'Anne de France, fille de

*Femmes in-
stituees Re-
gentes.*

Loys vnziesme & sœur de Charles huitiesme, & Loys de Sauoye mere du grand Roy François, & de Catherine Roïne mere du Roy à present regnant. L'autorité des Regés a esté grâde en France, & quelque fois odieuse, mesmement la Regéce de Loys Duc d'Anjou frere du Roy Charles le quint, & Regent au Royaume, durant la minorité du Roy Charles sixiesme. Ce qui aduint par ses mauuais deportemés, & par la desbordee ambiciō qu'il auoit d'estre nommé Roy de Sicile, à l'appetit de laquelle il laissa à l'abandon l'Estat des affaires de la France. Je croy que dorenauant on ne verra plus de Regés pour euitier les dissensions, diuisions, & autres dangereux accidens que ces tiltres ont apporté en ce Royaume : & laissans là les Regens, comme ils ont esté delaissez des Frâçois, nous viendrons à parler des Pairs de France.

*L'autorité
des Regens
odieuse.*

L'vne des plus difficiles matieres des affaires de France, est celle des Pairs : car les opinions sur icelle sont si diuerses, qu'on ny peut asseoir aucun asseuré fondement. Mais qui voudra bien congnoistre la cause de l'institution d'iceux, doit premierement entendre que les fiefs estans deuenus hereditaires, & patrimoniaux suiuant l'vsage escrit des fiefs des Lombards, en chacun fief dominant, fut estably nombre certain de vassaux, appelez Pairs ou Frâcs hommes de fief, ou de Cour, chargez de tenir aux iours, la Cour du Seigneur avec luy, iuger des causes feodales, & autres qui en dependent, estre presens aux nouuelles inuestitures, &

*Des Pairs
de France.*

*Cause de
leur institu-
tion.*

*Pairs ou
francs hom-
mes de fief.*

pour raison de ce, auoient grâde prerogatiue & noblesse. Lesdicts vassaux iugeans furent appelez Pairs, pour ce qu'ils auoient pareille iurisdiction, autorité, preeminence, priuilege & charge, l'un comme l'autre, & est ceste forme de iuger les causes feodales pour les Pairs du fief, tres-ancienne en France. De là est venue l'opinion de nos douze Pairs de France, ausquels l'antiquité, ou plustost la menfongere opinion du peuple, a attribué vne semblable autorité pres la Couronne, & les Roys, que ces Pairs auoient pres leurs Seigneurs. Car nos Pairs de France assistent en ceste mesme qualité aux Sacres & couronnemens des Roys, & sont Conseillers en la Cour de Parlement à Paris, qui pour ce est appelee la Cour des Pairs, en laquelle avec leur aduis toutes les causes du Domaine de la Couronne sont traittees, & pareillement celles qui en dependent, & qui concernent les Pairries.

*Opinion sur
les douze
Pairs de
France.*

*Qualitez
des Pairs de
France.*

*Le Parlemēt
de Paris, La
Cour des
Pairs.*

*Doute sur
le temps de
l'institution
des Pairs.*

*Ducs &
Comtes sont
offices.*

Or le doute est grand, à sçauoir en quel temps commencerent ces Pairs, & en quel temps la Iustice souveraine des Roys commença à les auoir auprez d'eux, pour iuger lesdictes causes de fief. La fabuleuse antiquité attribue l'institution desdicts douze Pairs à Charles Magne, ou Charles le Grand, comme on le voudra appeler. Ce qui ne peut estre, car lors les fiefs n'estoient encores hereditaires & patrimoniaux (comme il sera dit en l'article des fiefs) aux Ducs ny aux Comtes qui estoient offices (comme pareillement il sera monstrel) joint que les histoires de son temps qui sont

en bon nombre, n'en font aucune mention, lesquelles n'eussent voulu à mon aduis, taire vne si notable constitution, si elle eust esté par luy faicte. D'auantage quand Charles Magne eust eu, ou créé ces douze Pairs, ce n'eussent esté les six Ducs & les six Contes, que nous nômons douze Pairs anciens, pource qu'ils ont esté depuis creéz en dignité Ducale & Contale, & ne me sçauroit on faire croire qu'ils ayent esté creéz Pairs deuant qu'estre Ducs & Contes. Mais ceux qui attribuent ceste belle institution à Charles Magne, le font pour l'autoriser d'auantage du nom de ce grâd Roy, disans qu'aprez qu'il eut vaincu les Saxons, & voulant aller en Espagne contre les Sarraïns, il fit la-
*Opinion fa-
buleuse de
la creation
des Pairs.*
 diète cōpagnie des douze Pairs, six Laiz & six Clercs, qu'il composa des douze plus grâds personnages de son Royaume, qu'il appela Pairs de France, ausquels il donna vn grand rang & autorité pres de luy. Les
*Les Pairs
clercs.*
 six Clercs sont l'Archeuesque & Duc de Reims, les Euesques & Ducs de Langres, & de Laon, & les Euesques & Contes de Beauuais, de Noyon, & de Chaa-
*Les Pairs
Laiz.*
 lons sur Marne en Champagne. Les six Laiz sont les Ducs de Bourgongne, de Normandie, & de Guyenne, & les Contes de Thoulouse, de Champagne, & de Flandres. Mais d'autant que comme nous auons autres fois dit, Estienne Pasquier Aduocat en la Cour de Parlement de Paris, au secōd liure des Recherches de la France, a bien disputé ceste opinion, & par bons argumens môstré l'erreur de l'antiquité, nous suiurōs

en cela les mesmes mots en plusieurs choses de cest article, & dirons que ceux qui ont esté de cest aduis, ne digererent iamais quel estoit l'Estat des affaires de

*Facon de
gouverne-
ment de Char-
les Magne.*

la France sous Charles Magne. Car il est certain qu'il gouvernoit les pays de l'autorité de luy seul, non de la necessité des Ducs, Contes & Euesques, & qu'il n'eust voulu auoir pour Pairs, ou semblables à soy, ceux qui totalement dependoient de son autorité & puissance. D'auantage ceux qui font vn Duc de Guyenne, & vn Conte de Thoulouse, Pairs de France,

*L'Estat de
la Guyenne
de iadis.*

separez, se trompent: car lors la Guyenne estoit separee & couppee en pieces, l'vne partie entre les mains de Hunauld ou Huraut, l'autre de Loup, & l'autre de Gaifre ennemis capitaux de Charles Magne, & la ville de Thoulouse estoit lors dedans le pays de Guyenne subiecte aux Seigneurs d'icelle, n'ayant ny Conte ny Seigneur, sinon des iuges & administrateurs de Iustice. Lors aussi on ne parloit point de Normandie, car

*La Normā-
die appelee
Neustrie.*

elle s'appelloit Neustrie, & estoit occupee par les Pyrates Danois & Normans peuples Septentrionaux, qui depuis sous Charles le Simple, de leur nom la nō-

Bourgogne.

merent Normandie. La Bourgogne aussi estoit possedee par Roys, & nommee Royaume. La Flandres

Flandres.

n'estoit ny Conté ny Seigneurie, ains estant à demy inhabitee & deserte, estoit gouuernee seulement par vn simple grand forestier: & le premier qui en fut

*Premier Cō-
te de Flan-
dres.*

Côte, fut Baudouin, grand forestier d'icelle, lors qu'il espousa Iudith, fille du Chauue, qui en faueur de ce

mariage erigea la Flandres en Conté, & en fit lediēt Baudouin premier Conte. Outre ce ayant Charles Magne cōquis l'Aquitaine sur Loup & sur Hunauld, ou Huraut, il la donna en partage à Loys le Debonnaire son fils en tiltre de Royaume, & depuis lediēt Debonnaire, donna à Pepin son fils, le Royaume d'Aquitaine, puis estant mort Pepin, elle fut donnée à Charles le Chauue son dernier fils. Par ainsi ce sont des comptes de dire que Charles Magne institua ces Pairs, & ne se trouue és anciennes hilstoires aucune mention des Pairs, & quand elles parlent des Parlemens tenus par lediēt Roy, elles ne mettent point en compte les Pairs de France. Voila quant aux Laiz ce que dit Pasquier, & quant aux Clercs nous trouuons que Floard Chanoine de Reims, a laissé escrit que Raoul Roy de France & de Bourgongne, & Hebert Conte de Vermadois, eurent vn grand differend pour le Conté de Laon, que lediēt Conte Hebert demandoit pour son fils Eudes audiēt Roy, lequel neantmoins le dōna à Roger fils du Conte Roger. De quoy lediēt Hebert fut fort offencé cōtre lediēt Roy Raoul. Lediēt Floard dit aussi que le Roy Loys d'Outremer, enuiron l'an 937, donna à Artholes, Archeuesque de Reims, & à ladiēte Eglise, le Conté de Reims, & le droit de forger monnoye, & n'est au Sacre du Roy Philippes premier, l'Archeuesché de Reims appelee que Conté, mais quelque temps après elle fut erigee en Pairrie & Duché. Regnât le Roy Robert l'an 1015,

*L'Aquitaine
donnee en
partages.*

*Charles
Magne ne
fit les Pairs.*

*Le Conté de
Laon.*

*Le Conté de
Reims.*

*Reims eri-
gee en Du-
ché & Pair-
rie.*

*Le Conté de
Beauuais.*

*Le Conté de
Langres.*

*Les Eue-
schez des
Pairs erigez
en Duchez
ou Contez.*

*Les Pairs se
trouuent
aux Sacres.*

Eudes Conte de Champagne, donna à son frere Roger Euesque de Beauuais, & à ladiète Eglise, le Conté de Beauuais. La ville de Noyon estoit Conté, appartenant à vn Conte, duquel le Roy Robert aima la fille. Hues troisieme Duc de Bourgongne, auoit eu par échange le Conté de Langres, de Guy de Saux, & le donna à son oncle maternel, Gauthier Euesque de ladiète ville, & à l'Eglise d'icelle, & ledièt Euesque acheta de Henry Conte de Bar, le droit qu'il y pretenoit. Par ce que dessus appert que ny Guyène, ny Bourgogne, ny Normandie n'estoient Duchez, ny Thoulouse, Flandres, & Champagne Contez, ny les Euesques de Beauuais, de Noyon, & de Chaalons Contes, ny ceux de Reims, de Laon, & de Langres Ducs, lesquels furent erigez Contes & Ducs, quand ils furent erigez Pairs, & la petite estendue de leurs Duchez & Contez, monstre que lesdictes dignitez leur furent donnees pour honorer leurs Pairries. On voit au Sacre du Roy Philippes premier faict à Reims, que l'Euesque de Beauuais, ny le Duc de Normandie, ny les Contes de Champagne & de Thoulouse, & les autres qui y furent, ne tindrent rangs de Pairs, ains ne firent office que de Prelats & Barons. Depuis estans erigez lesdicts Pairs, ils ont deu se trouuer ausdicts Sacres, ou proposer excuse legitime de leur absence. Les Pairs aux Sacres ont preeminence par dessus les autres Prelats & Barons, mais aux obseques des Roys, & autres ceremonies, il a esté souuent debattu qu'ils ne marcheroient

cheroient deuant les autres Prelats non Pairs. Quant aux Laiz, cela est tout changé, leur nombre augmenté, & leur rāg debattu entre eux: & les Clercs demeurēt tousiours au nombre de six.

*Le nombre
des Pairs
laiz augmen-
té.*

Quelques vns veulent tirer ce mot de Pair, du nom de Patrice Romain, mais ceste etymologie en est par trop elloignee: car nous n'auons iamais ouy parler en France sous nos Roys, qui ont regné deça la riuere de Loyre, de ce nom de Patrice, sinon lors que Clovis receut par vn don special de l'Empereur Anastase, ce nom de Patrice, & Charles Magne par les Empe- reurs de Constantinople, & par les Papes.

*Etymologie
du nom de
Pair.*

Ceste Parité de six Clercs & de six Laiz, est tiree de l'ancienne façon des iugemens de nos anciens Roys, car de leur temps tous les grands iugemens se faisoient par vn nombre egal de Barons & de Prelats, comme il aduint que le differend de Clotaire le Grand, & de Dagobert premier son fils, qui demandoit au pere l'entier Royaume de la France Orientale, fut iugé par six Barons & six Prelats. Et ainsi la iurisdiction Ecclesiastique, & la Temporelle meslees, marchoiēt ensemble pour s'aider l'une à l'autre: & ainsi ont esté iadis les Parlemēs, les Chambres des Comptes & autres compagnies de Iustice, composees de iuges Laiz & Clercs. Sous les deux premieres lignees des Roys, aux Parlemens où les grandes causes estoient iugees, le Roy en estoit le Chef, & aprez luy le Maire du Palais, puis les Barons & Prelats y estoient, & y pouuoient tous les

*Les anciens
ingemēs de
nos Roys.*

*Les compa-
gnies des
iurisdiction
composees
des laiz &
des clercs.*

*Les Prelats
font Con-
seillers.*

*Les Prelats
retenus in-
dis du Con-
seil des
Roys.*

*Autre opi-
nion de la
creation des
Pairs.*

*Assemblees
des Pairs au
Sacre.*

*Anciennes
Pairies
iointes à la
Couronne.*

Prelats entrer indiffierement, lesquels à ceste occasion estoient appelez Conseillers, qui est vn nom qui leur est encore demeuré : car tous les Archeuesques & Euesques aprez leurs cōfirmations auoient lettres patentes des Roys, par lesquelles lesdicts Roys leur mandoient qu'ils les retenoient de leur Conseil.

Pour reuenir aux Pairs, sans nous esloigner par trop d'eux. Plusieurs tiennent que le Roy Loys le Jeune l'an 1179, donnant à l'Eglise de Reims, la prerogatiue de sacrer & couronner les Roys auparauint debattue, crea lesdicts douze Pairs, pour lesdicts Sacres & couronnemens, & pour iuger avec les Roys les grandes causes en Parlement : lequel pour ceste cause, & aussi qu'ils ont ce priuilege de n'estre iugez ailleurs, de leur hōneur & Estat, est appelé la Cour des Pairs, & eux les Pairs de la Cour de Frâce. On dit aussi que la premiere entiere assēblee des Pairs qui se trouua aux Sacres, fut à celuy du Roy Philippes le Bel, non en tiltre de Ducs de Bourgogne, de Normandie, & de Guyenne, ny des Contes de Thoulouse, de Champagne, & de Flā-dres : car lors la plus part de ces Duchez & Contez estoient vnīs à la Couronne, c'est à sçauoir, la Normādie & la Guyenne, par les conquestes du Roy Philippes Auguste : Thoulouse, par le decez d'Alphonse frere du Roy saint Loys, & heritier vnique de Ramond Conte de Thoulouse, duquel il auoit espousé la fille : La Chāpagne par le mariage dudit Philippes le Bel, & de lanne Royne de Nauarre, Cōtesse de Chāpagne

& de Brie. A ceste occasion ledit le Bel erigea en ce Royaume, Ducs & Côtes à l'image des anciens, & voulut que six de ses plus fauoris representassent ceux là, l'un le Duc de Bourgongne, l'autre celuy de Normandie, & ainsi des autres. Et quant aux six Clercs, il y en a qui disent que ledict le Bel les institua, pour rendre sa Cour plus celebre, & le nombre plus grand du nombre de douze & plus venerable & auguste de six Laiz & de six Clercs, qui estoient lesdicts Euesques furnomez, lesquels pour estre lors ses Cōseillers plus fauoris, & en plus grand credit enuers luy, donna pour l'amour d'eux, ce mesme priuilege à leurs successeurs, desquels ils ont tousiours depuis iouy, & en iouissent encores.

Philippe le Bel erigea des Pairs à la semblance des anciens.

L'institution des pairs clercs.

• Il y en a d'autres qui se fondant sur la vraye semblance, qui quelque fois és anciennetez tient lieu de verité, mesmement és choses esquelles les liures nous defaillent, disent qu'il y a plus d'apparence que sous Hues Capet, ceste distribution ait prins son cours, lors que tous les Ducs & Contes ayans eschangé leurs offices en fiefs, luy faisoient teste, & à son exemple s'emparerēt de leurs gouuernemēs, les rendās hereditaires à leur posterité. Au moyen dequoy on pourroit à iuste occasion dire, que Hues Capet eust esté contraint de recognoistre tous ces grands Seigneurs, comme ses Pairs & esgaux, hormis le serment de fidelité, qu'ils seroient tenus luy prester. Et seruiroit à ceste opinion grandement, par ce qu'il sembleroit qu'il

Autre opinion sur les Pairs.

*Le Duc de
Bourgonne
Doyen des
Pairs.*

cult voulu gratifier son frere Henry Duc de Bourgogne (auquel ledict Duché estoit venu par la mort d'Orho son frere, qui l'auoit eu par le mariage de la fille de Gilbert Duc de Bourgonne & de luy) du Doyenné entre les Pairs, mais l'opinion de leur creation faicte par Loys le leune (comme il a esté dit cy dessus) est la plus certaine.

*Charges des
Pairs.*

Voila doncq les diuersitez des opinions sur l'institution des Pairs de France. Maintenant nous parlerôs de leurs charges, qualitez & deuoirs. En l'erection du Conté de Mascon en Pairrie, au lieu de celle de Thoulouse, faicte par Charles le quint l'an 1359, est porté par exprez que les Roys de France, pour la conseruation de l'honneur de leur Couronne, conseil, & ayde de la chose publique, ont constitué les douze Pairs, qui assistent lesdicts Roys és hauts Conseils, & de fidelité entre eux. Pareillemét les accompagnent les premiers en bon ordre és vaillans faicts d'armes, pour la deffense desdicts Roys & de leur Royaume. Au chapitre du Sacre, il a esté dit quelles charges lesdicts Pairs auoient aux Sacres des Roys, parquoy nous ne le dirons pas en ce lieu, & remettrons les Lecteurs audict endroit.

*Les Pairs
mal compa-
rez aux Ele-
cteurs de
l'Empire.
Vn Pair ne
peult estre
excômmunié.*

Il y en a qui comparent lesdicts Pairs aux Electeurs de l'Empire, mais la difference est grande, car les Electeurs font l'Empereur, & les Pairs ne font le Roy. Entre autres priuileges des Pairs, cestuy cy est grand, qu'un Pair ne peut estre excômmunié, pource qu'il a à

cōuerſer avec le Roy pour ſes Cōſeils, & doit le Roy nourrir vn Pair, ſil n'a de quoy viure.

Lors que la ville de Paris eſtoit tenuë par Iean Duc de Bourgongne, le Daulphin fils du Roy Charles ſixieſme, qui fut depuis appellé Charles ſeptieſme, voyant les affaires de ce Royaume aller ſan deſſus deſſous, & deſirant y remedier, ſ'intitula de ſa propre authorité, Regent en France, & enuoya au Parlement ſes lettres patentes, par leſquelles il ſ'intituloit Regent. La Cour ne voulut approuuer ceſte qualité de Regent, & reſpondit qu'elle ne la receuroit point, ſi elle n'auoit ſur ce, lettres patentes du Roy, faiçtes en l'aſſemblee des Pairs de France. Surquoy ladiçte Cour n'auoit pas grande raiſon, mais ce fut vn perſonnage que lediçt Duc de Bourgongne, qui tenoit la ville de Paris, & les volontez de ladiçte Cour en ſa main, luy fit iouer, pour monſtrer que rien ne ſe pouuoit faire ſans luy qui eſtoit Pair de France deux fois, comme Duc de Bourgogne & Côte de Flādes, & Doyen des Pairs, par la qualité de Duc de Bourgongne, & auſſi pour réuerſer le pouuoir dudiçt Daulphin, & mettre en debat ſa puiſſance, ſon authorité & ſa qualité. Car il ne fut iamais veu q̃ les Roys ayēt eſté cōtrainçts d'appeller à leurs Conſeils, les Pairs: & durāt que leurs Parlemēs eſtoient ambulatoires, ils auoient à leur ſuite vn Conſeil appellé Grand ou Secret, ou Priuë, qui eſtoit pour les affaires d'Eſtat, auquel ſils ont appellé des Pairs, ce n'a eſté pour la dignité de leur Pairrie, ains

Le Daulphin de ſa propre authorité ſ'intitule Regent.

Menees du Duc de Bourgongne en la Cour de Parlement.

*Les Pairs ne
sont appelez
aux Cōseils
ny Regées,
s'il ne plaist
aux Roys.*

par la volonté, affection particuliere, & election desdits Princes. D'auantage les Ordonnances particulieres & generales des Regences ne font aucune mentiō desdicts Pairs, & ne les appellent point durant la minorité des Roys, au Conseil de l'administration, & du gouvernement dudiect Royaume.

*Le Pairrie
Ecclesiasti-
que est chose
temporelle.*

Bien que les gens d'Eglise soient dispensez par les Canons, de porter les armes, si est ce que les Prelats Pairs de France, pour raison de leur Pairrie (qui est declarée chose temporelle) estoient obligez de suiure & seruir avec bon nombre de Cheualiers & soldats, les Roys quand ils alloient à la guerre en personne. Ce seruice estoit pareillement deu par aucuns Euesques non Pairs, tant la France en tous Estats honoroit lors les armes.

*Le nombre
des Pairs
laiz accreu.*

Le nombre des Pairs Laiz a souuent esté acreu: car les Roys pour honorer les Princes du sang, ont erigé leurs Estats en Pairries, puis des Princes du sang sont venus à donner mesme qualité à d'autres Princes & Seigneurs, & n'ont lesdicts Roys les mains liees qu'ils n'en pussent faire tant qu'il leur plaira. Quand le pro-

*Les Roys
peuent fai-
re tant de
Pairs qu'ils
veulent.*

cez de Robert d'Arthois contre sa tante Mahaut fut iugé, le Roy ne tenoit que quatre anciennes Pairries, & y en auoit huiet nouuellement erigees, qui faisoient le nombre de douze Layes: les huiet estoient Alanson, Evreux, Bourbon, Estampes, Arthois, Bretagne, Clermont en Beauuoisis, & Beaumont le Roger que tenoient tous Princes du sang, & n'y en auoit que

*Diuerfes
Pairries.*

deux Duchez, Bretagne, & Bourbō, les autres estoient Contez. Il y en auoit aussi d'autres nouvellement erigees, comme Poictou & la Marche, sous le Roy Charles le quint, qui tenoit quatre Pairries anciennes. Il y en auoit vnze Layes, en ce comprises Bourgongne & Flandres anciennes, & les nouvelles estoient Bretagne, Bourbon, Anjou, Berry, Orleās, Arthois, Evreux, Alançon, & Estampes, toutes tenues par Princes du sang: & desdictes nouvelles les cinq estoient Duchez: les quatre Contez. Des vnze, les dix furent appelees au iugement de Jean de Mōtfort Duc de Bretagne, mais le Roy de Nauarre, Conte d'Evreux, qui estoit l'vnziesme, ne fut appellé pource qu'il estoit rebelle. Au commencement du regne du Roy Charles sixiesme, il y auoit vnze Pairries Layes, deux anciennes, Bourgongne & Flandres, qui estoient en la main du Duc de Bourgongne, & neuf nouvelles à sçauoir Touraine, Anjou, Berry, Eu, Orleans, Bourbon, Bretagne, Alançon, & Estampes, aussi toutes tenuës par Princes du sang: & desdictes nouvelles, les six estoient Duchez: & les trois, Contez. Des vnze, il ny en eut que neuf appelees au iugement du Roy de Nauarre, car il en tenoit vne qui estoit Evreux, & le Duc d'Anjou estoit absent du Royaume. Maintenant il y a plusieurs Pairries Layes, car les Roys en ont fait beaucoup depuis.

Ordinairement les enfans de France, tiennent leurs Apannages & toutes leurs autres terres en Pairries: & outre lesdicts enfans, les Roys ont honoré du tiltre de

*Autres
Pairries.*

*Autres Pair-
ries nouvel-
les.*

*Les enfans
de France
tiennent leurs
terres en
Pairries.*

*Cōdition des
Pairries.*

*Les femmes
peuvent te-
nir Pairries.*

*Fēmes sont
Pairs ou
Pairresses,
& assistent
aux iuge-
mens.*

Pairries non seulement les Princes du sang, mais aussi plusieurs grands Seigneurs pour auoir fait de bons & recommandables seruices. Les vnes Pairries sont creées à vie seulement & sont personnelles, les autres sont pour les seuls masles descendans, les autres pour tous. Car les femmes sont capables de tenir Pairries, ont opinion és iugemens, & y doiuent estre adiournees & appelees comme les autres Pairs, pource qu'elles tiennent dignitez ayans exercice de Iustice. La Cōtesse de Flandres, se trouua entre les Pairs au iugement du Conté de Clermont en Beauuoisis, adiugé au Roy saint Loys, contre les Cōtes de Poictiers & d'Anjou ses freres. Mahaut Contesse d'Arthois comme Pair, fut adiournee pour le iugement de Robert Cōte de Flandres, & parla avec les autres Pairs : & en vn autre iugement contre ledict Conte, elle fut aussi appelee. La Duchesse d'Orleans & la Cōtesse d'Arthois, furent adiournees pour se trouuer au iugement de Iean de Montfort Duc de Bretagne, mais elles s'excusèrent de s'y trouuer, & fut aussi ladicte Duchesse adiournee à se trouuer au iugement du Roy de Nauarre. Et puis qu'on les adiourne à se trouuer à tels iugemens comme Pairs, il faut par la conclure qu'elles y ont opinion & assistance.

Nous auons dit au commencement que l'institution desdicts Pairs, sembloit estre faite à l'exemple des Pairs de fief, qui auoient dignitez & prerogatiues à l'egal de la grandeur de leur Seigneur de fief, cōme

on

on lit que le Conte de Champagne auoit sept Pairs, Le Comté de Champagne auoit sept Pairs.
 ſçauoir eſt les Contes de Joigny, Rethel, Briene, Portian, Grand-prey, Rouſſy, & Brenne. Ainſi les Pairs de France furent creez en dignité Ducale & Côtale pour Charge des Pairs.
 ſe ſeoir (comme il a eſté dit) & iuger en la Juſtice ſouueraine du Roy, & quand il tient ſon liêt de Juſtice, l'aſſiſter & ſeruir en ſon Sacre & couronnement, & le conſeiller és affaires de conſequence : & furent appelez Pairs, non pour eſtre pareils au Roy, qui eſt leur ſuperieur Roy & Seigneur, mais pareils entre eux. D'où vient le nom de Pairs.
 Car quant à la dignité de Pairrie, l'vn Pair n'a plus de voix que l'autre, & les laiz ont quelques prerogatiues que n'ont ceux d'Egliſe. L'vn Pair n'a plus de puiſſance que l'autre.

Aux grandes & honorables aſſemblées, les Pairs anciens Laiz ſont aſſis à la dextre du Roy, & les Clercs à la ſeñeſtre. Les autres Pairs Laiz nouueaux, doiuent ſe ſeoir ſelon le temps de leur creation, & peuuent iouyr de pareils priuileges & prerogatiues que les anciens. Les cinq anciennes Pairries Layes ſont retournées à la Courône, la ſixieſme qui eſt Flandres, ne la recongnoïſt plus. Le nombre deſdicts Pairs Laiz, eſtoit iadis limité à ſix, mais depuis (comme il a eſté dit) la volonté des Roys en a augmenté le nombre. Les abſens ne peuuent ſubſtituer, ny enuoyer perſonne pour eux au iugement d'vn grand affaire, & ne ſe trouue que iamais aucun grand procès ait eſté vuidé par eux, ſans la preſence du Roy : car ſi ſes affaires ou ſon indiſpoſition ne luy permettent de ſ'y trouuer, ledict iu-

Les Pairs laiz à la dextre, & les Clercs à la ſeñeſtre.

Les nouueaux Pairs.

Le nombre des Pairs laiz augmenté.

*Menee du
Duc de
Bourgogne.*

gement est remis à vne autre fois. Le Duc Iean de Bourgongne suscita les Pairs de France, à dire au Roy Charles sixiesme, à la iournee assignee à iuger le Roy de Nauarre, qu'ils luy auoiēt maintenu vn peu deuâr, lors qu'il fut question de iuger le Duc de Bretagne, qu'à eux appartenoit la decision, determination, & iugement deldicts Pairs, non audiēt Roy: & requirēt sil donnoit l'arrest contre lediēt Duc de Bretagne, lettre leur est baillee, que ce fust sans leur preiudice, ne que pour cela aucun droit nouuel fut acquis audiēt Roy Charles sixiesme, qui leur ottroya ladiēt lettre.

*Dispute
pour proces
entre le Roy
& vn Pair.*

S'il y a differēd & procès entre le Roy & vn Pair, c'est vne grande dispute, à sçauoir si la Cour doit estre garnie de Pairs. Il a esté dict que quand le Roy est present, il n'est besoing que les Pairs y soyent, s'il ne luy plaist. Et doiuent les Pairs proceder par deuant les executeurs des arrests dudiēt Parlement: en ce qui concerne l'execution: & encōres que leurs personnes ne soyent subiectes aux Baillifs & Seneschaux, si est ce qu'ils ne laissent d'y estre subiects, car les exploits deldicts Baillifs & Seneschaux ont valeur.

*Les Pairs su
biects aux
Seneschaux
& Baillifs.*

*Prerogatives
des Pairs
Laiz.*

Les Pairs Laiz ont prerogatiues d'auoir grands Iours, ausquels les appellations de leurs Baillifs resor-tissent, & celles des grands Iours au Parlement: sont receus à presenter audiēt Parlement des Roses, & sont exempts de tous peages, comme estans du corps de la Cour.

*Roses des
Pairs au Par
lement.*

*Ancien pri-
uilege des
Pairs cleres.*

Les Pairs Prelats auoient iadis pouuoir d'amortir

leur arriere-fief, non leur fief ny Domaine cōtre Prelats non Pairs, mais aujourdhuy nul ne les peut amortir que le Roy.

Nous auons dit cy dessus, que les vnes Pairries sont pour les personnes, & les autres pour la terre & seigneurie. Sur quoy nous dirons que bien qu'aucunes Pairries par leur institution, soient esteintes quand le droit duquel elles sont accessoiress, tombe de lance en quenouille, toutesfois il y en a quelques vnes, lesquelles non seulement par accord faict avec les Roys, ont esté transmises de masse à femelle, comme la Pairrie du Conté de Flādres, mais aussi d'entree ont esté baillées en quenouille, lors que prouision a esté faicte de quelques Duchez, comme à madame Marguerite de France, sœur du feu Roy Henry, à present Duchesse de Sauoye, laquelle a eu ce droit accompagnāt le Duché de Berry, qui luy a esté baillé en Apānage personnel. Les autres Reelles, accessoiress d'autre fief, dōnent à leur possesseur, pouuoir pareil & esgal en premiere instance au ressort, de deliberer des affaires iudiciaires qui se presentent à la Iustice des Seigneurs, desquels ils tiennēt sans moyen, appelez en aucuns lieux Pairs, en autres, hommes de Fief (comme il a esté dict) l'usage desquels au grand malheur de la France, est quasi du tout esuanouy. Aucunes sont personnelles, pour ce qu'elles appartiennent aux personnes, non à cause de certain droit Royal, desquelles les vnes ont ceste puissance nee avec eux, les autres l'ont acquise par ele-

*Conditions
des Pairries*

*Apānage de
masse à fe-
melle.*

*Apānage
personel dō
né à fille.*

*Apānage
Reel.*

*Apānage
personnel.*

*Privileg des
enfans de
France.*

*Les gouver-
neurs des af-
faires des
villes.*

ction. Car ores que ce nom de Pair soit vmbragé aux nez par dignité plus grâde, avec laquelle ils sont nez, si est ce qu'ils ont ceste puissance nec avec eux, comme sont les enfans & Princes du sang de France, qui ont ceste puissance aux Parlemens, & seance premiere du costé dextre des Presidents. Ores aussi qu'aucuns de ceux qui ont le gouvernemēt des affaires des corps des villes, donnees par les Roys de droit d'assemblee, avec egal pouuoir sur les affaires d'icelles, sont appelez en aucuns lieux Escheuins, Gouverneurs, Cōsuls, Capitouls, & autrement, il s'en trouue toutesfois d'autres qui sont nommez Pairs, cōme en la ville de Beauvais, la Rochelle, & autres. Ce dernier article m'a esté donné par Clement Vaillant, Aduocat en la Cour de Parlement, duquel i'ay parlé cy dessus en l'article des Apannages.

Plusieurs autres choses se pourroient dire des Pairs, mais d'autant qu'elles appartiennent plus à leurs prerogatiues, preeminences, & affaires, qu'à ce qui est de l'Estat, duquel nous voulons seulement traiter, nous n'en dirons autre chose pour ceste heure.

*Des Ducs
& Contes
anciens &
modernes.*

Deuant l'erection des Pairs, les Ducs & Contes qui estoient Gouverneurs, les Ducs des prouinces, & les Contes des villes, à l'exemple & imitation de Hues Capet, qui de Maire du Palais & de gouverneur de Paris, c'est à dire, Conte qu'il estoit, se fit Roy de France, commuerent leur dignité en heritage, firent domanial à leur posterité, ce qui leur auoit esté donné à vie

& en tiltre d'Estat, & se firent Seigneurs propriétaires de leurs gouuernemens.

Or estant sous le Regne de Charles le Simple, le Royaume de France rabaislé par plusieurs grands Seigneurs, tant à cause de son bas aage que de sa simplicité & imbecilité (comme il aduient tousiours que les regnes des Roys enfans, ou imbecilles, produisent des hommes qui à la ruine de leurs maistres, sçauent faire proffit de tout) la plus part de ces Ducs & Côtes (c'est à dire Gouverneurs) commencerent à prendre leur part du gasteau, & de se faire maistres propriétaires de leurs gouuernemens. Et quand Hues Capet vint à estre Roy, les Ducs & Côtes qui estoient lors, c'est à dire, les Gouverneurs des pays & villes, firent (comme nous auons dit) le mesme de leurs Gouuernemens à son imitation. Ce que Hues Capet (qui estoit plus fin que guerrier) fut contraint de supporter doucement, faisant semblant de n'en voir rien. Peu aprez par vne pacification generale, il fut arresté qu'ils reconnoistroient tous Hues Capet pour leur souuerain, luy deuant le baïse main. Ceste commune vsurpation rendit Hues Capet assez petit compagnon pour vn Roy, au regard de ceux qui auoient regné depuis la venue de Clouis. Et ses successeurs s'en apperceurent encores mieux que luy, car ils virent auprès d'eux, vne infinité de Ducs & Contes demy egaux en leurs Duchez & Contez à eux. De là quelques vns ont voulu tirer ceste parité des Pairs de France: mais ceste parité &

*Les Ducs
& Contes
iadis gou-
uerneurs se
firent Sei-
gneurs pro-
priétaires.*

*Hues Capet
dōna exēple
aux vsurpa-
teurs de
leur gouuer-
nement.*

*Finesse de
nos Roys.*

orgueil de ces Ducs & Contes vsurpateurs ne dura gueres. Car nos Roys ne les pouuans supporter, commencerent peu à peu, par diuerſes façons à abbaiffer leur grandeur, tantost par vne voye, & tâtost par vne autre, leur faifans croire, comme on dit en François, qu'ils auoient mangé le lard, & les faifans par subtiles menées & suppositions de crimes conuaincre de crime de felonnie, leur empietoient leurs terres. De ceste façon sont venus à la Couronne, les Duchez de Normandie & d'Aquitaine, les Contez d'Anjou, de Touraine, de Poictou, & du Maine & autres, comme nous dirons en leur lieu. Aussi vne grande partie desdicts Duchez & Contez y sont venus par alliance, cōme Thoulouze, Champagne, Brie, & Bretagne: & autres Seigneurs, ont perdu leurs Estats ce pendāt qu'ils s'amusoÿēt aux voyages des Terres sainctes, desquels nos Roys ont ſceu bien finement faire leur profit, cōme aussi nous dirōs cy après bien particulieremēt.

*De quelle fa-
çon ſont ve-
nus à la
Couronne
les Duchez
& Contez.*

*Nouvelle
forme de
Duchez &
Contez.*

Les Duchez & Contez estans par ce moyē reünis à la Couronne, vne autre forme de Duchez & Contez naſquit en la France: car depuis nos Roys, de petites Bourgades & Seigneuries ont faict des Cōtez & Duchez, le tout à fin qu'ayans incorporé ſous leur puissance, la plus grande partie des anciens Duchez, ils ne ſemblasſent toutesfois auoir effacé les anciennes dignitez de France, par lesquelles ce Royaume ſembloit eſtre illuſtré & embelli entre les autres. Anciennemēt les ordres des dignitez de Contes, de Ducs & de Ba-

*Ancien or-
dre des an-
ciennes di-
gnitez.*

rons, estoient tels qu'il falloit qu'un Duc eust sous soy quatre Côtés, un Conte quatre Baronnies, un Baron quatre Chastellenies, & un Chastellain quatre fiefs. Mais comme toutes choses prennent coruptiō avec le temps, on a depuis quelques siècles erigé de grandes dignitez, qui iadis estoient mestayries. Et encore que par l'ancienne institution, le Duc doive marcher deuant le Conte, le Conte deuant le Baron, & ainsi des autres : si est ce qu'il y a en France des Barons qui ne voudroient ceder le rang aux Ducs & Contes nouvellement erigez. Et bien que ceux qui ont conseillé ces erections nouvelles des Ducs & Contes, ayent fait entendre à nos Roys, que ces tiltres ne preiudicioient en rien à leur autorité ny au public, si est ce qu'il se voit tous les iours que de là naissent des différends sur la prefféance, lesquels peuuent tirer à grande consequence.

*Corruption
du temps.*

La matiere des Fiefs, de laquelle nous voulons traiter seulement pour le regard de la France, a fait escrire aux Docteurs plusieurs gros liures. Nos François tiennent pour tout asseuré, que la Constitution des Fiefs en la France vient des Lombards, qui en ont esté les premiers inuenteurs. Nous ne nous amuserons point à l'etymologie du nom de Fief, qui vient de foy, pource que c'est un point de droit, si bien & ample-ment traité par les Docteurs anciens & modernes, que ce seroit chose superflue de le dire en celieu, là où nous voulons venir seulement au point de la matiere.

Des Fiefs.

*La constitution
des fiefs
vient des
Lombards.*

*Etymologie
du fief.*

*Conditions
des fiefs.*

Iadis les Seigneurs souuerains auoient en France, puissance d'oster quand ils vouloient les choses par eux dōnees en fief, puis après vint vne coustume que le Fief estoit donné pour vn an seulement, puis fut donné à vie, mais pource que cela ne pouuoit venir aux enfans par droit successif, on aduisa de les faire venir à celuy des enfans, qu'il plaisoit au Seigneur d'essire. Depuis les fiefs vindrent patrimoniaux & hereditaires & transmissibles à tous les enfans également: en aucuns endroits aucunesfois aux aînez en tout, & aux puînez en vsage, en quint, & en viage, selon les coustumes des lieux.

Fiefs patrimoniaux.

*Institution
des fiefs.*

*Conditions
des fiefs dō-
nez.*

*Debitement
des terres à
fief.*

L'institution des Fiefs patrimoniaux est telle. La plus part de nos François tient que le Roy Charles Magne, & quelques autres Roys après luy, après auoir purgé la France des Gots, Visigots, Huns, Vandales, & autres Barbares nations, la France demeurant deserte & vuide d'habitans, donnerent aux Gentils-hommes qui les auoient seruis en leurs guerres, à l'vn mille arpens de terre, à l'autre deux, & ainsi aux autres, tant du plus que du moins, à la charge de redeuance de foy, d'hommage, & de certains autres droicts tels qu'il plaisoit aux Roys imposer ausdicts vassaux, & de seruir certain temps de l'annee à leurs despens, les Roys en leurs guerres. Et à fin que les Nobles eussent moyen de soustenir lesdictes guerres & de se monter, armer & equipper, ils leur permirent de dōner & debiter leurs terres à des paisants, à vingt, tren-

te, ou tant de sols d'entree, & à vn denier, vne poule, vn chapon, ou autre droit de rente ou de censue, qui estoient les droits ausquels pareillement les Roys dōnoient au reste du peuple plusieurs autres terres qu'ils tenoient par deuers eux, lesquelles depuis ont esté appelees Terres du Domaine. Ils dōnoient à l'vn Gentilhomme la Iustice haute, à l'autre la basse, à l'autre la moyenne, & aux autres les deux ou toutes trois ensemble sur leurs hommes, subiects & vassaux, l'appellation d'icelles iustices reseruee aux Roys, ou à leurs iurisdicitions: car les Roys se reseruoient tousiours la Iustice souueraine. Ainsi receuoit le subiect la Iustice de son Seigneur, ainsi tenoit le Gentilhomme le Villain en bride & subiection: & si le Gentilhomme se portoit trop insolemment ou fierement enuers son subiect ou homme, le recours d'iceluy estoit à la Iustice souueraine du Roy, qui luy en faisoit la raison. Bref le Seigneur estoit comme iuge de son subiect, non le maistre, comme depuis il a esté, & ne prenoit ny la poule, ny le chié, ny le lard, ny le bœuf d'iceluy, comme il est aduenü depuis, & ne le rançonnoit, battoit, & exigeoit: car la Iustice du Roy estoit comme vne barriere entre le Seigneur & son subiect. Le haut iusticier auoit sous luy des bas & moyens iusticiers qu'il appelloit ses hommes, c'est à dire, ses hommes de guerre, car ils estoient tenus aux guerres de suiure le dict haut iusticier leur Seigneur de fief, comme nous dirons cy après. Et comme les Seigneurs eurent des

*Terres du
Domaine.
Iustice don-
nee aux Gē-
tilshommes.*

*Brides des
nobles, &
recours des
villains.*

*Hommes du
Seigneur.*

*Debitement
des terres
donnees par
les Sei-
gneurs.*

Royz les terres en tiltre de haute, moyenne, & basse Iustice, lesdicts Seigneurs donnerent d'icelles terres, les autres à moyenne, les autres à basse Iustice à d'autres Gêtilshommes moindres qu'eux, à la charge que lesdicts Gentilshommes les suiuroient & accompagneroient aux guerres: & à ceste cause furent appelez les hômes du haut iusticier ou du Seigneur, côme aussi il sera dit cy après. Ainsi estoient les Roys bien seruis aux guerres, & les Gentilshommes en bon nombre: car chascun Fief deuoit son hôme de guerre, ou vne partie de la solde d'iceluy. Les assemblees de ces hômes furent depuis appelees Ban & Arriereban, desquels pareillemēt cy après nous parlerōs. Car pour retourner aux fiefs, comme les affaires de France des plus grands aux moindres, & des moindres aux plus grâds estoient instituez, le Roturier ne possedoit aucun Fief noble ny iusticier, & ne luy estoit permis d'en posseder, seulemēt payoit les droicts deuz aux Roys & aux Seigneurs particuliers, & ne s'entremesloit que de son trafic, mesnage, labourage, & des droicts de la seruitude. De là vint le Domaine des Roys, duquel il sera parlé cy après, & celuy des Gentilshommes pareillemēt. Quelques siècles après furent imposees les Tailles & quelques autres subsides, pour l'entretienement de la Maiesté des Roys, & de leurs continuelles guerres, desquelles il sera faict vn article à part. Ces terres donnees par les Roys à Fief, & à la charge que ceux à qui elles estoient donnees, seruiroient les Roys aux

*Ban & Ar-
riereban.*

*Le Roturier
ne possedoit
nul fief.*

*Le domaine
des Roys.*

*Impositions
des Tailles.*

guerres, tel Fief deuoit faire vn homme d'armes, tel vn Archer, tel vn quart, tel vn tiers, & ainsi des autres : & estoient subiects de s'assembler au lieu, & toutes les fois qu'il leur seroit commandé par le Gouverneur de la Prouince ou de la ville, qui premierement s'appeloit ou Duc ou Conte, puis fut appelé Baillif ou Seneschal. Ces assemblees s'appelloiēt Ban ou Heriban, qui veulēt dire en vieil Allemād (langage que les anciens François parloyent) selon aucuns, cry ou arriere-cry, ou selō d'autres, armee, desquels cy dessous nous parlerons. Et par là on peut voir que l'institution du Ban & Arriereban suicte à l'institution des Fiefs, a esté créée par Charles Magne, pource que lors la France parloit langage Allemād, que les premiers Roys qui estoient tous Allemans auoient porté en Gaule, & lequel se perdit après le partage des enfans de Loys le Debōnaire : & lors tant dudiēt Allemād que du Latin, se composa ceste langue François, dont auourd'hui nous vsons, non à la verité si parfaicte, mais lors elle print ses premiers elements, & depuis s'est de iour à autre formée & enrichie.

*Condition
des fiefs.*

Ban & Heriban.

Le vieil langage François.

Nostre langue François.

Or pour retourner aux Fiefs, les voyages des Terres Sainctes, puis les guerres cōtre les Anglois, & contre les Flamans, qui ont esté longues, ont renuersé ceste belle premiere institution des Fiefs. Car comme ces voyages des guerres Sainctes s'entreprenoient (tel estoit le zeile d'icelles) il n'estoit pas fils de bon pere ny de bōne mere qui n'y allast, & eust esté grand hō-

Les guerres ont gasté l'institution des fiefs.

*Domage
venu des
guerres
saines.*

te à vn Gentilhomme de demeurer en sa maison, durant que les autres estoient à la campagne. Le voyage estoit long, la retraite loingtaine, & l'esperance du retour bien longue. Ceux qui y alloient auoient besoing de beaucoup de deniers pour ceste guerre, & d'autant que tous les Gentilshommes y alloient, & qu'il falloit que pour leur honneur ils y allassent, estans les vns contraints par la force de l'honneur, les autres par le zele de la Religiō, & les autres par les cōminations des Papes, & contrainte des Roys, ils ne sçauoient d'où auoir argent pour les fraiz de leur voyage, qu'en vendant leurs terres & fiefs, lesquels ils ne pouuoient s'entreuendre, d'autant que chacun à part soy estoit biē empesché à trouuer argēt. Et pource qu'il n'y auoit que les Roturiers qui eussent argent, les Nobles furent cōtraints de supplier les Roys de permettre ausdicts Roturiers d'achepter les fiefs nobles, à la charge que lesdicts Roturiers dōneroient aux Roys autant d'argent pour auoir ceste permission (toutes & quantesfois qu'ils acheteroyēt vn fief noble) que les lots & ventes se pourroient monter. Ceste permission s'appelloit Grace, qui continua en ce profit iusques au regne du Roy Charles sixiesme, qu'elle fut abolie à la requeste des gens de Iustice & des financiers, qui estoient les seuls acheteurs des fiefs nobles, lors que les guerres des Anglois espuissoient d'argēt les Gentilshommes, les contraignant de vendre, & leur ostant le moyen d'acheter. De là vint que les fiefs tombez entre mains

*Les Rotu-
riers ache-
piant les
fiefs nobles*

*Permission
aux Rotu-
riers appe-
lee Grace.*

de personnes inhabiles aux armes, ne peurent fournir aux Roys les hommes qu'ils en esperoient. Mais outre ceste corruption, il en furuint vne autre autant ou plus grande, qui desgarnit pareillement les Bans & Heribans ou Arrierebans des hommes ausquels ils estoient tenus.

Autre corruption des fiefs.

Nos premiers Roys, nos Princes & nos Gentilshommes estoient si deuotieux, ou pour mieux dire si superstitieux, qu'ils firent bastir les belles Eglises, les Abbayes, Prieurez, & autres benefices que nous voyons aujourdhuy en France, & les doterent d'une infinité de grands biens, & entre autres de fiefs nobles. Lesquels tombez entre les mains des gens d'Eglise, qui sont mains mortes, ne pouuoient fournir & ne fournissoient plus les hommes qu'ils deuoient. Quand les Roys virent d'un costé & d'autre, telle corruption aux Fiefs, aux Bans, & Arrierebans, & qu'à ceste occasion lesdicts Bans estoient foibles & composez d'hommes mercenaires, de vallets, & de personnes non nourries aux guerres, ils furent contrains d'instituer d'autres formes de gens de guerre: & à la fin sont venues les compagnies de gens-d'armes, ausquels pour leur entretenement fut donnee certaine solde, & ordonné vn reglement politique pour la forme de leur viure, laquelle ils n'osoient outrepasser, sur peine d'estre cassez, ou rigoureusement punis par leurs Capitaines, ou par les Connestable & Marechaux de France. Et d'autant que ce qu'ils deuoient a-

La deuotion des grands à doter les Eglises.

Les compagnies des gens d'armes.

Gens d'ordonnances.

*Gens d'E-
glise possé-
dans fiefs.*

uoir, faire, & prédre, leur estoit prescrit par ordonnâ-
ces, ils furēt appelez Gens d'ordonances. Et quāt aux
gens d'Eglise qui possédoïēt les fiefs nobles, les Roys
en leurs vrgēs affaires les prioient (tant ils estoient de-
uotieux & respectueux enuers eux) de les secourir de
quelque somme de deniers, mais peu apiés la priere
fut eschangee en cōmandement & en contrainte. Car
venās à estre moins deuotieux, ils les contraignirēt en
leurs guerres de les secourir d'argent: & tellement lors
accreurent les moyens de l'Eglise, que si quelque fief
noble venoit à estre envête, les gēs d'Eglise l'achetoïēt.

*Les fiefs en-
tre les mains
des gens de
Eglise.*

De façon qu'en peu de temps, les Fiefs furēt presque
tous ou entre leurs mains, ou entre celles des Rottu-
riers, & la Noblesse se trouua seulement tenir des ter-
res tenues en Roture, mouuâtes & releuantes des gēs
d'Eglise. Aquoy Philippes Auguste fut le premier
qui voulut donner remede, à la requeste des Nobles
qui s'en plaignirent. Car au retour de son voyage de
la Terre Saincte, il priua aucuns Religieux de leurs
monasteres, print plusieurs terres des Eglises, & sur
tout leurs domaines & fiefs nobles, en annexa quel-
ques vns à la Couronne, & en donna d'autres aux Gé-
tilshommes qui l'auoient suiuy en ses guerres. Et en
recompense de ce, donna plusieurs terres vagues, &
rotures aux Ecclesiastiques, à la charge qu'ils fourni-
roïēt certaine somme de deniers aux Roys, lors qu'ils
en auroient besoing. Par ce moyen le Roy remut sus
sa gendarmerie ordinaire des Bans & Arrierebans:

*Philippe Au-
guste priua
les Eglises
des fiefs.*

mais il deuint pour cela si mal voulu des Ecclesiastiques, qu'ils s'en plainquirent au Pape, & ietterent leurs fulminations sur luy. Ce qui luy fit prendre vn tel remords que si de là en auant quelque chose luy succedoit mal, il pensoit que cela procedast de punition diuine, pour auoir spolié les gens d'Eglise de la plus part de leurs biens. Dont estant sur le poinct de donner vne bataille à Ferrand Conte de Flandres, au pont de Bouines, il se mit en tres-deuote oraison, par laquelle il promit à Dieu de rédre ausdits Ecclesiastiques, leurs biens, fiefs & domaines, & de bastir vn Tēple à la vierge Marie, moyennāt qu'il luy pleust dōner la victoire cōtre le Flamant. Ayāt gagné la victoire, & prins le Côte, il ne faillit de restituer aux Ecclesiastiques, leurs biens, & de bastir pres de Senlis vne Eglise à la vierge Marie, qu'il appela nostre dame de la Victoire, cōme il a esté dit au premier liure. Il rēdit aux Ecclesiastiques leurs fiefs à la charge qu'en tēps de guerre ils fourniroient les Cāps, de chariots pour porter les munitiōs de guerre, les viures, & les autres choses necessaires pour vn Cāp. Ils continuerent cela pour quelque temps, mais apres se faschans & plainans de la vilté de leur condition, ce droit de fournir des chariots, leur fut cōmué en argent, & fut dit qu'ils contribueroient delà en auant à la solde des Bans & Arrierebans. Mais aussi se plainans de ceste contribution, & ne pouuans longuement endurer à leur col, le ioug d'vne seruitude, & d'vn deuoir, ils se dispenserent à la fin de toutes char-

*Remords
dudict Phi-
lippines.*

*Bataille cō-
tre le Fla-
mant.*

*Il rendit le s
fiefs aux
Ecclesiasti-
ques.*

*Condition
donnee aux
Ecclesiasti-
ques.*

*Les Ecclesi-
astiques ne
peuent sup-
porter aucun
ne cōdition.*

ges, couruees & contributions, & se faisans de iour à autres riches, achetoient tout ce qui estoit à vendre.

Les Ecclesiastiques maistres de tous les fiefs

De sorte qu'ils se trouuerent maistres des plus beaux lieux de la France, & egaux en richesses à la Couronne des Roys. Lesquels ayans longuement toleré ceste immunité des gens d'Eglise, vint Philippes le Bel, qui imposa sur eux vne decime, de laquelle ils crierēt tant, que cela fut en partie cause que le Pape Boniface huietieme l'excommunia. Et ayans nos autres Roys cōtinué ceste imposition d'une decime, ils leur en ont à la longue imposé deux, trois, & quatre: & quand la necessité les a pressez, ont recherché leurs bourses iusques au fonds.

Decimes sur les gēs d'Eglise.

Diuerses decimes.

Quand les Fiefs furent faicts patrimoniaux, & que la Noblesse s'en vit asseuree, la plus part des Gentilshommes prindrent leurs noms de leurs principaux fiefs, d'autres ont depuis imposé leurs surnoms à leurs fiefs, les faisans faire de Roture, Fiefs. Ce qui n'a guerres d'antiquité, & a empesché aux plus anciens Gentilshommes de ne pouuoir veriffier leur antique Noblesse, & en a faict naistre vne nouuelle en la nature & aux noms des nouueaux: mais quād on vient à esplucher cela, on congnoist bien d'oū ils sont venus, & leur origine est descouuerte.

Les gentils-hōmes prennent leurs noms de leurs fiefs.

Or faut il entendre que les Fiefs estans deuenus hereditaires & patrimoniaux (comme il a esté dit au cōmencement de l'article des Pairs) suiuant l'vsage escrit des fiefs des Lombards, en chacun fief dominant fut establi

establi nombre certain de vassaux appelez Pairs ou Francs hommes de Fief ou de Cour, chargez de tenir la Cour du Seigneur, avec luy iuger des causes feodales, & autres qui en dependent, estre presens aux nouvelles inuestitruës, & pour raison de ce ont grande prerogative & Noblesse. Lesdits vassaux iugeans furent appelez Pairs, pource qu'ils auoient pareille iurisdiction, autorité, preeminence, priuilege, & charge l'un comme l'autre, & est ceste forme de iuger les causes feodales par les Pairs du Fief, tres-ancienne en France. Dont est venue l'opinion des douze Pairs de France, comme il a esté dit en l'endroit qui parle d'eux.

Chaque fief a vassaux.

Les Pairs de fief.

Mais d'autant que dedans cest article des Fiefs, nous auons meslé plusieurs choses, desquelles nous auons promis de parler, nous ne voulons y faillir, & meslans, & presque (si ainsi faut dire) confondans les vnes dans les autres, pour la difficulté & doute de la matiere, nous viendrons à dire qu'il y a eu plusieurs sortes de Fiefs: les vns desquels sont Royaux, comme vne Pairrie de France, qui est vne qualité de Fief, que les anciens appeloient Fief ou dignité Royale: & sur ce quelques vns ont voulu dire qu'il y a deux sortes de Pairries, la plus excellëte desquelles estoit appelee HautParage, & l'autre du nom des simples vassaux. Il y a aussi des Fiefs nommez Fiefs de Haubert, dont l'usage est plus grand en Normandie qu'en autre prouince de France: & y en a de diuerse condition, & la plus part de haute Iustice. Ces Fiefs la sont appelez en La-

Plusieurs sortes de fiefs.

Deux sortes de Pairries.

Fiefs de Haubert.

tin *Feuda Lorica*, cōme il y en a d'autres qui sont appelez *Feuda Scutiferorum*, dont est venue l'origine du nom des Escuyers, Bannerets, & autres. Or estant ce mot de Fief procedé de Fidelité ou de Foy (cōme nous auons dit) il l'ensuit que ceux qui tiennent quelque chose de leur Seigneur en fief, ou par droit de Fief, sont appelez ses Leaux, ou loyaux, qui vient du mot Latin *Leudes*, comme monstre le moyne Aimoinus, qui dit que Gontran fut doux à ses leaux : & de là les Allemans appellēt vn Fief *Lehen*, qui vient du mot

Escuyers.
Bannerets.

Fief viēt de
fidclité ou
de foy.

Ses leaux.

Seigneurs
& subiects
feodaux.

Qu: c'est
que le fief.

Les serfs.

Vassaux &
hommes du
Seigneur.
Hommage

Vassal d'oū
il vient.

Gessil.

Leudum, & en France nous disons Seigneurs, & subiects feodaux, c'est à dire, feaux : & le Fief est la chose par l'acception de laquelle ceux qui le tiennent, sont tenus du serment de fidelité enuers leurs Seigneurs. De ce nom de Feaux iadis les serfs estoient appelez : & aussi les gens de guerre qui tiennent quelque chose en fiefs sont presque de la condition des serfs, car biē qu'ils ne soient serfs, si est ce qu'ils seruent, & doiuent seruice. Toutesfois ils sont appelez vassaux & hommes du Seigneur, & non serfs, & de là est venu ce mot hommage, c'est à dire, le seruice, ou le serment, ou la fidelité de l'homme. Et le nom de Vassal signifie seruice ou compagnie, venant de ce, non qu'ils soient du seruice domestique du Seigneur, mais du mot Allemand & vieil François *Gessil*, qui signifie Compagnon, qui nous sert avec certain pris : dont Polybe & Plutarque en la vie de Marcus Marcellus, auteurs Grecs, disent que les Gaulois appeloient leurs peu-

ples *Gessates* : ou bien ce mot de Vassal, vient du mot *Wessos*, duquel les anciens Gaulois appelloient leurs hommes braues & vaillans, tels que depuis nos Roys choisirent ceux, ausquels ils donnerent les Fiefs. Il y a difference entre vassaux & subiects. Les vassaux sont ceux qui tiennēt les Fiefs : les subiects sont les paisans qui doiuent la censue, la poulle, le chappon de rēte, & la couruee, trauail, & iournee de leur corps: toutes-fois plusieurs confondent le nom des vassaux & subiects ensemble, & prennent souuent les vns pour les autres. Car souuent vous verrez que monsieur le Gentilhomme parlant de ses terres & de ses hommes, dit mes subiects. Les subiects ne sont point tenus de suivre leur Seigneur à la guerre, mais les Vassaux sont tenus d'y aller, ou d'y enuoyer quelqu'un en leur lieu, ou en defaut de ce, de donner ou cōtribuer quelque somme d'argēt à leur Seigneur, pour la solde de ceux qui tiendront leur lieu. Ce qui s'appelle Ban ou Heriban, vient d'un ancien mot Allemand, Here, qui signifie Armee, & depuis au lieu de Heriban, on a dit Arriereban, comme nous auons dit cy dessus. Ban, est un mot general qui signifie mandement à la guerre, & par ces mots de Ban & Heriban est signifiee la peine eniointe & ordonnee à celuy qui n'obeira au mandement, ce que les Allemās appellent aussi Heriscald.

Il y auoit iadis quelques autres differences entre les subiects & les vassaux: car les subiects possedoient leurs terres de plein pouuoir, droit & possession, &

Autre deri-
uaison du
vassal.

Difference
entre vas-
saulx & su-
biects.

vanterie du
gentilhomme.

Les vassaux
tenus aux
guerres non
les subiects.

Bā, Heriban
& Arrie-
reban.

Ban.

Autre diffe-
rence entre
les subiects &
vassaulx.

les Vassaux ne possédoient leurs terres féodales que par droit de perpetuel ou temporaire v^sufruit, & la propriété estoit aux seigneurs, desquels les vassaux auoient receu les terres par vn droit, qui s'appeloit droit de Grace. Cest v^sufruit s'appeloit Vtile Domaine, pour ce que le Vassal auoit seulement la puissance vtile, non la directe de la chose à luy donnée en fief. Les subiects se mettoient en la puissance, protection & sauuegarde de leurs Seigneurs, & quand les Seigneurs vouloiēt aller aux guerres, & y mener leurs subiects, ils estoient tenus de leur donner à manger vne fois le iour, ou vne certaine somme d'argēt qu'ils appelloient Solde, qui vient du mot Allemand, Sold. De ceste Solde ils s'appelerēt Souldoyers, à la difference des Vassaux qui suiuiōt leurs Seigneurs, pour raison de leurs fiefs & sans solde: & estoit ceste solde estimée non fief, mais roture. Ce mot de Subiect est vn mot corrompu, car il faudroit dire Suscept, ou Suscet, d'autant qu'il est prins du mot Latin *Susceptus*, nō du mot *Subditus*: car *Subditus* estoit celuy qui estoit subiect au Prince souuerain, qui auoit puissance de mort & de vie: mais cōme *Susceptus* en Latin veut dire, Prins, ainsi en Frāçois veut il dire aussi, prins, quasi cōme prins en protection: & depuis la Noblesse abusant au lieu de suscept de ce mot de subiect, pense que son paisant luy soit subiect, & vse enuers luy de plus de violences que le souuerain. Depuis ces anciens tēps ausquels les fiefs estoient donnez par v^sufruit, les sei-

Droit de
Grace.
Vtile Do-
maine.

Devoir des
subiects au
Seigneur.

Solde.
souldoyers.

subiect.

subiect
prins en
protection.

Fiefs don-
nez par v^s-
sufruit.

gneurs les ont donnez à perpetuité, à la charge que les possesseurs s'obligeroient à les seruir & accompagner à la guerre. De là est venu à la verité le nom d'hōmes, des Leaux, des Vassaux, & des Feudataires, & iadis tous les fiefs estoient tenus de fournir vn homme de guerre, ou vne deuxiesme, troisieme, ou quatriesme, ou tantiesme partie d'iceluy. Deux, trois, quatre, ou cinq fiefs, faisoient vn hōme, tant du plus que du moins, & au cas que le possesseur ne s'y voulust ou peult trouuer, il estoit tenu de dōner autant d'argent que la condition de son fief le deuoit porter, & ne pouuoit le vassal ny le subiect vendre son fief, ny sa terre, sans le congé de son seigneur, ny sans sçauoir si l'acheteur luy estoit agreable. De là sont venus les Lots & Ventes, & les droicts seigneuriaux, car ceste permission estoit acheptee de la grace du seigneur, & par luy vendue. Au commencement les vassaux deuoient seulement à leurs seigneurs, la ionction des mains entre les mains de leurdict Seigneur, ou vn baiser à la iouë. Voila pourquoy le moyne Aimoinus, lors que Tassilo Duc de Bauiere presta au Roy Pepin le serment de Vassalage & fidelité, dit que faisant ledit serment, il ioignit ses mains entre les mains dudit Pepin.

Chacun auiourdhuy peut donner fiefs en France. Iadis il n'y auoit que les Ducs, Marquis, Contes, & Barons qui les peussent donner, qui s'appeloient les Capitaines du Roy ou du Royaume. Cela se faisoit à fin

*Hommes,
leaux, vaf-
saux.*

*Devoir des
vassaux &
subiects.*

*Lots, ventes
& droicts
seigneu-
riaux.*

*Ionctiō des
mains, bai-
ser à la ionē*

*Chacū peut
dōner fiefs.*

*Cappitai-
nes du Roy-
aume.*

*Seigneurs
chastellains*

qu'ils peussent estre accompagnez d'hommes à la guerre, & ceux qui prenoient d'eux les fiefs, s'appelloient les Vassaux du Roy ou d'eux. Mais depuis ces vassaux ont donné des fiefs, & de là sont venus les seigneurs Chastellains, & autres qui ne sont ny Ducs, ny Marquis, ny Contes, ny Barons. Depuis les Archeuesques, Euesques, Abbez & Abbeses, & autres personnes Ecclesiastiques ont donné les fiefs.

*Ecclesiastiques don-
nent fief.*

Nous auons dit que les Ducs, Marquis & Contes, s'appelloient les Cappitaines du Roy & du Royaume. Ceux qui tenoient les fiefs d'eux, s'appeloient Vassaux, & ceux qui les tenoient desdicts vassaux, s'appelloient les moindres vassaux.

*Les Roys
s'emparent
des terres
tombees en
quenouille.*

Iadis en France & encores aujourdhuy en quelques lieux & maisons, les filles ne succedent point, & nos Roys de France, & plusieurs Princes de la Gaule s'emparoiēt des Estats de leurs subiects, quād ils venoient à tomber en femelle. Quand Guillaume Duc d'Aquitaine, & Conte de Poiçtou mourut, laissant vne seule fille nommee Leonor, Loys Roy de France dit le leune, s'empara desdicts Duché & Conté par droit de fief, disant qu'ils ne pouuoient venir de lance en quenouille. Mais pour oster ce differend, il espousa ladiçte Leonor, laquelle puis après il repudia, & pour cela il ne retint lesdicts Duché & Conté, ains permit que ladiçte Leonor repudiee, se remariant à Henry Roy d'Angleterre, s'en emparast.

*Faulte du
Roy Loys le
leune.*

Aussi nos Roys se fondans sur cest article qui dit,

que le Vassal mourant sans legitime successeur, le fief retourne au Seigneur, ont bien sceu en faire leur profit. Car lors que les guerres Sainctes ont fait mourir plusieurs seigneurs qui n'auoient ny fils ny frere, ains seulement des filles ou des sœurs, les Roys disans que les fiefs des deffuncts ne pouuoient venir ausdictes filles ou sœurs, cōme à illegitimes heritiers, s'emparoyent desdits fiefs, & de là sont venues à la Courōne tant de pcurites Barōnies, Villes, Chastellenies, & fiefs qui y sont.

Profit venu aux Roys des guerres saintes.

Cōment sont venues les seigneuries à la Courōne.

Il y a en France difference de dire tenir fiefs d'un Seigneur, ou tenir en fief de luy. Le Fief cōsiste en investiture, qui proprement s'appelle possession, de laquelle nostre intentiō ny nostre subiect ne permet de parler, d'autant que c'est vn poinct de droit, & nous suffira d'auoir seulement parlē de l'introduction des fiefs, & de plusieurs choses qui appartiennēt à iceux, sans venir à plusieurs autres points qui ne conuiennēt aucunement à nostre matiere.

En quoy cōsiste le fief.

Après auoir longuement parlē des fiefs, matiere tresdifficile & pleine de Loix & de Coustumes, qui a fait escrire tant de gros liures aux Docteurs, nous viendrons à parler de l'Institution & Reglement des finances fait par nos Roys, lequel ils feirēt pour l'entretienement de leur grandeur & Maiestē, & pour les frais necessaires des choses qui appartiennent à la cōseruation du Royaume.

Institution des finances.

La premiere fontaine de leurs Finances a estē leur Domaine, duquel ils se sont longuement contentez.

Domaine.

*Les anciens
Rois n'a-
noient ny
domaine ny
Tailles.*

Bien est vray qu'en la race des premiers Roys, il n'y auoit ny Domaine, ny Tailles, ains les Roys estoient aux guerres, secourus de la personne des gés de guerre, & prenoient sur le menu peuple, & quelque fois mesme sur les gens d'Eglise, autant d'argent qu'ils en auoient besoing, pour le soustenement de leurs guerres. Depuis, la race de Charles le Grand, donnant les terres à fief, comme nous auons dit, institua le Domaine duquel ils se contentoient: mais comme les affaires sont venus à croistre, ou la licence des Roys à s'enfler, ou la bonté & patience du peuple à tout endurer, les Roys ont institué les Tailles, les Aydes, Gabelles, Huittiesme, Impositiō de douze deniers pour liure, l'Imposition foraine, Traittes, Equiualeus, Octrois, Garnisons, Fortifications, Tributs de vin, Auitaillemens, Emprunts, Solde de cinquāte mille hommes, & infinies autres.

*En quoy cō-
siste le do-
maine.*

Le Domaine est ce qui prouient des terres & seigneuries dependantes de la Couronne, consistant en censiuēs & rentes, & autres droicts qui depuis y ont esté ioints, comme le Dace & Tribut qui est payé des marchandises qu'on porte aux villes & qu'on en tire, & les Reliefs, Quints, & Requints, qui sont droits seigneuriaux deuz au Roy, à cause des fiefs tenus & mouuans de luy, & se payent és mutations de ceux qui tiennent lesdits fiefs, soit par mort ou autrement, selon la coustume des pays. Semblablement sous le Domaine du Roy est comprinsē la Regale, qui est vn droit qu'ont

*Le droit de
Regale.*

qu'ont les Roys sur certains Archeuesques & Euesques de leur Royaume, qui ne luy ont encor faict le sermēt de fidelité. Lesdictes Archeueschez sont celles de Tours, Sēs, Bourges, & Lyō: & les Eueschez celles de Laon, Soissons, Chaalons sur Marne, Tournay, Terrouenne, Amiens, Noyon, Senlis, Beauuais, Arras, Paris, Chartres, Orleans, Neuers, Auxerre, Troyes, Meaux, Angers, Le Mans, Clermont en Auuergne, Sainct Flour, Tulles, Castres, Cahors, le Puy, Authun, Chaalon sur la Saone, Bayeux, Lisieux, Evreux, Seés, Avranches, & Coustances. Aussi le Domaine cōprend toutes espaues, & biens des gens estrangers nez hors du Royaume, s'ils n'ont lettres de naturalité, & d'enfans nez hors mariage, s'ils n'ont lettre de legitimatiō, *Aubeine.* ce qui s'appelle Aubeine.

Or depuis le Domaine qui bastoit à suffisance à la despence des Roys, ils ont institué les autres subsides, entre lesquels furent les Tailles, qui au cōmencement ne se leuoient que pour vrgente necessité des guerres, & de l'octroy des gens des trois Estats: car elles estoient ordonnees & leuees pour le payement & solde de la gendarmerie, & pour le temps seulmēt que les guerres duroient, comme il fut conclud l'an 1338, par les gens des trois Estats, en la presence du Roy Philippes de Valois, suiuant les priuileges de Loys Hutin Roy de France & de Nauarre, qu'on ne pourroit imposer ny leuer taille, ou autre imposition en France, sans vrgente necessité, & sans la permission desdicts Estats. *Institution des Tailles.* *A quoy estoient employez les Tailles.* *Les Tailles ne se leuoient que pour vrgente necessité.*

Mais la coustume est venuë que ce qui estoit accordé par grace, est depuis venu patrimonial & hereditaire aux Roys, & ordinaire, sans faire distinction de guerre ny de paix: & ne se sont contentez desdictes Tailles, mais peu à peu ont mis sur le dos du pauvre peuple, les impositions susdictes, desquelles ayât esté abusé par les ministres des Roys, plusieurs grosses seditions s'en sont esmeuës, & depuis on a mis Taille sur Taille, & Imposition sur Imposition.

Or estant les Tailles reduites en ordinaire, elles ne se payent que par le tiers & cōmun Estat, & par les habitans des villages & villes, qui ne sont franchises. C'est vne charge qui est imposée sur tous indistinctement, sinon qu'ils soient fondez en priuilege d'exemption, par speciale grace & benefice du Prince, comme ceux desquels nous parlerons cy après. La Loy fait distinction des Tailles, pource que les vnes sont Personnelles, les autres Reelles, & les autres Mixtes. Les Personnelles s'entendent de la personne roturiere & taillable. Les Reelles ne sont point en vſage qu'aux pays de Prouence & de Languedoc. Les mixtes sont celles que nous payons aujourdhuy, lesquelles sont imposées au lieu du domicile, ayant esgard à tous les biens du taillable, en quelque part qu'ils soient assis & posez.

Plusieurs sortes & conditions de personnes sont exemptes de Taille, comme les gens d'Eglise, pourueu qu'ils vivent clericalement, & sans deroger a la

*Ceux qui
payent Tail
les.*

*Distinction
des Tailles.*

*Tailles per
sonnelles,
reelles &
mixtes.*

*Qui sont ex
emptes de
la Taille.*

vie, & condition digne de l'Estat Ecclesiastique. Car fils vouloient traffiquer, negotier, marchander, tenir fermes & assences, & s'ils tiennent des biens & possessions roturieres en leurs mains, en ce cas il ne iouiroient de leurs priuileges, & seroient taillables.

Les Nobles sont aussi exempts de la Taille, pour raison de leurs biens immeubles, en quelque façon qu'ils fussent acquis, tant qu'ils les tiendront en leurs mains. Toutesfois il y a en France deux sortes de Nobles, les vns qui le sont de l'origine, les autres par accident. De ceste espece d'accident, sont les officiers domestiques de la maison & Couronne de France, tant ceux des Roys & Roynes, que des fils, filles, freres, & sœurs desdits Roys. Mais s'ils negotient ou traffiquent, ils perdent leur priuilege: toutesfois il y a certains cas auxquels la negotiation & trafficq est toleré aux Nobles, comme des fructs & reuenus estans de leur creu, & autres qui se peuuent amasser du mesnage. Aussi le Noble ne paye point Taille pour le bien par luy acquis en roture, ny pour le bien roturier, qui de succession luy est venu par la mort d'un autre roturier: mais leurs mestayers & ceux des Ecclesiastiques sont Taillables.

Nobles exempts de la Taille.

Deux sortes de Nobles.

Auquel cas le Trafficq est permis.

Outre les officiers ordinaires & commensaux des Roys, Roynes, fils, filles, freres, & sœurs des Roys, il y a plusieurs autres personnes qui iouissent de pareils priuileges par ordonnances particulieres. C'est à sçauoir, les gens de guerre, & du corps de la gendarme.

Exempts des Tailles.

rie, comme Cappitaines, Lieutenans, Cornettes, Guydons, Mareſchaux des logis, Gensdarmes, Archiers, Fourriers, & autres Officiers des cōpagnies, Preuoſts des Mareſchaux, leurs Lieutenans & Archers, payeurs des Compagnies, Commiſſaires & Cōtrerolleurs des guerres, Contrerolleur general, & autres officiers de l'artillerie, Monnoyeurs, Secretaires du Roy, les Mortes-payes, les Recteurs des vniuerſitez, Docteurs, Regens és vniuerſitez, Principaux des colleges, Scribes, Bedeaux, Eſcolliers aétuellemēt eſtudians, Medecins, Preſidens, & Conſeillers, Procureurs, Aduocats, Greffiers, Huiſſiers des Cours ſouueraines, & autres leurs officiers. Pareillement tous officiers de iudicature, comme Lieutenāſ generaux & particuliers, leurs Cōſeillers, Greffiers, & autres du corps, eſtoient exempts, toutesſois ils en payent comme les autres. Auſſi les Conſuls des villes eſtoient francs & exempts, mais aujourdhuy ils payent, hormis les Capitouls de Thoulouſe, qui ſont exempts de tous ſubſides durant l'annee de leur Capitolat.

*Capitouls
de Thoulouſe.*

*Institution
des Aides.*

Les Aides ont eſté miſes ſus, au temps du Roy Iean, non en couſtume ordinaire, mais pour l'extreme neceſſité des affaires, & pour aider le Roy en iceux, cōme le nom le porte. Car lediēt Roy eſtant priſonnier en Angleterre, le Daulphin Charles ſon fils, Duc de Normandie, Regent au Royaume, fit aſſembler à Paris les trois Eſtats, auſquels après auoir remonſtré en la preſence de ſon grand Conſeil, la neceſſité des affai-

res du Royaume, & la detention de la personne du Roy son pere, prisonnier en Angleterre, il pria lesdicts trois Estats de le secourir & aider. Lesdicts Estats luy promettans de l'ayder, luy ottoierent l'imposition de douze deniers pour liure, sur toutes les marchandises & denrees qui seroient vendues en ce Royaume, excepté sur le sel & sur le vin, & autres breu-
 uages: & appellerent ladicte impositiō, Les Aydes, du verbe Ayder, qui ne fut accordee que pour le temps seulement, mais depuis elle s'est faicte perpetuelle, & augmentee par l'imposition du vingtiesme & huitiesme du vin vendu en gros, & du huitiesme ou quatriesme, comme en Normandie, du vin vendu en detail, & ce qu'on prend sur les autres marchandises, par impositions foraines, avec l'imposition mise sur le sel qui se vend aux greniers. L'augmentation desdictes Aydes mise sur le sel, sur le bestiail, & sur autres denrees, a engendré plusieurs grandes seditions en France.

Sur quoy se prennent les Aides.

Aides mises pour quelque temps.

Seditions pour les Aides.

Depuis l'institutiō du Domaine, des Tailles & des Aydes, les Roys ont mis plusieurs autres exactions ordinaires cy dessus specifiees, puis selon la necessité du temps & de leurs affaires, en ont imposé d'extraordinaires.

Impositions ordinaires & extraordinaires.

Le Roy Philippes Auguste second du nom, voulant faire la guerre aux infidelles qui possedoient la terre Sainte, l'an 1188, assembla à Paris tous les Princes, Prelats, & Barons de son Royaume, par l'aduis &

*Diverses impositions faites par les Roys.
 Imposition du Roy Philippes Auguste.*

sols. Estant ledict Roy Iean prisonnier en Angleterre, les trois Estats assemblez à Paris, dirent au Daulphin son fils depuis Roy de France, qu'ils luy feroient vn dixiesme & demy par an, sur les Nobles & gens d'Eglise, & que les gens des bonnes villes, feroient pour cent feux, vn homme d'armes, ce qui reuiendroit à trente mille hommes d'armes, lesquels toutesfois ils payeroient par leurs mains: & pour ce faire fut ordonné que la gabelle du sel, & l'imposition du denier pour liure, seroit leuee sur toutes manieres de gens tât d'Eglise, Nobles, qu'autres. Peu de temps après lesdicts gens des trois Estats, s'estans rassemblez à Paris, comme ils auoient faict parauant, ordonnerent que les gens d'Eglise payeroient demy dixiesme pour vn an, & les villes fermées feroient pour septante & six feux, vn homme armé. Le Roy Charles le quint ayant faict à Paris conuocation des Prelats, Nobles, & bonnes villes de son Royaume, il luy fut par eux octroyé vne Ayde, c'est à sçauoir, l'imposition de douze deniers pour liure de toutes denrees vendues, la gabelle du sel, & quatre francs pour feués bonnes villes, & vn franc au plat pays, le quatriesme du vin vendu en broche, douze deniers parisis pour queuë de vin François qui entreroit à Paris, & vingt quatre sols pour queuë de vin de Bourgongne. Le Roy François premier estant prisonnier en Espagne, fit prier les Ecclesiastiques, les Nobles, & les villes Royales & franchises de son Royaume, de le secourir pour sa deliurance.

*Ottroy des
trois Estats
au Roy Iea.*

*Imposition
sur l'Eglise.*

*L'impositiō
de douze
deniers
pour liure.*

*Autres im-
positions.*

seurs auoient grandement & honnorablemēt vescu, & aussi l'argent qu'il auoit eu des dismes & des annuels des benefices, & des gens d'Eglise qu'il auoit leuez, & les biēs des confiscatiōs des Lōbards, des Iuifs, & des vsuriers, dont il estoit grandement à blasmer. Outre disoit le peuple, que ceux qui estoient autour de luy en auoient emboursé les deniers, & qu'il leur falloit faire leur procès. Durant la prison du Roy Iean en Angleterre, Charles son fils aîné Daulphin, & depuis Roy de France, cinquiesme du nom, esmeu d'un zeile & d'une louable charité, pour le recouurement de la personne de son pere, & du repos de ce Royaume, vint à Paris, là où il fit assembler les plus notables hommes de la France des trois Estats, pour aduiser à l'un & à l'autre poinct, & au maniement & reglement des affaires, d'entre lesquels cinquante des plus apparens furent esleus, pour dresser les articles des choses qu'ils estimoient estre les plus necessaires. Eux estās separez de tous les autres, se retirerēt aux Cordeliers, là où premierement ils dresserent des memoires, & des articles du reglement des finances, puis des autres affaires: & se deffias du ieune aage du Daulphin, le supplierent de leur iurer, de ne reueler point ce qu'ils luy diroient. Il leur respondit qu'il ne iureroit point, & que sa qualité & la Maiefté de son nom, ne permettoit de l'obliger à aucun serment, & leur commanda par la puissance qui naturellement luy estoit donnee, comme à heritier presumptif de la Couronne, de luy

*Requeste
du peuple.*

*Memoires
dresser par
les gens des
trois Estats.*

*Accusation
contre les
Courtisans.*

dire ce qu'ils auoient dedans l'estomach. Ils luy remōstrerent qu'il auoit pres de luy certains Courtisans, qui s'estoient enrichis des deniers leuez sur le peuple, & que plusieurs Tresoriers, Maistres des comptes, & des monnoyes qui auoient esté du temps de son pere, auoient mal administré les deniers des finances, & requeroient que commission fust decernée à l'encōtre d'eux, pour leur faire leur procès, asseurans ledict Daulphin que de leur cōdamnation il se pourroit tirer assez d'argent pour subuenir aux affaires du Royaume. Le supplierent aussi de changer tous Officiers pour leurs maluersations, mesmement ceux cy, messire Pierre de la Forest, Archeuesque de Rouen, Chancelier de France : messire Simon de Bray Cheualier, Conseiller au grand Conseil du Roy, & premier President au Parlement: messire Robert de Lorris, cheualier premier Chambellan du Roy : messire Nicole de Braque Cheualier, Tresorier de France & Maistre des Comptes : Enguerrand du petit Celier bourgeois de Paris, Tresorier de France: Iean de Pouleuillain general des mōnoyes: Iean Chauueau Tresorier des guerres, & autres. Que le Roy de Nauarre qui lors estoit en prison, seroit mis hors. D'auantage ils requirēt que l'Eglise, la Noblesse, & le peuple chacun à part soy, esliroit six hommes des plus hōnorables d'entreux, qui estoient en tout dixhuiet, par le Conseil desquels sa ieunesse seroit gouuernée. Plusieurs autres remonstrances & demandes furent faictes à ce ieune Prince,

*Noms de
quelques
particuliers
accusēz de
peculats.*

lesquelles luy semblerent non apporter secours, mais imposer Loix, prescrire vne nouuelle forme de gouuernement, & donner aux seditieux vn chef puissant & temeraire. Toutesfois pource que ce n'estoit pas la saison de repliquer, il dissimula pour l'heure ce qu'il en pensoit, & ne fit autre chose sinon que doucemēt il rompit l'entreprise & les desseings, & conseils de ces Cinquante hommes, leur cōmandant de venir à certain iour qu'il leur assigna en la Cour de Parlemēt, là où il se trouueroit, pour pouruoir à leurs demandes, ainsi que par son Cōseil il verroit estre à faire par raison. Mais ce iour là estant venu, le Daulphin faignant auoir receu d'Angleterre quelques lettres de son pere, cōtenans quelques affaires, ausquelles il falloit promptement respōdre, rompit pour ce iour ceste menec. Et comme puis après il la tira en lōgueur, il la fit euanouir, & les Cinquante hommes se fachans de leur longue demeure, & de leurs remises & dilations, se retirerent en leurs maisons. Quelque moys après, lesdicts Estats estās derechef rassemblez à Paris, remirēt sus ces Remonstrāces, disans les fināces auoir esté mal administrees par quatorze des plus grāds de la Cour qu'ils nōmerēt, & supplierēt ledit Daulphin de les priuer dès l'heure presente, de leurs Estats, disans ne pouuoir plus souffrir ny endurer leur gouuernement. Outre ce requierent que tous les Officiers du Royaume, fussent suspendus, & que reformateurs tels qu'ils nommeroiēt, fussent enuoyez par tout le Roy-

*Demandes
haultes des
trois Estats.*

*Plainte sur
le mauuais
maniere
des fināces.*

*suspension
d'officiers.*

*sedition du
peuple de
Paris.*

*sedition de
Montpellier.*

aume, pour enquerir & informer des abus qui s'y faisoient, & plusieurs autres requestes furent faictes. Le Dauphin voyant ne pouuoir auoir secours d'eux qu'à ceste condition, leur ottroya toutes leurs requestes, & furent les dessus nommez priez de leurs offices, & tous les officiers du Royaume suspendus. Ce fut vn estrange remuement, qui cuida apporter vn grand trouble à la France, assez affligée d'ailleurs. Après cela ceux de Paris ne pouuans supporter les impositions & greuances qu'on leur mettoit sus, s'esleuerent & firent plusieurs meurtres, mesmes en la chambre dudit Dauphin tuerent deux Mareschaux de France, l'un de Clermont, l'autre de Conflans: si grande estoit la rage du peuple qui procedoit des charges dont il estoit greué. Quelques annes après au temps du Roy Charles le quint, ceux de Montpellier se rebellerent contre les officiers du Roy, & de Loys Duc d'Anjou frere du Roy, & Gouverneur de Languedoc, pour ce qu'on leur demandoit grosse somme de deniers, & y eut en ladicte ville si grande emotion, qu'ils tuerent le Chancelier dudit Duc, nommé Jacques Pointel, messire Guy de Scery Seneschal de Rouergue, Arnault du Lau Gouverneur de Montpellier, & plusieurs autres, iusques au nombre de quatre vingt personnes, puis ietterent leurs corps dās les puy. Aussi en furent ils griefuement punis: mais ce pendant ils firent ceste folie, à laquelle ils furent poussez par les exactions insupportables qu'on leur mettoit sus. Au

temps du Roy Charles sixiesme, fils de Charles le quint, nouuelles Aydes furent imposees sur le peuple de Paris. Ce qui le fit esmouuoir, & pour euitier plus grands inconueniens, il luy fut accordé, comme par force, qu'on ne les leueroit plus : dequoy tât s'en faut qu'il se contentast, qu'au contraire il s'esmeut, & courut par la ville, rompant les maisons, comptours, & boistes des fermiers desdictes Aydes, iettant leur argent, biens & papiers par les rues, & emporta tout leur or & argent, vaisselle, ioyaux, robbes, obligatiōs, & autres biens, & en tua aucuns. Quelques anneés après Loys Duc d'Anjou oncle du Roy, & les autres seigneurs qui estoient au tour de luy, le gouuernans, voulurent de rechef mettre sus, certaines Aydes à Paris & ailleurs : mais le peuple ne leur voulut obeir, quelque remonstrance que leur fissent messire Pierre de Villiers, & Iean des Marais, qui estoient fort en la grace du peuple de Paris : & de fait furent les fermes desdictes Aydes baillees & liurees au plus offrant, & baillez mandemens & commissions aux fermiers pour les leuer. Ce qui fit esmouuoir en armes plusieurs marchans & menus gens de la ville de Paris, & firent rendre les chaines de ladiete ville, fermerent les portes, & allerent par toutes les maisons de ceux qu'ils scauoient auoir prins lesdictes fermes, tuerent ceux qu'ils peurent trouuer, brusterent leurs papiers, pillerent, & despecerent leur maisons, & defoncerent les vins parmy les caues. Il y eut vn desdicts fermiers qui

*Nouuelles
Aides impo-
sees.*

*Esmotion à
Paris.*

*Village du
peuple de
Paris.*

*Autres Ay-
des impo-
sees.*

*Fureur du
peuple.*

eschappa, & s'en alla en l'Eglise sainct Iacques de la boucherie pour estre en franchise, mais ce nonobstant le peuple y alla en grand fureur, & fut lediēt fermier prins sur le grand autel, tenant l'image nostre dame entre les bras, criāt mercy, toutesfois il fut tué.

*Rage du
peuple.*

Le peuple alla puis après au Chastelet, rōpit les prisons & mit tous les prisonniers dehors. Il en fit autant par toutes les autres prisons, & principalement alla à celles de l'Euesque de Paris, lesquelles il rompit & mit hors tous les prisonniers qui y estoient, entre les-

*Hugues Aubriot mis
hors de prison,*

quels fut trouué Hugues Aubriot Preuost de Paris, qui pour plusieurs cas à luy mis sus, auoit esté condāné à perpetuelle prison, & le pria le peuple d'estre son Capitaine. Ce qu'il luy accorda, & fut avec le peuple tout ce iour, & la nuit ensuiuant, luy voyant le grand tumulte qui estoit à Paris, & le danger qui y

*Sagesse de
Aubriot.*

estoit, se partit secrettement, & s'en alla à Dijon, dōt il estoit natif. Semblablement la mesme nuit l'Euesque de Paris, les officiers du Roy, & les plus gens de bien de la ville s'absenterent, & en emporterent secrettement de leurs biens, ce qu'ils peurent. Le lende-

*Nouvelle fu
reur de pen-
ple.*

main matin le Populaire se rassembla en grand fureur, & alla en l'hostel de la ville où il entra par force, print tous les habillemens de guerre qu'il y trouua, & principalement grande quantité de Maillets de plomb, que lediēt Hugues Aubriot luy estant Preuost de Paris, auoit fait faire, de quels Maillets on appella ladiēt as-

*Assemblée des
Maillotins.*

semblee, l'assemblée des Maillotins. En mesme saison,

sefleua à Rouen, & à Orleans, vne sedition pour pareille cause que celle de Paris, laquelle fut appaisée par la prouidence du Roy : mais quelques Seigneurs qui estoient autour de luy, & qui ne tendoient qu'à mettre sus les Aides, affin qu'ils en peussent mieux faire leurs besongnes, firent assembler les gens des trois Estats à Paris. Et quand ils furent assemblez, maistre Arnauld de Corbie premier President en Parlement, leur remonstra les grandes charges que le Roy auoit à supporter, qui ne se pourroient conduire sans leuer Ayde sur le peuple, à ceste cause il requeroit qu'on n'empeschast point que lesdictes Aydes ne fussent leuees : mais quand les deleguez des villes eurent ouye ladiète proposition, ils parlerent ensemble, & pour toute responce, ils dirent qu'ils n'auoient puissance ny charge, sinon d'ouyr ce qu'on leur vouldroit dire, & de le rapporter. Si leur fut ordonné que dedans certain iour, ils en fissent sçauoir la responce à Ponthoise : mais ce pendant le bruiet desdictes Aydes, fit esmouuoir au Royaume de grands maux, esmotions & tumultes.

*Sedition à
Rouen & à
Orleans.*

*Imposition
d'Aydes.*

*Demande
des Aydes.*

*Seditiōs par
la France.*

Il est bien important & necessaire, parlant de l'Estat des affaires de la France, de dire comment & par quel droit sont venues à la Courōne les pieces des Duchez & Contez qui y sont : & en cela nous commencerons par le Duché d'Anjou, qui estoit premierement Cōté. Ce qui se peut dire de plus ancien & de plus veritable d'iceluy, est qu'enuiron l'an 870, Robert Prince

*Par quel
droit sont à
la Couronne
tant de Du-
chez & Cō-
tez.*

*Robert Sa-
xõ premier
Conte d'An-
jou.*

Saxon, & chef d'une bonne troupe de Saxons, vint en Frãce à la folde & seruice du Roy Charles le Chauue, & fut tué en vne bataille contre les Normans l'an 878. Il fut le premier Conte dudit pays, plus authorisé & noté par les hystoires, duquel est descendue la race des Roys de France, qui dure iusques à ce iourd'hui, car il estoit pere d'Eudes, qui fut Roy de France, & de ce Robert qui querellant le Royaume de Frãce contre Charles le Simple, fut tué pres de Soissons.

*Les Roys de
France ve-
nu de la
maison d'An-
jou.*

Lequel Robert estoit pere de Hues le Grand, Conte de Paris & d'Angers, qui fut pere de Hues Capet, qui se fit Roy de France. Ledit premier Robert eut le susdict Eudes, qui fut Roy de France, & le susdict Robert : & ledit Robert eut le susdict Hues : & ledit Hues qui fut surnommé le Grand, après la mort de son pere, renouelant la querelle de ce Royaume in-

*Le Conté
d'Anjou dõ
né à Geof-
froy Grisfe-
gonnelle.*

tentee par son pere, donna ledit Conté d'Anjou à Geoffroy Grisegonnelle hardy & vaillant Cheualier, à la charge que ledit Geoffroy le secourroit d'hommes, d'argent & de tous ses autres moyens, au recouurement dudit Royaume. Mais ie croy que luy donner le Conté d'Anjou, c'estoit luy donner le gouuer-

*Les Ducs
et Contes
Gouuer-
neurs.*

nement d'Anjou, comme nous auõs dit que ce nom de Conte estoit pour Gouuerneur, toutesfois les Cõtes estoient gouuerneurs des villes, & les Ducs des pays. Or la race dudit Geoffroy, d'autant que lors les gouuernemens estoient presques hereditaires, s'empara en propriétaire dudit Conté, à l'exemple de

Hues

Hues Capet, comme il a esté dit cy dessus.

Pour retourner au Côté d'Anjou, ledi&t Geoffroy Grifegonnelle, eut vn fils nômé Fouques premier du nom, qui alla au saint Sepulchre, suiuy seulement de deux vallers, par l'un desquels il se fit fouetter pres iceluy, & par l'autre mettre vne corde au col, & tirer. *Penitence de Fouques Côté d'Anjou.*

Fouques eut vn fils nommé Geoffroy, surnommé Martel, à cause de ses admirables forces, qui n'ayant aucuns enfans, laissa à l'un de ses nepueus Geoffroy surnommé le Barbu, le Conté d'Anjou, & ledi&t Barbu mourût sans hoirs, Fouques deuxiesme du nom, surnômé Rechin, ou le Rude, frere du susdi&t Geoffroy, fut Conte d'Anjou, & eut deux fils Geoffroy & Fouques, qui l'un après l'autre furent Contes d'Anjou, & fut pareillemēt ledi&t Fouques Roy de Hierusalem. *Fouques Roy de Hierusalem.*

Dudi&t Fouques vint Geoffroy cinquieme du nom, qui espousa Mahaut fille de Henry premier du nom Roy d'Angleterre, Duc de Normandie: & de leur mariage nasquit Henry qui fut Roy d'Angleterre, Duc de Normandie & de Guyenne, Conte d'Anjou, de *Côtés d'Anjou Roys d'Angleterre.*

Touraine, & du Maine. De Henry & de Leonor Duchesse d'Aquitaine, parauant repudicee par Loys le Jeune ou le Piteux Roy de France, nasquirent plusieurs enfans, Henry qui fut Roy d'Angleterre & Duc de Normandie, Richard qui fut aussi le mesme après la mort de son frere, Geoffroy sixiesme du nom qui fut Conte d'Anjou, & de par sa femme Duc de Bretagne, & Iean qui fut Roy d'Angleterre & Duc de Nor-

Leonor Duchesse de Guyenne.

*Parricide
d'oncle à
nepueu.*

*Confiscatio
de terres.*

*Par quel
droit l'An-
jou vint à
la Couronne.*

*Charles frere
de saint
Loys Conte
d'Anjou.*

mādic. Geoffroy mourut deuant son frere Richard, & mourāt laissa enceinte sa fēme Cōstāce Cōtēsse de Bretagne, laquelle quelques mois après la mort de son mary, acoucha d'un fils nommé Artus, qui par le droit de son pere deuoit succeder au Royaume d'Angleterre, par la mort de Richard Cœur-de-Lyon son oncle paternel, mais Jean son autre oncle paternel, oubliant toute charité & proximité du sang, mit à mort sondict nepueu, & le ietta dedans vn puy. A cause dequoy Philippes Auguste Roy de France se saisit de toutes les terres que le Roy Anglois tenoit en hommage & hief d'icelle, comme la Normandie, Guyenne, Anjou, Touraine, Poictou, & le Maine, à luy appartenantes, & confisquées à ladiēte Courōne par crime de felonnie: & ainsi vint ledict pays & Côté d'Anjou à la Couronne. Quelques annees après le Roy saint Loys donna les Contez d'Anjou & du Maine à Charles son frere, qui fut depuis Roy de Sicile & de Naples, & Conte de Prouēce, & créé Senateur de Rome par le Pape Vrbain l'an 1264. Charles eut vn fils nommé Charles comme luy, lequel entre autres enfans eut vne fille qui fut mariee à Charles Conte de Valois frere du Roy Philippes le Bel, & pere du Roy Philippes de Valois. Ladiēte fille fut dotee des Cōtez d'Anjou & du Maine, moyennāt ce que ledict Charles son mary quitta audict Charles pere de la fille, le droit par elle pretendu aux Royaumes d'Aragon & de Valence. Ledit Charles Conte de Valois & d'An-

jou, donna à son second fils nommé Loys, ledi&t Côté d'Anjou, mais mourant ledi&t Loys sans enfans, le Conté d'Anjou vint à Philippes de Valois Roy de France son frere aîné. Philippes de Valois eut Iean Roy de France, & Iean donna au second de ses enfans nommé Loys, les Côtez d'Anjou & du Maine, & erigea Anjou en Duché. De ce Loys vint vn autre Loys, qui eut aussi vn Loys qui mourut sans enfans, & René qui fut Duc d'Anjou, & Conte du Maine, & puis Roy de Sicile, comme son pere & son grand pere, & par sa mort lesdi&ts Duché & Conté reuindrent à la Couronne, par le droit de reuerfion des Apannages. Et depuis quelques annees, Monseigneur Henry fils du Roy Henry & frere du Roy à present regnant, a eue ledi&t Duché pour partie de son Apannage.

*Loys fils du
Roy Iean
premier
Duc d'An-
jou.
Genealogie
des Ducs
d'Anjou.*

*Le Duché
d'Anjou re-
uint à la
Couronne.*

*Reuerfio de
Apannage.*

Normâdie.

Les Duchez de Normandie & de Guyenne, & les Contez de Poi&tou, de Touraine & du Maine, vindrent à la Couronne par mefme moyen que ledi&t Duché d'Anjou. Et pour parler premierelement de la Normandie, elle auoit iadis nom Neuftrie, mais enuiron l'an 912, Rholon ou Rou, Prince & conducteur des Normâs Danois peuple de Dannemarch des parties Septentrionales, enuahit ladi&te Neuftrie, & par alliance faicte avec Charles le Simple, non toutesfois par mariage (comme difent aucuns) dudi&t Rholon, à Gillette fille dudi&t Simple (comme dit Paul Emile) ains par moyen de paix & fin de guerre entre eux, fut laiffé paifible Seigneur d'icelle, & du nô de son peu-

*Normandie
iadis Neu-
ftrie.*

*Le nom de
Normandie.*

ple l'appela Normandie. Son fils Guillaume luy succeda, qui tint fort & ferme le party de Hues le Grand, Conte de Paris pere de Hues Capet, contre Loys d'Outremer, & laissa vn fils qui eut nom Richard surnommé sans peur, qui fauorisa le party de Hues Capet contre Charles Roy d'Austrasie. Richard entre autres enfans eut Richard deuxiesme du nom, qui secourut grandemēt le Roy Robert fils de Capet cōtre quelques Seigneurs qui s'estoiēt rebellez contre luy: & eut deux fils, dōt l'aîné fut nommé Richard troisieme du nom, qui avec grosse puissance accompagna le Roy Robert de France à son voyage de Bourgogne, contre Landri Conte de Neuers, qui s'intituloit Duc dudiēt pays: le second fils fut Robert surnommé le Liberal, qui fut Duc après son pere, & mourut sans hoirs masles. Il est taxé par quelques vns d'auoir faict empoisonner son frere Richard, pour auoir le Duché: & s'en allant au voyage de Hierusalem, il supplia le Roy Henry de France, de vouloir inuestir du Duché de Normandie son fils Bastard Guillaume, surnommé le Conquerant, s'il aduenoit qu'il mourust en ce voyage. Ce que Henry fit, & mit après la mort de Robert, lediēt Bastard en possession du Duché: lequel puis après conquist le Royaume d'Angleterre, & mourant laissa quatre fils, Robert qui fut Duc de Normandie, Richard qui mourut ieune, Guillaume qui fut Roy d'Angleterre, & Henry qui fut Roy d'Angleterre. Robert l'aîné estant Duc de Nor-

*Guillaume
le cōquerant.*

*Cōqueste de
l'Angleterre*

mandie, se croisa au voyage de Godeffroy de Buillon en la terre Saincte. Il laissa vn fils nommé Guillaume, qui fut priué de son Estat par Henry premier de ce nom Roy d'Angleterre son oncle paternel. Henry eut deux fils qui moururent deuant luy, & vne fille nommee Mahaut, qui fut en secondes nopces mariee à Geoffroy Conte d'Anjou. Mais après la mort dudit Henry, Estienne Conte de Boulongne & de Mortaigne, fils d'Estienne Conte de Blois, & d'Aelis fille de Guillaume le Conquerant, sœur du susdict Henry, s'empara dudit Duché de Normandie, de laquelle il iouit vn temps, & se fit couronner Roy d'Angleterre, au preiudice de Mahaut vniue fille de Henry, laquelle neantmoins par force d'armes, l'amena à telle raison, que par appoinctement faict entre eux, la couronne d'Angleterre ne luy demeura que pour le reste de ses iours, & ceda ledict Henry le Duché de Normandie, à Henry fils de Mahaut: lequel par ceste cession iouit dudit Duché, & fut pareillement Conte d'Anjou, de Touraine, & du Maine, de par Geoffroy son pere, & Duc de Guyenne & Conte de Poictou, à cause de Leonor sa femme, sepudicee par le Roy Loys le Jeune. Il eut quatre fils, Héry Roy d'Angleterre & Duc de Normandie après luy, Richard Roy d'Angleterre & Duc de Normandie après Henry son frere, Geoffroy qui espousa la Contesse de Bretagne, dont yssit Arthus, que Iean Roy d'Angleterre son oncle fit mourir, & ledict Iean qui fut aussi

Royne d'Angleterre mariee au Conte d'Anjou.

Differend sur le Royaume d'Angleterre.

Roy d'Angleterre Duc & Conte en France.

Roy d'Angleterre & Duc de Normandie. Doncques Henry fils aîné de Henry deuxiesme, mourant sans hoirs, Richard son frere, surnommé Cœur de Lyon luy succeda au Royaume & au Duché: & mourant pareillement sans hoirs, Iean, surnommé Sans-terre, usurpa lesdicts Estats sur Artus Côte de Bretagne son nepueu, fils de Geoffroy son frere, & fit mourir cruellemēt lediēt Artus. Dont à cause de ceste enormité & felonnie, le Roy Philippes Auguste le priua de toutes les terres qu'il tenoit en hōmage & fief de la Couronne de Frâce. Et par crime de felonnie reuindrēt à ladiēt Courōne les Duchez de Guyenne & de Normandie, & les Contez de Poictou, d'Anjou, de Touraine, & du Maine, cōme il a esté dit cy dessus. Ledit Duché de Normādie a esté depuis fort cōbattu entre les François & les Anglois: mais en fin Charles septiesme en chassa les Anglois, & après sa mort Loys vizieme donna lediēt Duché à Charles son frere, & peu après il luy fut osté, & incorporé à la Couronne.

L'oncle ravait les Estats à son nepueu, & le tua. Confiscatiō à la Couronne.

Duchez & Contez à la Couronne.

Aquitaine iadis Royaume.

L'Aquitaine estoit iadis Royaume du temps de Charles Martel, de Pepin son fils, & de Charles Magne, mais le Roy Charles le Chauue la reduisit en Duché, & la donna à Ranulphe son proche parent, qui avec Robert Conte d'Anjou fut tué pres de Soissons en la bataille donnée contre les Normans. Ranulphe mourant sans enfans, Guillaume Conte d'Auvergne son nepueu luy succeda: lequel pareillement decedāt sans enfans, laissa son heritier au Duché, Ebles Conte

de Poictou, qui eut vn fils nommé Ebles comme luy, auquel succeda Guillaume, & à Guillaume, vn autre Guillaume son fils, surnommé Teste destoupe: & à ce Guillaume, Guy son frere: & à Guy, Guillaume son fils: & à ce Guillaume vn autre Guillaume son fils, qui fut pere de Leonor, laquelle fut mariee en premieres noppes à Loys le Jeune, ou le Piteux, Roy de France, puis par luy repudiee, elle se remaria à Héry Roy d'Angleterre Duc de Normâdie, Côte d'Anjou, de Touraine, & du Maine. Elle dôc estât Duchesse d'Aquitaine, & Contesse de Poictou, porta à la Courône d'Angleterre, ces deux belles pieces, à raison desquelles tât de guerres se sont esmeues entre les deux Couronnes de Frâce & d'Angleterre. Du mariage de Henry & de Leonor, sortirent les enfans qui ont esté nommez au lieu ou nous auons parlé de la Normandie, & reuint lediê Duché au Roy Philippes Auguste, par la felonnie commise par Iean Roy d'Angleterre & Duc de Normandie & d'Aquitaine, en la personne d'Artus son nepueu, par le mesme droit que reuindrent le Duché de Normandie, & les Contez d'Anjou, de Touraine & du Maine. Iean eut vn fils nommé Henry, qui après son pere fut Roy d'Angleterre quatriesme de ce nom, & par solennel appoinctement faict en France, avec le Roy saint Loys, en l'an mil deux cens cinquante neuf, vne partie de l'Aquitaine luy fut laissée, qui fut nommée Guyène, & en fut faict Duc. Edward son fils premier du nom, surnommé aux longues lames,

Leonor Duchesse d'Aquitaine.

Guyène & Poictou aux Anglois.

Confiscatio à la Courōne.

Guyenne à la Courōne.

*Refus d'hô-
mage de la
Guyenne.*

*Guyène ga-
gnee par les
François.*

*Guyenne
rendue aux
Anglois.*

*Hommage
du Duché
de Guyène
au Roy.*

*L'Anglois
préd les ar-
moiries de
France.*

*Le Prince
de Galles.*

luy succeda au Royaume & audiēt Duché, & refusa de faire au Roy Philippes le Bel, hōmage de son Duché, & autres terres qu'il tenoit de luy, contreuenant à l'accord passé par Henry son pere, dont s'en ensuiuirent de grosses guerres en Guyenne, qui fut sur luy conquise, & remise entre les mains du Roy de France. Edward secōd du nom succeda à son pere au Royaume, non audiēt Duché, lequel il ne possèdoit au cōmencemēt de son regne, à cause que durant celuy de son pere, le Roy Philippes le Bel, l'auoit cōquis: mais peu de temps après lediēt Roy le luy rendit, moyennant l'hommage que lediēt Edward luy en fit, & le mariage fait de luy & d'Ysabel, fille dudiēt Roy Philippes. A cest Edward secōd du nō, succeda Edward troisiēsme du nom son fils Roy d'Angleterre, surnōmé de Windelifore, qui fit hommage solennellemēt de son Duché de Guyenne, entre les mains de Philippes de Valois, dans Amyens: fit de grandes & diuerses entreprises sur ce Royaume, où il vint plusieurs fois en personne à la poursuite de Robert d'Arthois: chargea sur ses armoiries celles de France, disant luy en appartenir la Couronne à cause d'Ysabel sa mere: gagna la bataille de Crecy, & print la ville de Calais. Il eut entre autres fils Edward Prince de Galles, Duc de Guyenne, qui mourant deuant son pere laissa Richard surnommé de Bordeaux, qui après la mort de son ayeul, fut Roy d'Angleterre & Duc de Guyenne, & donna lediēt Duché à Iean Duc de l'Enclastre son oncle.

oncle. Ce Iean eut vn fils nommé Henry, qui priua ce Richard de la Couronne d'Angleterre, & en fut Roy cinquième du nom, & fut Duc de Guyenne, & ne voulut obseruer les conuenances & deuoirs d'hommage enuers le Roy Charles sixiesme, dont furent saisies quelques siennes terres. Et ce Henry cinquième eut entre autres fils Henry sixiesme du nom, Roy d'Angleterre & Duc de Guyenne, qui conquesta vne partie de la Normandie, espousa Catherine de France, fille du Roy Charles sixiesme, & par ce mariage se fit reseruer la succession de la Couronne de France. Il laissa Henry septiesme du nom son fils, Roy d'Angleterre, qui vint en France, & s'en fit couronner Roy en la grande Eglise de Paris, & à la table de Marbre du Palais, & perdit tout ce qu'il auoit en France, mesme-ment la Guyenne, l'an mil quatre cens cinquâte trois, & reuint ledict Duché au Roy Charles septiesme. Le second fils duquel nommé Charles, l'eut pour Apanage, après auoir quitté la Normandie: & mourut à Bordeaux, ville capitale dudit Duché.

*Roy d'An-
gleterre pri-
ué de la
Couronne.*

*Roy d'An-
gleterre cou-
roné Roy de
France à Pa-
ris.*

*La Guyène
cōquisé par
les François.*

Ceux qui liront par quel droit sont venus à la Couronne les Duchez de Normandie, & de Guyenne, & le Conté d'Anjou, ils verront pareillement cōment les Contez de Touraine, Poictou, & le Maine y sont venus, pource qu'ils y vindrent par la felonnie de ce Iean Roy d'Angleterre Duc desdicts Duchez, & Conte desdicts Contez. Les terres duquel assises en France, furent saisies par le Roy Philippes Auguste.

*Touraine,
Poictou, &
le Maine.*

Berry.

Le Duché de Berry estoit parauant Côté, & la plus ancienne memoire qui se trouue des Contes d'iceluy, est de Harpin ou Herpin Côte de Berry, qui se croisa avec Godeffroy de Buillon, pour le voyage de la terre Sainte, & vedit au Roy Philippes premier, sa ville & son Côté de Bourges. Cōtract neātmoins (selon Paul Emile) plus honorable au vendeur qu'à l'achapteur. Depuis cest achapt, ce Conté de Berry ne partit d'entre les mains des Roys de Frâce, iusques au temps des Apannages donnez aux enfans du Roy Iean, le troisieme desquels nommé Iean, eut le Conté de Berry, qui fut erigé en Duché: & mourant ledict Iean sans hoirs masles, ledict Duché retourna à la Couronne, & depuis il a esté donné à madame Marguerite de France fille du grand Roy François.

*Berry erigé en Duché.**Berry à la Couronne.**Orléans iadis Royaume.*

Orleans estoit iadis vn Royaume, & a par plusieurs fois au temps de noz premiers Roys, esté donné à vn des enfans de France en tiltre de Royaume, qui s'estédoit bien loing: car il auoit sous luy la Bourgongne, le Daulphiné, & la Prouence iusques à la mer. Puis estans les noms des Royaumes supprimez, il fut annexé à la Courōne, dont il ne sortit qu'après la mort du Roy Philippes de Valois, qui le donna en tiltre de Duché pour Apannage à Philippes son second fils, qui mourut sans hoirs. Puis Charles le quint Roy de France, laissant deux fils Charles & Loys, ledict Loys eut le Duché d'Orleans, qui entre autres fils, eut Charles aussi Duc d'Orleans, qui fut pere de Loys Duc

Orléans en Duché.

d'Orleans, depuis Roy de France, surnommé Loys douzième. Le Roy François premier donna ce tiltre au second de ses enfans, premierement à Henry, depuis Daulphin, & puis Roy, puis à Charles qui mourut sans hoirs. Et le Roy qui est aujourdhuy, puis Mōseigneur son frere, ont porté ceste qualité. Ce qui a fait pēser quelques vns peu versez en l'histoire Françoisē, que ce tiltre d'Orleans, est vn tiltre affecté au second fils de France. Mais cela est faux, & n'y a aucune loy ny coustume qui ait affecté ce tiltre, ny autre, au second fils, & ne fut iamais donné en partage qu'à ce Philippes fils puisné de Philippes de Valois, qui mourut sans hoirs, puis à Loys frere du Roy Charles sixième, la lignee duquel dura iusques à Loys douzième son petit fils.

*Erreur sur le
Duché d'Or
leans.*

Le Daulphiné estoit iadis vne partie du Royaume d'Orleans, puis de Bourgongne, mais après la suppression dudit Royaume de Bourgongne, & cession de l'administration d'iceluy à l'Empereur Conrad deuxième, par le Roy Radulphe premier de ce nom, & dernier de sa Couronne, il fut erigé en Conté, & donné à Guigue surnommé le Gras, duquel le fils & successeur s'appela aussi Guigue, qui fut le premier qui s'intitula Daulphin de Viennois. Son fils eut aussi nom Guigue, qui n'eut qu'une fille nommée Beatrix, mariée en premières nopces à Raymond Conte de Thoulouse, troisième de ce nom, fils du Conte Alphonse, & en secondes, à Hugues Duc de Bourgon-

Daulphiné.

*Le premier
Daulphin
de Viennois.*

gne, & n'eut d'eux aucuns enfans, & se remariât pour la troisieme fois à Guigue Conte d'Albon, en eut vn fils nommé André, qui fut Daulphin de Viennois. De leur mariage sortit vne autre Guigue, qui eut vne fille nommee Anne, mariee à Humbert Conte d'Albon, & par sa femme Daulphin de Viennois. De cest Humbert & d'Anne sortit Iean, de Iean sortit Guigue, & de ce Guigue, Humbert, qui vendit (selon l'opinion de tous les Historiens) le Daulphiné au Roy Philippes de Valois, à la charge que l'aisné fils de France, du temps du Roy son pere s'appelleroit Daulphin. Voila ce que disent nos Chroniqueurs, & que la commune opinion tient pour veritable, comme nous auons dit au second liure de cest œuvre. Mais depuis

Autre opinion sur le Daulphiné. i'ay trouué par le Cōtract de donation dudiēt Humbert Daulphin, que se voyant hors d'esperāce de pouoir auoir des enfans, il donna lediēt Daulphiné heritablemēt à tousiours-mais tant en possession qu'en propriété, à Philippes fils second du Roy Philippes de Valois, ou en cas de la mort dudiēt Philippes, ou autre legitime empeschement, à vn des fils de Iean Duc de Normandie fils aisné dudiēt Roy, ou de leurs successeurs Roys de France, tel que lediēt Roy ou lediēt Duc Iean, ou leurs successeurs voudroient eslire par donatiō, à la charge que celuy qui seroit inuesti dudiēt Daulphiné, & ses hoirs & successeurs audicēt pays, seroient tenus de se faire appeller Daulphins de Viennois, & porter les armes dudiēt Daulphiné escar-

Védition du Daulphiné.

Autre opinion sur le Daulphiné.

Le Daulphiné nō vëdu mais dōné.

Le Daulphiné donné au secōd fils du Roy non au premier.

tellees avec les armes de France, sans pouuoir laisser le nom de Daulphin, ny lesdictes armes: & que ledict Daulphiné ne pourroit estre vni au Royaume de France, que l'Empire n'y fust pareillemēt vni. Ceste donation faicte avec plusieurs autres terres, enclauces au iourd'uy dedans ledict pays, est faicte avec plusieurs conditions inferées audit Cōtract de donation. Mais depuis nos Roys ne voulās qu'un pays si voisin de l'Italie & de l'Empire, fust en autre main qu'en la leur, l'ont ioint & lié inseparablemēt à la Couronne: & ont voulu que leurs fils aînez, heritiers presumptifs d'icelle, durāt la vie de leurs peres, s'appelassent Daulphins, & le premier d'iceux qui s'appella Daulphin, fut le Roy Charles le quint, durāt la vie du Roy Ieā son pere.

Le Daulphin doit porter les armes de Daulphiné. Le Daulphiné peut estre vni à la Couronne.

Le Daulphiné donné au fils aîné du Roy.

La Bourgongne comme toutes les autres prouinces de la France, estoit iadis vn Royaume. Premièrement elle estoit Royaume à part soy, puis fut vne partie du Royaume d'Orleans, puis de rechef fut à part soy, Royaume. Mais luy estant le nom de Royaume osté, & donné le nom de Duché, le premier qui en porta legitimement le nom & la qualité de Duc, fut Richard, enuiron l'an huiēt cens neuf, qui laissa deux fils Raoul, qui pourtant se faisoit nommer Roy de Bourgongne, & fut depuis Roy de France, par la resignation forcee du Roy Charles le Simple. Gilbert fut l'autre fils d'iceluy Richard, qui fut Duc de Bourgongne, & de luy nasquit vne fille mariee à Othon fils de Hues le Grand, Conte de Paris & frere de Hues Ca-

La Bourgogne iadis Royaume.

La Bourgogne en Duché.

Raoul Roy de France & de Bourgogne.

*La Bourgogne
donnee
au fils du
Roy Robert*

pet, & venant Othon à mourir sans hoirs, Henry son autre frere s'en empara, comme apres sa mort fit pareillement Robert Roy de Frâce, fils de Hues Capet, qui donna ledi&t Duché à Robert son fils.

*La Bourgogne
à la
Couronne.*

Robert eut Henry, & Henry Hugues & Eudes, qui furent tous deux Ducs de Bourgongne. Eudes eut Hugues, & Hugues Eudes, & cest Eudes vn autre Hugues, & cest Hugues Robert, & Robert troisi&esme du nom Hugues & Eudes, qui furent tous deux Ducs de Bourgongne. Eudes eut Philippes, & Philippes vn autre Philippes, qui fut le dernier de ceste lignee, & apres sa mort ledi&t Duché escheut au Roy Iean son cousin remué de germain, & plus proche parent, pource que la mere dudi&t Roy Iean nommee Ianne, estoit fille de Robert troisi&esme du nom, Duc de Bourgongne. Le Roy Iean eut quatre fils, le dernier desquels nommé Philippes, fut inuesti du Duché de Bourgogne par le Roy Charles le quint son frere.

*La Bourgogne
desm&e
bree de la
Couronne.*

Les autres disent que le pere deuant mourir luy donna ledi&t Duché, & entre autres fils ce Philippes surnommé le Hardi, eut Iean Duc de Bourgongne, Prince seditieux & pernicieux à la France, qui fit tuer à Paris, Loys Duc d'Orleans, frere du Roy Charles sixiesme, & luy mesme fut tué à Môtereau-faut-Yonne, en la presence du Daulphin. Philippes surnommé le Bon fut son fils, & le fils de cestuy la, fut Charles dernier de ceste lignee, Prince temeraire, qui donna beaucoup d'affaires au Roy Loys vnzi&esme, lequel après la mort

dudiect Charles, s'empara de la plus grande partie du Duché de Bourgongne, comme disant luy appartenir par le droit de reuerfion des Apannages.

Loys vnziesme s'empara de la Bourgogne.

Pour parler de la Bretagne, & comme elle est venue à la Couronne de France, il n'est ia besoing d'aller plus auant qu'au mariage d'Anne Duchesse de Bretagne avec Charles huietieme, puis avec Loys douziesme Roy de France, & a esté depuis lediect Duché reüni & incorporé à la Couronne.

La Bretagne annexee à la Couronne.

La Champagne est vn ancien Estat. L'an neuf cens nonante neuf, Hues, ou Odon, ou Eudes en fut le premier Conte, estant pareillement Conte de Brie, de Blois, de Chartres, & de Touraine. Il estoit fils de Thibaut le Vieil, Conte de Blois, & de la sœur de l'Empereur Conrad deuxiesme, & eut deux fils, Estienne Cōte de Champagne, & Thibaut Conte de Chartres, de Blois, & de Touraine : mais venant lediect Thibaut à mourir sans hoirs, lediect Estienne luy succeda en tous ses biens. Estienne eut vn fils nommé Thibaut, qui fut Conte de tous les susdicts Estats, & fut surnommé le Grand, & s'intitula Conte Palatin de Champagne, auquel succeda son fils Henry surnommé le Large, qui se croisa du viuant de son pere, avec Loys le leune, pour le voyage d'outre-mer. A ce Henry succeda son fils Henry, qui alla en Asie avec le Roy Philippes Auguste, & là fut esleu Roy de Hierusalem : & mourant sans enfans, Thibaut son frere luy succeda à son Estat. A ce Thibaut succeda vn autre Thibaut son fils, qui

Châpaigne.

Conte Palatin de Champagne.

alla outre mer avec le Roy sainct Loys. Il fut aussi Roy de Nauarre, luy estant escheu ce Royaume par le décès de son oncle maternel. A ce Thibaut succeda vn autre Thibaut son fils au Royaume, & aux Contez, lequel mourant sans hoirs, laissa ausdits Estats pour successeur Henry son frere, qui n'eut qu'une fille nommee Ianne, qui fut mariee à Philippes le Bel Roy de France, & de leur mariage vindrent Loys Hutin, Philippes le Long, & Charles le Bel, qui furent tous trois Roys de France l'un après l'autre. Loys Hutin Roy de France & de Nauarre, n'eut qu'une fille nommee aussi Ianne, qui succeda audiect Royaume de Nauarre, & les Contez de Champagne & de Brie, furent annexez à la Couronne.

*Ianne Cōtesse
de Chāpa-
gne mariee
au Roy Phi-
lippes le Bel.*

*La Champa-
gne an-
nee-
xee à la
Couronne.*

*Le Conté de
Blois.*

Et pour venir au Conté de Blois, il faut reuenir à la Champagne : car les Contéz de Champagne & de Blois ont esté longuement à mesme Seigneur, depuis Eudes ou Eudon fils de Thibaut le Vieil, iusques au bon Conte Thibaut quatriesme du nom, duquel la fille fut mariee à Iean de Chastillō sur Marne, seigneur d'Auennes. Lesquels mourans sans enfans, Loys frere de ladiecte fille & fils du bon Conte Thibaut, fut Conte de Blois : auquel pareillement mourant sans hoirs, Thibaut cinquiesme du nom succeda audiect Conté. Et cestuy cy aussi mourant sans enfans, vne autre sienne sœur s'empara du Conté de Blois, & se maria à Gautier seigneur d'Auennes en Hainaut, d'où vint vne fille nommee Marie, qui fut Cōtesse de Blois, & es-

& espousa Hugues de Chastillon Conte de saint Paul. A ceux cy succeda Iean leur fils, qui eut vne fille nommee Ianne, mariee à Pierre de France Conte d'Alançon, fils du Roy saint Loys : & eurent vne fille nommee Mahaut, qui fut Contesse de Blois, & mariee au seigneur d'Amboise, mais elle n'eut aucuns enfans : & en secondes nopces espousa Hugues Conte de Chastillon, d'où vint vn fils nomme Guy, qui fut Conte de Blois, qui eut deux fils, Loys qui fut Côte de Blois, & Charles qui espousa Iane de Bretagne, & qui mourut à la bataille d'Aurez, à la poursuite dudit Duché. Loys Conte de Blois eut vn autre Loys, Iean, & Guy, qui furent tous trois Contes l'un après l'autre. Guy le dernier Conte d'iceux, alla en Angleterre en ostage pour le Roy Iean, & l'an mil trois cens nonante & vn, vendit le Conté de Blois à Loys Duc d'Orleans, frere du Roy Charles sixiesme, & grand pere du Roy Loys douziesme.

Charles de Blois mourut à la bataille d'Aurez.

védition du Conté de Blois.

Pour venir à parler de Toulouse, il y a quelques mauvais historiens qui disent que Thoulouse fut erigée en Côté par le Roy Charles Magne : à quoy pour ceste heure nous ne voulons respondre aucune chose, remettans les lecteurs à ce qui cy dessus en a esté dit, au lieu où nous parlons des Pairs de France. Nous commencerons donc à Raymond premier du nom Conte de Thoulouse, qui alla en Asie au voyage de Godeffroy de Buillon. Il eut vne seule fille mariee à Guillaume Duc d'Aquitaine, & Hugues, Aymon

Thoulouse.

Conte de Thoulouse, lequel mourant sans enfans, Raymond Conte de sainct Gilles, frere du premier Raymond, Conte de Thoulouse (qui alla en Orient contre les Infideles) luy succeda. Il eut trois fils, Bertrand, Guillaume, & Alphonse, qui tous trois furent Contes de Thoulouse. Alphonse eut vn fils nommé Raymond troisieme du nom, Conte de Thoulouse, auquel succeda vn autre Raymond, qui eut vn autre Raymond cinquiesme du nom, lequel eut vne fille

*Alphonse
frere du
Roy saint
Loys espo-
sa la Cōtesse
de Thoulou-
se.*

*Thoulouse
annexee à
la Courōne.*

*Les guerres
entre les
Frāçois &
les Anglois.*

qui fut mariee à Alphonse Conte de Poiçtiers, frere du Roy saint Loys: & ne laissant aucuns hoirs, ledict Conté fut annexé à la Couronne de France, suyuant l'accord passé par le Conte Raymond dernier, par cōtract de mariage faict dudit Alphonse & de ladicte fille. Voila ce que nous pouuons dire de la façon que sont paruenus à ceste Couronne les principaux Ducez & Contez qui y sont annexez.

Il est bien necessaire traittant la matiere des affaires de Frâce, de parler des guerres qui sont suruenues entre les Frāçois & les Anglois, des causes d'icelles, & des plus importās Traitez de paix & d'accord, d'être six cens ou à peu pres, qui ont esté faicts entre eux: car par là on congnoistra quel a esté l'Estat desdicts affaires par l'espace d'un long temps, d'autant qu'ils ne consistoient qu'és guerres faictes contre l'Anglois.

*La premiere
re guerre.*

La premiere guerre qui fut entre ces deux nations, fut enuiron l'an 1012. Henry Roy d'Angleterre & Duc de Normandie, fils de Guillaume le Conquerant

au temps de Loys le Gros Roy de France, vint de ça ^{Hommage de la Normandie au Roy de France.} la mer, & fit de sondict Duché hommage audit Roy, luy promettât de faire abbatre le chasteau de Gisors, qui estoit sur les confins des terres de ces deux Roys, & qui tenoit le pays du Roy de France en subiectiō. L'Anglois ne voulut tenir sa promesse, dont sourdit entre eux vne forte guerre. Ils se donnerent bataille pres de Gisors, là où l'Anglois vaincu se sauua dans la ^{Bataille près de Gisors.} ville, & de là Loys alla courir presque toute la Normandie.

Loys apres auoir mis fin à ceste guerre, se trouua embrouillé des rebellions & factions de plusieurs seigneurs de son Royaume, qui estoient tous en armes par les chāps. Le Roy d'Angleterre les sollicitoit, aidoit, & armoit, & pour dōner plus d'affaires à Loys, ^{L'Anglois fauorise les rebelles de France.} promit à l'Empereur Henry de luy dōner sa fille Mahaut en mariage. L'Empereur sur ceste promesse aydé de l'Anglois, vint en France en deliberation de la mettre à feu & à sang, de façon que Loys se voioit sur les bras deux grosses guerres, l'une contre l'Anglois, l'autre contre l'Empereur. Plusieurs Princes voisins luy amenerēt secours, & tous ses subiects le vindrent trouuer. Ce qui estonna l'Anglois & l'Empereur qui pensoient le contraire. L'Empereur cōseillé par quelques seigneurs d'Allemagne, sortit de la France : & d'autre costé l'Anglois reprint le chemin de la Normandie. Quand Loys vit que ces deux Princes ses ennemis s'estoient separez, il alla courir sur l'Anglois en

Normandie, & luy print plusieurs villes. Ce qui mit l'Anglois en vn extreme desespoir, mais en fin la paix fut faicte entre eux.

*Mort des
deux Roys.*

Loys Roy de France & Henry Roy d'Angleterre, moururent presque en mesme temps. Ces deux Royaumes demurerent assez longuement amis, iusques à l'an 1150, qui fut lors que Loys le ieune Roy de France, fils du susdict Loys, à son retour du voyage de la terre Saincte, repudia Leonor sa femme Duchesse d'Aquitaine, & Contesse de Poiçtou, laquelle estant repudiee, se remaria à Henry Roy d'Angleterre, Duc de Normandie, & Conte d'Anjou, de Touraine & du Maine, lequel se voyant en France Prince & Seigneur de plusieurs grâdes Seigneuries, tant de son chef que de celuy de sa femme, & au demeurant Roy d'un si beau Royaume comme est l'Angleterre, ne peut longuement demeurer en paix avec le Roy de France. Et à la verité elle ne pouuoit estre longue entre deux si grâds Roys si voisins, par l'un desquels Leonor auoit esté repudiee & des-honnoree, & par l'autre espousee & honnoree.

*Leonor Duchesse de
Guyenne repudiee. se remaria à
l'Anglois.*

*Roy d'Angleterre
grand Seigneur en
France.*

*Causes des
guerres d'entre les deux
Roys.*

Il y eut deux causes qui esmeurent ceste guerre, ou plustost l'occasion d'icelle. La premiere fut le refus de l'hommage du Duché de Guyenne & Conté de Poiçtou, que le Roy de France demandoit luy estre fait, par ledit Roy d'Angleterre, qui le luy refusa. L'autre fut le droit pretendu par ledit Roy d'Angleterre au nom de sa femme, sur le Conté de Thoulouse. Leurs

guerres durerent longuement avec vne grande ruine de leurs peuples, & perte de beaucoup d'hommes. En fin la necessité les contraignit de faire la paix, laquelle toutesfois ne fut ny bien asseurée ny de longue durée eutr'eux, car il y auoit tousiours de la desfiace, du sou-speçon, & du maltalent, & les subiects de l'un & de l'autre Roy, ne se pouuoient contenir qu'ils ne fissent les vns sur les autres plusieurs actes d'hostilité. De ceste premiere cause de haine en nasquirent plusieurs autres, qui furent comme des alimens qui non seulement entretindrent, ains aussi enflammerent d'auantage vn feu i'a allumé, comme il est bien aisé de conseruer vn petit feu, en y mettant tousiours de quoy l'entretenir. Thomas Euesque de Canturbery (qui depuis fut canonisé Sainct) pour n'auoir voulu consentir à plusieurs impies institutions du Roy Henry, fut chassé d'Angleterre, & se sauua en France vers le Roy Loys. Lequel fit tant enuers le Roy d'Angleterre, que Thomas fut remis en son pays & en ses biens, ce que le Roy Anglois fit mal volontiers, & plus par force qu'autrement, craignant d'irriter d'auantage le Roy de France, duquel la puissance luy estoit suspecte & redoutable.

*Paix de peu
de durée.*

*Thomas de
Canturbery
fugitif en
France.*

Il suruint aussi vne autre cause de haine. Henry venant sur l'aage, fit couronner Roy son fils nommé Henry comme luy. Le fils se voyant Roy ne voulut estre Roy de nom seulement, ains de fait, & auoir autant d'autorité que le pere, lequel au contraire remon-

*Desiance
entre le fils
& le pere.*

stroit à son fils qu'il deuoit estre contant du nom de Roy, & de l'esperance du Royaume, le menassant (s'il vouloit faire le braue) de le des-heriter, & d'investir du Royaume, son second fils Richard. Et pour se rendre plus fort contre son fils qui le menassoit, confirma le Traitté de paix fait avec le Roy Loys de France,

*Mariage du
Roy An-
glois avec
vne fille de
France.*

par vne promesse de mariage telle qui s'ensuit. Loys auoit vne petite fille bien ieune nommee Marguerite, qui par le renouvellement de l'alliance, fut dōnee en garde au Roy Henry le pere, & fut dit qu'elle seroit par luy gardee iusqu'à ce qu'elle fust en aage d'estre mariee, pour estre lors donnee pour femme à celui de ses enfans, qui luy deuroit succeder au Royaume. La Princesse deuint grande & bonne à marier, & le pere ne la vouloit donner à Henry son fils ieune Prince, qui estoit autant desireux d'espouser ceste fil-

*Impatience
d'un ieune
Prince.*

le, que d'estre maistre du Royaume. Le fils impatient du dilayement de ce mariage, & de la longue attente du Royaume, se retira vers le Roy Loys de France, qui le receut à foy & hommage des Seigneuries que son pere tenoit en France, & le declara son gendre. Et après cela Henry s'en retournant en Angleterre, raut des mains de son pere ladicte Marguerite, & l'espou-

*Haine du
pere contre
le fils.*

sa. Ce qui anima extremement le pere contre le fils, & le Roy Henry le pere, contre le Roy de France. Le fils Henry mourut deuant le pere, ne laissant aucuns enfans de luy & de Marguerite sa femme, à laquelle le Roy Loys son pere auoit donné en dot le pays du

Vexin le Normand. La ieune Princeſſe eſtant veſue, ſe retira vers Philippes Auguſte Roy de France ſon frere, fils dudit Loys, & pour cela le Roy Henry d'Angleterre le pere, ne vouloit rendre ledit pays du Vexin. Ce qui eſmeut vne menaſſe & vne vmbre de guerre, pluſtoſt qu'un eſſect de guerre, laquelle fut eſtain-
te par vne nouuelle alliance, & par le mariage d'Alix ſœur dudit Roy Philippes, avec Richard lors fils aiſné dudit Roy Henry le vieil, & fut menee ladiſte fille en Angleterre, & par contract de mariage, ledit Richard fit audit Roy Philippes hommage des terres & ſeigneuries qu'il tenoit en France.

Le pays du Vexin donné en dot à vne fille de France.

*Renouelle-
ment d'amitié entre les
deux Rois.*

Le Roy Philippes Auguſte ſolicita bien fort ledit Richard ſon beau frere, d'eſtre de la partie avec luy, & pluſieurs autres Princes Chreſtiens, pour l'entreprife du voyage de la terre Saincte, & pour ceſt eſſect ſe virēt pres de Giſors, là où ils parlemēterent d'une ſi amiable façon, qu'il ſembla qu'ils ne deuſſent iamais eſtre ennemis. Tous deux donc aſſemblerent leurs forces pour ceſte guerre. Le Roy Philippes attēdit longuement ledit Roy Richard, qui ne bougeoit pour cela. Ce qui fit congnoiſtre à chacun, que par ſa longue dilation & remiſe, ſa premiere intētion du voyage de la terre Saincte eſtoit refroidie, ou que pluſtoſt c'eſtoit vne couuerture d'une guerre contre la France, comme il fit paroître. Car il fit cela pour laiſſer aller bien loing le Roy de France, & faire ce pendant la guerre à Raimōd Conte de Thoulouſe, pour la meſ-

*Malice de
l'Anglois.*

Guerre entre les deux Rois.

me occasion que Henry son pere l'auoit faicte, c'est à sçauoir, pour le droit pretendu par Leonor sa mere sur le Conté de Thoulouse. Ce qui diuertit pareillemēt le Roy de France de sa Sainte entreprise, & sarma contre l'Anglois. Henry le pere voyant cela se mit en jeu, & leuant vne armee en Normandie vint rauager le pays Chartrain & le Perche, & brusta la ville de Dreux: mais estant cōtraint par la venuë du Roy Philippes Auguste, de se retirer en ses terres, il deuint en mespris non seulement enuers ses subiets, mais aussi enuers son fils mesme, pour lequel commençoit la guerre. Auguste print sur luy, les pays de Touraine & du Maine, dequoy le vieillard print vn tel ennuy qu'il en mourut à Chinon. Richard son fils luy succedant

Mespris d'un Roy vicil.

Traicté de paix.

au Royaume, & aux autres Estats fit Traicté de paix avec le Roy de France, par lequel fut rendu audit Richard, tout ce qui auoit esté prins en la guerre precedente. Pour conseruer ceste paix, il estoit necessaire que les armes Françoises & Angloises de long temps accoustumees à estre mises en œuvre, fussent employees en quelque guerre estrangere: & pour cest effect se presenta vne belle occasion de la guerre contre les Infidelles, en laquelle les deux Roys allerēt, iurans l'vn à l'autre immortelle & inuiolable amitié, beuuans, mangeans, & couchans ensemble. Mais au lieu que leur longue & coustumiere frequentation & conuersation, leur compagnie & leurs propos, eussent deu appaiser leurs premieres haines, au contraire ils en-

Trop grande frequentation de Rois les met en haine & mespris.

ils engendrèrent des mespris, des inimitiez, & des causes de nouvelles guerres: car Richard vn iour diët à part audiët Roy Philippes, que Alix sœur dudiët Philippes n'estoit point sa femme, ains qu'il l'auoit seulement espousee par cōtraincte sans l'auoir touchee, & que Gengaire fille du Roy de Nauarre estoit sa vraye & legitime femme. Le Roy Auguste dissimula pour l'heure ce maltalent pour s'en ressentir en tēps & lieu, ne voulāt pour son iniure particuliere, troubler vne si Saincte guerre, qui dependoit totemēt d'eux deux.

*Reproche
de l'Anglois
au Frāçois.*

Durant ce voyage ils eurent souuēt quelques paroles & piques ensemble, qui monstroient bien leur inimitié secrette, mesmemēt lors qu'en Syrie, Philippes Auguste ēstant tombé malade, à cause de l'intemperature de l'air, après auoir veu pour mesme occasiō mourir deuant luy plus de cinquante Euesques & Contes, tant de son Royaume que d'ailleurs, supplia les Chrestiens de luy permettre de s'en retourner en France, disant ne pouuoir plus comporter l'intemperature du mauuais air de delà, en leur promettant de leur laisser ses forces. Aquoy lediët Richard s'opposa, disant que ledit Auguste ne s'en vouloit retourner en Frāce pour autre occasion, que pour enuahir durant qu'il seroit en Asie, sur luy, la Normandie & la Guyenne despourueüs de gens, & ne peut lediët Philippes obtenir son cōgé qu'il ne promist & iurast solennellemēt audiët Richard de n'attenter, soit par force ou par fraude, aucune chose qui fust audit Richard

*Piques des
deux Roys.*

*Deffiance de
l'Anglois.*

Serment du Roy Philip- pes. dans la France iusques à cinquante iours, après que ledit Richard y fut de retour. Philippines donc s'en retourna en France, & pour cela Richard tant qu'il demeura en Asie ne cessa de se craindre, que ledit Philippines ne courust sur la Normâdie. Richard quelque temps après voulut retourner en son Royaume, & print le chemin d'Allemagne en habit dissimulé, pour euit le passage de France, pour la crainte qu'il auoit dudit Roy Philippines, mais autrement luy aduint qu'il ne pensoit : car au lieu d'euit vn peril dont il se craignoit, il tomba en vn plus grand, & fut prins par Lupo Duc d'Austriche, qui le mena à l'Empereur Héry Roy de Sicile, ennemi capital de l'Anglois, à cause que ledit Richard passant en Sicile l'auoit toute troublée, & en Asie auoit mal traité quelques gens de guerre dudit Duc d'Austriche. Ce pendant le Roy Philippines Augusto prioit les Seigneurs d'Angleterre de luy rendre le pays du Vexin, qui auoit esté en dot dóné à sa sœur, leur remōstrât n'estre pas raisonnable d'auoir repudié sadiète sœur, & de retenir son dot, qui luy deuoit estre rendu. Disoit en outre qu'il vouloit bien garder ce qu'il auoit promis en Syrie audit Richard, mais que cela ne l'obligeoit pas de ne demander le droit de sa sœur. Quand il vit n'en pouoir auoir raison, il print vne grande partie de la Normâdie sur les Anglois. Ce pendant Richard estant deliuré des mains de l'Empereur Henry, reuint en son Royaume, de là où après auoir mis ordre aux affaires

Le Roy de Angleterre prins prisonier.

Instance & demãde du Roy Philip- pes.

de son Estat, il passa en Normandie, & mit des forces sus pour reprendre ce que Philippes Auguste auoit prins. Mais sur ces entrefaictes il mourut. Iean son frere succeda au Royaume & aux autres Estats, non sans grande contention, car Artus Duc de Bretagne fils de Geoffroy frere du susdit Richard, plus aîné que ledit Iean se portoit pour heritier, disant qu'il representoit son pere Geoffroy, qui estoit deuant ledict Iean.

Differēt entre l'ocle & le nepueu pour la succession.

Auguste fauorisoit ledit Artus, mais Iean pour appaiser Auguste, luy quitta le Vexin & tout le droit qu'il pouuoit pretendre sur tout ce que ledit Auguste auoit prins sur luy en Normandie. Pour cela Artus ne perdit cœur: il print sur son oncle Iean, la ville de Tours, & fut par Auguste inuesti du Conté de Touraine, & des Contez d'Anjou & du Maine, & d'iceux receu à foy & hommage, à mesme tiltre & condition que son pere Geoffroy, s'il eust vescu, eust esté receu. Quelque temps après, Iean estrangla Artus son nepueu. Constance mere d'Artus poursuivant la vengeance du parricide commis par Iean, en la personne de sondit fils, le Roy Philippes fit donner audit Iean, adiournement personnel à comparoistre par deuât luy à certain iour, auquel defaillant, il fut par contumace atteint & conuaincu de parricide & du crime de felonnie, pour auoir tué son nepueu, & vn vassal & subiect du Roy de France dedans les terres dudit Roy, comme il a esté dit desia deux ou trois fois cy dessus.

Hommage des Contéz d'Anjou & du Maine, au Roy.

L'oncle tua le nepueu.

*Terres con-
fifquées au
Roy & à la
Couronne.*

*Conquestes
du Roy Phi-
lippes Au-
guste.*

*Conqueste
de la Guy-
enne.*

Et estant déclaré ennemi de la Couronne, les terres & seigneuries qu'il tenoit dedans le Royaume de France, furent par crime de felonnie acquises & cōfifquées au Roy. Et delà ledict Roy alla en Normandie avec forces, & la reduisit sous son obeissance 270 ans après qu'elle eut esté donnée à Raoul premier Duc d'icelle, puis ledit Philippes osta audit Jean, toutes les autres terres qu'il tenoit en France, comme partie de la Duché de Guyenne, & les Contez d'Anjou, de Touraine, de Poictou, & du Maine.

*Traicté de
Paix entre
François &
Anglois.*

A Jean Roy d'Angleterre, succeda Henry son fils, & audit Philippes Auguste, Loys son fils, & les deux fils de ces deux Roys succederent aux haines de leurs peres. Loys osta vne grande partie de la Guyenne audit Henry Roy d'Angleterre, puis ils firent vn Traicté de paix. Sainct Loys fils dudit Loys, luy en osta aussi vne autre grande partie. Après cela ledit sainct Loys voulant entreprendre pour la seconde fois le voyage de la terre Saincte, fit vne association d'armes avec le Roy d'Angleterre, pour encourager les Anglois d'aller en Orient avec vne armee de mer, ce pendant qu'il iroit assieger Thunes, affin qu'après icelle prinse, les François & Anglois assemblans leurs forces, allassent en Syrie. Et fut conclud & arresté entre eux, qu'à fin que de là en auât toute occasiō de querelle & de prentention de droit cessast entre les François & les Anglois, les Roys d'Angleterre ne pourroïent iamais prentendre aucun droit sur le Duché de Normandie, ny

sur les Contés d'Anjou, de Touraine, du Maine, & de Poictou, lesquels les François auoient prins sur les Anglois par eux vaincus. Et que l'Anglois possederait seulement vne partie de la Guyenne, & les pays de Xaintonge, de Limosin, & de Quercy, desquels il feroit hommage au Roy de France, qu'il recognoistroit pour souuerain Seigneur en tous lesdits pays. Depuis le regne dudit saint Loys, iusques à celui de Philippes le Bel son petit fils, la paix dura longuement entre les François & Anglois, iusques à ce qu'Edward Roy d'Angleterre, fauorisant le parti du Roy d'Aragon contre ledit Roy le Bel, renouella les anciennes inimitiez d'entre ces deux nations. D'auantage quelques nauires Anglois courans la coste de Normandie, & faisans mille volleries, suscitèrent vne nouvelle occasion d'vne nouvelle haine. Philippes le Bel enuoya vers ledit Edward, le prier de faire rendre ce qui auoit esté prins par les siens, dequoy Edward ne fit pas grand compte. A ceste occasion luy fut donné adiournement personnel pour comparoistre deuant le Roy, comme estant à cause de son Duché de Guyène, Pair de France, & vassal de la Couronne : mais pour raison desdictes pilleries il ne comparut point. Dont le Roy le Bel enuoya en Guyenne avec vne armee, Arnoul de Nesle qui print presque tout ce que les Anglois renoient audit pays. L'Anglois pour se fortifier de secours contre le Roy de France, se ligua avec Adolph Conte de Nassau esleu Empereur, & avec Guy Cō-

*Articles du
Traicté.*

*Renouel-
lement de
haine entre
les François
& Anglois.*

*Adiourne-
ment don-
né à l'An-
glois.*

*Guyenne cō-
quisse par les
François.*

*Ligue de
l'Anglois.*

Trefues entre les deux Roys.

Paix faicte par vn mariage.

Ligue des deux Roys cõtre l'Empereur.

te de Flandres, & Erix Conte de Neuers, ennemis capitaux dudit Roy. Le Roy enuoya en Guyène, Charles Conte de Valois son frere, pere du Roy Philippes de Valois, qui print sur les Anglois presque tout ce qu'ils tenoient en ceste prouince. L'Angleterre fut lors espuisee d'hommes & d'argët pour deffendre la Guyène, & la Frâce endura beaucoup de maux pour le soustenement & longueur de ces guerres. Charles le Boiteux fils de Charles Conte d'Anjou, qui estoit frere du Roy saint Loys, reuenant d'Italie en France sur ces calamitez, voyant ne pouuoir mettre vne bõne paix entre ces deux Roys, moyenna vne Trefue pour deux ans, à fin que durât icelle, ils eussent moyë de respirer de leurs guerres. Durât ces Trefues la paix se fit tout à l'aïse, par le mariage de la sœur du Roy Philippes avec le Roy d'Angleterre, & en faueur d'iceluy la Guyenne fut rendue à l'Anglois, & les deux Roys se faisans amis, se liguèrent contre Adolph Empereur, auparauant amy de l'Anglois: l'vn & l'autre Roy se plaignans grandemët dudit Empereur. L'Anglois, de ce que ledit Empereur n'auoit pas tenu enuers luy la promesse qu'il luy auoit faicte, & qu'à la guerre de Flandres, qui se faisoit en la deffense du Conte dudit pays, contre le Roy de France, il n'auoit pas enuoyé les forces qu'il auoit promises, & qui estoient conueñues entre eux. Le Fráçois, pource que l'Empereur auoit prins argent d'autruy pour luy faire la guerre. A ceste cause les Princes d'Allemagne en vne Diette

qu'ils tindrēt luy firent son procez, & le conuainquāt de perfidie, de lascheté, & de corruption, le deposèrent del'Empire, & esleurent en son lieu, Albert Duc d'Austriche fils de l'Empereur Raoul. Albert fit alliance, & contracta amitié avec les deux Roys de France & d'Angleterre, & estant secouru d'eux d'argent & de gens, tua en bataille l'Empereur Adolph son compétiteur.

*Empereur
degradé de
l'Empire.*

Quelque temps après le Roy le Bel, ayant reduite la Flandres en son obeïssance, par la felonnie commise enuers luy par le Conte Guy dudit pays, & y ayant laissé vn Gouverneur qui s'y comporta assez peu modestement, les Flamans s'esleuerent contre luy, & tuerent plusieurs François qui estoient en garnison. Le Roy dressa vne armee pour aller contre les rebelles: mais l'Anglois qui ne vouloit en quelque façon que ce fust, la ruine des Flamans à l'auantage des François, print les Flamans en sa protection. Et pour diuertir le Roy le Bel de ceste entreprinse, fit courir par la France vn bruit, qu'il y auoit en France des hommes qui s'empareroyēt du Royaume incontinent après que le Roy s'en seroit allé en Flandres. Ce bruit pour l'heure estonna le Roy, & rompit son entreprinse, mais peu après il congneut bien la cautelle d'iceluy, & toutesfois il n'en fit aucun semblant.

Flandres reduite en l'obeïssance des François.

Rebelliō en Flandres.

L'Anglois soustient les Flamans.

Lors que le Pape Boniface huictiesme, irritoit tous les Princes Chrestiens contre le Bel, il fit tout ce qu'il peut pour mettre en jeu ce Roy Edward, lequel n'y:

*Mariage de
la fille du
Bel à l'An-
glois.*

voulut aucunement entendre , pource qu'il estoit assez empesché contre le Roy d'Escoffe , qui luy faisoit la guerre d'autre costé . Peu de temps après le Roy le Bel qui n'auoit ennemi duquel il se deust ou peust plus craindre q̄ de l'Anglois, fit le mariage d'Ysabel sa fille , avec Edward fils dudit Edward, duquel mariage nasquirent de nouuelles occasions de grandes guerres entre ces deux Royaumes (bien qu'il fut faict à intention toute contraire) par la querelle qu'Edward fils de ladiète Ysabel, intenta du droit qu'il pretendoit sur la Couróne de France, cōtre Philippes de Valois, qui fut Roy . Le vieil Edward mourut, & Edward son fils luy succeda.

*Nouuelle
occasion de
guerre entre
l'Anglois &
le François.*

Au temps du Roy Charles le Bel , la sœur duquel ledit Roy Edward auoit espousee , il aduint qu'en Guyenne le sieur de Mompezat en Agenois, fit bastir vne place forte en lieu qui pouuoit beaucoup seruir à la guerre , sans demander congé au Roy de France, qui estoit souuerain de la Guyenne. Ledit Roy le fit adiourner pour rendre raison de ceste autorité par luy prinse. Il ne voulut comparoistre , ains respondit que ce fait n'estoit pas de la congnoissance ny iurisdiction dudit Roy , duquel fait il n'auoit à respondre que deuant le Roy d'Angleterre, qui estoit son souuerain , & en la terre duquel il disoit auoir basti . Le Roy de France voyant cela print la place par force, mais Mompezat secouru des Anglois la reprint : & le Roy de France manda au Roy d'Angleterre, qu'il eust
à luy

à luy enuoyer ceux qui auoient commis cest acte, fil
vouloit estre deuant luy purgé du crime de felonnie.
Amaulry frere du Roy Anglois vint à Paris, pensant
par prieres composer les choses, mais le Roy de France ne voulut entendre à aucune douceur, & iurant de
ne pardonner iamais aux coupables, enuoya ce pen- *Colere du*
dât des Commissaires en Guyenne pour ouyr sur ce, *Roy Char-*
Mompezat, lequel au lieu de se iustifier, s'arma, & vou- *les le Bel.*
lut par la force deffendre son faict. Le Roy enuoya en
Guyenne, Charles Conte de Valois son oncle, là où il
deffit Mompezat, raza la place dont estoit question,
& print toute la Guyenne hormis Bordeaux, Bayonne
& Sainct Seuer. Le Roy Edward estoit vn homme
de peu de cœur, & commettant la charge & le manie- *Le Roy An-*
mēt de ses affaires à Hues le Dispēsier, ne faisoit com- *glois hōme*
pte d'autre personne que de luy, mesmes la Royne *de peu de*
Ysabel de France, n'auoit aucune autorité. Ce qui *cœur.*
fut cause de la ruine dudit Roy, comme on voit am-
plement en Frôissart, & aux autres histoires.

Or pour reuenir au mariage dudit Edward pere,
& d'Ysabel, duquel nasquirent nouuelles guerres, &
plus fortes que celles de deuant, Charles le Bel venant
à mourir sans enfans, laissa la Royne Ianne sa femme
grosse, & durāt sa grossesse il y eut debat entre le Roy *Debat pour*
d'Angleterre Edward fils de l'autre Edward & de la- *La Regence.*
dicte Ysabel, & entre Philippes Conte de Valois, à qui
seroit Regent en France, durant l'attente du part. Les
Ambassadeurs Anglois disoient que cela appartenoit

*Debat sur la
tutelle de
l'enfant du
Roy.*

*Querelle
sur le debat
du Royau-
me.*

*Raisons des
deux par-
ties.*

à Edward fils d'une fille de Philippes le Bel, qui estoit
sœur du dernier Roy Charles. Qu'à ceste occasion il
falloit attendre le part, & si aduenoit que ce fust vn
masle, que la tutelle d'iceluy appartenoit audiect E-
dward. Les François en l'assemblée des trois Estats, crie-
rent que l'aage dudit Edward qui estoit bien ieune,
auoit besoing d'un curateur & tuteur, & plus de be-
soing d'un Gouverneur, que d'experience de gouver-
ner, & que l'ambition & poursuite de ceste tutelle,
estoit non seulement illegitime, ains suspecte, & que
par les loix elle deuoit estre reiectee. D'auantage la
mesme querelle & pretension au Royaume, qui auoit
esté esmeuë au commencement du regne du Roy Phi-
lippes le Long, alors fut agitee, c'est à sçauoir, que
aduenant que ladiecte Ianne fist vne fille, Edward suc-
cederoit au Royaume. Au contraire Philippes Conte
de Valois depuis Roy de France fils de Charles, dont
nous auons cy deuant parlé, disoit les femelles n'auoir
aucun droit au Royaume, & qu'Edward s'appuyoit sur
vn droit maternel, qui estoit nul. Ce furent les pre-
miers poincts de leur dispute, qui furent debattus non
seulement par paroles, mais par les mains, cōme nous
auons au long discours cy deuant en ce mesme liure,
en l'article de la loy Salique, & pareillement au secōd
liure sur Philippes de Valois. Après que les Ambassa-
deurs du Roy Anglois eurent fort & ferme debatue le
droict de leur maistre, & perdu leur cause, & que Phi-
lippes de Valois, eut esté salué & Couronné Roy par

les François, ledit Roy Edward vint à Amiès luy prest^r la foy & hōmage pour le Duché de Guyēne, duquel ses predecesseurs auoient tousiours fait hōmage aux Roys de Frâce, ensemble du Conté de Ponthieu, lequel le Roy Philippes le Bel, auoit donné en dot à Ysabel sa fille mere dudit Roy Edward. Le Roy Anglois estant retourné en son Royaume, le Roy de Frâce l'enuoya prier d'estre de la ligue, pour le voyage de la Terre saincte, mais ceux qui furēt enuoyez vers luy, congneurent bien que son intention estoit de faire la guerre en France, & que le Roy Philippes ne deuoit transporter ses forces ailleurs, ains les garder à la deffence de son Estat. Edward estoit ieune & riche, il auoit appaisé les troubles de son Royaume, & ayant fait premieremēt la guerre contre les Escossois, auoit en icelle fait preuue de sa vaillance. Adonc il auoit les yeux ouuerts au droit par luy pretendu sur le Royaume de France. Il estoit extremement fâché de voir que le Roy de France tenoit en Guyenne certaines places auxquelles il auoit des garnisons, lesquelles ledit Roy auoit confisquées sur le Roy Edward pere dudit Edward, par la felonnie cōmise par le Sieur de Mōpezat dessusdit, & pareillemēt de ce que lors que ledit Roy Anglois fit à Amiens, hommage audit Roy du Duché de Guyenne, & qu'il luy demâda lesdictes places, le Roy ne les luy voulut iamais rendre. Le Roy Anglois estoit conuoiteux de grandeur & de renommee, & fut à ce d'auantage animé par la suscitation

*Hommage
du Duché
de Guyenne
au Roy.*

*Hommage
du Conté
de Ponthieu.*

*Grâdeur du
Roy Anglois.*

*L'Anglois
suscité par
Robert
d'Arthois.*

de Robert d'Arthois Conte de Beaumont, qui l'irrita à la pretension du droit de la Couronne de France. De là fallumerent les cruelles guerres entre ces deux nations : de là vint la bataille de Cressy, en laquelle la Couronne de France fut à vn pied de terre, & puis aduint la prinse de la ville de Calais, qui depuis lors iusques à l'an 1558 qu'elle fut reprinsé, a tenu la France en subiection.

*La bataille
de Cressy.*

*Calais re-
prinse.*

Peu après le Roy Philippes de Valois venât à mourir, son fils Iean luy succeda au Royaume, qui fit avec les Anglois trefues pour deux ans, puis comme il s'amusoit à vouloir chastier la rebellion de Charles Roy de Nauarre son beau frere & cousin, & à s'emparer de quelques places que ledit Roy de Nauarre auoit en Normandie, ledit pays de Normâdie s'esleua en esperâce de nouuelles choses, & l'Anglois qui auoit tousiours les yeux ouuerts à surprendre quelque pays à l'improuiste, se ietta d'un costé sur la Normandie, là où il enuoya le Duc de Glocestre, & de l'autre sur la Guyenne, là où il manda Edward Prince de Galles son fils. Le Roy Iean laissant la Normandie bien garnie d'hômes, vint trouuer ledit Prince vers Poictiers, là où fut donné la bataille, en laquelle Iean fut prins avec son fils Philippes, depuis Duc de Bourgongne. L'Angleterre se trouua lors fort espuisee de moyens & d'hommes, par la longueur de ceste guerre, & la France receut vn grand coup de fortune par la prinse de son Roy, laquelle engendra vne effrenece licence

Trefues.

*Bataille de
Poictiers.*

*Malheur de
la prinse
d'un Roy.*

au cœur d'un chacu, car chacun vouloit estre maistre. Le peuple vouloit donner la Loy au Daulphin Duc de Normádie fils dudit Roy, & luy faire faire les choses à son appetit & à sa volonté. Le Roy de Nauarre qui estoit prisonnier, estant sorti de prison brouilla fort les cartes, assisté du secours & de la faueur de l'Anglois. Il n'y eut rien que la bonté de Dieu qui lors sauua la France, laquelle estant desnuee d'hommes, estoit exposée à l'Anglois. En fin il fut aduisé entre l'une & l'autre nation, d'enuoyer leurs deputez à Bretigny pres de Chartres pour traitter de la paix: par le Traitté de laquelle il fut dit. Que le Traitté de paix " faict entre le Roy saint Loys, & le Roy Henry d'An- " gleterre demurerait, c'est à sçauoir, que les deux " Edwards pere & fils, quitteroyent au Roy de France tout " ce qu'ils pourroient pretendre sur les Contez d'An- " jou, de Touraine, & du Maine, & sur le Duché de " Normandie. Que la Guyenne seroit rendue aux An- " glois, en laquelle seroient cõpris les pays de Gascon- " gne, de Poictou, de Xaintonge, de Perigort, de Limo- " sin, de Quercy, d'Angoumois & de Rouergue. Que " le Roy de France les leur donroit avec leurs appartenā- " ces & deppendāces, sans en rien demollir, diminuer, " ny oster aucune chose. Que ledict Roy dedās certain " iour qui ne passoit pas vn an, quitteroit la souuerai- " neté de Guyenne, & que luy, le Daulphin son fils, & " tous les Princes du sang s'obligeroient par serment, à " tenir & ratifier toutes ces choses. Que pareillement le "

*Malice du
Roy de Na-
uarre.*

*Traitté de
Bretigni.*

- » Roy d'Angleterre iureroit & par sermēt promettroit
- » de quitter tout droict par luy pretendu sur la Couronne de France. Que le Roy Iean donroit aux deux
- » Edwards pere & fils, la somme de trois cēs mille escus.
- » Que les armées d'une part & d'autre vuideroiēt la France, & que les garnisons seroiēt ostées des places. Que
- » cependant pour l'assurance de toutes ces choses, le
- » Roy donroit pour ostages, les Ducs d'Anjou & de
- » Berry ses fils, & les Ducs de Bourbon & d'Alañçon.

*Retour du
Roy Iean en
France.*

Par ce Traitté le Roy Iean retourna en France, quatre ans après sa prise, à la charge de retourner en Angleterre, si toutes ces choses ne s'accomplissoiēt. Mais estant de retour en France, voyant par les remonstrances de ses subiects, lesdictes conditions estre trop rigoureuses & preiudiciables à son Estat, delibera de retourner en Angleterre pour voir s'il pourroit les faire rabaisser.

*Mort du
Roy Iean en
Angleterre.*

Y estant retourné il y mourut, laissant pour successeur en son Royaume Charles le quint Roy de France, qui accomplit en tout ce qu'il peut, ce qui auoit esté arresté au Traitté de Bretigny. L'Anglois cependant traictoit bien rudement les Gascons, nation accoustumée à viure lors en liberté, & de sa nature prompte & bouillante. Il leur imposoit de grieux subsides, & entre autres le Conte d'Armaignac se plaignant de ce que le Prince de Galles fils du Roy d'Angleterre, ne luy faisoit pas la iustice telle qu'il deuoit, en appella au Roy de France. Des Dormans Châcelier de France

*Naturel des
Gascons.*

ce, conseilla le Conte d'Armaignac d'appeler au Parlement de Paris, des cas aduenus deuant le Traitté de Bretigny, deuant lequel toutes les causes de la Guyenne ressortissoient audit Parlement, disant que par ceste ouuerture, on donneroît la lumiere à beaucoup de choses obscures & cachees, mais on ne voulut rien remuer, que les ostages de France qui estoient encores en Angleterre, ne fussent de retour. Et cōme le Conte d'Armaignac ne cessoit de se plaindre du Prince de Galles, & d'implorer la iustice de France, on enuoya vn homme à Bordeaux adiourner ledit Prince par deuant le Roy, & vn autre en Angleterre, denoncer la guerre au Roy dudit pays. Les deux hommes n'eurent aucun mal, & à l'instant plusieurs villes que les Anglois tenoient, se rendirent aux François. La guerre lors fut ouuerte à bon escient, & toute la Guyenne en armes & en proye aux deux armées. Le Roy Anglois suscita Iean Duc de Bretagne son gendre, cōtre le Roy de France, & par sa faueur il feit venir par la Bretagne en France, tout ce qu'il voulut faire venir d'Angleterre. Ce pēdant l'Anglois se plaignoit à tous les Princes Chrestiens, & mēsmement au Pape, de la perfidie des François, disant qu'ils auoient commencé à rompre le Traitté de paix fait à Bretigny. Le Roy de France enuoya ses Ambassadeurs vers le Pape, pour se purger de ceste accusatiō. Mais le principal poinct de l'instruction desdicts Ambassadeurs estoit de supplier le Pape, de ne permettre le mariage de Margue-

*Plainte du
Cōte d'Ar-
maignac.*

*Denōciatiō
de guerre à
l'Anglou.*

*Guerre ou-
uerte.*

*Plainte de
la perfidie
des François.*

*Mēces cō-
tre l'An-
glois.*

rite fille & heritiere de Loys Conte de Flandres , avec Aymon fils du Roy d'Angleterre, laquelle ledit Roy Charles de Frâce, vouloit ou espouser ou faire espouser à vn de ses freres, & ne permettre qu'elle vint entre les mains des Anglois , pour ne les aggrandir par ce moyé dedans la France . La priere du Royde France estoit en apparence fondee sur ce que lediēt Aymon & ladiēt Marguerite estoient si proches parés, qu'ils ne se pouuoient marier sans la dispense du Pape, mais en effect c'estoit pour mettre vne barriere deuant la grandeur de l'Anglois . A ceste occasion ledit Roy prioit le Pape de ne permettre ceste dispense , comme il ne fit . Sur ces entre-faiētes Edward Prince de

*Mort du pere
et du fils
Rois d'An-
gleterre.*

Galles, puis peu de tēps après Edward son pere moururēt, & Richard fils du Prince Edward aagé de douze ans succeda à son ayeul . Bertrand du Gueselin Conestable de France, faisoit ce pendant en Guyenne, la guerre aux Anglois . Le Duc de Bourgongne frere du Roy , en faisoit autant du costé de la Picardie , & en plusieurs autres endroits du Royaume . Le Roy Charles auoit cinq armées, qui donnoient beaucoup d'affaires ausdits Anglois . Adonc par la prudence dudit Roy , la France estoit florissante quand les seigneurs Anglois, qui auoiēt la tutelle de leur ieune Roy , practiquerent tous les Princes Chrestiens pour les irriter

*Charles sou-
stient cinq
armées.*

*L'Empereur
Charles qua-
triesme en
France.*

contre les François . Ce que voyant Charles quatriesme Empereur, & Wenceslaus son fils, delibererēt de venir en France, pour trouuer moyen de pacifier les

guer-

guerres esmeuës de si long temps entre deux si grands Roys, & pour adoucir leurs cœurs, & les vñir au voyage de la Terre saincte : mais ils ne peurent rien faire, tant à cause que les cœurs de ces deux Roys estoient tant irritez, qu'ils ne pouuoient receuoir aucune amitié, que pource qu'un Schisme suruint en l'Eglise, qui diuisa toute la Chrestienté en creance. Le Roy Anglois sur ce poinct enuoya vne grosse armee en France, sous la charge de Thomas son oncle : & le Roy Charles en dressa vne autre, sous la charge de Loys Duc d'Anjou son frere. L'Anglois auoit prins vne partie de la Bretagne, quand Charles le quint vint à mourir, laissant Charles sixiesme son fils son successeur au Royaume.

Schisme en l'Eglise.

Mort de Charles le quint.

Incontinent après qu'il fut Roy, les Ducs d'Anjou, de Berry, de Bourgogne, & de Bourbon ses oncles, n'eurent autre soing que de mettre ordre aux affaires de Bretagne, & de la tirer de la puissance des Anglois, comme il fut faict peu après que les Anglois en furent chassés. D'autre costé le Roy enuoya vne armee en Escosse, sous la charge de Jean de Vienne Admiral de France, au secours du Roy d'Escosse, pour guerroyer de tous costez les Anglois. L'Admiral print quelques villes sur eux, & en plusieurs petites escarmouches affoiblit grandement leurs forces. Après ces longues guerres, les deux Roys firent Tresues pour trois ans, pour employer leurs armées à vn nouveau voyage de la Terre saincte, qui estoit le seul moyen de les di-

La Bretagne cōquise par les François.

Tresues entre les deux Roys.

*Voyage en
la terre sain
cte.*

*Guerre en-
tre les deux
Rois pour la
Bretagne.*

*Sedition en
Angleterre.*

*Le nom de
liberté fait
faire des
folies.*

uertir de se faire la guerre. Adonc ils ioignirent leurs forces ensemble pour ceste entreprinse, & y enuoierent les plus grands Seigneurs de leurs Royaumes. Cependant ils iouissoient du plaisir de leurs Trefues, qui ne furent si tost expirees que les affaires de Bretagne les animerent de rechef à s'entreguerroyer, comme auparavant ils auoient faict. Mais comme ceste guerre eust esté assopie, Richard Roy d'Angleterre passant la mer à Calais, vint parlementer avec ledit Roy Charles qui luy donna en mariage Ysabel sa fille, aagée de sept ans, & dés l'heure la luy liura. Estât ledit Roy Richard de retour en Angleterre avec sa ieune femme, il trouua son Royaume tout brouillé de seditions & de conspirations des plus grands Seigneurs d'iceluy, des principaux desquels il fit punition, & en chassa d'autres, entre lesquels fut Henry Duc de Lancastre qui s'en fuit en Frâce, là où il fut quelque temps: mais s'en retournant après en Angleterre, il assembla vn grand nombre de peuple sous le nom specieux de liberté (qui à plusieurs personnes a faict faire des folies) & chassa Richard de son Royaume, & ainsi fut Roy, Henry Duc de Lancastre quatriesme du nom. La ieune fille estant renuoyee en France à son pere, fut mariee à Charles Duc d'Orleans. Ledit Henry estant mort, Henry cinquiesme du nom luy succeda, lequel incōtinent après qu'il fut Roy, enuoya demander en mariage, Catherine fille dudit Roy Charles: & d'autant que le Roy Charles estoit lors mal disposé de son sens,

les Seigneurs de son conseil respondirent qu'on ne pouuoit pour l'heure luy faire responce, tant à cause del'indisposition du Roy, que des affaires de ses oncles. Lors le Roy Anglois interpretant ceste remise estre vn pur reffus, & se pensant estre offensé d'iceluy, delibera de s'en venger. Il voyoit la France plaine de dissentions & de guerres ciuiles, par les factions des maisons d'Orleans & de Bourgongne, qui luy firent sembler la saison propre à ses desseings. Adonc il passa auec vne armee en Normandie, la plus grande partie de la quelle il print. L'Empereur Sigismôd, fils du susdit Empereur Charles quatriesme, proche parent du Roy de France, esmeu d'un bon zele d'appaiser (côme son pere auoit tasché de faire) ces deux Roys, vint en France, & de là passa en Angleterre, mais comme il estoit sur le poinct de le faire, arriua la nouuelle de la bataille de Blangy pres Azincourt, là où les Anglois auoient esté deffaicts, qui rompit tout. Sur ces entre-faictes le Duc Philippes de Bourgongne ardēt du desir de vanger la mort du Duc Iean son pere, appela le Roy d'Angleterre à son secours, & l'amenant à la conqueste du Royaume de France, luy mit entre ses mains les personnes du Roy, de la Royne, & de leur fille Catherine, & les villes de Paris, de Chartres, & de Troyes, tous vrayz instrumens propres à la conqueste du Royaume. Et pour priuer le Daulphin Charles (qui depuis fut Roy, auquel il vouloit vn mal de mort) de la succession, & du droit du Royaume, il

Inlure & despit du messis.

Les diuisions donnent enuie aux factieux de remuer affaires.

L'Anglois prend la Normandie.

La bataille d'Azincourt.

Le Duc de Bourgongne fait venir l'Anglois.

Le Daulphin exheredé de la Couronne.

le fit crier à Paris à son de trompe à trois briefs iours, lesquels expirez, il le fit par contumace condamner & declarer indigne de la succession du Royaume, comme perfide, pariure & desloyal, ayant sous couleur de bonne foy, & de parlementer avec vn Prince son

Causes de la condamnation du Daulphin.

proche parent, iceluy fait tuer deuât ses yeux. D'auantage dedans la ville de Troyes, ledit Roy Charles mal disposé de son sens, & qui n'auoit ny entendement ny Royaume, fut contraint de donner au susdit Henry sadiète fille Catherine, à la charge que cas aduenât que ledit Roy Henry ou ses enfans procreez de luy & de ladiète Catherine, suruequissent sondict beau pere, ils succederoient au Royaume, & que ce pendant ledit Roy Anglois gouuernerait, & seroit appelé Regent : & en ceste qualité il eut les forces du Royaume à sa dispositiō, & print les villes de Meleun, de Sens, & de Meaux. Ayant donc fait mieux ses besongnes en France qu'il ne pensoit les faire, lors qu'il vint d'Angleterre, & laissant en France Regent le Duc de Clarence son frere, pour mettre ordre au reste des affaires & des guerres, il s'en retourna en Angleterre avec sa femme. Le Duc estant tué deuant la ville d'Angiers, ledit Henry Roy son frere, laissant sa femme & son petit fils Henry sixiesme, aagé de deux ans, repassa en France en intention de la mettre à feu & à sang.

Le Roy d'Angleterre Regent.

Mort du Roy d'Angleterre.

Mais bien tost après il mourut au bois de Vincennes, laissant la charge du Royaume d'Angleterre au Duc de Lanclastre son oncle, & des affaires de France au

Duc de Bethfort, lequel il pria de ne vouloir iamais faire paix avec le Daulphin que la Normandie ne demeurast aux Anglois:& cinquante trois iours après sa mort, qui fut l'an 1423 le Roy Charles sixiesme mourut, laissant Charles septiesme son fils, aagé de 21 an, successeur au Royaume.

*Mort du
Roy Char-
les 6.*

Ce Roy au commencement de son regne, trouua vne grande partie de la France occupee par les Anglois, & n'auoit que le pays de Berry à sa deuotion. Il estoit assez mol à se deffendre, mais les seigneurs de son Royaume prenās cœur, chasserēt les Anglois premieremēt de la Normandie, puis de la Picardie, Châpagne, & Brie, & d'une grande partie de la France. Les Anglois voyās leurs affaires aller mal de deça, y font venir Héry sixiesme du nom leur Roy, aagé de douze ans, & le firent courōner Roy de France en la grande Eglise nostre Dame de Paris. Cela n'estonna point les François, ains iouans à quitte & à double, poursuiuirent leur bon heur, & prindrent la ville de saint Denys. La France en faccroissant estoit fort desolee, les villes estoient vuides d'habitās, les champs de laboureurs, & le pays de biens. Le Duc de Bourgongne cōmença lors de ne fauoriser plus comme auparauant les Anglois, & le Pape ayant pitié de la cruauté & longueur de ces guerres, enuoya deux Cardinaux en France pour faire la paix entre ces deux Roys. Adonc ils assemblerent les deputez d'iceux Roys en la ville d'Arras, là où il fut parlé de la paix, mais les conditions ne

*La France
detenue par
les Anglois.*

*Le Roy
d'Angleter-
re couronné
Roy de Fran-
ce à Paris.*

*Calamité de
la France.*

*Le Duc de
Bourgongne
addoucy.*

*Traicté de
Arms.*

*Condi-
tions ri-
goureu-
ses du-
dit Trai-
té.*

pouuans plaire aux Anglois, ils s'en allerent. Le Duc de Bourgongne ayant depose sa vieille haine, & ayant pitié de la France, se monstra fort raisonnable, & le Roy de France ne luy desnia aucune chose qu'il luy demandast, pour oster toutes occasions de nouuelle rancune. Premièrement il fut dict que les funerailles & obseques du Duc Iean, seroient faictes honorablement aux despens dudit Roy. Qu'au lieu où auoit esté tué le Duc, le Roy feroit bastir vne Eglise, & y feroit des Chanoines pour prier Dieu pour son ame, lesquels il doteroit d'un bon moye pour viure. Que le Roy donroit audit Duc Philippes supplemēt d'Apānage, & pour cest effect luy donroit les villes de Mascōn & de saint Gengon, à luy & à ses hoirs legitimes, lesquelles il recognoistroit de la Couronne de France, de la mesme façon que les Pairs ont accoustumé de la recongnoistre en leurs terres. Que lesdictes villes auroient leurs iuges & magistrats, les appellations desquels iroient es cas Royaux à la Cour de Parlement de Paris. Que la ville d'Auxerre seroit au Duc en tiltre de Conté, de toutes lesquelles terres il feroit hommage lige audit Roy, sans que les appellations d'iceluy Conté d'Auxerre resortissent au Bailly de Sens, ains fussent les causes dudit Conté, iugees en dernier ressort souverainement, durant la vie dudit Philippes & de ses fils, après la mort desquels le droit du Bailly de Sens reuiendroit: & de la mesme façon luy furent donnees toutes les villes assises sur la riuere de Sone, avec

leurs appartenances & dependances. Que de toutes les susdictes villes, le Roy ne prendroit aucun tribut, tailles ny subsides, & ne seroient subiectes au Roy qu'en souueraineté, ains que tous leurs reuenus reuiendroient au Duc & aux siens. Que les benefices Royaux, seroient en la collatiō du Duc non du Roy. Il y auoit aussi plusieurs autres articles bien importās, lesquels le Roy accorda au Duc pour le separer d'avec ses ennemis, & le tirer du costé de la France. Et ce qui esmeut le Roy à luy accorder volontiers toutes lesdictes villes, fut que la pluspart estoient encore detenuës par lesdits Bourguignons & Anglois, lesquelles le Duc bien tost après remit en son obeissance. Ainsi la colere du Bourguignon qui fit les Anglois maistres de la France, maintenāt deposee les en chassa. La nouuelle de la paix du Traicté d'Arras, resiouit grandement les Parisiens, les principaux desquels commencerent de parler plus hardiment qu'ils n'auoient fait, & de là suruindrent quelques conspirations, pour mettre ladicte ville entre les mains des François. Laquelle bien peu de temps après fut prinse par eux, avec peu de peine, & semblablement plusieurs autres villes furent reprinses, les vnes par guerre, les autres par composition, & la France commença de se remettre en sa premiere grandeur. Lors les diuisions qui estoient entre les maisons de Bourgongne & d'Orleans furent assopies. Les Anglois voyans que leurs affaires alloient de mal en pis, & qu'ils ne pou-

*Les Anglois
chassés de
la France.*

*Paris reprin
sé par les
François.*

*La France
se remet.
Diuisiōs des
maisons de
Orleans &
de Bourgō
gne assopies*

*Trefues.**Mariage du
Roy An-
glois.**Perfidie des
Anglois.**La Normã-
die gaignee
par les An-
glois.**Bataille de
Formigni.**La Guyenne
reduite en
l'obeissance
des François.**Bataille de
Castillon.**La dernière
bataille.**Les Anglois
rembarrez
de la mer.*

uoient faire la paix, firent trefues pour trois ans, par lo
moyen desquelles fut fait le mariage de Marguerite
fille de René Roy de Sicile Duc d'Anjou, avec le Roy
d'Angleterre, & par ce mariage l'Anglois quitta le
Conté du Maine à Charles frere Dudit René, & oncle
paternel de sa femme. Le Roy Charles pensant auoir
le repos en son Royaume, auoit enuie de donner de-
dans l'Italie, quand la perfidie des Anglois l'en diuer-
tit: car deuant le iour des trefues expiré, ils surprin-
drent la ville de Fougères en Bretagne, sur les confins
de la Normãdie, & de là fut la guerre ouuerte de telle
façon, que toute la Normandie fut embrasée & re-
duitte en l'obeissance du Roy de France: & parmy ces
guerres fut donnée la bataille de Formigny, là où fut
faicte vne grande boucherie d'Anglois. De la Nor-
mandie on alla en Guyenne, qui fut pareillement re-
duirte en l'obeissance des François: & pres de la ville
de Castillon, sur les marches de Bourdelois, & de Pe-
rigort, fut donnée vne bataille, là où les Anglois eu-
rent du pire, en laquelle Talbot leur chef fut tué, qui
fut la dernière bataille que les Anglois eurent en Frã-
ce, & qui termina tant de longues guerres. Et estant la
Guyenne reprise, après auoir demeuré plus de deux
cens ans sous l'Anglois, il ne leur resta rien en France
que Calais avec peu d'estendue de pays: & furent cō-
traincts de repasser la mer, & se resserrer en leur coing
de terre, ne laissant rien pardeça à eux que la ville de
Calais, qui après plusieurs autres guerres qui ont esté
entre

entre ces deux nations depuis lors iusques à present, fut prinse sur eux l'an 1558, au mois de Ianuier.

J'ay esté prié par plusieurs personnes de parler de l'institutiō des Cheualiers de l'Ordre, biē que ie n'eusse deliberé d'en faire aucune mention, comme de chose qui n'appartiēt nullement à l'Estat, ains est vne pompe & ceremonie, de laquelle il se faudroit plustost raire, pour couurir la corruption & indignité, qui depuis quelque tēps s'est mise en iceluy, que d'en parler, mais pour satisfaire à l'istante priere de mes amis, i'en parleray. Chacun sçait que de tout temps les Princes & Potentats, ont vsé de l'honneur de Cheualerie, duquel (après s'en estre eux-mesmes honorez) ils ont honoré & décoré leurs enfans, freres & parens, & les plus vaillans hommes qui fussent aupres d'eux, pour recompense de leur valeur, prouesse & merite. Et l'ont souuent enuoyé & donné aux Princes estrangers, en signe d'amitié & parfaicte alliance. Le premier Ordre que nous sçachions est celuy de Sauoye, surnommé de l'Annonciade, faict & institué enuiron l'an 1350, par le Conte Amé surnommé le Verd sixiesme du nom, auquel il mit quatorze Cheualiers, & luy faisoit le quinziesme. Le bel Ordre de la lartiere d'Angleterre, fut fait par Edward troisieme du nom enuiron l'an 1360: & vn peu deuāt, qui fut l'an 1352, Iean Roy de France institua l'Ordre des Cheualiers de la vierge Marie, dit de l'Estoille, & fit le principal siege d'iceluy en sa noble maison de saint

Des Cheualiers.

Honneur de Cheualerie.

L'ordre de Sauoye dict l'Annonciade

L'ordre de la lartiere d'Angleterre.

L'ordre de l'Estoille.

Ouen prez Paris, autrement appelee le Palais de Clichy. Les Cheualiers dudit Ordre portoient l'Estaille au col ou au chapeau. L'intention du Roy estoit, cōme il a esté cy dessus dit au second liure, d'honorer les grands, excellents & vaillans personnages, mais chacun s'estimant estre tel & digne de cest honneur, il se vit tant importuné de le donner, qu'on ne voyoit à la Cour autre chose que Cheualiers de l'Ordre: dequoy luy mesme qui en auoit esté l'inuenteur, se trouua scādalisé, voyant auoir exposé à l'ambition, ce qu'il auoit destiné au merite. Dont pour le faire haïr d'un chacun, il fit vne Ordonnance, par laquelle il ordonna que de là en auant les Sergens de Paris, autres disent les Archiers du guet, porteroient sur le haut de l'estomach, & derriere sur le dos, vne Estaille pour estre par ceste marque recongneus pour Sergens. Ce qui fut cause que tous les gentilshommes qui portoient l'Estaille pour marque d'honneur & de vertu la laisserent, & ainsi s'escoula cest Ordre de soymesme.

*L'Estaille est
la marque
des Archiers
du guet.*

*L'ordre de
Orleans.*

Quelques siecles après Loys Duc d'Orleans frere du Roy Charles sixiesme, institua l'Ordre du Porc-espic portant le Camail au col, & Philippes Duc de Bourgogne institua l'Ordre de la Toison, qui est porté & entretenu par le Roy Philippes d'Espagne, à present regnant. Depuis le Roy Loys vnzieme le premier iour du mois d'Aoust l'an 1469, institua l'Ordre de saint Michel Archange, & ordōna qu'en iceluy Ordre y auroit trente six Cheualiers gentilshom-

*L'ordre de
la Toison.*

*L'ordre de
saint Mi-
chel.*

mes de nom & d'armes sans reproche, desquels il estoit Chef & souuerain, & après luy ses successeurs Roys de France. Et estoient lesdicts freres & compagnons de cest Ordre, à l'entree d'iceluy, tenus quitter & laisser tout autre Ordre, l'aucun en auoient, soit de Prince ou de compagnie, exceptez les Empereurs, Roys, & Ducs, qui avec cest Ordre pourroient porter l'Ordre dont ils sont Chefs, moyennant le gré & consentement du Roy, & freres d'iceluy Ordre. Semblablement lesdicts Roys de France avec ledit Ordre pourroient porter l'Ordre des autres, Empereurs, Roys & Ducs. Et pour congnoissance dudit Ordre & des Cheualiers qui en seroient, il donna pour vne fois à chacun desdicts Cheualiers vn collier d'or, faict à coquilles lacees l'une avec l'autre d'un double laqs, assises sur chainettes ou mailles d'or: au milieu duquel y auroit sur vn roch, vn image de saint Michel, qui reuiendroit pendant sur la poitrine. L'institution dudit Ordre contient 98 articles, ausquels sont comprises toutes les choses obseruantes & conditions, ausquels lesdicts Cheualiers sont subiects: & d'autant que cela est imprimé en vn liure faict pour cela, nous n'en dirons icy autre chose, & remettrons les lecteurs audit liure.

*Conditions
des Cheua-
liers de l'or-
dre.*

*Façon du
Collier de
l'ordre.*

Deuant l'institution desdicts Ordres particuliers, l'Ordre de Cheualerie general estoit en grand pris & estime, en laquelle il n'y auoit point de Colliers que les Cheualiers deussent porter, ains auoient pour mar-

*ladis point
de Colliers
en la Che-
ualerie.*

que seulement le nom & la qualité de Cheualier, qui signifioit vn grand mérite precedēt. Et depuis la marque au col est venue deuant le mérite, & souuent sans iceluy, soit deuant, soit après. Quand iadis les Princes donnoient l'Ordre de Cheualerie à vn nouveau Cheualier esleu, il falloit que ledict Cheualier se baignast & lauast, & que la nuit deuant la reception de son Ordre de Cheualerie, il veillast dedans vne chappelle, & à l'heure de la reception de l'Ordre, luy estoient faictes plusieurs belles saintes & vertueuses remonstrances qui l'excitoient à la vertu, & à garder foy & verité, à laquelle par serment solennel il s'obligeoit. Cōme on voit que quand Hues Côte de saint Paul, Guy & Jacques ses freres l'an 1289 vendirent la Seigneurie d'Auannes en Hainaut, au Roy Philippes le Bel, ils promirent par la foy de leurs corps, comme loyaux Cheualiers, de la luy garantir: & quand messire Iean de Grailli Captal de Buch en Medoc, pays de Bourdelois (duquel est descendue la race & maison de Candalle d'aujourd'hui) fut prins prisonnier de guerre du Roy Charles cinquiesme l'an 1364, il s'obligea de tenir sa prison ordonnee, voulant (s'il faisoit le contraire) estre tenu pour faux, mauuais & desloyal Cheualier & pariure, & soy sous-mettre à ce que ses armes fussent tournees, & mises sans dessus dessous, & comme tel estre poursuui en toutes Cours. Le Duc Iean de Bretagne traitant paix avec le Roy Charles sixiesme le 15 Ianuier 1380, iura l'obseruance dudit

Façon ancienne de donner Cheualerie.

Vn Cheualier doit garder foy.

Serments des Cheualiers.

Traitté par la foy de son corps, & comme loyal Cheualier. Et l'an 1431 la Cour de Parlement ordōna que messire Perceual Chabot, prisonnier pour desobeissance faicte à vn arrest, seroit essargi, en faisant sermēt en foy de Cheualier d'obeir aux arrests : si grande estoit la foy des Cheualiers de France.

Foy de son corps, iuron ancien.

Deuant les ordonnances de la gendarmerie faicte & instituee par le Roy Charles septiesme, il y auoit deux sortes de Cheualiers, le Banneret, & le Bachelier. Le Bāneret qui pouuoit leuer Banniere de ses vassaux : & le Bachelier qui marchoit sous la Bāniera d'autrui. Le Banneret à la guerre auoit double solde au pris du Bachelier, & le Bachelier double de l'Escuyer. En l'hōmage que Geoffroy Viconte de Limoges, fit au Roy Philippes de Valois, il luy promet de seruir ledit Roy avec deux cens hommes d'armes, à la solde accoustumee, qui est de vingt sols pour Banniere, vingt sols pour simple Cheualier, & cinq sols pour l'Escuyer par chacū iour : & au Tresor des Chartres y a vn nombre infiny de semblables hommages. Anciennemēt les Cheualiers estoient faits deuant les batailles & assaux, pour leur donner meilleur courage de bien faire, & aussi pour laisser à leur race & posterité cest hōneur & marque d'estre morts Cheualiers. Le Sire de Ioinuille en l'histoire de saint Loys, tesmoigne pour auoir esté present, que ledit Roy pour la Cheualerie de son frere Alphons Conte de Poictou & de Dreux, tint Cour planiere à Saulmur, avec vne grande pom-

Deux sortes de Cheualiers.

Cheualier Banneret.

Hommage au Roy.

Les Cheualiers faicts deuant les batailles.

*Cas pour les
quels sont
taillables
les subiects.*

pe & magnificence. L'un des quatre cas pour lesquels sont taillables les subiects du Domaine de la Couronne & de ses vassaux, est Cheualerie, qui monstre qu'il y auoit iadis de la despense grande qu'ad on faisoit des Cheualiers.

*Les prerogatiues des
Roys.*

*Le Roy ne
reconnoist
nul superieur.*

*La France
n'est fief.*

*Le Roy en
son Royaume
me Empereur.*

*Querelle en
tre Philippes
le Bel & Bo
niface huitiesme.*

Encore est il necessaire après auoir parlé de tant de belles Constitutions faictes par nos Roys, de parler des belles prerogatiues & priuileges qu'ils ont par dessus les autres Roys. Leur premier priuilege & la souueraine prerogatiue de la Couronne de France, est que le Roy d'icelle ne recongnoist & n'est tenu recongnoistre aucun superieur en la temporalité. Et à ceste occasion quelques vns disent que la France n'est point Fief, pource qu'elle ne doit aucune foy ny hommage, qui est vn signe de grande & souueraine liberté, d'autant que ce qui doit foy est Fief, comme le mot le porte. Par le tesmoignage de tous les autheurs tant anciens que modernes, le Roy de France est en son Royaume souuerain Empereur, ne recõgnoissant aucũ superieur, ny de fait, ny de droit, & a en son Royaume plus de puissance que l'Empereur n'a en son Empire. Quand le Pape Boniface huitiesme manda au Roy Philippes le Bel, qu'il eust à le recongnoistre pour son souuerain, tant en la Temporalité qu'en la Spiritualité, ledit le Bel luy manda que quāt à l'ame il estoit prest d'obeir au siege Apostolicq, mais que pour le Temporel de son Royaume, il ne recongnoissoit par dessus luy que Dieu: & ne

vouloit pour ledit Téporel'fassubiettir ny sub-met-
tre à personne viuante, ains le manier comme il auoit
pleu à Dieu le luy donner. Le Pape irrité de cela, luy
manda par vne Bulle, qu'il estoit son subiect au Tem-
porel, comme au Spirituel, declarant heretiques ceux *La bulle du*
qui ne le croiroient. Aquoy le Roy contredit fort & *Pape bru-*
ferme, & fut ladicte Bulle bruslee à Paris en la presen-
ce du Roy, de ses Princes & de son Conseil: & pour
rabiller la faute dudit Boniface, le Pape Clemét cin- *Declaration*
quiesme par Bulle expresse fit declaration que celle *du Pape*
dudit Boniface ne fit preiudice audit Roy ne à son *Clement 5.*
Royaume, & qu'ils ne fussent plus subiects que deuât,
à l'Eglise Romaine, remettant les choses en l'estat
qu'elles estoient auparauant. Aussi declara ledit Pape
Clement, que la iustice Temporelle que son Preuost
auoit exerceé en France (ledit Pape y estant) sur les gés
de sa Cour, estoit par la permission dudit Roy, & que
cela ne fit preiudice à la iurisdiction Royale. Par cest
exemple & plusieurs autres, appert que les Roys & le *Les Roys ni*
Royaume de Frâce ne sont subiects, quant à la Téporelité, *la France ne*
aux droits escripts, lesquels ne sont receus qu'en *sont subiects*
tant qu'ils ont raison & equité: & pource és erections *au droit es-*
des Vniuersitez des droits faictes en France, les Roys *crit.*
ont par exprés protesté ne receuoir lesdits droits par
autorité, mais seulement pour raison. En la Chartre
des priuileges ottroyez par le Roy Philippes le Bel à
l'Vniuersité d'Orleans, est dit par ledit Roy, que son *La France*
Royaume est gouuerné par coustume, non par droit *gouuernée*
par consue-
me.

escrit, fors en quelques prouinces, lesquelles les subiects par permission des Roys les antecesseurs, vsent en plusieurs choses des droits escrits, non qu'ils y soïent liez, mais seulement les ont receus pour entêdre la raison des faicts qui peuuent interuenir, & enseigner à faire iustice, & preparer l'intelligence des coustumes. Et tout ainsi que les Romains prindrent les Loix des Grecs, ainsi voulurent nos Roys que les Loix Romaines & le Droit escrit fust publicquemēt leu & publié en leur Royaume, à fin d'enseigner l'equité, & entretenir la raison, par lesquelles deux on a coustumé de iuger en France, quād les arrests, iugemens, & Ordonnances qui sont à preferer aux coustumes, deffaillent, & qu'il n'y a coustume continuee, par laquelle il faille iuger. Outre ce ledit Roy dit en ladite Chartre, qu'aucun n'estime que pour estre les Vniuersitez des Droits endurees au dedans dudit Royaume, que les Roys ayent receu lesdictes Loix ny le Droit escrit, sinō autant qu'il leur plaira. Le Roy Philippes de Valois en certaines choses derogea à tout Droit escrit, disant ny estre subiect quant à la Temporalité, ains aux coustumes de son Royaume, comme estant pour son regard par dessus icelle. La Duchesse de Calabre Marie de Valois, ayant accordé arbitres pour les differens qu'elle auoit avec ledit Roy Philippes de Valois, s'en departit, & se sous-mit au iugemēt dudit Roy, disant qu'il ne luy sembloit raisonnable ne conuenable, qu'il y eust arbitres entr'eux, & reputa l'excellêce dudit Roy telle,

Les loix Romaines recueues en France.

Vn Roy ne est subiect au droit escrit.

telle, qu'elle se deuoit fier à luy en sa propre cause. Mesmes les Roys de France en plusieurs causes & procès qu'ils ont contre leurs subiects, sous-mettent leur Maiesté aux iugemens de leurs subiects, & se laissent condamner.

*L'excellence
d'un Roy
de France.*

*Les Roys
soubsmis au
iugement de
leurs sub-
iects.*

Il n'y a Roy au monde qui ait vn plus beau nom que le Roy de France, car il s'appelle Treschrestien, & fils aîné de l'Eglise, qui sont noms propres & affectez à luy seul. Quelques vns veulent dire que les Papes donnerent ce nom de Treschrestien à Charles Magné hereditaire à sa posterité: mais nos Roys par consentement vniuersel de tout le monde, l'ont acquis, & laissé hereditaire & patrimonial à leurs successeurs, pour auoir viuement soustenu la Foy & religion Chrestienne contre les Infidelles: & ne faut que les Papes se glorifient de leur auoir donné ce Tiltre, qui leur a esté donné par la commune voix des Chrestiens. Le commencement de ce Tiltre ne se trouue en aucun escrit, bien est il tres-ancié, comme on peut voir que Charles le Chauue Roy & Empereur, est appelé Treschrestien en son Sacre & Couronnement en Roy de Lorraine faict à Mets, après la mort du second Lotaire Roy de Lorraine, lequel Sacre est en vn vieil liure du chapitre de Beauuais. Et en l'histoire du moyne Aimoinus, les Papes Innocent & Honoré troisiésme en leurs Bulles au Roy Philippes Auguste, & Loys huitiésme pere de saint Loys, les appellent Treschrestiens: & les Legats Apostoliques, & trois Euesques nomméz

*Le Roy de
France s'appelle
Tres-
Chrestien &
fils aîné de
l'Eglise.*

*Les Papes
n'ont donné
ce nom.*

*Roys nom-
mez Tres-
Chrestiens.*

*La France ap-
pelee tres-
Chrestienne.
Les Roys de
France Em-
pereurs en
France.*

*Roys de
France nom-
mez Augu-
stes.*

en leurs lettres, escriuans audit Auguste, appellent le Royaume de France, Treschrestien. Aussi les Roys de France ont souuent porté le nom d'Empereurs, non seulement en l'Empire de Germanie ou d'Italie, mais aussi en la France, & la France a porté le nom d'Empire. En la fondation de l'Abbaye sainte Cornille de Compiègne faicte par ledit Charles le Chauue, scelee en or, est escrit en Latin au seel, ce qui s'ensuit en François, Seel de Charles Empereur de Rome & de France : & en la lettre, Charles par la grace de Dieu, Empereur Auguste. Ce qui s'adapte à France plus qu'à Rome, puis que le dispositif est pour chose estant en l'obeissance de France. Il y a aussi en l'Abbaye Saint Benigne de Dijon, vn Tiltre de Charles le Grand, datté le cinquiesme de son Empire d'Italie, & le troisieme de la France Orientale, & premier de la Gaule : & au Tresor des Chartres y a vn tiltre qui dit, Regnant Philippes premier, l'an seize de son Empire mil quatre vingt trois. En ladicte Abbaye y a Tiltre auquel le Roy Loys le Gros s'intitule Empereur Auguste de France, & le semblable fait le Roy Loys le Jeune, au priuilege qu'il donne à l'Euesque de Maguelonne, qui est Montpellier, estât audit Tresor datté du huitiesme Feurier mil cent cinquante cinq. Aussi y est le serment faict des Prieur & Conuent saint Antonin de Languedoc, au Roy Loys huitiesme, auquel il l'appelle tousiours Auguste. Ces Tiltres les plus excellens de tous, outre les autre grandes & anciennes

preeminences, l'ont fait de temps immemorial preceder en tous lieux & rangs, tous les autres Roys de la Chrestienté: & tousiours eux & leurs ministres ont par tout tenu ce premier rang, sans qu'aucú autre Roy l'ait iamais debattu, iusques à Philippes Roy d'Espagne à presēt regnāt, qui après la mort de l'Empereur Charles le quint son pere, disputa ceste presteillance avec nostre Roy, & ses Ambassadeurs la voulurent mettre en doute cōtre les nostres. Il pēsoit bien que iamais aucú Prince ne luy attribuerait le premier rang, mais il vouloit seulement receuoir cest honneur de l'auoir debattu, pour monstrier au mōde qu'il vouloit debatre & costoyer le rang de nostre Roy. Et bien que ceste controuersē fut meüē en quelques endroits de la Chrestienté, si est ce que le premier lieu, où la possession immémoriale du Roy de Frāce fut esclarcie & iugée, ce fut à Venise l'an 1558, par la viuē & genereuse sollicitation & poursuite de messire Frāçois de Noailles, Euesque d'Acqs, Gentilhomme de bonne part, & de grande experience aux affaires d'Estat, lors Ambassadeur à Venise, peu auparauāt en Angleterre, & maintenant Conseiller au Cōseil priué du Roy, & son Ambassadeur en Leuant: estant pour lors aussi Ambassadeur dudit Roy d'Espagne, Frāçois Vargas Espagnol, lequel selon le iugemēt dudit Empereur Charles, qui en plusieurs grāds affaires s'estoit seruy & biē trouué de luy, estoit estimē l'un des plus suffisans ministres qu'il eut iamais tenu en Italie.

Le Roy de Frāce marche deuant tous autres Roys.

Le rang de-battu par le Roy d'Espagne.

François de Noailles Euesque d'Acqs, Ambassadeur en plusieurs lieux.

*Les Roys re-
ligieux.*

Le nom de Treschrestié est meritoiremēt dōné aux Roys de France, car il n'y a point eu d'autres Roys és autres Royaumes qui ayent esté plus religieux que les nostres, soit à planter la Religion Chrestienne en leur Royaume & à l'observer, soit à la deffendre contre les ennemis d'icelle, tant dedās que dehors, ou soit au bastiment & construction de tant de Monasteres, & lieux saincts, & à l'entreenemēt des gens d'Eglise.

*Corruption
en l'Eglise.*

Ausquels si la corruption s'est mise, ce n'a esté la faute des Roys, qui meuz d'un bon zele, ont basti tant de lieux sacrez, & institué tāt de compagnies de personnes Ecclesiastiques, qui depuis par la corruption des siecles, ont abusé de leurs charges, & n'ont obserué les regles auxquelles ils estoient astreints.

*Les Laiz ne
peuuent riē
imposer sur
l'Eglise.*

Outre ces beaux Tiltres de nos Roys, ils ont plusieurs beaux & grands priuileges. Et bien que par le droit commun les Princes Laiz ne puissent demāder ou exiger des gens d'Eglise, ny imposer à l'Eglise aucū subside, ny demāder vn don, ny vn emprunt, ny aucune somme de deniers, sans le consentement du Pa-

*Le Roy de
France peut
imposer sur
l'Eglise.*

pape: toutesfois le Roy de France (moyennant que cela ne viēne aux termes d'une exaction) peut sans cōsentement, commandemēt, & ottroy du Pape, faire vne imposition sur l'Eglise, pour l'vniuerselle ou particuliere deffense de son Royaume, & en autre cas de necessité, de laquelle l'interpretation & l'arbitre appartient à vn Roy, aagé de vingt ans & au dessus, ou s'il en a moins, aux Cōseillers Clercs & Laiz, qui sont de son

priué Conseil, ou à la plus grande partie d'iceux.

Le Roy de France en certaines Eglises & Eueschez de son Royaume prent droits de Regales, comme il a esté dit cy dessus en ce mesme troisiésme liure en l'article du Domaine. Et bien que les Princes seculiers puissent estre excommuniez, & pour tels estre declarez, s'est ce que le Roy de France ne peut estre excommunié par aucun Prelat de son Royaume, cōme il appert par vne Extrauagāte du Pape Clement cinquiesme, & par vne Bulle du Pape Martin, par laquelle ce Priuilege s'estend aux officiers du Roy, pour l'exercice de la iurisdiction Temporelle: car la famille a mesme Priuilege que le Seigneur. Dequoy il y a arrest en la Cour de Parlemēt de l'an 1382 cōtre l'Archeuesque de Reims: vn autre de l'an 1399 contre l'Official de Reims: vn autre de la mesme annee, cōtre l'Archeuesque de Tours, qui auoient excommunié des officiers domestiques du Roy. Et fut dit cōtre l'Archeuesque de Tours, qu'aux Monitoires generaux, les officiers du Roy ne seroient point comprins. En l'article des Pairs de France il a esté dit que les Pairs de France ne peuuent estre excommuniez, pource qu'ils ont à conuerſer avec le Roy.

Et bien que les Laiz ne doiuent point estre mis aux dignitez Ecclesiastiques, toutesfois le Roy de France a des Prebēdes en certaines Eglises de son Royaume, comme en l'Eglise ſainct Hilaire de Poictiers, il a vne Prebende, & vne en l'Eglise du Mans, & vne autre en

*Le Roy
prend droit
de Regalle
sur certaines
Eueschez.*

*Vn Roy ne
peut estre
excommunié.*

*Les officiers
du Roy ne
peuent estre
excommu-
nié.*

*Arrests con-
tre les exco-
municatiōs.*

*Les Pairs ne
peuent estre
excommu-
nié.*

*Le Roy a
prebendes
aux Eglises.*

*Le Roy
préd distri-
bution.*

l'Eglise d'Angiers, & quand il est present il prent distribution.

*Le Roy cō-
fere les be-
nefices.*

Et aussi, bien que le droit de conferer les Prebendes soit spirituel, qui ne peut estre dōné à vn Lay, toutesfois de plein Droit le Roy de Frâce confere les benefices, qui n'ont point administratiō d'ordre Ecclesiastique, cōme Chanoines, & autres dignitez qui ne sont subiectes à la reseruatiō du Pape, qui est vn Droit quel l'Empereur n'a point: car il n'a nulle puissance de conferer, ains seulement de faire receuoir, qui est presentation, & y a bien difference entre collation & presentation.

*L'Empereur
ne peut que
présenter.*

*Faut demā-
der au Roy
consentemēt
sur l'electiō
des Prelats.*

En l'electiō des Prelats de ce Royaume, dont la forme iadis s'obseruoit, il falloit demāder au Roy son consentement, lequel sil ne prestoit, l'electiō n'estoit point confirmee. Le Pape Adrian en vn Concile general de grands Prelats, ordonna & ottroya à Charles le Grand, & à ses successeurs Roys de France, que de là en auant aucun Archeuesque ou Euesque ne fust cōsacré, que premieremēt il n'eust esté nōmé, confirmé, & inuesti par ledit Roy, ou sesdits successeurs, excommuniant & anathematissant tous ceux qui iroient cōtre ce Decret: & sils ne reuenoient, confiscuoit leurs biens, & les condānoit à exil perpetuel. Ceste coustume lōguement cōtinuee en Frâce, faisoit que les Chanoines des Eglises ne procedoiēt iamais à l'electiō de leur Prelat, qu'après auoir fait entēdre la mort du defunct au Roy, & après auoir receu son consentement

à l'election, ils procedoient à icelle. Et si les Chanoines elisoient vn homme suspect au Roy, il en pouuoit appeller, & deuant la cōfirmation se pouuoit opposer, si l'doutoir de la proditiō de la Patrie, ou de la reuelation de ses secrets. Lesquels Priuileges le Roy Charles Magne n'eut pas comme Empereur, ains cōme Roy de France, car l'Empereur n'a pas ce priuilege en l'Empire. Et d'autant que le Pape Adrian le donna par l'aduis d'un Concile general, le Pape Estienne autheur de la reuocatiō, ne le pouuoit reuoker sans vn autre pareil Concile: car il faut que les choses soyēt reuoquees par les mesmes façons & formes, par lesquelles elles ont esté ordonnees. Aquoy ne fait rien la renonciatiō de Loys le Debōnaire fils dudit Charles, en l'article commēçant, le Loys: car là seulemēt est faicte la renonciation de l'election du Pape. Aussi vn Roy ne peut quitter vn droit patrimonial, ny vn droit à luy concedé par autrui, non plus que resigner son Royaume à vn autre, mais ceste matiere n'est pas de cesubiect.

*Le Roy
peut s'op-
poser à vn hō-
me suspect
eslen Prelat.*

*Le Pape ne
peut reuo-
quer ce qui
est donné.*

*Renōciatiō
de Loys le
Debōnaire.*

*Vn Roy ne
peut quitter
son droit.*

Les Euesques de France doiuent iurer au Roy fidelité & reuerēce. En quoy il faut noter, que si nous prenons fidelité pour hommage, les Euesques ne le doiuent point, sinon pour raison des choses temporelles & des fiefs: car il est certain que les Euesques, Abbez, & autres personnes Ecclesiastiques tenās biēs feodaux, & donnez en fief, sont tenus de iurer fidelité, & faire hommage. De façon que pour crime de fe-

*Les Eue-
sques doi-
uent s'ermēt
au Roy, non
hommage.*

*Devoir des
Ecclesiasti-
ques aux
biens feo-
daux.*

lonnie, les biens feodaux sont appliquez au fisco durant la vie du Prelat ou Clerc, pource qu'il vient contre la Loy & la paction à laquelle l'Eglise est tenuë d'obeir, & que pour soy & pour autrui, elle est la mere & l'obseruatrice de la iustice. A ceste cause quand ils prestent le sermēt, ils le font d'une autre façon que les Laiz : car ils le doiuent prestre ayans l'estolle sur le col, & la main sur le pis, qui est l'estomach, & n'ont les mains entre celles du Roy, ou de son Chancelier, ou d'un autre officier, comme les officiers laiz, qui ioignent les mains, & à ceste occasion cela s'appelle la fidelité manuelle. Ceste ionction des mains monstre vne submission de puissance: car tout ainsi que la force de l'homme consiste aux mains, ainsi quād il les joint & met entre celles de son Seigneur, c'est signe qu'il met toute sa puissance & force à la subiection de celle de son dit Seigneur. Et quand l'Euesque met seulement la main droite sur le pis, cela signifie vne asseurance & promesse, c'est à dire, qu'il asseure & promet à son Seigneur, de luy obeir & d'estre ferme à la conseruation de son autorité.

Le Roy a congnoissance des causes Ciuiles entre personnes Ecclesiastiques, au possessoire des choses spirituelles, ou en celles qui ont quelque cause annexee à icelles, biē que par le Droit commū vn Clerc ne puisse estre menē à respondre deuant vn iuge seculier, & qu'une cause spirituelle ou annexee à la spirituelle doieue estre traittee deuant le iuge Ecclesiasticq.

De

Les Euesques prestans le serment mettent la main sur le pis.

Les laiz prestans serment ioignent les mains. Ionction de mains. La main sur le pis, est promesse.

Cognoissance du Roy sur les Ecclesiastiques.

En France le Roy seul fait Constitutions, Loix, & Ordonnâces, & toute la puissance souueraine est entre ses mains, laquelle toutesfois (comme il a esté dit au commencement de ce troisieme liure) est limitée & reglée par bonnes Loix & par son Conseil. Mais (comme aussi il a esté dit) il ne recongnoist en la Temporalité aucun superieur. Bien est vray que les Ducs, Barons & autres Seigneurs peuuent faire ordonnances en leurs terres, moyennant que ce soit sans excéder les bornes de la iurisdiction qui leur est attribuée, & encore ceste puissance leur est donnée par la distribution & concession des fiefs que les Roys leur ont donnez.

*Le Roy fait
seul Constitutions & Loix.
Puissance du
Roy limitée*

Nous auons dit cy dessus qu'un Roy de France ne recongnoist aucun superieur, & qu'il est Empereur en son Royaume. Voila pourquoy il peut remettre vn homme en sa premiere renommée, & seul en son Royaume bat monnoye, donne graces, naturalise les estrangers, legitime les bastards, & donne la garde noble ou sauuegarde des Mineurs, & seul (& nul autre) peut imposer dace, & imposition en ses terres, qui sont tous grands & beaux priuileges des Roys & de la Couronne de France.

Autres priuileges des Roys.

Le Roy de France ne fait iamais aucun serment à ses subiets que le iour de son Sacre, auquel il le fait solennel, & de là en auât tout ce qu'il promet, il le promet en parole de Roy, qui doit suffire à ses subiets. Anciennement les Traitez faits par les Roys avec les

Serment du Roy.

*Les Roys ne
iuroyent ia-
dis les Trai-
tez, aus
d'autres
pour eux.*

estrangers, n'estoient iurez par leurs personnes, mais par aucuns ayans pouuoir special, iurâs en la personne & ame desdits Roys. Le Prieur saint Martin des Champs iura pour le Roy saint Loys en sa presence, la Trefue faicte avec le Roy Henry d'Angleterre, au Camp pres saint Aubin 1231. La grandeur des Roys de France a esté tellement cōseruee en toute la Chrestienté, que hormis les autres Roys, tous Prelats, Princes, Seigneurs, Cheualiers, & autres estrangers receuans bienfaicts d'eux, par Traittez, Conuentions ou autres moyens, en ont fait hommage ausdits Roys, pour euitier qu'ils fussent attribuez à tribut ou necessité, lequel hommage n'estoit que tant que ledit bienfait duroit. Dequoy il y a infinis exēples, & entre autres des Archeuesques de Colongne, Maience & Treues, des Euesques du Liege & de Mets, des Ducs de Iulliers & de Gueldres, Marquis de Montferrat, Contes de Vaudemont, Geneue, & autres.

*Les Roys
seellent en
cire blanche.*

Il appartient aussi aux Roys seulement de seeller en cire blanche, au lieu que les autres Princes ses subiets, seellent en autres couleurs. Le Roy Loys vnziēme permit au vieil Roy René de Sicile l'an 1468 de seeller en cire blanche, tant dehors que dedans son Royaume. Aussi il n'y a autre Prince Chrestien qui seelle en cire blanche que luy, les autres seellent en cire rouge, ou verte, & comme il a esté dit cy dessus, tous les autres Potentats sont armez en leurs seels, & nos Roys seuls aux leurs, sont vestus d'habits Royaux, & en

*Les autres
Roys seellent
en cire rou-
ge ou verte.*

Royz iusticiers non armez.

La grandeur des Royz s'estend à leurs fils aînez tenans autre Couronne, de par leurs meres, ou par leurs femmes, ou par autre Tiltre. Car les fils aînez des Royz de France, Royz d'autres Royaumes, ont tousiours precede les autres Royz Chrestiens, & ont mis en leurs Tiltres, par la grace de Dieu, lors qu'ils parloient de leurs Royaumes acquis, par les Tiltres susdits. Le Roy Philippes le Belayant du viuant de son pere, le Roy Philippes tiers espousé Ianne Royne de Nauarre, mettoit en ses Tiltres, Philippes fils aîné du Roy de France, par la grace de Dieu Roy de Nauarre, & Loys Hutin fils dudit Philippes le Bel, & Roy de Nauarre de par sa mere, durant la vie de son pere mettoit le mesme. Les puisnez de France deuenus Royz, ont mis leur qualité de fils de France, après la qualité de leurs Royaumes, au lieu que les fils aînez ont mis le tiltre de fils deuant leur tiltre, comme on voit que Charles Côte d'Anjou, frere du Roy saint Loys, estant deuenu Roy de Sicile, mettoit en ses tiltres, Charles par la grace de Dieu Roy de Sicile, fils du Roy. Quelques puisnez non Royz, ont mis en leurs Tiltres par la grace de Dieu, comme il se voit par parentes de Charles Duc de Guyéne, frere du Roy Loys vnzième, qui mettoit en ses Tiltres, Par la grace de Dieu.

Autre grandeur des Royz.

Rang des fils aînez des Royz.

Les puisnez de France.

Mais le plus beau priuilege du Royaume de France, c'est que les femmes ny les males descendans d'el-

Le plus beau priuilege de la Couronne.

les, ne succedent point à la Couronne d'iceluy. Ce que nous attribuons à la loy Salique, comme nous auons au long discours en ce troisieme liure, en l'article de ladiete Loy, là où nous remettons le lecteur sur l'intelligence, & l'histoire d'icelle.

*Conclusion
de l'œuvre.*

Voila donc en ce liure les principales choses faites par nos Roys, pour l'establissement de leur Estat, & pour le lustre de leur Maïeste, avec les belles prerogatiues & priuileges d'eux & de leur Royaume, qui ont fait exceller leurs personnes & leurdit Royaume, par dessus tous autres Roys & Empires. Et le quatrieme liure parlera des Estats de France.

FIN DV TROISIEME LIVRE.



DE L'ESTAT ET

succez des affaires de France.

LIVRE QUATRIEME.



Le quatrieme liure parlera des Officiers de France & des Roys . Nos Roys ayans augmenté, agrandi, & establi leur Estat, & donné vn reglement à la Religion, à la Iustice, & aux finances, s'aduiserent pour la conseruation des loix & de la Iustice, & de la grandeur de leur Maiesté, & pour la tuition & conseruation de leur Royaume, de creer vn suffisant nombre d'Officiers, qui eussent sous eux & sous leur autorité, esgard, & puissance sur leurs subiects, & sur leurs affaires. Les vns sont pour la Religion: les autres pour la guerre: les autres pour la Iustice & la paix: les autres pour le seruice particulier de leurs personnes, cōmoditez, plaisirs, & lustre de leur grandeur: les autres pour les finances: & autres pour

Diuers officiers faicts par les Rois

E c

infinies autres choses necessaires, pour la grandeur d'un Roy, & conseruation d'un Royaume. Nous parlerons de tous, & d'autant que la religion doit tousiours marcher la premiere en toutes choses, nous comencerons à ceux de l'Eglise.

Le grād Aumofnier & Confesseur.

Le grand Aumosnier & le Confesseur du Roy, estoient iadis en telle reuerence & autorité pres des Roys, que chacū d'eux auoit vne chambre en l'hostel du Roy, comme il se voit aux Estats des Roys Philippestiers, Philippes le Bel, & Philippes le Long. Ce que

Les anciens Roys deuotieux.

les Roys faisoient, pour auoir tousiours aupres d'eux les ministres de l'Eglise, & les exhortateurs de leurs cōsciēces & de leurs ames, & estoiet ces deux Estats les plus reuerrez en ce Royaume (si grande estoit la deuotiō des Roys & du peuple.) Le grād Aumosnier prestoit le serment entre les mains du Roy, & luy iuroit qu'il ne luy feroit iamais requeste qui ne fust pleine de iustice, de pieté, & de charité, comme il est porté par ordonnance dudit Roy Philippes le Bel, au bois de Vincennes l'an mille deux cens quatre vingt, & vne autre pareille dudit Roy Philippes le Long l'an

Serment du grand Aumosnier.

Durant la messe on ne parloit au Roy.

1318. Il n'estoit permis à personne (durāt que les Roys oyoyēt la messe) de parler à eux, fors qu'à son Confesseur, ou à celuy qui à ce estoit commis pour dire les heures avec luy, à fin que durāt ladicte Messe, ils n'eussent l'esprit ny les oreilles remplies que de choses cōcernātes leur salut & leurs ames. Apres la Messe ouye, lesdits grand Aumosnier & Confesseur parloient aux

Roys, de la collation des Benefices, des Aumosnes, & d'autres choses appartenantes à la conscience. Par ordonnance dudit Roy le Long Regent du Royaume, de l'an 1316, est porté que le Cōfesseur pourra com-
 mader lettres de Benefices pour estre signees & seal-
 lees, & le grand Aumosnier celles des Aumosnes, & des Maladeries & Hospitaux, sur la iurisdiction & cō-
 gnoissance desquels y a plusieurs differens, mesme-
 ment sur ceux qui sont de fondation Royale, pour
 les gouuernement, visitation, & reformation. Par ar-
 rest de la Cour de Parlement, a esté dit que les hospi-
 taux intitulez Benefices, deuoient respondre à leurs
 Euesques: & ceux qui estoient gouuernez par gens
 Laiz, audit grand Aumosnier: & sur ce a depuis esté
 faict reglement par le grand Roy François.

*Pouuoir du
Cōfesseur.*

*Pouuoir du
grand Au-
mosnier.*

*Reglement
sur les ho-
spitaux.*

Et pour sortir de la Religion, & venir aux Digni-
 tez mondaines, l'ancien gouuernement de France e-
 stoit, que tout ainsi qu'il y a aujourd'hui des Baillifs
 & Seneschaux par les pays, il y auoit lors des Contes
 qui manioient & administroient la iustice, & aux guer-
 res menioient les forces de leurs Contes. Ordinaire-
 ment sur douze Contes, y auoit vn Duc, comme les
 Lieutenans Generaux des prouinces d'aujourd'hui
 commandent aux gouuerneurs particuliers des pla-
 ces, & ce Duc commandoit ausdicts douze Contes
 & à leurs gens de guerre. Les Ducs auoient la queue à
 leur nom, l'vn de Duc de Normádie, l'autre de Guyé-
 ne, & ainsi des autres, qui vouloit autant à dire com-

*L'anciẽ goui-
ernement
de France.*

*Contes ad-
ministroient
iustice.*

*Vn Duc sur
12 Contes.*

*Nom des
Ducs.*

me Gouverneur de Normandie & de Guyenne. Sur tous lesdits Ducs y en auoit vn qui leur commâdoit en general, qui estoit le Duc de France, & Duc des Ducs: & pource qu'il auoit la superintendâce sur eux, il estoit appelé Maire du Palais, du mot bas Allemand, Meier, signifiant Superintendant. Depuis par corruption de langage, il fut appelé Maistre du Palais. Sous les premiers Roys magnanimes, il auoit toute superintendance, tant sur la guerre, iustice & finances, que sur toutes autres choses du Royaume: & depuis sous les Roys imbecilles, ils furent appelez Ducs ou Princes des François, cōme on voit en l'exemple de Charles Martel, qui le premier d'entre les Maires, se fit appeler Prince des François. Le premier Maire fut Landregise, créé par Clotaire premier l'an 559, & peu à peu cest Eltar deuint grand, mesmement durant l'imbecillité des Roys de la race de Clouis, qui deuiendrent si nonchallans, & se laisserent tant aller aux voluptez, que se deschargeans, comme d'un pesant fardeau des affaires du Royaume, ils en dōnerent la charge à leurs Maires du Palais, leur laissant la souueraine autorité des affaires. La grâdeur des Maires cōmença à la mort de Clotaire deuxiesme, avec lequel mourut pareillement la gloire & la splendeur de nos Roys, & de leur mort naquit l'autorité des Maires. Car lors les Maires n'auoient cōmandement que sur les domestiques de l'hôtel du Roy. Mais sous Clotaire ils vsurperent le nom de Gouverneurs du Royaume, & le premier

Le Duc de France Duc des Ducs.

Maire du Palais.

Maier.

Maistre du Palais.

Pouuoir du Maire.

Duc ou Prince des François.

Le premier Maire.

Rois imbecilles.

La grâdeur des Maires.

Maires faits Gouverneurs.

d'entr
fance,
ce de
du se
Chie
au-h
que
seul
la p
Ma
l'in
ces
Sir
au
El
G
E
v
re
n

d'entre eux qui vsurpa & l'attribua vne grande puissance, fut Ebroin, au regne de Thierry Roy de France de nom seulement, estant au demeurant indigne du siege Royal. Sous Dagobert deuxiesme fils de Childeberr, les Maires augmentèrent grâdement leur autorité, & la sceurēt si biengarder iusques à Pepin, que depuis Dagobert iusques à Pepin, les Roys sont seulement Roys de nom, & les Maires de faict, estant la puissance du Royaume toute entre les mains des Maires du Palais, qui monterent à ceste autorité par l'indignité de nos Roys. Sous Pepin & sa posterité cest office fut fort rabaisſé, iusques au Roy Charles le Simple, au regne duquel Robert frere d'Eudes Regēt au Royaume, puis Roy, fut Maire, & de luy fut cest Estat transferé comme hereditaire à son fils Hues le Grand pere de Hues Capet, qui par la faueur de cest Estat se fit Roy. Mais Capet, pour oster à ceux qui viēdroient après luy, le moyen de mōter à la Royauté par cest Estat, qui desia par deux fois auoit serui de marche pied à deux hommes pour se faire Roys, c'est à ſçauoir à Pepin & à luy, il le supprima ſagemēt. Cest office a esté quelques fois par election, autres fois par prouiſion, & en fin par force d'armes, & n'estoiēt appelez à cest Estat, que ceux qui en antiquité de noblesſe & en richesse ſurmontoient les autres.

Le Maire commandoit quelques fois comme vn Roy, aux Eueſques, Abbez, Ducs, Côtes, & autres officiers, & a ſouuent fait assembler les Eueſques pour

Ebroin infolent.

Les Roys ſeulement de nom.

Les Maires ſont Roys de faict.

Hues Capet ſe fit Roy.

Suppreſſion de l'eſtat de Maire.

Le Maire cōmandoit à tout.

traitter des affaires de l'Eglise. Et telle fut la grandeur des Maires, qu'en l'Abbaye saint Denys se trouue vn Tiltre de Richard premier Duc de Normandie, qui appelle Hues le Grand, Maire du Palais, son Seigneur, Duc & Prince de France: & en l'Eglise d'Orleans y a tiltre du Roy Lotaire, qui intitule ledit Hues le Grād, son tuteur, & grand defenseur de son Royaume: & à saint Martin de Tours y a Tiltre, auquel ledit Hues le Grand, pere de Capet, mettoit en les tiltres, Par la grace de Dieu: & en vne Chartre de Loys cinquiesme dernier Roy de la race de Charles Magne, qui est à sainte Cornille de Compiegne, ledit Roy parlant de Hues Capet, dit qu'il la faiète par le cōseil & aduis dudit Hues Duc de France, lequel en tous ses Royaumes & pays de son obeissance, est le second après luy. Et par là on peut voir, combien grand estoit cest Estat. Quelques historiens Frāçois l'appellent souuēt Conte du Palais, mais ils se trompent. Car l'Estat de Maire & de Conte estoient differends, comme il se peut voir euidemmēt par vne Chartre de Pepin Maire du Palais qui est à saint Denys, en laquelle il parle d'vn iugement du Conte de son Palais: & Aimonius le Moyne faiēt mention d'Adhelart le Jeune, Conte du Palais de Loys le Debonnaire, qui laissa son office pour estre Duc de Spolete. Et nous reseruans à parler cy dessous dudit Conte du Palais, nous viendrons à vne autre erreur d'aucuns historiens, qui pensent que les Maires du Palais soient ceux que depuis on a ap-

*Qualitez
des Maires.*

*Le Maire
mettoit, par
la grace de
Dieu.*

*Grādeur de
l'Estat de
Maire.*

*Conte du
Palais.*

pelez Connestables, mais pareillemēt ils se trompēt: *Connestables*
 car durāt le temps qu'il y a eu vn Maire du Palais, de-
 uant Hues Capet, il y auoit vn Cōnestable, qui estoit *Maire & Cōnestable differens.*
 le grand Escuyer ou Conte d'Estable, comme le nom
 le porte, à l'imitation des Empereurs Romains, qui
 appeloient Contes d'Estable, ceux qui commādoient
 à leurs Escuyries. Et les Escuyers qui estoient sous le *Connestables cōmādoient aux Escuyers.*
 Conte d'Estable, s'appeloient Marefchaux, qui est vn
 mot composé du vieil langage Allemand, auquel
 March, signifioit cheual ou roussin, & Schal, signifioit
 seruiteur ou officier. Ce qui denotoit celuy qui auoit
 la charge des grands cheuaux.

Or pour retourner au Connestable, après que l'of-
 fice du Maire du Palais, fut supprimé & aboly par les
 Roys de la lignee de Capet, ils donnerent la charge
 des guerres aux Connestables, leur ostant la charge *Le Connestable a charge des guerres.*
 des Escuyries, & erigerent des grands Escuyers, & au-
 tres moindres Escuyers, pour auoir la charge des Che-
 uaux & des Escuyries, au lieu des Connestables & des *Grands Escuyers.*
 Marefchaux: ausquels on donna la souueraine puif-
 sance des armes. Le premier Connestable qu'on trou-
 ue auoir eu charge de la guerre, & commandé aux ar-
 mes, fut Froger de Chaalō, au temps de Loys le Gros,
 non que parauant possible il n'y en eut, mais il ne se
 trouue en nul endroit. Philippes premier du nom fils
 dudit Loys, pour autoriser ses Edits, Chartres, & Or-
 donnances, fut le premier qui à icelles fit souscrire les *Les grands officiers.*
 grands Officiers de France, comme le Connestable, le

grand Eschançon, le grand Chambrier, & le grand Maistre. Il y a eu des temps ausquels il n'y a point eu de Conestable, comme entre les Contes d'Armai-

*Souuent n'y
a point eu
de Cōnesta-
ble.*

gnac & de Bouquain, y a trois ans, & après la mort de Iean second Duc de Bourbon, par l'espace de vingt quatre ans, n'y eut aucun Cōnestable, iusques à Charles dernier Duc de Bourbon, & durât dix ans depuis la mort dudit Charles, iusques à Anne de Montmorency, n'y en eut point aussi. Et y a tantost cinq ans que ledit de Montmorency est mort, sans qu'on ait pourueu à son Estat. On voit par les lettres d'office

*Pouuoir du
Cōnestable.*

d'Artus de Bretagne Conte de Richemont & Conestable, qui fut depuis Duc de Bretagne, la grâdeur de cest estat, estant par icelles porté, qu'après le Roy il est chef principal des armées, ayant souueraine puissance sur les armes, & que selon l'usage ancien, par maniere de possession, luy est commise la garde de l'espee du Roy, dont il luy fait hommage lige. Par ar-

*Le Cōnesta-
ble cōmāde
aux armes.*

*L'espee du
Roy en gar-
de du Con-
nestable.*

rest donné par Loys huitiesme pere de saint Loys, le Cōnestable, le grand Eschançon, le grād Chābrier, & le Chancelier de France, peuuent assister avec les Pairs de France, au iugement desdits Pairs. Lesdits quatre officiers ont long temps esté les principaux pres des

*Conestable
assiste au iu-
gement des
Pairs.*

*Le Cōnesta-
ble prez vn
Roy mineur*

Roy, comme il est cōgneu par l'ordre & rāg auquel ils sont escripts aux seals apposez aux Chartres des Roys. Et par ordonnance du Roy Charles sixiesme, le Conestable est ordonné avec la Royne, pour estre pres la personne du Roy mineur d'ans, à l'admini-

stration

stration des affaires du Royaume. Le premier rang leur fut donné enuiron le temps du regne de Loys, pere de saint Loys, car parauant les grands Bouteilliers, qui estoient les grâds Eschançons, contendoient avec eux de la presseance & du rang, mais comme il ne faut que deux ou trois personnages du mesme Estat subsecutiuelement, fauorisez de leurs maistres pour donner autorité à leurs Estats, ainsi donnerent les Conneftables vne grande dignité & rang à leur Estat de Conneftable, qui a tousiours duré iusques à aujourdhy, & ont tousiours eu le tiltre, superiorité, & superintendance des armes. Et est la personne du Conneftable tant privilegiee, qu'elle ne peut estre offensée par voye de faict, sans offenser celle du Roy qu'il represente au faict de la guerre, de sorte qu'estât le seigneur Charles, ou Iean de Lacerda Conneftable de France, tué par le Roy Charles de Nauarre, & messire Oliuier de Clisson emprisonné par le Duc de Bretagne, espié & blessé par Pierre de Craon, ledict Roy de Nauarre & ledit Duc comme coupables, en prirent remission, & ledit de Craon & les complices furent condamnez, cōme criminels de leze maiesté, & la maison dudit de Craon à Paris ruinee, & en la place d'icelle basti le Cimetiere saint Iean. Froissard raconte que quand Charles le quint Roy de France, voulut donner l'Estat de Conneftable à messire Bertrand du Guesclin, il respondit audit Roy, que pource qu'il estoit venu de pauvre noblesse, il n'oseroit bonement

Le premier rang de Conneftable.

Debat de la presseance.

Privilege d'un Conneftable.

Le Cimetiere saint Iean à Paris.

Pouvoir donné au Cōnestable.

Le Cōnestable fait hommage au Roy.

Il commande après le Roy.

Les Mareschaux sous le Cōnestable.

Etymologie du nom de Cōnestable.

Connestabli.

commander pour le faict & exercice dudit office, aux Princes du sang ayans charges de gensdarmes, & à ceste occasion ne s'en pourroit acquitter, & si le vouloit entreprendre, seroit chargé d'enuies. Aquoy le Roy luy respondit, qu'il n'auoit frere, nepueu, cousin, ny autre son subiect, qui ne luy obeist, & que celuy qui ne le feroit, s'apperceuroit de son courroux, & pria ledit du Guesclin d'en prendre la charge, comme il fit, & en rapporta l'honneur qui est tant célébré par nos hystoires. Le Connestable n'estoit seul faisant hommage lige de son office, car les autres grands Officiers le faisoient semblablement. En la chambre des Comptes y a vn registre ancien, auquel est contenu que le Connestable est par dessus tous les autres qui sont en l'ost, excepté la personne du Roy si y est, soyent Ducs, Barons, Contes, Cheualiers, Escuyers, & Soldoyers, tant de Cheual que de pied, de quelque estat qu'ils soient, & tous luy doiuent obeir. Les Mareschaux de France sont sous luy, & ont leur office distinct, comme il sera dit en l'endroit où nous parlerons d'eux.

Or ce mot de Connestable est par aucuns dit, quasi comme Conte Estable, c'est à dire, establi, comme voulant dire que c'est à luy à establir tous affaires de guerre: & de là sont venuës les Establies, & Connestablies, c'est à dire, Cōpagnies de guerre. Car tout ainsi que le nom de Cōnestable estoit prins pour vn chef general d'une armee, ainsi ceux qui commanderent sur quelques bandes, voulurent quelques fois sem-

blement s'appeller Conneſtables, à l'imitation de leur chef: & les compagnies, puis les eſcadrons & bataillōs, ſ'appellerent Conneſtablies, & Eſtablies, pour ce qu'elles eſtoient eſtablies en certains lieux. Eſtant adonc l'Eſtat de Conte d'Eſtable, deſtiné pour le commandement des armes, les Roys ont donné aux Conneſtables vne iuriſdictiō reſſeante à la Table de Marebre à Paris, cōgnoiſſante de tous excez, crimes, & delicts commis & perpetrez par les gens d'armes des ordonnances du Roy, & autres gens de guerre, ſoit de cheual ou de pied, au camp, en leurs garniſons, ou reuenans, ou tenans les champs, & des priſonniers de guerre, rançons, butins, & auſſi des efforts qui peuuent eſtre faits aux deſſusdits, & autres delicts, qui à cause de ce peuuent aduenir. Ils ont auſſi cōgnoiſſance de la deſobeiſſance des ſoldats enuers leurs chefs, de la caſſatiō faiçte par les Commiſſaires des guerres, des deſerteurs de la milicie, & generalemēt de tous les differens qui peuuent tomber entre les gens de guerre, & pour le faiçt de la guerre. Et a ledit Conneſtable pluſieurs beaux, amples, & honorables pouuoirs & preuileges, contenus plus amplement aux regiſtres de la Cour de Parlement, & de la Chambre des Comptes à Paris, & aux Chartres du Roy. Quand vn Roy fait ſon entree en vne ville de Parlement (& non ailleurs) le Conneſtable eſt deuant luy à cheual, portant en la main droite, l'eſpee toute nue: & quand le Roy tient ſon liçt de Juſtice, ou ſes Eſtats generaux, il eſt

*Juriſdictiōs
des Conne-
ſtable &
Mare-
ſchaux.*

*Causes de
leurs iuriſ-
diction.*

*Le Conneſta-
ble porte l'e-
ſpee nue.*

Le rang du Connestable au liēt de iustice. assis deuant luy à main droite, portant pareillement l'espee nuë à droite.

Les Mare-schaux de France. Les Mare-schaux de Frâce sont deffous le Cōnestable, & ont leur office distinct de receuoir les gēs-darmes, Ducs, Côtes, Barons, Cheualiers, & Escuyers, & leurs cōpagnons, & ne peuuēt ny ne doiuent cheuaucher, ny ordōner bataille, si cen'est par le cōmandemēt du Cōnestable, ne faire Bās, ny proclamatiōs en l'ost sans le consentement du Roy ou dudit Connestable, lequel doit ordonner toutes les batailles & les establir.

Iadis n'y auoit que deux Mare-schaux.

Nous auons cy deuant dit la signification du mot de Marechal. Deuant le regne du Roy François premier, il ny en auoit que deux, mais il en augmenta le nombre. Ils sont comme collateraux du Connestable, leur pouuoir est presque semblable au sien, & le siege de leur iustice n'est qu'un à la Table de Marbre à Paris, comme il est plus amplement déclaré par les anciennes ordonnances. En l'arrest du Duc d'Orleāns du 25 Ianuier 1361, est narré que les offices des Mare-schaux de France, appartiēnent à la Courōne, cōme Domaine d'icelle, & l'exercice ausdits Mare-schaux, qui en font au Roy, foy & hōmage. Il y a eu des Mare-schaux qui ont fait le sermēt à la Cour de Parlemēt, comme aussi il y a eu des Connestables qui l'ont fait, toutesfois en cela n'y a aucun deuoir: car puis que ce sont Offices & Estats militaires, qui n'ont rien de cōmun avec vn Parlement establī pour faire la iustice, il suffit qu'ils facent le serment au Roy. Les Mare-schaux

Les Mare-schaux font hommage au Roy.

Serments à la Cour de Parlemēt.

ont congnoissance des choses militaires, comme le Connestable, & ont sous eux des Lieutenans qui s'appellent Preuosts des Mareschaux, ausquels appartient la congnoissance des vagabons, gens oisifs & mal-vi-uans, respandus à troupes & assemblees, & de toutes gens de guerre, qui sans congé ont abandonné le ser-vice du Roy, l'armee & la garnison. Le premier Ma-
 reschal fut Girard de Dammartin, au temps de Clo-
 uis deuxiesme du nom fils de Dagobert. Quand le
 Roy créé vn Mareschal, il le fait mettre deuant luy à
 genoux, & luy mettant vn baston en la main, luy dit
 certain mots, par lesquels il luy donne toute puis-
 sance & autorité sur le faict des armes, & coustumiere-
 ment les Mareschaux mettent au costé de leurs armoi-
 ries vne hache d'armes, comme le Connestable vne
 espee nuë, & le grand Escuyer vne espee dans vn four-
 reau d'azur semé de fleur de lis d'or.

Cognoissance
des Mare-
schaux.

Le premier
Mareschal.

Puissance
d'un Mare-
schal.

Marques
des Conne-
stable, Ma-
reschaux
& grand
Escuyer.
L'Admiral.

L'Admiral commande aux guerres de la mer, com-
 me les Mareschaux à celles de la terre. Le premier Ad-
 miral, fut Leheroy ou selō aucuns, Ritland, institué par
 Charles Magne, appelé par Eginhart, *Præfectus ma-
ris*. Paul Emile dit que Charles le Grand trāsferant les
 Saxons en la Gaule Belgique, pour habiter aux costes
 de la mer dudit pays, donna la charge & le gouerne-
 ment d'icelle prouince à Leheroy Prefect de la mer. Ce
 que les Saxons appellēt Hadmiral, qui est vn mot ap-
 prochāt du mot Grec Almyros. Mais depuis ayāt esté
 le Royaume rogné par les bords, & esloigné de la mer

Etymologie
du nom
d'Admiral.

Iadis la France n'auoit point de mer.

par les partages des puïſſiez, & par les guerres, nos Roys ne poſſedans preſque aucune terre ſur la mer, & par conſequent, n'ayants aucune mer à leur commandement, n'auoient beſoing d'Admiraux. Car les Anglois tenans la Normandie, la Picardie, & la Guyenne, & y ayant en Bretagne vn Duc, en Prouence & en Flandres des Contes particuliers, & le Languedoc eſtât poſſédé par les Roys de Maiorque & de Minorque, & par les autres Princes, nos Roys eſtoient bien loing de la mer. Et quand ils alloient aux voyages de la terre Saincte, ils ſe ſeruoient de mercenaires Geneuois, ou Eſpagnols, ou de quelque autre nation voiſine, exercitée à la marine, & creoint lors des Admiraux, non en tiltre d'office, mais par commiſſion ſeulement. Le premier qui fut créé en tiltre d'Office, fut Enguerrand Sire de Coucy, au temps du Roy Philippes fils du Roy ſainct Loys, ou ſelon aucuns Amaulri Viconte de Narbonne, du temps du Roy Iean. Et cōme les Duchez de Guyenne, de Normãdie & de Bretagne, & le Languedoc & le Conté de Prouence ſont venus à la Couronne, qui par ce moyen eſt venuë à commander à deux mers, diuers Admiraux ont eſté inſtituez en ce Royaume, à ſçauoir en Frâce, Guyenne, Bretagne, & Leuant. En Prouence le grãd Senefchal ou Gouverneur eſt Gouverneur de la terre, & Admiral de la mer, ayant charge de l'vne & de l'autre: & en Guyenne y a Admiral particulier, qui n'eſt ſubiect à celuy de France, comme il eſt porté par vn article du

Admiraux creez par commiſſion. Le premier Admiral créé en office.

Diuers Admiraux.

Traitté fait entre le Roy Charles septiesme & les Anglois, à la reddition de la ville de Bordeaux & Duché de Guyenne l'an 1453, qui m'a esté monstré par feu Loys de Girard mon pere, Seigneur du Haillan, homme curieux de l'antiquité de sa patrie, qui par l'espace de plus de quarante cinq ans a esté Lieutenant en l'Admirauté de Guyenne, sous les seigneurs de la Trimouille & de Briõ, Admiraux de Guyenne, & du feu Roy de Nauarre Henry. Et depuis François de Girard Seigneur de Haillan mon frere, a esté par l'espace de plus de dix ans en ladiète Admirauté sous les feuz Roys de Nauarre, Héry & Anthoine. Car le Seigneur de la Trimouille estât Gouverneur de Bourgongne, estoit aussi Admiral de Guyenne, ledit seigneur de Brion deuant qu'estre Admiral de France, estoit Admiral de Guyenne, & depuis les Roys Henry & Anthoine de Nauarre, estans Gouverneurs du pays de Guyenne ont faict reünir & annexer ledit Estat d'Admiral à celuy de Gouverneur, dont aujourd'hui le Roy Henry de Nauarre, à l'imitation de ses pere & grand pere, met en ses tiltres Gouverneur & Admiral de Guyenne. Il y a en France plusieurs Seigneurs qui se disent Admiraux en leurs terres, & qui ont pretendu auoir cõgnoissance des naufrages faits aux costes d'icelles, & que le profit leur en deuoit reuenir, comme les seigneurs de la Trimouille & de Caieux : & les habitans de la Rochelle, fondans leurs differends sur ce qu'ils en iouissoient auant l'erectiõ de l'officed'Ad-

*Loys de
Girard pere
de l'auteur*

*François de
Girard frere
de l'auteur*

*Admiral de
Guyenne.*

*L'estat d'Ad-
miral de
Guyenne
joint au gou-
uernement.*

*Plusieurs sei-
gneurs Ad-
miraux en
leurs terres.*

L'Admiral ne se sied és hauts sieges du Palais. miral, & ayant l'Admiral sa iurisdiction à la Table de Marbre à Paris, les appellations de laquelle vont à la Cour de Parlement, & estant à ceste occasiō iuge subalterne, il ne se sied és hauts sieges du Parlemēt, comme souuent la Cour a déclaré aux Admiraux en les receuant.

Grand Maître. Quelques vns disent que l'Estat de grand Maistre, fut erigé après la suppression des Maires du Palais, & d'autres disent que les grands Maistres, sont ce que iadis estoient les Maires: & d'autres que ce qui est au iourd'hui le grand Maistre, estoit iadis sous les deux

Le Conte du Palais. premieres linees de nos Roys, appelé le Conte du Palais, & sous la troisieme au commencement, le Seneschal, ou grand Seneschal de France. En quelques Estats des Roys, ils sont nommez Grands & Souuerains Maistres, comme en l'Estat du Roy Philippes le

Grand Seneschal de France. Bel, Arnoul de Wilemale & Matthieu de Trie, sont appelez Grands & Souuerains Maistres de France: & és Estats du Roy Philippes de Valois, Robert de Dreux Sire de Beu, est aussi appelé Grand & souuerain Maistre: & en ceux de Charles le quint, tous les grands Maistres de son temps, sont pareillement appelez grāds & souuerains Maistres. Mais il y a eu tousiours difference entre les Maires du Palais, les Grands Maistres, les Contes du Palais, & les grands Seneschaux.

*Seneschal mot Alle-
mand.* Quant à ce qu'il estoit nommé Seneschal, ce mot adapté à cest Office, monstre qu'il est venu des Allemans signifiant en langage Allemand Officier de famille,

mille : car Senitk signifie famille, & Schal, officier ou seruiteur. Aucuns ont voulu dire que le grãd Seneschal de France, estoit ce que depuis a esté le Connestable. *Connestable.*

Aquoy il n'y a aucune apparence, bien qu'un certain Chroniqueur nouveau qui fait fort le suffisant en son œuvre, & qui veut que son opinion en toutes choses soit un oracle, le maintienne : car pour les sermens de fidelité, il n'a iamais esté deu aucune chose au Connestable, bien au grand Maistre : & d'auantage en mesme temps, il y a eu Connestable & Grand Seneschal,

qui estoient offices differens. Le Roy Lotaire donna l'Estat de grand Seneschal ou grãd Maistre de France, à Geoffroy Grisegonnelle Conte d'Anjou, hereditaire à sa posterité. *Conte d'Anjou grand Seneschal hereditaire.*

Autres disent que ce fut le Roy Robert, mais cela ne peut bien conuenir aux temps que l'un & l'autre vesquirent. Ceste donation soit qu'elle soit faicte par Lotaire ou par Robert Roys de France, est confirmee par la cõgnoissance que le Roy Philippes le Bel fit à Orleans en publique audience, que la garde de l'Abbaye saint Iulian de Tours appartenoit au Roy Henry tiers d'Angleterre, à cause de son office de grand Seneschal de France hereditaire.

Ce que ledit Roy Héry resmoigna, toutesfois en cecy on peut faire doute, car par les traittez auparauãt faits entre le Roy Saint Loys de France, & les Roys Henry deuxiesme, & Richard premier d'Angleterre, ils quitterent audit Loys, le Conté d'Anjou, lequel il donna en Apannage à Charles son frere. *Roys d'Angleterre grãds Seneschaux de France cõme Comtes de Anjou.*

& lors de la-

dite congnoissance, Charles Côté de Valois frere du dit Roy le Bel, & pere de Philippes de Valois le tenoit, lequel au tiltre susdit eust deu estre grand Maistre de France, non ledit Roy Henry d'Angleterre. Aussi entre ledit Roy Lotaire ou Robert, & Philippes le Bel, y a eu plusieurs Grands Maistres, ou Grâds Seneschaux, autres q̄ les Contes d'Anjou, entre autres Guy Côté de Rochefort, fut Seneschal de Frâce sous le Roy Philippes premier du nom. Parquoy il faut pēser (quoy que les Contes d'Anjou vueillent dire que cest Estat leur fut donné hereditaire) que ledit Estat fut donē audit Geoffroy & à sa posterité, non au Cōté: & d'autant que ledit Henry estoit de ladicte posterité, il pretendit celle prerogatiue par priuilege de lignee, non du Cōté d'Anjou, & autremēt ledit Roy le Bel se fust fait tort. Or depuis que ce nom de Seneschal fut commué au nom de Grand Maistre, les iuges des prouinces ayans la charge & conduite des Vassaux d'icelles, pour le Ban & Arriereban, ont esté appelez Seneschaux, comme il sera dit en leur lieu.

*Doute sur
l'Estat de
grand Seneschal hereditaire.*

*Seneschaux
des Prouin-
ces.*

*Pouuoir du
grand Mai-
stre de iadis*

Le grand Maistre auoit iadis toute superintendance sur la maison du Roy, & sur les officiers d'icelle, en dressoit les Estats tous les ans, donoit le mot du guet, se faisoit tous les soirs porter les clefs du logis du Roy, congnoissoit des differends des logis de la suite du dit Seigneur, & auoit souueraine iustice sur les crimes, excez, & larcins commis en iceluy. Du temps du Roy Charles le quint, le grand Maistre en la ville de

Meleun le Roy y estant, congneut d'un differend d'un logis esmeu entre les Ducs de Bourgogne & de Bourbon, & l'adiugea audit de Bourbon. Le quatrième iour d'Aoust 1404, s'offrit au Parlement, differend pour la congnoissance d'un larron qui auoit desrobé de la vaisselle d'argent en l'hostel du Roy Charles sixiesme, à saint Paul à Paris, entre le Preuost de Paris d'une part, & le Grand Maistre de France, & les autres Maistres d'hostel du Roy, d'autre, disans que c'estoit à eux d'en congnoistre, non audit Preuost: & mirent en auant qu'anciennement ledit Grand Maistre donnoit les offices, congnoissoit des grâdes causes en l'absence du Roy, & que lesdits Maistres d'hostel ont droit de faire porter verges deuant eux au Palais à Paris, & en toutes les maisons du Roy. Ce qui auoit esté prins de l'auctorité du Conte du Palais, durât les deux premières lignees des Roys.

Grād Maistre iuge des cas aduenus au logis du Roy.

Autorité du grand Maistre.

Conte du Palais.

LES MAISTRES D'HOSTEL du Roy ont esgard à la despense de la maison dudit Seigneur, & pour marque de leur autorité, portent un baston en leurs mains, qui est de ionc, enchassé d'argent doré par les deux bouts: & n'est loisible à aucun Sergent d'adiourner personne quelcôque dedans la maison du Roy, sans leur demâder permission & cōgé. Le temps passé ils auoyēt toute telle puissâce qu'a aujourd'hui le Preuost de l'hostel pour la police de la Cour: & par ordonnance du Roy Philippes le Bel publicé l'an 1318, ils auoiēt congnoissance des officiers de l'hostel du Roy, au cas

Maistres d'hostel.

Pouuoir des Maistres d'hostel.

Ancienne auctorité des Maistres d'hostel.

Prelats doi- uent certain droit aux Maistres d'hôtel. qu'on leur fist demandes pures personnelles. Mesmes auoient cōgnoissance de tous les delicts, crimes, forfaits, larcins, & homicides qui se commettoient à la suite de la Cour, & prenoient iadis dix liures sur chacun des Prelats à leur nouuelle promotion aux Prelatures & serment de fidelité.

Conte du Palais. Nous auons desia par deux fois entamé le propos du Côte du Palais, sans en auoir dit qu'un mot. Il faut penser que les grandes dignitez & Estats qui estoient sous les Roys de la premiere & seconde lignee, s'appelloient Contes, avec queuë de leur exercice, comme *Comes Stabuli*, c'est à dire, Conte d'Estable, estoit celui qui auoit la charge des cheuaux du Roy: & *Comes Palatij*, c'est à dire, le Conte du Palais, celui qui commandoit en la maison ou Palais du Roy. Aussi en plusieurs endroits des liures Latins, plusieurs grāds Estats sont nommez *Comites*, les vns *Comites Præsidij*, les autres, *Comites rerum priuatarum*, les autres *Comites sacrarum largitionum*, les autres *Comites castrorum*, les autres *Comites nauium*, & dedans les loix Ripuaires chap. 55. & 90. vn iuge fischal est nommé Conte: & en la Constitution de l'Empereur Federic, est dit que celui qui commandoit en quelque charge s'appelloit Conte, avec la queuë de son exercice, comme il a esté dit cy dessus. Et pour reuenir au Conte du Palais, il faut presupposer que c'estoit celui qui commandoit en la maison du Roy, & que depuis cest Estat fut commué en grand Seneschal, puis en grand Maistre, car dedans

Offices appelez Contes.

Iuge appelle Conte.

Conte du Palais commandoit en la maison du Roy.

Eginhart, Iornandes & le Moyne Aimoinus, vous voyez tousiours qu'ils attribuent la puissance du Palais du Roy, & du gouuernement de sa maison, au Côte du Palais. En l'Abbaye Sainct Benigne de Dijon y a vne Chartre faisant mention d'Endobalde ou Endobele Conte du Palais du Roy Clotaire, qui assembloit le Parlement ambulatorio dudit Roy, & assistoit aux opinions & iugemens des causes qu'il rapportoit au Roy, au nom duquel estoient les arrests escrits. Eginhart dit en la vie de Charles le Grand, que le Conte de son Palais l'aduertissoit quand il y auoit quelque cause, requerant sa presence & ordonnâce pour estre iugee. En mesme temps y auoit Maire & Côte du Palais, & depuis en mesme temps y a eu vn Conte du Palais, & des Seneschaux. Gregoire de Tours dit que Childebert Roy de Frâce, enuoya ensemblément Florentiā Maire de son Palais, & Romulfe Conte de son Palais, en Poiçtou, pour leuer les deniers que le Roy auoit accoustumé de prendre sur ses subiects. Et du temps de Charles Magne il y auoit des Seneschaux qu'il enuoyoit par les pays administrer la Iustice, cōme il a esté dit cy dessus en sa vie, & sera dit cy après en l'endroit des Seneschaux.

*Autorité
du Conte.*

*Seneschaux
enuoyez
pour faire
Iustice.*

Le grand Bouteiller ou Eschançon de France, a iadis esté vn grand & honorable Estat, mesmes cōtenoit de prerogatiue avec le Connestable. Il auoit assistance & opinion en la Cour des Pairs de France, au iugemēt desdicts Pairs, auoit taux & poix particulier

Grand Bouteiller ou Eschançon.

*Autorité
du grand
Bouteiller.*

*Droit sur les
Prelats.
Grand Bou-
teiller presi-
dent en la
chambre des
Comptes.*

*Les Contes
de Senlis.*

*La race des
Bouteillers.*

*Debat entre
grands offi-
ciers.*

*Grand Pane-
tier.*

de poisson en la ville de Paris, pour la prouision de sa maison, & prenoit cent sols de chacun Prelat de fondation Royale, à sa nouuelle promotion, quād il faisoit son serment de fidelité: & à cause de son office estoit l'un des deux Presidés en la Chambre des Comptes à Paris, comme appert par ordonnance du Roy Charles sixiesme. Et en l'estat de Philippes le Long, le Sire de Suilli grand Bouteiller de France, estoit souverain en la Chambre des Comptes. La race des Contes de Senlis a tenu si longuement sous trois ou quatre Roys, ledit office, que le surnom de Bouteiller est demeuré à leur race, dont il y en a encore aujourdhuy qui en sont sortis; & ont le surnom de Bouteiller. Depuis Anthoine de Chasteauneuf seigneur du Lau, qui estoit grand Bouteiller, il n'y en a point eu. En plusieurs Edicts faicts par les successeurs de Hues Capet, tousiours le grand Bouteiller avec le grand Maistre, & le grand Chambellan estoient presens, quand on les passoit, & eux trois ont souuent eu debat avec les Pairs de France, sur ce qu'ils soustenoient qu'ils deuoient auoir mesme entree en vne Cour de Parlemēt, que les douze Pairs. Cest Estat de grand Eschançon fest esuanouy, & est demeuré celuy de grand Panetier, non toutesfois en tel rang qu'il estoit iadis.

L'Estat de grand Panetier est office tres-ancien, ayant superintendance sur tous les officiers de Paneterie de la maison du Roy, qui ont le nom procedant du Pain: & auoit la congnoissance, uisitation, & iurif-

diction sur le Pain faict par les Boulengiers en la ville & fauxbourgs de Paris, par luy ou ses officiers. Ce qui depuis a esté contentieux entre luy & le Preuost de Paris, & sur ce plusieurs arrests donnez. Il leuoit aussi sur chaque homme du mestier de sa iurisdicțiō, cinq sols à son nouuel aduenemēt, & chacun an, vn denier parisis. Mais le Roy Charles septiesme le 29 May 1444 reuoqua les Commissions des grands Bouteillers, grands Panetiers, & autres grāds officiers de France, pretendans droit de leuer argent sur chaque homme de leur mestier, disant que c'estoient exactiōs mal introduictes. Maintenant il ne luy reste qu'une ancienne ceremonie, c'est qu'un iour de bonne feste, lors que le Roy va à la Messe, il y a vn hussier de Salle du Roy, qui à une fenestre crie à haute voix au grand Panetier, qu'il vienne courir pour le Roy. Depuis quelques annees, les Eschançons & Panetiers iadis nōmez vallets tranchans, sont appelez Gentilhōmes seruans.

*Autorisé
du grand
Panetier.*

*Droits du
grād Panetier & Bouteiller reuoquez.*

*Ceremonie
du grand
Panetier.*

Vallets tranchans.

*Le grand
Chambellā.*

Le grand Chambellan de France estoit iadis en plus grand honneur qu'il n'a esté depuis. Il estoit du priué & estroit Conseil du Roy, & comme il se voit aux Estats de la maison des Roys Philippes le Bel & Philippes le Long, il doit gesir, quād la Roynes n'y est point, aux pieds du liēt du Roy: & de là vient que quand le Roy tenoit son liēt de Iustice, & le throïne Royal, le grand Chambellā estoit couché à ses pieds. Il portoit le Seel secret du Roy, & en son absence le premier ou autre plus ancien Chambellan. Par ordō-

*Portoit le
seel secret
du Roy.*

nance du Roy Philippes le Long Regent du Royaume, de l'an 1316, est dit que le grand Chambellan ne pourra seellerny signer lettres de iustice, ny de Benefice, ny de nulle autre chose, fors de lettres de prieres, d'Estat, ou de mandement de venir. Et quád aux susdictes lettres, elles seront signees par ceux à qui il appartient de les signer & seeller. Il est exempt de payer le seel Royal, comme les Secrettaires, ainsi qu'il est déclaré par ordonnâce du Roy Charles sixiesme, de l'an 1386. Et tout vassal tenant son fief en hommage du

*Droit du
grand Chā-
bellā sur les
Euesques.*

*Le grand
Chambellā
respondoir
pour le Roy
aux hōma-
ges.*

*Les Vicōtes
de Meleun
& Contes
de Tancar-
ville.*

Roy, & les Euesques & Abbez venans à leur nouuel-
le promotion de leur Euesché ou Abbaye, deuoient
vne certaine somme d'argent au grand Chambellan,
& aux autres Chambellans, comme il est porté par or-
donnance du Roy Philippes tiers 1272. Aux hōma-
ges qui se faisoient à la personne du Roy, le grand
Chambellan estoit à son costé, & auoit l'autorité de
dire par escript ou de bouche au vassal ce qu'il deuoit
au Roy. Et après que le vassal auoit dit, Ouy, ledict
Grand Chambellan parloit pour le Roy, disant qu'il
le receuoit: ce que le Roy aduouoit. Ainsi firēt le Vi-
conte de Meleun Grand Chambellan, à l'hommage
du Duché de Guyenne, faict à Amiens par le Roy
d'Angleterre au Roy Philippes de Valois, & Iean de
Meleun Conte de Tancarville Grand Chambellan, à
l'hommage que Iean de Montfort Duc de Bretagne,
fit à Paris de sondit Duché, au Roy Charles le quint, &
Iean bastard d'Orleans Conte de Dunois & Longue-
ville

uille Grand Chambellan, à l'hommage que fit le Duc Pierre de Bretagne de son dit Duché au Roy Charles septiesme. Les Contes de Tancarville ont tenu si longuement cest Estat, que vulgairement on les appelloit les Chambellans de Tancarville, cōme les Contes de Senlis pour auoir esté longuement grāds Bouteillers auoyent le nom de Bouteillers, ainsi qu'il a esté dit cy dessus à l'article des grands Bouteillers: bien est il vray que ce nom leur pourroit auoir esté donné, pource que ceux de Tancarville estoient Connestables & Chambellans hereditaires de Normādie, comme il se voit en leurs tōbeaux de l'Abbaye du Iard pres Meleun, & en tous leurs Tiltres, Chartres & Monumēts.

*Contes de
Tancarville
Chābellās.*

*Contes de
Tancarville
Cōnestables
& Cham-
bellans he-
reditaires
de Normā-
die.*

Le grand Chābellan a longuement pretendu auoir iurisdicō, mais par arrest elle luy a esté ostee, & seul portoit mâteau & chappeau, & en auoit chacū an vn aux despēs du Roy, & les autres Chābellās n'en portoient point. Ceux qui estoient iadis Chābellans, sont aujourd'hui nommez Gentilshommes de la Chambre, qui fut vn nom inuenté par le Roy François premier.

*Droits du
grand Chā-
bellan.*

*Gētilshōmes
de la cham-
bre.*

Le grād Escuyer n'est Estat fort ancien, car és Estats des Roys deuant Charles septiesme n'est faite aucune mentiō de luy, ausquels il se parle seulement des quatre Escuyers ordinaires, qui auoient la charge des cheuaux du Roy. Le premier grād Escuyer qu'on voit sur les Estats des Roys, fut Poton de Xaintrailles, puis Tāneguy du Chastel au temps du Roy Charles septies-

*Le grand E-
scuyer.*

*Le premier
grand E-
scuyer.*

*Autorité
du grand
Escuyer.*

*Premier
Mareschal
d'Escuyrie.*

*Le grand E-
scuyer aux
entrees des
villes.*

*Les daiz
des entrees.*

Les postes.

*Grand E-
scuyer Con-
nestable.*

me. Le grand Escuyer a la superintendance sur le premier Escuyer, & autres officiers de l'Escuyrie, du nombre desquels sont les cheuaucheurs & les Mareschaux d'icelle, de laquelle il y auoit iadis vn premier Mareschal, qui par declaratiō du Roy Charles sixiesme l'an 1384, à cause de son office, auoit plusieurs beaux & grands priuileges & droits, & entre autres que nul ne peut estre Mareschal, heaumier, aubergeōnier, & esperōnier à Paris, s'il ne l'achete de luy au nom du Roy. Aux entrees que les Roys font aux villes, le grand Escuyer est deuant eux à cheual, ayant l'espee au fourreau de velours azuré, fleurdelisé, pendue à vn grand baudrier de mesme, mais aux entrees des villes où il y a Parlement & non ailleurs, il porte vne Casaque de velours azuré, semee de fleurs de lis d'or, & son Cheual capparassonné de mesme. Et les Daiz que les Escheuins des villes portent dessus les Roys aux entrees des villes sont à luy, bien que ce soit vn ancien différend entre luy & les Lacquais des Roys. Il a quelque fois debattu auoir puissance & autorité d'asseoir les postes, & de pouruoir aux Estats des maistres d'icelles, mais le Contreroolleur general desdictes postes a gagné ce priuilege sur luy. Ce que maintenant est le grand Escuyer, estoit iadis le Conte d'Estable, comme le mot le porte, combien que dedans les Estats des Roys anciens, il ne soit parlé que des Escuyers ordinaires non du grand, comme il a esté dit au cōmencement de ce liure, en l'article du Connestable.

Les Eſtats de grãd Fauconnier, & de grand Veneur, *Grand Fauconnier & grand Veneur.* ne ſont fort anciens, encore que nos Roys ayent de tout temps eſté grands chaffeurs. Bien ſe trouue il ſur leurs Eſtats, des veneurs, fauconniers, furetiers, perdrifeurs, oiſelleurs, louuetiers, archers, vallets des chiës, & autres officiers neceſſaires à la chaffe & volerie. *Officiers de chaffe.* Le premier grand Veneur qui ſe treuue, fut Guillaume de Gamaches du temps du Roy Charles ſixieſme, qui fut deſtitué de ſon Eſtat, pour auoir fait ſouuent faillir le Roy à la chaffe, & en ſon lieu fut mis le ſeigneur de Coequen.

Il y auoit auſſi iadis vn grand Queux de France, qui *Grand Queux de France.* auoit la charge ſur tous les officiers des cuiſines du Roy, & eſtoit Gentilhomme, comme il ſe voit que Guillaume de Harcourt l'eſtoit du Roy Philippes le Bel, Iean de Chaſtillon du Roy Philippes de Valois, & Iean de Dampierre ſeigneur de ſainct Diſier du Roy Charles ſixieſme. Et auoit ledit grand Queux *Iuriſdiction du grand Queux.* vne iuriſdiction, cōme le grand Bouteiller & le grand Panetier, & à cauſe de ſon office auoit vne maiſon en la grand rue ſainct Germain de Lauxerrois, à l'oppoſite du Four l'Eueſque, mais eſtāt ceſt Eſtat ſupprimé, tous ces droits ſont euanouis. Les Roys anciens auoiēt ainſi (meſmes pour les choſes viles) des officiers de grãde & illuſtre maiſon, iuſques à leur Cuiſine, pour rendre leur Court plus honorable entre les leurs, & *Officiers domeſtiques de la Couronne.* plus redoutable aux eſtrangers.

Et pour parler en bloc des officiers domeſtiques

des Roys, des Roynes, & de leurs freres, leurs fils & filles, iadis estoient & sont encore appelez Domestiques, ceux qui sont couchez és Estats de leurs maisōs, autrement appelez Cōmenſaux, pource qu'ils auoient bouche à Court & robbe de liuree. Les Roys ne prenoient à leur seruice domestique, que personnes bié entendues aux charges qu'ils leur donnoient, & en celles qui sont pour leur grandeur & Maieſté, comme Chambellans, valets de Chambre, Escuyers, Panetiers, Eschançons, Mareſchaux des Logis, Archers des gardes, & autres. & en iceux ne prenoient que Gētilhommes de bonne maison qui auoient fait de bōs seruices. Vn Seigneur de trente mille liures de rente se sentoient bien honoré d'estre Panetier, ou Eschançon, & vn Gentilhomme de six mille, d'estre valet de Chābre, ou Mareſchal des Logis, & vn Guidon ou Enseigne d'vne compagnie, d'estre puis après Archer de la garde, ou Commissaire des guerres. Ce mot de Valet estoit honorable, & signifioit ce qu'aujourd'hui nous appellons Escuyer. Il vaut autant à dire, quasi comme Va-lez, & faut entēdre le Maistre, c'est à dire, qu'il alloit pres ou à costé du Maistre, car ce mot, lez, en vicil François veut dire pres, comme on dit saint Victor & saint Germain lez Paris, & le Pleſſis lez Tours. La qualité honorable de ce mot de Valet, est monſtree par vn Tiltre du Roy Philippes le Bel, de l'an 1292, & se treuve vne Chartte de Guy de Lusignā seigneur d'Archiac, par laquelle il se dit Valet du Conte

Tous officiers Gētils-hommes.

Le mot de vallet

vallet nom honorable.

de Poiçtou. Encores sont sur les Estats des Roys, les Escuyers Tranchans, nommez valets Tranchans, & nul iadis n'estoit valet de Chambre qui ne fust Gêtilhomme, & les roturiers estoient Valets de garde-robe. Depuis que ce mot de Valet a esté donné à viles personnes, les Gentilhommes l'ont reiecté, & l'ont laissé aux roturiers, & personnes de vile & basse cōdition. Le Roy François premier fauorissant la Noblesse, à son aduenemēt à la Courōne, institua les Gentilshōmes de sa Chambre au lieu des Chambellās, & donna l'entree aux roturiers d'estre Valets de Chābre, au lieu qu'ils n'estoient auparauāt que Valets de garde-robe, & les Chambellās en petit nōbre, furent lors cōuertis en nombre effrené de Gentilshōmes de la Chambre.

*Valets de
chambre.*

*Chambellās
gêtilshōmes
de la cham-
bre.*

Les Gouverneurs & Lieutenans Generaux du Roy és prouinces, sont ce que iadis estoient les Ducs: & les Gouverneurs des villes sont ce mesme qu'estoient les Contes: car chaque Duc auoit plusieurs Contes sous luy, & ainsi estoient les Ducs Gouverneurs des prouinces, & les Contes Gouverneurs des villes. Depuis estans ces noms de Ducs & de Contes, qui estoient lors dignitez à temps, deuenus hereditaires, les Gouverneurs & Lieutenans generaux, & les Lieutenans de Roy, sont venus avec mesme autorité que lesdits Ducs auoient, estans ordonnez pour la force, à fin de conseruer en paix & repos les prouinces, qui leur sont donnees en charge, & auoir puissance sur les armes d'icelles, les deffendre par armes, tant cōtre les

*Gouver-
neurs &
Lieutenans
generaux.*

*Ducs &
Contes gou-
verneurs.*

*Gouver-
neurs sont ce
qu'estoient
les Ducs.*

*Pouuoir des
Gouver-
neurs.*

sediteux, que contre les ennemis, tenir les forteresses & places biē remparees & munies de ce qu'il leur faut, & ayder de main forte la iustice desdictes provinces. Par ainsi leur pouuoir est distinct de la iustice, laquelle ils n'ont souueraine, ains ressortissante en la Cour de Parlement de leur Gouuernement, & ne peuuent rien iuger ny condamner à mort par sentence, bien peuuent ils tuer vn ennemy estranger, s'il veut troubler sa Prouince, ou vn sediteux sur le fait de la seditiō, non

*Reception
des Gouuer-
neurs.*

faire faire le procez à aucun. Quand vn Gouuerneur de province viēt presenter ses lettres à la Cour de Parlement, à laquelle son Gouuernement va ressortir, il est receu à la charge qu'il n'entreprēdra aucune chose contre l'autorité dudit Parlement, ny de la iustice ordinaire. La Iustice a esté donnee aux Parlemens & autres iuges, & le conforte main d'icelle aux Gouuerneurs & Lieutenans generaux, qui en recōpense sont aidez du Conseil de la Iustice. Et est tout certain que lesdits Gouuerneurs ont esté plustost instituez cōtre les ennemis, que cōtre les subiets: car iadis il n'y auoit

*Gouuer-
neurs aux
pays de frō-
tiere.*

Gouuerneurs qu'aux pays de frontiere, & n'y en auoit aucun dedans le cœur de ce grand Royaume, comme il y a eu depuis que les diuisions d'iceluy ont faiēt la France pleine de deffiance, & frontiere de tous costez à elle mesme, car lors les officiers ordinaires suffisoient aux provinces du dedans du Royaume. Bien est vray

*Le Gouuer-
nement de
Paris.*

que Charles huitiesme institua le Gouuernement de Paris & Isle de France, qui n'estoit lors frontiere, ce

qu'il fit plus pour l'honneur de la ville capitale que pour necessité : & le premier qui en fut Gouverneur, fut Loys Duc d'Orleans, qui fut depuis le Roy Loys douziésme. Cè mot de Gouverneur & Lieutenant general, ne s'entendoit que pour les provinces, comme de Normandie, Guyenne, Champagne, Brie, Bretagne, Picardie, Languedoc, Prouence, Dauphiné, Bourgongne, & Isle de France: & au mot de Gouverneur desdictes provinces, le Roy François premier adiousta celuy de Lieutenant General, & ceux qui commandoient aux villes, s'appelloient seulement Capitaines. Il y a bien des villes qui ont tiltre de Gouverne-
mens, & ceux qui y commandent, de Gouverneurs, comme la Rochelle, Peronne, Boulogne, Mondidier, Roye, Narbonne, Bayonne, & autres, mais lesdicts Gouverneurs ne prennent le tiltre de Lieutenans generaux, & ne peuvent auoir plus d'autorité qu'un Baillif. Lesdicts Lieutenans Generaux, & les Lieutenans de Roy en leur absence ne sont qu'en Commission, non en tiltre d'office : & à cause dudit Tiltre, ont la séance au Parlement de leur Gouvernement, comme celui de l'Isle de France au Parlement de Paris, celui de Guyéne au Parlemēt de Bordeaux, & ainsi des autres.

Gouverneurs aux provinces.

Lieutenant general. Capitaines des villes.

Gouverneurs aux villes.

Séance des Gouverneurs.

Autres fois les Gouverneurs donnoient graces, remissions, pardons, foyres, marchez, annoblissemens, & legitimations, & euoquoient les causes des iuges ordinaires par deuant eux. Ce qui leur a esté osté par Edit du Roy Loys douziésme. Et encores aujour-

Ancienne autorité des Gouverneurs.

Premier gou-
uernement
en tiltre
d'office.

dhuy le Gouverneur de Dauphiné, donne graces & pouruoit à tous offices, hormis à ceux de la Cour de Parlement. Il y a quelques vns qui disent que le premier Gouvernement qui ait esté donné en Tiltre d'Estat, & quasi comme perpetuel, fut celuy de Languedoc, que le Roy Charles le quint donna à Loys Duc d'Anjou son frere, apres la rebellion de Montpellier, & qu'auparauant les Roys enuoyoyent pour vn an, ou pour deux, ou plus ou moins, selon les affaires, des Gouverneurs aux prouinces.

Autres Lieu-
tenans ge-
neraux.

Il y a aussi vne autre espee de Lieutenans Generaux, lesquels les Roys ne voulans, & ne deuans se hazarder aux perils & dangers des guerres, commettre sur leurs armées, representans leurs personnes par tout leur Royaume, pays, terres, & seigneuries de leur obéissance.

Grand Mai-
stre de l'ar-
tillerie.

Maistre des
arbalistiers.

Deuant que l'Artillerie fut trouuee, ceux qui maintenant sont appelez grands Maistres de l'artillerie, estoient nommez grands Maistres des Arbalestiers & Cranequiniers de Frâce, qui auoient la charge & conduite des Machines de guerre qui s'appelloient Cranequins, mor general comprenant toutes les Machines qu'on portoit pour enforcer les murailles, & les portes des villes, qui estoient menees & cōduites par les Arbalestiers, tout ainsi qu'auiourdhy les Suisses ont la charge de conduire l'artillerie. Dés le temps du Roy Saint Loys, il y auoit vn Maistre des Arbalestiers. Quelques vns disent que c'estoit iadis ce qu'est aujour-

Colōnel de
l'Infanterie.

aujourdhuy le Colonel de l'infanterie, d'autant que les Arbalestiers estoient gens de pied, portans arcs ou arbalestes, mais cela est faux. Le grãd Maistre de l'artillerie a de tout temps debattu cõtre les Mareschaux de France, que lesdicts Mareschaux n'auoient aucune iurisdiction sur les Arbalestiers, Archers, Canoniers, & autres officiers de l'artillerie: mais par arrest du Roy Charles sixiesme de l'an mil quatre cens vnze, meu entre le seigneur de Bouciquaut Mareschal de France, & le seigneur de Hangeſt grand Maistre des Arbalestiers, est declaré que la cõgnoissance des Arbalestiers, Archers, & Canoniers appartenoit ausdicts Mareschaux, ensemble la reception de leur monstre & reueuë. Mais depuis cela a changé.

*Debat entre
le Maistre
de l'artille-
rie & les
Mare-
schaux.*

Il n'y a aucune histoire, que ie sçache, qui parle de l'Estat de grand Chambrier de France, mais pour cela nous ne lairrons d'en dire ce qui s'en trouue escrit aux plus vieils registres de la Cour de Parlement. Aimoinus le moyne dit, que Loys le Debõnaire Roy & Empereur, fit vn Bernard Conte de sa Chambre, qui fut depuis appellé grand Chambrier, qui monstre combien grand estoit deslors cest Estat. Et depuis cest Estat a esté en telle autorité pres de noz Roys, sous le nom des grãds Chambriers, qu'avec les autres grãds Officiers, comme Connestables ou Maires du Palais, grands Panetiers, & Eschançons, les grands Chambriers subscriuoient & approuuoiet les Chartres des Roys, & assistoient au iugement des Pairs de France, y

*Grãd Cham-
brier de Frã
ce.*

*Conte de la
chambre.*

*Autorité
des grande
Chambriers.*

ayans voix deliberatiue : lequel droit leur fut adiugé par arrest de l'an mil deux cens vingt quatre. Cest Office auoit la superintendance de la Chambre du Roy, & de ses habillemens & meubles : mais il semble que depuis l'institution du grand Chambellan, & autres Chambellans, faicte peut estre pour l'eminence des personnes qui estoient grands Chambriers, que les Roys ne vouloient employer à tel seruice, ledit Office est demeuré pour tiltre d'honneur, de droits & profits sans exercice, & y en a qui pensent que le grand Chambrier & le grand Chambellan estoit tout vn. Ledit Estat de grand Chambrier est tenu du Roy à foy & hōmage, & est la grāde Chābrie fief à vie, dōt l'an 1270, le Conte d'Eu fit hommage au Roy saint Loys. Les Ducs de Bourbon l'ont tenu longuement, cōme il se voit en leurs Tiltres & Chartres, & en leurs inscriptions sur leurs tombeaux aux Iacobins de Paris, & à la gallerie basse du Chasteau de Moulins, & mesmes l'ont pretendu hereditaire en leur maison, mais il y a longuement demeuré non par heritage, mais par don des Roys, iusques à Charles dernier Duc de Bourbon, après la mort duquel le Roy François premier du nom, dōna cest Estat à Charles Duc d'Orleans son fils : & d'autāt que iadis le grand Chambrier auoit la charge des habillemens du Roy, partie desquels se prenoit chez merciers, frepiers, cordonniers, & autres semblables, sa iurisdiction est sur lesdits mestiers. Mais les officiers ordinaires de la iustice Roy-

Grand Chābellan.

Les ducs de Bourbon grand Chābriers.

Iurisdiction de grand Chambrier.

ale ont contredit & rongné lesdits droitz tant qu'ils ont peu.

Après ce qui fut institué pour la grandeur & service de nos Roys, encore salut il faire vne institution des hômes qui seroient pres de leur personnes, pour leur conseruation, garde & deffence. Adonc ils creèrent les cent gentils-hommes, & depuis y en ont esté adioustez cent autres, & bien qu'ils soient deux cëts, ils sont neantmoins appelez les cent Gëtils-hommes de la maison du Roy. Ils portent en leurs mains le bec de Corbin ou de Faucon, & vont deux à deux deuant le Roy quand il marche en ceremonie, & en vn iour de bataille doiuent estre aupres de sa personne.

Le Roy a d'autres gardes composees de François & d'Escossois : les Escossois à la difference des François, portent la casaque blanche semee de parpillotes d'argent, & les François la portent de la couleur du Roy avec ses deuïles, & les vns & les autres portent la hallebarde sur l'espaule. Et outre ceux la, il y a des Suïsses vestus des liurees du Roy, avec hocquetons & chausses à leur façon, & vont à pied.

Et outre la garde ordinaire que les Roys ont autour de leur personne, tant des cent Gentils-hommes que des Archiers François, Escossois, & Suïsses, ils ont créé vn Capitaine de leur porte, qui a Archiers vestus de say ons, & hocquetons de liuree, semez de parpillotes d'or avec vne clef d'orfauerie, qui signifie la clef de la porte : & aux iours de bonne feste, lors que le

*Iustice de la
porte**Maistres
des Reque-
stes.**Heraulx.**Les Heraulx
ont nom des
prouinces.**Devoir des
Heraulx.*

Roy sort du logis pour aller à la Messe, ledit Capitaine ou son Lieutenant est à la porte, tenant vn balton en sa main. Au temps de saint Loys, il y auoit la Iustice de la porte, & les iuges de la porte, que quelques vns disent estre auourd'hui les Maistres des Requestes, qui receuoient à la porte du logis du Roy, les Requestes & Placets des parties, & sur le champ faisoient iustice à ceux, desquels l'affaire se pouuoit vider promptement, & auquel il n'y auoit point de difficulté, cōme il sera dit en l'endroit où il sera parlé des Maistres des Requestes.

L'Estat des Herauts est plus ancien que l'institution de la Couronne de France, estant leur creation immemoriable, car de tout temps les Potentats ont eu des Herauts, & nos Roys leur ont donné mesmes priuileges & prerogatiues qu'auoient ceux des Romains. Iadis ils portoiēt en temps de paix, l'esmail sur le haut de l'estomach, & en temps de guerre, la cotte d'armes semee de fleurs de lis, à fin que cela leur seruiſt de sauuegarde, & qu'estans par là recongneus, on ne leur fist aucun mal. Ils ont en France les noms des prouinces, comme de Normandie, Guyenne, Valois, Bretagne, & Bourgōgne, & y en a vn par dessus tous qui a nom Mont-joye. Et font serment au Roy entre les mains du grand Escuyer, ne payent aucunes tailles, doiuent estre presens à toutes ioustes & combats, porter nouuelles de paix & de guerre, aller sommer les villes à se rendre, deffier les Princes, porter cartels de deffy, dō-

ner les armoiries à ceux qui se font annoblir, auoir puissance de faire ouurir les Bibliothèques, Secretaireries, & monuments antiques, & voir les Archiues, Chartres, & Tiltres des lieux publics & priuez, pour rechercher les antiquitez des choses qu'ils veulēt sçauoir. Mais depuis quelque temps on ne fait pas grand compte des Herauts, & ne seruent presque de rien, que d'estre aux entrees des villes deuant nos Roys, testes nues, avec le hocqueton de velours violet, semé de fleurs de lis d'or : assistent pareillement aux Tournois, & ne se meslent plus de traitter ou negotier aucune chose avec les ennemis ou estrangers, ny d'aller sommer les villes, ny de faire aucune des choses contenues en leur institution.

*L'Estat des
Herauts
n'est plus
honoré.*

Pour acheuer de parler de tous les offices de la Couronne & de la maison des Roys, reste à parler du Preuost de l'hostel. Es Estats des Roys Philippes tiers, Philippes le Bel, & Philippes le Long, est faicte mention du Roy des Ribauds, qui se deuoit tousiours tenir hors la porte de l'hostel du Roy, comme appert par ordonnance du Roy Philippes le Long de l'an 1317, & est appellé Roy des Ribauds, pource que les mauuais garçons estoient lors nommez Ribauds, comme les femmes abandonnees, Ribaudes. Sa charge estoit de faire iustice des crimes cōmis à la suite du Roy, hors son hostel, car le grand Maistre & les autres Maistres d'hostel, auoient la congnoissance des delicts commis dedans l'hostel du Roy. Le Roy des Ribaulds a-

*Preuost de
l'hostel.*

*Roy des
Ribauds.*

*Charge du
Roy des
Ribauds.*

uoit Vallets ou Archers pour la force & exercice de son office, qui ne portoient verges audit hostel. Il auoit aussi son Lieutenant qui s'appelloit Preuost des Ribauds. Il y en a qui ont escrit qu'il auoit la garde de la Chambre, Salle, & Maison du Roy, après le coucher duquel il cherchoit & visitoit par ladicte maison avec vne torche allumee en sa main, pour voir s'il y auoit aucun caché. D'autres disent qu'il estoit le premier Sergent des Maistres d'hostel, & auoit avec soy deux autres Sergeens, & vn Preuost qui auoit la garde des prisonniers. Il reuifitoit aussi les mesures du vin, & les marquoit d'une fleur de lis, & si aucun eust esté trouué vendant à faulse mesure, il estoit condamné à soixante sols d'amende. Il oyoit les comptes de la despense du Roy avec les Maistres d'hostel, & depuis ayant esté supprimé à cause de la falleté de son nom, du regne du Roy Charles sixiesme, il cōmença à estre nommé Preuost de l'hostel: & n'y a pas long temps que les filles de ioye suiuanes la Cour, estoient sous sa charge, & tout le long du moys de May, estoient subiectes de faire sa Chambre. Or pour rendre cest Estat du nom plus venerable & redoutable, le Roy à present regnant, depuis deux ans la surnommé grand Preuost de France & de son Hostel, & en pourueut le seigneur de Montereud, qui est mort depuis quelques iours.

Voila quant aux officiers, tant de la Couronne de France que de la maison, suite, exercice, & plaisir des

*Premier
Sergent des
Maistres
d'hostel.*

*Pouuoir du
Roy des
Ribauds.*

*Institution
du Preuost
de l'hostel.*

Roy. Ceux de la Couronne presque tous, font hommage au Roy de leur office, qu'ils appellent fiefs à vie, & serment à la Cour de Parlement, & ne sont aucunement hereditaires, comme en Normandie & Bretagne y a eu iadis plusieurs Estats hereditaires. Ceux de Tancarville & de Meleun, qui ont long temps esté mesme chose, se sont tousiours intitulez Connestables & Chambellans hereditaux de Normandie, cōme on voit en l'Abbaye du Iard pres Meleun, en leurs tombeaux, que Guillaume Vicōte de Meleun, & Iean de Meleun estoient Connestables & Chambellans hereditaires ou hereditaux de Normandie. Mais plusieurs ont esté debouttez de ces tiltres, comme on lit que les enfans de messire Guillaume Crespin, à cause de leur mere qui estoit de la maison de Tancarville, pretendoient la Connestablie de Normandie hereditaire, mais par arrest de l'an 1272 & 1274, ils en furent debouttez. Aussi Archambaud Sire de Bourbon, & Guillaume Sire de Dampierre, successiement Connestables de Champagne, declarerent l'an 1216 qu'ils tenoiēt l'office à vie & non par heritage. Et l'an 1274 le seigneur de Mirepoix soy disant Marechal hereditaire de la foy, pource quel vn de ses predecesseurs auoit esté Marechal de la foy en l'armee de Simon de Montfort, cōtre les heretiques Albigeois, fut deboutté de sadiēte pretension, & dit que les officiers de la maison du Roy ne sont hereditaires, si expressément n'est ordonné.

Les officiers de la Couronne font hommage au Roy.

Offices hereditaires. Les Comtes de Tancarville & de Meleun.

Officiers hereditaires rebouttez.

Après auoir parlé des officiers de la Couronne de France, des domestiques des Roys, & de plusieurs autres qui sont instituez, tant pour le seruice particulier de leurs personnes, que pour faire d'auantage reluire la splendeur de leur Maiesté, il faut venir aux Estats de la iustice, & à ceux des finâces. Entre ceux de la iustice, le Chancelier tient le premier & souuerain lieu. Quelques vns disent que ce mot de Chancelier vient du verbe Latin, *Cancellare* (qui n'est pas mot fort Latin) & d'auantage l'autorité & la maiesté de cest Estat, est bien peu monstree & signifiée par vn mot, qui veut dire, rompre. Car sil vient de là, c'est à dire, que c'est à luy à rompre les lettres qui ne sont ciuiles.

Antiquité du Chancelier. L'Estat est de long temps ainsi nommé, comme il appert par plusieurs antiques Chartres. Il s'en treuve vne de Charles le Grand, en laquelle sont ces mots en Latin, Gauzelin Notaire a recongneu cecy pour & au nom de Roger Archeuesque, & Grand Chancelier l'an 28 de l'indiction huitiesme, regnant le glorieux Roy Charles: & l'an mil cent cinquante sept Hues Chancelier du Roy Loys le ieune, se soucriuit & signa en vne Chartre dudit Roy, par laquelle il remettoit à l'Euesque d'Orleans, le droit des Regales: & de l'an 1147 s'en treuve vne autre semblable, en laquelle le Chancelier Barthelemy est nommé. Il s'en trouue vne autre en l'Eglise saint Denys de l'an mil cent & vnze, en laquelle Estienne Chancelier du Roy Loys le Gros est signé: & pareillement il se treuve vne Chartre du

tre du Conte de Vermandoy, au bas de laquelle sont ces mots en Latin: le Chancelier ay escrit & signé la presente. Deuâtqu'il fu st nommé Châcelier, il estoit appellé grand Referendaire, c'est à dire, grand Rapporteur, comme on voit en l'histoire de Dagobert qu'Audoen estoit son Referendaire, & auoit le cachet & le seel du Roy. Et Otho estoit referendaire du Roy Childebert, qui signoit de sa main, & scelloit les lettres commandées par le Roy, ou passées par le Conseil. Et par là on peut apprendre, que les Chanceliers signoient les lettres, & seruoient comme de Secretaires d'Estat: & souuent en plusieurs lieux, ce mot de Chancelier est prins pour Secretaire, ce qui fait penser qu'on ne faisoit pas lors tant de depesches qu'on fait à ceste heure, & qu'un Chancelier seruoit de ce qu'aujourdhuy sert vn Chancelier & vn Secretaire, signant & scellant les lettres. Depuis il fut appellé Châcelier, comme il a esté dit: & comme les affaires sont venuës à croistre, on a separé ces deux charges, l'une donnée aux Secretaires pour signer, l'autre aux Chanceliers pour sceller: & croy que la valeur des personages qui ont exercé cest Estat, luy a apporté le rang, l'autorité & grandeur qu'il a eu depuis, car on a veu qu'il a souuent esté entre mains de grands personages, de Cardinaux, Archeuesques, Euesques, & autres Prelats, mesmes de personnes extraittes de la maison des Princes. Au temps de Philippes premier du nom Roy de France, Geoffroy frere d'Eustache Conte de

*Chancelier
iadis grand
Referendaire*

*Les Châceliers
signoient &
scelloient.*

*Grands per
sonnages
Châceliers.*

Boulongne, Eueſque de Paris, eſtoit Chancelier de France, non du Roy, & les Bourguignōs (comme dit Paul Emile) portoient vn tel hōneur à ceſt Eſtat, qu'ils appelloiēt Archichācelier, leur Chancelier. L'an 1225 du temps du Roy Philippes Auguſte, Guerin Eueſque de Senlis, homme de grand ſçauoir & qui a laiſſé de belles œuures, eſtoit Chancelier. Il ſe treuve que ceſt Eſtat eſtoit en dignité au tēps de Charles Magne & on a veu deux Des Dormans, l'vn Cardinal & Eueſque de Beauuais, & l'autre auſſi Eueſque de Beauuais: deux des Vrfins, l'vn Archeueſque de Reims, & l'autre Barō de Trainnel: Guillaume Briſſonnet Cardinal, Archeueſque de Reims & de Narbonne, & Eueſque de ſainct Malo en Bretagne, & Anthoine du Prat Cardinal, Legat en France, Archeueſque de Sens, & Eueſque d'Alby, auoir eſté Chanceliers: & Poncher Eueſque de Paris, & Archeueſque de Sens, & Iean Bertrād Archeueſque de Sens & Cardinal, auoir eſté Gardes des ſeels, qui ſont charges donnees par les Roys, lors que les Chanceliers ſont ſuspendus, ou qu'on les enuoie doucement en leurs maiſons. Il y a eu auſſi des Princes & Gentishommes qui ont eſté Chanceliers, comme Walerā de Luxembourg, les deux des Vrfins, les deux de Rochefort, Claude & Guy, & pluſieurs autres.

Depuis que les Chanceliers furent inſtituez, il y a eu des temps auſquels il n'y en a point eu, & ſe treuve en pluſieurs Chartres, meſmes depuis l'an 1195 iuſ-

*Chanceliers
relats.*

ques à Philippes Auguste, ausquelles sont souscrits ces mots, Vacquant la Chancellerie. La charge du Chancelier en France, est de garder qu'aucune lettre ne passe, & que chose aucune se face au preiudice du Roy & de son Estat, & quand les Roys tiennent leur liêt de Iustice, ou les Estats, ou sont en vne Cour de Parlement, le Chancelier est assis deuant luy à main gauche, & le Connestable à droite: & aux Conseils le Connestable & le Chancelier, comme les deux principaux officiers de la Couronne sont assis l'un deuant l'autre. Il tient le grand Seel du Roy, & de luy mesmes peut sceller lettres de Iustice & de finance, bien que iadis il ne seellast aucune lettre, sans l'aduis d'un ou deux Maistres des Requestes qui assistoient au seel, & est comme seuer Contrerooleur des Ordonnances, Edits, volonte, commandemens, & dons du Roy, & est le souuerain magistrat de la Iustice.

*Châcellerie
vaquante.*

*Devoir
d'un Chan-
celier.*

*Façon de
sceller du
Chancelier.*

Les maistres des Requestes sont plus anciens que les Cours des Parlemens, & leur nombre a esté diuers selon les temps. L'an 1285 vn peu deuant le regne de Philippes le Bel, il se treuve que le Chancelier au seel deuoit estre assisté & accompagné de deux hommes lettrez, & qu'il y en auroit trois qui seéioient sur la porte du logis du Roy, assis & appuyez sur la barriere dudit logis, & là receuoient les requestes & placets des parties, vuideroient sur le champ les choses dont le iugement estoit facile, & porteroient les requestes de conséquence au Roy, auquel ils les rappor-

*Maistres
des Reque-
stes.*

teroient ou dans la Chambre, ou lors qu'il iroit à la Messe, ou quand il se pourmeneroit. Ils sont en quelques endroits nommez les gens des Requestes, & en d'autres, les iuges de la porte, pource qu'ils donnoient leurs iugemēs & sentences sur la porte. L'an 1342 leur nombre fut mis à six, & lors commencerent d'estre

Gens des Requestes, iuges de la porte.

Commencement du nom de Maistres des Requestes.

Logis des Maistres des Requestes.

Causēs des Maistres des Requestes.

appellez Maistres des Requestes, puis l'an 1407 on les mit à huit. Or comme les affaires vindrent à croistre & qu'ils furent employez en diuers affaires, ils n'eurent plus loisir de se tenir sur la porte, & ne bougeoient d'aupres du Roy, qui leur donnoit toutes les Requestes qui luy estoient presentees. Ils estoient logez dedans le logis du Roy, & auoient table, & deuoient estre pres du Chancelier, lors qu'il scelloit: & a ledit Chancelier vne pension pour leur tenir plat, à fin qu'ils soient ordinairement pres de luy, à l'expeditiō des lettres & des affaires: mais cela ne s'obserue plus.

Les causes qui aujourd'hui sont cōmises aux Requestes du Palais à Paris, estoient anciennement agitees deuāt les Maistres des Requestes de l'hostel, auxquels Philippes le Bel par Edit expres, ordonna tant la congnoissance des estats & offices qu'il auoit dōnez, que semblablement des causes pures personnelles, qui se presentoient entre ses domesticques. Toutesfois ces Maistres des Requestes se trouuans occupez à plus grandes charges, mesmes estans ordinairement à la suite des Roys, se reseruerent seulement la congnoissance en premiere instance, des debats qui interuen-

droiét à raison des offices Et au regard des differēs des officiers & domestiques du Roy, en matiere personnelle, (comme estās, peut estre, de trop legere importance) ils furent laissez à la iurisdiction des Cōseillers, qui residoient perpetuellement dans Paris, qui furent & qui sont appelez Conseillers aux Requestes. Leditz Maistres des Requestes, desquels le nombre depuis a esté augmenté selon la volonté de nos Roys, sont du corps de la Cour de Parlement de Paris, sont assis en ladicte Cour apres les Presidens deuant les Cōseillers, pouuoiet iadis porter robes de soye au parquet (ce qui n'est permis aux Conseillers) president au grand Conseil, & en toutes Seneschauſſees & Bailliages, rapportent requestes de iustice, & quelques fois de finance, au Conseil signent en queuē lettres de iustice, les rapportent quand besoing en est, ont leur iurisdiction vniuerselle par tout le Royaume, tiennēt le seel des Chanceleries quand ils vont aux villes des Parlemēs, & ont plusieurs beaux & amples priuileges.

Cy deuant en l'article du grand Maistre, nous auōs parlé de ce mot de Seneschal, & comme premieremēt il estoit ce que depuis ont esté les grands Maistres. Mais leur estant ostee la superintēdance de la maison des Roys, ils eurent la charge de faire & administrer la Iustice, & de mener à la guerre le Ban & Arriereban de leur prouince. C'estoit aux temps que la Chiquanerie n'estoit encores entree aux iuridictions de France, & que la seule equité & la raison seruoient de loix.

*Ancienne in-
st:gné des
François.
Seneschaux
anciens.*

Paul Emile & Budé disent que les François au commencement se gouernoient plus simplement au fait de iudicature, qu'ils n'ont faiët depuis, acquiesçâs aux sentences donnees par les Baillifs & Seneschaux, qui administroyent presque toute la iurisdiction, estimâs laid d'aller chercher loing le droit par reliefs d'appel. Mais apres que les calomnies suruindrēt parmy eux, & que les proces multiplierent, la souueraine iurisdiction commença à estre exercee vne fois l'an, & en peu de iours, puis deux fois en changeant tousiours de lieu, & finablement fut aduisé (comme il a esté dit cy dessus) de tenir les iugemēs souuerains en lieu certain, & edifier logis à ce propre à Paris, ville capitale

*Institution
du Parlemēt
de Paris.*

du Royaume. Ce qui fut fait par Philippes le Bel, Roy de Frâce, lequel pareillement ordonna, qu'és Bailliaiges & Seneschauſſees, fust pourueu de gēs sages, prudents, & suffisans, & ne leur estoit permis d'auoir des

*Lieutenans
des Sene-
schaux.*

Lieutenans, sinon quand ils estoient à la guerre empeschez pour le seruice du Roy. Apres ils eurent des Lieutenans, preudhommes, idoinés, & suffisans, & estoit tres-expresslément deffendu, que nul ne fust Baillif ou Seneschal du lieu d'où il estoit natif. Ils iugeoiēt en souueraineté, mais depuis l'erection & institution des Cours de Parlemens, il y a appel d'eux ausdictes

*Charles le
grand auoit
des Sene-
schaux.*

Cours. Le Roy Charles le Grand enuoyoit par toutes les Prouinces de son Royaume, des gens graues & iustes, qu'il appelloit Seneschaux, pour administrer iustice à ses subiers. L'Estat de Baillif & de Seneschal,

sont esgaux en autorité, & differēt sans plus de nom. *Baillifs.*
 Baillif, vient de bailler, pour autant qu'à leur premiere origine ils estoient baillez & enuoyez aux prouinces par nos Roys, pour y faire & administrer iustice, ou bien sans aucune altercatiō de lettre, Baillifs comme conseruateurs & gardiens du bien du peuple. Car en vieil langage Frāçois, Baillie signifie garde, & Baillif, gardien & conseruateur : & iadis ce qu'à present nous appellons Bailliages, s'appelloient Baillies.

*Etymologie
de Baillif.*

Ce mot de Seneschal est interpreté en deux sortes, d'ont l'une est cy dessus declaree en l'endroit où il est parlé du grand Maistre de France, & du Marechal. Les autres disent qu'il vient d'un mot corrompu my Latin & my Frāçois, signifiāt vieil Cheualier, qui n'est pas du tout hors de propos, pource qu'anciennemēt l'Estat de Seneschal estoit donné à Gentilshommes & vieux Cheualiers, & estoit la porte fermee aux Aduocats & Legistes. Mais le Roy Henry fut le premier qui donna pouuoir aux Legistes d'estre Baillifs & Seneschaux, & depuis le Roy à present regnant a remis lesdicts Estats es mains des Gentilshommes. Depuis que la Chiquanerie s'est mise dedans les iurisdicctions, les Baillifs & Seneschaux, ont eu des Lieutenans ciuils, criminels, & particuliers, Cōseillers, Aduocats, & Procureur du Roy, & autres tels officiers, qu'on voit aujourdhuy aux sieges.

Etymologies de Seneschal.

Lieutenans des Seneschaux & Baillifs.

Ils ont congnoissance des causes ciuiles & criminelles, des causes du Domaine du Roy, &, d'iceluy

Les causes des Seneschaux.

baillent les fermes, des proces meuz pour raison du Ban & Arriereban, de la verification des hommages des vassaux tenans du Roy, & des lettres de souffrance & de conforte-main, des terres & fiefs nobles, en action pure personnelle, des datons de tutelle, curatelle, inuentaires, de successiō vniuerselle, des matieres des Eglises qui sont de fondation Royale, des crimes qui sont de leze Maiesté diuine & humaine, de faulse monnoye, assemblees illicites, emotions populaires, ports d'armes, infraction de sauuegardes, de la verification des lettres de remission, abolition, pardon, rappel de Ban, des Chartres, Edicts, foires, marchez, affranchissemens, & autres diuerfes matieres.

Secretaires.

Et pour venir à parler des Secretaires, il faut bien penser que leur office est bien ancien, car iamais il ne fut Prince qui n'eust de pesches à faire, & par consequent qui n'eust des Secretaires. Bien est vray qu'au commencement du reglement, & establisement que firent nos Roys de leurs conseils & affaires, il n'y auoit aucū officier qui eust ce tiltre de Secretaire, ains ceux qui estoient Chanceliers, lors nommez grands Referendaires, signoient les lettres de leur main, & les cachetoient du cachet du Roy, faisans tout ensemble ce que depuis ont faict distinctement les Chanceliers & les Secretaires, comme on voit qu'Audoen Referédaire du Roy Dagobert, signoit les lettres publiques, & les cachetoit, & Otho Referendaire du Roy Childebert, dit n'auoir signé ny cacheté vne lettre que

*Chanceliers
& Secretaires
tout vn
indis.*

tre que Gilles Euesque de Reims auoit mise en auant. De ces deux passages on peut tirer, que les Referendaires signoient & scelloient les lettres : mais comme les affaires vindrent à multiplier, on fut contraint de creer des Estats qui signeroient, & ceux qui en furent pourueuz, furēt nommez Secrettaires, & le Referendaire ou Chancelier, ne se mesloit que de sceller & garder le cachet des Roys. Adonc furent créez les Secretaires, qui au cōmencement furēt appelez Clercs de France, puis nommez Notaires & Secretaires de la maison & couronne de France, & d'iceux on a depuis tiré les Secretaires d'Estat, & ceux des finances.

*Distinction
de Chance-
liers & Se-
cretaires.*

Nous auons cy deuant declaré combien de sortes d'impositions il y a en ce Royaume, la multitude desquelles portant grande quātité de deniers, a esté cause qu'il a fallu pareillemēt eriger vne grande multitude d'officiers des finances pour les manier, & des iuges pour cognoistre des abus quis'y commettent. Nous parlerōs premieremēt des quatre Generaux de France de l'institution desquels ne se treuve aucune chose bien certaine, comme estant vn malheur coustumier en ce Royaume de ne trouuer aucune chose de l'institution des anciens Estats & officiers. Quelques vns pensent qu'ils furent instituez par le Roy Iean, & à ce qu'on peut cognoistre par leur charge ils sont destinez pour faire le departemēt de ce que les Roys veulent estre leué sur le peuple. Car nos Roys pouruoys de loing à leurs grāds & vrgens affaires, font par chaf-

*Officiers de
finances.*

*Les quatre
generaux
de France.*

cun an estat de tout leur reuenu, tant du Domaine, Aydes & Tailles, que d'autres choses extraordinaires. Lors ayant veu à quoy tout se monte, font vn proiect de leur despence, puis enuoyent leurs commissions aux quatre Generaux, chascun en leur charge, qui puis apres les enuoyent aux Elleus sur le faict des Aydes, pour imposer, egaller, & departir les deniers mādrez par ladite commission, cōme nous dirons cy desfous en l'article des Elleus. Il se treuve que du temps du Roy Iean il y auoit seulement trois Generaux, asçauoir Iean de Ruel, Iean le Mercier, & Gilles le Galois, lesquels auoyent charge de faire apporter tous les deniers deuz à cause desdites Aydes, plein pouuoir, autorité & mandemēt special, de mettre, ordōner & establir Elleus, Receueurs, Grenetiers, Contre-rooleurs, Commissaires, Sergēs, & autres officiers experts & suffisans, & de les destituer & renoueller en toutes les citez, villes, dioceses, & pays du Royaume, où lesdictes Aydes auroient cours. Leur autorité est diminuee auiourdhuy pour ce regard, toutesfois elle a bien esté d'ailleurs amplifiee par les Roys successeurs de Iean, comme de faire leuer & receuoir les deniers, les faire auancer & apporter à l'Espargne, & trefor du Louure, taxer gages aux officiers, auoir l'œil, soing & regard à l'auancement & recouurement des deniers ordinaires & extraordinaires de sa charge, de quelque nature & conditiō qu'ils soient, chaque année faire les Estats de la valeur de sa Generalité & de-

*comissions
aux gene-
raux.*

*ladis seule-
ment trois
generaux.*

*charge an-
cienne des
generaux.*

*Autre char-
ge des ge-
neraux.*

niers d'icelle, faire proces verbal, & tenir registre du partemēt, seiour & retour des Clercs qui apporterōt les deniers, quelles charges & voitures il y aura, esquelles leur fera taxe. En faisant les cheuauchees, il doit aussi s'informer de la vie & administratiō des officiers, cōferer avec eux des affaires de la prouince, informer des abus & maluerfations d'iceux, tant de la iustice ordinaire, qu'Esleus, Grenetiers, Contrerooleurs, & autres, sans toutesfois qu'il puisse decreter aucune prouision contre lesdits officiers. Il peut neantmoins suspendre & interdire les officiers comptables qui serōt demeurez en reste des deniers de leurs charges, & au lieu des suspendus, y mettre des personnages resseans & solubles. Les generaux peuuent entrer aux cōptes des Receueurs des Aydes & autres, pour faire telles remonstrances qu'ils voudront, & y ont lieu, voix & opinion deliberatiue. Autres & plus amples priuileges desdits Generaux, se trouueront par les Edits & ordōnances du Roy Henry 11, lors qu'il establit en chacune des dixsept receptes Generales de France, autant de Generaux des finances, & depuis encores le nombre d'iceux augmētez d'autres dixsept alternatifs par le Roy à present regnant. Ils ont telle puissance sur les Receueurs des Aydes & Tailles, que les Tresoriers de France sur ceux du Domaine, & mesmes prerogatiues que lesdits Tresoriers.

*Autorité
des gene-
raux.*

*Generaux
assistēt au
comptes des
Aydes.*

Or donc après que lesdits Generaux ont receu du Roy ses lettres de Commission, ils les enuoyent aux

Est. M.

*Erectiō des
Esleus.*

*Imposition
des Aydes.*

*Esleus choi-
sis & esleus*

*Imposition
des Esleus.*

Esleus de leur ressort, ainsi nōmez du nom d'electiō, à fin d'asseoir & imposer les deniers mandez par ladicte Commission dedans huittaine après la reception d'icelle, lesquels Esleuz doiuent faire l'assiette & departement desdits deniers sur les parroisses particulieres de leur electiō. Il ne se trouue rien de leur institutiō, *vray est* qu'ez registres faisans mention deldits Generaux des finances, il se parle aussi desdits Esleus, qui semblent auoir esté instituez du temps du Roy lean, lequel voyant que son reuenu ne pouuoit suffire à ses affaires, aduisa avec la deliberation des trois Estats, qu'on mettroit sur le peuple vne imposition nommee Ayde, qui se leueroit seulement durant la guerre, & estoit en chaque Diocese & Euesché cest argēt mis dedans des coffres baillez en garde à quelques gens, que pour cest effect on eslisoit, & de la furent appelez Esleus. Depuis ils ont esté erigez en tiltre d'office, & leur a esté baillé la congnoissance de tous proces prouenans des Aydes & Tailles, & baillent le huittiesme à ferme, mais il y a appel d'eux à la iustice des Generaux. Or pour reuenir à nostre propos, après que les Esleus ont faiēt leurs departemens, ils enuoyēt leurs Commissions particulieres aux Cōsuls, Maires, Jurats, Syndics ou Elcheuins de toutes les villes & parroisses de leur electiō, par lesquelles ils leur mandēt asseoir, imposer, & cortiser sur leurs habitans, la somme y declaree le plus iustement & egalement qu'il sera possible, le fort portant le foible, suiuant l'ordon-

nance. Lesquels Consuls pour ce faire, procedēt à annuelle electiō, & sont nommez Asscurs: aussi est leur charge de mettre à la Taille tous les habitans, chacun selon ses facultez, & n'obmettre personne s'ils ne veulent payer son taux. Ils sont esleus & nommez par la pluralité des voix & suffrages des habitans, & après auoir fait leur département selon la qualité & quantité du patrimoine d'un chacun, dressent leurs rooles qu'ils baillent aux Collecteurs, pour en faire la leuee, après qu'ils auront esté signez par l'un desdits Esleus.

Asscurs.

Lesdicts Collecteurs sont creez annuellement par la voix & nomination des habitans des villes & paroisses, & le plus souuent a esté donnee ladicte charge au moins disant du sol pour liure, & au rabais, & peuuent lesdits Esleus estre contraincts par le Seigneur de la ville ou de la paroisse, & ses officiers, de rendre compte de sa collecte qu'il a leuee & exigee sur ses subiects. Or lesdits Collecteurs ayans fait leur leuee & collecte, sont tenus les apporter de quartier en quartier, quatre iours après le terme escheu au plus tard, aux Receueurs particuliers des Tailles.

*Collecteurs.**Devoir des Collecteurs.*

Lesdicts Receueurs particuliers de Tailles, sont destinez à receuoir au bureau les deniers des Collecteurs desdictes villes & paroisses, & faut que puis après ils portent lesdits deniers aux Receueurs Generaux, en mesmes especes qu'ils les auront receus, & d'iceux en retirer quittance, bien & deuëment insinuee, c'est à dire, cōtreroolee par le Contrerooleur general des fi-

*Receueurs des Tailles.**Receueurs generaux.**Contrerooleur general des finances.*

*Institution
des Rece-
ueurs des
Taulles.*

nances, & pareillement le Bordereau contenant les especes, desquelles ledit payement aura esté fait. Leur institution est autant ancienne que celle desdits Generaux des finances, & Receueurs generaux, & semble qu'ils ont esté instituez par le Roy Iean, en ce qu'il ordonna que tous les deniers procedans des Aydes à luy accordees (comme dit est) seroient apportees & baillees au Receueur, qui sur ce seroit ordonné en chaque cité pour tout le Diocese, & iceux receus seroient tenus les enuoyer aux Receueurs generaux de leur prouince.

*Institution
des Rece-
ueurs gene-
raux.*

*Jadis seule-
ment vn Re-
ceueur ge-
neral.*

L'institution & origine des Receueurs generaux des prouinces, est aussi ancienne que celle des Generaux des finances. Il se treuve toutesfois qu'en l'an 1360, il n'y auoit qu'un Receueur general en France qui demouroit à Paris, & receuoit toutes les finances du Royaume. Mais aussi lors le Royaume estoit bien petit, car les Anglois en tenoient la meilleure partie, & les Roys n'en tenoient que le centre, au lieu que lesdits Anglois tenoient la rotondité de la figure. Depuis comme le Royaume est venu à croistre, & pareillement les deniers ordinaires à augméter, il a esté be-

*Le Royau-
me diuisé en
quatre ge-
neralitez.*

*Puis dixsept
generalitez
& autres
alternatiues*

soing d'eriger d'autres Receueurs generaux. Tellement que pour l'aisance & commodité des subiects, tout le Royaume fut diuisé en quatre Generalitez par Charles sixiesme, à chacune desquelles fut establi vn Receueur general, & depuis successiuellement si bien augmentees, que nous en auons dixsept establies par

le Roy Henry deuxiesme, & encores autres dixsept alternatiues, euees par le Roy Charles neuuesme à present regnant. Or pource que lesdits Receueurs abusoient de leurs charges, & y versoient mal, on aduisa de leur donner vn compaignon qui fut appelé Contrerooleur, l'office duquel (moyennant qu'il soit mis en la personne d'un homme de bien) semble estre plus necessaire qu'autre de la France, car par ce moyē lesdits Receueurs sont empeschez de billonner, charger, alterer & rōgner les deniers du Roy, & de s'en ayder à leurs affaires domestiques & priuez, pource qu'ils tiennent registres & Bordereau de toutes les especes, que lesdits Receueurs prennent en payemēt, & assiste au compte & nombrement d'icelles, & puis estās lesdits deniers fermez dedās vn coffre sous deux clefs differentes, l'une demeure entre les mains dudit Contrerooleur. Toutesfois si nous voulons considerer la cause de l'institution des Tresoriers de France, nous trouuerons qu'en cela, leur autorité est d'autāt diminuee, car cela est de leur charge, tellement que ce n'est que charger & remplir le Royaume d'autant d'officiers. I'ay leu en vn registre qu'Estienne Baquet valet de Chambre du Roy Charles sixiesme, fut pourueu de l'Estat & office de Cōtrerooleur de la recepte generale des finances, & par là on peut necessairemēt inferer, que ledit Estat de Contrerooleur auoit esté au precedent institué & erigé.

Contrerooleur des finances.

Charge de Contrerooleur.

Le Tresorier de l'Espargne n'est Estat fort ancien,

*Tresorier de
l'Espargne
au lieu du
Receueur
general.*

bien est il honorable, & n'a autre charge & authorité, que celle qu'auoit au temps du Roy Iean, & autres Roys, le Receueur general, au lieu duquel il a esté subrogé. Sa premiere institutiō fut du temps du Roy François premier, qui en pourueut le Baillif Robertet. Et puis le Roy Henry fit cest Estat alternatif, comme nous le voyons auiourdhuy. Bien est vray

*La finance
nommee E-
spargne.*

que du temps du Roy Charles sixiesme, le Borgne de Foucal son Escuyer estoit garde de la finance dudit Roy, nommee communément l'Espargne, puis le fut Anthoine des Essars qui mal administra les finances de ladiète Espargne, mais c'estoient deniers nommez Espargne, qui ne seruoient qu'aux menuës affaires du Roy, non à l'vniuerselle despenſe du Roy & du Royaume, comme elle a fait depuis que l'Espargne a eu des Tresoriers de l'Espargne en tiltre d'office. Il y a eu aussi vn souuerain Maistre des finances, qui estoit ce mesme qu'est le Tresorier de l'Espargne, mais ceste qualite n'a gueres duré.

*Souuerain
Maistre des
finances.*

*Tresorier
des parties
casuelles.*

Le Tresorier des parties casuelles, est institué depuis que la coustume est venuë de vendre les offices, qui a esté depuis le Roy Loys vnzième, estant sa charge de receuoir tous les deniers prouenans de la vente de tous lesdits offices.

*Tresoriers
de France.*

Les Tresoriers de France, sont bien anciennement instituez. Au commencement il n'y en auoit que quatre, mais auiourdhuy presque chaque prouince a le sien. Aussi leur charge d'auiourdhuy est bien différente de

re de l'ancienne, car iadis ils manioient toutes les finances de France, comme leur nom de Tresoriers le porte, & auoient mesme charge que les Tresoriers de l'Espargne ont eu depuis. Il se treuve que Pierre Remy seigneur de Montigny estoit Tresorier de France, du tēps de Charles le Bel, lequel pour n'auoir peu payer le reliqua de son compte, & pour les exactions & pilleries qu'il auoit faictes en la Guyenne, fut pendu & estranglé au gibet de Montfaucon pres Paris, qu'il auoit fait refaire, qui est bien pour monstrier que dès ce temps là il y auoit des Tresoriers de France, & que leur charge estoit autre que celle des Tresoriers de ce temps, qui n'ont aucun manimēt de deniers, ains seulement le soing du bien & Domaine du Roy, iceluy bailler à ferme, & le mesnager cōme doit faire vn bon pere de famille. Aussi ils font leurs cheuauchees sur le pays, qui sont de leur charge, en faisant lesquelles, leur pouuoir est de suspendre tous officiers qui ont maniemēt du Domaine, s'ils ne sont ydoines & suffisans, pour l'exercice de leurs offices, & en commettre d'autres. Et deuoient estre presens en la Chambre des Cōptes, à la closture des comptes desdits Tresoriers & Receueurs particuliers du Domaine. Nous trouuons aussi que le temps passé ils congnoissoient & auoient iurisdiction de tout ledit Domaine, fors que des Regales, la congnoissance desquelles appartient en premiere instance à la Cour de Parlement. Depuis l'erection de la Chambre du Tresor, ils ont presidé en la-

*Charge des
anciēts Tre-
soriers de
France.*

*Les Trefo-
riers de Fr.
ce n'ont ma-
niment de
deniers.*

*Charge des
dicts Trefo-
riers.*

*Anciēne au-
thorité des
dicts Trefo-
riers.*

*Quatre
Tresoriers
de France.*

*Recepte des
finances du
Roy.*

*Les deniers
portez au
Louure.*

*Deniers por-
tez à l'Espar-
gne.*

*Garde des
coffres Tre-
sorier des
Menus.*

dite Chambre y ayant voix deliberatiue. De ces quatre Tresoriers, l'un estoit de Languedoc, l'autre d'outre Seine, le tiers de Normandie, & le quart de Guyenne. Le Domaine se reçoit par les Receueurs particuliers des Bailliages, puis ces deniers sont mis entre les mains des Receueurs generaux, qui les souloient deliurer au changeur du Tresor, lequel les portoit (deuant qu'il y eut vn Tresorier de l'Espargne) au General des finances du Roy, entre les mains duquel demouroit tout cest argent. Mais par succession de temps, le grand Roy François y congnoissant de l'abus, ordonna que l'argēt de tout ledit Domaine, Aydes, Tailles, gabelles, & autres deniers ordinaires & extraordinaires, comme il a esté dit, exceptez les deniers des parties casuelles, seroient mis au Chastel du Louure, par les Receueurs generaux, en la presence de trois notables personages, & baillez au Tresorier de l'Espargne, ou à ses Commis, qui leur en bailleroit quittāce. Cela depuis s'est changé, & sont la plus part des deniers portez à l'Espargne après que les Receueurs particuliers & generaux ont fait les frais & despeses ordinaires, dont leurs Estats sont chargez.

Au temps du Roy Charles le quint & de Charles sixieme, y auoit vn Garde des coffres, qui chaque iour receuoit pour l'ordinaire dix escus d'or en monnoye, qu'il bailloit en la main du Roy pour en faire ce que bon luy sembloit. Et depuis cest Estat a esté commué en Tresorier des Menus.

*Tresoriers
des guerres.*

Les Tresoriers des guerres à mon aduis sont des plus anciens Estats de ce Royaume, pource qu'ayans les François eu ordinairement des guerres, il a fallu necessairement auoir tousiours desdits Tresoriers. Car comme les guerres ne se peuuent faire sans argent, qui est le nerf d'icelles, ainsi a il fallu des officiers commis à l'administration dudit argët. Du temps du Roy Iean, fut faicte vne ordonnance aux Generaux des finâces, par laquelle leur estoit mandé que quand les Tresoriers des guerres, leurs Clercs & Lieutenâs viendroient de faire vn payement, que lesdits Generaux verroient l'Estat d'iceluy, & au plus tard de deux en deux moys. Depuis on a fait des Tresoriers de l'ordinaire & de l'extraordinaire de la guerre, les charges desquels sont bien differentes. Les Tresoriers de l'ordinaire, ont les payeurs de chacune compagnie, auxquels ils deliurent les deniers, selon le nombre des compagnies qu'ils auront à payer en chacun quartier, dont le Tresorier de l'Espargne a congnoissance par le departemēt qui en est fait sur les receptes generales, dont ils recoiuent les deniers sous le mandement & acquit dudit Tresorier de l'Espargne.

*Tresoriers
de l'ordinaire
& extra
ordinaire
des guerres.*

Il y a aussi de Secretaires des finances, les tiltres, honneurs & qualitez, desquels sont bien augmentez depuis leur institutiō, qui fut du temps du Roy Charles sixiesme, lequel congnoissant les abus & maluerfations qui se commettoient en ses finances, par la reformation d'icelles, ordōna & establit trois Generaux

*Secretaires
des finances.*

outre ceux qui y estoient precedemment, qui auoiẽt pour faire leurs escritures, touchãt lesdictes finances, quatre Clercs qui depuis ont esté appelez Secretaires des finances, qui auioirdhuy expedient tous les mandemens & ordonnances du Roy, concernant les finances de sa Maiesté, & mesmes les Requestes & autres affaires de Iustice.

Iuges des finances.

La Chambre des Cõptes.

Après auoir parlẽ des officiers des finances, il faut parler de leurs Iuges: entre lesquels les premiers sont les seigneurs de la Chambre des Comptes de Paris, seueres Contrerooleurs & examinateurs des despenses de nos Roys & des finances, employees par les Financiers. Quelqu'un m'auoit promis de me faire voir l'institution de ladicte Chambre, mais après m'auoir par l'espace de quatre moys tenu en ceste esperance, à la fin comme i'ay esté sus cest article, il m'a dit ne le pouoir faire. Par ainsi ie ne scaurois dire par quel Roy ladicte Chambre fut instituee, mais bien faut il penser que telle institution n'a esté faicte sans grande raison, veu que tous Potentats rãt petits soiẽt ils, ont des

Autorité de ladicte Chambre.

gens deputez à voir leurs comptes. Tous ceux qui en ce Royaume manient l'argẽt du Roy, rendent en vne des Chambres des Comptes d'iceluy leurs comptes, & là les baillent à examiner & clorre. Iadis il n'y auoit que deux Presidẽs en la Chambre des Comptes de Paris, cõme appert par ordonnance du Roy Charles sixiesme, & l'un d'eux estoit le grand Bouteiller, & en l'Estat du Roy Philippes le Long, on voit que le

Le grand Bouteiller Presidẽ en la Chambre des Cõptes.

Sire de Suilli grand Bouteiller de France, estoit souverain en la Chambre des Comptes. Depuis les Maistres d'hostel des Roys, furent Presidens & Maistres des Comptes: mais quand ces Estats sont deuenus venaux aux roturiers, les grands Bouteillers ny les Maistres d'hostel n'y voulans mettre argent, abandonnerent ladite Chambre. Apres celle de Paris, il y en a aussi d'autres comme à Dijon, Mompellier, Nantes, & Aix en Prouence, qui oyent les comptes chacune de son pays. Mais celle de Paris maistresse des autres, est celle qui a la congnoissance & iurisdiction des dons & despeses des Roys ordinaires ou extraordinaires, & les examine curieusement, & retransche & raye souvent celles qui sont mal fondees, comme elle fit au temps du Roy Charles sixiesme, qui estoit prodigue & grand despencier, sans qu'il eut raison ny discretiō à la profusion dont il vsoit. Et quand ses Financiers rendoient leurs comptes, la Chambre des Comptes mettoit sur ses parties excessiues ce mot, C'est trop donné, ceste partie soit repetee. Esdictes Chambres des Cōptes, s'enterinent lettres de legitimatiō & naturalité des Aubains ou Aubanies, c'est à dire, de ceux qui sont nez hors mariage, & qui sont estrangers. Ceux aussi qui tiennent en foy & hommage du Roy quelque chose, y sont receus par le Chancelier, à la charge de bailler à ladicte Chambre leurs Adues, dedans le temps de la coustume.

*Maistres
d'hostel
Maistres
des Cōptes.*

*Autres chambres
des Cōptes.*

*Chambre de
Comptes de
Paris.*

*Causes des
Chambres
des Cōptes.*

*Hommages
à ladicte
Chambre.*

*Generaux
des Aydes.*

Les Generaux des Aydes sont autres iuges des fi-

*Causés des
dicts Gene-
raux.*

nances. Après que les Roys de France eurent augmenté les fins & limites de leur Royaume, voyans que tant de Parlemens, Baillifs & Lieutenans des provinces, ne suffisoient à iuger les proces qui estoient entre leurs subiets, ils esleurent des notables personnages, les establiſſant à faire droit & iustice ciuile & criminelle, ſuiuant les Ordonnances publiques ſur le fait des Aydes & des Tailles. Lesquels pour ceste cause furent appelez Generaux de la iustice des Aydes, la Taille n'estant encore reduitte en ordinaire. Premièrement il n'y en eut qu'un, puis deux, puis trois, puis quatre furent instituez, & en après peu à peu leur compagnie ſeſt augmentee. Et y a à Rouen & Mompellier deux autres Cours des Generaux, qui en leur province ont pareille autorité, que celle qui eſt à Paris, & le Roy Henry en erigea vne à Perigueux, qui depuis fut transferee à Bordeaux, & puis furent leſdits Generaux annexez au corps de la Cour de Parlemēt de Bordeaux.

*Cours diuer-
ſes des Ge-
neraux.*

*Chambre du
Trefor.*

La Chambre du Trefor fut erigee par le Roy Charles ſeptieſme, après que les Anglois furent chassez de France, bien qu'il y en a d'autres qui tiennent qu'elle auoit eſté eſtablie auparauant, & que ledit Charles ayant chassé les Anglois, & voulāt remettre son Royaume en l'estat ancien, la remit ſus, & luy assigna lieu pour plaider & iuger proces en lenclos du Palais Royal à Paris au lieu qu'elle tient de preſent. Ceste Chambre fut appelee du Trefor, pour ce que le Châ- geur du Trefor receuoit en icelle, tout le Domaine

*Cause du
nom de la-
dicte Châ-
bre.*

du Royaume, par descharge des Tresoriers contre-
roolez par le clerc dudit Changeur. Et celuy qui aura
diligemment leu les Ordonnances des Roys de Fran-
ce, congnoistra que quand ils parlent de leur Tresor,
ils entendent de leur Domaine. Et y a en icelle Con-
seillers, les appellatiōs desquels se releuent en la Chā-
bre du Domaine, qui est establie en la Cour de Parle-
mēt de Paris. Il y a aussi à Paris vn Tresorier des Char-
tres, qui a charge des Chartres qui sont au Tresor pres
la Saincte Chapelle.

*Le Tresor
des Roys est
leur Domai-
ne.*

*Tresorier
des Char-
tres.*

La Chambre des Monnoyes a esté aussi instituee
pour auoir la congnoissance de l'alloy, & du poix
& du pris des monnoyes, pour empescher qu'au-
cun tort ne se feist en icelles. Et toutes ces iurisdic-
tiōs des Chambres des Comptes, Generaux de la
iustice des Aydes, des Esleus, des Monnoyes, du Tre-
sor, & des Chartres, sont dedans l'enclos du Palais de
Paris, là où il y en a aussi d'autres, comme la Conne-
stable & Marechaussée de France, l'Admirauté, les
Eaux & forests, & le Baillif du Palais.

*Chambre des
Monnoyes.*

*Iurisdiction
dedans l'en-
clos du Pa-
lais de Paris*

La Conestablie & Marechaussée a congnoissan-
ce des proces qui sont entre les gens de guerre, & les
Tresoriers pour le fait de leur gages, & autres choses
qui en dependent.

*Conestablie
& Mare-
chaussée.*

Le siege de l'Admirauté, est aussi assis à la Table de
Marbre, ayant iurisdiction des trafficqs prinſes, pira-
teries, & autres choses qui concernent la marine.

*L'Admi-
rauté.*

Les Eaux & forests est vne iurisdiction qui a con-

*Les Eaux
& forests.*

LES PRINCIPAUX

ARTICLES DES CHOSES

CONTENUES AV TROISIÈME

& Quatrième liure.

LIVRE TROISIÈME.

DE l'Estat de la France en general	1
<i>Du</i> reglement des Estats & qualitez, & des priuileges de l'Eglise Gallicane	4
De l'ordre de la Iustice	5
De l'Estat de Noblesse	7
De l'Estat populaire	2
De la police de la France	10
Des conseils, & de la puissance des Roys	11
Des premiers Conseils, & des anciens Parlemens	15
Des Parlemens sedentaires	22
Des iurisdiccions de l'enclos du Palais	26
Des trois Estats	27
Des diuisions des anciens Parlemens	22
De la Iustice ancienne de France	33
Des premieres Loix de France	36
De la Loy Gombette	ib.
De la Loy Salique	38
Des filles des Roys	51
Des fils de France	55
De la Loy des Cheueleurs faicte par Clodion le Cheueu	55
Des Princes du sang	56
Des authoritez des Roynes de France	60

Des Roynes Regentes	62
Du Sacre des Roys	63
Du Couronnement des Roynes	67
Des offices des Pairs aux Sacres	66
Des Apannages	73
Des bastards aduoués	77
Du reglement des Apannages	81
Des Regences	86
Des Pairs de France	91
Des anciens iugemens des Rois	97
Des Ducs & Contes anciens & modernes	108. 215
Des Fiefz, Ban, & Arriereban, compaignies des gens de guerre, des vassaulx & subiects, & autres matieres	111
Del institution des finances	127
Du Domaine	127
Des Tailles	129
Des Aides	133
Des diuerses impositions mises sur le peuple	133
Des seditions aduenues pour les impositions	136
Par quel droit sont venus à la couronne tant de Duchez & Contez	143
Des guerres entre les François & les Anglois, & les causes d'icelles	162
Des Cheualiers de l'ordre & des diuers ordres	193
Des belles prerogatiues des Rois, & de la Couronne de France	198
Des noms de Tres chrestien, d'Empereur & d'Auguste acquis par les Rois	201

<i>Du droit de Regale que le Roy prend sur certains Eueschez de son Royaume</i>	<u>205</u>
<i>De plusieurs autres prerogatiues & priuileges des Rois</i>	<u>209</u>
<i>Des priuileges, des fils aînez & puisnez des Roys</i>	<u>211</u>

LES ARTICLES DV QVA- TRESME LIVRE.

D <i>V grand Aumosnier & Confesseur</i>	<u>214</u>
<i>De l'ancien gouuernement de France</i>	<u>215</u>
<i>Des anciens Ducs & Contes</i>	<u>215</u>
<i>Des Maires du Palais</i>	<u>216</u>
<i>Du Conte du Palais</i>	<u>218. 228. 232</u>
<i>Du Connestable ou Conte d'Estable</i>	<u>219</u>
<i>Du grand Escuyer</i>	<u>214</u>
<i>Des Mareschaux</i>	<u>219. 224</u>
<i>De l'Admiral</i>	<u>225</u>
<i>Du grand Maistre</i>	<u>228. 230</u>
<i>Du grand Seneschal</i>	<u>228</u>
<i>Des Maistres d'hostel</i>	<u>230</u>
<i>Du grand Bouteiller ou Eschançon</i>	<u>233</u>
<i>Du grand Panetier</i>	<u>234</u>
<i>Du grand Chambellan</i>	<u>235</u>
<i>Du grand Escuyer</i>	<u>237</u>
<i>Du grand Fauconnier & grand Veneur</i>	<u>239</u>
<i>Du grand Queux</i>	<u>239</u>
<i>Des officiers domestiques de la Couronne</i>	<i>ibid.</i>
<i>Des vallets</i>	<u>240</u>

<i>Des Gouverneurs & Lieutenans generaux aux prouinces,</i> <i>ia dis Ducs</i>	241
<i>Des Lieutenans generaux sur les armées</i>	244
<i>Du grand Maistre de l' Artillerie , du Maistre des Arbale-</i> <i>stiers & Colonel de l' Infanterie</i>	244
<i>Du grand Chambrier de France</i>	245
<i>Des cent Gentils-hommes</i>	247
<i>Des gardes Françoises & Escossoises</i>	ib.
<i>Des gardes des Suisses</i>	ib.
<i>Du Capitaine de la porte</i>	ib.
<i>De la Iustice de la porte</i>	248
<i>Des Heraults</i>	ib.
<i>Du Preuost de l' hostel, & du Roy des Ribauds</i>	249
<i>Des officiers de la Couronné en general, & des officiers here-</i> <i>ditaires</i>	251
<i>Du Chancelier & grand Referendaire</i>	252.260
<i>Des Maistres des Requestes</i>	255.248
<i>Des Conseillers des Requestes</i>	257
<i>Des Scneschaux</i>	257.228.229.230
<i>Des Baillifs.</i>	259
<i>Des Secretaires & Chanceliers</i>	260
<i>Des officiers des Finances , & des quatre Generaux de</i> <i>France</i>	261
<i>Des Esleus</i>	263
<i>Des Assesseurs & Collecteurs</i>	265
<i>Des Receueurs des Tailles</i>	265
<i>Des Receueurs Generaux & Contrerooleur general des</i> <i>finances</i>	265.267

<i>Des quatre anciennes generalitez, puis des autres</i>	266
<i>Du Tresorier de l'Espargne</i>	268
<i>Du Souuerain Maistre des finances</i>	ib.
<i>Du Tresorier des parties casuelles</i>	ib.
<i>Des Tresoriers de France</i>	ibid.
<i>Du garde des Coffres & Tresorier des Menus</i>	270
<i>Des Tresoriers des guerres</i>	271
<i>Des Secretaires des finances</i>	271
<i>Des iuges des finances & Chambres des Comptes</i>	272
<i>Des Maistres des Comptes</i>	273
<i>Des Generaux des Aydes</i>	273
<i>De la Chambre du Tresor</i>	274
<i>Du Tresorier des Chartres</i>	275
<i>De la Chambre des monnoyes</i>	ibid.
<i>Des iurisdiccions de l'enclos du Palais</i>	ibid.
<i>De la Connestablie, Marechaussee, Admirauté, Eaux & forests</i>	ib.
<i>Du Bailliage du Palais</i>	276
<i>Du grand Chambrier</i>	ib.

TABLE DES CHOSES

PLUS NOTABLES CONTE-

*nuës au troisiſme & quatriefme liure de
l'Eſtat des affaires de France.*

A

A dmiral 225 . ſon etymologie ibid.	
ne ſe ſied és hauts ſieges du Parle-	
ment	228
Admiral de Guyenne	227
premier Admiral créé en office	226
plusieurs ſeigneurs Admiraux en leurs	
terres	ibid.
le ſiege de l'Admirauté	275
Adolph Empereur dégradé de l'Empi-	
re	175
Alphonſe frere de ſainct Loys, eſpouſa	
la Conteſſe de Thoulouſe	162
Amalaſunthe	49
la ſaincte Ampoule	64.72
Anjou retourne à la Couronne	146.147
Anglois chaffeſſez de France	191
Apannage 73. ſon etymologie	75.82
Apannages dōnez aux femmes en pro-	
pre 54.76. reglement ſur iceux 81. Loy	
de reuerſion 82. leur condition ibid. re-	
tranchez 84. queſtion ſur iceux 85.	
Reels & perſonnels	86
Apannage de maſſe à femme	107
Aquitaine donnée en partage 95. iadis	
Royaume	149
Archueſchez deuant droit de Regale	
	129
Ariſtocratie	3
Arreſts preſidentiaux	19
Arreſt contre les excōmunications	205
Artiereban	114.115

Aſſeurs des Tailles	265
Aſſembles du priuē Conſeil	14
Aubeine	129
grand Aumosnier du Roy 214. ſon pou-	
voir	215
Aydes, & leur inſtitution 132. ſur quoy	
elles ſe prennent	133

B

B achelier Cheualier	197
Baillifs	259
Bailliage du Palais	278
le Bailly Robertet premier Treſorier de	
l'Eſpargne	268
Baiſer à la iouē	125
Ban, Arriereban, & Heriban	114.115.123
Bannerets Cheualiers	122.197
Baſtards aduouez heritoyent	77.78
Baſtards deſaduouez	78
Baſtardes aduouees & nōmees de Va-	
lois ou de France	78
Baſtardes du Roy Charles ſeptieſme	
ibidem	
Baſtiment du Palais de Paris	21
Bataille de Clouis contre les Allemans	
	70
Bataille entre Philippes Auguſte & le	
Conte de Flandres 119. pres de Giſors	
162. de Poictiers 180. de Creſſy ibid.	
d'Azincourt 187. de Caſtillon 192. de	
Formigny	ibid.
Baudouin de l'Iſle Conte de Flādrès	87
Beauuais	96
Benefices donnez par election	5

T A B L E.

Berry vendu au Roy de France 154. erigé en Duché ibid. retourne à la Couronne	ibid.	Chambre du Tresor	274
Bertrand du Guesclin Connestable de France	221	Chambre des monnoyes	275
Blanche mere du Roy sain& Roys	87	Champagne 159. annexee à la Couronne	160
Blois 160. vendu à Loys Duc d'Orleans	161	Chancelier 252. iadis grand Referendaire 253. signoit & scelloit ib. sa façon de sceller 255. preside au grand Conseil 32	260
Bourgongne 94. iadis Royaume 157. en Duché ibi. donnee au fils du Roy Robert 158. retourne à la Couronne ibid. & 77 demembree de la Couronne 158		Chancelier & Secretaires tout vn	260
grand Bouteiller ou Eschâçon 233. President en la Chambre des Comptes	234. 272	Châcelier & Secretaires distinguez	261
Bretagne annexee à la Couronne 159. 185		Charles Martel institua les Parlemés	16
Brunehaut	86	Charles de Blois mourut à la bataille d'Aurez	16
Bulle du Pape bruslee à Paris	199.	Charles sixiesme Roy de France, contraint d'exhereder son fils	50
C		Charles septiesme estant encor Dauphin se fait Regêt de son autorité	89
Calais repris sur les Anglois	180	Charles frere de S. Loys Conte d'Anjou	146
Capitaine de la porte	247	Chastelains	126
Capitaines du Royaume	125	Cheualiers de l'ordre 193. leur condition	195
Capitaines des villes	243	deux sortes de Cheualiers 197. faicts deuant les batailles	ibid.
Capitoulz de Thoulouse	132	serment des Cheualiers	166
Cas auquel le trafic est permis aux nobles	131	honneur de Cheualerie	193
Cas pour lesquels sont raiillables les subiects	198	façon ancienne de donner Cheualerie	196
Causas du priué Conseil	14	Chiquanerie de France venue de Rome	34
Causas des guerres entre les Roys de France & d'Angleterre	164	Cimitiere S. Jean à Paris	221
Cent Gentilshommes	247	Claufe d'hoirs masles	84
Chambellans Gentilshômes de la Châmbre	241	Clodamire Roy d'Orleans	55
grand Chambellan 235. 246. respondoit pour le Roy aux hôimages 336. auoit certain droit sur les Prelats à leur nouvelle promotion	ibid.	Clodion le Cheuelu	55
grand Chambrier de Frâce 245. son autorité ib. sa iurisdiction	246. 276	Clotilde	60. 69
Chambre des Comptes	272. 273	Clouis Payen 70. vouë de se faire Chrestien 71. reçoit le Baptême	72
		Collecteurs des Tailles & leur deuoir	265
		Colonnel de l'infanterie	244
		Compagnies de gens d'armes	117
		Confesseur du Roy 214. son pouuoir	215

Conneſtable 219. le premier Conneſtable ib. ſon pouuoir 219. aſſiſte au iugement des Pairs ib. debat ſur ſa preſeance 221. fait hommage au Roy 222. ſon rang au liſt de Juſtice 224. ſon authorité au Conſeil 14	de la Juſtice 33. en l'Egliſe 204
etymologie du mot de Cōneſtable 222.	Cours de Parlemens 5. ne ſont ſubieſtés à la Loy 23
Counneſtable & mareſchaſſée 222. 275	Couſtume des Royaumes Barbares touchant les ſuccellions 38. 39
Conqueſtes du Roy Philippes Auguſte 172	Couſtume ancienne de couronner les Roys Payens de France 63
Conſeils anciens dits Parlemens 12	Couſtume d'aſſembler les Eſtats ib.
Conſeils des Roys 12	D
Conſeil priué 13	DAiz des entrees 238
Conſeil ſecret ib.	le Dauphiné 155. vëdu au Roy Philippes de Valois 156. donné au ſecond fils & non au premier dudit Philippes de Valois ib. depuis donné au fils aîné 157. ne peut eſtre vni à la Couronne ib.
grand Conſeil de iadis 13. 15. 19. ſes cauſes 30	le Dauphin doit porter les armes de Dauphiné 157
erection du grand Cōſeil d'à preſent 31	le Dauphin Charles exheredé de la Couronne 183
grand Conſeil Cour ordinaire 32	Debat entre les Princes du ſang & les Pairs Clercs ſur leur rang 59
Conſeil priué d'à preſent ib.	Debat ſur le gouuernement de la Frâce apres la mort de Charles le Bel 46. 178
Conſeillers Laiz & Clercs 21. 34	Debat pour la regence 177
Conſeillers des Requeſtes 257	Debat entre le Maiſtre de l'artillerie & les Mareſchaux 245
Contes 108	Decimes ſur les Eccleſiaſtiques 120
Contes & Ducs eſtoient offices 92. admiſtroient Juſtice 215	Deſiance entre le pete & le ſils 165
Conte du Palais 218. 228. 231. 232. 233	Deniers du Domaine, Aydes & Tailles portez au Louure 270
Conté d'Anjou donné à Geoffroy Griſegonnelle 144	Des dormans Chancelier de Frâce 182
Conte d'Anjou grand Senefchal hereditaire 229	Deuoir des vailaux & ſubieſts 125
Contes d'Anjou Roys d'Angleterre 146	Deuoion des grands ſeigneurs à doter les Eglises 117
Conte de la Chambre 245	Differends entre Eueſques vuidez aux Parlemens 18
Conte Palatin de Champagne 159	Difference entre les vailaux & ſubieſts 123
Contes de Senlis ſurnommez Bouteillers 234	Differend ſur le Royaume d'Angleterre 149
Contes de Tancarville 236. grands Châbellans 237. Conneſtables & Chambellans hereditaires de Normandie ib. & 251	
Contez d'Anjou & du Mayne 83	
Contreſoleur general des finances 265	
Corruption de l'Eſtat de la France 10.	

T A B L E.

Fils aînez des Roys ont grâds Officiers		en France	86
85 leur rang	211	premier Gouuernement en tiltre d'office	244
Finances	127	Gouuernement de Paris	241
Finance du Roy nommee Espagne	268	Gouuerneurs & Lieutenans generaux	
Flâdres 94. reduicte en l'obeissance des François	175	font ce qu'estoyent anciennement les	
Forme nouuelle de Duchez & Contez	110	Ducs 241. 243. ont seance au Parlemēt de leur gouuernement 243. autres	
Fouques Conte d'Anjou	145	Lieutenans generaux	244
Foy de son corps, iuron ancien	197	Gouuerneurs aux villes	243
la France occupee par les Anglois 189. n'est sief 198. n'est subiecte au droit escrit 199. 200. gouuernee par coustume	199	Gouuerneurs du corps des villes appelez Pairs	108
François Saliens	42	Gouuerneurs aux frontieres	242
François de Noailles Euesque d'Acqs		Grands-iours de Troyes	24
Ambassadeur	203	Guerres entre les François & Anglois	162. 186
Frânes hommes de siefou de Cour	121	Guerres Saintes	115. 116
Fredegonde	56	Guillaume le Conquerant	148
Fureur du peuple	142	Guyenne aux Anglois 149. retourne à la Couronne 151. gaignee par les François 152. rendue aux Anglois ib. remise en l'obeissance des François 173. 192	
G		H	
Ganelon Archeuesque de Sens	65	Aut-parage	121
Garde des coffres	270	Herauts 248. ont nom des prouinces ib. leur deuoir ib. leur Estar n'est en si grand honneur qu'anciennemēt	
Gardes Françoises & Escossoises	247		249
Geus d'ordonnances	117	Heriban	115
Genealogie des Roys Loys douzieme & François premier	80	Heriscald	123
Genealogie des Ducs d'Anjou	147	Hommage	122
quatre Generaux de France, & leur institution 261. anciennemēt n'y en auoit que trois 262. leur autorité	263	Hommage du Duché de Guyenne au Roy de Frâce 152. 179. de la Normâdie 163. des Contez d'Anjou & du Maine	
Generaux des Aydes	273. 274		171
Gēt lshommes 7. leurs exercices 9. prennent le nom de leurs siefs	120	Hommes du seigneur	112. 122
Gentilshommes de la Chambre	237	Hommes leaux	125
Geoffroy Grisegonnelle Conte d'Anjou	229	Hues Capet de Maire du Palais se fit	
Cessites	113	Roy de France	108. 217
Gesset	122	Hugues Aubriot Prestost de Paris	142
Gondebaut	56	Hutin nom de mauuais presage	22
Gontran Roy de Bourgongne Regent			

T A B L E.

I			
I ean bastard de Bourbon	78	Loix receuës par le temps	ib.
Imposition des Tailles	114	Loix Romaines receuës en France	200
Impositions ordinaires & extraordinaires 133. de quatre pour cent 134. de la cinquieme partie du bien ib. sur l'Eglise	135	la Loy Gombette	36
Ionction de mains	125	la Loy Salique 36. 41. son etymologie & diuerses opinions sur icelle ib. faullement attribuee à Pharamond 39. asscz ancienne 43. inuentee par Philippes le Long 40. soustenue par Philippes Auguste 43. quand elle fut mise en auant 44. quelques articles d'icelle	44. 47
Iugemens anciens de nos Roys de France	97	Loix Saliques & Ripuaires	36. 38
trois sortes de Iuges	34	M	
Iuges des finances	272	M ahaut succede au Conté d'Arthois	76
Iurisdicções de l'enclos du Palais	26. 275	Majorité des Roys à quatorze ans	88. 89
Iurisdicções cōposees de Laiz & Clercs	97	le Maine reüný à la Couronne	153
diuerses sortes de Iurisdicções erigees	33	la Main sur le pis est promesse	208
Iustice ancienne de France	33. 35	Maires du Palais 216. leur pouuoir ib. & 228. ils estoient Roys de fait & suppression de l'Estat de Maire	ib.
Iustice donnee aux Gentilshommes	113	Maire & Connestable different	219
Iustice de la porte	248	grand Maistre 228. 230. 231. iuge des cas aduenus au logis du Roy	ib.
L		Maistres d'hostel	231. 272
L es Laiz ne peuuent rien imposer sur l'Eglise	204	Maistres des Requestes 248. 255. iuges de la porte 256. leur origine ib. ils sont du corps de la Cour de Parlement	257
les Laiz prestans le serment ioignét les mains	208	Mareschaux de Conflans & de Clermont tuez par le peuple	140
Langres	96	Mareschaux 219. sont sous le Connestable 222. 224. leur iurisdiccion 223. iadis n'y en auoit que deux 224. font hommage au Roy	ib.
Laon	95	etymologie du mot de Mareschal	219
Leonor repudiee par le Roy Loys le Jeune, & depuis mariee à Henry Roy d'Angleterre	126. 145. 151. 164	premier Mareschal d'Escuyrie	238
Lettres expediees au nom des Regés	90	Marguerite fille de René d'Anjou mariee au Roy d'Angleterre	192
Lendum	122	Mariage du Roy d'Angleterre à vne fille de France	166
Lieutenans des Seneschaux	258. 259	Mauuais ministres des Roys	8
Longs cheueux des Princes	55	Meier	216
Lorraine appelee Austrasie	75		
Lots & vêtes & droits seigneuriaux	125		
Loyse de Sauoye Regente	90		
Loys vnzieme s'empare de la Bourgogne	159		
Loy des cheuelures	55		
premieres Loix de France	36		
Loix fondees sur la force	43		

T A B L E

Mespris d'un Roy vieil	168	l'Annonciade 193. de la Iartiere ib. de
Moindres vassaux	126	l'Estaille ib.
Mort du Roy Iean en Angleterre	182	Orléans iadis Royaume 154 en Duché ib.
Mort du Roy Charles sixiesme	189	n'est affecté au second fils de France 155

N

Nobles exempts de Tailles	131
Normandie retourne à la Couronne	
147. appelee anciennement Neustrie	
94. gagnée par les Anglois	187. 192
Nouvelle occasion de guerre entre le François & Anglois	176
Noyon	96

O

Octroy des trois Estats au Roy Iean	
135	
Office des Pairs Clercs & Laiz aux Sacres	68
Officiers du Domaine	6
Officiers accusez de peculat	138
Officiers du Roy ne peuvent estre excōmuniez	205
Officiers appelez Contes	232
Officiers de la chasſe	239
Officiers domestiques de la maison du Roy 239. anciennement tous Gentils-hommes	240
Officiers de la Couronne font hommage au Roy	251
Officiers des finances	261
Officiers hereditaires reboutez	251
Offices hereditaires	ib.
l'Oncle tue le nepueu	171
Ordonnance sur l'aage & gouuernement des Roys & du Royaume	89
Ordre de la Iustice en France	5
Ordre des Sacres	66
anciennement on comptoit les regnes du iour des Sacres	66
Ordre des anciennes dignitez	110
Ordre de saint Michel 194. d'Orleans ibid. de la Toison ib. de Sauoye dict	

Pairs de France 8. 91. double sur le tēps de leur institutiō 92. leur creatiō 93. 98. 99. n'ont esté instituez par Charles Magne 95. se trouuent aux Sacres 96. estans erigez, furent aussi erigez Ducs & Comtes ib. leurs charges 100. 105. mal comparez aux Electeurs de l'Empire ib. ne peuvent estre excōmuniez 100. n'ont esté appelez aux Conseils des Roys pour la dignité de leur Pairrie 101. leur premiere assemblee aux Sacres 98. leur seance aux grandes assemblees 105. leurs prerogatiues	106
Pairs Clercs & Laiz	93
Pairs Clercs tenus à la guerre	102
nombre des Pairs Laiz augmenté 102. 105	
Pairs ou francs hommes de fief 91. 104. 121	
Pairs de Champagne	105
Pairrie en quenouille	61
Pairries anciennes ioinctes à la Couronne	98
Pairries diuerses	102. 103
deux sortes de Pairries	121
condition des Pairries	107
Pairrie Ecclesiastique est chose temporelle	102
grand Panetier	234. 235
Pape Boniface excommunie Philppes le Bel Roy de France	120
Paris reprins par les François	191
Parlemens & l'institution 15. 16. 27. iugent sans appel	5
Parlemens de Pepin & de Charles le	

T A B L E.

Grand	16	Prelats sont Conseillers	98
Parlemens cōuoquez aux festes annuelles 19. leur changement ib. combié de fois ils se tenoyent 18. exemples des Parlemens tenus	17.19.20	Princes anciennement congneus à leurs longs cheueux	55
Parlement estably sedentaire à Paris 22. 30.258. deux frâces 21. departi en deux chambres 22. est la Cour des Pairs 24. 92. 98. iadis composé de Gentilshommes	8	Princes du sang, leur grandeur, & priuileges 56.60. exempts des combats 57. iouissent de mesmes prerogatives que les Pairs	58
creation des Parlemens de Thoulouze, Dauphiné, Dijon, Rouen, Aix, & Bretagne	24	Princes du sang d'Eglise	60
Parlement de Poictiers reüny avec celui de Paris	31	Princesses du sang tiennent tousiours leur rang	ibid.
Parricide	146	Princes estranges soubmis au iugement des Parlemens	18.24.25.26.
Partages diuers des enfans de France de la premiere & seconde lignee	74	Priuileges de l'Eglise Gallicane	4
Partages des enfans de la troisieme lignee	79.80	Priuileges des Roys	209
Partage des enfans de France nommé Apannage	76	Priuilege ancien des Pairs clerics	106
Partages en Duchez & Contez	79	Priuileges des officiers des enfans de France	86
Partage donné au frere du Roy Loys vnziesme	84	Priuileges des enfans de France	108
Permission aux roturiers d'acheter fiefs appelee Grace	116	Puisnez de France	112
Pierre Remy seigneur de Môtigny, Tresoier de l'Espagne pendu à Montfaucon	269	les Puisnez n'ont que l'vsufruit de leurs terres	75
Pharamond ne vint iamais en Frâce	38	Puissance du Roy limitee & reglee	3
Philippes le Long	44	Puissance d'un Roy de France	11
Philippes le Bel erigea des Pairs à la semblance des anciens	99		
Poitou querelé entre l'oncle & la niepce 82. aux Anglois 149. venu à la Couronne	153	Q Verelle sur le mot d'hoirs 82 Querelle entre le Roy Philippes le Bel & le Pape Boniface 8.198 grand Queux de France 239. sa iurisdiction ib.	
Police de la France	10		
le conté de Ponthieu 54. donné à vne fille	77	R Aoul Roy de France & de Bourgogne 157 Receueurs generaux 265. leur institution 266. iadis n'y en auoit qu'un ib. Receueurs des Tailles 265. leur institution 266	
Postes	238		
		Regale 128. 205. la congnoissance en appartiet en premiere instâce à la Cour de Parlement	269
		des Regences 86.87.88. abolies	89
		Reglement sur les hospitaux	215

Remy Euesque de Reims	71
Reims 95. erigé en Duché & Pairie	95
Robert Saxo premier Duc d'Anjou	144
Robert d'Arthois 76. soutiét le Roy Philippes contre l'Anglois	49
Roses des Pairs au Parlement	106
Roturiers ne possedoient anciennemét aucun fief 114. achatent fiefs nobles	116
le Royaume de Frâce fondé par la race de Merouee 2. adiugé par les Estats à Philippes de Valois 50. en quoy il cōsiste 73. anciennemét diuisé en quatre Generalitez, à present en dixsept	266
Roynes blanches	62
Roynes de France & de leur autorité 60. leurs priuileges 61. 62. ont sousigné aux Chartres 60. assises au liét de Iustice pres leurs maris 61. Regentes 62. oinctes & couronnées avec les Roys leurs maris 67. oinctes d'autre chesme que de la saincte Ampoule	68
Royne d'Angleterre mariee au Conte d'Anjou	149
le Roy François premier institua les Gentilshommes de la Chambre	241
les Roys de France n'ont surnom 57. ceux de la premiere lignee n'ont esté oincts ny sacrez, mais seulemēt ceux de la seconde & troisieme, & en autres lieux qu'à Reims 64. 65. ont souuent assisté aux couronnemens de leurs femmes 68. apres leur Sacre vôt à S. Marcou 69. appelez tres- Chrestiens & fils aînez de l'Eglise 201. ne recoñnoissent aucun superieur 198. 209 sont Empereurs en France, & nommez Augustes 202. marchent deuant tous autres Roys 203. leur rang debatue par le Roy d'Espagne ib. ne peuuent estre excommuniez 205. ont Prebendes aux Eglises, & conferent	

benefices 206. ont congnoissance sur les Ecclesiastiques 208. leur puissance limitee 209. seuls. font Constitutions & loix ib. iadis ne iuroyent les Traitez, ains d'autres pour eux 210. scellét en cite blanche, & les autres Roys en cite rouge & verte	ib.
le Roy d'Angleterre inuesty de la couronne de Frâce 50. Regent du Royaume de France 89. 188. Duc & Conte en France 149. meurt au boys de Vincennes ib. couronné Roy de France à Paris 153. 189. prend les armoiries de France 152. se ligue avec l'Empereur cōtre le Roy 173. adiourné à comparoistre deuant le Roy 173. 176. 183. grād Seneschal de France, comme Conte d'Anjou	229
Roy des Ribauds & sa charge	249. 250

S

Sacre des Roys 63. leur origine	69
Sacre ordonné à Reims par Loys le leune	65
Schisme en l'Eglise	185
Seance du Conneftable & du Chancelier au Conseil	14
Secretaires	260
Secretaires des finances	271
Seditions pour les Aydes & impositiones 133. 136. 140. 141. 142. 143	
Sedition en Angleterre	186
Seels des Roys	35
Seneschal mot Allemand	228. 259
grand Seneschal de France	228
Seneschaux des prouinces	230. 233
Seneschaux 257. 258. leurs causes	259
Solde, Soldoyers	124
Sommiers	54
Souuerain maistre des finances	268
Subiect	124
Succession du Duché de Bourgogne	77

T A B L E.

Suger Abbé de S. Denys Regent en France	27	Tresorier des menus	270
Suisses	247	Tresoriers des guerres	271
Surnom de France est seulement pour les filles des Roys	53	Tresoriers de l'ordinaire & extraordinaire	271
T		Tresorier des Chartres	275
Tailles, & leur institution 129. ceux qui en payent 130. distinction des Tailles ib qui en sont exempts ib.	ib.	le Tresor des Roys est leur Domaine	275
Tassilo Duc de Baviere	16	V	
Thierry Roy des Ostrogoths	49	V Aller non honorable & d'où il viét	240
Thierry Bastard partagé	73	Valletstranchans 235. de Chambre	241
Thomas de Canturbery fugitif en France	165	Vassaux	121.122
Thoulouse 161. annexeé à la Couronne	162	grand Veneur	239
Touraine reüny à la Couronne	153	Vertus	54
Traictéz publics verifiez és Patlemés	15	Vexin 54. donné en dot à vne fille de France	167
Traicté de Paix entre le François & Anglois	172	Vicontes de Meleun	236
Traicté de Bretigny 181. d'Arras	190	Villains	7
Tresoriers de France	268	Vniuersitez de Loix en France	34
quatre Tresoriers de France	270	Voyage des Roys de France & d'Angleterre en la terre Sainte	169.186
Tresorier de l'Espagne au lieu du Receueur general	268	Y	
Tresorier des parties casuelles	ib.	Y Sabel fille du Roy Philippes le Bel mariee à Eduuard Roy d'Angleterre	17

F I N



HISTOIRE
SOMMAIRE
DES COMTES ET
DVCS D'ANIOV DEPVIS
GEOFFROY GRISECONNELLE

iufques à Monfeigneur Henry fils & frere de
Rois de France, & Duc d'Anjou, de
Bourbonnois & d'Auuergne.

*Par Bernard de Girard, Seigneur du Haillan,
Secretaire de mondit Seigneur.*



A PARIS,

A l'Oliuier de Pierre l'Huillier, rue faint Iaques.

1 5 7 2.





A MONSEIGNEVR
MONSEIGNEVR,
 HENRY FILS ET FRERE DE
 ROIS DE FRANCE, DVC D'ANIOV, DE
 Bourbonnois, & d'Auuergne, & Lieu-
 tenant general pour le Roy, &c.

Bernard de Girard son très humble, &
 très-obcissant seruiteur.

MONSEIGNEVR, il y a eu deux
 ans l'hyuer dernier, que vous ayāt pleu
 estant à Angers, me commander de vous
 faire vne Sommaire Histoire des Sei-
 gneurs, Contes, & Ducz d'Aniou, ie la
 fis, & tout ce que ie trouuay de plus
 ancien d'eux, fut de six cents ans. Ie ne
 me voulu amuser, ny fier aux vieilles chroniques d'Aniou, qui à
 la facon accoustumée de toutes noz vieilles Histoires & Chroni-
 ques font venir de Troye, & quelquefois de pl^s loing des Cheua-
 liers bānis, en Gaule, ains ie tiray mō Histoire de la fidelité des
 bōs Historiens, & la fis courte, afin qu'elle vous pleust, d'autāt
 que pour les grans affaires que vous soustenez, vous n'auetz loi-

Aa ij

fir de voir les longs ouvrages. Et toutesfois sa brefsueté monstre
 clairement & intelligiblement tous les faictz & gestes desdits
 Contes & Ducz, les pais qui par droit de successions ou de ma-
 riages leur sont escheuz, ou qu'ils ont acquis par la force des ar-
 mes, les droicts & actions qu'ils ont laissé à vous leur heritier,
 & toutes les autres choses singulieres que i'ay peu recognoistre
 en leurs vies. Or Monseigneur, vous pouuez vous ressouuenir
 qu'apres que ie l'en faicte, ie vous la donnay escrete à la main,
 puis quelque temps apres mettāt en lumiere mon œuvre de l'E-
 stat & succez des affaires de France, ie la fis imprimer au bout
 d'iceluy. Maintenant faisant reimprimer ledict œuvre que i'ay
 augmenté, enrichy & illustré de plusieurs belles choses, i'ay bien
 voulu aussi faire reimprimer ladiete Histoire, que i'ay vn peu
 reueüe, & de rechef vous la donner, en attendant quelque au-
 tre plus grand ouurage de moy, & ce pendant entre autres ob-
 servations vous verrez en elle, que de la maison d'Aniou sont
 sorties toutes les races tant anciennes que presentes des Rois des
 Royaumes chrestiens, & mesmemēt la vostre des Rois de Frā-
 ce, & celles des Rois d'Angleterre, de Hierusalem, d'Aragon,
 d'Espagne, de Sicile, de Naples, de Hongrie, & par consequent
 les autres de tous les autres Rois, qui sont venuës de celles la.
 Ces Princes d'Aniou, Monseigneur, vous ont laissé de beaux
 droicts, & de belles actiōs sur plusieurs Royaumes & seigneu-
 ries, lesquelles si vous voulez poursuivre, la bonne fortune ne
 vous peult deffaillir non plus que la vertu, veu la coustume
 qu'elles ont d'estre tousiours ensemble ioinctes à voz actions.
 I'espere encore assez viure pour descrire vostre Histoire, car puis
 que Dieu vous a faict la grace de scauoir faire les belles choses,

Et à moy de les scauoir escrire, vous ne vous desdaignerez point, Monseigneur, de m'auoir pour *Escriuain* d'icelles, d'autant que possible entre tous ceux qui sont à vostre seruice, vous n'en trouuerez point un plus fidelle que moy. Seulement ie vous supplieray vouloir non seulement me continuer, mais aussi augmenter la bonne volonté que vous auez portée à mes escrits Et à moy, Et me faire receuoir quelque fruiet des longs seruices qu'en plus d'une sorte ie vous ay faits, desquels i'ay eu peu de recompense au pris de ce que ie pense meriter, veu le moyen que i'ay que peu des vostres ont, de vous seruir en plus d'une chose, Et mesmement de recommander voz faictz à la posterité. A quoy il ne me deffault rien que la manne de vostre liberalité, qui ne pouroit estre semée en personne qui ait mieux dequoy s'en reuancher par une immortelle recommandation de voz faictz.

Monseigneur ie supplie le Createur vous donner en parfaite santé tref-heureuse Et tref-longue vie.



SOMMAIRE

Histoire d'Anjou.



L'HISTOIRE des Seigneurs, Princes, Côtes, & Ducs d'Anjou, est toute pleine de men-
songes & de fables, comme
sont toutes les histoires tant
particulieres que generalles
de France. Et ce qui s'en peult
dire de plus ancien & de plus
veritable, est qu'environ l'an
955. Hues Comte de Paris &
d'Angers fils de ce Robert qui auoit querellé le roy-
aume contre le Roy Charles le Simple, par la preten-
siõ du droit qui sera cy apres deduit, donna ledit Comté
d'Angers, à Geoffroy Grisegonnelle Cheualier Saxon,
braue & vaillant, à la charge que ledit Geoffroy le se-
courroit d'hõmes, d'argent, & de tous ses autres moyès
au recouurement dudit Royaume, qu'il pretendoit luy
appartenir par le droit qui s'en suit.

Eudes Comte de Paris & d'Angers , gouuerneur de la personne de Charles le Simple, & Regent au Royaume, durant la ieunesse & imbecillité dudit Roy , fut par le commun consentement des plus grands seigneurs de France, esleu Roy, & oingt & sacré par Gautier, Archeuesque de Sens, contre l'oppositiō de Baudouin Comte de Flandres , & de Fouques Archeuesque de Rheims. Son regne ne fut longuemēt agreable, ains au bout de deux ans , il fut contrainct par la plus grande partie de ceux mesmes qui l'auoient esleu Roy, de quitter la couronne à Charles le Simple, lors ayant douze ans. Et peu de temps apres, Eudes venant à deceder, confessa publiquement à son trespas n'auoir aucun droit au Royaume, ains qu'il appartenoit legitimement au Roy Charles le Simple. Ce lāgage fut trouué bō de tous les seigneurs qui estoient là presens, hormis de Robert son frere, Maire du Palais, & Comte d'Angiers & de Paris, car incontinent apres la mort d'Eudes, il intenta par armes, l'actiō du Royaume, l'equel il disoit luy appartenir par le droit de l'electiō d'Eudes, bien que ledict Eudes l'eut quitté. Et Robert disant que son frere ne le pouuoit quitter au preiudice de ses heritiers, fit tant par menées & pratiques qu'il se fit couronner Roy, mais peu apres luy estāt liurée la bataille pres de Soissons, par ceux qui soustenoient la querelle & le droit de Charles le Simple, il y perdit la vie , & toutesfois pour cela la poursuite & la querelle du Royaume ne mourut avec luy. Au contraire demeurant immortelle esleua si hault les cueurs de sa

S O M M A I R E

posterité, qu'à la fin elle se mit la couronne de ce Royaume sur sa teste. Car Hues Capet fils de Hues, fils dudit Robert, se fit Roy apres la mort de Loys cinquiesme du nom. Hues fils dudit Robert, apres la mort de son pere, renouuela ceste querelle, & pour auoir secours dudit Geoffroy Grisegonelle hardy & vaillant Cheualier, luy donna (comme il a esté dit) le Comté d'anjou.

Ce Geoffroy fut appellé Grisegonnelle, pour ce que estant simple Cheualier au temps du Roy Lotaire, il combattit vn Geant deuant Paris, come dit l'histoire d'Anjou, qui est farcie de tels combats. Et le iour du combat auoit sur ses armes vne cotte d'armes de drap gris, qu'on appelloit lors, Gonnelle, qui est vn vieil mot François, comme encore on en vse aujourd'huy en plusieurs endroits de ce Royaume. Et pour ce bel acte, quelques Historiés disent que le Roy Lotaire donna à luy & à ses successeurs Comtes d'Anjou, l'estat de grand Seneschal de France hereditaire, qui estoit lors ce qui depuis a esté l'estat de grand Maistre, mais cela ne peult estre, comme nous auons dit cy dessus au quatriesme liure, en l'article des Seneschaux, bien luy donna il ledit Estat, non hereditaire. Il eut vne sœur nommée Blanche qui fut mariée à Guillaume Comte d'Arles, dont yssit vne fille nommée Constance, que Robert Roy de Frâce fils de Hues Capet espousa.

Hues Capet venant à estre Roy honora & aima grãdement Geoffroy Grisegonnelle, & se seruit de luy cõtre ceux qui s'opposoient à l'ysurpation qu'il auoit faite
du

du Royaume. Et y en a quelques vns qui disent que le Roy Robert qui auoit espousé sa niepce, donna à luy & aux Comtes d'Anjou à perpetuité l'Estat de grand Maistre en France hereditaire. Mais ils se trompent, car ils prennent l'un pour l'autre, d'autant que le Roy Lo-taire, comme il a esté dit cy dessus, luy donna ledit Estat de grand Seneschal. Geoffroy mourut vieil l'an mil & dix, & fut enterré à saint Martin de Tours. Il laissa vn fils nommé Fouques, qui en vaillâce & vertu ne deuoit rien au pere, qui eut guerre contre Conan Duc de Bre-taigne, lequel il vainquit par plusieurs fois en diuerses batailles, en l'une desquelles à la fin mourut ledict Co-nan avec son fils Alain. Apres tant de victoires, Fou-ques alla en Hierusalem accompagné seulemēt de deux vallets ausquels il fit iurer de faire ce qu'il leur commā-deroit. Les ayant par ce serment obligez, estant arriué au saint sepulchre, il commāda à l'un de luy mettre vn cordeau au col, & de le tirer par iceluy audit sepul-chre, & à l'autre, de prendre des verges & de le fouetter bien rudement. Ce qu'ils firent, & estant pres du sepul-chre, cria, Seigneur reçoÿ à pardon & mercy le miséra-ble pariure & fugitif Fouques. Le fait est veritable, mais on ne sçait pas le pariure ny les autres crimes dont il se vouloit purger. Sa race fut si heureuse, que le fils du fils de sa fille nommé Fouques, fut quelques années a-pres, Roy de Ierusalem, & de sa race est yssue celle des Roys d'Angleterre qui dure iusques à aujourd'huy, ayāt esteint celle de Guillaume le Bastard de Normandie,

surnommé le Conquerant. Apres que Fouques eut faict ceste penitence au sainct sepulchre, il retourna en son pays, & tant s'en fault que pour cela il fut moins estimé des hommes, qu'au contraire il en fut beaucoup plus honoré, & deceda l'an mil & quarante.

Geoffroy son fils, surnommé Martel, à cause de ses admirables forces, luy succeda, lequel seruit fidellement Henry Roy de Frâce contre ses ennemis, entre lesquels Thibauld Comte de Chartres & de Tours, & Estienne Comte de Trôyes en Champagne, fils d'Eudes Comte de Champagne, enflez & orgueilleux des richesses & beaux pays que leur pere leur auoit laissez, firent la guerre au Roy, lequel opposa à leur temerité, la vaillance de Geoffroy Martel, qui les assiegea dedans la ville de Tours, print la ville, & eux, avec 560. Cheualiers & rabatit si bien leur orgueil, qu'ils furent contraincts de recourir à la clemence & misericorde du Roy, qui leur pardonna, & les remit en partie de leurs biens. Et pour recompense de ce bon seruice, le Roy dōna à Geoffroy la ville de Tours. Guillaume, Côte de Poictiers, fit guerre à Geoffroy, mais il le print en bataille, puis le laissa aller gracieusement, vsant enuers luy de toutes les courtoisies qu'un prisonnier peult desirer. Toutesfois Geoffroy peu apres s'orgueillissant des forces de son corps, de ses victoires, de ses richesses, de ses grandeurs, & du grand nombre d'as gens de guerre qu'il auoit à sa deuotion, ne pouuant demeurer en vn lieu, ny endurer aucun voisin, fit la guerre à Guillaume, Comte d'Aquitaine,

bien ieune Prince, duquel il estoit vassal, luy deuant foy & hommage, & certain tribut. Et luy donna tât d'affaires, qu'il le contraignit de luy quitter le vassalage & tous autres droits qui luy pouuoient appartenir: & non content de cela, l'augmentant par succession de temps en Geoffroy, l'audace, & la cupidité, il le prit prisonnier, & le mit en vne orde & obscure prison, là où il le fit mourir, & apres la mort de Guillaume espousa sa marastre, & se saisit des personnes de deux petits garçons fils de ladiète marastre, & freres de pere dudit defunct, desquels se faisant tuteur, en leur nom s'empara de l'Aquitaine leur heritage. Il n'eut aucuns enfans, & se voyant vieil & caduc, institua ses heritiers ses deux nepueuz, fils de sa seur Adelle, fême de Geoffroy Seignr de Chasteau-Landô, l'aîné, desquels estoit nômé Geoffroy le Barbu, & le puisné Fouques Rechîn, c'est à dire en vieil François, le rude, & puis mourut l'an mil soixante & vn.

Geoffroy le Barbu, s'emparant apres la mort de son oncle, de toutes les terres laissées à eux deux par testament de leurdit oncle, ne dôna à son frere Fouques, que le Comté de Gastinois. Fouques, qui auoit le nom semblables à ses meurs, & qui estoit plus mauuais garçon, plus vaillant & hardy que son frere, ne se contentant de si petit partage, & se voyant à cause de sa vaillance, craint & redouté du peuple, fit la guerre à son frere, & afin que le Roy Philippes premier du nom, lors regnât, ne donnast secours à sondiêt frere, il luy donna le Côté de Gastinois, à la charge qu'il ne secoureroit sondit fre-

re, il luy dōna le Côté de Gastinois, à la charge qu'il ne secoureroit sondit frere, ains se mōstreroit seulemēt spectateur du passetēps. Ce qui fut trouué fort mauuais de chacun, veu que le Roy se deuoit mōstrer iuge, arbitre, & pacificateur du different de deux siēs subiects freres, non vser de conniuece, & dissimulation, ny permettre qu'ils se ruinassent l'vn l'autre, ny laisser vaincre son deuoir par l'auarice. Le Barbu prins en bataille par son frere fut mis en prison perpetuelle. Voyla vn acte d'auarice du Roy Philippes, & voy en cy vne autre de paillardise. Il auoit à femme Berthe fille de Baudouin Comte de Hollāde, & d'elle auoit eu Loys le Gros, qui fut Roy apres luy, laquelle il repudia, & fit venir vers luy à Mōstreul sur la mer en Picardie, Bertrande femme de Fouques Rechin, fille du Comte de Montfort, & mere de Fouques Roy de Ierusalem, & l'espousa, & laissoit manier sa personne & son Royaume par ceste femme.

Fouques Rechin de sa premiere femme Emengarde de Bourbon, auoit eu vn fils nommé Geoffroy Martel second du nom, & repudiant ladiēte Emengarde, auoit espousé ladiēte Bertrande.

Le Pape Vrbain irrité de ce que Philippes Roy de France, auoit prins la femme de Fouques, l'excommunia, dōt le Roy fut contrainct de la renuoyer. Elle retournée en Anjou, fit bastir le chastel d'Angers, cōme il est auourd'huy, & portant vnehai ne mortelle à son fillastre, le fit tuer à Candé en Anjou. Guillaume Comte d'Aquitaine voyant les deux freres en guerre, trouuant l'occasion à

propos recouura la plus part de son Conté qui luy auoit esté osté par Geoffroy Martel.

Fouques Rechin mourut l'an mil cent & dix, & laissa vn fils nommé comme luy Fouques, du mariage de luy & de Bertrâde. Ce Fouques espousa Sibille, fille vniue & heritiere d'Helie Comte du Maine, & par ce moyen les Comtes d'Anjou & du Maine vindrent à vn mesme seigneur. De ce mariage yssirent quatre fils, le plus grâd desquels fut Geoffroy, pour ce qu'il fut gendre d'un Roy d'Angleterre, & pere de Henry autre Roy d'Angleterre.

Sibille Comtesse du Maine femme de Fouques morte, Fouques delibera d'aller en Orient combattre cõtre les infidelles, là où il fit de belles choses, & fit telle demonstration & preuue de sa valeur, que les barbares mesmes l'eurent en singuliete admiration. Apres cela, il s'en retourna en son paÿs d'Anjou. Boudouin Roy de Hierusalem, se voyant vieil, estât en peine à qui il pourroit donner en mariage sa fille aînée & heritiere Meliscende, par le conseil de ses seruiteurs plus fidelles, esleut entre tous les Seigneurs Chrestiens, ce braue Fouques pour luy dõner sa fille pour femme. Baudouin auoit vne autre fille puisnée, qu'il auoit mariée à Bohemond prince de Tarente. Fouques estant prié par lettres de Baudouin, de retourner en Syrie, y retourna, & print en protection la vieillesse de son beau pere, fit de merueilleuses choses contre les infidelles, & de bien loing surmonta l'esperance qui auoit esté cõceüe de luy. Bau-

S O M M A I R E

douin mourut l'an mil cent trente & vn, & l'Angeuin luy succeda, lequel, apres auoir donné beaucoup d'affaires aux Turcs, & gagné plusieurs victoires sur eux, mourut l'an mil cent quarante quatre, de la cheute d'un cheual courant apres vn lieure. Son corps fut enterré en l'Eglise du saint Sepulchre, pres de celuy de Godefroy de Buillon son predecesseur. De Meliscende il eut deux fils, Baudouin, & Amaury, qui l'un apres l'autre furent Rois de Hierusalem, & Geoffroy né du premier lit luy succeda aux Comtez d'Anjou & du Maine.

Ce Geoffroy pour sa beauté fut surnommé le Bel, & espousa Mahault, fille & heritiere de Henry Roy d'Angleterre, de laquelle il eut Henry qui fut Roy d'Angleterre & Comte d'Anjou, Guillaume surnommé longue espée, & Geoffroy dit Plantagenest. Il ne vesquit gueres, & mourut l'an mil cent cinquante, & fut son corps inhumé en l'Eglise du Mans.

Le Roy Henry d'Angleterre, pere de Mahault mourut quelque temps apres, & Mahault pensant par droit legitime deuoir succeder à son pere, vouloit estre tutrice de la personne de Henry son fils aîné, encores mineur, & gouverner le royaume, iusqu'à ce que son fils fut en aage de commander. Au contraire, Estienne fils d'Estienne Comte de Blois, fils d'une fille de Guillaume le Conquerant, seur de Henry pere de Mahault, grand & riche seigneur, s'y opposoit. Il auoit espousé la fille unique d'Eustace Comte de Boulogne sur la mer, apres la mort duquel il se vit seigneur de par sa femme, d'une

belle ville (n'estât lors Calais bastie) de laquelle est court & commode le passage en Angleterre. Il passa en Angleterre deuant que Mahault ny son fils encore enfant eussent fait vn pas pour y aller, ny se doutassent de ceste venuë. Or ne luy fut-il ia besoing d'aller querir secours des estrangers: il auoit deux freres, l'vn nômé Thibauld, l'vn des plus fauoris du Roy Loys le ieune, qu'autre qui fut de son temps, & Henry Euesque de Vvincestre en Angleterre, grandement honoré & estimé des Anglois, & pour sa bonne vie, d'eux estimé Sainct. Estienne estât fils d'vne fille de Guillaume le Conquerant, par cela se rendit encore plus agreable & recommandable aux Anglois, & son frere l'Euesque de Vvincestre le courôna. Mahault au commencement ne pensoit qu'aucun luy voulut quereller son royaume, & esperoit qu'il deuoit sans aucune opposition ou contradiction venir à elle & à son fils: mais comme elle s'apperceut bien que la diligence & la celerité à l'execution des grandes choses, vault plus que la tardité & longueur, elle delibera, pour reparer ceste faute, & pour recouurer son royaume, de iouër à quitte & à double, & chercha secours de tous costez. Il n'y auoit que le Roy de France Loys le Ieune, ou le Piteux, auquel elle peut recourir, car elle n'auoit aucune alliance ny intelligence avec les estrangers. Toutesfois elle voyoit que Thibauld frere de sa partie, fauory dudit Roy Loys auoit deluy tout le secours qu'il vouloit pour son frere, & que le Roy pourtant faisoit bonne mine, disant n'en sçauoir rien. D'ailleurs elle sça-

uoit la faueur que l'autre frere de sadite partie auoit enuers le peuple d'Angleterre. Elle qui auoit le cueur haut se sentant fille d'un Roy, & ayant en premieres nopces espousé l'Empereur Henry, ne sestonna pour cela, & pellant attirer à soy le Roy Loys, se vint ietter à ses pieds, & luy ayant fait plusieurs belles remonstrances, par lesquelles elle luy monstroit qu'il deuoit plustost fauoriser la maison d'Anjou, les Seigneurs de laquelle auoient tant fait de seruices aux Roys de France, que la maison de Blois, elle le gagna & tira de son costé. Sur cela aduint vne autre chose, qui fut bonne pour elle, c'est, que le Roy menant vne armée contre les Poicteuins, qui estoient suiects de sa femme Leonor, & qui ne vouloiēt le recognoistre pour leur Seigneur, assembla tous les seigneurs de son royaume pour l'assister en ceste guerre. Tous y vindrent, hors-mis Thibault de Blois, qui estoit trop enflé de sa grandeur: dont le Roy fut si despit, qu'il conceut vne extreme haine cōtre luy. Ce qui porta profit à Mahault, car le Roy sur l'heure inuestit du Duché de Normãdie, Henry Comte d'Anjou, fils de Mahault, auquel il appartenoit, & Henry luy en fit foy & hommage. Ce qui fut un preiugé pour le royaume d'Angleterre. Desia les moyens de Mahault estoient grands & assez suffisans pour entreprendre la guerre pour le recouurement du Royaume: mais la cupidité d'acquérir un Royaume, & quād on l'a acquis, de le conseruer, inuēte tout ce qu'elle peult, & cherche toutes les cautelles dōt elle se peult aduiser, pour tourmenter son competeur.

Il fut obiecté à Mahault mere du ieune prince Henry, qu'elle vouloit tousiours estre appellée Imperatrice, & que l'Empereur son premier mary viuoit encores. De malheur il se presenta vn homme, qui de la taille, & de la phisionomie, des lineamens du visage, & de la maieité, ressembloit à l'Empereur Henry, auquel elle auoit esté premieremēt & bien ieune mariée, qui se disoit estre l'Empereur Henry, & qui par ce faulx bruit esleuoit les hommes remuans, à quelque esperance de nouuelleté. Estant l'imposture descouuerte, ce faux Empereur fut confiné en vn conuent. Mais pour cela l'opinion ne laissa pas de demeurer en la teste de ceux qui pensoient se preualloir de ce bruit, que c'estoit le vray Empereur Henry, & que le Comte d'Anjou n'estoit pas legitime mary de Mahault, ny Henry leur fils legitime. Voyla les bruits que les ennemis de Mahault faisoient courir: mais Mahault sans sy amuser, combatit, non de parolles & de bruit, ains de fait, en Angleterre contre eux, ayant avec elle toutes les forces du païs d'Anjou, de Touraine, & du Maine, & leur donna plusieurs batailles, en l'une desquelles Estienne fut prins. Pour cela le different ne fut décidé, car Guillaume fils d'Estienne, ne perdant cueur pour le desastre adueni à son pere, mit en toute diligence vne armée sus, & donna bien des affaires à Mahault. Par l'intercession des seigneurs d'Angleterre il fut fait vn Traitté à telles conditions, qu'Estienne seroit deliuré, & regneroit tout le temps de sa vie: qu'après sa mort Héry fils de Mahault seroit Roy, & q̃ Guil-

laume fils d'Estienne, & sa posterité auroient certaines villes & terres en Angleterre & en Normandie.

Après la mort d'Estienne, Henry Conte d'Anjou, Duc de Normandie & Comte du Maine, fut couronné Roy d'Angleterre, suyuant le Traitté faict entr'eux, & espousa Leonor, Duchesse d'Aquitaine, & Comtesse de Poictou, parauant femme de Loys le Jeune, Roy de France, & par luy repudiée à son retour de la terre Sainte, là où il l'auoit menée, pour quelque opinion qu'il auoit, qu'elle s'estoit malgouuernée en ce voyage. Henry se voyant par succession maternelle Roy d'Angleterre, & Duc de Normandie, par la paternelle Comte d'Anjou, de Touraine & du Maine, & par le droict de sa femme, Comte de Poictou & Duc de Guyène, ne peult longuement demeurer en paix, laquelle à la verité ne pouuoit estre longue entre deux si grandes maisons, & deux si grands Roys comme estoient ceux de France & d'Angleterre, par l'un desquels Leonor auoit esté repudiée, & par l'autre reçeüe, honorée, & espousée. Tout incontinent la guerre se ralluma entre ces deux Roys. Henry au nom de sa femme demandoit & querelloit le Comté de Thoulouse, pretendunt qu'elle y auoit le droict qui s'en suit.

Raimond, Comte de Thoulouse, qui alla à la guerre sainte avec Godefroy de Buillon, eut vn frere, duquel on ne sçait le nom, qui fut après luy Comte de Thoulouse, & n'eut qu'une seule fille, qui fut mariée à Guillaume Duc de Guyenne, ayeul paternel de Leonor. Ce

frere allant au voyage de la terre Saincte, engagea son Comté à Raimond Comte de sainct Gilles, oncle paternel de sa femme, & par ce moyen ledit Comte de sainct Gilles fintitula Côte de Thoulouse. Henry Côte d'Anjou, & Roy d'Angleterre, pourfuiuant ce droit par armes, print la ville de Cahors sur le Comte de Thoulouse, & apres assiegea le Comte dedans la ville de Thoulouse: mais le Roy Loys, duquel le Comte auoit espousé la seur, l'alla deliurer du siege, & fut lors faite vne paix entre ces deux Roys. Toutesfois depuis ce tēps là, iamaïs aucun traitté de paix ne peult estre de longue durée entr'eux, souuent les armes ont esté posées, souuent reprises, villes prinſes d'une part & d'autre, les pays gastez & ruinez, petites batailles données: quelquesfois ces deux Roys se sont veuz, se sont touchez les mains, puis tout incontinent la guerre commēçoit plus forte que deuant.

Henry fit mourir Thomas Archeuesque de Cantorbery, qui est appellé sainct, dont le Pape Alexandre, pour penitence (bien qu'il s'en purgeast) le condamna d'aller en la terre Saincte avec le plus grand nombre de forces qu'il pourroit. Se voyant vieil, il fit courōner son fils Henry, lequel vouloit non de nom, ains de fait estre Roy & commander aussi bien que le pere: mais le pere qui luy remonstroit qu'il se deuoit contenter de l'esperāce d'un si grād Royaume, & du nom de Roy, le menasoit, que s'il le faschoit, il feroit courōner Roy, Richard son autre fils, & faisant alliance avec le Roy de France,

Marguerite fille dudit Roy de Frāce, bien petite, fut donnée audit Roy Henry le pere, pour la garder iusqu'à ce qu'elle fut en aage d'estre mariee, à la charge que celuy de ses enfans auquel il la donroit, succedast au pere. La fille deuint grande, & estoit trop longuement gardée par ce Roy vieillard, qui menoit tousiours en longueur la consommation du mariage d'elle & de son fils Henry, qui auoit aussi grand desir de l'espouser, que de se voir Roy à bon escient, non de nom seulement : de façon quil courut vn meschant bruit que le vieillard en abusoit. Le fils se faschant d'estre si longuement Roy de nom, sans commandement, se despita contre son pere, & au temps qu'il y auoit guerre entre ces deux rois, s'al la mettre du costé du Roy de France, qui luy fit toutes les caresses dont il se peut aduiser, l'appellāt son gendre, son fils, & son allié, l'investissant du Duché de Normandie, duquel Henry luy fit hommage. Peu apres ledit Henry s'en retournant en Angleterre, & faisant semblāt de se vouloir humilier à son pere, luy extorqua Marguerite, l'espousa, & se fit faire le serment de fidelité par la pluspart des seigneurs du Royaume d'Angleterre. Le pere irrité de cela, delibera d'agrandir le plus qu'il pourroit, Richard son fils puîné, & luy donna le Duché de Guyenne, là où il l'enuoya pour en prendre la possession. Richard fit hommage de son Duché au Roy de France. La haine du pere contre son fils Henry, tantost se rabaissoit, tantost se haussait. A la fin ils s'accorderent, que tant que le pere viuroit, il commanderoit seul

& qu'il doroit ce pendant, certain estat à son fils, tel qu'il appartient à vn fils de Roy nommé Roy, pour luy donner moyen d'entretenir la maiesté condigne de son nom.

Henry eut de Leonor quatre fils, Henry, Richard, Godefroy, & Iean, & autant de filles: la premiere mariée au Roy de Castille, dont yffit Blanche mere du Roy saint Loys, la seconde mariée au Roy de Sicille, la troisieme au Duc de Saxe, la quatriesme à Raimond Comte de Thoulouse.

Henry le fils du vieil Roy mourut deuant son pere, & Richard Duc de Guyenne son frere, qui auoit espousé Aelis, aussi fille du Roy Loys le Jeune, se voyant en esperance d'estre Roy, fit la guerre au Comte de Thoulouse. Philippes Auguste, Roy de France, proche parent du Comte, le secourut, & apres cela fit tomber tout l'orage de la guerre sur le Duché de Normandie, & print les Comtez du Maine & de Touraine. Le vieil Henry estant venu en France pour secourir ses terres, voyât les auoir perdues, en print vn tel ennuy qu'il en mourut à Chinon l'an mil cent octante sept.

Apres sa mort, son fils Richard fut couronné Roy d'Angleterre, & fit paix avec le Roy de France, par le Traitté de laquelle, les terres qui par la guerre luy auoiēt esté ostées luy furent rendues. Il alla en la terre Sainte, & de là retournant en son païs passant par Autriche, fut retenu prisonnier par Lupold Duc dudit païs, & deceda l'an mil cent octante neuf.

Iean son frere, surnommé sans terre, luy succeda au

S O M M A I R E

Royaume d'Angleterre, non sans grande contention. Artus Duc de Bretagne prétendoit estre le vray heritier, disant deuoir par droit succeder à Richard, pour ce qu'il estoit fils de Geofroy, qui estoit plus aîné que Iean: il s'empara du Comté de Touraine, duquel il fit hōmage au Roy de France, qui le soustenoit, & fut par luy mis en possession des Comtez d'Anjou, & du Maine. Iean leua vne armée, recouura le Comté de Touraine, ayant prins Artus, le fit mourir, & print la ville d'Angers qu'il fit ruiner, puis la fit rebastir.

Iean Roy d'Angleterre mourut l'an 1218. & son fils Henry luy succeda au Royaume, & Philippes Auguste Roy de France, pour la cruauté & felonnie commise par ledit Iean Roy d'Angleterre, en la personne de son nepueu Artus, s'empara du païs d'Anjou & des Duchez de Normandie & de Guyenne, & des Comtez de Touraine, Poictou, & le Maine. Et depuis le Roy saint Loys inuestit dudit Conte d'Anjou, Charles son frere, luy donnant pareillement le Comté du Maine.

Charles Comte d'Anjou, frere de saint Loys, espou sa Beatrix, l'une des filles de Robert Comte de Prouëce, & bien qu'elle ne fut laînée, si est-ce qu'il s'empara desdicts païs de Prouëce, alla par deux fois au voyage de la terre sainte, fut couronné Roy de Ierusalem & de Sicille, & créé vicaire de l'Empire par le Pape Vrbain, mena en Italie vne armée de Manceaux & Angeuins, donna bataille contre Mainfroy, soy disant Roy de Sicile & de Naples, en laquelle mourut ledit Mainfroy,

& de son temps furent les vespres Sicilliennes, ou à vn iour de Pasques tous les François qui estoient en Sicille, furent tuez iusques aux petits enfans.

Du temps de Charles, le Roy saint Loys fit vn Traité de paix avec les Anglois, par lequel il fut dit, qu'afin que toute occasiō de querelle & de pretensiō de droict cessast, de là en auant les Roys d'Angleterre ne pourroient pretendre aucun droict sur le Duché de Normãdie, ny sur les Comtez d'Anjou, du Maine, Touraine, & Poictou, lesquels les François auoient prins sur les Anglois par eux vaincuz.

Charles maria Catherine fille de Charles le Boiteux son fils à Charles Comte de Valois second fils du Roy Philippes troisieme, & frere du Roy Philippes le Bel, & pere du Roy Philippes de Valois, & luy donna en faueur de mariage les Comtez d'Anjou & du Maine.

Apres les vespres Sicilliennes ledit Charles frere de saint Loys retourna en Sicille pour en prendre la vengeance, mais il y mourut l'an 1284.

Ce Charles frere du Roy Philippes le Bel, fut vn grand guerrier: & de ce mariage de luy & de Catherine yffit: Philippes de Valois Roy de France, & plusieurs autres enfans. Le Pape Martin portant haine mortelle à Pierre Roy d'Aragon, l'excommunia, le declara heretique, impie, & sentant mal de la foy, declara contre luy vne guerre qu'il appella Sainte, luy osta le droict qu'il auoit au Royaume d'Aragon, & en inuestit Charles Comte de Valois & d'Anjou, fils du Roy Philippes, & d'une

S O M M A I R E

feur de Pierre, afin que ceux du païs ne se plaignissent que la couronne dudit Royaume tombast en autre race qu'en la plus prochaine, & les dispensa du serment de fidelité qu'ils auoient fait audit Pierre à son couronnement.

Charles estant veuf de sa premiere femme, espousa en secondes nopces Catherine fille de Philippes de Baudouin le ieune Empereur des Grecs, & l'ayant espousée, alla à Rome vers le Pape Boniface huitiesme, & le requit de luy vouloir donner le tiltre d'Empereur des Grecs, qui luy appartenoit par le droit du pere & du grand pere de sa femme, promettât de mener vne belle armée de François en Asie cōtre les infidelles. Boniface estoit fort aise, & se sentoit fort honoré, que de son tēps vne guerre Sainte se recōmençast, & à ceste occasion promit à Charles le tiltre & le nom d'Empereur, à la charge qu'il assemblast le plustost qu'il pourroit, vne armée de François pour l'entreprise du voyage d'Asie. Ce que Charles fit, mena en Italie toute la Noblesse de ses païs, & Boniface le fit protecteur & capitaine de l'Eglise, & l'opposa contre les forces des Gibellins, l'orgueil desquels il abbaissa.

Le Roy Philippes le Bel son frere, estant tourmenté par les Flamans, qui s'estoient rebellez contre luy, le rappella d'Italie. Charles estant de retour les fit reuenir à leur deuoir, & chassa les Anglois de la plus grande partie de Guyenne. Il fut grand guerrier, & est seulement blasmé d'auoir fait (cōme on dit) mourir à tort au
temps

temps de Loys Hutin son nepueu Roy de France, messire Enguerrand de Marigny Comte de Longueuille, & seigneur d'Escouys, qui du tēps de Phippes le Bel auoit manié les affaires & les finances du Royaume, dequoy Charles auoit esté ialoux, luy semblant que le Roy son frere se fioit plus en Enguerrād qu'en luy: & y auoit vne autre cause de l'inimitié qu'il portoit à Enguerrand, c'est que du temps de Philippes le Bel, il y eut vn grand proces pendant au conseil de sa maiesté, entre les Comtes de Tancarville & de Harcourt, deux grands Seigneurs de Normandie. Enguerrand soustenoit Harcourt, le Comte Charles tenoit le party de Tancarville, & par la faueur d'Enguerrand, Harcourt gagna sa cause. De ces deux choses estoit le Comte si offensé, qu'ayant du tēps de Loys Hutin, (duquel il estoit oncle & fauory) moyé de sen venger, il fit condamner à mort ledit Enguerrād: dont puis apres il se repentit, & cognut par vne longue & griesue maladie qu'il eut, le grand peché qu'il auoit commis. On dit de luy, qu'il estoit fils de Roy, frere de Roy, oncle de trois Roys, & pere de Roy, & toutesfois ne fut iamais Roy, & en outre qu'il estoit fils frere oncle, & pere de Roys qui auoient nom Philippes. Son pere estoit Philippes troisiēme, son frere Philippes le Bel, ses nepueuz Loys Hutin, Philippes le Lōg, & Charles le Bel, & son fils Philippes de Valois. Il mourut au tēps de Charles le Bel l'an mil trois cens vingt huiēt, vn peu deuant que la couronne luy deust escheoir.

Philippes Comte de Valois, d'Anjou, & du Maine,

S O M M A I R E

fils de Charles, luy succeda, & fut apres la mort de Charles le Bel son cousin, Roy de France. Peu apres qu'il fut Roy il donna le Comté d'Anjou à Iean son fils qui fut depuis Roy de France, & mourut l'an 1350. à Nogent le Roy.

Iean Conte d'Anjou, & Roy de Frâce eut quatre fils, desquels Charles le Quint laisné fut Roy de Frâce apres son pere, & à Loys son second fils il dōna le Côte d'Anjou, qu'il erigea en Duché l'an 1380. & pareillement luy donna le Comté du Maine. A Iean troisieme fils, il dōna le Duché de Berry, & à Philippes le plus ieune, le Duché de Touraine, & depuis il fut Duc de Bourgogne. Pour retourner à Loys Duc d'Anjou premier du nom, il se trouua à la iournée de Poictiers, là où le Roy Iean son pere fut prins, & luy se sauua, & reuenant à Paris, Charles son frere (qui fut depuis Roy) & luy, firent ce qu'ils peurent enuers les Estats qui y furent conuoquez, pour le recouurement de leur pete. Lequel estant par traicté de paix deliuré en payāt grosse rançō, ledit Duc fut enuoyé en hostage avec le Duc de Berry son frere, le Duc de Bourbō, & autres Princes, pour pleges & cautions de la sōme conuenue, iusques au parfait payement d'icelle.

Sur la fin du regne du Roy Charles le Quint, ceux de Mōtpellier firēt vne estrāge rebelliō, car ils tuerent tous les receueurs generaux & particuliers, to⁹ les fināciars & collecteurs des tailles de leur ville & paÿs, & firent infinies cruautez. Le Roy Charles le Quint y enuoya Loys

Duc d'Anjou son frere , qui chastia bien les rebelles, & vouloit faire d'eux vne punition rigoureuse & exemplaire, car il en auoit cōdamné deux cens à estre bruslez, deux cēs à estre decollez, & deux cens à estre pēduz aux gouttieres & fenestres de leurs maisons, mais ceste condēnation fut mitiguée à la requeste d'un Legat de Pape, & conuertie à la punition des Chefs de la sedition . Et pour ce bon seruice, le Roy Charles son frere luy donna le Comté de Touraine. Il donna beaucoup d'affaires aux Anglois en Gascongne, vne grāde partie delaquelle il leur osta, mena contre eux vne armée en Poictou , & au paÿs de Xaintōge, de Rochellois, print sur eux la ville & le chasteau de la Rochelle, & fit abbattre ledit chasteau . Et pour ce que ceux de la ville par le conseil & astuce du Maire, luy auoient par l'intelligence qu'ils auoient avec luy durant le siege, donné le moyen de la prédre, il leur oĉtroya priuilege de battre & forger monnoye, lequel fut peu apres ratifié par le Roy son frere. Durant le regne de Charles le Quint, la France fut tousiours agitée de guerres . Et le Roy pour cela ne mit iamais corselet sur le dos ny salade en teste, ains se fiant du fait de ses guerres à ses freres , & principalement à Loys Duc d'Anjou, ne bougeoit de Paris, de son hostel de sainct Paul , ou du bois de Vincennes , ou du chasteau de Beauté. Et fit ledit Duc son Lieutenant general, representant sa personne par tout son Ryaume .

A Charles le Quint , succeda Charles sixiesme son fils, aagé de treize ans. Incōtinent les Estats furent assem

blez à Paris par le consentement & ordonnãce desquels Loys Duc d'Anjou fut institué Regent au Royaume, & fut dit que ce seroit luy qui proposeroit les affaires au conseil, qui demanderoit les opinions, & qui concluroit & resoudroit toutes choses. Peu apres le Roy fut sacré à Rheims, & à son sacré y eut vn different entre le Duc d'Anjou, & le Duc de Bourgongne son frere puisné à qui precederoit. Le iour du sacré des Rois, apres la Messe ditte, & la ceremonie faite, il se faict coustumieremēt vn festin en la maison de l'Archeuesque, auquel les Pairs de France, sont assis selon leur rang, à la table du Roy. Là s'esmeut entre ces deux freres, vn different à qui se feroit le premier. Le Duc d'Anjou disoit que pour estre le plus aîné oncle du Roy, & Regent en Frãce, il deuoit marcher le premier. Le Bourguignon disoit que le Duc de Bourgogne est le premier des Pairs laiz, & qu'en telle ceremonie il deuoit estre assis au costé du Roy, sans respect de frere aîné ou de Regēce du Royaume. Ce different fut mis au conseil, par l'aduis duquel sur le chāp, le ieune Roy prononça de sa bouche, que pour ce qu'à cause qu'au Sacre des Rois, les Pairs de France doiuent tenir le premier lieu en toutes ceremonies & lieux, que ce iour là, & en ce lieu là, le Duc de Bourgongne deuoit preceder. Desia le Duc d'Anjou festoit mis au costé gauche du Roy, dont le Bourguignon audacieusement les tendant, se mit entre eux deux, & print son rang, & pour cest acte il fut surnōmé le Hardy, dequoy le Duc d'Anjou fut grandement irrité.

Au commencement du regne dudit Charles sixiesme, il yeut vn grād Schisme en l'Eglise Romaine, laquelle apres auoir tenu l'espace de septante ans son siege en Auignon, Gregoire vnzieme venant à mourir, les Cardinaux qui estoient à Rome, craignans que par la longue demeure que les Papes faisoient en Auignon, la ville de Rome vint à estre du tout abandonnée, esleurent l'Archeuesque de Barry, Pape, & l'appellerent Vrbain sixiesme. Du commencement il fut fort agreable, tant à l'Eglise, qu'à la noblesse, & au peuple Romain, mais peu apres voulant trop seueremēt reformer la corruptiō des mœurs des gens d'Eglise, & mesmemēt des Cardinaux, eux irritez d'une correctiō & reformatiō non accoustumée, se banderent contre luy, & s'assemblans en la ville de Fundy, appartenāte à la Royne Iëanne de Naples, le declarerēt auoir illegitimemēt esté esleu Pape, & en son lieu esleurēt Clement vj. Lors nasquit le schisme. Toute la Chrestienté estoit diuisée en creance, les vnes nations recognoissoient pour vray & legitime pasteur vniuersel, ce Pape Vrbain, & les autres Clement. La Chrestienté estoit ainsi tirée en pieces. Clement pour se rendre fort de l'appuy d'un grand Prince, s'aduina de s'appuyer de Loys Duc d'Anjou fils, frere, & oncle de Roys de France, Regent au royaume, & homme conuoiteux de grādeurs, de biēs, & d'hōneurs, cōme sont coustumieremēt les esprits genereux & les grands courages. Clemēt luy promettoit de le faire Roy de Sicille, le royaume de laquelle est soubmis à la disposition de l'Eglise, & d'autre.

S O M M A I R E

costé Vrbain attiroit à son secours les Hongres à la ruine de Ieanne Royne de Naples, de laquelle il se vouloit venger, pour ce qu'il disoit qu'elle estoit cause du schisme, pour auoir secrettement fait en sa ville de Fundy, la conuocation des Cardinaux, qui auoient esleu Clement cōtre luy. Ceste femme accusée par les Neapolitains ses suiets, d'auoir fait mourir André de Hongrie son mary, craignant la vengeance & la fureur des Hongres, s'en estoit fuyé par mer en son Comté de Prouëce, & donna à Clement la ville d'Auignon pour payement de la grosse somme qui estoit deuë au Pape par les Roys ses predecesseurs, pour les arrerages du tribut deu à l'Eglise. Et voyla comment Auignon deuint terre de Pape. Puis estant grandement honorée par Clement, & par luy saluée Royne & fille de l'Eglise, elle s'en retourna en son Royaume. Sur ces entrefaictes. Loys Roy de Hongrie enuoya en Italie contre les Venitiens, vne armée, souz la charge & conduite de Charles son proche parēt. Vrbain persuada au Roy de Hongrie, que remettant à vn autre temps la guerre Venitienne, & se resouenant du cruel meurtre cōmis par Ieāne en la personne d'André son frere, il enuoyast ceste armée à la conqueste du Royaume de Sicille q. luy appartenoit de droit, & pour le tirer de la cruauté de Ieanne. Au cōtraire Clemēt afin que ceste femme de laquelle il receuoit beaucoup de secours ne fut ruinée, luy persuada d'appeller Loys Duc d'Anjou à son secours, & de l'adopter en l'esperance du Royaume. Le Duc aduertý de cecy, y presta vo-

lontiers l'oreille, & luy semblant que le nom & tiltre de Roy estoit plus beau & plus specieux que celuy de Duc, & qu'estre appellé Monseigneur ou Monsieur n'estoit point vn si grand honneur qu'estre appellé Sire, se delibera de leuer vne belle armée pour aller en Italie. Il auoit besoing qu'elle fut telle, car il auoit les Hongres pour ennemis, & il falloit beaucoup d'argent, pour ce qu'il falloit faire la guerre bien loing, & en paÿs où il n'auoit ny amis, ny intelligence, ny faueurs, & toutes-fois il n'y auoit point d'argent en France, qui ne fut iamais plus pauvre qu'elle estoit lors. La Noblesse de France murmura de ceste guerre: l'Eglise & le peuple en cria: mais il estoit resolu d'aller secourir la cause de Clement, & souz vn pretexte de religion au S. siege, duquel il couuroit son ambitioñ, il comança de ruiner ce Royaume, & vouloit en quelque façõ que ce fust estre Roy. Il auoit tout le tresor que Charles le Quint auoit laissé, qui estoit de douze cens mille escuz d'or, qui auoient esté mis en sa garde, & outre ce fit imposer de grieux subsides, impositions, & fouilles sur le peuple, pour auoir de l'argent. Dont sourdirent de grandes seditions au Royaume. En fin l'an 1381. il alla en auignon vers Clemēt qui le couronna Roy de Naples, de Sicille, & de Hierusalē, & de là alla en Prouēce qui appartenoit à la Royne Ieāne, & s'en empara par force, disant que ladicte Royne l'ayant adopté, luy auoit donné ledit paÿs qui ne deuoit point refuser d'obeir à luy, cōme à son naturel Seigneur. Il mena en Italie trois mille cheuaux (le nōbre des gens

S O M M A I R E

de pied est incertain) & du commencement ne vouloit aller droit contre Vrban, pour ne rendre trop promptement toute l'Italie bandée contre luy. Il entra dans le Royaume pour combattre Charles Chef des Hongres, mais Charles le vouloit vaincre & consumer par la longueur. Ce pendant Ieanne qui auoit esté prinse par les Hongres fut estranglée. Et lors Loys se vit n'auoir plus de mere pour la vie de laquelle il peult combattre, car ceste cause qui estoit vne cause specieuse, ou vne couleur de pieté, luy auoit porté en Italie vne grãde autorité, & falloit que de là en auant il combattit pour son Royaume & pour sa grandeur. Charles & luy parlemēterent de paix, mais ils ne se peurent accorder, & peu apres il mourut en la Pouille, l'an 1385. si pauvre qu'il n'auoit qu'une casaque, qu'on appelloit lors cotte d'armes, de toille painte sur ses armes, ayant au parauant esté cōtrainct de vendre toutes celles qu'il auoit portées de France.

Il laissa deux fils, Loys Duc d'Anjou second du nom & Comte Prouence, & Charles Comte du Maine. Loys allant avec le Roy Charles sixiesme en Auignon, fut par le mesme Clement couronné Roy de Sicille & de Hierusalem, afin qu'il eut quelqu'un qu'il peust opposer à Vrban, & à Lancelot fils de Charles, qui par les Barons Neapolitains auoit esté salué Roy. Mais la guerre de Naples fut differée à vn autre temps, & ce pendant la Prouēce estoit paisible au Duc d'Anjou. Ce Loys secōd espousa Yolland d'Aragon fille de Iean Roy d'Aragon, duquel

duquel mariage yssirēt Loys troisiēme du nom, René, & Charles. Et pour ce que le Royaume d'Aragon appartenoit à ceste femme, il y en eut de grands differens & guerres.

Quelques années apres la mort de Clement, fut esleu Alexandre, y ayant eu quelques autres Papes entre eux.

Alexādre declara Lancelot Roy de Naples & de Sicille, ennemy du sainct siege Apostolique, & en inuestit Loys Duc d'Anjou fils du premier Loys, mort à la guerre de Naples. Loys menant contre Lancelot, vne armée d'Angeuins & de Manceaux, le reduisit à telle extremité, qu'il le contraignit d'abandonner le party du Pape Giegoire, & de se mettre du costé du Pape lean. Mais il ne demeura gueres en deuoir, ains secrettement enuoya vers Alphōce Roy d'Aragon pour le prier de luy donner secours contre ledit Loys, qui pretendoit ledit Royaume d'Aragon comme appartenant à sa femme. A quoy Alphonce respondit, que Loys estoit son proche parent, qu'il ne luy auoit iamais esté ennemy, bien cōpetiteur, & qu'il ne voudroit ny pourroit aider Lancelot, mais qu'il feroit tout ce qui feroit en sa puissance pour les accorder.

Peu apres Lancelot mourut, auquel succēda Ieanne sa seur, qui ne valut pas plus que la premiere, & fut incontinent promise à Iean frere du Roy d'Aragon. Le ieune Prince partant d'Aragon en esperance d'une femme, & de se voir Roy d'un beau Royaume, de la moi-

S O M M A I R E

tié du chemin s'en retourna, entendant que Ieanne auoit espousé Iacques de Bourbõ Comte de la Marche, beau, agreable, & gentil Prince. Mais ce mariage ne fut gueres heureux, car ne pouuans le mary & la femme s'accorder sur le gouuernement des affaires du Royaume, luy voulant tout manier & estre appellé Roy, elle ne voulant ny l'un ny l'autre, il la fit resserrer en vne estroite prison, & fit punir ceux qu'il pensoit luy estre cõtraires. Ceste femme caute, dissimulant sa iuste douleur en sa fureur, fit bõne mine, & le remercia de ce qu'il punissoit les seditieux, & de ce qu'il la releuoit de la peine & du soing du maniment des affaires plus dignes de sa vertu, & de luy qui estoit vn grand Prince, que de l'imbécilité du sexe des femmes. L'ayãt par ses dissimulatiõs pipé & trompé, elle luy conseilla de faire punir les autres rebelles & sedicieux qui restoient. Lors il sembla à Iacques de Bourbon que femme ne fut iamais plus fidele enuers son mary que celle là, & la mit en liberté. Elle qui se vit auoir moyen de se venger de son mary, suscita contre luy vne coniuration de ceux qui la soustenoient, si bien qu'il fut contraint de s'en retourner en France. Durant la vie de Iacques son mary, elle ne se pouoit marier à autre, ny auoir des enfans, veu qu'ils estoient separez de corps & de volõtez. Adõc elle adopta Alphõce Roy d'Aragon, frere de ce ieune Prince, auquel premierement elle auoit esté promise. Le Pape Martin se sentit offensé de cecy, & ayant desia couronné Roy du

royaume de Naples & feudataire de l'Eglise, Loys Duc d'Anjou qui aussi tost s'empara de la Calabre, aduisa de autre costé qu'Alphonce estant en diligence venu par mer à Naples saluer Jeanne, comme mere, auoit incontinent enuoyé vers le Pape, le supplier de le receuoir à foy & hommage dudit Royaume. Ce que Martin luy refusa, disant qu'ayant trouué Loys Duc d'Anjou, receu à foy & hommage dudit Royaume par les Papes Alexandre le Quint, & Iean vingtroisiesme, il ne pouuoit moins faire que le receuoir aussi, & le recognoistre pour feudataire de l'Eglise, disant que c'estoit le deuoir du S. siege de cōfirmer ses vassaux & feudataires, non de les oster. Alphonce estant arriué à Naples, ne demeura pas longuement en la grace de sa mere, femme legere & incōstante. D'une part & d'autre coururent bruits, que tous deux faisoient l'un contre l'autre des coniurations. La ville de Naples lors se diuisa en deux factions, l'une s'appelloit la factiō Aragonoise, l'autre l'Angevine. Alphōce craignāt l'instabilité de l'esprit de ceste femme, auoit enuie de l'enuoyer en quelque lieu assez loing de la ville de Naples. Elle cognoissant bien à quelle fin tendoit cecy, ne bougeoit du chasteau. Alphonse faisant bonne mine la voulut aller voir, mais comme les deux pieds de deuant de son cheual furent sur le pont, les chaines du pont furent leuées par ceux de dedans, si que peu sen fallut que luy & son cheual ne tombassent dedans le fossé qui estoit bien creux. Cela auoit esté fait exprez par le cōmandement de Jeanne. A vn mesme in-

stant tous les Aragonois qui estoient à Naples furent mis en prison, & incontinent Sfortia vint au secours de Ieanne, & d'autre costé vne armée de mer vint de Sicille & d'Espagne, à Alphonse, qui pareillement fit emprisonner plusieurs tenans le party contraire. Estās par composition les prisonniers d'une part & d'autre renduz, la Royne reuocqua & retracta l'adoption d'Alphonse comme ingrat, & adopta Loys troisieme fils de Loys second Duc d'Anjou. Le ieune Prince bien accompagné alla à Naples, & mit au bas les affaires d'Alphonse, & la Royne pour ce bon seruice luy donna le Duché de Calabre.

Le Duc Loys le pere, second du nom, outre ce Loys, auoit trois enfans, René, Charles, & Marie, laquelle il auoit mariée à Charles Dauphin de Viennois, depuis nommé le Roy Charles septiesme, duquel mariage vint Loys vnzieme. René Duc de Bar grand oncle maternel de René, se voyant vieil, & sans enfans, le fit son heritier.

Loys second du nom l'an 1398. institua l'vniuersité d'Angers, pour la grandeur & decoration de laquelle, il impetra du Pape & du Roy plusieurs grands & amples priuileges, & plein d'ans & d'honneurs trespassa à Angers l'an 1417.

Loys troisieme son fils apres la mort de son pere, reuint en France, pour mettre ordre aux affaires de ses païs, & se trouua au Sacre du Roy Charles septiesme son beau frere, & retournant de rechef en Sicille mou-

rut peu apres l'an mil quatre cens trente trois.

René Duc de Bar son frere luy succeda. Du viuant de fondit frere, il auoit espousé Ysabeau vnique fille & heritiere de Charles Duc de Lorraine, de laquelle il eut quatre enfans, Iean, Loys, Yoland, & Marguerite.

Anthoine de Lorraine Comte de Vaudemont frere du susdit Charles, & son vassal, disoit lediēt Duché de Lorraine de droit luy appartenir par la mort de son frere, & que la fille de son frere en deuoit estre excluse, mais René deffendoit le droit de sa femme. Des parolles ils vindrent aux mains. Le Comte de Vaudemont se voyāt trop foible pour resister à René sans estre secouru d'ailleurs, se mit du costé de Philippes Duc de Bourgongne ennemy mortel des François, au lieu que René estoit fort affectionné seruiteur & parent du Roy de France. Philippes luy donna secours, avec la faueur duquel il donna à René la bataille en laquelle ledit René fut prins & mené au Duc de Bourgongne, qui le tint longuemēt prisonnier. Durant sa prison & la vie de son frere, il accorda avec le Comte de Vaudemont à telle condition que René donneroit Yoland sa fille en mariage à Ferry, fils dudit Comte. Sur ces entrefaictes Loys troisieme du nom Duc d'Anjou estant mort, & Ieanne peu apres luy pareillement, ceux qui à Naples tenoient le party Angeuin vindrent vers René, le supplier de venir à Naples, là où par les vœux & souhaits d'un chacun il estoit desiré & attendu, luy disans que la Roynne Ieanne par son testament l'auoit fait son heritier. Il

estoit encore prisonnier entre les mains du Duc de Bourgogne, & estant par la mort de Loys son frere deuenu Duc d'Anjou & Comte de Prouence, il fut mis à plus haute rançon qu'il n'auoit esté parauant. Comme il cherchoit tous les moyens qu'il pouuoit pour la payer, Ysabeau de Lorraine son espouse, femme de courage viril, accompagnée de deux de leurs enfans, Loys & Iean, alla en Prouence, là où elle dressa vne armée de mer, & René estant deliuré, contracta amitié & confederation avec les Geneuois, & aidé & assisté de leurs forces, alla à Naples, là où il fut salué Roy, & cōmença d'y mettre ordre aux affaires. Puis ayant Alphonse leué vne armée, & René ayant la sienne, ils vindrēt plusieurs fois aux mains, là où le plus souuent René auoit du meilleur, & faisoit plusieurs belles choses, auxquelles il monstroït sa vaillance & generosité. En fin son ennemy le contraignit de se reserrer dedans la ville de Naples, là où estant estroittement assiégué, & voyant la ville prinse par vne cloaque cachée souz terre, & desia pleine d'ennemis, il se sauua à Florence vers le Pape Eugene. Et de là s'en reuint en France, là où il fit plusieurs bons seruices au Roy Charles septiesme son beau frere contre les Anglois. Ysabeau sa femme Duchesse de Lorraine mourut, apres le trespas de laquelle il espousa Ieanne fille du Comte de Lual. Peu apres en l'honneur de Cheualerie, il institua à l'imitatiō des autres princes qui auoient faicts des ordres, l'ordre du croissant, duquel il se fit chef, & portoient les Cheualiers dudit ordre vn

croissant d'or au col, auquel estoient escripts en esmail blanc, ces mots, Loz en croissant.

René s'intituloit Roy de Sicille, de Naples, de Hierusalem, d'Aragon, de Valence, de Sardaigne, de Maillorgue, & de Corsegue, Duc d'Aniou, de Lorraine, & de Bar, & Comte de Prouence, & de Forqualquier, & vit mourir ses deux enfans malles deuant luy.

René outre sa fille Yoland mariée à Ferry de Vaudemont auoit vne autre fille puisnée nommée Marguerite, mariée à Henry Roy d'Angleterre, & apres la mort de ses fils, & de Nicolas son petit fils, fils de Jean son fils, se vit seulement pere de deux filles, & quelque mine qu'il fit au Comte Ferry de Vaudemont son gendre, il ne l'aimoit gueres, se resouuenant d'auoir esté troublé & inquieté au droit du Duché de Lorraine par le pere dudit Comte, & par luy guerroyé, prins, & forcé de donner sa fille au fils d'iceluy. René ne pouuoit oublier ce maltalent. Il estoit vieil, & ne prenoit plus plaisir qu'à peindre & à bastir, voulant passer le reste de ses iours en ces exercices paisibles & tranquilles. Toutesfois sa vieillesse fut inquietée par diuers accidens, & entre autres de la mort de ses enfans. Il fut suspect au Roy Loys vnziesme qui auoit soupçon de tout, & soit que le soupçon fut vray ou faux, le Roy qui vouloit faire cognoistre qu'il estoit vray, souz ce pretexte, luy osta son Duché d'Anjou. Le bon René dissimula cela modestement, & se voyant spolié de son Duché d'Anjou, se retira en son Comté de Prouence, là où il fit bastir le cha-

S O M M A I R E

steau de Tarraſcon, & ſamua à faire force peintures, à Aix, là où comme en pluſieurs lieux on en voit vne infinité. Quelque temps apres le Roy Loys vnzieſme eſtant allé à Lyon, & ayant effacé de ſa teſte ſouſpçonneuſe le ſouſpçon qu'il auoit conceu du bon René, ou pour le moins ſaignant de l'auoir oſté, mit peine de l'appaiſer. Cela luy fut aiſé, ayant affaire à vn Prince bon, vertueux, & genereux, & outre ce vieil & caduc, luy ayant la vieilleſſe apporté la ſimplicité & la crainte. René vint à Lyon, & Loys cault & diſſimulé luy fit le meilleur viſage dont il ſe peut compoſer, & cognoiſſant le naturel de René amateur des edifices, des peintures, & des pierreries, luy fit voir & cōſiderer toutes les ſingularitez des edifices de Lyon, & des peintures qui y ſont, & luy fit preſent de grād nōbre de belles pierreries. Loys iettoit vn gardon pour auoir vn brochet, car par ſes allechemens & preſens, il vouloit luy oſter de deſſouz l'aiſle, le Comté de Prouence, comme il fit, & le ſceut ſi bien gagner que ledit René, luy fit donation dudit Comté. Le contract en fut fait & paſſé aux Cordeliers de Lyon, lequel ledit René de ſa propre main eſcriuit en lettres d'or en parchemin, & l'enlumina d'or & d'argent, & de toutes couleurs, comme il eſtoit excellent peintre & enlumineur. Et ce qui eſmeut en partie René de faire ceſte donation, fut la haine qu'il portoit à ſon gendre le Comte de Vaudemont pour la cauſe ſuſdite, de l'occaſion de laquelle le Roy Loys ſe ſceut bien ſeruir en temps & lieu, pour paruenir à ſes deſſeings,

&c

& afin que, comme disent les loix, le testament ne semblaſt iniuſte, de ſpolier ainſi les heritiers directſ & naturels d'un patrimoine qui leur eſtoit deu & acquis, il donna dans ledit Comté à ſaditte fille & aux ſiens, les terres & ſeigneuries d'Orgon, & de Lambesque, qui depuis ſont venues en partage à Meſſieurs de Guyſe puisnéz de la maiſon de Lorraine. Au partir de Lyon, le bon René ſ'en retourna en Prouence, & eſtât en la ville d'Aix, laiſſa le Roy Loys onzième ſon nepueu, ou Charles ſils dudit Loys & leurs hoirs, ſes heritiers au Royaume de Sicille, & eſcriuit pareillement de ſa main ladite donation & institution en lettres d'or. Ce droit fut cauſe de l'entreprinſe du Roy Charles huitième ſur le Royaume de Naples. De ſon viuant René Duc de Lorraine, ſon petit ſils, deſſit & tua pres de Nancy en bataille, le Duc Charles de Bourgongne l'an mil quatre cens ſeptante ſix, la veille des Rois : & lors fut acheuée la prophétie de ce Docteur, qui auoit dit à Loys premier du nom, Duc d'Anjou, au ſacre du Roy Charles ſixième, (cent ans deuant, lors que Philippes le Hardy, Duc de Bourgongne & puisné dudit Loys, audacieuſement ſe mit deuant ſon frere ainé en table, dont ledit Duc d'Anjou fut offenſé) que deuant que fut cent ans de là, la race dudit d'Anjou extermineroit celle dudit Philippes, comme il aduint.

Le bon Roy René mourut à Aix en Prouence l'an mil quatre cens oitante. Apres ſa mort le Duché d'Anjou, par droit de reuerſion des Apannages, reuint à la couronne au temps du Roy Loys, qui en fut Duc, & à

SOMM. HISTOIRE D'ANIOV.

luy mort, l'an mil quatre cens octante trois, succeda Charles huiëtiefme son fils, qui fut aussi Duc d'Anjou. Charles huiëtiefme trespassa l'an mil quatre cens nonãte sept. Et Loys xij. fut apres luy Roy, & Duc d'Anjou, & à Loys mort l'an mil cinq cens quinze, François premier du nom fut Roy, lequel à son aduenement à la couronne, donna le Duché d'Anjou à ma Dame Loyse de Sauoye sa mere, Regente en France.

Le Roy Henry, fils du grand Roy François, venant à estre Roy, fut aussi Duc d'Anjou. Il laissa quatre fils, François Roy apres luy : Charles Maximilian aujourd'huy Roy, lors Duc d'Orleans: Alexandre, aujourd'huy nommé Henry, lors Duc d'Angoulesme, & depuis nommé Duc d'Orleans apres la mort du Roy François second, & aujourd'huy Duc d'Anjou: & Hercules, aujourd'huy nommé François, lors Duc d'Anjou, & aujourd'huy Duc d'Alençon.

Les Duchez des puisnez ne leur estoïët encores donnez qu'en tiltre, e stans lors encore enfans: & depuis estãs deuenus grands, leur ayant le Roy dõné leur Appannage assure, ledit Monseigneur Henry, frere du Roy, a eu entre autres Duchez ledit Duché d'Anjou, dõt il porte le tiltre & le nom, & duquel l'histoire sera descrite à part.

FIN DE L'HISTOIRE

SOMMAIRE D'ANIOV.

